

11000

IOANNIS
BARCLAI
ARGENTINENSIS.



*Coll.
Nobl.
Casal.*



*Romani
Lec.
1714.*



PARISIIS,
Apud NICOLAVM BVON, in via Iacobæa,
sub signis S. Claudij, & Hominiſ Silueſtris.

M. DC. XXI.


Cum Privilegijs Summ. Pontif. & Regis Chriſtianiff.

B. S

ALL RIGHTS RESERVED

1878

1878





SERENISSIMO

ET POTENTISSIMO PRINCIPI

LVDOVICO XIII.

GALLIÆ ET NAVARRÆ

Regi Christianissimo, &c. f

IO. BARCLAIVS S.D.



*Ovo isti generi scrip-
tionis, nec forsitan
in Latinis antea viso,*

LVDOVICE Rex
Christianissime, ut

*faucas ipse, & fauoris publici viam
regiâ humanitate aperias, facile po-
teris exorari. Nunquam enim hec
bella, hos casus, regnorumque dis-
crimina, & amores pudicæ iuuen-*

tutis, quos habet iste liber; Tu illo
flore ætatis, illâ viuide indolis læticiâ,
tam capaci ad seria & remissionem
ingenio contemnes. Videbis virtu-
tum vitiorumque certamina, nulli-
bi quàm vestris in Aulis atrociora.
Despicias quid indulgentia Regum
peccauerit, quidve audacia. Oderis
publicæ paci infestos, gaudebisque
muletari; Tuas sæpè virtutes repe-
ries; Tua in aliis Heroibus simplicius
facta miraberis; Popularem deni-
que tuum, tot fatis, tot hostibus ex-
ercitum Poliarchum, ipsâ virtutis
& dignitatis similitudine habebis
chariorem; Nec pollues sanctitatem
fame tuæ, quæ Te virum & Regem
ab inassueti candoris fortitudine ce-
lebrat, si amabis Argenidem. Satis
denique se hic liber Tuae Maiestati
probabit, si intelliges, in illo aliquot
Principum laudes referri. Tuâ enim

interest, ut qui tot historiarum ma-
teriam Orbi daturus es, iam nunc
literis faueas Regum vitam quacun-
que ratione narrantibus; Ibunt
Musæ, exemplo licentiæque quam
feceris, per Optimatum domos, mis-
cebuntque se iuuentutis colloquiis, &
proiectiporum seria utilissimè exco-
lent. Nec aliud ingerent sæpius quàm
tui nominis dotes, in quo omnia ad
eternitatem famæ conspirant, nobi-
lissimo regno, & indole nobiliori.
Nam altissimâ Europæ in scenâ, so-
lio emines gentis illius quæ nunc ar-
mis peragrauit arcana Orientis ad-
huc Francicum nomen horrentis;
nunc vicinioribus bellis eo fato effer-
buit, ut regiones agrè reperias quæ
non aliquando Gallicæ gloriæ ditio-
nique accesserint; cuius denique vi-
ribus, ubi ipsa sibi consentit, nihil
nimium est, nihil imperuium; quæ

autem pietate, & religionum amore
præcipua, nescit posse quod posse
non debet. Iam verò iis Tuam
Maiestatem moribus numen finxit;
iis casibus pueritiam & iuventutem
Tuam erudiit, ut videatur ali-
quid à fortunâ Tuâ maius Gal-
lia expectare, quàm dederit ipsa
Tibi. Eo enim parente es genitus, qui
vel confessione hostium, sæculi sui
summus, Magni cognomen ferre
vix debuerat, quod Vos modestius
extincto addidistis. Tali scilicet au-
thore ingenerari debuit Tibi vir-
tus, & ad gloriæ successionem cupi-
ditas inferi. Is autem vix octuenni
Tibi raptus; Quippe hoc modo elu-
cere optimè potuit numinis cura Tue
Majestati propitia, propriæque
virtuti seges dari, ne omnia Patri
deberes. Nam eo sublato motus sen-
sim exarsere in Gallicis animis ple-

rumque ad vicariam contumacibus
potestatem, & mox arma ciuilia;
dum Tu, Nobilissime Regum, iam
virilis conscius sensus properares e-
natare ex pueritiâ ad etatem firmio-
rem. Prauenisti tandem annos, mo-
mentoque composuisti patriam penè
euerfam. Sed ut crebrioribus trium-
phis tua se fama per hominum ora
inueheret; saepe deinde arma gentilia
nouis ac penè anniuersariis tumulti-
bus exsonuere; totiesque oppressisti
factiones hoc ipso stupentes, quod
præter spem Tui vindex adesses. Iui-
sti, circumtulisti regia signa, denique
pugnauisti. Illico multis ceciderunt
sponte arma, multis excussa sunt.
Hi Tuam virtutem amauerunt, illi
timuerunt fœlicitatem. Tu verò
magnitudine animi effecisti, ut om-
nes dubitent plus fuerit in fortitu-
dine an clementiâ tuâ. Victor enim

ēas ut plurimū leges scripsisti, propter quas vincere isti voluerant.

Ceterū quamquam imbutus regiā armorum voluptate, non his tamen plus iusto indulgens, passus es belli malis pacem esse infestam; nec acrior sceptri vindex fuisti quā, deinde salutis singulorum; impio more sublato, qui iubebat Gallos tuos leuibus inter se rixis commissos, passim iugulum suum dare, aut petere alienum. Hec atrox & pestilens lues tantum Gallici cruoris exhausit; ut vix plura gladiatorum paria olim Romanorum arena conspexerit. Usu quoque & famā populari inualuerat insania; quia illi vitio ex virtute, sed corruptā, erat semen. Quoties tota stirpes excise? quoties emeritorum patrum senium, aut ignaram miseræ prolis pueritiam hæc furia orbauit? An spes esset adeo ef-

ferum morem, qui multorum toties
Regum, & ipsa maximi tui Patris
edicta; contumaci audaciâ eluserat,
ad Tuae adolescentiæ vocem expira-
turum? Voluisti; sed non perfuncto-
rio nutu: Strinxisti auctoritatis tue
arma; haud mora confectus est. Ad-
dat Numen Tuae vite illos annos
quos à iuuentute Gallicâ perire ve-
tuisti. Tibi illa seruabit, & si Tuae
Maiestatis, & patriæ res expos-
cent, spiritum reddet, quem priuata
& intempestiua odia, nisi cauisses, ge-
minatâ morte mersissent.

Magna hæc quidem, Rex Chrie-
stianissime, pace bellôque laudes. Ad-
huc tamen mihi intactum est quod
in tuis præconiis potissimum eminet;
Religionis cura, Numinis cultus;
subactæ provinciæ ut sanitatem pati
incipiant; & in ultimâ illâ ad Ibe-
riam Gallia orâ, templis reddita sa-

*cra, sacris Pontifices, Pontificibus
securitas. Sed hac magna maioribus
factis deles. Quos non quotidie tri-
umphos tuos audimus? quos non
indies expectamus? Quosunque Re-
ligionum aut Regum cura tangit,
mirantur, obstupefunt, se felices
existimant, quod tuo seculo vivunt;
plurésque vero affectu congerunt in
Majestatem tuam laudes, quam
adulatio in immeritos Principes so-
let.*

*Dum hac scribo, dum plura quæ
scribam occurrunt, vix mihi habeo
fidem de annorum tuorum pauci-
tate. Nam veræ hæ laudes multis
celebrium Principum ad Senectū-
tem suffecerint. Tu porrò adhuc stas
in iuventutis exordio; Nec parces ad
illum cumulum laureas addere, di-
vina indolis Princeps, ac quod fæli-
cissimum in Rege est, labore atque cu-*

ris à pueritiâ exercita. Vt hic ergo
verissima triumphus gloria per poste-
ritatis seriem inoffensos agat cursus,
ineundum est cum literis fœdus; quò
et illis præsens faueas, & Tibi illæ
aliquando absenti æternum, parẽm-
que virtutibus tuis locum inter He-
roas constituent. Parum enim est in
hominum memoriâ, si eam non ve-
tat consensescere scribentium fides.
Hoc Orientis domitor Alexander,
hoc Cæsar, hoc veterum Regum no-
bilissimi sensere; nec aliam speraue-
runt triumphis suis sortem quàm
quæ ex eruditorum favore contigis-
set.

Magis anxie de literarum præstan-
tiâ ad alium scriberem, Augustissi-
sime LVDOVICE. Sed diu est quòd
mutuis beneficiis Reges Christianis-
simi cum ijs cõiunxeris. Scimus totius
Orbis bono quantum Musis regnum

*sit in Franciâ tuâ ; qua duplici quo-
que nomine Tua Maiestati deuin-
cta sunt. Nam præterquam quòd
Regum liberalitate, curâ, hortatu,
nunc in Galliis pulcherrimè vigent ;
Italia quoque Mediceorum Princi-
pum munus agnoscit, eas à patrum
veterno excitatas : quam laudem
Serenissîma illa gens pulcherrimo
studio augere non desinit. Ita pater-
no atque materno iure, Tu patrô-
nus literarum, Tu omnes amabis.
Sed hîc arctiùs liber, Christianissîme
Rex, à Tua Maiestate expectat fo-
ueri, quem multiplici suauiorum
Musarum mixturâ regij amores,
regia odia, spiritus denique regij im-
plent. Vale. Roma. Kal. Iul.
M. DC. XXI.*

Priuilegium Summi Pontificis.

GREGORIVS. PP. XV.



AD FUTURAM REI MEMORIAM.

Cum sicut accepimus, dilectus filius Ioannes Barclaius cubicularius noster opus quoddam *Argenis* inscriptū à se compositum in lucem edere intendat, & vereatur, ne postquam in lucem prodierit, alij qui ex alieno labore lucrum quaerunt, id ipsum opus imprimi facere

curent in ipsius Ioannis prauiudicium; Nos eius indemnitati, ne ex impressione huiusmodi aliquod dispendium patiatur, providere, illiūque specialibus favoribus, & gratiis prosequi volētes, & à quibusvis excommunicationis, suspēisionis, & interdicti, aliisque ecclesiasticis sententijs, censuris & poenis à iure, vel ab homine quauis occasione, vel causa latis siquibus innodatus existit ad effectum presentium duntaxat consequendum harū serie absoluentes, & absolutū fore censentes, supplicationibus ipsius Ioannis nomine nobis super hoc humiliter porrectis inclinati, eidem Ioanni vt decennio proximo à primaua dicti operis, dūmodo tamen antea à dilecto filio Magistro sacri palatii apostolici approbatum sit, impressione computat durante, nemo tā in vrbe quā in reliquo statu ecclesiastico mediatē, vel immediatē nobis subiecto opus praedictū sine speciali dicti Ioannis, aut eius herediū & successorū, vel ab eis eam habentiū licētia imprimere, aut ab alio, vel alijs impressum vendere, seu venale habere, seu proponere possit, & valeat apostolica auctoritate tenore praesentium cōcedimus, & indulgemus. Inhibētes propterea vniuersis & singulis vtriusque sexus Christi fidelibus, praesertim librorum impressoribus sub quingentorū ducatorū auri de Camera, & amissionis librorū, & typorum omnium pro vna Camera nostrae apostolicae, ac pro alia eidem Ioanni, ac pro reliqua tertijs partibus accusatori, ac iudici exequenti irremissibiliter applicandi, & eo ipso absque vlla declaratione incurrentibus poenis. Ne dicto decennio durante opus supradictum, aut aliquam eius partē tam in vrbe, quā in reliquo statu ecclesiastico sine huiusmodi licentia imprimere, aut ab alijs impressum vendere, vel venale

habere, seu proponere quoquo modo audeant, seu præsumant. Mandantes propterea dilectis filiis nostris & Apostolicæ sedis de latere Legatis, seu eorum Vicelegatis, aut Præfidentibus. Gubernatoribus, Prætoribus & aliis Iustitiæ ministris, Prouinciarum, Cinitatum, Terrarum, & locorum status nostri ecclesiastici prædicti, quatenus eidem Ioâni, eiusque heredibus, & successoribus, seu ab eis causam habentibus huiusmodi in præmissis efficacis defensionis præsidio assistentes quandocumque ab eodem Ioanne seu aliis prædictis fuerint requisiti, pœnas prædictas cõtra quoscumque inobedientes irremissibiliter exequantur. Non obstante constitutionibus, & ordinationibus Apostolicis, ac quibusvis statutis, & consuetudinibus & iuramento confirmatione Apostolica, vel quauis firmitate alia roboratis, priuilegiis quoque, indultis, & litteris Apostolicis in contrarium præmissorum concessis, confirmatis, & approbatis, cæterisque contrariis quibuscumque. Volumus autem, quod præsentium transumptis & in ipso opere impressis manu alicuius Notarij publici subscriptis, & sigillo alicuius personæ in dignitate ecclesiastica constitutæ munitis eadem prorsus fides adhibeatur, quæ ipsis præsentibus adhiberetur, si forèt exhibitæ, vel ostensæ. Datum Romæ apud Sanctam Mariam Maiorem sub Annulo Piscatoris, die xiii. Iulij
 * M. D C. X X I. Pontificatus Nostri Anno primo.

S. CAR. S. SVSANNÆ.

Transport dudit Priuilege à N. Buon.

LE sous signé fais soy que j'ay permis & permets au sieur Nicolas Buon marchand Libraire en l'Vniuersité de Paris, d'imprimer & vendre en tout l'estat Ecclesiastique vn mieu liure intitulé *Argens*, selon le priuilege qui m'en a esté concedé par nostre S. P. le Pape en datte du xiii. Iuillet de ceste presente année, sans vouloir qu'autre que ledit sieur Buon jouisse de ce priuilege. Escrit & signé de ma main à Rome le 28. Iuillet 1621.

JEAN DE BARCLAY.

PRIVILEGE DV ROY.



O V Y S par la grace de Dieu Roy de France & de Nauarre, A nos amez & feaux les Gens tenans nos Cours de Parlement de Paris, Thoulouze, Roien, Bourdeaux, Dijon, Aix, Grenoble & Bretagne, Baillifs, Preuosts, & Seneschaux desdits lieux, & à tous nos autres Officiers, Salut. Receu auons l'humble supplication de nostre bien amé Nicolas Buon, l'un de nos Libraires & Imprimeurs en nostre Vniuersité de Paris, disant qu'il a recouuert vn liure tres rare, intitulé *Iouanis Barclaij Argenti*, lequel ledit suppliant desireroit imprimer; tant en langue Latine, comme d'Autheur l'a composé, qu'en langue François, selon la version qui en sera faicte par personne capable: Mais il doubte qu'autres Libraires & Imprimeurs que luy ne voullussent faire le semblable, & le frustrer par ce moyen de ses labeurs, frais & despeses. Sous ombre de quelque particuliere addition, version & traduction, ou autre couleur dont ils pourroient prendre pretexte, au grand preiudice dudit Exposant, si par Nous ne luy estoit pourueu, & permis iceluy imprimer. Pour ces causes, desirant iceluy Exposant n'estre frustré de ses labeurs, frais & despeses; Luy auons par ces presentes permis, & permettons pouuoir imprimer ou faire imprimer & mettre en lumiere, vendre & distribuer par tout nostre Royau-me & terres de nostre Obeissance, ledit liure & version d'iceluy en François, en toutes les formes & marges qu'il verra bon estre, faisant tres expresse inhibitions & deffences à tous autres de quelque qualité & condition qu'ils soient ou puissent estre, d'imprimer ou faire imprimer, vendre & distribuer ledit liure, ny mesme sous pretexte de quelque version, & traduction, addition, changement, ou quelque autre forme & desguisement que l'on vouldroit prendre & y apporter en quelque maniere que ce soit, ny en Latin ny en François; sinon de ceux qui auront esté imprimez & seront faicts par ledit Buon & de son consentement, pour le temps & espace de dix ans entiers, à compter du iour que ledit liure aura esté acheué d'imprimer en Laun &

en François. Declàrans dès à present comme pour lors, tous les autres exemplaires de quelque sorte & maniere qu'ils soient ou puissent estre, acquis & confisqueés audit Buon, qu'il pourra faire saisir par Officiers de Justice en quelques lieux qu'ils puissent estre trouvez, nonobstant oppositions ou appellations quelconques, & sans preiudice d'icelles. Voulans en outre que les contreuenans soient condamnez aux dommages & intereſts dudit Buon, & de telle amende arbitraire qu'il appartiendra, comme contreuenans & infraſteurs de nostre vouloir & intention. Si vous mandons, & à chacun de vous commettôs endroit soy, si comme à luy appartiendra, que de nostre present Priuilege, & de tout le contenu en iceluy, vous faictes & souffrez iceluy suppliant iouïr & vser plainement & paisiblement, ensemble ceux qui auront charge de luy, & à ce faire souffrir & obeïr, contraigniez tous ceux qui pour ce seront à contraindre par toutes voyes deuës & raisonnables. Et en mettant par ledit suppliant au commencement ou à la fin dudit liure, le contenu ou l'extrait du present Priuilege; Voulons qu'il soit pour deuëment signifié: & à la charge qu'iceluy Buon mettra deux exemplaires dudit liure en blanc dans nostre Bibliotheque, à peine de descheance du fruct du present Priuilege: Car tel est nostre plaisir. Donné au Camp de Saint Jean d'Angely le troisieme iour de Iuin, l'an de grace mil six cents vingt & vn, & de nostre Regne le douzieme.

Par le Roy en son Conseil,

LAMY.

Scellé du grand Sceau
de cire iaune.

Acheué d'imprimer pour la premiere fois le 31.
iour d'Aoust mil six cents vingt & vn.



IOANNIS
BARCLAI
ARGENIS.

LIBER I.



ONDUM Orbis ado-
rauerat Romam, non-
dum Oceanus decesse-
rat Tybri, cùm ad o-
ram Siciliae, quà flu-
uius Gelas maria subit,

ingentis speciei iuuenem peregrina
navis exposuit. Serui ope nautarum
cultum domini militarem ex alto com-
portabant, suspensòsque per præcin-
cta ilia equos demittebant ad littora.

Ille insuetus nauigij malis, procubuerat in arenam, quærebátque circumactum pelagi erroribus caput sopore componere: cùm acutissimus clamor primùm quiescentis mentem implacida imagine confundens, mox propiùs aduolutus somni ocium horrore submouit. Sylua erat in conspectu, raris quidem, sed in ingens spacium effusis arboribus, subter quas tumuli, fruticum dumorúmque caligine, velut ad insidias surrexerant. Hinc repentè in campum erumpit fœmina optimi vultûs, sed quæ corruerat oculos fletu, sparso quoque in funebrem modum crine terribilis. Incitatus verberibus equus non sufficiebat in cursum effusæ, nec mitiùs quàm in Phrygio aut Thebano furore vlulanti. Concussere illico iuuenis mentem præter fauorem in miseros pronum, etiam reuerentia sexûs, gemendique atrocitas: Omen quoque in spectaculo captabat quod in-

tranti Siciliam primum occurrerat. At illa, vbi potuit exaudiri; ô quicunque es, si virtutem, inquit, amas, ah succurre Siciliæ, quam in fortissimo viro prædones nefarij oppugnant. Nec diu me orare patitur instans malum; nec leuiter deprecari pro Poliarcho possum, quem non hinc procul grassatorum ferox turba circumfedit improuiso facinore. Ego inter tumultum effugiens, te primum opportunè, nec plus forsitan in illius salutem quàm in gloriam tuam vidi. Hos quoque (nam dum ipsa loquitur serui accesserant) seu iuberi seu rogari à te fas est, prouoca ad egregiæ pietatis officium. Hæc vt mulier inter anhelitus & suspiria effudit, ad galeam ille ensẽmque respexit: & dum equum ministri admouent; ego, inquit, ô matrona, modò in Siciliam veni. Liceat hætenus homini extero nomen Poliarchi ignorasse. Sed fortunæ beneficium debebo, si qualem memoras stre-

num virum meo aduentu leuari voluerit. His dictis in equum exiliit, & duceret ergo iussit. Serui omnino duo erant. Vnus, & ipse armatus, dominum sequebatur; alius præsidio sarcinarum quæ colligi tam turbulentâ profectio-
ne non poterant, mansit in littore.

Iàmque peruenerant ad syluæ confinia; cuius aditus in semitas variè sectus memoriam mulieris sic confudit, vt dubia quâ quæri Poliarchum oportet, nouis gemitibus cælum impleuerit. Ambigebat tanto fletu territus hospes, an progredi præstaret, an hæ-
rere; cùm strepente subitò sylua, clamor, & arma, & venientium equorum vestigia mentem ad præsentiora pericula aduertunt. Quippe tres armati veniebant, admissis habenis incitati, nudo ferro, vultuque aliquid ingens vel auso vel timente. Veritus ille insidias, & vt in subitis quæ timeri vix debent occurrunt, de matronæ fide sollicitus,

exigit, hinc essent in quos pugnari ipsa vellet; simul digitis in amentum aptatis, hastam, quam nemo violentius torquebat, in venientium dirigit ora, ne inultum occuparent. Sed hi fugam, non bellum adornabant; diuersisque itineribus properabant elabi victori. Nam vrgebat fugientes vnus ille Poliarachus cui tam prolixè matrona timuerat. vltimúmque assequutus ita cecidit, vt per caput ceruicémque continuatum vulnus ad pectoris ima deduxerit. Hoc collapsó cùm peruicaciùs inueheretur in cæteros, humus scrobibus inæqualis deprehendit equi vestigium, qui dominum celeri quidem, sed innoxio casu, effudit in gramen. Subitòque matrona, (nam Poliarachum agnouerat) ex equo ad iacentis auxilium se aduoluit. Sed ille non lapsu, non vulneribus grauis, quæ duo acceperat, ne omisso quidem ense prosiliit. Cúmque ex Timocleâ (id mulieri erat

nomen) audisset, vt ipsa in peregrinum iuuenem incidisset, quàmque ille humanus promississet auxilium, haud mora ad eum tanti beneficij gratias habiturus conuertitur. At ille iam equum reliquerat, priórque loquutus Poliarcho, Si dij voluissent, vir fortissime, inquit, me antehac tuæ virtutis conscium esse, istius matronæ lachrymas accusassem, quæ coëgit vt veniam petere debeam, quòd tibi tanto viro auxiliari voluerim. Tres armatos in fugam à te versos, quamuis est eximium, minùs tamen mirarer, nisi me illa vis quâ ex ijs tardiozem mulctauisti, admoneret quàm iustus omnes terror in fugam abstulerit. Poliarchus & ipse blandissimus, egit gratias properati auxilij; neque suæ virtuti, sed grassatorum ignauix aiebat tribuendum, quòd illi fugissent.

Inter hæc verba in amplexus abierunt; & salutatione mutuâ functis non

modò quid dicerent, sed & cui loquerentur, vacauit cogitare. Tunc igitur alterius forma ad oculos alterius tota peruënit; & hæfere mutuâ contemplatione perculsi, id quisque miratus in alio quo ipse vicissim mirantem rapiebat. Ætas, forma, habitus, & arcanus luminum vigor; pares anni, & quamuis in diuersis frontibus vna maiestas. Cum tanta specie monstrum erat fortitudinem conuenisse. Neque minùs Timoclea fortunam adorabat, quæ tantum par mirabili occurſu coëgerat. Votum etiam fecit, si per eosdem liceret, se tabulam, in quam pictor vultum vtriusque tranſtulisset, Erycinæ Veneris templo daturam. Et quamquam varij casus distulere id votum, eo tandem se exoluit, his carminibus, ad oram tabulæ insertis:

Sic roseis stat forma genis, sic frontis honora

Fulget apex, tales accendunt lumina flamma.

*Humanum ne crede decus ; non pulchrior
altos*

*Phæbus agit currus. Non unquam sydere
tanto*

Oebali j micuere Dei , quos nauta solutis

*Puppibus , & iam-iam vincentibus inuo-
cat undis.*

*Nec tu Lemniacis Mauors formosior ar-
mis*

*Fræna quatis , Paphiisve soles mitescere
blandus*

*Cultibus , ab misero tantum metuende
marito !*

Cum deinde Poliarchus collegisset se ab hospitis vultu, matronam familiaris intuitus, in illius exanimata ora ludebat, maximè quod in latera atque tergum dissipati tanquam ad rogi crines iacerent. Rogabat quoque per iocum, an incidisset in Satyros. Timoclea autem simplici risu ; ne hos putes, Poliarche, desperatione diuulsos. Fugam inter virgulta præcipitabam tuo peri-

culo conterrita, cum obuersantibus ramis solutus est verticis nodus, & profluentem comam laxauit. Dum loquuntur, libertus interim Poliarchi, duoque Timocleæ serui, qui aberrauerant, superato callium flexu, haud procul à dominis emerferunt ex nemore. Sola Timocleæ ancilla iam deerat: sed & hanc procul vident puido equo non benè moderari, & inutili virgâ cum clamore ferire contumacem. Satis illi in conspectu huius scenæ iocati, procurrunt hilares ad trementis auxilium. Interim hospes Poliarchum rogabat, quæ illæ in eum insidiæ, quisve grassator: an odia, an prædæ cupiditas, tanti facinoris audaciam nefarijs fecisset. Sed matrona sermonem occupauit, & vtrique necessaria quies est, inquit; huic à mari, alteri à pugna venienti. Neque hinc longè prædium meum. Illic rectiùs erit vobis; habebitisque leuandis corporibus, & mutuis sermonibus locum. Non æ-

grè annuerunt tam commodè admo-
nenti; famulóque recepto qui sarcinas
ad littus seruabat, viam omnes exor-
sunt.

Iam penè ad familiaritatem initiati
iuuenes erant, docebátque quærentem
hospitem Poliarchus, primo mane se è
regijs castris egressum; Agrigentum pe-
tere negotij causâ: Per viam occurriffe
hanc Matronam in aulâ notissimam,
quæ à Regis filiâ redibat. Aliquo fato
seruos (vt incuriosi ibant) per viarum
amfractus diuertisse in syluâ. Timocle-
am vnâ cum suâ anu in eadem secum
semitâ perseuerasse; cùm obliquo ad
latus itinere processerunt quinque la-
trones, & in se vnum tot equos effude-
runt. Matronam suo & equi pauore di-
uertisse, & fœlicissimo errore ad tanta
humanitatis hospitem esse delatam. Fa-
ris autem, & prædonum scelere factum
(inquit) quod primo impetu omnium
in me iectus incassum cecidere, suffecit-

que cædi illius qui primus occurrit, iaculum quod habebam. Conferto deinde certamine vnus dexteri mei cruris modicam partem libauit; alius ferrum leui vulnere adegit ad latus: Quem ego indignatione cōcitatus postquam meo dolori immolaui, aliúmque læsi in capite, infœlici flagitio territi omnes habenas verterunt; vt nec mihi liqueat, fœdiúsne aggressi sint scelus, an fugerint. Tunc quoque vnus celeritatem sic præcepi, vt sub vestris oculis dederit pœnas. Duos qui supererant, ipsi vidistis vt mihi equi casus fugientes subduxerit. Qui illi sint, nec suspicari possum, nisi ex Lycogenis castris latrones, qui vel obseruabant mea itinera, vel omnino per syluam ituris imminebāt.

Hæc loquente Poliarcho, iam ad prædium matronæ peruenerant, quod non procul Phthinthiā, ad ripas Himieræ, hinc alueo fluminis cingebatur, illinc arbuſtis inter se implicatis, & lentato

vimine miscentibus nexus. Ipsam domum laterculo conditam, & in altum porrectam, latè fluminis camporumque oblectabat spectaculum. Sylva quoque, & in proximo colles, commendauerant situm. Familia ampla, & ex dominæ moribus casta; quæ elato pridem viro, integerrimâ famâ claritatem stirpis adauxerat. Hæc tunc mutuis inter hospites sermonibus finem imposuit, officiosè obsecrans, ne offenderentur tenuitate hospitij. Successere illi in tectum; inuitauitque matronæ humanitas, & prouectæ lucis tempus, vt illic pernoctaturi ad cœnam promitterent: quæ dum à familia curatur, interim Poliarchus delibuto aceto vulnera lauit, ne tumore arderent, oleoque deinde quod Ascyri floribus tinctum erat permulsit; securior notis inemptisque remedijs, quàm in Medicorum fide iniquissimam mercedem ex superuacua curationis morâ interdum captantium.

Discubuerunt deinde in triclinium cœ-
 na perlata; ritèque insinuatis sermoni-
 bus non dubitauit Timoclea quærere
 ab hospite, quo nomine quæve patriâ
 esset; an præterea consilio, vel errore,
 appulisset ad insulam. Ille se ab Africâ
 patriâ suâ, venire respondit; nomen, ac
 genus, dissimulari eos velle, quibus in se
 arbitrium erat; dum redirêt, Archom-
 brotum iussisse appellari: Neque se ad-
 uersis actum ventis; sed in Siciliam cur-
 sum fuisse, vt consortio fortium viro-
 rum frueretur, quos apud Regem viue-
 re fama vulgauerat. Nihil magis Poliar-
 cho, aut Timocleæ mirum fuit, quàm
 quòd ille ab Africâ tanti candoris vul-
 tum afferret. Non reflexa tumuerant
 labra, non coacti in orbem oculi sub
 fronte recesserant. Ingentis quoque a-
 nimi specimen erat, quòd amore virtu-
 tis extra patriam trahebatur.

At ille soluto conuiuio interrogare
 Poliarchum magnopere cœpit, vnde

infesta latrocinij Sicilia esset : Quis ille
Lycogenes, de cuius castris suspicio erat
esse prædones qui in illum inuaseraut ;
quis denique regni status, quæve bella
vrgerent. Poliarchus iam remotis arbi-
tris, (quippe ad quietem secesserant,
placueratque vna ambobus cella) Mul-
ta virtutes, inquit, in vitia, Archombro-
te, degenerant ; & quod magis est, sæpe
videas eosdem affectus, pro temporum
forte, nunc virtutes esse, nunc vitia. Me-
leander, quod opinor non ignoras, pa-
ternum auitumque Siciliae regnum te-
net, mitissimi ingenij homo ; sed qui
non sæculo, non hominum moribus æ-
stimatis, ita cæterorum fidei credidit, ut
sibi credi par esse ex virtute sentiebat.
Illum quoque existimem nimia fœlici-
tate laborauisse. Nam sub initia imperij,
quia pacata omnia erant, palàm cupidi-
tates soluit, lenes quidem & multis Prin-
cipum familiares, quæ tamen facilem
prodiderunt, nec in iniurias idoneâ se-

ueritate acrem. Indulgere plus iusto ve-
 natui, in cuius varia genera annum di-
 stinxerat. Non consilio amicitias forti-
 ri, impetúque eas colere; largiri im-
 modicè, horrere à negociorum summâ,
 quam plerumque infidis credebat. Vti-
 nam, hospes, sileri hæc possent. Sed ma-
 lo synceris indicijs, quàm iniquitate fa-
 mæ rem omnem deprehendas. Nam
 omnia hostes vrgent, attolluntque in
 peius. Et hinc optimo Regi malorum
 omnium causa; inuidiâ præcipuè &
 ambitione Lycogenis, regiis erroribus
 perfidiosè imminenti. Is priscis Regi-
 bus suæ stirpis authoribus ferox; nun-
 quam secundi gradûs satis patiens fuit;
 vir manu & consiliis strenuus, solertissi-
 mè populo blandus; cæterùm nemini
 mortalium, crudelitate, perfidiâ, & quo-
 tidis tutò licet, superbiâ concedit. Haud
 ægrè apud Meleandrum candidissimæ
 virtutis principem fefellit pro amico.
 Dúmque Rex animum curis exonera-

tum ocio pascit, iste suæ factionis hominibus curiam implet, publica munera, veluti sui iuris, amicis distribuit, ne qua deinde pars regni sana esset.

Iámque furor, & ambitus, arma Lycogeni tantum non publicè in Regem induerant. Serò, & propemodum strepente iam bello, excitatus Meleander, cœpit nominis sui, & causæ propter quam purpuram accepit meminisse. Magnitudine animi nemini Regum inferior, acri ingenio, prudentiâ quoque eximius; & qui aliter capi non potuit quàm suâ bonitate: quæ dotes maximè in eo enituerunt, ex quo alienis vitiis ad suas virtutes coactus est. Quamquam tamen malè cogitare Lycogenem constabat, ius suum exequi in eum aliquandiu distulit. Satis visum si occuparet consilia hostis, & vires accideret. Sæpè quoque extorquere pœnitentiam ab ingrato seu speravit, seu meruit. At Lycogenes hoc
ipsum

ipsum indignatus, aliquem esse qui posset ignoscere, palàm in eum est inuectus. Animos maximè dabat, quòd Rex filia quam vnicam habet, tantæ hereditatis fortunam destinat. Quis crederet? Archombrote. Eam rapere in violentum coniugium iste adortus est. Arx est ad Alabi fluuij ostium, in quâ Regis filia seruabatur. Illuc furtim sicarios immisit qui puellam & Regem in his fortè munitionibus pernoctantem ad se perducerent. Credidit Meleander ope Palladis factum, vt insidia in se filiàmque, exitum non haberent. quippe grassatores in ipso facinore oppressi sunt. Itaque omnibus grati animi signis remuneratus est deam. Nam & in nummis iussit noctuam effingi, & seu diis faciat, seu in conuiuiis remissio inuitet, non aliam quàm ex olea coronam capiti suo imponit. Illud quoque illustrius, quòd filiam, donec in matrimonium detur, Deæ

aris præfecit. Videbis, Archombrote, quoties nundinæ redeunt, Sacerdotij infulis cinctam, videbis inter choros Sacerdotum virginumque operantem Numinis sacris. At non tanta hac indeos pietas bellum remouit. Nam inexcusabile Lycogenis crimen non subita quidem, sed ingens, & veluti matura defectio sequuta est.

Is in titulum belli res publicas & priuatas prætexens, nunc se infontem ab Rege prodicionis insimulari querebatur; destinarique suppliciis; nunc populi iniurias proclamabat diutiùs ferri non posse, & publicis armis coercendam tyrannidem eorum qui Meleandrum ad sæua consilia agebant. Factione & clientibus valebat. Oloodemus, Eristhenes, Menocritus, præcipuarum prouinciarum rectores cum eo consenserant. Multi leuis animi vitio in Meleandrum acti sunt; plures contribuere se rebellibus, capti

disimulatione Lycogenis prementis
vitia de more tyrannorum. Aderat
ergo superbus, pugnâque posce-
bat. Neque Rex certamen detrectauit,
& ipse ingenti exercitu succinctus.
Decimus quintus dies est, ex quo non
procul hinc in Gelois pugnauius
campis. Acris acies fuit, non his lan-
gaidiûs pro scelere, quàm nobis pro
publicâ salute cernentibus. Tandem
imminente iam nocte, inclinauit ad
Regem victoria. Et Lycogenes palan-
tibus suis, receptui signum dedit, vt
pro fugâ species esset militaris obse-
quij. Nec Melcandro consilium fuit
instare percussis, siue ciuili sanguini
parcebat contētus vicisse, siue noctem
& insidias verebatur. forsan & timuit,
cùm Optimatum apud se præcipui fa-
uerēt Lycogeni, suspectarum manuum
simulationem in extremam fugientis
perniciem experiri. Quippe Lycogenes
suos omnes ad aperta facinora non

eduxit. Haud pauci sunt circa Regem, læuis auersisque animis, & illinc quidem militant, isthinc fauent. Sic infesta omnia Meleandro; infidæ purpuratorum sententiæ, consilia ad hostem delata, neque domi quàm in campis periculosiores insidiæ. Itaque quamquam campum obtineret, quem pugnando hostes institerant, tamen ad pacis consilia animum adiecit. Nec victoriæ suæ fîsus, tanquam adhuc integro bello mansit in castris. Post priuata hinc illincque commercia, Legati Lycogenis ad Regem perueniunt, specie impetrandæ occisis sepulturæ, re autem vt de fœderibus mentionem iniicerent; quæ ad eò fuit grata, vt illi ab hoste Oratores timeri ferati, dicere pacis legem auderent victoribus. Equidem Meleandro quamcunque placere pacem existimem; vt illi qui iam ad Lycogenem coierunt ictis fœderibus spargantur, ægrè in vnum

redituri. Ita nouis artibus spatium erit, quo vel inter se commissos, vel con-
senescente factione apud populum
exosos, impietas sua perdat; aut certè
exfatiati inquietudine rerum noua-
rum, ipsi se ad reuerentiam Maiestatis
à seditione recipiant. Ego pacem cum
superbis ac perduellibus, non proba-
bam; præterea ætatis & generis time-
bam inuidiam, si me iuuenem exter-
nùmque Rex (vt solet) tantis consiliis
adhibuisset. Siquidem iuxtà tecum
peregrinus sum, Archombrote; nec
me aliud Meleandri partibus iunxit,
quàm quòd illius calamitas omnibus
gentibus abominandum exemplum
est; quæ quietem nunquam agent, si
vitiis Principis irasci liceat, & insidiari
bonitati. Dum igitur inuisa fœdera
peraguntur, hoc potissimùm tempus
habui quo Agrigentum contenderem.
Sum armorum telorùmque studiosus;
nec alibi præstantiora sunt, quàm

B iij



quæ illic quidam ex Lipara hospes excudit.

Auidè Poliarchi orationem Archombrotus exceperat, fauénſque partibus Meleandri, cùm acriter in factioſos dixiſſet; Regis autem filia, Poliarche, quam hic latro ſibi in prædam deſtinauerat, inquit, quibus annis ſit dicere placet? Equidem inter rara pulchritudinis & morum exēpla eam eſſe, ſæpe in Africâ audiui, appellariſque Argenidem. Ad hæc verba oculis Poliarchi modico tremore errantibus, ne valida quidem verba, aut intrepida fuerunt; ſtriſtīnque eam retulit ad annos viginti perueniſſe. Nec latuit Archombrotum tam ſubita in Poliarcho mutatio; ingénſque deſiderium ſubiit, deprehendi quænam illa tempeſtas in eius vultum inundauifſet. Igitur vt experimentum caperet, an regiæ virginis oblata memoria, an verò occulta viſ rei alterius ſuggeſſiſſet hos

motus, nonnulla de Lycogene disputavit, deque fœderibus quæ tunc publicè agitabantur: Et vt omisso frontis horrore, satis Poliarchum constare sibi vidit, reuocato ad Argenidem sermone, de puellæ specie & studijs intentiùs quæsiuit. Sed neque ad secundum hoc fulmen ille constantior, paucis se ab trepida narratione expedit. Ab Archombroto deinde rogatus de amicis Meleandri, & per quos staret regnum; Non adeò, inquit, fata despexere Siciliam, vt nulli sint suo gradu & amicitia Regis digni. Inter illos, Archombrote, eminet Cleobulus consiliorum prudentia eximius, Eurymedes quoque, & Arsidas inclyti bello, nec deteriores ingenijs. Sunt præterea duo externi, de Sacerdotum cœtu qui purpuram gestant, amicissimi Siciliae, Ibburranes, atque Dunalbius; quorum nunc operâ maximè Rex est usus, ne indecorè cum Lycogene pacisci vide-

retur. Possem & alios referre, quorum fidem in Regem nulla vis tempestatis libauit. Hos facilè ubi in hac Regiâ aliquandiu vixeris, famâ atque virtutibus ab cæteris ipse secernes.

Iam prouecta nox erat, & quies necessaria fatigatis; itaque veluti conuenisset, loqui ambo desierunt. Necdum tamen curæ secretæ in illo vigilandi dormiendique confinio anxias mentes reliquerant. Archombrotum ingens imago oberrabat paulò antè auditum discriminis; nec grauius quicquam erat quàm ad pacem res spectare. Quando enim versaretur in acie? quo campo, quo telo, suum animum & virtutem approbaret Meleandro? Præterea, tacito secum risu voluebat, quòd ad pugnas omnemque fortunam tam alacer Poliarchus, ad virginis nomen obstupuisset; Huic enim, præter virtutem & animum, nihil ad tantarum nuptiarum spem à fortunâ aut genere

datum credebat. Quòd si, inquiebat, Argenidem Rege natam priuatus iste amat, quis dubitet omnium discriminum in amando perire memoriam? & magna audere amatores, & imis eximilitatem cum amantur? Neque minus Poliarthum arcanis intentum consiliis spes ac terror multiplici cogitatione suspenderant. Tandem in somnum vterque labebatur; cum paulatim discurrentium hominum fremitus totâ domo percrebuit. Neque mora, astitere à Timocleâ serui ad hospitum fores, qui eam ad ipsos venire admonerent. Consurgunt attoniti, primo sopore utique graues, quo discusso, cultûque tumultuariè composito, occurrerunt Timoclex: quæ postquam excusauit, quòd hoc noctis fatigatos inquietasset, Magna, inquit, res est, ô hospites; & eò terribilior, quòd per has tenebras quid sit, incertum est. Collucent in camporum tumulis pu-

bliei ignes, quos nefas accendi, nisi regio iussu, & cùm gerendis rebus celeritatem salus publica imponit. His dictis, in ædium culmen vtrumque perducit. Plumbum non in acumen fastigij ductum; sed leniter, & ad ambulationis voluptatem accumbens, onerauerat tectum. Nec stipatum nebulis erat cælum; aberátque tunc Luna, quæ sæpe incendiorum nitorem procul cerni fulgore suo vetat. Ex hoc ergo solario, sudâ in nocte, prospectus facilis fuit in ignes, qui vndiquaque emicabant ex montibus. Neque diu in ea contemplatione hæserant, cùm hominum fremitus cœpit audiri, ex vicinis domibus, oppidóque, quod procul non aberat, per ipsum noctis silentium ad vacuas vtrique aures horridiùs allabens. Iubebant hospites diligenter obserari ædium fores, ne qui prædones nocturno tumultu vterentur ad facinus: Sed Timoclea, quidquid hoc esset

tam publicis celebratum transmissum-
que indicijs, aiebat nimis maturè
cognosci non posse. Phthinthiam in
proximo oppidum esse. Si placeret
hospitibus, per vnum ex seruulis suis
quid illic sentirent homines, posse in-
telligi. Laudato mulieris consilio de-
scenderunt ad fores, seruoque emissio
imperant explorare consternationis
materiem, nec cunctanter referre quæ
audiret. In triclinium interim turbati
succedunt; suscitatoque foco, cum
matrona ipsis media consedisset, inter-
rogant, quis ille mos Siculis, quæve
omnino nocturnorum ignium utilitas
esset. Nam &, inquit Poliarchus, plus
iam anno in Sicilia vixi, & nunc pri-
mum illos aspicio. At Timoclea, Num
tu verò in cuiusque collis iugo arbo-
rem non vidisti in longitudinem mali
defixam; cuius apex, in caueæ modum,
ferro vndique per radios præcingente
laxatur? Annuente Poliarcho; Hæ sunt,

inquit, publicæ arbores, ad idipsum constitutæ, ut ad Regis imperium impositis in vertice facibus, negotij signum dent, quod illico oporteat per populum procurari. Et hos ignes Angaros vocant. Qui primi illos conspiciunt, statim & ipsi suorum montium iuga pari fulgore illustrant, & ab his porro admonentur qui longiùs colunt; donec totam insulam flamma mirabili celeritate percurrerit. Populus interim in armis stat, ad obsequium cui destinatur paratus. Et haud mora à Rege nuncius peruadit in proximam urbem, publicèque quid ille fieri velit enunciat. Inde ciues recentibus equis deferuntur in proxima oppida; à quibus & in alias vrbes eadem celeritatis fides exigitur. Ita continuatis officiis Sicilia ad Principis nutum penè momento erecta est. Neque temerè hos ignes excitamus. Semel antea illos vidi, cum sicarij solum Regem aggressi hoc modo

quærerentur. Dij faxint, ne nunc causâ
tristiori, & in peractum scelus accensi
sint. Adhuc non probabat Poliarchus
rationem, subridensque; Expectabam,
ô matrona, ut hunc morem ab anti-
quissimâ facum religione deduceres,
quas in vestræ Ætnæ vaporibus orba
Ceres accendit. Quid autem in publi-
cum commodum hic tumultus? aut
quid Principis interest res suas noctur-
nâ trepidatione potius quàm diurnis
ministris agi? Sed matrona; non
prorsus, Poliarche, huic instituto uti-
litas abest; maximè cum hostium clas-
sis furtim in Insulam timetur appulsu-
ra. Nam qui portubus præsident, istâ
flammâ admoniti, tum catenas suis
claustris obiciunt, tum in transtris
remiges habent, si opus est, nauigia in
pugnam prouecturos. Sed & populus
sub suis ducibus, tribunisque à signis
non recedit, ut nec si fefellerit in lit-
tore hostis, in imparatam Insulam

possit inuadere. Est & alius publicorum ignium vsus; si quis reus quem publicè interficit vlcisci, vel fugam extra Siciliam adornat; vel in ipsa regione, amicorum aut montium fide contegitur. Nam his ignibus semel accensis, nefas est vllam ex Sicilia nauem soluere; & quisquis suâ domo communicauerit reum hunc eodem crimine poenâque leges censent.

Ab his Timocleæ sermonibus diuerterunt in alios. quærebântque inter se; quid potissimum crederent huic consternationi causam dedisse. Poliar-chus vltima omnia verebatur. In Lycogene nihil fidum: Patêre Meleandrum insidijs, tum corruptis suorum ingenijs, tum sui animi magnitudine iustos metus auersante: Dúmque vicissim ciuilis belli incommoda loquuntur, Timoclea, hospitibus hos versus porrexit; quos amicitia Regis, studioque literarum notissimus Nicopom-

pus in Lycogenem condiderat; libero
furore execratus, quòd ille & sceptrum
Meleandri, & Argenidis nuptias, con-
cupijſſet.

*Quæ terris funeſta lues! ô fœdera mundi!
O Sceptra! ô Regum cognata potentia cælo!
Quæ tantũ inſanas voluit dementia gentes!
Scilicet vt veſtrâ ſedeant ceruice tyranni,
Ah miſeri! iuſtos amor eſt euertere faſces.
In dominos ſæuire iuuat; ius, faſque,
piũmque*

*Occidit, & cæcam nil purpura tardat
Erinnym.*

*Qualiter irato fudit cùm ſæua Gigantes
Terra ſinu, tumidiſque procul monſtrauit
Olympum,*

*Illiacres ſubiere nefas, humilenq; per Oſſam
Sperauere polos; donec lucente procellâ,
Reddidit iniuſtæ fulmen ſua corpora matri.*

*At tu, quem furia, ceu primum à fronte
Ceraſten*

*Attollunt, miſeris ſignum exitiabile terris;
Tu regni turbare decus, tu turpibus auſis*

Aggressus sceptrumq; patris, gnataq; beata
 Connubia; ô impar, furisq; Ixionis ardens,
 Et tantum amplexus vacuæ ludibria nubis!
 Quas pœnas vesane dabis? quo funere
 raptus

Horrida Tartarei metues ad verba tyrani?
 An cita præcipiti vinctum rota differet
 orbe?

Vel iecori procumbet avis? vel fulmine
 tactum

Ætna capax monstri, rapidos quæ pluri-
 mus ignes

Egerit Enceladus, crepitantibus hauriet
 antris?

Sol pater, armētis si pabula grata Pelorus
 Educat almetuis, septisq; fidelibus ambit;
 Tuq; Erycis victor, tuq; ô Erycina, Ceresq;
 Vosque dei indigenæ, quæque hospita Nu-
 mina ritè

Trinacrij casto placamus thure coloni;
 Ferte piis vires; Nec sit violabile Regum
 Numen, ut Tutus vestris honor excubet
 aris.

Erant

Erant in illâ lectione, cùm nunciatum est rediisse Timocleæ seruum. Omnes ergo suspensis animis circumstant intrantem. Nec diutiùs poterant dubitare, & interrogare trementem non audebant. Neque is ratus quod afferebat coram hospitibus euulgandum, seuocat Timocleam, delatòque indicio, cum stupente paulisper muliere, & ipse videbatur obriguisse. Tandem Timoclea, vt maximè subitis consiliis mulier valebat, manu prehensum, ne cum cæterâ colloqueretur familiâ, in interiorem thalamum rapit, monitisque vt sequerentur hospitibus, ostium tremens adducit; & iubet palàm seruum quæ audisset nunciare. At ille, Vix in oppidum perueneram, (inquit) cùm plerique occurrerunt, vt in tumultibus solet, nec ipsi quò irent satis certi. In omnium foribus micabat lucerna, diuisisque in coronas haud modicâ admiratione marcebant; Cùm me ad proximum

cœtū applicuissēm, audio Poliarchum perduellionis reum esse, & ad capitale supplicium quæri; in hâc quæstionem publicè ignes accensos. Ego errorem nominis veritus, quod in multos cadere potest, curiosè quæsiui quis ille Poliarchus, & quo facinore damnetur. Vox omnium fuit, Poliarchum eum esse, qui plûs anno in Siciliâ, hospes, armis, & amicitia Regis inclytus fuisset. De crimine neminem eorum satis scire. A Rege damnatum; & quidem diligentissimè vestigari. Ab hoc cœtu digressus ad alium, eadem rursus accipio; & cùm nemo suo dissensu incertum rumorem faceret, rem satis exploratam nunciare non distuli.

His auditis, Archombrotus, simulque Timoclea, in Poliarchum contemplationem iniiciunt. Pallens ille ac tremens, non ut conscio metu, sed indignatione periculi, nec contumeliam ferente virtute, identidem à seruo re-

quirebat, an vera & comperta memoraret; & à Matronâ, satísne compos animi esset is seruus. Nec seciùs quàm inani somnio præcinctus agebatur. Vocem deinde aliquandiu tenuit; ne in tanto animi tumultu quicquam excideret in fortunam aut Regem indignum. Sed tanta res, domúsque incertum an sat fida, cunctationem non ferebant. Manum igitur atque oculos attollens in cælum; Vos, inquit, Dij Siciliæ, & quotquot præterea Superius fasque inseruatis; Vos Genij, Larésque Meleandri, qui me hospitem excepistis, obtestor, ac veneror, vt si quid in Regem, remve publicam Siculorum offendi, si ope, manu, consilio violaui fidē hospiti, aut omnino traduci commerui hac publicæ quæstionis infamiâ; tum me inter inimicorum manus atque ludibria quàm potest funestissimo exitu conficiatis. Sin omnia contuli ad salutem imperij, inundâtque hæc in in-

fontem inuidiosa calamitas; date, ô dii, saltem vt Regi populóque purgatus, tutò ab Insulâ excedam, liceátque non fœdam aut ignobilem mei memoriam in hac gente relinquere. Te verò, Matróna, in communionem periculi non voco. Hoc ipso noctis concubio recedam in agros, meæ fortunæ contagione tuas ædes liberaturus. Fremebat interim Archombrotus; & adeò vnus diei amicitia valuerat, vt extrema omnia Poliarcho polliceretur. Ex vultu impetúque, & loquendi ratione, vtri hoc periculum esset nescires; nisi quòd adhuc licentiùs Archombrotus videbatur irasci. Sed matróna sic quasi seruuli indicio fidem non haberet, dissimulans, alios qui referrent certiora se protinus legaturam dicebat. Subsistere tamen in triclinio seruum iubet, hospitésq; extra illius conspectum in proximum conclaue ad consilium ducit.

Illic verò non diutiùs gemitus tenens, deslebat fortunas Poliarchi. Neque se enim de illius innocentia, sed neque de Regis iracundia dubitare. Quippe sagacissimum seruum nisi fideliter exacta renunciare non ausum. Se quidem suam domum, opesque offerre Poliarcho; iis ipse quàm posset ad salutem vteretur. Sed quid, inquit, hæc tecta, aut tua Archombrote societas, possit in Regem? Iam aderit miles armatus, iam ædes aut apertæ nos prodeunt, aut obrutæ in nos ruent. Nam nec sperari potest toti familiæ integram fidem fore, nullumque seruorum, si hîc clàm hæseris, Poliarche, nostri furti secreta temeraturum. Scitis quid inter tam subitos metus succurrerit? Latens iter, & præter me hodie nemini notum, effoderunt sub terra qui has ædes condidere. Id triplici errore dissectum totidem ostia habet, quibus in varios campos erumpit. Illic facilli-

mè potes tegi, Poliarche, subducique
discrimini. Simula modò te atroci ru-
more perterritum à me abire. vt ambo
defungamur periculo; nec aut tu tan-
quam nocens, aut ego receptatrix, in-
uidioso tumultu obruamur. Cùm verò
limine excesseris, continuus arborum
ordo, qui à meis foribus ad Himæram
est, eò te ducet vnde non procul flumi-
nis ripâ arcanus in promissam spelun-
cam est aditus. Ego nemine familia-
rium conscio per domesticas latebras
cum face in eandem fluminis viciniam
euadam. Exceptum deinde in hæc an-
tra ope deorum seruabimus, dum tem-
pestas exsæuiat. Hoc secretum Ar-
chombrotus ignorare non debuit; &
ea indole violare non poterit. Liber-
tum quem vnum hîc habes, id celari
magnopere interest, ne timoris tædio,
aut præmiorum fiduciâ, mutetur. Po-
liarchus in gratias ad Timocleam effu-
sus, id verò consilium in eam noctem

probari sibi dixit. Neque enim in speculuncâ hæsurum, nisi ut certò intelligat quæ hæ larvæ Siciliam in se agant. Explorata fidei libertum, ab ultimorum secretorum notitiâ arceri non posse. Nam & eius ministeria in illâ tempestate potissimum exigî. Ab Archombroto non petendum, ut tantam rem silentio premar. Dignum se peiori calamitate fore, si de illius fide auderet dubitare. In hæc verba de triclinio excidunt: iustisque mox armis, ceu pugnam capesseret, insignis Poliarchus, procedit ad Timocleæ fores. Illic stupentis familiæ, & quæ hæc rerum mutatio esset furtim quærenti; paucis exponit; denunciatum sibi periculum illis ignibus quos videbant. Sc igitur fugere, ne aut ab his ipsum prodi necesse sit, aut cum ipso hos perire. Salutavit deinde in speciem longioris discessus Archombrotum atque Timocleam; conscenditque inequum, & libertove stigiiis

hærente in præscriptum à muliere iter
se coniecit.

Periculi immanitas, & propemodum
pudor, stimulaturn iuuenem angebat.
&, ô me vesanum, Gelanore (ita liber-
tum appellabat) quòd vlli mortalium
potestatem fecerim in hoc caput!
Quid attinebat ignotum, nec cultu ad
meam sortem idoneo, in hac gente er-
rare? Aut quid fabulæ aliud docent,
quæ Lycaonem ad Iouis hospitis iugu-
lum nobis effingunt; quàm Principes
qui insperato exitu luunt quòd se ex-
ternis crediderint, non magis alieno
scelere quàm suâ stultitiâ violari? Vo-
lui patêre iniurijs. Bene est: lædor ex
merito, Gelanore. Hæc ipsa dum lo-
quitur, subit memoriam causa quæ
eum in Sicilia tenebat; cuius venera-
tione illico motus, timuit ne pro tantæ
spei fœlicitate, in quam illic viuebat,
sceleratè doluisset de oblato discrimi-
ne. Gelanorus fidissimo metu in do-

mini periculo turbatus, censebat debere Poliarchum genus suum & fortunas omisâ simulatione detegere. Nam si sibi personam detraheret, si se ad fastigium suum reciperet, sponte excusaturum Meleandrum acerbiora iudicia, hostesque veniam petituros. Nihil sapientis, retulit Poliarchus. Post acceptam iniuriam maximè interest me celari; Dignitatis meæ reuerentia peius fortè accenderet cogitantes posse me læsum dimitti semel tantum; at semper meminisse iniuriæ. Nihil referebat Gelanorus; sententiæ incertus, & astra quæcunque tunc micabant in opem, & mentem, sibi atque patrono, inter silentium compellans.

Interim Timoclea munitis foribus, familiares iubebat secedere ad quietem: Nolle se quicquam nocte turbari; ortâ luce omnia diligentius exploraturos. Obire deinde singulorum cellas cœpit, tanquam domesticis curis intenta, re-

uerâ ne quis rebus quas furtim agitabat molestus inspector accederet. Vbi acquiescentibus vniuersis, tuta res visa, intrat exiguam cum Archombroto cellam, in quâ secretum effossæ speluncæ aditum peritus artifex abdiderat. Stratus erat asseribus locus, quorum inter se oræ clauis insertis nectebantur; nisi quòd duos ex ijs nullum ferrum cæteris commiserat; vt faciles essent, si quis hos vellet ab simulatâ compage reuellere. Supra illos oblonga stabat mensa, vetabátque calcari; ne quoniam alijs non hærebant, ad perambulantium quaterentur vestigia, proderéntque secretum. Paucissimos illuc intrare ferebat Timoclea; ipsa rarò locum visebat. Tunc verò sublati asseribus specum aperuit, gradúsque in imum ædium ducentes: Mox concussi filicis ignem sulphurato excipiens, præparatam facem accendit, viamque auspicator cum lumine. Sequebatur Archombrotus,

suâ & mulieris causâ nudum ensem manu tenens. Gradus ad vigintierant, per quos subibatur subterranea porticus, quæ in longum porrecta abibat denique in varios colles; ne possessio ab hostibus vno ore, obstrui posset fugiendi vtilitas. Terra huic operi apta fuerat; quippe adeò spissa, vt quâ stare illam velles, cætera quæ egerebantur nulla ruina sequeretur; rursumque non difficilis accipiendis fossorum ictibus, quos nec obiectis saxis interpellabat, nec cedente arenâ frustrabatur. Longus ille, & arcuato opere continuus fornix, quamquam arua & incumbentem domum ferret, adhuc tot annis vitium non fecerat. In aditu modicum spatium calce liniuerant, vt picturâ & literis imbueretur. Sed piger, nec solutus syderum luce aër, graui humore imagines corruerat. Adhuc tamen cerneret effigiem aræ hominisque imponentis simulata thura in focum, propter cuius

verticem eiusmodi versus vtcunque
legebantur.

*Dî quos sub vacuâ fas est tellure precari ;
Seu Iouis hîc regnum est , seu Ditem hæc
antra verentur ,*

*Seu qui cæruleis incinctum continet Orbem
Fluctibus , hîc trifidi posuit fundamina
sæptri ;*

*Has precor ô fidas dominis seruate latebras.
Non istam fraudes scelerent , non turpia
noctem*

*Furta , nec attonitâ radiâs face tristis Enyo
Terreat , aut diræ vanis stridoribus umbræ.
Sit pacata quies , sint sancta silentia rebus ,
Donec casta domus , nec parci grata nepotes
Thura ferent vobis . Hîc fontibus incubet
horror ,*

*Hîc Erebus ; placidâsque bonis mulcete
tenebras .*

Hæc raptim legebat Archombrôtus:
Sed grauior de Poliarcho cura à loci
contemplatione mentem reduxit. Ti-
moclea percunctâtem docebat, quam-

quam Poliarchus erat externus, neminem fuisse Sicularum propitii amicitiae gradu Regi admotum; neque bonos inuidisse. Sed nescio quod hodie fatum, inquit, defœuit in illos qui Regibus fuere charissimi. Ita est, retulit Archombrotus; hic cometes paucis annis quas aulas non perstrinxit? At Timoclea, Verùm, Archombrote, cæteris omnibus ruinæ suæ causa, vel in se, vel in dominis fuit. Istum tantæ virtutis, sub moderatissimo Rege, quis casus afflixit? Retulerisne ad exemplum Lydios coniuges, qui nuper in gente externâ impotentis foelicitatis pœnas dederunt; hic ad regium limen, in suo sanguine fusus, illa ex carcere ad licitoris ferrum educta? Notissima refero, Archombrote. Sed quid ea in scena simile Poliarcho? nihil illis ad regnum deerat, præter nomen & purpuram. aspernabantur pares esse gentilibus; nec qua virtute tantum supercilium

tollerent, habebant. Teneros quoque annos cæci calcabant, illius qui hæc bona & asserere verè poterat, & fortiter sustulit in rudimentum potestatis. At Poliarchus, non libauit regiam gazam: non præsidijs, non castellis fundabat suas vires. Apparebat denique instar Solis hanc virtutem in transcurso lucere Sicilia. Longè aliter isti Lydi, & (haud absimile fortunæ ludibrium) par aliud coniugum ex Phrygia. Nempe illi subiicit Archombrotus, quos nuper ex regiæ penetrali, in quâ omnia poterant, beneficij crimen mittebat ad laqueum, nisi Princeps adhuc memor amasse, carcerem damnatis munus dedisset. Ita est, inquit Timoclea; Scis igitur quàm multum peccauerint, ipse quidem tanquam immemor primæ fortis, & à multis amari dedignatus; illa inuidiam non verita abdicati coniugij quod primum erat nacta: Vterque autem auersæ Iunoni non litans, igna-

rûsque suû quoque deabus fulmẽ esse.

Miraremur hæc, matrona (ait Archombrotus) nisi crebræ humanarum rerum vices penè omnium rerum

admirationem sustulissent. Cerne Aquilij aulam, cerne Hippophili. Quid

Procerum primos iuuit post exhaustum immensæ potentiaë cursum, ad

purpuratum Sacerdotium confugisse, tanquam ad aram? Nempe ut precio-

sus esset funus expirantis dignitatis. Sed non ideò mehercule plebeiaë inui-

diæ vnquam accedam, quæ in omnes defæuit qui Principum amicitiaë illu-

stres sunt; ipsisque Regibus obloqui audet cùm homines sibi gratos cæteris

anteponunt. Insignis hæc est, inquam, in Reges iniuria, velle eos arceri à sua-

uitate amandi, & à fide quam omnes in iis expectamus qui per nostra bene-

ficia creuerunt. Amicum tu aut ego habeamus; in eâ lenitate conquiesca-

mus; Solis Regibus lex barbaræ inhu-

*seigneurie
de la cour
de la cour*

*de la cour
de la cour*

manitatis dicatur, ne quem eximium habeant, aut cuius familiaritate delectentur? Quid cum spontè amari se sentiunt? cum ingenij & affectuum paritate, imò cum fide & beneficiis prouocantur ad amandum? Ne tum quidem audebunt illi impetui indulgere quem natura dulcissimum habet? Certè neque Herculi Philoctetem, neque Achilli Patroclum inuidemus; paucique inter Heroës sunt, qui non aliquem præter ceteros charum, in vitæ & secretorum consortium admiserint.

Hic Timoclea: Mihi quoque, Archombrote, nunquam placuit tam iniquæ obtreccionis audacia; quæ quamquam publicæ vtilitatis larvâ contegitur, plus insani tumoris tamen habet, quàm solidæ pietatis. Plurimi enim Regibus irascuntur, non quòd aliquos gratiâ suâ subuchant, sed quòd sibi gradus ille non pateat: Et in gratiosis, quos tam acerbè deuouent, haud raro

rarò nihil magis quàm ipsa fœlicitas displicet. Certè vt ex domesticis nonnullos seligimus, ac veluti adoptamus nostras in curas; fidémque eorum familiaritate & muneribus tam pêsamus quàm sollicitamus in futurum; Ita ni Princeps sibi quæsierit eiusmodi vicariam opem, iisdémque rationibus aluerit, non sufficiet publicis laboribus, non mecastor vel si firmiores nostro Atlante ceruices incumbentibus negotiis opponat. Nam quòd modò referebamus casum eorum, quos diu regiis amicitiiis florentes ab suo denique axe fortuna excussit, nihil inde collegeris, nisi interdum fieri posse vt Reges iniustè amicos suos deserant, aut si indignos amauerint, errore deprehenso præcipites eos agant ex suggestu quem inuidiosè conscenderant. Sed, quod sæpe est, fac constantis animi esse Regem, fœlicitérque inuenisse quos amet; videbis intactâ vtrinq. bencuolétiam

utilissimè perennare. Ridebis, optime hospes, quòd mulier apud te hac disse-ram. Verùm in Aulæ tropicis educata, frequentissimè vidi hoc argumentũ inter peritos agitari; quorũ sapientiã ipsa quoque experiẽtia sæpe probauit. Sed hæc clades Poliarchi, quæ nos modò sollicitos habet, forsità præter omne exemplum est. Nã & Moleander probissimĩ ingenij Rex est; & iste nec fidẽ deseruit, nec improbè exultauit in tantâ fortunâ: vt in hoc illius discrimine nõ aliã quàm fatorum esse culpam existimem.

Sic loquente Timocleâ, hæsit Archóbrotus subito aquæ murmure percepto, quæ in vicino fluebat; rogauitque matronam, quis is sonus, & an illic perpetuus esset: simul quantum in lumine facis licebat, humum intuebatur, ne temerè in fluentia incideret. At Timoclea; Fons, inquit, est, ingenti vi aquæ è vicinis collibus huc illabens, fistulisque ad vltiores cãpos deductus; qui cõmodissimo cursu facit ne sitiât si

qui isthic latuerint. Et haud multū inde progressa, magni ambitūs lapidem ostēdit, qui fontē largo impetu cadentem præcipitabat in subiectos canales per foramina toto fundo distributa. Pulchritudo, & copia aquæ, tum natia frigiditas, & quicquid in aquis laudamus, eò plus Archombrotum rapuerunt, quòd ex Africâ veniebat, siccâ ut plurimū, & fontium destitutâ solatio. Itaque quāquā ad Poliarchū festinabat, captus iuuenili voluptate manus primum, mox & ora fonti admouit, quā placidiūs manabat; inde etiā plurimū bibit curis & vigiliâ accensus. Obiurgabat intempestiuū potū Timoclea, fontēque impensius mirāti, Hunc specū maiores mei, inquit, non in viæ tantū & fugæ cōmoditatē ornauerunt: sed & quā licuit lōgiori habitationi voluerūt aptatū, si quem fortē diutiūs latēre sua fortuna cōēgisset. Cerne hoc spatium quernis tabulis stratum, ligno eodem

vtrunque latera, & fornicē ambiēte; ne prorsus infalubris capiēdo fomno locus sit in nudā liberāque exudantis vndiq. terræ frigiditate. Aspexit Archombrotus illud cubiculū ad semitæ dextrā intra effosū spelūcæ latus declinās; & ipsā loci caligine offensus, quam modicus ignis non satis submouebat, auersatúsque indigni domicilij omē, nō sine suspirio cogitauit quātus vir illi diuersorio destinaretur. Liberiori quoque dolore Timoclea ita locum affata est. Tu igitur hospitem Poliarchū accipies, tu iuuenem fortissimū & omni luce dignū tuis tenebris celabis? Sed benè est si te illius salute nobilitaueris! O fortunæ vim quæ sapissimè facit vt ei de suis in nos iniuriis gratias habeamus! Nā & illa peccauit clarissimum virum ad latibula ista cogens; simūlque eximie fauit quòd his saltem in antris passa est spem salutis illius delitescere.

Inter hæc emensi viam erant, & os specūs Archombroto monstrabat Ti-

mochea, quod non operosè reseraretur. Vectes introrsum duo oppositum egressui lapidem tenebant, sic in terram nitentes, vt nullâ vi quæ exteriùs moueretur quati possent. Sed qui intra specum erant eos facilè obliquatos ab exiguis leuabant scrobibus, quibus ita fulciebantur ne ab imposito ostij onere possent recedere. His ergo exemptis, saxóque deducto, vbi speluncam Archombrotus aperuit, egressa Timoclea iactauit manu facem, vt cum Poliarcho conuenerat, rursusque ignem suppressit, ne ex morâ in alios quàm quos optabat suspiciosus fulgor incideret. Ille cùm non aberrasset à viâ, stabat ad flumen, expectabátque signum, quo dato peruenit ad matronam. Sed quid illius & famuli equis fieret, diu quæstio fuit. donec Gelanorus; ite, inquit, ad consilium in speluncam; dum de equis deliberatis, stabunt religati ad has alnos, quæ procul

omni viâ propter flumen confurgunt. Dum illi descendunt, dum adhuc trepidi nihil in rem meditantur, Gelanorus equos reuinxerat, aderâtque ad speluncam; in quam vbi receptus est, lapidem quo viâ aditus celabatur reductis fulciunt vectibus, & ad consilium se componunt. Censebat Poliarachus dimittendum esse libertum, qui omnia exploraret, quod sibi facinus obijceretur, quæ hæc noua in Rege sæuitia, num denique amicorum in extremis fides duraret. Salubre (inquit Timoclea) consilium, Poliarche, si non scires nihil prius homines à Gelanoro quæsituros quàm vbi delitefcas. De illius fide non dubito; sed si in hostes inciderit, fortasse per tormenta expriment verum. Indignatus Gelanorus, se in salute domini, non verberibus, non equuleo, frangi posse respondit. Habere se præterea quo eludat inimicos. Iturum se attonito

maximè similem ; & si quis ex ignotis
aut suspectis de Poliatcho roget, iam
de luce abiisse voce ad fidem compo-
sitâ esse dicturum. Neque rem à vero
abhorrere ; quandoquidem sub terrâ
secretus à sole recesserat. Quærenti-
bus mortis genus mentiturum ab equo
in Himeram flumen casum ; Quippe
fugisse Regis edicto perterritum, in-
gressumque nocte flumen, neque va-
dum tenuisse. grauem armis, & subtra-
hente se equo, fluctibus haustum. (&
tunc fortè commodè ad hanc fraudem
Himera plùs iusto abundabat.) Ad-
dam, inquit, nihil fuisse in me opis,
cùm viderem iratis vorticibus domi-
num in mare deferri. Hoc commento,
fama tui interitûs spargetur, quâ nihil
nostris rebus commodius. Nam & ini-
micos fatiabit, & cæterorum misera-
tionem inueniet, qui de extinctâ vir-
tute magnificentius loqui amant. La-
xabitur deinde custodia; quæ iam por-

tus & nauigia asseruat; & omisâ quæ-
stione quam audimus in te decretam,
non agrè aut latebis aut fugies. Nec
aliud mortis genus tutiori mendaciò
singemus, quàm quòd nihil ex te reli-
querit. Tuum præterea equum quò
temerè volet patiar ire; tanquam mors
domini hanc fecerit libertatem.

Placuit omnibus Gelanori callidi-
tas; Sed adiecit Poliarchus, si incideret
in Arsidam, cui inter Siculos maximè
fidem habebat, rem vt erat nihil cun-
ctaretur effundere; rogarètque suis
verbis ne indignâ calamitate iacentem
adire vereretur. Aut si id minùs posset,
quæ saltem ex recessent perferenda con-
crederet. Consulebat etiam Archom-
brotus, ne perfunctus officio Gelano-
rus protinus rediret ad specum (nam
nec satis posse pultantem exaudiri; &
suspicioni locum fore, si qui viam in
proximo obirent) Sed ad Timocleæ
fores accedens, vteretur in matronæ

familiares larvâ eâdem quâ cæteris imposuisset, patronique tanquam extincti fata expressis prosequeretur gemitibus. Inde secretò Timocleæ ope ad Poliarchum esse venturum. Agitauere præterea, quid supellectili, quid familiâ Poliarchi faciendum. Instruxerat enim dominum, quæ non indecora, aut impar regiæ amicitia esset. Sed nec familiaribus fidebat. Vnum enim suæ gentis habebat Gelanorum. Cæteri erant externi, ac plurimum sibi ignoti: Nec multum de bonis laborabat; assuetus in abdito vestium circumferre summi pretij gemmas, & modicum auri; ne fortunæ omnia in absentemlicerent. Siue igitur tanquam damnati hominis bona ad se traheret Meleander, siue illa mercenarij seruique diriperent; iussus est nihil mouere Gelanorus; sed tanquam à conuulsæ domûs excidio ceruices subtrahere. His præceptis exornatum dimiserunt. Ipsi

Archombroto atque Timoclea iam non diu licebat cum Poliarcho esse. Seruuli enim primo mane ad officia surrecturi timebantur, aliquo ludo fortunæ tunc potissimum seduli cum minimè velles. Hos matronæ in Poliarchum studia deprehendere, utrique pernicies erat. Rogant itaque ut in solatium virtutem adhibeat, quæ nec clades mereri, nec cum immeritò accidunt deijci potest. Se quidem quàm sæpissimè liceret ad colloquium redituros. Tum puluinum in quod recumberet, facèsque (plures enim Timoclea intulerat) tradunt; & remenso sub terrâ itinere in thoros referuntur. Poliarcho quæ mens fuerit, quantum iracundiæ questibusve in illâ solitudine indulserit, illinc intelligas, quòd non plùs de vitâ quàm de mortis decore laborabat, sciebátque ex spiritu suo pendere quos supra se habebat eximios.

Gelanorus postquam domini equum
admotâ virgulâ libertatis admonitum
auertit in cursus, & ipse in suum con-
scendit, destinatum iter ingressus est;
Cùmque ferè ad syluam peruenisset, in
quâ pridie Poliarchus pugnauerat, tres
lecticas ferri vidit, multosque in equis
comitari; post hos, peditum examen
procedere. Quæ hæc pompa ducere-
tur scire libuit. Propinquantique liquebat
lecticas esse funebres, hominesque
pullatos. Territus ferali auspicio ro-
gavit ab extremi agminis vno, cuius
exequiæ ducerentur. Ille ad corpora
legatorum iri respondit, quos pridie
Poliarchus contra ius gentium cæci-
disset. Cohorruit Gelanorus; & quæ
hæ fraudes, quodve piaculum esset, se-
cùm ipse volutans, quò certiora cog-
nosceret, iuit cum illo agmine, donec
hominis cadauer quem in limine syluæ
Poliarchus fugientem peremerat, inter
ferales luctus vidit attolli in lecticam.

Tunc satis constitit, grassatores qui in Poliarchum inciderant, à Lycogene ad Meleandrum fuisse legatos. Sed cur præcipitata ultio erat? cur dies non dicta Poliarcho? Ergo legati latrocinnarentur impunè? & Rex in hostes quàm in suos pronior esset? Danda fortitudinis præmia fuisse victori, & legatis in scelere occisis crucem quoque pro funere.

Hæc confusâ & tumidâ pietate voluentem tanta ira incessebat, ut iam ægrè aut colorem obtineret aut vocem. Satiùs visum à spectaculo recedere cui furiosè indignari inceperat. Igitur deuotis hostibus, quâ ad Regem propior cursus erat concitat equum. Penetranti ad alteram sylvæ oram, iam sole prouecto, visi complures per viam procedere; nam & militaris hæc erat, & tunc regiis in propinquo castris frequens. Inter cæteros occurrit Timonides, non obscurus ex Meleãdri familiâ;

qui & de Poliarchi vice anxius ad hoc ipsum errabat, ut quid eo esset factum acciperet. Is posteaquam Gelanorum agnouit, ô te, inquit, opportunum! ubi autem in tanto tumultu Poliarchus? At ille promissæ artis memor, deiectos oculos in Timonidem vix attollens, Poliarchum vixisse respondit. Tum verò in Timonide pietas, atque amor, potior fuit præsentium rerum metu. Vaticinanti similis stetit. deinde singultibus in hæc verba laxatis, ô infelicem cum Meleandro Siciliam! vertit habenas. Visa res non mediocris solatij Gelanoro, fictam domini mortem adeò veros, nec occultos gemitus inuenire. Neque multùm Timonides processerat, cùm ad illum iterum redit, &, quod, inquit, viri maximi fatum fuit, Gelanore? quàm subitò, aut à quibus oppressus est? Cùm edictum in se Regis metueret (retulit Gelanorus) ausus est per tenebras vadum in Himæra ex-

plorare: Sed imbribus tumens flumen
conantem diripuit, & quantum in sy-
derum fulgore conieci, in proximum
mare deuoluit. Rursus exclamauit
Timonides; & nunciaturus maximam
cladem, illico viam ad Regem insti-
tuit; Sic furenti, non procul Arsidas
occurrit; cui vni Poliarchus furtiua
consilia à Gelanoro credi voluerat.
Hunc Timonides raptim implet fu-
nesti nunciij horrore; petentique vbi
esset Gelanorus, ostendit venientem.
Simul his ipse quidem, vt cœperat,
versus regia castra stimulat equum;
Arsidas verò ad Gelanorum pergens,
salutemque obiter ferens, de patrono
protinus quærit. Sed ille esse arcana
quæ afferret respondit, quibus publi-
cum satis aptum non esset. declina-
ret à viâ Arsidas; se cum nemo obser-
uaret sequuturum. Paruit monenti
Arsidas, cui iam non paruam spem
insinuauerat, nihil dum Gelanorum

de Poliarchi obitu questum esse.

Solitudo in conualli proxima erat, quò postquam conuenere; ita prior Gelanorus; Viuit, ô Arsida, Poliarchus; sed te vnum vitæ suæ conscium cupit. In effossâ sub Timocleæ ædibus viâ, matrônæ fide celatus est. Me autem ad te misit, vt doceres quis ventus hanc tempestatem exciuerit; & si perculsum non fastidis, ad se quoque perducerem. Arsidâs nullum se periculum defugere dixit; Duceret modò Gelanorus ad specum, cupidumque Poliarcho coniungeret. Imò, inquit Gelanorus, arte opus est quâ Timocleæ familiam capiamus; ne resciant illic latêre Poliarchum, & in sordidorum hominum potestatem summi viri fatâ perueniant. Prior ibo, subornatisque gemitibus, quod iam apud Timonidem cœpi, illius simulatam mortem deflebo. Tu quoque, Arsida, quoscunque conueneris illâ fabulâ vtiliter elu-

des. Fict Poliarcho vita securior, si cre-
detur extinctus. Medio die ad Timo-
cleæ limen peruenies, quasi per æstum
acquieturus. Nec suspicionem faciet,
si in ædibus matronæ iam olim tibi
notæ familiaritatis iure diuerteris. Est
præterea quod te moneam; Iuuenem
illic esse in Siciliam heri aduectum. Ex
Africâ, nisi dissimulat, soluit. Speciem,
& cùm loquētem audiueris, sapientiam
laudabis. fides in Poliarchum summa
est, cui vix diculæ commercio iunctus
nunc in vltimis adhæret. Ille tibi,
aut patrono meo, suspectus esse non
meruit.

His inter se constitutis sparguntur
in diuersa; Et Gelanorus quidē quā
compendium ad Timocleam erat;
Arsidas, cui diutiùs vacabat, lento
gradu in publicam viam diuertit. Sed
deceptus Timonides tragicædiā latè
ferbat. Nam in quemque de notis in-
cideret, author erat obijisse Poliar-
chum.

chum. Rumor inde in plures; & pro
 hominum sorte diuersis affectibus, sed
 vbique ingentibus, exceptus. Statuerat
 eo die Melcander Hypsâ flumine su-
 perato, ire Magellam; quò ipso iuben-
 te Argenis filia Syracusis' aduenerat.
 Iamque pronunciato discessu collige-
 bat miles vasa; & Rex, dum apta itineri
 hora esset, in proximis vallo campis
 spatiabatur. Medius proceribus erat,
 haud dubius multos ex illis specie ami-
 citiæ atque officij circumstare inimi-
 cos; Cùm ecce in castra Timonides re-
 dit nunciâtque amicis quicquid acce-
 perat de Poliarchi fato. Dicto citiùs
 atrox fama dimanauit in milites. Ne-
 que ægrè credebatur. Ipsum denique
 Regem adire Timonides luctûque ef-
 feratus ita loqui non timuit. Multum
 est, Domine, quòd gratulemur Lyco-
 geni. Fato functus est Poliarchus. Ad
 hæc verba hæsit Rex incertissimâ men-
 te perculsus. Amissi iuuenis calamitas

& iactura, eo magis horrentem agitabat, quòd in se tanquam authorem hæc factorum culpa reciderat. Lachrymæ deinde propemodum subibant, & triste venturarum rerum auspicium. Sed nec publicè dolere tunc securum, cùm in eius vultum plerique imminerent ex amicis Lycogenis, frontem, oculos, verba adnotaturi. Obfirmato itaque ore, ne aut lætitiæ aut doloris ederet signum, pauca de genere interitûs quæsiuit, rediitque in tentorium; certus nemini latam esse Poliarchi perniciem nisi qui & ipsum Regem perijsse concuperet. Multis militum reuerentia Regis obstabat, ne coràm lamentarentur. Fidissimi procerum vel suspirijs constantiam fallentibus deflebant amissum, vel indignatione maiori, intermutua colloquia, factorum temporumque iniuriam non premebant. Illos Rex diligentissimâ memoriâ distinguebat à cæteris, tanquam dignos qui-

bus vnis se crederet; sed nec sine pudore intuebatur, ratus se vt interfectorem Poliarchi inuidiosè ab illis designari.

Mirum fuit, extitisse qui auderet subito calore effundere hos versus, furtimque deponere in vestibulo Prætorij, quâ Regem abire oportebat.

*Flos iuuenum, seu te id Stygijs timet omne
sub oris,*

*Quo pallent alij manes; seu sydere calum
Auxisti, Siculas non respecturus ad oras;
Da fassis veniam; grauibusque accedere
vindex*

*In miseros ne quære deis. Satis ausa luemus
Gentibus inuisi, memoriq; in sæcula famâ
Hoc monstrante nefas. Tène ergo laceffere
flammæ,*

*Te potuit ripis haurire furentibus amnis?
O Superi! qui nos ignes, vnde ve piabunt?
Ipsi amnes, ipsæ meruere piacula flammæ.*

Cæterum dum profectio à castris ornatur, iam effusa in populo fama, Poliarchi cladem vulgauerat, Magel-

lámque peruenerat. Fortè in thalamo sedebat Argenis, cultúmque non quem tranquillis rebus haberet, regiâ virgine tamen dignum inter puellas adornabat. Selenissa alumna Argenidi erat, secretorum omnium conscia; & tunc illius comam fingeat, cùm vna ancillarum ex atrio, in quod fortè processerat redit, nunciátque Poliarchum obijisse. Fefellerat primò Argenidis aures, cui tunc intentior de nocturnis ignibus, & Poliarchi inimicis, cum Selenissâ sermo. Et ad Selenissam quidem allapsa ancillæ vox, ingenti tumultu animum, omniáque præcordia concussit. Tum verò furtiuis nutibus, oculisque silentium subindè iubentibus, monebat ministras vt premerent vocem; Sed iam susurrantium garrulitas sedem impleuerat. subitóque horrore Argenis attonita, nec dum certa quid ancillæ loquerentur, rogauit quosnam casus aut clades inter se mis-

farent. Selenissa responsum intercepit, excidisse de ministræ manibus speculum, quod die natali Argenidis Meleander dederat : Illud nunc dominæ iracundiam reueritas queri. Sed non persuasit iam sponte metuenti. Ergo de sede Argenis exiliit, proximamque puellarum manuprehendens, & in eam ardentibus intuens oculis ; Si iam, inquit, mentiri audebis, scias te hodie ultimum in conspectu meo esse. Dic verò numquid triste de Rege allatum est ? Abominata illa dirum de Meleandro omen, & tanquam adhibitura solatium ; Imò, inquit, ô Domina, omnia quæ oportet de Rege audimus. Victor, & valens, ut nosti, expectatur. In tantæ felicitatis mixturam parua clades est, extinctus Poliarchus. Non aliàs fortius suas partes, quàm tunc in Argenide obiit pudor. Strenuè reuocauit abeuntem spiritum, eodémque momento & constituit, & distulit mori. Ac ne ullam

suspicionem mulieribus quæ astabant relinqueret. Regem, inquit, dijs curæ esse non dubito, qui ciuilibus motibus secundum ius exitum dabunt. De Poliarcho loqui pertinuit, ne in ipso nomine hæreret, iam penè collectis gemitibus victa. Cúmque diutiùs coactæ frontis scenam non ferret, in arcanam penitus cellam sola se penetrat, tanquam subiti negotij causâ: iamque fores obserabat, ne quis superueniret suprema meditati. Sed non fefellit illa rabies Selenissam. In vestigiis itaque Argenidis hærens (& alumnae hoc licebat) redeuntem in claustra ianuam sustinuit manu, specièque obsequij dominam in illo secreto sequuta est.

Tum demum obseratis foribus liberior in luctum Argenis, & lachrymas soluit, & direptum manu cultum laniatis crinibus proiecit in terram. Letulus ex ebore erat, quem humilem

purpureis tapetibus ad diurnam quietem auxerant. In illum totâ corporis mole procubuit. Neque Selenissa loquebatur; sed tacita expectabat, donec spontè primus turbo lachrymarum concederet. Sed ut vidit nunc mitissimis feruentem gemitibus, nexisque manuum articulis lacertos oculosque inuidiosè tollentem in cælum, nunc sæuius intra se, & errantibus luminibus, obloquentem; longiorem denique stylum, qui ad varios vsus desinebat in acumen, aptantem in iugulum; nihil cunctata in frementem insiluit: & brachium iam penè sceleratum tremulis manibus tenens, laborabat dignos questus in furiosam expedire. Nam spississimis singultibus luctus obstabat. Diu par miserabile in hoc statu perseverauit, ut utraque inualidâ manu esset, & nec illa ferro vteretur, nec ista eriperet; ambæ immobiles, & in alterna tantum ora defixæ. Argenis præcipuè in

humerum ceruicem reclinauerat; ore quoque incuriosè hianti Selenissam intuita, Nihil, inquit, nihil agis, Selenissa. Vt cunque obstiteris mori licebit. Haftenus rectè monstrasti; constantem, memorem, piam esse. Quid illa praecepta iam aliâ pietate peruertis? Mihi quidem, tibi que, solatium erit, quòd inuiolato pudore in tumultum succedam. Putásne me superstitem Poliarcho esse posse? Ille me intactam à Lycogene praestitit. Reddam nunc vitam; & hoc ipsum est pudore quem seruauit, & merito suo minus. Ego, si nescis, Selenissa, Poliarchum occidi: Crimen non expiabo nisi sanguine abluerim. Quid illi cum Siciliâ, nisi propter Argenidem, fuit? In hæc verba dolore confusa spiritum quoque amiserat. Elabitur manu ferrum, & ipsa in Selenissam, tunc quoque malè fortem, incubuit.

At illa non de Argenidis modò sed

& de suâ vice sollicita, omnem medicinam adhibebat parum exaudienti, nunc alterno dolore aggemens, & citò expiraturos luctus credens, si liberrimè soluerentur, nunc in alumnae supercilium rediens: Patris etiam admonerat, quem tumultibus publicis fractum, si ipsa moreretur, extremo vulnere sauciaret. Esse hanc enim veluti purpureum & fatalem patris crinem; Quem si euelleret instar Scyllæ Minoem amantis, duplicato parricidio, gnatam & patrem in eadem exitia esse tracturam. An præterea auidæ famæ, & spontè iniquæ, persuaderi posse credebat, tam violento amorì pudicitiam superfuisset? Sed hæc frustra apud surdas tunc aures iactabantur. Tunc verò in furentem & ipsa sæuire audaciùs; Nolle se tam foedum exitum spectare: Nisi vivere promitteret, se ad auxilium proclamaturam. Iamque ad fores videbatur processura; cùm Argenis laciniam

vestis ducens iterum in amplexus reuocat, & , ô mater, inquit, cur à tantis doloribus vetas abire? An Poliarchum si defuncta prior essem, fuisse victurum existimas? Non fallis, Selenissa; Ab cunis ad id quod ætatis meæ est, quid velis, quid commendes, intellexi. Quod iam fieri prohibes, cum meâ manu patrauerò, ipsa potissimum laudabis. Si quid è mortuis superest, amat me etiamnum Poliarchus. Ibo fœlix ad sponsum, & sine inuidiâ castissimas miscebimus vmbas. Ad extremum, si extinctis sensibus toti in tumulos condimur, hoc cum vitâ malum effugiam, (horreo loqui) ne interfectore Poliarchi venerari necesse sit. Scis cuius imperio ignes hesterni micuerint. An dubites illinc fortissimo viro fuisse exitiû? Sed pater est. Impietas erit parentem auersari. Sic igitur inter Poliarchum & patrem partiemur affectus, vt depositâ vitâ, quod mihi vtriusque beneficium

est, neutri possim irasci vel fauere.

Contrà Selenissa dedecus cædis urgebat ad quam amor impulisset; tandemque, veluti melioribus fatis admonita; quid nos autem Poliarchum, tanquam proclamatum, deflemus? famæque tam sæpè ludenti certissimo dolore iam credimus? Nescis in fabulis errorem Pyrami vulgari, ut discamus periculosum esse ex primis indiciis furiosè decernere? Quid scis an in paria fata nunc voces Poliarchum, quibus ille suam Thisben imprudens damnauit? Poliarchum audimus occidisse. At quàm multa fingere rumor solet? Quis cadauer inspexit? quis maculatum sanguine enses? Forsitan nunc securus, & despectis hostibus lætus, si cecideris, per tuum vulnus animam efflabit. Mittere qui certiora renuncient; & saltem in hoc viue, ne cum, si viuus est, perdas. Tristi risu diducta Argenis ceruicem mouit; & quàm, inquit, vana spe extre-

mos luctus differs? Hoc commento nec tibi, ô mater, nec mihi persuades. Sed hoc dabo Poliarcho, aut veriùs diis, ne temerè credam hoc facinus esse patratum. eâ lege, ne cùm certiùs de clade constiterit, molesta sis vitam & sensus posituræ. Hoc principio læta anus, quæ sciret atrociam ex luctu consilia primo impetu pertimescenda esse, cùm autem moram pati incesperunt, sua sponte excidere, iurisiurandi arbitrium penes se fecit; & per deos, deasque, sed præcipuè per genium Poliarchi, sacramentum Argenidi præiuit, nihil illam toto bidduo, quicquid audiret deinde, vel sciret, suæ vitæ nocituram. Annuente virgine, & in verba quæ Selenissa conceperat iurante, monere anus cœpit ut recomponeret comas, ne cuiquam ad tam arcani doloris noticiam indicium esset. Formam, quamquam in Argenide summa erat, tamen magnitudo animi vincebat. Domuit scilicet gemitus,

momentoque in vultus redijt quos ante dolorem habuerat; nisi quòd in oculis rubor tumebat, quem admotâ gelidâ temperauit.

Adhuc colligebat animum, & in lætius ora fingebat, cùm vna ancillarum ad fores pultauit, monuitque iam Regem in limine arcis esse. Neque mora, Argenis, tanquam aliud egisset, redit in thalamum, etiam porrectiori vultu quàm res publicæ merebantur; siue quòd à suspicione sui luctus abesset, siue vt inter simulationis dolorisque certamen, in iustum temperamentum omnia verba, omnes gestus redirent. A prætorianis inde excepta, qui non procul excubabant, per media regis atria successit ad portam. Haud procul erat Rex, qui ad genua accedentem, ponentemque dexteræ osculum, sustollens, & mox leui manu verberans genas, usquene valuisset rogabat; maciem simul, pallorémque incusabat, quibus

inter bellorum metus deteriore formam fecerat. At illa haud licuisse per pietatem respondit, Patrem & Regem in castra profectum, saltem votis curisque non prosequi: sumptaque lugendi materiâ, nonnihil lachrymis, quæ frequentissimæ instabant, indulgit. Rex eam bono animo esse iubet: Annuisse deos votis: Restitueret placidis rebus vultum, quem aduersæ exhaustauerant. Populus se circum effuderat, non minùs quàm senectutem Meleandri, speciem Argenidis virtutemque reueritus; quæ eâ arte dispensabat supercilia, oculos, nutum, ut & populus humanitate captus acclamationibus exultaret, & ex Optimatum frequentiam nemo neglectum omissumve se crederet.

Salutantium supplicumque concursu Rex obsessus paulisper in atrio hæsit; in quo fons erat non plus aquis notabilis, quàm arte signorum, quæ

illic hospiti Coccalo aiebant Dædalum
 poliuisse. Aquæ in altitudinem re-
 deuntis originis, per varias fistulas at-
 que formas micabant; mox in subie-
 ctum alueum recidentes, feruebant
 ipso tumultu labendi, reddebantque
 colorem mari simillimum. In medio
 Galatea, tanquam in pelago, lugebat
 recens extinctum Acim, qui iacebat in
 littore, & tanquam inciperet solui in
 flumen, duos fontes ore soluebat &
 vulnere. In confinio aquæ, contumax
 Cyclopiis imago, simul alio saxo im-
 minebat securæ Galatæ, simul audie-
 bat indignantem his versibus, quibus
 artifex subiectum marmor inciderat.

Durior ô saxo quo nunc meus occidit Acis,

Asperior sylvis & Polypheme tuis;

Ausa lues. Deus hæc faciet, quem tu infæ-

fati,

Quem non mortalem passus es esse virū.

Nam Deus Acis erit, vivetque perennibus

vindis.

*Quid facies? nullas hæc timet unda
minas.*

*Iam fons corda tenet; iam fons tenet om-
nia. qualis*

*Acis erat, dat nunc candidus auctor
aquas.*

*Cincinniꝑ; sui memores labūtur in orbem;
Errat & in tremulis annulus ille vadis.*

*Quàm bona cæruleis perijt iam purpura
venis!*

*Nec tamen in gelido sanguine friget
amor.*

*Quò meus Acis abit? quò vos humerique,
manúsque?*

*O quanti numen constat habere nouum!
Hei mihi! ne se hominem plus vulnere sen-
serit esse,*

*Quàm nunc thure dato sentiet esse deum.
Hoc conspectu Argenis cladis admo-
nita, dum Rex cunctaretur in obuijs,
solitario dolore se pascebat. Erat sibi
Galatea; meliorem Acim flebat. Sed
quis ille Polyphemus? Quamquam eo
desti-*

destinabat Lycogenem, tamen & culpa paternæ inuita meminerat. Iam ad interiora Aulæ processerant; & purpuratis ad corporum officia dilapsis, penè soli familiarium obsequiorum ministri cum Meleandro perstitierant. Lætus Rex hoc secreto, & ab his quoque cum Argenide diuersus, Tua, inquit, ætas & sexus, mea gnata, expertem facerent publicorum consiliorum, nisi te disciplina & indoles erexisset ad magna, & præterea quòd utcunque sis fœmina, tamen in te recumbit fortuna Siciliæ, & viris imperatura es. Assuesce me viuo illis curis, sine quibus regia dignitas sustineri non potest; & quod potissimum in regnante est, disce silere. Pessimo loco sumus, Argenis, nisi pati iniurias ita possumus, ut videamur non sensisse. Nam si pondere quod nunc vrget flecti nolumus, fortasse frangemur. Scis à me defecisse Lycogenem; Multas vrbes in partes abscessisse. Peiùs

nocent qui intra viscera hærent, meis-
que consilijs incubant, veriùs me ca-
ptivum quàm Regem observantes.
Prælium quo nuper certauimus, vide-
batur Lycogenem admonuisse quid
possem. Victus erat, & nisi fauisset nox,
ne munitionibus quidem tutus vim
meorum tulisset. Tum verò Optima-
tum illorum haud pauci qui apud me
erant, quos arbitros consiliorum ha-
bueram, diutiùs sua studia non presse-
re. Fœderibus opus esse clamabant;
Validam populi partem consensisse
Lycogeni: Hos seruare præstaret, an
desperatione incensos in mutuam cla-
dem excire, tantùm parricidas dubita-
re. Iam & ipsum Lycogenem audebant
excusare. & hunc quidem prælio vi-
ctum esse non bello: Sed præterea, ut
funditus perdi posset, non tamen expe-
dire. Quo enim oculo Siculos inspe-
cturos qui eorum delicias sustulisset?
Acriùs pro ultione defuncti, quàm pro

viuentis decore certaturos. Occuparem igitur tempus, dum acie victor, pacem ciuium beneficium meum facere poteram. Non dissimulabo, Argenis, plùs inter has voces timui, quàm in campo cùm Lycogenis signa fulgerent. Prodi dignitatem meam videbam, & timeri poterant grauiora si decipi abnuissem. Fecisti, gnata, præcipuè, vt regnum retinere quacûque pace mallet, quàm exheredem te facere obstinata defensione maiestatis. Sed nec leges expectarunt à me Rege atque victore. Tabulas à Lycogene obtulere, quarum summa hæc erat. Meleander Rex, Siciliam pleno iure obtineto. Lycogeni apud eum amicitia gradus esto, qui fuit. Eisdem & maris, & Syracusani agri præfectura seruetur. Erbessum, & Heracleam, cum præsidijs habeat in fidei pignus. Cauebât præterea ne liceret meminisse iniuriarum, vllóve iudicio quicquid per hos tumultus actum est vindicare.

Non erat meæ dignitatis, Argenis, conditiones ad paciscendam pacem accipere; sed nec recusare, fortunæ. Inter vtrumque ambiguo, Ibburranes atque Dunalbius egregiam operam dederunt, ne quid præter maiestatem facere crederer. Nam infulas numinum quibus ornantur, conuenientissimas sciebam, ut veluti ex officio ad concordiam hortarentur armatos; maiorem etiam fidem (quia externi sunt) fore, hinc illis instar sequestrorum commeaturis. Pannormi tunc erant; Acceptisque codicillis, quos perplexos illis scripsi, facile quid vellem intellexerunt. Ergo nunc ad me, nec ad Lycogenem delati, tanquam inuitos ad ea coëgerunt quæ potissimum cupiebamus. Ita conditionibus sum assensus quas ferebat Lycogenes; nisi quòd intra duas cohortes præsidium esse iussi, quo Erbesum & Heracleam teneret. Idque maximè caui, ne præsidij specie totas illic habeat legio-

nes, in me captato tempore inuasuras; néve suspecta sit lenitas mea ad omnia arbitria inimici tam facilis. Hæc legatos iubebam nunciare Lycogeni; & si conditio placeret, postero die ad nos redire. Neque mora in his erat; sed ad me aduentantes tristis casus afflixit. In Poliarchum inciderunt. Dirigit Argenis ad rei mentionem; & ut perturbatio oris lateret, sponte tam violentam tussim commouit, ut qui deinde horror aut rubor suffundi cœpisset, facile ad excussos spiritus referretur.

Diu expectante Meleandro, cum utcunque ipsa cessasset: Pessimo fato (inquit ille) in legatos Lycogenis Poliarchus inuectus est. Dubium consilio an errore. Sed ferro non pepercit. & tres ea clade extincti sunt. Duo supererant; qui ex fugâ calentes ad me perueniunt. Hic tumultu cuncta complere, lamentari indignum exitum sociorum, ita meam fidem appellare,

ut penè criminarentur. Cùmque ad-
uocatis extemplo Proceribus ; con-
cilium illis dedissem , iam non soli in-
uidiam mihi fecere. Multi ex meis par-
tes eorum questu acerbissimo imple-
runt. Summa clamorum fuit, oportere
Poliarchum dedi ad pœnam ; ne credi
vulgò posset immissus qui mea fide
rutos occideret. Nec mitiùs quàm ca-
pite anquirendum in tanti exempli
facinore. Hæc iubentibus propiores
quàm consulentibus vrgebant. Sed
obstabat ingens in me meritum Po-
liarchi, qui prælio mihi victoriam con-
ciliauerat. Et virtus experta, suspitioni
ignobilis facinoris non patebat. Cleo-
bulo quidem, atque Eurymedi cæte-
risque qui in concilio sani erant, incre-
dibile erat id scelus. Reum illi audien-
dum censebant, facilè quæ sibi obji-
ciebantur excusaturum. Igitur missu-
rum me affirmo, qui eum ad dicendam
causam accerferent. Fore enim sine

exemplo si defensione sublatâ oppri-
meretur. Hoc audito peiùs hostes ac-
censi sunt; Eripi enim debitæ vindictæ
Poliarchum, si vlcisci differrem. Num
enim post tantæ audaciæ nefas, nisi vi
& ingratijs rediturum? Imò nisi prohi-
beretur, excessurum ex insulâ, & in
patriâ iactaturum quàm impunè illu-
sisset Sicilia. Cùm me diutiùs confusâ
flagitatione lacerarent, rogaui, quid
igitur factò opus. Nam abesse Poliar-
chum; & in absentem supplicia frustra
constitui. Vox illorum omnium fuit,
fugam ipsius occupandam; quod per-
facile esset, si iuberem nocturnis igni-
bus prouinciæ signum dari: Ita enim
occlusis portibus tanquam in custodiâ
hæsurum; futurumque exemplo pere-
grinis scelera vbicunque possunt fieri,
posse quoque vindicari. Credidi (Ar-
genis) è salute Poliarchi, vt assentirer
quæstioni; ne negatâ vltione accende-
rem suo se arbitrio vindicatueros. Nam

& vbi incolumis ad iudicium venisset, multa posse occurrere quæ cum furentibus eriperent. Primâ igitur nocte publici è speculis ignes in Poliarchum fulserunt. & mihi in malis solatium fuit, quòd militum vulgus agrè eius periculum audiuit. Sed speranti meliora, primo mane superuenit Timonides maximi luctûs auctor, nunciauitque Poliarchum perijsse. Non potuit Argenis dolori imperare; sed ingenti suspirio victa, primùmque in genua subsidens, mox tanquam expiratura, procubuit. Exclamat Meleander, factoque proximorum concursu, inter manus puellarum in thorum illata est. Aquâ deinde ori perfusâ, vestibúsque laxatis, liberior spiritus sudorem compescuit. Percunctabatur Selenissam Meleander; quod ægritudinis genus; & num primùm filiam vrgeret. se quidem dum ambo colloquuntur aduersæ valetudinis signa notasse, inquietos ocu-

los, & sæpe reprehensos ab errore. Sed nec eundem fronti colorem constitisse. Selenissa aptè dissimulabat, iam biduum esse ex quo illa satis cibum non caperet; hinc se febriculam suspicari; Experimentiâ tamen scire, hoc linq̃uentis animi frigus in Argenide breue esse, nec grauioris mali indicio suspectum.

Dum in his rebus sunt, interim à Lycogene litteræ Regi redduntur, quibus significabat ei præstò se futurum, vt in Palladis sacrario (id rex sanctissimum habebat) iureiurando pax perpetraretur. Se postero die, si Regi videretur, esse venturum. Rex ei renunciari iubet, id magnopere sibi placere; sciret se in crastinum expectari. Dimisso nuncio, Eurymedem vocat, virum semper animis successúque egregium. Nam & iuuenis semel in Olympiâ cursu, iterum luctâ in Isthmicis, coronauerat patriam oleastro & apio.

In paucis deinde Regi charus, & prætorianis Præfectus, semperque arcirector, aut urbi, quamcunque Rex iniisset; & fidem per hæc bella incorruptam præstiterat. Huic Rex quæ videbantur imperat: curarentur intentius eâ nocte excubiæ; cohortes, quæ à suspicionem perfidiæ aberant, in stationibus locarentur; vigilum numerus duplex esset; Cauendum, ne quid suo aduentu moueret Lycogenes; Eum enim non tam conciliatæ pacis fiduciâ, quàm factionis suæ viribus tutum, ad aulam accedere. Postquam mandata hæc dedit, quia Argenidi melius erat, in eius triclinio cœnauit; illic (vt erat mitissimi animi Princeps) maceratum curis animum nonnihil refecturus. Reliquum noctis, quantum per sollicitudinem licebat, somno datum. Sed Argenidem interim dolor per indigna & horrenda consilia ducebat. Neque satis placida, aut secunda Poliarcho nox

erat, Timocleæ quoque ædibus nouâ tempestate feruentibus.

Cùm enim Gelanorus discessisset ab Arsidâ, rectâ viam ad Timocleæ limen habuerat. Illic apud seruulos fictum patroni exitum cautè defleuit. Matrona totam scenam ex arte prosequuta, coram familiaribus rogabat Gelanorum quonam fato Poliarchus perisset; & ille liberiùs apud intelligentem mentiebatur. Superuenit etiam Archombrotus, fictisque probè doloribus vocem suam & vultum mutauit. Aderat inter hæc Arsidas; quem vt ad hospitium diuertere nunciatum est Timocleæ, ipsa ad vestibulum confestim processit. Cùmque ille excusaret, quòd nimîâ familiaritatis fiduciâ ad eius limina de itinere deflexisset; & matrona, id ipsum beneficium vocando ageret gratias, succedunt intra recta; inóxque Archombroto sociantur, quem prior Arsidas cœperat, vt-

pote externum, salutare. Tempus prandij erat, quod Siculi supra cæterorum Græcorum molliem, curabant. Hoc confecto, cùm ad sumendum cibum digrederetur familia, solique cum Timocleâ Archombrotus & Arsidas superessent; Scio, Arsida, (inquit illa) te ad pium officium aduenisse. Poliar-chum, licet in infestâ fortunâ, quæris & amas. Vt ex Gelanoro didicisti, apud me est. Quæ illum causæ perculerint neque hîc quæro, & meliùs apud ipsum à te accipiam. Tum Arsidas; Dij, inquit, in præsens silentium commodent nostris rebus. Cæterùm quod secreti (matrona) nunc agimus, nulla ætas tacebit; Sed in ambiguo tuæ domûs fortuna est. Si fidem seruabit, si hoc grande virtutis depositum, cùm tutò licebit, Orbi reddet; plusquam Saturni Latium posteris erit. Sin tumuli omen hîc habet sub terrâ Poliar-chus, pollutæ erunt sedes: quicquid

dirarum in Siciliâ narratur, in his ant-
tris, in hoc Ditis adyto, vulgaris infam-
ia inueniet.

Parata fax erat, quam cùm accendisset Timoclea, ad Poliarchum ituros præcessit. Neque diu in illis latebris fuerant, cùm vident assurgentem ex puluino, & aduentantium lumine excitatum. Is posteaquam Arsidam vidit, cæteris obiter salutatis, in illius collum inuasit. Fidem deinde amici collaudare, & subinde rogare, an latitantem reumque Poliarchum agnosceret. Et vides, inquit, hanc matronam? Si hæ latebræ mihi pudendæ sunt, culpam deprecari non potest; Sin salutare hoc capitis mei furtum, illi me debeo. Coëgit apud se potissimum in hoc turbine esse. Dic autem, Arsida, quo piaculo meruerim esse sacer Siciliae. An Rex de Melcandro Cercyon aut Busiris est factus? Aut vos Siculi habetis Dianæ Tauricæ signum, & hospitis

Sanguine grauem deam placatis? Ad hæc Arsidas non pauca de Meleandri rebus questus, exposuit quantum seditionis instar regijs castris intulissent legati Lycogenis, & cum illis purpurati aliquot Regi infidi. Tantis malis victum Regem, cùm res in tumultum excederet, & Poliarchus fugere ex Insula diceretur, annuisse vt publicè ignes fierent. Poliarchus non sine indignatione Arsidam audiebat, crebròque, & mutatis vestigijs acer, & loquuturo similis erat; Cùmque desisset, tum verò Timocleæ manum corripiens, Te autem, inquit, testor (nam quamuis præsentissimi dij sunt, tamen nec vsquequaque per sua numina fallentes perdunt, nec continuò adsunt cùm ritè inuocantur) Te inquam, Timoclea, testem volo. Adfuiſti facinori. Vidisti pugnantem. Num insidias struxi? num quæſij in quos certarem? num obuios laceſſiui? Incogitantem adorti sunt. &

ergo vel sub illis percundum mihi erat, vel si vicissem in me armanda Sicilia? Quod verò meditati sceleris argumentum? Vnus eram; & infirmissimum pugnae solatium, mulier comitabatur; Matronae, seruuli, meusque libertus, in pacatâ ut credebatur syluâ praeuerant, ut nec ad illos certantium sonus peruenerit. Quò autem miserrimum Regem fortuna adegit? A coniuratis & perduellibus missos instar iustorum legatorum venerari, litare suorum sanguine cupiditati hostium; & infra eorum crudelissima vota famam habere.

Plura quæ dolor, & conscientia, admovebat, ingentem, vetat Arsidas de famâ publica dubitare. Dicere omnes, nisi à Lycogene corruptos, esse in paucis eximiam fortitudinis laudem, vnum, & itineri non pugnae paratum, ex tot grassatorum manibus victorem euasisse; Riderique à militibus foedissime querentes, quòd quinque, aut

plures, ab vno oppressi sint. Sed iam aliud quærendum, Poliarche. Indigna est, vt se hodie habet, tuâ virtute Sicilia. Exi parumper. Da Regi, ne cogatur aut periculosâ suis rebus sanctitare te tueri, aut cum flagitio inimicis relinquere. Adhuc in te sic peccauit, vt possit excusari. Cædem enim vel lui, vel purgari iudicio, adeò mos est, vt ipsum Martem ferant, cæso Halirrhothio, in Areopago causam dixisse. Quòd si securi & legitimi fori spes esset, suaderem, Poliarche, vt vltro tui copiam faceres accusantibus. Neque enim aliud in te decretum, quàm vt ad Iudices venias; causa autem est, quam vel iniquis probes. Sed odium & impietas hostilis, non expectaret iudicum vnam. Insidijs, aut impetu, facinus vrgerent. Horreo loqui. Abi modò Poliarche. Permitte hanc Insulam non in totum esse scelestam. Poliarchus se verò si liceret abiturum respondit; Nec quid minùs

minùs post tot beneficia quàm pacatum discessum, ingratissimam terram posse præstare. Malè merito Regi ideò minùs se irasci, quòd à fortunâ illum plecti ad inimicorum satietatem iam videat.

Inter eos deinde quæri cœptum, quâ tutissimè ratione emitteretur ab insulâ; placuitque in rustico habitu eum esse. Arsidas ex Brutijs vxorem habebat, poterátque Messanâ ad socerum sine suspiciònẽ transmittere. Is impositum suo nauigio Poliarchum recipiebat in Italiam deferre. Timocleæ habere se præterea dixit, quo vultum fugientis egregiâ fraude mutaret. Fuit, inquit, in Panormi finibus latro, non spernendæ calliditatis arte diu inultus. Quippe vultus illi triplex, vt de Geryone quædam anus fabulis memorant. His dictis modico risu cunctata est, quantum in tristissimis rebus decebat. Ætas homini media erat, raua barba,

& tenuis: Sed in sinu capillitia duo, ex quibus totidem barbæ pendebant; hæc horridior, & in senilem effigiem cana; fusca alia, in primæ virilitatis specimen colebatur. Has laruas tanta ars concinnabat, vt nemo ascititiam formam deprehendere, nemo arguere furtiuos vultus posset. Igitur modò senex, nunc iunior, interdum demptâ personâ cernebatur. Sic impunè latrocinantem mutabilis forma non supplicij tantùm, sed & suspicioni diu eripuit. Nam iuuenili grassatus specie, mox senex occurrebat quærentibus; rursumque fallebat iuuentutis imagine, si sub canis peccauerat. Pater tunc meus provinciam regebat, qui fatigatus pessimi Chamæleontis ingenio, tandem captum meritissimâ cruce fregit. Sed miratus fraudis ingenium ad naturam accedentis, pilos iussit apud se asseruari. Si placet hos producam, aptabimûsque Poliarcho.

Non expectauit donec ullus annueret; sed excessit ex specu; neque diu morata attulit hæc gemina iuuentutis & supremæ ætatis simulachra. Horum alterum cum imposuissent Poliarcho, frendenti, quod sibi alienis & improbis vultibus ad salutem opus esset, statim sic alius fuit, ut vel Argenidem fallere posset. Opportunissimæ fraudi benè precati, rogare perseuerant, ut eâ uti velit. Timoclea quoque idoneas vestes primâ nocte delaturam se promisit. Nam debere in ijs latebris Poliarchum in ignoto habitu esse, ut si qua illic fortuna tulisset curiosos, in proximos campos sui oris securus fugere posset. Iamque erant discessuri, cum Arsidad Poliarchus seuocat; Archombroto & Timocleæ excusans quod cum eo secretus loqueretur; & colloquendi causa erat, quod necessitudinem quæ ipsi cum Argenide erat amicorum fidissimus sciret. Eum igitur

obtestatur, ne quàm primùm ad Argenidem grauetur contendere; se de Virginis vice multò grauiùs quàm de suâ anxium esse. Scire enim suam cladem illi immodicè dolituram. Quid verò quòd extinctus dicebatur? Tristissimæ famæ errore, ad saxa & vltima consilia posse amantem adigi. Iret Arsidas, & mœrentem subleuaret. Ne illa fleat incolumem. Si dij exitum præstiterint, in Italico se littore expectaturum eius imperia; aut si iuberet, tunc etiam quamlibet periculoso furto ad eam esse iturum. Plura nec dicere tempus sinebat, nec Arsida volebat committere; qui operam prolixè pollicitus, tamen quia iam vesp̃era erat, hortante Timocleâ, nec dissuadente Poliarcho, in crastinum distulit iter. Sumptâ cœnâ redituri ad Poliarchum erant, cum vestibus quas matrona promiserat. Is interim allatis à Timocleâ cibis perfunctoriè vescēbatur; &, quò illum à præ-

sentium malorum sensu auerteret,
 nonnihil iocatus Arsidas, Quid doles,
 vir fortissime, inquit, si te specus, si
 mutatus habitus ab hostibus teget? Tu
 vnus; tu plurimos fugis; At superos
 omnes, cum vnus insequeretur Ty-
 phæus, fugæ non puduit; nec fortasse
 euassissent, nisi Ægyptus animantium
 turpibus formis pauentes condidisset.
 Audi quantâ audaciâ Nicopompus fa-
 miliaris tuus in illorum metu versatus,
 diuinis vultibus rictus & rostra indu-
 xerit. Tradidit deinde librum, in quo
 erat poësis variij argumenti; iam iam-
 que abiturus, hos versus quos ille le-
 geret vngue signauit.

*Jam propè congesti super astra Typhoëa
 montes*

*Extulerant; tremuere Dei; nec saeva To-
 nantem*

Fulmina, nec certa Phœbum iuuere sagittæ.

*Non ferro insignis Mauors, non Gorgone
 Pallas;*

*Non animi, non ora manent; miserósque
reliquit*

*Sanguis, & in capto pallebant sydera cælo.
Horridus aëriâ cumulans fastigia brumâ,
Exsuperansq; Notos, cælo coniungitur Atlas,
Inq; solum præbet superis iter. Astra recubunt
Verticibus, Libycis hærent vestigia campis.
Ergo per immēsos humeros, menti q; seueram
Caniciem, & riuis gelidos manantibus artus,
Defluxere polo Superi: Ne fidite terræ
Cælicolæ; Dirum peperit vesana Typhæum.
Qualiter imbelles volucris timor agmine
mixto*

*Exercet cursu Damas; Cùm prima per arua
Sustinuere fugam, stant omnes impete presso,
Hausturæ sonitum, seu quem latrantibus
horrens*

*Aura feret, seu quem venantia cornua
mittent.*

*Tum subito effusa celerant vestigia, quæ dat
Sylua locum. Sequitur falsi terroris imago
Longa, nec auditi cessant simulachra pericli.
Haud aliter toto fugiunt vaga numina mûdo.*

Nil certum miseris. Superant montesque,
lacusque,
Planaque, nec furuis satis est sibi noctis in
• antris.

Est regio, incertus patria quæ flumina Nilus
Diuidit, & septem succedit in aquora riuus.
Si qua fides, illic mortalia corpora primum
Asspexere diem, retinens cum terra supremi
Ætheris informes animauit Apolline glebas.
Hæc furto placuit tellus, hæc fessa decorum
Agmina sub Pharia latuere crepidine ripæ.
Huc quoque Sylvanos, huc & nemora alta
tenentes

Egit cura Deas, Panesq; auxere tumultum.
Haud procul, ignara fati, securæ bidentes
Gramina carpebant, queis rustica fistula signum
Lene dabat: placidis suberant magalia septis,
Plenæque ludentes poscebant vbera nati.
Has videt, incerto lustrat dum singula visu
Iuppiter, & felix, inquit, pecus. Ergo Fontem
Fata premunt, nullumque timet grex iste
Typhæum?

Ite procul radij, semperque inuisa potestas;

*Pax humiles si tanta fouet. Sic dixit, &
albo*

*Vellere crispatus demissos induit artus,
Curuâque celatæ sinuauit cornua fronti,
Quâ cælum & terras solitus, quâ dira
mouere*

*Tartara, seu pacem, seu bella indigna iu-
beret.*

*Nec mora, mentitis aries balatibus ibat:
Permistusq; gregi (mirere Typhoëa captum?)
Et fallebat oues. Fraudis laudauit Apollo
Ingenium, & similes sese curuabat in astus.
Sed timuit terras, coruâque horrentibus alis
Plausit in alta viam. nec præpetis inscius
alæ,*

*Ter Superos circum, facili dedit omina gyro.
Proh pudor! aspiciunt, passimque exempla
sequuntur*

*Calicolæ. Varijs tecti Memphitica monstribus
Arua tenent, metuuntq; sibi; Dum spondet
inanes*

*Interea supplex non exaudit ad aras
Vota, & frustratis fumant cultoribus ignes.*

Interim Archombroto & Arsidæ, in Timocleæ hortis, nondum insalubris vespera per diuersos sermones agebatur; & occasione Poliarchi, de ijs sermo erat qui indole & virtutibus præstant. quàm hæ raræ in mortalibus gemmæ, quàm sæpe contemptæ ab ingenijs quæ ad seruitutem facta, liberis tamen ut plurimum imperant. Dum ista loquuntur, abstulit Arsidam cura virtutis, & præsentium fastidium rerum, ut cum impetu doceret, sine scelere & periculo, contumeliosè haberi non posse eximios viros; sed & genus inhumanitatis noxiosissimum esse, non illos extollere, & præmijs sollicitare de publico. Nunc (inquit) peruersam rationem fortuna instituit, ut in multis gentibus propè sit ad egregij animi indicium arceri à regijs, aut in illis iacere. Adeò timida aut barbara fœlicium vitia amant exarmare virtutem; quasi eâ potiores futuri sint, si egenam aut neglectam superbi

calcauerint. Archombrotus, seu sapientiam Arsidæ eliciebat ad imbuedum animum, seu agebat Regum causam, se quidem, quod ad Poliarchi casum erat, abominari dixit tam proteruam fortunæ licentiam; Cæterum, nihil mirum tot curis tótque sumptibus Reges exhaustos, præterire aliquando non vulgaria ingenia. Nam nec compendio fore, si egregios viros oporteret oneri cæteris esse, & naturæ omnes dotes publico auro signari. Sæpè etiam illas mentes quas tantopere miramur, inutiles Regibus nasci, nec aptari ad negotiorum vsum; Vt quidam fructus sunt ad videndi voluptatem; quos si velis ad gustum transferre, famem ingrato aut noxio succo fallant. Cunctabatur Arsidas respondere; contentus leui risu aspernari hanc defensionem pessimi fati; donec constitit ex Archombroti vultu (nam in eum erat intentus) velle se refutari. Curas autem

obijcis Regum? inquit. quasi non præcipua esse debeat, secum viros habere, quos non adeò crebros ætas hæc protulit, ut damnes nescio cuius lucernam in frequenti foro vnum saltem quærentis. At sumptum Respublica non ferret. O sollicitæ prudentiæ mentes! Ergo parcè aucupium procurari; stabula tanquam in Sybaritano exercitu saltatorijs equis non feruere; aut non reparari iacturam, si de venaticis canibus vnum Aper perculerit: Hæc, inquam, non ad vsum aut voluptatem Principum magis, quàm in specimen maiestatis, omitti, nefas ducunt. Tantum auri profundi, tot vilissimos homines de ærario viuere placet. Sed demum est graue haberi magnorum animorum delectum. hîc parsimonia in memoriam redit. hîc ærarium deficit; imò herculè bona mens, Archombrote. Fac enim ipsum Regem non amare eorum cōsortia. Num in thesauris sola

reponimus, quæ ingenerato affectu grata sunt nobis, & non præterea quæ precio suo merent? Sed nec angustè habitant Reges, ut si eiusmodi virorum colloquia fastidiunt, aut verentur, non possint tanquam absentem & reconditam penum habere. Nec de multitudine queraris, Archombrote. Quamlibet curioso delectu, tamen paucos efficias. Quosnam ergo, subiicit Archombrotus, in illam refers classẽ? Tum ille; Si latius, & extra Poliarchi hunc casum, rem totam expendimus; isthinc primum ex eminentioribus disciplinis aut artificijs nulla exegerim. Domitandis alius equis, alius pugilatu sit nobilis. Pingendo, aut canendo, sibi nomen hi fecerint; Ille ædium moliendarum celebretur peritiâ, aut deriuandis in simulachra fontium aquis; vel si qua ars alia, suo, aut seculi genio valet: Statim emanatur, etiam quanti seipsum indicarint, si vilius fortè non poterit.

Ipsa stipendiorum magnificentia commendabit artificem, & gloriam possidentis. Sed nobiles volo: & ut monui, quales paucos inuenias. Iam, quæ altiora sunt, belli & pacis artes, quid cessamus licitari? id est, homines fortitudine aut literis notos. Neque meram temeritatem in armis, Musæve vulgares, ad hæc præmia arcesso; Sed illos quidem duces, qui militarem impetum ratione compositum habent, aut fortunâ propitium; eosque præcipuè quos fama amauit, bellicis utique rebus vera momenta vanissimo numine sapissimè addens. Eruditorum verò præcipui adeò eminent, ut nisi imperitos non lateant raræ hæ faces, & sæpè in Orbe suis Musis pauciores. Quidam in illis publicæ prudentiæ sunt apti; sed quia hoc deorum beneficio uti nescit respublica, priuatis in curis consenscentes, non usu, non negotijs læuigantur. Cæteri, qui solis libris nati sunt, quid ta-

men apud præsentēs & posteros valeant, cùm ex irâ vel fauore diuidunt mortalibus famam, cùm suos amatores præiudicijs, sectisq̃ue imbuunt, si quis nescire vult, dignus est malo omine experiri.

Ita sumus comparati, Archombrote, vt quemque aliquod studium trahat. In illâ autem re quam probamus, aut colimus, eos qui excellunt miramur. Finge ergo artificiis, litteris, armisq̃ue præcipuos (nam ea fermè sunt quæ mortalium animos tangunt) velut in vno cœlo stellas, conuenisse ad Principum vllum. Quis deinde toto Orbe de regiâ illâ sermo? quis eam ignorabit? aut quia illic habet suum deum, cum horrore tanquam sacrarium non colet? Principi ipsi, quanta operis merces? vt excedet mortalium sortem? vt viuus, & sospes, multò certius quàm per odores, & aquilam erumpentem ex funere, se sentiet cōsecratum? Trium-

phabit in omnium plausu; Hæc fercula, hæc opima gentium spolia erunt, quorum ad se veluti flores in sertum collegerit.

Optabile votum, retulit Archombrotus, si ad illud spem facerent negotiorum turbæ, & diuersa eorum studia qui Regum amici sunt. Etiam illi præstantes de quibus loqueris, non omnes utique sunt venales; multique præterea eorum, ut oportet, optasve, gratiosi in aulis versantur; Ut ceteros quos eiusmodi felicitas præterit sit æquius de fortunâ quàm Regibus queri. Tum Arsidas; Neque posse credidi, Archombrote, huius nostræ contemplationis venustatem ad effectum absolutâ felicitate traduci. Sed ut cætera sapientia iuuat, licet in agendis rebus minùs exacta sit, quàm cum sequstri animo concipitur: Sic in hac parte plurimùm erit, quâ res & fortuna patietur, non negligere tantæ utilitatis

compendium; vt si omnes illi non possint, at plurimi beneficiis cogantur ad Regiam. Nam quòd Regum palatia, summæ indolis viris destitui negas, non in totum à te abeo; sed audi me Archombrote. Est medius ordo, & velut equestris, ingeniorum quidem sagacium, & commodorum rebus humanis, non tamen in primam quam celebramus magnitudinem patētium. Eorum hominum, vt sic dicam, maior annona est. neque hos nego ad Aulas sæpè accedere, & cùm prouecti sunt, ita splendescere ascititiis radiis dignitatis, vt exactæ naturæ opera esse credantur; velut obscuriores gemmæ interdum ab artificio, & circumposito auro lucem accipiunt optimis parem. Sedulum esse, nihil temerè loqui, assuescere labori, & imagini sapientiæ, parère, regere angustiores partes ingenij. Hæc neque summum hominem desiderant, & sola interdum sunt quæ

in

in laudatis Proceribus suspicias. Ut vel abesse vitia pro virtute sit; vel non inuidiosus prudentiæ riuus in Oceani famam se diffundat; dum exercitacionem ac vsum quo isti in ciuilibus rebus pollent, pro naturâ & magnitudine ingenij plerique accipiunt. Et hos quidem à suâ laude non arceo. Magnum est, in eam esse sortem productum, & præterea institutione creuisse. Sed non illi sunt, Archombrote, de quibus disceptamus.

Præter hos ergo (ut aiebas) adhuc scio nonnunquam primæ illius summaque notæ ingenia venire ad Principes, adhiberique negotiis. Quippe & Poliarchus viuebat in regiâ, & te, egregie Iuuenis, inter hæc naturæ ornamenta non dubito numerare. Habet & Meleander Cleobulum; habet Eurymedem; Nihil illis sublimius. Sed non ideo palatia Regum pro iustis aut felicibus habeo, quòd de breui eximio-

rum virorum numero paucissimos nonnunquam excipiant. Multò plures retuleris, aut spreto, aut quod peius est violato; ut his quæstibus meis æquitas sua constet. Culpa autem interdum est Regum, cum moneri non volunt timēte virtutem; interdum illorum qui Regibus adsunt, si natura barbaros fecit, aut incuriosos fœlicitas, aut fortuna superbos. Accedit, quòd Procerum multi decedere aliquid sibi credunt, cum quis extra se suòve de Regiâ plenior abit. Sic neglectâ virtutis familiâ, dispensant animum Principis, interdum nescientis, per suam clientelam. Longè aliud facturi, si candidè dominum amarent, imò mediusfidius, si seipso sapienter. Nam quid illustrius, quàm publico sumptu homines ad ornatum seculi editos in clientes sibi parare; dubituros certè an Regi plus debeant, an illis per quos ad hæc bona producti

sunt? Ridere mehercule soleo illorum cæcitatem qui non curant à literis eam laudem impetrare, quæ eorum voluptatibus opibûsque superstes sit; & quam nisi auidè ambientibus concedi non oportet. Nam vt eruditi non placent qui precio conducuntur, vt extollant immerentes; ita æquissimos puto qui non dignantur suis præconiis fastidiosam superbâque virtutem, aut denique ignatam quantum sibi literarum favore præstetur.

Quod si eiusmodi apum mella non placent; saltem non sunt excitandi aculei iniuriâ vel contemptu. Vnus enim siue literarum siue militiæ peritus, quàm sæpè priuatam iniuriam publice ultus sit? quàm sæpè vnus vicit, vnus partes inclinauit? Eiusmodi capitibus solent populi plures instar hostiarum mactari. Absit omen; nec & Sicilia sentiat Poliarchum esse iratum. Ille enim aderat vltro Regi; vt eo of-

fenſa ſit grauior, quòd non modò non
quæſſere, ſed nec ferre potuimus hanc
virtutem. Equidem neſcio ſanioribus
Optimatum ac præcipuè aduenienti
hodie, vt ferunt, Ibburrani, quâ ſe ra-
tione Melander excuſet. Ille enim
quia externus eſt, dignitatis præterea
ſuæ & familiaritatis iure, liberiùs hunc
caſum audebit apud Regem accuſare.
Quamquam ea probabantur Archom-
broto, tamen Arſidam in hos prolixius
ſermones de lapſum dolebat; libentiùs
ab eo accepturus quibus moribus Sici-
li viuerent; & quæ ſtudia maximè vige-
rent in Regiâ. Nam & memor à Poliar-
cho præcipua nomina audiſſe, quæ
tunc ſuis virtutibus aut vitijs inſignia
eſſent, de illorum nonnullis ardebat
percunctari. Cùm igitur Ibburranem
Arſidas nominauiffet, occasione arre-
ptâ, Quis autem ille vir, inquit, & quæ
illum virtutes vobis commendant?
Tum Arſidas; Ille quidem in Lydiâ

natus est, ait, & solâ amicitia nobis iunctus, quam Meleandri humanitas curiosè sanctiuit; Cæterùm dignus quem omnium gentium vota optent in ciuem. Ex vetustâ nobilitate Lydorum est; & inter negotia eductus, lætū animū, rebūsq̃ maturum, disciplinæ ac solertiâ impleuit; cūmq̃ accederet opulentia vis, omnes honestaturæ dignitates, cœpit iuuenis fungi muneribus quæ sunt in deorum cultu eximia. Paulò tardiùs tamen quàm sperauerant amici ad purpuram venit, quam multorum opinio illi cum lanugine destinauerat. Sed ad gloriam fuit priùs dignitatem mereri, quàm habere. Inde Tribunalia, legationes, prouincias obuiuit; ne quære quo genio: Par illi vbique æquitatis & clementia fama. Et quamquam splendido cultu, atque in egentē profuso, patrimonium vexabat, ea fuit integritas, vt non modò à peculatu abesset, nec venderet iudicia (à quibus

vitijis abesse nunc magnum putatur) sed nec oblatis Regum muneribus quæ cæteri ambiunt libertatem donaret. Illi animus simul hilaris & seuerus, prout in virtutes offendit aut vitia. Musas autem, quia eum amauerunt, adeò in summâ fortunâ non despicit, vt sæpè eas admittat in secretum, referâtque deinde amœnissimo ingenio quæ illæ dixerunt. Itaque ad eum tanquam Apollinem coëunt quos alta & innocens laurus superuexit vilibus mortalitatis curis. Ne quid verò ipsi Numina negarent, sanguine proximos ijsdem moribus in suauitatem charitatis sic iunxere, vt & totam familiam templum putes; & non sine præfagio maiores suæ stirpis symbolum apes fecisse; ex quibus pro merito atque tēporibus, nec aculeos nec suauitatem desideres. Cæterum toto hoc triduo apud Lycogenem fuit, de pacis conditionibus acturus: Re perfectâ hodie à Rege expectatur.

Colloquendi suauitas in aliquantum noctis sermones extraxerat, iamque cœna Matronæ officijs cumulata vocauerat conuiuas; & illi inter epulas tanquam prosperis rebus (nam Poliar-chum fidebant innoxie auchi posse) curas lenire inceperant. Sed adhuc circumferebatur mulsum, cum rusticorum hominum turba ad ædium fores periculosissimâ immanitate detonuit. Rogabat ostiarius furiosos, iubentésque intromitti, vt paterentur rem dominæ nunciari. At illi fastidioso nutu se cum imperio venire respondent. Simul his, fores in terram assulatim arietant, irrumpuntque vecordes. Tela quoque, quæ singulorum conditio, casusve obrulerat, superbè sustulerunt. Nam iusta arma nemini erant. Vbi verò in triclinium intrauere, Timoclea quidem subito metu contabuit; Archombrotus autem & Arsidas se de thoro præcipitant, suggestósque

à famulis enses impigrè stringunt, si peterentur eâ rabie, non facili aut inulto exitu perituri. Publici verò motûs origo hæc erat. Mulier ex vicino oppido, eo die in Timocleæ domo versata, cùm vidisset ignotum suis oculis Gelanorum, percunctata quis esset, audiuerat Poliarchi seruum esse. Festus Cereri dies erat, & ex vicinis mapalibus multi agrestes in oppidulum, quod Phthinthia dicebatur, conuenerant. Illuc cùm rediisset mulier, accessissetque in circulum ociosè compositis, temerè retulit seruum se vidisse Poliarchi. Statim audientium vnus; quid si, inquit, & ipse Poliarchus clàm illic asseruatur? Aderat alius audacibus consilijs præceps, qui rei tam seriæ questionem amitti non debere cum supercilio dixit. Toti oppido crimen fore, si in eius finibus Poliarchus latuisset. Iamque in multos eadem opinio peruascerat, cùm attollente se famâ, &

subinde maiora iactante, iam non quasi rem dubiam aut quærendam agitantes, certò ferebant, receptatricem Poliarchi esse Timocleam: Illinc ad publicum iudicium esse trahendum. Vana esse quæ de eius obitu antè audierant. Quo indicio id crederent, quem authòrem haberent; non curabant, sciebántve. Et ni dij obstitissent, non errauerat furiosorum coniectura. Adeò sæpè temeritas, & fortuna, fœlicius iudicat, quàm inter momenta prudentiæ incerta laboránsque solertia.

Incaluerat multitudo, forúmque tumultuariâ concione impleuerat, pro duce peruicacissimú sequutura. Cúmque vnus inclamaret, nihil esse cunctandum, prosiliunt vniuersi, & rapta quæ quisque potuit arma ferétes, effringunt Timocleæ limina, credúntque in Poliarchú incidisse. Quippe eorum nemini notus, dicebatur esse iuuenis, iustâ

staturâ, vultu amœno; & hæc omnia in Archombrotum cadebant; quem & vestis peregrina propiori suspitione damnabat. Nam Poliarcho, homini extero, eam conuenire crediderant. His capti indicijs plausum fecerunt; & ni viuum tenere voluissent, ipsâ multitudine obrutus alienæ inuidiæ pœnas luisset. Cûmque vultu & ferro se ad pugnam compararet; tum ille quem cæteri agrestes ducem habebant, propiùs mensæ admotus quæ sibi, & conuiuismedia erat; Nunc, inquit, secundo scelestus es, Poliarche; qui antea Regis iracundiam meritus, ferrum etiam in nos stringis publica mandata obeuntes. Pone ocyùs telum, vinctulisque te dede. Timocleæ eadem pœna erit, quæ te tamdiu incolumem ausa præstare. Post hæc vnus verba cæterorum clamor increbuit, sæuo confusioque impetu festinari iubentium. Archombrotus, quamquam Græcè sciebat, ta-

men in rusticâ voce nihil aliud perceperat, nisi ad vincula se deponci. Mirari non vacauit, aut quid deliquisset rogare in præsentî periculo. Tantum, iuuenili feruore elatus, decreuit inter eorum cædes mori. Sed Arsidas in Siciliâ natus, gnarûsque sermonis quo rustici utebantur, continuit irruentem; & , siste manum, Archombrote, siste, inquit; Quid impari, nec necessariâ pugnâ, frustra inter istos fortitudinem consumis? Ergo te vincent indigni quos superes? & vel mortem vel victoriam maculabis ignobilitate certaminis? Neque in te adornantur hæminæ. Poliarchum siquidem quærunt. In illum deinde conuersus, qui subito imperio ferox turbam ducebat; nihil tumultu benè agi admonuit. Cur illa multitudo priùs irascebatur, quàm se, vel Regem spectum sciret? Adiecit præterea blandimenta; nec se scilicet dubitare, quin ex illius cui loquebatur

nutu cuncta penderent. Si ei placeret
saltem breuem quietem imperare, pa-
rituros vniuersos. Delinitus rustici ani-
mus insuetis sibi honoribus fuit, silen-
tiumque lictori quàm duci similior
indixit.

Desinebat in fremitus sæuientium
murmur; cùm interrogauit Arsidas
quæ causa tantum vulgus in arma ex-
ciuisset; responditque ille antesigna-
nus ad Poliarchum comprehendend-
um se venisse. Tum verò Arsidas san-
ctissimè deierare, non adesse Poliar-
chum; nec, quod sciret, luce frui. com-
ponerent animos, piâ quidem, sed cæcâ
& præcipiti deuotione ad obsequium
Regis actos. An neminem inter illos
nouisse Poliarchum? frontem, os, ocu-
los hospitis quem malè vinculis desti-
nabant, omnino diuertere. Modestis-
simi agrestium sibilis exceperunt hanc
vocem; cæteris iracundia redijt, & diri-
piendum Regis hostem conclamaue-

runt. Ægrè tandem redditâ pace, cùm
Arsidas diu significasset se iterum velle
audiri, in eundem intuens ducem;
Vide, inquit, ne flagitij author sis.
Hûc externum nefas est violari. Quòd
si adeò sedet, iniuriâ immerentis pro-
bare vestram fidem; sanè in vestram
custodiam concedat, eâ lege ne mani-
cas, ne compedes deris. Vbi illuxerit
perducatur ad Regiam. De causâ qui
periti sunt cognoscent; neque fugiet
pœnas, si meruit. Timoclea cum custo-
dibus quantum prohibendæ fugæ sat
erit, hîc seruetur, donec constiterit esse
nocentem. Tu, qui potes, à cæterâ in
hanc domum violentiâ abstine oppi-
danos. Hoc & fidei in Regem, & pru-
dentiæ erit. Deliberantibus illis, iam
nec tractabilis Archombrotus Arsida
erat, negabátque deditiõnem sibi pla-
cere. An se enim rusticis & furentibus
pariturum? aut quæ sæuæ multitudinis
fides, in quâ, cùm feruet, cuilibet im-

punè peccare est? Sed ad genua aduoluta Timoclea, elatum animum multo gemitu frangebat; Neque perplexâ ratione Arsidas disputabat, hanc vnam salutis viam esse, vt ad Regem se duci pateretur. Nam cur mori placeret? aut quod solatium cladis esset, incondito tumultu (quod dij nefas auerterent) indignè percunti?

His parumper vtrunque iactatis, ille æstus, ac veluti procellæ vis ponere cœpit. Nam & Archombrotus monenti Arsidæ paruit, & mitigata plebs erat, quòd non tantùm non contempta, sed & vicisse videbatur. Tum verò prosequuta concordiam efficacissimâ benignitate Timoclea, totos vtres iussit in medium proferri, prodigique veterrimum vinum; multo quoque epityro agrestes excipiens. Illi se in excubias partiti, obtinebant stationes. In Archombroti cubiculo, circa acquiescentis lectum, octo in comporta-

rum stramen iacebant: totidem in limine cellæ in quam Timoclea secesserat. Cæteri in triclinio, aut vestibulo ædium ducebant peruigilio simillimam noctem; nili cùm temulentis somnus irreperet. quo plerumque iacebant captiuis suis faciles, si fallere aut nocere voluissent. Sed si fugisset Archombrotus, id in Timocleæ caput erat, omnibus Poliarchum euasisse credituris.

Cæterùm extra illorum curam Arsidas erat, quem neque Poliarchum, neque ædium dominum esse constabat. Is communicato cum Timocleâ consilio, in cellam ad quietem processit unde aditus ad Poliarchum ferebat. Inde munitis cubiculi claustris, in subiectam specum descendit, vestes quas Poliarcho mutando matrona parauerat ferens. Is vt solum Arsidam vidit, interrogare, non sine præfagio mali cœpit, cur Archombrotus, cur Timoclea, non

adesset. Et ille furorem rusticorum, periculúmque Archombroti narrauit, ad omnia verba horrenti, donec cum comperit esse incolumem. Tum verò circumposito sibi ornatu quem mittebat Timoclea, multùm Arsidam orauit, vt ad Argenidem primo mane properaret discedere; inde ad specum cum virginis mandatis, vbi illa iussisset, fide eadem & diligentia rediturus.

Cùm haud modicam noctis partem posuissent in illis sermonibus, redit in thalamum Arsidas, momentaneam quietem petiturus. Sed marcidæ voces, & stertentium rauca ebrietas, interpellauere somnum; vt denique abiectâ soporis spe, risu irato malediceret ludicris militibus, excitatisque eorum præcipuis, ad regiam se ire moneret; Ipsi vbi placeret, cum Archombroto sequerentur. Iter erat duodecim millium, quo strenuè confecto Aulam intravit, cùm vix pauci ex Argenidis familiâ

familiâ euigilassent. Illa noctem turbulentis cogitationibus non sine Selenissæ horrore exegerat; quæ memor furoris pridiani, & ad omnem inquieti corporis motum pauens, surgebat subinde de strato, & quis miseræ status, quis impetus esset, anxîâ contemplatione quærebat. Adhuc in illis erat officijs, cùm Arsidas ministros excitauit, rogauitque ad Selenissam intro-mitti. Rem ipsi ad ancillas detulerunt; & vna, cui licebat, reserato Argenidis thalamo, in quo Selenissæ stratum erat, adesse Arsidam, & matronæ colloqui velle dixit. Ipsum diei tempus nondum salutationibus maturum, (cùm præterea sciret, charum imprimis Arsidam fuisse Poliarcho) facile persuasit de rebus quæ tantopere turbabant aliquid nunciaturum aduenisse. Sed si tristitia afferebat, nefas erat scire Argenidem. Itaque Arsidam in proximum conclauæ matrona duci iubet, eoque process-

fit, vix satis interiori tunicâ circumductâ, & vbi soli fuerunt, prior sic orsa est. Scio venire te de Poliarcho dicturum. Age modò; viuimus, Arsida; an cum illo perijmus? Non tulit Arsidas diutiùs anum ambigere; & verò Poliarchum incolumem esse; ab eo ad se Argenidem aduenire. Turbata gaudio Selenissa præcipitem Arsidam in Argenidis thalamum trahit, cùmque se apud humilem thorum reclinasset in genua, nihil circuitu vsa est, (neque enim dandi gaudij festinatio sinebat) sed, viuit, ô domina, inquit, valétque Poliarchus. Sponsor tuæ salutis Arsidas adest. Argenis consumptis lachrymis penè exanguis, & tunc fortè cùm aduenit Selenissa, doloris quoque oblita, languerat; cùm repentinâ consolatione ièta, periculosiùs celeritate gaudij, quàm antea dolore oppressa est. Vbi verò respirauit, dicere Arsidam iubens, resedit in thoro, auidèque in

eum intuita, cùm audiret Poliarchum salutem illi dicere, effugisse inimicorum manus, & tutissimo secreto latere, ita exiit, ut tamen nondum excusso metu subinde cogeret iurare Arsidam vera esse quæ afferret. Ille, venturum quoque Poliarchum affirmabat, si ipsa iuberet: barbâ capillóque alieno notos vultus condidisse; vestem quoque indutum quæ imæ fortis hominem deceret. Nec omisit de rusticorum vi dicere, qui pridianum conuiuium turbauerant; ut furere, ut mitigari cœpissent, ut amœnissimum iuuenem, & maximâ in Poliarchum fide, pro ipso Poliarcho ducturi essent ad Regiam. Hæc non semel narrari Argenidi satis erat: quæ tandem ire Arsidam ad Meleandrum iubet, & de agrestium aduentu nunciare; ne venienti Archombroto quicquam durum indignumve accideret: His curatis ad se redite; Interim quid agere, quò ire,

Poliarchum præstaret, secum agituram.

Vix à secreto Argenidis dimissus Arsidas erat, cùm urbem inconditi illi ex agris homines intrauere, medium Archombrotum latè stipantes: Et militibus qui in statione erant, quid vellet afferrentē rogātibus, Poliarchum à se captum, ad Regem adduci retulerunt. Simul his intra mœnia recepti ad arcem venire; à quâ obiectis claustris exclusi, cùm sciscitaretur Eurymedes qui essent, quē mve quærerent, eodem errore dixerunt, ad Regem se venire tradituros Poliarchum. Hoc audito simul lætus Eurymedes, quòd viueret Poliarchus, simulque de amici periculo anxius, petiit sibi Poliarchum monstrari. Illi totis manibus Archombrotum indicauerunt. At Præfectus in ignoto sibi vultu non hærens, negauit eum esse quem dicerent. Iàmque suspecti erant, & arma ponere iubeban-

tur, verente Eurymede ne subornati à Lycogene venirent. Sed in Archom-
brotum præcipuè intuens; quæ hæc
autem est fabula, inquit, ô ituenis, aut
curte Poliarchum esse assimulas? Tum
ille, Se verò neque vnquam simulasse,
neque sponte hoc perductum comita-
tu processisse ad Regiam. Sibi errorem
rusticorum fraudi esse non debere.
Dum inter hos sermones sunt, interim
aderat Arsidas, & imperante Melean-
dro omnes produxit in atrium. Ibi
Cleobulus regionum consiliorum Præ-
fectus, Regis nomine ita locutus est
iam gnaris se errasse, vt Principem præ-
stitæ fidei memorem abundè promit-
teret: Seruarent ad omnia animum,
atque manus, quæ præterquam Diis &
Regi nihil debebant. Deinde Archō-
brotum, vt erat imperatum, duxit ad
Regem. Quem ille postquam idoneo
gestu cultūque propitiauit, ita exorsus
est Absit omen (Rex) quòd reus tuos

oculos primùm subeo. Summum vortorum fuit ad tuam regiam peruenire. Hoc consilio & patriam reliqui, & Siciliam, tanquam terrarum omnium te rectore foelicissimam sequutus sum. Cæterum quamquam in conspectum tuum prodire his authoribus noluissem; non hæc tamen sine deorū mente contigisse crediderim. Quantum intelligo, Rex, nemo tuis rebus Poliarcho addiëtor fuit, nemo bellicâ laude præstantior. Cur non glorier visum esse me dignum, qui eius vicem subirem? Certè vt de fortitudine concedam; ita præstabo, ne in te colendo diligentior fuerit. Nec contumax ista de Poliarcho est mentio. Accusatum quidem scio: sed adhuc indemnata memoriam fas est apud te laudare, & tueri. Quòd si armis meis, & manibus, vti placebit, intelliges viliozem mihi vitam imperiis tuis esse.

Hæc & similia differente Archom-

broto, Meleander auidissimo vultu in eum hærebat. Iuuentus, & species oris, tum luminum vigor, neque tristis aut inepta modestia, conciliabant dicentem. Utque desijt loqui, Rex primum gratias egit, quòd ad se diuertisset; experturum omnibus officiis, nullos sibi chariores, quàm qui ab externis regionibus virtutem non debitam, natamve Siciliae, vltro afferrent: Simul porrectam dexteram Iuveni tradit, quam ille subiectâ manu excipiens, quaque licuit pronus, osculo pressit. Receptus est deinde in amplexum, (nam Rex summa de eo augurabatur) sed de genere, & patriâ postquam rogatus est, nihil aliud retulit, quàm se natum in Africâ. còque intentius erecto Meleandri studio, haud quicquam vltèriùs potuit ab obstinato extorqueri. Saltem cùm ambitiosius rogaretur, vnde illi cum Poliarcho necessitudo; gentiles, an cognati; an duntaxat eos

amicitia iunxisset? omnia, præter Timoclea furtum, nihil dissimulatâ oratione exposuit.

Cùm deinde de violentiâ agrestium inter iocos sermo esset, Rex ipse coniecit, præter vultum & ætatem Archōbroti, peregrinum quoque cultum errori suffecisse; visumque inexpertis hominibus, quia Poliarchus erat externus, cum in externâ veste solere. Atqui, refert Archombrotus, non committam ampliùs patrij habitûs vitio plecti. Addam tunicæ pallium, & transibo in mores eorum quibus hîc imbuendum animum trado. Tum Rex; Imò expecta donec magis placeamus, & consuetudo insolentiam nostri cultûs apud te mitigarit. Nunc quidem tibi noui videmur; places tibi plenus veteri consuetudine, necdum ex animo imagine populi tui deletâ. Sed postquam impleuerit mentem noster aspectus, miraberis te diuersum, &

ferre non poteris. Equidem memini, & cum iuuenis transirem in Africam, risisse me dispares à nobis amictus; cumque deinde illos usu probassem, redissémque in Siciliam, non minori aspernatum fastidio patrias vestes; donec has rursus mihi patientia videndi conciliauit. Adeò nihil est iniustius, quàm damnare quæ ipsi non facimus, aut vidimus; si præsertim totæ gentes in illa consenserint. Cum enim ipso tempore iis placemur, apparet non vitio suo, sed ignoratione nostrâ, displicuisse primum visa: Et præterea cogitandum est, congruentes suis sedibus amictus atque mores singulas gentes habere, quos & tibi insinuabit genius regionis, si illum iustæ moræ experientiâ conceperis. Nihil te ergo, præter virtutem, aut vitium, magnopere moueat in tuâ gente vel exterâ. Velim tamen tuos ad mores atque usus, mi hospes, hæc omnia tibi procedere.

Dum hæc loquitur Meleander, & senili ambitione philosophatur, interim Arsidas haud ægrè ad Argenidem delapsus est; laudauitque Archombrotum, qui primò cum Rege congressus, Poliarchi mentionem cum honore intulerat. Sed cùm auidissimè à virgine & alumna hæc hospitis audiretur constantia, subitus per thalamum rumor fuit, correptum Poliarchum in vinculis esse, & ad Regem deduci. Nec territa Argenis, scilicet rata de Archombroto imprudentibus esse sermonem, sustulit cum aliquo risu vultum, & errorem deponerent iussit; qui ad Regem erat adductus, alium à Poliarcho esse. Excepit sermonem Virginum vna, dixitque longè aliud quàm quod ipsa crederet, iam afferri. Scire omnes externum iuuenem, quem rustici homines produxerant, non esse Poliarchum. iam verò certiori rumore constare, Poliarchum è specu in quâ mutatis vesti-

bus latebat, ab aliis agrestibus erutum,
trahi ad Regem. Qui id nunciarent
præmissos, ad aulam peruenisse. Hòc
fulmine attonita Argenis, tamen vix
horridiùs, quàm aut Arsidas, aut Sele-
nissa, contremuit. Et Selenissa quidem
silentium tenebat. Sed Arsidas ad au-
rem Argenidis demissus; Vicit, inquit,
nostras artes fortunæ malignitas. Actũ
est, Domina; nisi palàm audebis Po-
liarchum defendere. Postquam specum
audiui, cultusque mutatos, non du-
bito quin vera calamitas nuncietur. Et
illa velut vltimis & laceſſentibus malis
robustior facta; Cùm, inquit, referre-
tur de obitu Poliarchi, Arsida, res non
minùs solatio videbatur quàm spe ca-
rere. Solis luctibus tantos luctus pro-
sequi tunc licebat. Nunc cùm viuere
possit, & periturus timeatur, nunquam
dignâ poenâ defungar, nisi vel diligen-
tiâ meâ vivat, vel ego in illiùs malis cõ-
sumar. Ibo ad patrem; Silentium pro

crimine esset. Sciat tandem, quid debeat Poliarcho. Solatio erit, si nos perditos dii volunt, nihil omisisse virtutis ad ruinam eluctandam. Selenissa audaci consilio perterrita, verebatur Regis iram, si quæ tam diu ipsa siluerat Argenide profitente cognosceret. Sed nec dissuadendi locus, nec ratio erat. Omnia fortunæ credi oportuit. Iam enim ad Meleandrum Argenis corripuerat gradum, paucæque ex comitatu primum, ut in re improuisâ, mox & ipsa sequuta est.

Rex tunc fortè erat in hortis, & ipse de Poliarcho sollicitus, quem constans fama erat, esse in vinculis. Miserrimus senex, & nunquam quietus à fortunâ. Quid diceret, facerétve? Omnia aduersa, omnia in novos dolores composita. Propè biduum erat, ex quo tanquam mortuum sic apud se defleuerat, ut perfunctus videretur officio, & culpam abluisse. Nunc de integro quæ-

stionem fata reduxerant , mallétne peccare in iuuenem , an coëuntem Sicilia pacem intutissimâ æquitate rescindere. Iámque qui acerbiùs oderant Poliarchum , frequentes conuenerant , dicebántque eo iuvene uiuo nihil in Sicilia firmum fore. Aderat Archom-brotus , Regísque vix minùs quàm Poliarchi misertus , expectabat donec erumpētibus hominum studiis , posset amicos Poliarchi dignoscere. Paulò antè aduenerat Ibburranes , & cum Dunalbio paris dignitatis Antistite , qui tunc erat in Aulâ , cogitabat de patrocínio Poliarchi. Cùm certatim decedentibus cunctis subita Argenis ad Regem procedit ; ita dolorem adgubernante prudentiâ , ne priusquam res posceret , suam causam vellet orare. Securitatem faciebat destinatus nisi vinceret interitus ; oculísque in hostes Poliarchi circumlatis , acriùs ipsâ æmulatione accensa est. Nemo illic medio-

riter Poliarcho vel infestus, vel propitius erat.

Ecce autem, dum omnes velut imperato silentio in incertos exitus animum intendunt, Eurymedes suspensis superuenit, Heraleontem manu tenens. Hunc lapsæ mentis error notissimum aulæ effecerat. Et hic, inquit, nobis est Poliarchus, hic ab agrestibus de fugâ retractus est. Tum Heraleon in genua supplex procubuit, veniam passis manibus petens. Rex iam hilarior, ecquid peccauisset rogauit; Nihil, inquit, nisi quòd sum Poliarchus. Omnibus in risum effusis, Rex ab Eurymede petiit, hæc seriò an ioco agerentur. Et Eurymedes; Cùm pro limine arcis stare, illic vt imperaueras Poliarchum, si traderetur, excepturus, video rusticorum magnam turbam Heraleonti circumfusam. Is qui inter illos videbatur potissimus, multùm suæ fidei imputabat, quòd diligenter Po-

liarchum vinxissent. Erat autem Poliarchus, Heraleon. Suppresso ego risu, quæsiui quâ fœlicitate incidissent in prædam. Qui ex nostris hominibus primi, inquit, hoc manè ad opus exiere, mirati quòd iste per inuios campos ageret equum, nitereturque in impeditum montem, primùm monere errantem, mox sequi suspectum, instituerunt. Quippe tanquam omnes vitaret, ut in quemque inciderat, auertebat equi vestigia, quem per tot amfractus cum spiritus defecisset, ipse iam pedes specum in proximo nactus, præceps in eum se abdedit. Iam ad spectaculum coieramus multi, & facto agmine in speluncam concurrimus; Clamantem horrentemque cum educeremus, quis esset, curve lateret, rogatus, ultro se Poliarchum esse professus est. Vestis erat indigna Poliarchio; sed facile credidimus cultu mutato aufugisse. Neque mora, vinximus reluctan-

tem, & ad Regem, ut vides, reduximus. Cum sic rusticus perorasset, laudaui fidissimos homines, & ad suos agros dimisi. Hunc autem (Rex) tibi en fisto. quod videbitur in illius caput constitue.

Hæc loquente Eurymede, etiam tristissimis aliquem risum is casus expresserat. Quippe Heralcontem sciebant affectæ mētis vitio eò prolapsum, ut vulgò se esse Poliarchum iactaret. Solus erat qui fabulam ignoraret Archombrotus, quem à proximis sciscitantem quid negotij esset, Meleander ad se vocat, & de Heralconte hæc memorat. Quò magis hunc mirere, Archombrote, cætera ad hunc modum non desipit. Rem familiarem sobriè curat, negotiorum meminit; in agendo, in colloquendo, non ineptus, nisi ad Poliarchum sermo flectat. tunc quasi æstro perculsum amentia sua rapit. Se Poliarchum vocari, laudes
quæ

quæ illi nomini dantur, suas esse, & in alium iniquissimâ ratione transferri. Plus sex menses sunt, ex quo illi mens laborat sub hac larvâ. forsitan & accensis in Poliarchum ignibus se quæri putavit, aufugitque perterritus: & imperiti homines, neque vultu, neque insaniâ æstimatâ, pro eo quem se esse aiebat indignum mulctauerunt. Sed ipsum si lubet audiamus. Dic verò, Poliarche, quæ te res adegit ad fugam? At Heralcon; quid te autem, Rex, ut fugere me cogeret? Ex notis ignotisque nemo fuit qui consilium latendi non laudaret. Sub hac veste quam squalidam mihi imposui, credidi fugam benè texisse. O ut nunquam fuissetm Poliarchus!

Auertit se risurus Meleander; qui subitâ deinde naturæ humanæ miseratione commotus est, quam præter fortunæ iniurias, nec sufficiens tot cladi-
bus corpus, adhuc præcipuâ sui parte

tot mala excrcerent. Aderat Regis medicus; quem Philippum appellabant. Is parum rogatus, intemperiem cerebri fastidiosè descripsit, quæ veluti summam mētis intactam relinqueret, partemque duntaxat compleret amentia; quod Heraleonti accidisse multi studebant. Sunt, inquit, in eiusmodi hominibus laxa cerebri claustra, suæque tenuitate nimis apta recipiendis imaginibus rerum quas vocamus phantasias. Has in rarâ illâ substantiâ, & suâ lenitate quocunque impellatur obnoxia, semel impressas, ideò delere est arduum, quia ut plurimum aliquâ suauitate placent, & præterea veluti intingunt animum, non aliter quàm per vehementiùs succedentes diuersarum rerum species in alios colores abiturum. Vix est igitur ut illa ingenia vnquam vacent; semper immodicè ex irruentium cogitationum impetu aut ægra aut hilaria. Quòd si in aliquem

potissimum affectum isti homines cœperint inclinare, hunc assiduum habebunt in animo, hunc præsentem mentis oculis dulci studio alent; seu ille superbia erit, seu habendi cupiditas, aut impatientia ultionis, aut quicquid aliud turbidæ cupiditates nobis obijciunt. Ita spontè inclinati, si vis aliqua vehementior in eam partem ingruit, facilè perturbantur; ut quod diu esse voluerunt tandem esse existiment; nec iam illæ in domito & assueto animo imagines, rem ut optabilem, sed ut veram & præsentem figurent. Vis autem hæc vehemens, vel ex crescenti habitu est, & in dies gravius premente; vel ex subito impetu, qui ingens & improuisus occurrat, impleatque tanquam turbine lacescita ingenia. At cur, inquis, sic mentes affectæ in totum eiusmodi tempestate non pereunt? Faciunt verò sæpissimè; Sed & interdum sola illius rei contemplatio quæ in animo nimia

fuit, peccat; Nam vt membra iam sponte imbecillia, haud rarò profluentium humorum vim sic in se deriuant, vt ex morbo nihil supersit, quod synceras partes afflet; Sic iste Heralcon, & si quos non iniucundæ amentia socios habet, consumpto in cupiditatum vnâ ingenij vitio, quo aliquid nimis velle cogebantur, pacatiùs, & propemodum sine præiudicio, res alias intuentur, intelligunt; denique humano more viuunt: Vt plerisque mirum sit, quòd aut insaniam reliqua prudentia, aut hanc illa non perdat. Adderes, subiungit Meleander, vix mortalium vlli percipisse hoc genus insaniam. Quotusquisque aliquid sibi non fingit periculosius, stultiùsque, quàm se esse Poliarchum? Hic deos non esse, hic omnia esse deos, aut nihil voluptate preciosius, aut inulta numinibus facinora esse. Pauci denique Heralcontem non superant; nisi quòd tectiùs, aut magis

ad genium vulgi furunt. eò quoque lachrymis digniores, quòd excutere dementiam nolunt; iste non potest.

Inter hæc iacebat supplex Heralcon, ab auerso Rege ratus de supplicio suo agi; Nec defuere qui reuocarent Meleandrum ad iucundum spectaculum tam vana metuentis, scenâque ornabant, hi tanquam orarent, vt remitteret pœnam; alij proclamantes ad vindictam. Sed exhorruit Meleander ad Poliarchi memoriam, crudelis sibi visus, si eius nomini quem perijsse ducebat suum crimen, adhuc superbæ fabulæ contumaciâ illuderet. Ergo solutum metu abire Heralcon-tem iussit; causatus, sat nugarum rebus serijs obstrepuisse. Nam & nunciabatur aduentare Lycogenes; quem ipse quo vultu exciperet, quibus verbis affaretur, nonnihil cunctatus, tandem in cubiculum secessit, manûque ad proximam sellam nixus, cœpit ex com-

posito Argenidi loqui. Quippè Lyco-
genes paucissimis familiarium comi-
tatus, iisq̃ue, quò fiduciam simularet,
exercimibus, intrauerat Magellam; non
conscientiâ suâ, sed Regis ingenio, &
suorum studijs qui circa Regem erant,
superbè securus. Vehi quoque cursorijs
equis voluerat ad longioris pompæ
siue molestiam declinandam, siue in-
tempestiuam inuidiam. Quidam ex
amicis regijs, intérque eos Timonides,
à Meleandro iussi, tanquam spontè ei
obuiam ire, ab limine arcis ad con-
clauē in quo Rex erat, tumentem de-
duxere.

Intrat ille, haud vulgari vir specie,
quam ingens fiducia augebat; visó-
que cum Argenide Meleandro in ter-
ram de more se demisit. paulùm inde
progressus, iteratâ veneratione cun-
ctantes prosequitur. Nec tum quidem
Meleander vllò nutu venientem excep-
pit, obliquos in Argenidem vultus,

tamquam sermonis causâ tenens. Sed
ut propior Lycogenes intra pauca ve-
stigia fuit, tum Rex subitò porrectissi-
mâ fronte in illum aspiciens, petenti
genua dexteram dedit; addidit expeti-
tum venisse, & cætera quæ in humani-
tatis pignus omitti non solent. At verò
Lycogenes inter officiosæ demissionis
verba nihil artis omisit, quò aliorum
spirituum retinens, nec vilis esset Regi,
& factiosorum animis, qui multi tunc
aderant, fidem faceret adhuc se duce
contumaciam belli posse resurgere. Ex-
cusavit breuiter necessitatem, ut dice-
bat, armorum, ad quam à salutis suæ
insidiatoribus esset adductus. Se verò
nec fœdera, nec publicam fidem, expe-
ctaturum fuisse, nisi ut ab iisdem hosti-
bus apud Regem tutus esset. Melcan-
der non modò abolenda odia retulit,
sed & odiorum mentionem. Postero
die, in fano Palladis, deos testes recon-
ciliationis esse futuros. In varios deinde

sermone digressi sunt, utroque potissimum lætitiā, & quæ est peruicacissima ars Aularum, amorem fingente.

Eurymedes iubente Melandro, Lycogeni suorūque præcipuis prandium eo die instruxerat; quosdam præterea vocauerat meliorum partium Optimates, in quibus & Dunalbius fuit, qui quamquam exteræ gentis homo nulli Siculorum charitate in Regem cedebat. Erat ille in deorum ministerio præcipuus; ex Sacerdotibus qui purpurâ vestiuntur, tantamque dignitatem ornauerat ingentibus animi bonis. Strenuus, & par negotijs; Inuenire amicitias, & colere optimus; nudis inter synceros affectibus. In tantâ fœlicitate naturæ eminebat eruditionis amœnitas, omniumque Musarum consortium, quarum nullam factæ illæ ad vsum & negocia virtutes excluderant. Nec id impunè fuit; sæpè, ut solet, vlciscente fortunâ in egregio viro virtu-

ris amorem, & studium literarum. Nam & Auunculum olim Regem sacrorum habuerat, quem suos pro merito subuecturum, tam subito mimo febris eripuit, vt triumphales lucernæ rogi flammæ spectauerint. Ab hac spe deiectus nouoque periculo legatus ad exteros missus, penè temporum inuidiam subiit, quia gens illa subitis motibus cœpit ardere; vt difficillimum efferet in turbulentâ tempestate aut diuisis placere, aut ab armatis & ad sua intentis consilia exigere quæ sani dedissent. Fortissimè tamen ad littus enatauit. Tuncque fortè in Siciliâ erat, cùm isthæc agerentur; amicitia, & consilio utilissimus Regi; Et in eius amicis eminebat Nicopompus, quem & Eurymedes ad idem prouocauit conuiuium.

Cùm inter vescendum multa hilariter referrentur, & occasione mulsi de apibus mentio esset, Iuuenis quidam Lycogenis nepos, Anaximander no-

mine, siue patruo placiturus, à quo sciebat regiam potestatem oppugnari, siue iactaturus philosophiam suam, negauit verum esse quod de apibus referunt, habere illas Regem: Sed hoc vanæ & facilis antiquitatis esse commentum, quæ & canere Cygnos credidit, & formidinis opinione Leones oneravit qui in Gallos cantantes incidissent. Addebat his pleraque similia esse, quæ maiorum inexplorata autoritas pro veris tradidit famæ. Cæterùm omnia animantia ductu naturæ non Regem, aut alieni superbiam imperij, sed libertatem sequi. Cùm hæc ille dixisset, mox à conuiuiis cœpit vulgare agitari argumentum; Ecquod inter homines esset æquissimum imperij genus. Nec dubitauit Anaximander id præferre quo Populus, aut verò Optimates potiuntur. Cur enim ex vnius hominis libidine omnia pendeant; quem si in vitia deflectit, nullus metus aut pudor cohi-

beat; qui sæuitiâ, qui exemplo, altissima reipublicæ vulnera imponat; qui sic denique patriâ ciuibûsque vtatur, tanquam sui vnus causâ hæc omnia natura produxerit? Quantò verò alacrius symbola in ærarium conferuntur à populo; cùm illa deinde pecunia sic plurium consilio atque fide collocatur, vt hanc quisque de priuatis adhuc suam iure existimet; quàm vbi ex vnus Principis nutu in gratiosos ac sæpè indignos improvidâ & crudeli liberalitate effunditur? Quid quòd ad reipublicæ vsum se plures aptabunt, ingenia excolent, militiam aut eloquentiam studiosius persequuntur, denique suis ciuibus se probabunt; vbi eorum suffragio scient esse parata virtuti præmia, summâsque reipublicæ dignitates patere merentibus; quàm cùm illas vnus domûs ac liminis ambitiosa angustia ita dispensat, vt vix vnquam ex merito, vel publicæ famæ iudicio, probis

viris aut laboriosis contingant? Num præterea vni Regi tātum solertiæ, tantum animi superesse, vt possit æquari tot Optimatum ingenijs, qui in liberis vrbibus ad publica consilia solent acciri? Illos quidem & idoneâ ætate, & claris virtutibus deligi; tum virtutis æmulatione, & dedecoris metu, vtilissima quæque reipublicæ sentire ac facere. Sæpè autem obstrepere adulationem Regibus, sæpè indolem monitoribus non patère; ac illorum præterea mentes quamuis egregias atque rectas, eo ipso corrumpi, quòd vtcunque præclare se gesserint, nihil est sublimius quo in præmium rapiantur; nec si peccent, vnum tribunal cui reddant rationem. Nihil denique aiebat suauius libertate, aut quod magis cum naturâ conueniat. Hac autem populos frui qui legibus suis viuunt, qui magistratus facere ac premere possunt. Nec verò cùm ipse hæc dicat, se oblitum aut quis

ipse sit, aut ubi terrarum. Scire se sub Rege esse Siciliam; & id cuique genus imperij charissimum esse debere sub quo est genitus. Verum ut quibus imbecilla valetudo est, corpuscula quidem sua amare ac tueri est necesse; sed & illis præterea licet aliorum contemplari fœlicitatem qui firmiori habitu absunt à morbis; Ita se regiam dignitatem colere, cui erat nascendi conditione obnoxius; & populorum tamen libertatem suspicere, qui sui potentes sunt. Neque præterea se Meleandro iniuriam facere; cuius virtutibus si similes utique essent cæteri Reges, nihil se Regibus diuinius, aut Regno inter homines utilius crediturum.

Hæc audacter ingentem Nicompompus non tulit. Vir erat literarum à puero amans. Sed qui solis in libris hærare contempserat Adolescens reliquerat magistros; ut in Regum ac Principum Aulis, tanquam in verâ &

liberali scholâ , tyrocinium poneret publicæ lucis. Ita pari vbique Musarum & negotiorum studio creuit ; genere quoque ac moribus ad eiusmodi eum vitam ferentibus ; & multis Principum charus, ac inprimis Meleandro : Cuius tunc, & cæterorum Regum causam acturus ; Quid faceres, Anaximander, inquit, in populari imperio, qui hîc tantam loquendi ac sentiendi libertatem vsurpas ? Non me hercule tam impunè sub populo liceret regnum laudare quàm nunc plebis aut Procerum potestatem extulisti ; Vt vel inde intelligas, hîc verissimam esse, illic fucatam libertatem. Nam quòd ad naturam prouocas, quæ libertatis amorem animantibus ingenerat ; vnà persuaseris omne genus imperij abdicandum. Neque enim sub Republicâ minùs quàm sub Regno, leges sunt, magistratúsque, quibus obtemperes. Quæ omnia eodem modo aut conueniunt, aut ab-

horrent, à naturæ libertate. Si conti-
 neri suâ sponte intra fines iustitiæ pos-
 set genus humanum, tunc in pari om-
 nium pietate non superuacua modò,
 sed iniusta essent imperia, quæ ciues
 iam sponte æquissimos ad inutilem
 seruitutem adigerent. Sed cùm ex vi-
 tijs mortalium hæc fœlicitas sperari
 non possit, ea maximè forma regimi-
 nis ad naturam accedit, quæ homines
 vetat extra leges naturæ ipsius, virtu-
 tisque exerrare. Vt non intersit plu-
 resne an pauci imperent, sed in vtro
 regimine sanctius ciues agant. Lulisti
 præterea in permiscendâ populi &
 optimatum potestate, quæ utique di-
 uersissima est. Tu verò ad fucû & liber-
 tatis pompam, populum nominasti; ad
 utilitatis verò speciem, retulisti Opti-
 matum solertiam. Atqui si respubli-
 cas intelligis in quibus summum po-
 pulo ius est; quid prudentia illic Pro-
 cerum possit? Cùm sæpè ad imperitos,

atque ignauos, populi leuitas deferat
fasces, cum factionibus, inuidiâ, impe-
tu, rapiantur vulgi studia; & plerun-
que fuerit ingens virtutis specimen, ab
imperitâ multitudine malè mulctari?
Sin illuc te refers, vbi Proceres omnia
possunt; pudeat istiusmodi senatui re-
gnum, Anaximander, posthabere, &
multiplicato numero dominorum,
augere seruiendi vilitatem. Nam pro
vnico Rege tot heros obtrudis, quot
illic homines senatum constituunt.
At scilicet maturiùs inter multos,
quàm Rege ab vno publica expen-
duntur negocia. Quasi prudentum
sententijs Reges vti non soleant; & iste
quem laudas Optimatum senatus sæpè
transuersus non agatur, dum quisque
proprii commodi studio laborat, vel
amore in suos, vel in pares inuidiâ. Sed
enim maioribus præmiis excitata iu-
uentutis industria (inquis) ad studia &
labores propelletur; florebitque illu-
stribus

stribus respublica ingeniis; regna verò
tanquam studijs & virtutibus aduersa
marcebunt. Quæ autem respublica?
An illa popularis? In quâ ad seditiones,
ad furorem, ad captandi populi atque
fallendi consilia, aptare se solent im-
probæ ac factiosæ mentes, adulatione,
obsequio, suauitate orandi; in qua de-
nique vix est, vt eximia ingenia, & am-
bitu accensa, nisi ad publicam perni-
ciem emineant? Sub Optimatibus ve-
rò, quid spei laboriosis illis hominibus
quæ amplior sub Rege non pateat? In-
tra certas (vt nosti) familias atque stir-
pes, includunt hi Proceres reipublicæ
munera, atque potentiam; vt generi
non virtuti seruentur dignitates, nisi
fortè quædam obscuræ, & quæ te à su-
percilio nobilitatis non eximant. Et
hæc præterea munera ad quæ licet per-
uenire, an putas in alios diuidi quàm
in istorum potentum clientelas? ne fœ-
licius, quàm sub Rege eloquentiam

Illic, aut virtutis alia studia; sed gratiam; sed amicitias, sed priuata obsequia, valere existimes. Pone verò tam regnum, quàm rempublicam, Principum virijs tanquam affectà valetudine laborare; vtribi faciliora expectes ad publicam sanitatem remedia? Nimirum & Regem & ipsius vitia mors saltem de medio tollet; poteruntque à successoris indole sperari mitiora. At labem corrupti senatus non vniuscuiusque mors eluit; sed afflicti semel mores in deteriora semper labuntur, donec publicam salutem suo casu obruerint.

Sic differente Nicopompo, timuit Lycogenes inuidiam, quòd ab suo nepote oppugnaretur ius regium. Nam & hoc inutile suis cœptis facinus erat, qui non delere sed habere sibi regnum optaret. Aliud commodius visum: quandoquidem ille sermo inciderat, arguere gentium ritum quæ vni se stir-

pi in hereditatem permiserant, cetera quoque extollere post singulorum obitum: Regum autem comitia & suffragia eunt. Et hoc quidem Lycoogeni placebat argumentum, tum quod scilicet pro Meleandri imminens id posse se consequi tumultuariam populi electionem sperabat, tum quod illic erat Dimalbicus, sibi proximus ut credebatur assensurus, quia in illo Antistitum collegio summus ad gradus non hereditate sed suffragiis itur. Sic igitur exorsus turbavit Nicopompum; Dies abeat, inquit, priusquam, Nicopolim, quæ in utramque partem dici possunt enumeres. Nam quotusquisque Philosophorum non inuenit quæ pro Regibus vel Republicâ diceret? Et quidem tecum sentio, vnius imperio rem communem melius geri; Illud magis in perplexo est, an adigi populum præstet ad vnius familiæ seruitutem, an ius illi relinquere ex omnibus ciuibus optimum deli-

gendi. Siquidem in eâ populi libertate, qui regio sanguine nascuntur, impensius rectis artibus se dederent, certi non antè in sceptrâ maiorum quàm in virtutes venire se posse propter quas illi maiores regnauerunt. Etiam populo gratias quisque Regum haberet, mémorque se ab eo subuectum, moderatiùs vteretur creditâ potestate. Nunc verò quasi nata mancipia, si subimus imperium, ne respicimur quidem; si detrectamus, pro flagitio habetur. Cùm deinde in infantem, in puerum, in imbecillis animi hominem, summam rerum factorum ludibrium transfert, quid hac luctuosâ successione acerbius? Non expectat mehercule ciuium improbitas donec ille Rex adoleuerit; sed dum simplex & inutilis ætas superbè despicitur, ex clades publicè eueniunt, quas deinde vix multorum foelicitas annorû sarcauerit. Tunc vtique omnes regnât, populum omnes

despoliant; ut nec saltem à solis calcatus Regibus contumeliæ solatium habeat ipsam peccantium dignitatem. Quòd si gubernatori navis utcunque præstanti, filium rudem in successionem non sufficimus; ne quos ille servavit iste euertat; Nec Philosophiæ scholam proximus extincto præceptorì, sed sapientiâ simillimus excipit: Cur regnandi vnam hanc artem præceptorum plenissimam, & ex cuius erratis omnium perniciēs penderet, pueris tradimus; qui si hereditatis iure habent ut regnent, nobis iure eodem ut pereamus relictum est? Huic quidem instituto ignosco, si putamus populos atque vrbes gratiâ Regum ipsorum conditas esse. Perdant enim illi quod suum est; ferantque populi illam sortem quam numina dederunt. Sin fatemur hanc tuendis gentibus dignitatem esse reperiendam; miror maiores non cauissè, ne ex illâ peior interdum calamitas esset, quàm quæ eius

beneficio praestitum: Sed halo sibi
Dunalbi relinquo resequenda; Tu
functionibus author comprobabis
eligendorum Principum morem, quæ
& vos in sacris comitiis iustissimo ritu
seruatis: respondet enim non men-
or Dunalbius in publicè obloquendo
semper religiosior, cò tamen degen-
erat, ut assentiri Lycogeni; vel in eum
differere cogere tur. Præterea omnium
oculos; & maximè Nicopompi, in se
videbat esse intentos: Modestè igitur
abnuens sibi placere: quæ Lycogenes
attulerat; tandem omnium pertinaci
silentio, sic cum ad dicendum inuitan-
tium, in hanc sententiam loquutus est.
Scio re, Lycogenes, hæc philosophan-
di magis causâ dixisse, quàm quòd re-
uerà sic sentias: Nisi id fortè tuæ in nos
pietati dedisti, ut quia suffragijs Regem
sacrorum renunciamus, author sis cum
ritum ubique fanciendi. Sed ne sceptri
& sacerdotij iura còfundas; Vide quàm

diuerſa vtriuſque ſit ratio. Nobis qui-
dem cùm lex vetuſtiſſimæ ſanctitatis
matrimonia abſtulerit, quomodo in-
fulas relinquemus liberis noſtris quos
tollimus nullos? Multa præterea in ſa-
cris ſunt, quæ ſacerdotes per ſe perage-
re non mandare alijs debent. Si igitur
in pueros hoc munus ſucceſſionis iura
deuoluerent, quò aræ, quò templâ, quò
diuûm illi cultus, qui pro fanis nec nu-
mini initiatis, committi non poſſunt?
Ita quoque admonemur non diuitijs
incumbere, aut cæteris mortalium cu-
ris; ſed pro domo, pro familiâ, pro po-
ſteris cœlum habere: neque illa noſtra
eſſe, ſed numinum, quæ à nobis dunta-
taxat procurata ad heredem non tranſ-
eunt. Sed & vni familiæ ſi hæ ſummi
ſacerdotij infulæ donentur, quamdiu
putas illam cogitaturam ſe hanc Nu-
minibus magnitudinem debere, ne-
que ſibi ſed dijs regnare? Vel Reges ac
populos tantæ cognationis ſuperci-

lium esse laturos? nulli nunc stirpi, ac penè nec homini; sed officij sanctitati, seipsum sine æmulatione aut vilitatis suspicione subiiciunt? At in ciuilibus imperiis quæ opulentiâ viribûsque consistunt; quæ populo quietem præstare, & contumaciam frangere impiorum armatis legibus, debent, multa sunt quæ successionis vtilitatem concilient. quorum præcipuum fortè est ambitus Optimatum exarmandus, ne in Regni spem audeant ipsum Regem violare.

Finge enim in nobilibus & inquit-
tis gentibus, quas cernimus heredita-
rio contineri imperio, hunc quem lau-
das electionis morem vigere; quid fa-
cturos Optimates existimas, nunc quo-
que vix Regum patientes? Iam hæc illis
accederet sui fiducia, posse se quoque
regno potiri, iam despectus in Regem,
qui & ex illorum ordine fuisset, nec
maiores liberos relicturus. Ast vbi for-

tuna regnandi stirpe in vnâ consenuit,
Regum præteritorum reuerentia adeò
viuit in posteris, vt vel cunæ puerorum
in purpuram natorum tacitâ confes-
sione fortis nostræ nos tangant; nec
ijs parère indignemur, quos prius-
quam lucem subeant scimus nasci vt
imperent. Nec dubium grandius quid-
dam insinuari illis ingeniis quæ ad re-
gnandum à puero instituuntur; siue
natura hoc facit, siue disciplinæ recti-
tudo; aut potius deûm cura. Certè
enim consuetudine honorum qui ipsis
habentur obstupescit superbiæ gultus
ac veluti acies; alitúrque imperandi
fortis illa securitas quæ contemni vix
potest; sed nec in odium venire, quia
plerumque accedit comis animus, &
cum Optimatibus familiaritas, nullâ
præteritæ humilitatis verecundiâ eru-
bescens. Altiora deinde assuescunt
cogitare, regnóque tanquam libero-
rum suorum patrimonio cum fide in-

cumbere. Qui verò suffragiis in hunc
verticem rerum humanarum attolli-
tur, nondum primæ immemor sortis
est, in quam recidere sui heredes pos-
sunt. Itaque à publicorum muherum
sedulitate propiori curâ subducitur, ut
filio, vel proximo cognatorum eos
conciliet quorum est regnum dare, aut
familiam saltem tot opibus expleat, ne
deinde ullus ignoret fuisse ex bâ qui
regnarit. Sic publica ornamenta, pu-
blica opes, quacumque ratione in pri-
uatam degeruntur familiam, & que
splendori, quæ utilitati communi vota
maiorum destinauerant, tristissimo
errore in uescio quos lares profundun-
tur, cósque laborant in lucem vindi-
care. Nec eiusmodi Reges suis modò
pécatis Remp. lædunt; sed & Opti-
matum erroribus, quos perhiciosâ in-
dulgentiâ idcò sibi deuincunt, ut pur-
puram cognatis suis feruent, aut largiri
immodice non vetentur; aut denique

ne futurum latitant Regem (nam quis ille de totis Optimatibus incertum est) iniurias in decessoris familiam vindicaturum. Lactes nuno lident electionis prudentiam, quæ novas identidem stirpes obtrudit malo publico saginandas. Ipsi Aquilij diuerso è genere lecti, quàm sæpè Maiestatis suæ vires his proditas curis fregerunt? Inter hos ille cuius functiones aureas dicunt, ut filio regnum pararet, quo precio suffragatores emit? quo deinde sceptri incommodum cum soluendo non esset, publica ijs vectigalia concessit; quæ primum pignoris nomine occupata, mox isti imbecillitate vel errore regnantum in hereditatem verterunt? Multa præterea sunt, ut scitis, siue opera, siue consilia, quæ non statim ac concepta sunt, rei publicæ profunt; sed expectant maturitatem suam; & instar frugiferarum arborum legitimo denique tempore edunt baccas. Ex his longioris spei

consilijs plerunque solida regnorum
salus consistit. Sperni tamen, aut
omitti sæpissimè solent ab Rege quæ
non patrio, sed comitiorum iure obti-
net sceptrum. Quia illis operibus in-
choandis labor est ut plurimum sum-
ptuosus; eoque suis authoribus ingra-
tior, quod non viriditatis, nedum mes-
sis, ea ipsis voluptas est, quæ posteris
Regibus olim continget. Qui autem
erunt hi Reges? liberi, amici, familiares
mei? Imò fortè ex ignotis, aut inuisis.
His ego securitatis, lætitiæ, opulentia
fundamenta stabiliam, magnis curis, &
iacturâ ærarij, quod nunc melius in
meos effuderim? Fac me velle; at hi ipsi
successores fortè invidiâ suâ inutile
meum munus efficient. & opera in
spem longioris utilitatis inchoata, vel
negligent, vel evertent; quoniam mihi
meisque temporibus erit in decus ea
instituisse; ipsis autem, ut altioribus
tantum, & sapientiæ nostræ custodi-

bus, inglorius sumptus accedet. Hæc neque vano timore, neque tamen præter rerumpublicarum perniciem, eiusmodi Regum animos solent ab ingentibus cœptis auertere.

Minori tamen utcunque Reipublicæ incommodo regnare electi Reges possunt, quàm eligi. Nam in viuidis gentibus, subtilique & exerto ambitu feruentibus, num quæta fore speres comitia? num largitionum armorumve immunia, ubi multi opibus, genere, animis pares, neque cedere inuicem poterunt, neque omnes regnare? Quid deinde cum in duos candidatos studia diuiduntur, ambòque in regnum se asserunt, ut nescias vter vitio sit creatus? quantæ hæ turbæ? quàm sæpè longissimo bello cruentæ? Ut sileam quòd populus Regem facere iure assuetus, sæpè quoque eum audet amouere iniuriâ. Ne vetera nunc curem; cerne Aquilium. Duo regnatotidem comi-

tijs non pridem adeptus, paulò post eorundem hominum penitentiâ exdidit sceptris. Rite inauguratum nega- uero. Ita ferro, cladibus, vastitate ter- rarum repetendæ res fuerunt hinc in Peranhyleum, alterum ex regnis atm- bientem, hinc in Dereficum iam alteri incubantem, qui pro dapibus quas in mensam Aquilij ipsum ferre oportuit, ferè sustulit & penum & mensam. Hæc verò nōne summa discrimina existi- mes, iisque peiora quibus interdum nostrorum pueritia Regum funesta est. Nam non nego vel regnantum in- fantiam, vel tenue ingenium, ineptum- que negotijs, sæpè publicis rebus no- cere (quid enim sic ad hominum com- moda exactum ut vnde quaque sit uti- le?). Sed hæc ipsa multò mitiori tem- pestate in nos voluuntur, quàm quæ procellæ ex comitiorum freto ex- astuant.

At nec putes optimum quemque,

aut maximè ad regnandum idoneum,
per hæc comitia venturum ad purpu-
ram. Quàm multæ sunt factiones. Ut
sæpè qui stirpe & potentiâ præcipuus
est, animi bonis deficitur; tanquam
verentibus fatis, ne si summam fortu-
nam ac mentem dent homini, deum
faciant ex mortali? Non igitur dignis-
simus utique erit quem Principem co-
mitia dicent, sed aut potentissimus, aut
fœlicissimus; quorum vtrumque ab
arte regnandi abesse multum potest.
Ille viribus suis suffragia aut terrore
aut emet; ille ignaviâ fauorem apud
eos inueniet qui sperabunt sub tali
Principe ipsi regnare. Nam si denique
eligentium studia atque vota sic inte-
gra singis, ut in eo quem destinant
Regem, solam virtutem respiciant, so-
lenterque inueniant; si præterea can-
didatorum modestiam & assensum
populorum hunc facis, ut præbeant
obnoxias cervices sic ad sceptrum pro-

uecto; Addas innocentiam noui regis inter recentis fortunæ blandimenta, adeò memorem fui futuram vt nunquam conuiueat; Tunc ego ad hanc felicitatem proclamabo, diisq; charissimas gentes credam quibus illa contigerit. Sed hæc bona sperari non possunt. Reclamant vitia hominum & toties experimenta in contrarium versa; Vt iniuriâ accusetur nationum sapientia quæ dedit se vni stirpi, ex quâ tranquilliora sint & magis illustria apud se imperia.

Iratissimus Lycogenes erat, destitutam à Dunalbio esse spem suam; quod tamen ne conuiuæ aduerterent, aliquot iocis, quos elegantissimos habebat, rei seriæ grauitatem mutauit; adiuuante Eurymede, cui apud se tot periculosa Philosophiæ argumenta iactari non placebat. Maximè de Peranhyleo, & Derefico, inter conuiuas sermo fuit; quorum in Aquilium audaciam Dunalbius

nalbius modò notauerat; Et hos quidem dissilarum tumultus gentium, plerique narrare amabant, vel audire. Sed Arsidas inter hæc, iam prouecto conuiuio facilè elapsus, ad Argenidem iuit, breuiterque narrauit quàm contumax Lycogenes esset in Reges. At illa de temporum iniuriâ breuiter quæsta, codicillos ei tradidit perferendos Poliarcho, quibus sua mandata commiserat. Cùmque plurimùm nauem, & iter, & secretum, & quicquid ad fugientis securitatem erat commendauiisset; Tibi denique, Arsida, inquit, qui tantum hominem suis inimicis subduces, primum præmium dij, consciûsque virtutis animus persoluet; tum Poliarchus aliquando fœlicior, & si cætera abfuerint, à me saltem tuæ beneuolentiæ fructum expecta. Ille hilarior Argenidis verbis factus, & cum Archombroto deinde quæ videbantur loquutus, pronâ iam vespera ad

Timocleæ prædium venit; cui Agrestes comperto errore tunc fortè pri-dianos tumultus excusabant. Illa sapiùs cogitans se in leges peccauisse, quàm scrutatoribus abfuisse fortunam, comiter omnes habebat; si quid in posterum opus esset, animos sibi parans. Arsidas eisdem benignè affatus est, omnibùsque dilapsis, primâ nocte ad Poliarchum descendit. Is morâ & ægritudine æger, vt venientem conspexit; quid, ait, vobis placet me viuentem sepeliri? Eripe me ab hac nocte (Arsida) & vel hostibus permittite. Certum est non diutiùs ferre hunc situm. Ille gnarus quanti gaudij char-tam afferret, nihil ad omnes questus; sed literas Argenidis profert; gemmámque, & manum, iubet inspicere. Confestim Poliarchus exultatione plenissimus, Vt valet, Arsida? vt meminit nostri? Neque nomen adiecit; nam & Timoclea audiebat loquentes; Sed

lino deducto, deflexit aliquantùm ne
legentis affectus vultúsque notaren-
tur. Perlectâ Epistolâ, secretum Arsi-
dam ad se trahere cœpit, illúmque con-
sulere, satísne fidere vesti ignotæ, &
ascito capillamento posset, sicque ad
Argenidem ire; an tutiora sequi præ-
staret, & ad nauigium Messanam pro-
ficisci. Et hunc statim nauigare Arsidæ
quidem placebat; sed cunctanter ob-
stabat Poliarchus auidus videndi Ar-
genidem, & verecundè pro amore suo
pugnans: Quod ubi Arsidas sensit, ex-
oneraturus pudorem amatoris, mutatâ
sententiâ author maximè fuit ad Ar-
genidem eundi. Quid enim facilius
quàm posterâ diē templum quod om-
nibus patebat, intrare? Argenidem de
more staturam ad aras, quibus osculum
ponere nec miserrimi supplices vetan-
tur. Obfirmato Poliarchi consilio, Ti-
mocleam aduocant; monéntque sub
diem Poliarcho eundum ad nauem,

quæ in Italiam eum ferat (nam ad aulam proficiscendi consilium premebant.) Adiecit Poliarchus; nunquam hospitij gratiam apud se vanam fore; Vitam & quæcunque per eam homines habent, semper illi debiturum. Matrona inter preces atque vota lachrymis manans, iam non ut hõspiti tantum, sed propemodum tanquam alumno, omnis curæ, omnis sollicitudinis affectum impendebat. Multum erat ad amorem beneficium dedisse. verebatúrque ne iam suum Poliarchum inclementior fortuna exciperet. Et tunc quidem flens acquieturum reliquit.

Nocte verò inter vota, & metus, anxie ductâ, redit in specum cum Arsidâ, attulitque frustra panis mero intincta; & ad Græci moris ientaculum adegit adhuc de somno fastidientes. Emisit deinde paulò ante Auroram cum Gelanoro Poliarchum. Et Gelanorus quidem cum Arsidæ ad vxorem literis,

Messanam profectus est. Nam Messanæ Arsidas habitabat, urbem sibi à Meleandro creditam regens. Literarum sensus erat, ut coniux instructum nauigium haberet in portu, quo ipse propediem in Italiam vteretur. Sibi necessariam Rhegium viam esse; hominem qui has literas ferebat diligenter apud se seruaret. Se Messanæ intra quatrimum fore. Postquam ille discessit, iam solus Poliarchus Arsidas sequebatur lentè in equo præeuntem. Pedes erat, vilis amictus; & scipione non necessario utebatur; manibus quoque ne candore proderentur, dilutâ fuligine, in sufflauium colorem mutatis.

Peruenerunt in urbem, cùm recluso iam Palladis fano deæ copiam fecisset ædituus; necdum frequens populus commodiora ad spectandum occupauisset. Poliarchus quàm licebat proximè resedit ab arâ; Arsidas ad Argenti-

dem iuit, docuitque quàm religiosus cultor in templo illam maneret. Obstupuit virgo, simul periculo Poliarchi, & oblatae lætitiæ sensu perculsa; signisque diligenter quæsitis, quibus mutatum agnosceret, Res, inquit, periculi plena erit, Arsida, si Rege atque Lycogene mox ad templum ituris, Poliarchus vestium furto duntaxat & capillorum celabitur. Ex tot viris qui Principes circumstabunt, neminem putas sensurum hanc fraudem? Maxime cum mutuis suspicionibus erecti, qui Regi, quique Lycogeni student, vultus omnes, & quicquid insidias regere potest, solertissimâ ratione explorent. Venire iuberem huc ad arcem; sed larvam qui in statione sunt milites fortè excuterent. Pergam potius ad Parentem, monebôque, ex quo me voluit Palladi ministrare, nunquam nundinarum hunc diem, imæ plebi ad vota negatum: Cum autem sancienda

mox paci, ad sacra cum Lycogene succedet, templum stipatoribus & comitibus plenum, nec capturum populi turbam, nec supplicum vilioribus posse patêre. Si igitur placet (ne quid de consuetudine hodie pereat) me statim ad aras processuram, vt qui de plebe volent ritu solito lustrentur; Vulgi cultu finito, ipsum meliùs publica sacra procuraturum. Ita metu soluta videbo Poliarchum, commodiùsque in incurioso populo nostra consilia latebunt. Probante industriam Arsida, & vt maturaret monente, puella ad Regem digreditur: Neque is minùs sententiam laudauit, idoneâ fraude deceptus; Et illa acceleratâ pompâ (vixdum enim horam diei secundam religiosi homines Palladi nunciauerant) inter stipatores, ministrasque, ad templum producta est.

Is autem sacrorum ordo erat, ex quo Argenis sacerdotio fungebatur. Siculi

nundinas ad fori conuentus, & mercatum, celebrabant. Tunc Regum edicta vulgari, tunc in fontes edicta constitui. Tempus hoc rebus, si quæ sacræ, si quæ publici ritûs, datum. Confluebant in proximas vrbes ex vicinis mapalibus atque vicis, qui vel rusticis opibus abundabant, vel egebant vrbani. Hæc dies constituta Palladis sacris erat, quò frequentior populus videret Argentidem; quæ quacunque per Sicilia diuersa procederet, habebat in comitatu vates, & sacerdotum chorum: Maiores hostiæ, & cætera victimarum genera sequebantur. Cùm lucebat nonus dies, si quod Mineruæ templum in proximo erat, illuc deferrebat simulachrum cui honores haberi consueuerant: Sin minus, ex commodissimâ æde euocabatur qui deus deâve habitabat, vt quia duo numina vnum templum non capit, suo discessu commodaret Palladi fiduciariam sedem. Fores laureâ redi-

mitæ augebantur lucernis atque vittis. Signum quod ad aram colebatur, acre erat, & deæ sua arma decentis. Strictum supercilium hinc acie oculorum, hinc casside ad mediam frontem productâ, pulcherrimè horrebat. Vultus, qui virginis, sed implacidæ essent. Hastam ex auro; errantibus per metalli fulgorem radijs, quati à dea, sæpè vulgus asseruit. Ægidem quoque in parmâ omnibus coloribus qui serpentum squamas mutant, pictor expresserat. Vestigiū veluti stantis ad pugnam, læuo pede sic porrecto, vt totum simulachrum nonnihil obliquaret in latus. Serpentis quoque specie Erichthoniuserat ad pedes, spiris extremam hastam cingens. Cæterùm lectas victimas, vittisq; & cætero ritu, præterquam molâ, mactatas, producebant ad vestibulum templi (nam intus mitti sanguinem erat nefas.) Postquam victimis iam subiecta aqua erat, superueniebat Argenis, cultu eximia

qui Principem & Sacerdotem decebat. Miri operis stolam erat induta, quæ per intextas imagines assurgens, Palladem faciebat de cerebro Iouis nasci, & in lite cum Neptuno inuentâ oleâ triumphare. Hanc à tergo per multa volumina diffusam, ne vestigia verberet, sex virgines suspendebant. Crines Argenidis religabat purpurea fascia, ramis oleæ impedita. Ex eâdem arbore summo capiti coronam posuerant. Sic ornata, & postquam ad victimas accesserat, imposito velo caput operta, concipiebat solemnes sacrificio preces, molâque deuotâ animalia conspergens, muliebri ictu in earum frõtem reclinabat argenteam clauam. Vero mox ferro excipiebant victimas præcincti Sacerdotes; iugulísque suffossis, fata, & deos in extis credebant deprehendere. Tum ingressa templum Argenis, thuribulo argenteo præferebat solitos dijs vapores; & ad aram admota, demptam suo

capiti coronam ad armati signi pedes
suppliciter collocabat. Thura tunc, &
odores, nouo igne reſecti; qui dum ex
acerrâ diſſipantur, cantu à proximis
virginibus orto, quiſquis ex populo
ſciebat, hoc carmen modulabatur.

O pars, ſed potior, tui parentis,
O Tritonia, nulla cui dearum
Maternas teneræ blanditias tulit;

O virgo ſtudijs nata virilibus,
Sacris ipſa tuis ades.

At vos Sicelidum chorus,

Forti plaudite Virgini,

Cantus addite plaufibus.

Tu belli decus, axibus ſeueris

Lethum, vim, gemitum, arma, fata, ducis.

Stat dextrâ iaculum; Gorgonis aſperæ

Monſtris terribilis læua, dat hoſtibus

Facto viuere marmore.

• • Tu pacis dea, pinguibúſque campos

Exornas oleis: & ipſa ſtamen

Monſtras, ipſa colum ducere candidis

Quæ te virginibus cunque vocauerint

Casti thuris odoribus.

Tritonis cupit vnda te paludis,

Urbs dijs hospita te vocabit Argos,

Et Pandionijs qui colit arcibus.

Sed tu Trinacriae pronior Insula,

Huc vultus melius refer.

Adsis Sicania benigna genti,

Servatósque diu tuere Reges.

Nobis, diua, semel cùm bona veneris,

Optamus merita sæpius, & novas

Leti reddere gratias.

At vos Sicelidum chorus

Forti plaudite Virgini,

Cantus addite plausibus.

Sequebātur omniū vota, quibus palàm incolumitas petebatur Principibus; addebant innoxios cœli haustus, nec fallentem Agricolas humum. Occultis precibus priuata familiæ commoda quisque optabat. Tunc verò ad dexterū latus aræ, in altiori sede Argenis quiescens, vittatum manu ramum tenebat, quem vndis lustralibus rorantem mo-

dico victimæ cruore asperferant, credebântque efficacis esse tutelæ, si frontiorique esset impositus. Stabat in armis circa virginem satellitum duplex ordo, ad eam ituris semitam aperiens quæ vix binos capere posset; ne tumultu, & imperitorum rixis, aut ara aut Argenis pulsaretur. Sic admissi, ad illius pedes prolabebantur, abibântque breuiter ramo tacti. Nulli de plebe exclusi; plurésque Argenis quàm Pallas acciebat ad sacrum.

Quo igitur die Arsidas Poliarchum adduxit; parata erant sacra in veteri templo, quod Magellani habebant Palladi nuncupatum. Et Argenis maturiùs, tanquam dimittendo populo priusquam cum Lycogene Meleander adesset, reuerâ vt extra periculum Poliarchum aspiceret, descendit ex arce. Cùmque pro foribus templi tactas victimas reliquisset inter decollantium manus, & in deæ limine thuribulum

sumpsisset; iam tunc quidem inquieto animi tumultu completa, peruenit ad locum, in quo, Arfidâ docente, sciebat sedere Poliarchum. Hunc verò postquam vidit, in ignobili veste, & genis alienis, miserabilia in se lumina figentem; adeò irâ & pictate accensa est, ut penè sacri ratio amenti excideret. Ut cunque tamen perrexit ad aram; ibique in deæ signum intuens, interim dum cæteri solemne carmen celebrant, arcanos gemitus effudit. Testabatur cælestium fidem. Innocentiam suam, candorem, pietatem, tacitâ exprobratione ingerebat scientibus. Nunc si se adiutam vellent, auxilio esse tempus. Si hæc mortalia curant reguntve, cur non virtutibus præcium erat? cur nec à se, nec à Poliarcho violati sæuiebant? Scire illos quàm non fœdo amore, virginique pudendo, in tanto viro hæsisset. Si per iura naturæ licuisset, optaturum hunc fratrem fuisse. Adeste saltem fu-

gienti, inquit, & si quid durum in
vtrumque paratis, illo incolumi omnia
in meum caput citate. Ab his precibus,
quamquam verissimo affectu flagra-
bant, subito cogitationum æstu auersa
est. & nunc sui, nunc sponsi misereba-
tur. tum in Lycogenem inexpiabilis
odij rabies. & quoties occurrebat nec
in fontem patrem esse, qui tam facilis
in Poliarchi annuisset perniciem, ab
hac mente refugiens quæ periclitaba-
tur pietatem violare, redibat ad deos,
stupensque, & inter mutos dolores at-
tonita, plus illos suis malis quàm votis
exorabat. Fletum tamen in potestate
habuit, pudore intempestiuos in pu-
blico luctus vetante; fortè etiam quia
erat calamitatis maior moles, quàm vt
iret in lachrymas.

Neque tunc minùs ægritudinis aut
tumultûs in Poliarcho erat. Relin-
quendæ dulcissimæ sedes; aufugien-
dum veluti perduelli. Quàm non ge-

neri, quàm non animo conueniebat hæc fortuna! Iam quæ oblectamenta fuerant, lacerabant diductum doloribus pectus. Omnes Argenidis virtutes, omnes dotes, redibant in mentem; etiam quæcunque exigua esse crediderat, tunc augustiori specie, quia erant amittenda, cogitationem implebant. Inter tot mala, nihil molestius visum, quàm quòd Argenidi doloris causa esset; Nec leuior metus repugnantem animum lentè subibat, ne sacramenta amicitiae inter ipsum & virginem concepta, tempore & absentiâ delerentur; essetque aliquid quod Argenidi charum deberet odisse. Simul in iram versus, cogitabat Siciliam armis repetere: Simul Argenidem in patre aut patriâ lædere verebatur, & iracundia dolori confusa, per varios affectus nunc stупebat, nunc errabat.

Inter hos animi motus, decantata ter carmina publicæ voci finem fecerunt;

runt; conféditque Argenis non procul
ab arâ, sacrum ramum venientibus
protendens. Seleniffa, virginúmque
delectæ, à tergo fedentis confiterant.
Eurymedes, atque Eriſthenes, longè
diuerſum par, erant ad latera: Ab illis
milites ad teſtudinem templi porrexe-
rant geminum ordinem, definiebânt-
que viam proceſſuris ad virginem. Eu-
rymedes cùm in Argenidis vultu cre-
bros motus notauiffet, ſubmiſſus ad
aurem, rogauit ecquid ipſi malè eſſet.
Vtitur colloquentis commoditate vir-
go, ad illum vtique vultu conuerſo,
quoties nimius dolor exundabat in
ora. Vulgo digeſto, penè vltimus reſta-
bat Poliarchus, qui ad luſtralem ra-
mum accederet. Et animus & veſtigia
decerant proceſſuro: viciffimque à fri-
gente, & penè inutili puellâ, expecta-
batur. O amantium infana conſilia!
Tanquam fugitiuum gaudium perce-
pturi, ad hanc breuis mutique congreſ-

sûs audaciam deuenerant; lámque piget irritati doloris, simúlque periculi, multò acrius deuoturos suam sortem, nisi sic dolere licuisset. Demum miser, nec iam frustra innixus scipioni, promouit ad Argenidem gradus, accidítque ad genua: & tanquam vota conciperet, Vale, inquit, castissima Sacerdos; memineris Palladem tuam abire semper tuam, ô virgo; sed si patieris, non sine patrio fulmine redituram. Intellexit miserrima virgo; nec aliquid ausa referre, tamen mœstis oculis in eum breuiter fixis efficacius omni voce loquuta est. Sed ab illius pedibus abire non sustinebat Poliarchus; siue illum obliuio sui ceperat in tantæ calamitatis caligine; siue sentiebat poplites erraturos: Cœperátque vereri Selenissa, ne ille intempestiuâ morâ fabulam proderet; Cùm Eurymedes hominem ratus ad Argenidis pedes ignarâ rusticitate consistere, virgâ quam dexterâ

tenebat grandem ictum procumbentis lateri non sine risu infixit, iussitque abscedere. Poliarchus inter paucos Eurymedi charus erat, & hanc iniuriam non ab odio vlllo, sed vestibus suis factam sciebat à nesciente quem cæderet; consurrexitque properè, suo quoque iudicio meritò castigatus. At non Argenis tam composito animo ictum aspexerat. ægrè pudore prohibita, ne Eurymedem ab oculis iuberet abire; Mox discedentem Poliarchum quàm licuit oculis sequuta, opportunè Arsidam in limine templi videt, vt conijci potuit, viam fugienti præeuntem. Quippe ille gratulatus suo Regi, quòd à bello quies esset, simulauerat necessitatem sibi oblatam traijciendi in Italiam ad socerum: Impetratâ Regis pace, templum Palladis petit, cernitque venientem ab arâ Poliarchum. tum paululùm cum eo secedens, monet per infrequentem portam abire ab oppido;

Viam quæ Messanam tendit tenere, donec secundo miliari in dumetis quæ occurrunt lateret; se postquam loquutus Argenidi esset, confestim assequuturum.

Interim Meleander ad Argenidem misit, qui popularis sacri solemnia iuberet maturari. Tempus enim in multum diei procedere: Dandum sibi & Lycogeni templum esse. Illa apud se non erat, stimulisque quos credebat constantiâ suâ domitos, iam sensim concedebat. Regi tamen renunciari iussit, peracta quæ pertinebant ad populum. Destinata sacrificia, cum placeret, obire illum posse. Ingens pompa, & pro decore Meleandri, atque Lycogenis, in regiae vestibulo stabat, manebatque ad templum prodituros. Ipse Lycogenes in Meleandri thalamo erat, specie officij, varios, ac plerumque non serios, cum Rege sermones instituens. Vbi maturum fuit, Meleander in regio

cultu, palliôque purpureo, manu tenens insigne maiestatis, ad stipatores processit. Proximus antecedebat Lycogenes, cuius latus de Regis imperio tegebat Archôbrotus. Ante hos ibant quorum magistratus eminebat, aut gratia. Ingens egregiæ iuventutis numerus inchoauerat pompam. Ne populum quidem satis viatores arcebant, spectandi auidum, maximéque quâ prohibebatur ruentem. Præter regium, assuetumque imperio nomen, ipsa senectus, vultusque lenissimi animi index, & suo fastigio digna maiestas, omnes in Meleandrum conuerterat. Neque tantum quibus incorrupta incum fides erat, hoc conspectu mouebantur; sed etiam ex inimicis illi quos errasse potius diceres quàm peccasse; ut is dies haud pœnitendus Regi processerit, in quo hos dolor, illos pudor incessit, quòd ad hæc fœdera adigeretur. Ergo Lycogeni Rex iurabit? Er-

go ad necessitatem fœderum cum ciue descendet? Et hæc publicè? hæc tanquam legitima, populum testem habere? Quid amplius externum Principem, parem æmulum, iusto bello esse facturum? Quibus autem altior sensus, aut spe vel metu sagacior erat, vltèriùs cogitationem mittebant; Neque verò colendum illum diem, tanquam pacem relaturum: sæuiora restare; nec futurũ stabile quod coactus Rex cum ciue pepigisset. Nam Principes, quod à se iniuriã extortum est, aliã iniuriã sæpè repetere. Aut itaque Regem, vbi licebit, illius facinoris vindicem fore; aut cessantem iri à Lycogene oppressum. Fortè Senex, in aula educatus, interroganti sodali, quid vnquam humanius vidisset Regis vultu, ita respondit vt vox ad Regem perueniret, Humaniores dicerem, commilito, nisi sibi crudelis illa humanitate esset. Cùm hanc vocem Meleander accepisset, à

fidissimo homine missam, iam antea perturbatus, & in eos sermones cogitatione hærens quos de successione Regum, hesterno apud Eurymedem conuiuio, audiuerat à Lycogene esse iactatos; sic offendit in saxum quod aliquantulum eminebat, ut in terram manus affligeret. Subitus spectantium clamor terrorem latè dedit. Proximi ad subleuandum Principem concurrerunt. Qui longiùs stabant, ipsâ ignoratione pauidiùs concitabantur; donec constitit fortuitum & leuem lapsum esse. Ipse excusauit risu casum: Multum enim se telluri debere, quæ Principem venerata, cum exurgere non posset, eum deduxit ad oscula. Hanc, ut suam, libenter se amplecti. Triste tamen aut lætum singulis omen fuit, ut quisque Lycogeni vel Regi studeret. Nam quid eo portendi, quod stratus Rex ad Lycogenis pedes erat? quod procubuerat tanquam victima,

ipse ad sacrificandum paratus? quàm leui momento, quàm subito fuisse euersum?

Dum hæc cogitant, iam in arcem primi peruenerant, in qua hostiæ erant redimitæ vittis insignibus, præcinctique ministri expectabant, donec Argenis legitimis verbis ad munera deos vocaret. At illa magis magisque superuenienti dolore incitata, in secreto templi loco, cæteris paulùm iussis abscedere, ita secum loquebatur. Quid tu autem calamitosa Argenis? quid tu præstantissimo viro malorum omniû causa? quid vidisti, aut in quæ supplicia duras? Poliarchum abire: triumphare Lycogenem? Pati hoc potes? ô regia virgo, ô scepro destinata! Si te Principem meministi, cur non Poliarchum hîc asseris? si sponsam, quid ille solus fugit? Ecce autem, restabat ad fata ut pro Feciali esses tuo parenti atque Lycogeni firmantibus pacem;

pacem, ô dij, quam sanxerunt Poliarchi discrimine. Tu deinde quâ fronte, non dicam in Poliarchum inspicies, sed loquêris cum absente, sed audebis meminisse virtutum, vultûsque, atque verba, ad animum secretâ cogitatione arcescere? At pietas in parentem; at publica regni salus hoc iubet. Quæ autem in patrem impietas si inauspicatum scelus refugero? aut quid mihi cum regno, si mori decreui? Sed nec timiditate semper regnorum salus cõstat. Forsitan audaciâ meâ corrigam quæ pater mansuetudine peccauit. Sed quid ages? discrimen nunc appetit, obruétque imparatam. En genitor, en. Lycogenes adest. Poscor ad sacra. Si sceleratæ paci abnuo ministrare, quæ verba mihi erunt, quæ publicè ad patrem argumenta?

Sic dicebat; nec iam mœsta, sed concepto furore augustior, graues oculos huc & illuc ferebat; cùm subiere hæc

ultima verba abeuntis Poliarchi ; meminisset Palladem suam abesse & cum fulmine posse redire. Certè , inquit, abiit mea Pallas. quid frustra hîc morer ? profanæ sunt preces ; destitutum numine templum. Nihil consultius quàm vt vaticinari me simulem , vetarique à deâ , vltra his sacris incumbere. Sic effugiam facinus huius pacis conciliandæ , & ingentibus deinde consilijs liberiùs vacabo. Cùm illud placuisset , vt erat foeliciissimi ingenij , & tunc maximè concitati , cœpit orationem parare , qualem fatidici habent. Vultus atque oculos , vbi furori indulgisset quem suggerebat discessus Poliarchi , sciebat suo ardore mendacium optimè adumbraturos. In his cogitationibus hærentem adiere , qui monerent eam dicandis victimis expectari. Adesse enim Regem , & silentium per præconem imperatum. Hilarior virgo erat , postquam consilium animo federat , cui ac-

quiesceret. Ergo se ituram respondit;
 animúmque simul & gressus ad desti-
 natam fabulam comparauit. Iámque
 hinc Rex , inde Lycogenes , mediam
 hostiam habebant. Circumfusi Opti-
 mates diuersissimas mentes sub vno
 componebant silentio. Populus cu-
 neos vnde quaque stipauerat ; & desti-
 natum sacris ambitum , ægrè appositi
 milites tuebantur. Sed pro monstro
 fuit Argenis , vbi primùm à templo
 egressa , variantibus oculis , comísque
 per horrorem iactatis , sua vestigia tur-
 bauit. Furentis species erat , quæ motus
 deorum , nondum animo benè conce-
 ptos , primâ ægritudine eluctaretur.
 Meleander in primis obriguit ; Qui ca-
 sus , quæ furix , quísve deorum filiam
 sic vrgeret. Ea autem aliquantò seue-
 riùs rotatis luminibus orationem exor-
 ta est , non in carmina quidem condi-
 tam (nec tam subito licebat) sed ta-
 men ab humanâ consuetudine in di-

uinos sermones vergentem; vt hanc
facilè fuerit Nicopompo, non multis
immutatis, in versus sic cogere.

*Cur fugis ô, sedesque tuas sanctissima lin-
quis?*

*En mea Pallas abit: video currumque vo-
lantem*

*Auersamq; deam. Proh dira audacia nobis!
Exilio damnata fugit. Quid thurea flâmis
Dona feram, caesiq; greges altaria tingent?
Me mage Diua rape, & volucris per nubi-
la tractu*

*Siste ferens, quæiscunque tibi placet ire sub
astris.*

*Arma tamen quatis arma minax; procul
Ægidis auro*

*Hasta incussa sonat: redeunt per inane
tumultus;*

Sæuaq; profcisso dirum rubet orbita cælo.

*Parce istis, ô diua, minis. Neu vindice
ferro*

*Bella para, patrios neu corripe nubibus
ignes.*

*Heu furia ! quò fata cadent ? Quid ponere
templa*

*Juuit, & auratis attollere limina saxis,
Si placet hoc audere nefas ; si bella moue-
mus*

*Cælitibus , Numenq ; suis prohibemus ab
aris ?*


Postquam his similia vaticinantis vultu profudit , mutata in eiulatus , maximè impleuit speciem diuino tumultu correptæ. Et in illam quidem omnium oculos stupor defixerat : Sed præcipua Meleandri cura erat , reuoluentis quæ in oraculi modum edita erant ; Iussam Palladem exulare , abeuntem deam minari ; denique piaculum esse commissum. Hæc quò minùs capiebat , eò frigidior animum metus incesserat. At Argenis , velut effusâ vi spiritûs qui intra præcordia ad vaticinium sæuierat , omissis infulis , quas ademit de capite , supplex accessit ad patrem , rogauitque vt sibi abstinere ab

ijs sacris liceret. Pudere enim se furo-
ris inassueti ; nec conspectum populi
tam subitò ferre. Hærebat Rex tot
ominibus æger, & præter cætera me-
tuens, ne Lycogeni in suspicionem
veniret; quasi hæc monstra turbandis
fœderibus ipse ex composito finxisset.
Virgo autem inter silentium patris
elapsa, deducantibus eam assuetis cu-
stodiæ suæ militibus, concessit ad re-
giam. Arsidasque tanquam officij cau-
sâ sequutus, acceptis ad Poliarchum
mandatis, statim arce digressus est.

Fremitus interim, & mox liberius
murmur in territâ plebe. Alij pacem
aiebant præsentissimo Numine im-
probatam ; alij ad venturas Sicilia
clades referebant prodigium. pergere
quidam ad sacra ministros iubebant, &
quicquid id erat expiare ; Sententiam
ferebant promptissimè, qui minimè
consulebantur; Sed maximè eminebat
vox, Fecialem vocantium. Nam vt Si-

culis Græcos mores sua origo tradiderat; sic vicinia Italiæ insinuauerat multos ritus; in quibus & Fecialium tota religio. Igitur Meleander, sedaturus pugnantium vota; Nihil interest, inquit, Palladisne an Iouis auspicijs firmentur, de quibus bonâ fide inter viros conuenit. A des Fecialis Siculorum, & legitimos fœderum ritus obi. Fecialis in veste prætextâ longum carmen recitauit, quo diræ in fœdis fragos continebantur. Cæsa inde hostia fuit, cuius exta Rex simul, & Lycogenes tenuerunt. Ab hoc sacro intrauerunt in templum, aramque & puluinar tangentes, rursus fidem obligarunt numinibus. His peractis, se ad regiam pompa conuertit. Sed nec plausus populi sequebatur; nec gratulantibus amicis synceri vultus erant. Rex tamen, vt oportuit, animi dolore fraudato, & ad hilaritatis indicia versus, eo die publicum conuiuium iniit, ludosque proximo die

inſpexit; in quibus poëta ſoccis egit,
retulitque facetos de populo iocos.
Regia enim & tragica, edi illo tempore
non placebat. Per multos hoſce dies,
utriuſque amici, à Rege & Lycogene
moniti, non modò abſtinuere rixà; ſed
& frequentibus mutuifque epulis, ſe-
curitatis & lætitiæ laruam auxerunt.
Nam & Argenis, quæ ſimulatione
morbi iacuerat, in publicum prodiit,
poſtquam Arſidas literis ſignificauit,
ſe, ſuūque vectorem, incolumes Ita-
liam tenuiſſe.)



IO. BARCLAI
ARGENIS.

LIBER II.

POLIARCHVM ex Sicilia
exegisse, visa Lycogeni in-
gens de Meleandro victo-
ria: Quippe acer iuuenis,
maturusque consilio, sui genij magni-
tudine regias partes extulerat, & faci-
liora factiosis scelera erant hoc extin-
cto, vel saltem absente. Mortis enim
ipsius opinio diu non constitit; sed
siue res suspecta tantum fuit, siue à
conscijs edita, non obscure Arsidas
iactabatur, illi cum nauigio salutem
obtulisse. Et hæc prima Lycogenis in
Regem criminatio; cum per homines

subornatos, in populum spargeret, Meleandro fluxam fidem fuisse & Rege indignam. Quippe illius iussu legatos à Poliarcho caesos, & reum clam exemptum supplicio; iamque securum in Italiâ, fortè ad paria facinora, præstari. Hæc modestè Lycogenes, & tantum apud eos quibus inuisus Meleander: Sed clientes licentiùs infamiam Regis vrgebant. Nouis enim motibus materia quærebatur; Nec decrant qui hæc tumultuandi initia ad Meleandrum deferrent. Ille consultò in pristina lenitatis specie perseuerabat; vt quæ incuriæ imago res antea eius afflixerat, iam imponeret inimicis. Accendebat eius animum, præter facinora Lycogenis, periculùmque fortunarum, virilis in Argenide constantia: Apud quam cum quereretur, quòd sacrificium destituisset, fecissetque suspicioni locum, quæsitæ rationis quâ fœdera turbarentur; Si quid hîc (retulit ipsa) peccatum

est, iustius erit de Numinibus te queri. Stimulos ego nec recusare, domine, potui, nec tenere. Cæterùm plures sunt qui mirentur te inijsse pacem, quàm me Deosque ab eâ refugisse. Ignosce libertati, quam mihi bonitas tua facit: Fortè melius esset inter strenua opera semel perire, quàm tot iniuriarum patientes regnare precario. Rex indole supra muliebrem erectâ permotus, diu pensatæ seueritatis consilium exequi statuit; Cui rei conducebat, Epeircten, siue bello, siue fugæ, aptissimam sedem; incolere; in quam pridem quæ utrique fortunæ conueniebant dissimulatâ ratione conuexerat.

Epeircte in Panormitanorum finibus mons est, aliquot millium ambitum amplexus. Imæ radices abscissis præruptisque rupibus attolluntur; Mox ubi per inaccessible cotes mons in modicum tumorem excreuit, paulatim faciliora latera acclinat, donec ad ver-

ticem peruenias haud modicâ planicie æquatum: in quâ & tumulus commodè eminet, tanquam à naturâ productus in arcem. Illud iugum munitionibus Reges firmauerant: Reliquus montis vertex iusto oppido, sparsisque præterea, & amœni sœdificijs incolebatur. Quo latere ad mare mons pertinet, capax omnis nauigij portus sese inter saxa insinuauerat, laxo aditu, aquâ præaltâ, & propter montis amplexum, à procellis securâ. Huic portui oppidum tam opportunè imminabat, vt ijs inuitis à quibus obtinebatur, nec subire naues possent, neque arcta semita teneri, quæ à mari ducebat ad iugum. Quà verò interiora insulæ mons spectat, duobus duntaxat callibus ascendi tunc poterat, iisque pari modo impeditis. Ingens quoque leuamen Epeiræten colentibus, quod quacunque intermittunt ædificia, vberissimi pecoribus pastus nascuntur. Et vt hunc situm,

beneficium deorum putarent, effecerat copia fontium, & innoxius aër, in quo nulla veneno infesta animalia viuebant. In limine callis qui surgebat à portu, Cereris signum, cum spicicâ coronâ, & serpentum volucris iugo; religionem offerebat intrantibus, ne insalutato numine progredierentur, vel saxum negligerent, quod rudibus literis deam loqui in hunc modum faciebat.

*Si mihi quâ curuo Nereus vehit aquora
cinctu*

*Omnis humus fruges, atque omnis mitia
debet*

Iura locus, vetuiq; fero nemoralia ritu

Pabula Chaonijs miseros decerpere ramis:

His saltē o cuncta meritis concedite gentes,

Sicano sim tuta solo. Reuerentia nostri

*Adsit, & has nullus surgat populator ad
oras.*

*Namque mihi hæc sedes; hæc fatis dedita
tellus,*

*Hæc placet. Exerti tantùm ferat arma
coloni*

*Pingue solum, & duro tantùm de vomere
vulnus.*

*Haud iniusta precor. Si quis tamen impia
contrà*

*Signa feret; meme ille grauem, me sentiat
hostem.*

*Ipsa facies; ipsa arma feram; cognatæque
iunget*

*Mecum omnis Natura manus. Saturnia
proles*

*De Ioue sum mater; fraternos cœrula
nutus*

*Vnda timet, nigròque gener capit omnia
mundo.*

Mèleander multò antè assueuerat il-
luc diuertere, quasi pulchritudinem
loci sequutus; venationum quoque si-
mulato amore quas vicina regio fere-
bat; Fidissimi militum in præsidio
erant; &, ne si cœptis fortuna abfui-
set, etiam intercideret fuga, vario præ-

textu, regiarum triremium partem ad stationem applicuit. Captatis quoque temporibus; quicquid olim cumula-uerant Reges, in eam arcem delatum est. Vis magna gemmarum: coraliorum multiplices rami, quos ex vicino mari petierant. Exoticam purpuram per aliquot sæcula coactam pinguis murex suo fulgori seruauerat. Vasa aurea atque argentea; quorum pauca recenti artificio nitebant: rudia plura, impensiùs in vetustatis reuerentiam colebantur. Signatæ pecuniæ ingens modus non erat, per liberalitatem Principis exhausto ærario, quam denique futuri coniecturæ minuerat.

Rex vni Argenidi consilia aperuit; sibi regiæ dignitatis ultionem in animo esse: Si simul Lycogenes & factionum præcipui, variâ negotiorum specie cogi possent ad regiam, (iam enim in diuersa secesserant) omnibus se iudices, & supplicia daturum. Huic

rei Epeircten esse idoneam, unde & vicina regio teneretur, & in potestate maria essent. Forsitan, inquit, violenta consilia reliquos frangent, qui meæ clementiæ fiducia peccant. Sin resurgent sæuius bella, consiliûmque euentus destituet; relinquam ingratißimum solum, tecûmque diuitias triremibus imponens nauigabo in Africam. Neque enim illic desunt qui fugientem excipiant: Et aut ego tantus natus, aut tu in annis eiusmodi clade indignis, fortunam placabimus. Si ea calamitas incidet, solam Epeircten commendabo Eurymedi: Hanc cum delectâ manu ad extremum propugnet. Interim nobis, (gnata) pœnas dabit Sicilia, grauib; inter ipsos coniuratos odiis lacertata; vulgusque errore discussso, quid illi sint, & quid fuerimus, tristissimâ æstimatione pensabit. Quippe nec in diuidendis facinoris præmijs vnquam conuenient, nec Lycogeni omnes ac-

cedent. Multi enim me percelli, non euerti, desiderant. Sic inter se commissi, pars ad nos respicient: & reditus noster fortè illorum beneficium erit, quorum scelere pulsi fugerimus. Tu interim, Argenis, in arcem concede; Vereor enim ne bellum improuisò aut accipi aut inferri oporteat. Vnum vide, ne in tuam familiaritatem ignotæ fidei mulieres admittas. Satis est, mea gnata, proditione virorum nos lædi.

Ad hæc Argenis, gratulata fortissimum consilium Patri; & hortata nouo bello experiri fortunam, adiecit se hæctenus cum fide curasse, ne ignoti ingenij mulieribus sua familiaritas pateret. Sed postquam digressi sunt, cogitare acriter cœpit, à qua muliere timendum Rex monstrasset: quæve secum omnino viueret ipsi inuisa. Statimque consuluit Selenissam, ignara illam esse, quæ Timocleam Regi suspectam occultissimâ fraude effe-

cerat. Et tunc quidem callidissima
anus, quamquam læta suas artes pro-
cedere, perfidiosè apud Argenidem
simulauit mirari se quis ad has curas
impulisset Meleandrum. Causa autem
curarcanis consilijs Timocleam pe-
tiisset, hæcerat. Argenidem illius of-
ficijs in Poliarchum senserat esse ca-
ptam; verebaturque ne iucundissimâ
nouitate Matrona veteres amicitias
anteiret. Ergo inuidiæ curis grauis,
ad familiaria in aulis flagitia & odia
se conuertit. Nihil tamen apertè in
Timocleam loquuta est. Ars enim &
causa perierat, si deprehenderet Arge-
nis fraudis ingenium. Sciebátque præ-
terea, se mulieri grauiorem hostem
fore, si eam odisse non sciretur. Varia
itaque ingerebat, quibus consultissi-
mum esse probaret vt Argenis benefi-
cium in eam aut omitteret, aut differ-
ret. Vísne, inquiebat, scire Timocleam
hæc præmia esse occultati Poliarchi?

vísne secretæ inter te & illum fidei pignora in plures emanare? Solertiùs mecastor feceris, si tanquam tuo pte ingenio illi mediocriter fauebis; vt dari non referri beneficium credat. Sit verò suæ domi. Non careret suspicione, illa tuæ familiæ accessio. Finge enim (quod & Superi faxint) nunquam in vulgus periculosè emanaturum, ab ipsa Poliarchum esse seruatum. At quid iste hospes Archombrotus? Scit quantum de eo sit merita; & præmia tam subitò scilicet à te solui non sentiet?

His, & pluribus, sibi veriùs quàm alumnae cauebat Selenissa; rata actum de gratiæ quo eminebat fastigio, si præter se alia esset cui nihil sileretur. Sed tam commodè, tantóque circuitu peccabat, vt videretur vnâ Argenidem curare: Assiduum & exitiabile Principibus malû, apud quos gratiosi prætextu iuuandi aut monendi, sa-

tiant inuidiam, & interdum æmulos laudibus attollunt, vt maligna deinde inferentibus sit pronior fides. Ergo & Seleniffa suspiciones secretò ornaue- rat, quæ in Timocleam Regi allapsæ sunt; Hanc olim fauisse Lycogeni & adhuc incertam fide esse; tamen ab incautâ Argenide amari. Rursûsque apud Argenidem eiusdem matronæ laudes, & merita, miscebat imagine pe- riculi, quod in eâ subuehendâ timen- dum videbatur. Et quoniam partim vera monebat, effectum est, vt vix me- liùs ab Argenide Timocleæ esset; nisi quòd interdum, vt solebat, venienti, familiariùs se præbebat, augebátque recedentem aliquot donis, liberalitatis occasione vtique semper aptè qua- sitâ.

Inter hos dies Argenis, vt erat impe- ratum, comitante Ibburrane, qui tunc fortè negotiorum causâ in regiâ erat, Epeircten profecta est. Nec multò

pòst Meleander, cùm in idem oppidum se conferret, ingens vitæ periculum adiuit, siue suorum fraude, siue factorum consilio, gratiam & fauorem Archombroto quærētium. Lacus erat passuum non plùs mille in ambitu; placidis quidem & facilibus ripis, sed aquâ deinde præaltâ, & instabili fundo. Ad illum Regis auriga declinauit tanquam viâ magis apricâ ducturus. Frequentia curruum qui illic quotidie agebantur, multis orbitis notabilis, ne quid timeretur effecerat; cùm ecce. Regisequi seu spontè consternati, seu culicum palustrium stimulis acti, aut denique proditione ductoris, quassatis altè iubis, & periculosè arrecti; viam in lacum præcipitant; omnibus quidem qui in comitatu erant pauidissimâ vociferatione certantibus: sed pauci ferebant auxilium; siue intempestiuo metu sibi cauebant, siue subiti atrocitas periculi vires torpentibus eripuit.

Inter illos qui ruentem per devia currum cum fide sequebantur, nemo Archombroti celeritatem æquauit. Nunc aurigam ille monere vt acrius equis obsisteret, nunc Regem vt ab curru in aquas desiliret nondum hominis mensuram æquantes. Ferebatur interim currus, primasque iam rotas altior aqua suppresserat. Tum verò Archombrotus virile facinus ausus, quia impeditus fluctibus equus tardius cum vehabat, se in lacum pedes misit; Ad vicinum deinde currum præcipitans, volentem Melcandrum arreptâ ponè veste tam maturè detraxit; vt eodem fermè momento lacus subitâ voragine desidens, totos cum vehiculo equos absorpserit. Archombrotum Regis pondus in se è curru collabentis affligerat; tum ex pingui argillâ lubricum fundum, & ipsius aquæ instabilis moles quæ perueniebat ad humeros. Nec minùs Rex laborabat sua vestigia obfirmare. Ita

luctantibus simillimi inter se inuicem hærebant ; cùm iam propè cedentes incumbentibus vndis celerrimi amicorum eripiunt.

Vbi ad ripam Meleander peruenit; tanti quod euaserat periculi horridior imago tum suo tum suorum animo insedit. Illud præcipuè horrorem augebat, quòd imperitus natandi certissimè periisset, nisi Archombrotus contemptâ salute veluti in se auertisset periculum; quem vbi & natandi rudem esse compertum est, cœpere vtique omnes impèsius mirari hunc in Regis discrimine adeò vilem sibi fuisse, iuuenem, externum, non beneficio, non lege obligatum; cùm tot, proh pudor! gentiles & obnoxij cessassent. Præcipuè Regem, vt debuit, hoc beneficium permouit. Cupidè illum amplexus erubescens ad suas laudes tenebat; & iam antea tantâ indole ad amandum compulsus, gaudebat hoc casu pote-

statem esse factam eum sibi intimâ nec inuidiosâ familiaritate iungendi. Interim Regis auriga elapsus fluctibus vultu horrêti ad ripam tendebat, cùm Eristhenes diu antè verbis in eum bacchatus, gladium strinxit, & tanquam Regis periculum vindicaturus, improviso omnibus ictu excipit infœlicem. Confossus ille ruit in aquas, magno quidem iuuentutis quæ aderat plausu. At non illa consultioribus placuerunt. Si non enim hæc aurigæ culpâ contingerant, cur miser tam cruentè mulcëbatur? Sin noxam meruerat, cur non habitâ quæstione, non editis conscijs, facili morte eripiebatur supplicijs? An vnus denique Eristhenes Regem amabat, tam properæ vltionis minister? Lapsi inde animi, vt auriga crederetur factione Lycogenis emptus Regis vitam hoc facinore petisse; & quoniam sceleri fata obstiterant, ne coniurationem prodere cogeretur, ab Eristhene
Lycogenis

Lycogenis amico esse sublatum. Sed Eristhenis potentia, nondumque maturum ad ultionem tempus, quamuis inuitum Meleandrum ad dissimulandum coëgit; vultu quidem sic placido, vt nec se Eristhenes senserit esse suspectum.

Vbi Epeircten peruentum est, frequens Optimatibus oppidum fuit, de Regis salute gratantium, Meleandro regente quid animi sibi esset, & ad omnem hilaritatem se cogente. Erant in primis Lycogeni amici Oloodemus, & Eristhenes, per hunc ad ingentis potentiae gradum subuecti. Nam Eristheni summam ærarij Meleander crederat; certus se has vires hosti conferre; sed ita tempora, & quam iniuerat simulatio, ferebant. Oloodemus, quicquid ad Pachynum promontorium iacet regendum acceperat. Hi facinus inter se partiti, diuersa procurabant; & cum Lycogene Oloodemus corrup-

pendæ Sicilia à Regiâ aberat; Eristhenes muneris sui specie incumbibat Regis consilijs. In his tribus summam hostilium virium esse constabat. Rex quamquam consilij iam certus, tamen quid Cleobulo sententiæ esset scire expetijt. Eurymedis quoque consilio plurimum utebatur; Et Archombroti summa gratia erat. His tribus secretò conuocatis Meleander Argenidem secum habens, ita primùm locutus est, ut non ostenderet suum sensum; ne præiudicio illo periret libertas sentire timentium Regi contraria, aut se frustra dissuadere credentium. In quo rerum articulo Sicilia esset ostendit; importuniorem illam pacem pristino bello; Hæc se pridem auguratum Epeireten, in qua tunc arce erant, munijse; scire se, ex paucis capitibus momenta tam atrocis seditionis pendere. Iam rogare quid authores sibi essent. Nemo in tantis rebus audebat loqui

prior, donec in ætatis reuerentiam, expertæque prudentiæ, Rex Cleobulum dicere iussit: Et ille, Strenuè, inquit, agendum est, ô Rex; aut expectandum tanquam velatis capitibus maturum exitium. Mediocris virtus pro vitio tibi erit. Nec aut famam, aut deos, si te de istis hostibus vlciscêris, lædere puta. Nam & primus Lycogenes peccauit in fœdera; & ipsius supplicio qui te contemnunt, vel odere, mutabuntur. Scimus sollicitas vrbes; descriptos milites penè sub signis esse. Quid moraris? An donec nihil ampliùs in Sicilia syncerum sit? Timésne turbare adhuc præcoces illorum apparatus; aut religiosè expectas, donec ferrum iubearis recipere? Eristhenem hîc habes; Lycogenem, & Oloodemum, tanquam ad consilium in re subitò oblatâ, accerere. Si venient, confestim maiestatis damnatos conficias. Sin abnuent; hos tu verò cõtumaces, nec dum omnia instructos,

iusto celerique bello persequere. His Cleobuli verbis adiecit Eurymedes, spondere se, peditum sex milia, equitēsque quingentos, in fide & potestate fore. In pratorianis partim hos esse, partim in Epeirctes præsidio. Alios Panormi, & in arce Epipolis distributos. Tantillam veteranorum manum tyronibus posse præstare, quoscunque delegisset Lycogenes. Et ubi regia vexilla fulcissent, haud dubiè multos se melioribus partibus applicituros.

Inter hæc, Archombrotus, illatâ armorum mentione hilarior, ratúsque locum esse, aliquid pro Poliarcho audendi: Ego, inquit, & externus, & iuuenis, de summâ rerum non disputo. Sed si bellum vobis placet, cur auxilia vestra respuitis? cur ante discrimen frangitis vires? Poliarchum Lycogenis invidiâ pulsum, adhuc hodie nemo est militum qui non optet restitui. Præterquam quòd bellicis artibus valet,

timendúmque est hostibus nomen, scitote illius reditu conspectúque, tanquam salutis auspicio, promptiores ad omnia exercitus fore. Equidem quærendum censeo, excusataque temporum necessitate, quæ illum hinc abegit, ad nouam lauream inuitandum.

Hæc fidenter pro Poliarcho orantem Argenis intuebatur, eò potissimùm læta, quòd Rex illum auidè audiebat. Itaque ne quis tam liquida & proluxa omina turbaret, ipsa adiecit, in eadem qua Poliarchus causâ, Arsidam esse; quem omnes ferunt, inquit, in Italiâ moras trahere, tanquam solum exilij causâ vertisset. Nec aliud ipsi crimen, quàm aduexisse Poliarchum. De Arsidæ fide, ô Rex, non dubitas; & fortasse de nobis isto facinore, quàm de Poliarcho plùs meruit. Quòd si tamen deliquit, hunc donari mihi peto; licèt quamdiu Poliarchus in damnatis aut inuisis fuerit, non possit absolui. Ar-

genide in defensionem Arsidæ, quia cum salute Poliarchi cohærebat, erecta, omnes in virginis gratiam eadem cum ambitu senserunt.

Tum Rex; Dijs, inquit, res nostras curæ esse, vel idcò intellexi, quòd mirabili animorum consensu, quæ apud me constitueram, eadem vt facerem suasisitis. Sit igitur auspicijs dijs ratum in Lycogenem bellum; si absque tumultu capi, & perduellionum supplicio tolli non poterit. Poliarchum autem, & Arsidam, pridem meo suffragio absolui; Restat quærere, qua ratione vtrumque reconciliemus domum. Omnibus visum, notæ fidei aliquem cum muneribus ad Poliarchum mitti debere, cùmque orari vt cùm primum cœptæ erunt in Lycogenem turbæ, remigret in Insulam. Sic constitutis rebus consilium Rex dimisit, omnibus, quæ sciebant, senserántve, diligenter premere iussis. Sed Argenis de

amantium more semper immodicè exultans, aut mœsta, obiectâ præter spem læticiâ apertè fruebatur; Ignarûsque rei pater; Accipio, filia, inquit, omen: Ex quo in hæc mala incidimus, nunc te primùm hilarem, & porrectæ frontis cerno.

Vespera appetebat, & in hortum regium Archombrotus, ut plerumque solebat, intrauit. Illic cùm solus inter arborum spatia erraret, in noctis memoriam incidit, quâ Timocleæ hospitio cum Poliarcho erat usus. Inter cætera subiit animum, frontis vocisque mutatio, quæ illic Poliarchum de Argenide interrogatum confudit; Id enim Archombrotus in amoris iudicium cùm traxisset, deinde exciderat superuenientium rerum mole, eò facilius quòd non amorem mutuum, sed iuuenilem in Poliarcho insaniam esse coniecerat. Tunc verò diligentius omnia reuolvebat: bis ad Argenidis no-

men Poliarchum obstupuisse: bis de virginis ætate & moribus rogatum, respondisse strictim tantum, & vt scires incompositi ad hoc nomen animi esse. In illius rei memoriâ hærenti, succurrit, Argenidem, dum Arsidad apud patrem tueretur, inter seria verba & preces, totam arsisse. Facinus autem Arsidæ ad rem Poliarchi pertinebat. His vtrunque pensatis; secretæ inter illos necessitudinis facta est Archombroto suspicio. Occurrerunt ilicet cogitanti, virtutes Poliarchi, & quicquid hunc ad spem tantam subuchere potuerat, aut sollicitare Argenidem. Certè quòd illius genus lateret, aliquid eximium posse subesse. Neque enim, inqueiebat, solus sum, cuius genus, aut fortunæ, ex illâ quam subij dissimulationis larvâ æstimari non debeant. Sed dum Argenidis speciem, fortunamque, ad animum reuocat suum, fœlicemque hoc amore Poliarchum tacitâ gratula-

tionē ingeminat, ea ipsa laudare incipit & mirari, quæ antea intactus aspererat. Nam quid Argenide venustius esse? cui vnquam ad tantum habitum, tantosque parentes, tot virtutes accessisse? Si non generis prærogatiua esset, sed ex Sicilia virginibus delectus haberetur, neminem ante Argenidem ad regnum asciscendam. Sapientiam, modestiam, verba, suo sexui præstare; speciem supra mortalem esse. Post hæc ad se redibat Archombrotus, nec indignam tantâ spe nobilitatem suam, haud dubium nouis ignibus alimentum, reputabat. Et id primò non quasi amaturus; sed tantum veluti ociosa, nec imparia tamen vota. Capi inde paulatim, & oblectatione iam anxîa ad earum rerum imagines teneri; ignarus, si victor & liber esse vellet, fortudine opus esse in hæc ipsa amandi initia. Quantum charior fiebat Argenis, tantum de amicitia decedebat, quæ illum

Poliarcho coniunxerat, primùm inuidiâ, mox æmulationis malo grassante. Ita æger, & ad animi captiuitatem adactus, horto digreditur, quem paulò antè fœlix solutusque intrauerat. Accessio mali fuit, quòd ad solatium in eâ tempestate solitudinem quærens, solus cœnauit. Nam cùm tacitus secretusque, non aliud quàm amorem audiret, paulatim, illis curis se permisit, quæ intra paucissimos dies efflictim amantem nondum expertis malis vrserunt.

Dum hæc apud Regem aguntur, non solutiori curâ cum suis Lycogenes meditatum facinus adornat. Is ad præcipua oppida non vno prætextu diuer-
tēs, magistratus exhibito conuiuio hilariores monebat, ne publicam libertatem finerent prodi. Pessimis consilijs infestari Siciliam; meminissent se in regno, non sub tyrannide esse: Nec in Regem quicquam addebat, nisi ita perplexè vt id posset vel Melcandro

excusare. Cùm his verbis incitatos videbat, quasi familiariùs agens, imperfectum aliquid inter suspiria, vel publicè, vel præcipuis in aurem, loquebatur; ut piâ sollicitudine plura timere videretur, quàm quæ auderet euulgare. Inde non pauci, in eum ut patriæ columnen aspicere, curâque subtristi Meleandrum fastidire: Cùm præsertim iactaretur in populo, nunc contemptis popularibus ad publica negocia acciri peregrinos, nunc tributa & portoria augeri: cædes denique imminere à Principe superioribus bellis infesto. Præter has artes, sacrificuli pretio empti haud parum valere. Ominibus & auspicijs ementitis omnia in religionem vertebant. Seu publicè, seu priuatim mactata hostia erat, effictis prodigijs spectantes terrebantur; nunc caput decesse iecinori; nunc turbato ordine, fibras emicare extra sedem; semperque noua fata instare, & meliora præteritis:

Nihil autem quod tunc fieret dijs placere. Contigerunt præter has laruas, non falsa, aut fucata prodigia, quibus affirmabantur proximæ clades. Nam & de cælo lapidatum est; & alicubi gemini soles micuerant. Sed pauca hæc monstra fictis innumeris fidem fecerunt: ut homines omnia temerè crederent, timerentque. quem miserorum statum quidam Poëta, & ipse publicæ insanix non expers, descripsit.

*Parcite Cælicolæ; Quid demere vincula
rebus*

*Heu placet, & miseras monstros euertere
terras?*

*Nunc cælo informis facies, nunc aëra fædi
Incastat Manes. Liuent per inane Cometae,
Et nec friget hiems, vector nec floribus halat.
Phryxæus, posuitq; suos canis astifer ignes.*

*Qualiter ignoto cum Sol nouus aëre gyrū
Per modò nascētis cunabula duceret Orbis,
Expers sæpe via, sæpe alti pondere currūs
Errauit dubius, totumq; immiscuit annum.*

Cernis anhelanti quàm nigra volumina
tollat

Ætna iugo? cernis quantâ vehat æquora
mole

Auster, & in nostras spumantia degerat
oras?

Ceu quondâ Ausonio cùm dissociata recessit
Littore, frägentes exhorruit Insula nimbos.

Magna quidem portenta deûm; Tamen
omnia suprâ

Sæuit corde pauor. Vates sibi quisque
malorum

Et clades, & tela videt, pœnasq; futuri

Præcipit. O siue hæc nobis insania creuit,

Seu superi iussere nefas; quid longa mo-
ramur

Supplicia? Arma, viri. Sæuo cadat hostia
cælo

Quæ meruit. Liceat lustralia mittere tela,

Et satiare deos, & morte reposcere vitam.

Inter hæc ad Regem est relatum, inter-
cedere Hyperephanijs cum Lycogene
arcana consilia; verebanturque non-

nulli, vne eorum vsurus viribus propediem à patrijs sacris abiret. Fortè cùm talia iactarentur, Archombrotus cum Ibburrane erat, cui iam aliquo vsu, commendatione maximè Regis ceperat familiaris esse. Ambo in regiâ porticu spatiabantur, nouúsque in Siculis rebus Archombrotus, cùm aliquoties Hyperephanios audisset nominari, rogauit quod discrimen inter illos cæterósque Siciliae incolas esset; cur nomina, cur studia, virésque diuersæ. Tum Ibburranes docēdi iuuenis studio paulum in se seductus, sic incepit. Hyperephanijs ex suæ superstitionis genio nomen hoc fecimus. Eorum factio regnantibus grauis, quodam Vsinulcæ auctore hoc sæculo est exorta. Ille deorum cultu neglecto qualis in Sicilia semper viguit, ausus est nouas religiones afferre, pacémque sollicitare animorum qui superbiâ, vel nimia simplicitate, diripi possent. Quibusdam igi-

tur ambitiosum fuit à sensu maiorum
eo duce discedere ; Alios eloquentia
fessit cui pietatis species erat intex-
ta. Accessit impetus nouitatis , tanto
furore excæcans animos , vt barbara
Vsinulcæ commenta inuenerint lau-
datores, non ex vastis & vltimis terris,
sed (quod mireris) ex alumnis Siciliæ:
quamquam nihil portentis deterius
quibus suam ille scholam fœdauit ; vt
vel referre me pudeat contumeliosam
numinibus vesaniam. Negat vllum
mortalium , vlli sceleri operam dare,
nisi qui illi perpetrando ab adigenti-
bus dijs damnatus est. Vtcunque verò
in vitia pugnes, in te sis innocens, com-
modus hominibus , in deos liberalis,
cuiusmodi pietate effici non vult , vt
amicior dijs viuas. Non hæc enim
omnia esse illam virtutem, quæ acce-
ptos immortalibus homines facit, sed
illius tantummodo signa virtutis. Præ-
terea non esse in delictis discrimina;

sed in hominibus qui delinquunt; Si quidem à dijs exosos, vel oleris furto mereri quicquid Furia apud Poëtas faciunt. Cæteros verò non parricidio, non incestu, libare amicitiam quâ cum Numinibus sunt coniuncti. Ita ab vno scelerum cœno hos intactos, illos amisso decore excedere. Velut in aquas si quid anserini generis mergas, inde inuiolatâ siccitate eduxeris; cum cæteræ aues, aquis ijsdem, & minori sæpè morâ tenorem & vsum pennarum corrumpant. Parco cæteram Vsinulcæ amentiam memorare. Nec habuissent hæc monstra longi æui discipulos, nisi incidissent in Regum pueritiam, quibus temporibus vt plurimum turbulentis fœda omnia nec arceri nec corrigi possunt. Auxit hunc morbum factionum atrocitas; & quidam Optimates odio eorum qui sub pueris Principibus rerum potiebantur, præbuere se tumultuantibus Hyperephanijs

nijis duces. Tum verò luctuosissimo
sydere percurrerunt domestica arma
Siciliam; & ad Hyperephanios defe-
cerunt quotquot seditionum licen-
tiam amabant; in ipsos ausi Reges si-
gna attollere. Nihil illorum furori re-
lictum est. Calcare aras deorum, euer-
tere templa, fœdare oppida incendijs,
& ciuili sanguine suam furijs conse-
crare nouitatem. Post tot annos adhuc
veluti truncas vrbes excisis Numinum
tholis aspicias, in quibus sæuierunt. In
illis tumultibus tanto diuortio à cæte-
ris recessere Siculis, vt tanquam aliam
patriam, aliúmque populum facerent,
ne ictis quidem fœderibus redierint
bonâ fide in communionem reliquæ
gentis: discordique ingenio acti sem-
per arma aut minentur aut timeant.

Ita affectis animis, quid Regibus pu-
tes liberí in eos imperij esse? Vrbes,
milites, portus, tantúmque non totas
insederunt prouincias, ex quibus cum

surpercilio consulunt quid iuuari à se Regem aut sperni expediat. Cui si bellis occupato, aut inter alia laboranti negocia, operam suam promittunt: tanquam digni quibus gratiæ habeantur, fidem hanc iactant; obliti à bonis ciuibus tunc eiusmodi sponfionem non exigi; nec fore ut toties eam repperent, si semel tuta esset. Sed sociorum utique magis quàm ciuium more auxilia præstant, Regisque aut sequuntur aut auersantur consilia. Sic deorum Principumque arbitros agunt; quid utrisque ipsi debeant, non ex patrio ritu, sed ex suis ingenijs metiti. Quantas clades hic morbus minetur Siciliae vel nullo profitente agnoueris. Nam ut peruiacissima sunt odia, quæ ex diuersarum religionum litibus feruent; iure timendum est, ne aliquando Hyperphanij quod suis consequi viribus non possunt, excidio patriæ quærant, peregrinis gentibus, æmulisque, non

magis ad bellum quàm ad prædam, &
 veluti Siciliae possessionem accitis.
 Quòd si ista meliores dii auertent, at
 iam quanta sunt quæ videmus quæque
 sentimus? Si filij irascuntur parenti-
 bus, si Regi Optimates, continuò in
 hanc sectam, veluti ad certissimæ ma-
 numissionis genus, fucatâ professione
 secedunt: non ignari, quòd sibi præ-
 cipuè noceant; sed tanti est suo errore
 æmulos macerare. Quid de Vestalibus
 dicam? quid de mystis deorum? Vbi
 illos castitatis suæ tædet, impunè male-
 dicunt religionibus, & incestarum mer-
 cede nuptiarum se Hyperephanijs de-
 dunt. His exemplis, illaque differendi
 & viuendi licentiâ, labefactatur vul-
 gus; vt primùm qui dii aut quâ ratio-
 ne colendi sint dubitet; mox rudi aut
 impio fastu nihil sacrum habeat, nihil
 de Superis certum; Sic Numinum re-
 bus indicta est isto facinore calamitas,
 simulque in publicam pacem serpit,

& ægræ Siciliae carpit vires; quæ nunquam in pristinum robur exurget, nisi prius Hyperephaniis ad saniora adactis vulnus hoc duxerit cicatricem.

Tum Archombrotus; Quid ergo Siculi cessant, ait, vnâ mole obruere incendium? quidve grauantur iusto ferro hanc tabem noxiosissimâ contagione serpentem exscindere? Equidem vel ego externus manus meas & ferrum ad hoc promitto; Neque me vnquam gratioribus victimis operaturum credam, quàm si eorum sanguinem diis dabo, vel meum adactis vulneribus ipsi libabunt. Hæc te Meleandro dicere, Ibburranes, & ad hæc bella cum vrgeræ æquum fuit.

Hic Ibburranes; Laudo impetum tuum, inquit, egregio feruore succensum. Sed sunt tamen qui non sine argumento contraria sentiant; quia rerum successu compertum est, vt quædam animalia aluntur veneno, ita hanc se-

Etiam inualescere publicis malis, inter-
que bella & clades saginari. Alias igitur
artes, easque mitiores quæsiuere,
quibus maculam Sicilia eluat; credide-
runtque Regum prudentiâ, absque
ferro & sanguine, morbi sauitiem po-
nere posse. Si quid verò ipse sentiam
quæris; neque cum illis pacem neque
bellum simpliciter volo. Nam si quie-
tem possunt pati, non hos puto ullis
motibus sollicitandos. Sin in Regem
remque publicam seditiosis consiliis
spontè insurgent, ferendos non arbi-
tror; sed vi armisque premendam ve-
saniam superbè furentium. Pia tunc
arma, tunc omni laude digna in eos se-
ueritas. Totis regni viribus enitendum
ne impunè auferat abominandi in Re-
ges exempli audaciam. Et eò quidem
celerius vindicandum est facinus, quò
ipsi ferocius solent grassari in cunctan-
tes: nostramque patientiam pro imbe-
cillitate contemptim accipere. Neque

enim hæc fecta, ferendo, parendoue
(vt solent meliores disciplinæ) quærit
sibi incrementa; sed iurgio, rixâ, tu-
multu, sua facinora assuevit asserere.
Ferro igitur, & plusquam æmulâ fero-
citate, censeo in eos esse agendum, quo-
ries suis iniuriis Regem ac Patriam la-
cessent. At si seditionibus, si rebellio
abstinebunt, patienturque mitius se
haberi, tunc ego cum illis pacem ma-
lim. Iam enim in plures serpsit labe-
s quam vt singuli inter reos scribi pos-
sint, & citari à lictore. Ac præterea iu-
uentute abundat Sicilia, quam nunc
leuitas, nunc egestas, nunc ipsa armo-
rum cupido sic versat, vt non iure aut
pudore æstimato factiosis det nomi-
na, & in militiam coëat quantumuis
superis mortalibusque auersam. Ita
multi dum armis certatur accedunt spe
prædæ ad istos Hyperephanios, qui
eos in pace deuouerent: & Reges bello
illato plures de nouo reos faciunt, quam

de veteribus extinguit. Præterea veluti
fila per se tenuia ac soluta facile rum-
pas: At si ea inter se violento implicas
nexu, quò fortiùs premis, eò validiùs
stipantur, coeuntque denique in fu-
nem cui frangendo nunquam suffece-
ris. Sic isti per se fortè negligentiores
suarum partium, vbi intentatos iugu-
lis vident enses, qui coactam, id est, vt
existimant, pudendam pœnitentiam
extorqueant, interdum furioso &
quem agrè exolueris nexu coniurant.
Itaque pace, ocio, regni fœlicitate (si
ipsi importunis tumultibus ad arma
Regem non cogent) debellandi sunt;
quo tempore nihil ex publicis latroci-
niis habent quod incertis & seditiosis
auxiliatoribus largiantur; neque inci-
tati aduersantium feruore, plurimum
quoque de suo remittunt. Ex ipsorum
deinde præcipuis multi ad Regem
respiciunt; ex cuius amicitia in illo
sereno omnia pendent. Is autem si non

tàm odio quàm contemptu prosequetur eorù disciplinam, efficacius omni bello nobilium animos ad pœnitentiam coget: Qui si malo pudore prohibebuntur suam sectam eiurare, saltem liberis suis consulent, magistrisque eos tradent per quos erudiantur ex veteri more, viuântque in Regiâ gratiosi. Nam qui cœlo, argumentis, veterumque præceptis, vnâ pertinaciam anteponunt, adhæréntque Vsinulæ; vincentur, mihi crede, hoc honorum aditu, & Ipe regionum munerum, cautè præclusâ. præsertim si non hæ pœnæ legibus publicè latis in eos constituantur (nam id ipsum satis iratis esset ad questus, coniurationémque & contumacia arma) sed lento quodam vsu, Principisque ingenio, nequaquam in eos diuidentis reipublicæ munera, quæ conferri aliis possunt; neque ferentis vt extra licentiam quam leges faciunt exerrent. Cætera sit in eos mansuetus;

& interdum familiaribus verbis dignus
ipsis videatur cui placeant. Multi enim
inter illos, Archombrote, non suo, sed
sectæ & institutionis vitio peccant;
absque hac esset, rectâ indole, parésque
maioribus futuri. Hos, cùm licet, cor-
rigi meherculè præstat, quàm euerti,
aut ad infaniora adigi necessitate. Ista
verò utcūque lenta remedia, paulatim
Hyperephaniis nervos excindunt: &
qui specie altioris sapientiæ coaluerūt;
tandem segni nec irritatâ vetustate,
philosophiâ quoque excusâ atque cõ-
temptâ, quæ exoriens tantî supercilij
fuit, non ægrè soluentur. Sed hæc sunt
solidioris pacis consilia; quam ô huic
regioni numina restituant, nec Hy-
perephanios patiantur auxilium Lyco-
geni ferre. Hunc certè, quidquid famâ
iactetur, ad eorum religiones accessu-
rum non arbitror, nec ut illi factioni
commendetur, id est vix Siculorum
quadagesimæ parti, cæterorum odia.

contracturum. Cùm hæc Ibburranes dixisset, Archombrotum ad cœnam vocauit, monuitque familiariter, vt & ipse Hyperephaniis perbenignè vteretur. Nam plùs illos (vt res Siciliæ erant) corrigi blanditiis, exemplóque, & sobriâ dissertatione, quàm professó, semperque mutuo fastidio, posse.

Iámque maturis apud Lycogenem rebus, dicta facinori dies erat, medio verè, ad decimum mensis, qui Thargelion vocabatur. Eristhenes haud procul Epeirète prædium habebat, & saltum in eo, quem intactæ diu feræ impleuerant. Is destinatâ insidiis die illuc cum Argenide Melcandrum ad conuiuium vocare suscepserat; si procederet fraus, Melcandrum atque Argenidem, tanquam signis tabulisque spectandis in ædium penetralia cum paucis deductos adorturus, emissurusque per posticum celerrimè tradendos Lycogeni. Si restitisset Melcander,

aut ad auxilium pertinaciùs prouocasset, cum interimi placuerat: Satis esse si potirentur Argenide. Quòd si Meleandrum eo die omina, aut valetudo, intra Epeircten tenuisset; tunc Lycogenes, ad eum opprimendum cum subito exercitu adesset. Hunc enim illo die Syracusis esse volebant; & ad eum suæ factionis homines, tanquam Procerum, vrbiúmque nomine, coire cum tumultu, ducémque dicere publicæ causæ in Regem. Superuenire debebat Oloodemus, cum manu ad hoc ipsum antè collectâ, rei nouitatem suffragio asserturus, & viribus. Descitura ab Rege pleraque arbitrabantur, tum prioris belli exemplo, tum Præfectorum & Magistratuum fraude, quorum multos ipsi subuexerant; denique sponte animis ad seditionem spectantibus.

In hunc modum institutis vtrimque consiliis, Lycogenem Meleander, &

hic illum occupare decreuerat. Sed Argenis duplici sollicitudine iēta, cūm & Poliarcho & regno studeret, eximiæ diligentia erat in iis vrgendis quæ apud Regem amici censuerant. Comparanda Poliarcho erant dona; Arsidas reuocandus; & qui hæc curaret, fidum hominem resposcebat. Nemo, extra vnum Archombrotum, deprehendebat priuatas in virgine curas. Sed illum amori assiduè sæuienti penè iam impar, & in Argenidis pro Poliarcho studia haud vulgari æmulatione quærentem, vix fallebant illa consilia. Super omnia seipsum accusabat, quòd reducendi Poliarchi author regi fuisset; adco vt interdum sumeret impetum adeundi secretò Meleandrum, & contraria sentiendi: Sed pudore coërcitus, simulque reueritus Argenidis iram, tam peruicaci consilio abstinuit. Accidit fortè, vt ad Meleandrum irèt, super Arsidæ reditu cum filiâ colloquen-

tem; Et tunc quidem ab recenti beneficio commendati apud Regem Poliarchi gratior Argenidi erat. Ergo ut suæ causæ patronum hilariter intuita; eum quoque solito familiarius salutavit. ignarumque cur hæ ad se blanditiæ essent, ita affecit, ut subitâ confusus lætitiâ, ubi primum licuit, ad colligendas vires in cubiculum rediret. Illic nimio nec securo gaudio, multum animi incertus, ita denique sibi loquutus est. Te autem esse fœlicem? te amorî litavisse? Quid enim? Non frontem Virginis vidisti? non oculos? cùm venisti, non tota exiliit? Infœlix! nimis ineptè meam spem indulgeo. Nunquam dii tanta præmia tam faciles concedunt. Vulgares nuptias nulla tempestas, nulli casus illustrent. Eximiis verò amoribus fortuna intercedit, ut ipso labore sint preciosi quærentibus. O fallar; nec illâ salutatione, illo Argenidis vultu, quo tantopere mihi nunc placeo, exitium

ipsa portenderit. Hei mihi! quod vix cogitare sustineo; num hæc benevolentia signa Poliarchum petebant; & ideò blandior fuit, quòd cum apud Regem sententiâ meâ iuui? An orantis species fuit quâ patrocinium rursus meum pro illo deposceret? Non est tanti, non per Argenidem, vllus amor. Nec volo Argenidis in me benevolentiam debere Poliarcho; nec mihi Poliarchum debebit Argenis. Egône alienæ fœlicitatis minister in meam cladem pugnabo? Ego vilis abiectique animi penè ad seruilis officia amabor; & Argenidem alteri tradam? Erras tamen Archombrote, si vi agendum putas. Precibus, patientiâ, obsequio, impetrabilis amor est. Servire, an imperare Argenidi paras? Aut quàm hæc inuerecunda esset oratio; Nolo vt ames Poliarchum? Vix austerus aliquis pater sic iuberet. Quæ ametur indigna est, vel præstantissimum amabit. Virtute,

gloriâ, famâ in Poliarchum certandum est. Et tua quoque interest hîc eum reuocari. Semper enim de absentibus tenerius, & quadam miseratione sentimus; Præsens autem vt placere Argenidi poterit, sic aut rixâ aut fastidio esse ingratus. Explorabis cur ametur, aggredierisque eâdem virtute virgini te probare. Quicquid ager, affectu superabis: & si cætera foeliciter non cedent, ferro deijcietur. Facilis erit ad iurgia pugnâque occasio. Vt sit verò fortissimus, tamen fortior amor est qui meam manum reget. Interim dum de reditu ipsius agimus, facilis ad colloquium erit Argenis. Me audire, mihi credere assuescet. Sæpè autem vbi adoleuit beneuolentia, longè ad alias causas valet, quàm propter quas esse incepit.

Cùm Archombrotus in hanc sententiam coëgisset reluctâtem animum, ad Meleandrum redit; ibique ad nouâ

indignationis mœrorem præsentiori
causâ deductus est. Persuaserat enim
Regi Cleobulus, vt quæ munera fer-
rentur Poliarcho tanquam ab Arge-
nide essent. Ipsa exors est facinoris, in-
quit, quod cum è Sicilia expulit. Regni
autem secundum Te curæ ad illam per-
tinent. Sciet præterea sub eius precibus
tuas latêre. & qui fortasse durior nobis
esset, certè non litigabit cum virgine.
Melcander mirificè probatâ senten-
tiâ; Age, inquit, restat & munus, & ho-
minem qui ferat deligere. Timonides
strenuus iuuenis erat, fideique in Po-
liarchum notæ; quem mox Argenide
suggerente, huic furtiux legationi
Rex destinat. Hoc ita constituto, iam
quod munus mitteretur, inter se pen-
sabant. Fortè mercator ex Syriâ Indicas
& Arabicas merces, plerunque inuti-
lem vanis gentibus luxum, aduexerat.
Inter cætera erat armilla ex serico tex-
to, quod totum varij generis lapilli sic
imple-

implebant, per suos colores distributi,
 vt aliquot ferarum aut fugam figura-
 rent aut iram, quas hîc telis venatores
 sequebantur, hîc excipiebant venabu-
 lis. Precium gemmis, & operi, ingens;
 quippe quod talentis quinquaginta
 indicabatur. Multi Siculorum hanc
 viderant, plures audierant celebratam
 non ignobilis Poëtæ operâ, quem suo
 fulgore ad hos versus rapuerat.

Dicite surgenti confinia littora Phæbo;

Quàm nitidus vestris hic Deus exit aquis?

*Cùm tingit virides hilari fulgore sma-
 ragdos;*

Aut facit, ô adamas, te sibi luce parem.

*Pallentémve onycem, varium vel iäspida
 miscet,*

Vel cui purpureo nomen ab igne venit.

Cæruleasq; notas & flâmis implet, & auro,

Ceu variat curuas comptior Iris aquas.

*Hæ tamen haud vno cunctæ sub littore
 gemmæ*

Nascuntur: Nam cui gloria tanta solo?

His nitet immensus Ganges, his flauus Hydaspes;

Est & Erythraei lucida concha sali.

Vna omnes armilla tenet; par omnibus vna;

Omnis in hac Oriens lucida texta coit.

Dî superi! pretium nitida formamq; coronæ!

Quam volet amplecti tāta corona manū?

Vt natat in solidis lux alternata lapillis!

Oraq; venātum quàm benè gemma facit!

Diues en hîc ceruus, quem ditia tela fatigāt;

Et leo, quem pretio cerne timere suo.

Lemnius? an nondū Telchines naufraga saxa,

Artifici gemmas sic posuere manu?

*Digna quidem Iouis hæc vibrare armilla
lacerto,*

Cūm quatit imbriferâ luce coruscus humū.

Ipsa, licet diues, placata hoc munere Iuno,

Poneret offensi iurgia sæua thori.

At te seu veri, seu famæ gloria tangit,

O quisquis tantâ brachia dote coles;

*Vince animo censum; ne hæc optimâ saxa
putentur,*

Tuq; genus Pyrrhæ vilior esse lapis.

Eam armillam Poliarcho munus fore idoneum, Argenis atque Cleobulus cum Meleandro censuerunt, quippe quod se suam mole non proderet. Furtò enim remagi. Arma, aut equos, si mitterentur, conspectum hostium non posse defugere. Præterea hoc ornamentum in plerisque regionibus non fœminarum magis esse quàm virorum. Aptissimum itaque quod fœmina viro donaret. Rex antea, cùm illam mercator obtulisset, quia maiores curæ instabant, penè vilem habuerat; Apud Eristhenem tamen erat, vtique præfectum ærario, iussúmque inspicere ex artificum fide an in rem Principis emptio esset. Tunc verò ne quisquam miraretur confestim hanc emi, Rex talos poposcit, & cum Argenide ludens, ac sponte inferior; quasi victoriæ præmium armillam statuissent, Eristhenem accersit, imperátque quàm possit rectissimè eam Argenidi conciliare;

Eristheni siue sua sedulitas, siue fortuna nondum Meleandro propitia, iam suspicionem fecerat legationem ad Poliarchum parari. Credidere à suâ coniuge ortum suspicandi initium, quæ cum Argenide & Sclenissâ frequens, sæpè obliquos de Arsida sermones iniecerat; callida mulier, & ex viri ingenio ornata. Sed postquam Rex armillam, tali ærarij tempore, emi præcepit, adeò illi aucta suspicio est, ut illico ad Lycogenem scriberet, vereri se ne Poliarchi gratia hoc munere repeteretur. Is autem ad omnis flagitij atrocitatem celer, hortâte etiam Oloodemo (nam is fortè tunc aderat) in hunc maximè sensum rescripsit; Nihil consultius quàm ut armillam, quandoquidem apud Eristhenem erat, veneno imbuerent. Si eam Poliarchus accepisset, haud dubiè lacerto circumdaturum, & tabem per gestantis calorem in vitalia peruasuram. Sin Rex eam dedisset Ar-

genidi, rem tempori posse sciri. Nam venenum non ad tactum statim nocere; Admonituros autem ipsos prætextu aliquo, de peste quæ latebat, laturosque ingentis fidei nomen, substituto in crimen mercatore. Toxicum domi Eristhenis erat, quod noxiosissimum miscuerant tollendis inimicis Ephyrri, seu miscendis veneno poculis, seu sagittis imbuendis præcipui. dum illuc colonias vehunt, conduntque Syracusas, hanc olim turpissimæ calliditatis artem quibusdam Siculorum tradiderant. Et Meleander eâ peste tentatus, hætenus suorum curæ euaferat, cibum Regis, & vestes, ambitiosâ curâ seruantium. Tanta autem veneno acerbitas, ut non modò gustatum sæuieret, sed ex diutino contactu insinuaret virus in cutem quam calor laxauisset. Eristhenes veneficio perpetrando nullum adhibuit; sed ipse in dilutum toxicum interiorem armillæ

partem misit, byssino utique texto mollem, quia iungenda brachio erat; cumque crederet vim succorum satis infusam, eam in pyxide deferat ad Regem. qui tanti sceleris ignarus, omnibusque præter Argenidem semotis, vocatum secretò Timonidem monet eam fidem exhibere quâ dignus censebatur. Ostendit deinde cui ministerio sit delectus, & literas tradit ad Arsidad, sua manu ita scriptas. Timonidem quem vides, Arsida, ad te misi. Ei sic auscultare te volo, ut me loqui existimes. quicquid dixerit, egeritve, ratum habebo. Scias tamen quò celerius cum hospite adueneris, eò te futurum gratiorem. Vale. Tum Argenis ex composito de recessu fluxæ vestis pyxidem profert; & hanc, inquit, armillam, Timonides, ad Poliarchum defer. eam meo nomine accipiat. unâ illi has literas dabis, alterâsque ad Arsidad. Tradit deinde codicillos, non quos Me-

leandro ostenderat: frigidus enim, nec amicitia suæ cum Poliarcho pares obtulerat Patri; & inter obsignandum haud ægrè mutauerat, aliis quos ex mutuâ necessitudine scripserat præparatis. Quia autem Timonidis in Italiam iter ignorari non poterat, ne augetetur dissimulatione suspicio, spargere apud suos Rege authore cœpit, se Italiam Africamque visurum vacationem impetrasse à regiâ. Iuuenis erat, & commodum accidit, quod pridem transmarinæ peregrinationis studio ictus, æqualibus suis ea vota iactauerat.

Sed Eristheni ad insidias inuigilanti, pleraque nota, & suspecta omnia erant. Hunc igitur ad Poliarchum ire coniiciens, quò verum crueret, ita fraudem cōmentus est. In ipsius clientibus iuuenis erat, quia nuper agros reliquerat, nondum notus in regiâ. Callidum autem, & ad ea quæ præciperentur impigrum esse cognouerat. Huic

imperat abeuntem Timonidem concitato equo persequi : Simulare deinde à Rege se missum, qui etiam atque etiâ moneret, ne in Siciliâ cuiquam mortalium indicium faceret de armillâ. Dum loquêris autem, inquit, diligenter audientis vultum observa. Si annuerit, aut visus sit dubitare, tanquam mandato satis functus, ab illo protinus abi. Sin quid velis ignarus sit, ut facileprehendes ; quî ipse vocetur tanquam dubius sciscitare. Vbi Timonidem dixerit, pete ignoscat errori ; alium nempe te quærere ; Et inde, si potes, sic discede, ne sciat quam viam institeris. Sin quia ignotus es, hærebit, & qui sis exquiret ; ex Selenissæ cognatis te simula recens transmissum ad regiam ; Nomen quod primum occurrerit tibi impone. Ille gnauiter mandata exequutus, nec à solertiâ, nec à fortunâ aberravit. Namque Timonides ubi audiuit de armillâ, quòd rem secretissi-

mam sciret, hominem suspectum non habuit: Ire igitur iussit, & Regi renunciare esse omnia in securo. Satis sibi hæc arcana esse mandata.

Sic eluso Timonide, cùm iam de cōsilio Regis cōstaret, Eristhenes omnia confestim perscribit Lycogeni, ne siue Timonidem capi insidiis, siue quid aliud vèllet, tempore excluderetur. Diu incerto Lycogeni, cùm Regem iam non segnem, sed ex aduerso struentem consilia, timidiùs sperneret, tandem nouo facinore visum est opus, quo inclinaret in Regem maleficij à se patra- ti inuidiam. Quod igitur nemo vnquam putasset, ipsum sollicitare ad fœdera Poliarchum, eique scribere hoc exemplo instituit. Lycogenes salutem Poliarcho. Quàm tu in amicorum hostiùmve delectu erraueris, hic dies aperiet. Me tanquam inimicum insectatus, Meleádro vtinam non plus æquo tribuisses. Sed omitto præterita. Nam

neque iam te accusari humanum est; neque in eo statu sum, ut anxie me excussem. Malo te ex beneficiis meis scire, quam verbis, uter nostrum in pristinis odijs peccauerit. Meleander ex tuo exilio te infensum, & vindicem, cum timeret, ad nefarias artes confugit. Factusque de Rege veneficus, armillam infamibus illitam succis, tanquam poenitentiae suae confessionem, mercedemque iniuriae, tibi misit. Hanc tu caue gestaueris. Mortem enim circumegeris brachio, non armillam. Mihi quidem ante experimetum fidem esse non curo. Si igitur vel damnatus est servus, vel humaniori consilio iumentum aut canem vis perire, nudae illius cuti hoc munus compone. Nisi intra quatrimum morietur, ego qui viam indignus sum. Si sapis, illum ipsum pestiferi doni latorem, illum Timonidem coges, ut mortem induat quam tibi non inscius porriget. Ego has in-

fidias, quas ægrè detexi, te rescire ex me potissimum volui; ne tantæ indolis vir tam turpi exitu cadas; aut omnino sub inuidiâ meâ pereas. Nam quis ex hostibus, non te potiùs iactet à me quàm à Meleandro esse sublatum? De cætero, vt voles, gratias ages. Si infestus esse pergis; est quod publicè te vlèiscar. Arma, consilia, vires in expedito sunt. Deos cœptorum auspices habeo. Sin tibi detecta Meleandri perfidia, meliorem mentem dabit, volèſque coniunctis mecum viribus vindicare iniuriam; spondeo nec te fratris, & quoniam hæc mea ætas est, nec patris gratiam me viuo desideraturum.

Tantæ audaciæ codicillos, expertæ fidei seruo cum his mandatis dedit, vt dispensato itinere ad Poliarchum perueniret oſtiduo poſt quàm eodem Timonidem aduentasse cōstaret. Neque rem esse difficilem. Messanæ vel Rhegij, in portu aut vrbe, tanquam aliud

agentem, de aduentu Timonidis posse habere quæstionem. Hæc autem improbæ solertiæ ratio erat, vt octo toti dies interessent, quibus noxium textû gestare Poliarchus, eoque interim posset. Nam si extincto superuenirent hæ literæ, quantæ inuidiæ in Meleandrum forent? Sin fortè Poliarchus tamdiu armillâ abstinuisset, tum multum Lycogeni debitum de periculo in posterum monenti, tum in Meleandrum acriter exarsurum, quem tanti indicij fallax scena damnet. Etiam Regem audebat contumeliosè appellare; quia hæ literæ Poliarcho reddi vix poterant ante id tempus in quod à coniuratis erat constituta defectio.

At Meleander demisso Timonide totus in eo erat, vt cum Lycogene Oloodemum ad se perliceret; vtrumque igitur literis aduocat. Lycogenes nondum maturis ad secedendum rebus, parère constituit, & aliquot pau-

cos dies esse cum Rege. Sed Oloodemus acceptâ Regis epistolâ, non prius ad Regiam quàm ad Lycogenem contendit. Ibi communicatis consilijs suspectum illud fuit, quòd vtrumque Meleander accerferet. Si quid atrox parabat, liberiùs in ambos quàm in alterum esse ausurum. Nihil securius, quàm vt Lycogenes simulatione valetudinis absentiam excusaret, & Oloodemus explorandis consilijs iret ad Regiam. Is ergo à Lycogene profectus cùm intrasset Epeircten, Meleandro protinus salutato, eâ vesperrâ ad cœnam admissus est. Dedit quoque literas Regi, excusationem Lycogenis ferrentes: Illi enim fonticum morbum esse, nec aëris patientem. Rex haud dubius morbum fingi, tamen eâdem quâ petebatur simulatione non pauca de genere inualetudinis quæsiuit. Solutodeinde conuiuio, Cleobulum, Eury-medem, & Archombrotum accersit,

rogátque quid Lycogene faciendum,
qui venire contempsisset; quid etiam
Oloodemo & Eristhene qui pari fidu-
ciâ quâ ille imperium spreuisset, adesse
nocentes sustinerent. Archombrotus,
& Eurymedes nihildum mouendum
putabant: sed Lycogenem adhuc aliâ
fraude tentandum. Illo libero, frustra
in cæteros fore sœuitiam. At Cleobu-
lus; Ego verò arbitror, inquit, nihil de
prædâ quam tenemus amittendum.
Putatis Lycogenem, nisi concepti sce-
leris conscius esset, tam vano ægritudi-
nis mendacio Regi fuisse illusurum?
Dij dent meliora. Sed quantum con-
iecturâ & fidorum hominum nuncijs
assequor, & mox isti furtim abscedent,
& nos illum cum armis aspieiemus. Vi-
dete quid sentiam. Rex hominem rur-
sus accersat. Tergiuersationem non
verebor pro defectione accipere.
Oloodemum interim & Eristhenem
per homines fidos sic seruari intererit,

ne teneri se sentiant. Vbi compertum fuerit, non venturum Lycogenem, lege in eos agendum est. Multum Lycogenis viribus decedet, si tantarum opum, & clientelarum, duces peribunt. Hanc præterea seueritatem, in multorum animis reuerentia aduersus Principem, timorque supplicij, vtilissimam mutatione sequetur. Visus est optime dixisse Cleobulus; Et ex illa sententia, Rex postridie ad Lycogenem scripsit; additque ad blanditias imperio, ad se venire imperauit. Ille magis ac magis suspicionibus plenus, non modo non paruit; sed & per nuncios monere Oloodemum, & Eristhenem cepit, ut ab aula recederent. Beneuolentiam Regis insidiosam esse. Ac præterea apertam iam vi opus. Quippe statutum bello tempus appetere. Neuter spreuit coniecturam Lycogenis. Sed neque Cleobuli diligentiam fefellere; ad quem duo de Eristhenis familia diu

antè pecuniâ promissisque sollicitati,
multa de domini rebus per internun-
cios sæpè retulerant. Illis tunc autho-
ribus sciuit, præparatos sub Epeircten
esse equos quibus noctu Eristhenes
vteretur. Lætus Rex quòd eorum fur-
tiua discessio futura in criminis par-
tem esset, imperavit Archombroto, vt
sub ipso deprehensos facinore vi ad se
retraheret. Et ille haud remoratus im-
perium, sedulò quæ in rem erant, ma-
ximè ex Eurymedis mente instruxit.
Sat constabat cum paucis erupturos,
ne tumultus proderet fugam. Non
plures itaque Archombrotus decem
militibus assumpsit, iisque Hispanis,
ne linguæ commercio, aut contagione
factionis, cum Proceribus hærent in
quos tunc armabantur. Singuli extra
arcem vt Archombrotus constituit, si-
ne suspitione elapsi sunt: Ipse deinde
sequutus est; accinctosque paulùm à
viâ sub veteri & opportuno tecto con-
tinuit,

tinuit quâ necessarius à Regiâ discessu-
 ris transitus erat. Diu in statione non
 hæserat, cùm Oloodemum atque Eri-
 sthenem per Lunam agnoscit, tribus
 omninò seruulis comitatos; celerité-
 que, & demissis capitibus euntes. Iis
 ergo cum suâ militum decuriâ obuiam
 venit; &, quò te, inquit, Oloodeme,
 quò te Eristhenes? Sontium per Iouem
 est ista molitio. Cur noctu? cur simul?
 cur inscio Rege abitis? Vnde ista circa
 vos à seruis, ab amicis, solitudo? Obstu-
 puere deprehensi. Ille verò correptos,
 & subito malo horrêtes reduxit. Tres-
 uiris inde permissi sunt qui noxios ser-
 uarent in carcere. Fugæ erant mani-
 festa vestigia: Equi haud procul cum
 agasonibus parati; & urbano sub ami-
 ctu vestis ad viam expedita.

Summa omnium inde turbatio fuit;
 & postera luce cùm id renunciatum
 Ibburrani & Dunalbio esset (qui tunc
 fortè ad Apollinis templum non pro-

cul Panormo profecti, ob Antenorium fani Antistitem suauissimæ consuetudinis virum illic diutiùs morabantur) citatis haud mora quadrigis ad Regem reuecti sunt; qui amplexus venientes; postquam rem ordine enarrauit, Si me dii amant, inquit, in ambobus his exempla facere volo. Nunquam me saltem isti inultum despexerint, Neque me impiorum contumacia mouet, sparsis schedijs minari audentium. Ecce enim quantæ audaciæ chartam Cubiculariorum vnus, in limine meo hoc mane offendit. Acceptâ chartâ Dunalbius, & Rege ad alios diuertente, horum versuum lectione cum Iburrane inhorruit.

*Redde viros; quid seu a paras, & fraude
tyrannus*

Imbelli, haud vllò denictos Marte fatigas?

*Hósne duces, hæc Sicaniæ decora inclyta
terra*

Ferre sitū, & fædo squalētem carcere noctem?
Redde viros. Non Sidoniæ reuerentia pallæ,
Non quæ sceptrâ manu, non quæ stant vin-
cula fronte,

Obstiterint. Ruimus cæci, & te vindice ferro
Gens excita petit. Cuperent decernere mōtes,
Tēque haurire solum. Sed nostrâ debitus iræ
Talis eris, qualis sub crimine decolor ipso,
Ignōtisque suis, Tyrij pro vertice montis
Horruit iratos Pentheus concurrere thyrsos,
Diuersumq; trahi pectus, vulsōsque per artus
Ire animam, & sparsum campis spirare ca-
daver.

Et tua quòd nostris nondū penetrâlia flāmis
In cineres collapsa ruunt; ne crede remissas
Irarum pauitare faces; Sed parcimus illis
Quos Rex sæue tenes. Hi sunt tua fata, nec
ultrâ

Quàm spirant lux te alma manet. Meleagria
non plūs

Mater in ambusto seruabat stipite natum.
Hos serua (si cura tui) ceu pignora vitæ,
Incolumēsque velis. Vel si meliora monentem

*Dî te audire sinunt, genti tam iusta petenti
Redde duces, tantoq; exora munere pacem.*
In his motibus regia erat; cùm Timonidem aliæ in itinere turbæ versarent. Viæ ratio, & fortuna, hæc fuit. A Rege dimissus triduum in suo prædio inuitus consumpsit ominum causâ quæ. Haruspex minori spatio procurare non potuit. Inde Messanam ad Arsidæ coniugem venit. Insana tempestas tunc maria exercebat, aquis ac ventis sub veris initium sponte surgentibus. Quatriduo nemo ex portu soluere ausus. Interim quassabantur nauigia, vndis mutuò cogentibus allisa; vel eiecta in arenam procumbebant. Timonides quod integerrimum ex eâ peste super- fuit, confestim instaurari præcepit, agique à littore, necdum satis constâti maris pacc. Præter suos nullum in naui vectorem recipi passus; iam tenebat medium freti; Cùm occurrit recentis naufragij nefastum nauigantibus spe-

Etaculum. Navis erat receptis obruta fluctibus; ex quâ tamen eminebat adhuc malus; quia non eversa, sed depressa, defecerat. Et quod omnium atrocissimum fuit; stabat in antemnarum amplexibus nauta, superstes naufragio, pallidâ & emorienti facie, nisi quod vento adurebatur: Ille manu nutuque (fluctus enim intercipiebant fragore suo vocem) orabat eripi morti; & omnium misericordiam non ægrè elicuit. Aliquot igitur nautæ descenderunt in scapham. Cùmque ille se de malo deorsum duxisset, propè rigentem excipiunt, adducuntque Timonidi. Tum verò laxatis spiritibus, quos antea nimius timor intenderat, semianimis super constitutum navis se diu explicuit; donec vini odore excitatus, iussusque à Timonide dicere, quis esset, quove euntem retigisset hæc fortuna, Rhegium, inquit, patriam habeo; censum ex nauticâ arte. Nunc in Gal-

liam cursus erat; quò egregium virum
deferendum susceperam. Mare videbam
non à tempestatibus tutum. Cœlum
enim modico vento, sed incerto age-
batur; & tristior aër horrebat. Itaque à
portu soluere non volebam. Sed cùm
sæpiùs iussus processissem in altum,
primùm auræ inter se pugnantes nos
alternis rapuerunt in auersos & con-
trarios cursus: destituerunt deinde si-
mul omnes elusum nauigium; Ego in
tam subitâ pace acriùs, vt oportuit, ti-
mens, comites cœpi hortari vt remis
eluctarentur pigriciam maris. Quippe
illi sereno proximum malum esse. In
Siciliam igitur, quam vicinam fors de-
derat, ratem appellerent. At ille qui
nauigium conduxerat, negat sibi pla-
cere Siciliam; stringitque demum en-
sem, recisurus manus illius qui in eam
primus partem remum egisset. Inter
has cunctationes dies absumptus est.
& mox luna igneis cornibus ventum

exciuit. Tum verò non per gradus, vt solet, tempestas intumuit; Sed direptus subitò aër ita miscuit maria, vt iam à principio mihi artem eriperet. Versabamur incerti quid exigeret ventus, mediam nauem aduersis complexus turbinibus. In his malis cùm exacta nox esset, diésque afferreret tristiora, capillos deponimus nihil profuturâ religione. Ecce enim improuiso exitio haesimus deprehensi in breuibus; Cumulauerat arenam vis procellæ, prorâque tenebat. Iam tabulata soluebantur; & nos vtcunque remis & contis tendebamus in puppim, cùm ille cui operam locaueram, cum suo liberto, duobusque qui proximi erant, nautis, in scapham descendit, & fune præciso, haud dubio naufragio se permisit. Raptos per turbinem non licuit oculis sequi. Obstabant medij fluctus, quibus par scapha diu esse non potuit; nec percuntibus nobis vacabat alienos casus

dolere. Fessa quippe carina aperuit
vndis viam, quæ victis compagibus
properabant intrare. Numinum pieta-
tem! ut voces horruere! quàm feralis
pereuntium clamor, cùm descenden-
tem nauem mare contextit? Euado ego
in arborem. Euado heu miser! mortem
scilicet tantisper dilaturus, donec mer-
sa carina in latus procumberet, & ma-
lus sequeretur. Sed supra spem dii faue-
runt; arenisque circumuallantibus
adeò veluti fundata stetit ratis, ut me
incolumem illa arbor præstiterit; quæ
nunc non sine utilitate extra aquas
eminet, admonitura nauigantes ut ma-
ture ab istis breuibus deflectant. Bi-
dium iam est ex quo tristi amplexu
lacertos ad antemnam continui, despe-
ratione potissimum, & frigore exan-
guis. Nam nec somni, nec cibi memi-
neram. Cùm autem Deorum placata
vis vestram opem monstrauit, tantum
non laxata brachia mittebam in mare.

Hæc loquentem omnes audiebant cum lachrymis: Sed Timonidem altior cura subiit, ne ad Poliarchum pertineret calamitas. Nam quis vector toties à naufrago illo laudatus? Ab Italiâ veniebat, fugiebat Siciliam; vtrumque conueniebat Poliarcho. Nautam igitur sociorum fata deflentem; vt nataf-
 sent, vt cautium eminentiora amplexos sæui fluctus auulsissent, turbatus interpellat; Et quod, inquit, viro nomen quem vehebas? Ciuis Rhegij erat, an hospes? Ille se nihil præterea scire respondit, quàm quòd Arsidas Siculus, cui opima Rhegij prædia erant, conduxerat nauem, & proficiscentem amicû ad portû produxerat. Obrigit Timonides, & velato capite, quò liberius posset ingemere, descendit in secretam partem nauigij, iussis remigibus quamquam prosperum ventû omnibus viribus iuuare. Haud multò pòst Rhegium applicuit. nautamque seruatum

sequi se iubet, & ad Arsidam contendit. Ille tunc fortè media luce in scimpodio cubabat, varijs cogitationibus miscens animum proximi luctûs ignarum. Sed cùm de amici aduentu admonitus, prosilisset ad amplexum, læta verba, & hospitalia ingerentem Timonides suspirio prosequutus; quid, inquit, Poliarcho factum, mi Arsida? Nos miseros! an & ego te ipso plura scio? Inter hæc dicta nautam admonuit; quo viso Arsidas subito metu præsagia cladis hausit; & iam Timonide quoque pallidior: Onus, inquit, ô Nauta, quod tibi tradideram, ritè alicubi exposuisti? Nam destinata Gallia tantillo tempore teneri non potuit. At ille; Solum me naufragio superstitem vides. Nauem, socios, vectores, omnia, sæua tempestas tulit. His auditis Arsidas multo gemitu planctûque turbatus, intra lectum mœrentes recepit. Nec vacabat penè exanguis de ordine mali quærere;

sed cum Timonide in cubiculo secretus, acerbissimum funus, & fata iniqua, terrâsque indignas Poliarcho, aliâque in calido & furenti luctu consueta, ingeminabat. Cùmque post multum lachrymarum Timonides rogaret, ecquò illa Poliarchi profectio? aut vnde exitialis nauigandi consilium? retulit Arsidas, Rhegium ob Siciliae viciniam suspectum fuisse Poliarcho. Nam nec poterat (inquit) latere isthic Lycogenem: & quàm facilè ab aduerso littore mitterentur sicarii? Galliam ergo petere statuit, patriam, vt arbitror, suam; illinc ad nos celeriter reuehendus. Sed factorum scilicet inuidia fuit, ne hominum genus se tam vicino immortalibus viro diutiùs iactaret.

At Timonides de Meleandri in Poliarchum animo inter singultus agens, literas Arsidæ tradit, armillamque ostendit de pyxide euolutam, inutile Argenti munus. Sed artificium, gem-

másque mirari, per dolorem non licebat. Eaque vesperâ luctibus datâ, ambo constituunt ad Meleandrum redire, ne aut ille de Poliarcho aliquid speraret, aut ipsi necessarijs temporibus Regis abessent. Suspiciabantur iam armis infestam esse Siciliam. Circumegere itaque cursus, vt in Epeirctes potissimùm portu terram subirent. Varia, vt sub vere, & irrequieta flamina erant; septimúsque demum dies Epeircten aperuit. Sed quò propiùs admouebantur littori, eò crudelior miseros luctus agebat. Recedere terras amassent modò omni remigio quæsitâ. Nam quo ore tantum facinus nunciaturi erant? aut quis deinde pro ominosis non eos habiturus? Præcipuè Arsidam non vnus, aut Timonidi notus dolor, conficiebat; Nec tam illum Meleander mouebat, quàm Argenis. Possétne videre morientem, & quod est crudelius, illam tristi oratione occidere? Quo super-

cilio exprobraturam, quòd à Timocleâ inter hostes fœliciter seruatum, ipse ad naufragium dimiserat? Cur ire, aut cur solum, passus esset tamen enixè commendatum? Hæc & similia reuoluenti, minimum erat quòd fidei & operæ præmia sibi perierant; Verebatur Virginis iram, ex illius oculis accepturus, an viuere deberet. Nec ipsa poterat aut eludi dissimulatione, aut morâ mulceri. Num enim quod Meleandrum scire intererat non statim ad Argenidem perueniret? Ac vt silere ipse vellet, nec Regi tristem casum nunciare: At quid Timonides, tam silentij quàm sermonis per nimium dolorem impatiens? quid vtriusque familiares, festinaturi tantæ cladis nouitate sibi percunctatores parare?

Inter hanc cogitationum caliginem, nauis erepidini portûs applicita, turbatos reddit Sicilia. Primum omnium à micis seruulisque præcipiunt, ne quid

in publicum efferant, priusquam ipsi Regem adierint. Superato mox calle qui in oppidū ducit cuadunt in atrium Regis; & illic (ô mixturam factorum mirabilem!) neminem prius quàm Gelanorum aspiciunt duobus Siculis medium, & temerè lato vultu spatiantem. Prior Arsidas vidit; & ad idem spectaculum Timonidem veste prehensum rapiens, aliquamdiu impotens vocis, manu protensâ anhelavit. Mox redditâ voce, An monstris deludimur? inquit; aut quæ ista rerum omnium mira confusio? An non illic est Gelanorus libertus Poliarchi, quem & naufragij fuisse comitem constat? quis hunc Mercurius reddidit, miscuitque viventibus? Horrebat Timonides: Nec responso Arsidæ dato ad Gelanorum cucurrit; qui & ipse veniens visis amicis vltro obuiam properabat. Sed hi mutui stupentēsque nihil nisi hominem contuebantur. Tandémque cum gemitu

Arſidas; ſaluum te video Gelanore? an
vmbra es; tibiſque & naufrago domino
ſaltem inanem tumulum quæris? Ge-
lanorus deponere iuſſit hos metus: Vi-
uere ſeruatum à fluctibus peiratiſque
Poliarchum. Ab eo ſe miſſum ad Re-
gem, Epeircten proximâ die veniſſe.
Auidè illi rem omnem quærere cœpe-
rant; qui caſus egiſſent, quæ ſalus, aut
fides, perditâ naue in mari irato. Sed
Meleander narrationem præuertit, qui
è fenestra conſpectos præcepit aduo-
cari, alterius ſcilicet prodigij ſuſpenſus
ambagibus quas per eos ſolui poſſe
ſperabat.

Nam vt nauiſ quâ Poliarchus Rhegio
Galliam petebat fracta in vadis eſt,
cœpítque vndarum pondere diduci,
ipſe cum Gelanoro, nautiſque duobus
in ſcaphulam ſe recepit; Nec vento
obluctabantur; niſi quòd diſpenſatis
remorum ictibus negabant fluctibus
latus ſcaphæ. Ita proximum promon-

torium circumuecti, extra conspectum nauigij fuerunt ex cuius ruinâ profugerant: Inde mitius vrgentibus ventis, cùm adhuc per multa spacia errarent, allisa est cautibus scapha quas vndæ humiles celabant, vectoresque destituit. Exiliere igitur in medium pontum, solidis sed imparibus saxis ita excepti, vt fluctus nemini infra poplitem essent, nec vllus ad vmbilicum tingeretur. Longè littora; nulla naus in conspectu, & magnitudo cladis etiam vota damnauerat. Placebat Poliarcho exire ferro miseras. Gelanorus rapidos vortices in exitium malebat, & nautæ non vitæ spe, sed horrere interitûs, aiebant in illis rupibus expectandum naturæ fortunæve imperium. Sic de fato deliberantibus visa naus est è longinquo iactari fluctibus, & ad se paulatim accedere. Peiraticus lembus erat, qui habilis, & in tempestates comparatus pertulerat maris sæuitiam: & iam remit-

remittentibus ventis, incipiebat ad gubernaculi inflexiones regi. Sciebat gubernator, saxa latere in eâ regione, quorum viciniam iam prodebat crebrior spuma, & fremitus in breuibus semper immanior. Detorquebat ergo nauigium; cum simul naufragæ scaphæ aliquot tabulas videt, quæ paulò antè vexerant Poliarchum. & supplices passis manibus apparent è proximis saxis inuocantes præteruehentium opem. Dubitauere Peiratæ an excipiendi essent. Nam quod præcium auxilij; aut quid prædæ ex naufragis erat? Humanitatem verò in illis pectoribus deleuerat artis suæ crudelitas. Quia tamen plerunque vectores commeatuum preciosissima suis vestibis recondunt, placuit ire ad prædam, expedieruntque subito scapham, minùs acri iam pelago: Ac ne in saxa inciderent, lenta remigia agebant, subinde scrutati quàm alto æquore veherentur. Admoniti

quoque sunt supplices, ut quàm proximè fieri posset, ad scapham per saxa solidasque arenas accederent. Tandem remi fuere pro ponte, quibus porrectis proximam rupem suæ scaphæ Peiratæ commiserunt. Sed obstupuere ad Poliarchi & Gelanori vultus, simulque corporum, simul vestium pulchritudine capti, multa de prædæ fœlicitate inter se mussarunt.

Vbi autem è scapha in lembum recepti sunt, tunc non dissimulatâ perfidiâ veluti captiuis catenas iniicere audent, ad hoc monstrum stupente Poliarcho; qui stricto mox ense, quid vos autem viri? (inquit) quæ odia? quæ vixæ? aut quid tam subito offendimus, modò digni quos per vestra pericula fluctibus eriperetis? Neque segniùs Gelanorus manu ferrum tenebat, vinculâque repulerat. Sed cùm nihil Poliarchi sermonibus fracti, sæuius tumultuarentur, ensesque expedirent,

non distulit Poliarchus armis uti, & catenas sibi indere conantem ita multauit, ut in ima viscera ferro descenderet. Huic cum alium addidisset compari fato; victor quoque vnus Gelanorus sese patrono applicuit. Tum iuncto, ne circumuenirentur, tergo, utrimque hostibus frontem obijciunt. Fractis etiam remis, qui fortè iacebant in naui, raptas palmulas, instar clypeorum circumegere capitibus. Nautæ verò quos cum Poliarcho captos catenis Peirata onerabant, tanto erecti exemplo, & ipsi contis arreptis ausi sunt repugnare. Captiui etiam aliquot erant loris constricti præter eos qui catenis alligabantur remigio; Illi læti hoc certamen intuebantur; Videbátque oculos miserorum Poliarchus sibi propitios. Neque ratus inutile auxilium, lora aliquorum discidit ferro, prouocauitque ad ingenuam in sceleratos pugnam. Et hi certatim sociorum vin-

cula soluerunt, vt iam penè hostium
numerus æquaretur. Tredecim omni-
nio Peirata fuerant. Ex ijs ceciderant
sub Poliarcho duo: vnum Gelanorus
abstulerat. Nautæ verò atque seruitia à
Poliarcho liberata, in se quinque auer-
terant. Ita res cum alijs quinque Po-
liarcho & Gelanoro fuit. Sed nec inul-
ti cadebant. Iam enim alterum nauta-
rum Poliarchi in mare compulerant.
Et vnus clauam spinis ferreis horren-
tem in ceruicem Poliarchi simulans
destinare, subitâ fraude, adegit ad latus.
Nisi lorica obstitisset, quàm magnos
Argenidi luctus hæc claua faciebat!
Sic quoque multis quidem, sed non
altis vulneribus intrauit. Accenditur
violentius Poliarchus, nec cunctanter
suo hosti clauâ extortâ cerebrum mi-
scet; magnâ atque intrepidâ voce Ge-
lanorum ad victoriam hortatus; qui &
ipse iam in duorum sanguine victor
haud segniter percussus instabat.

Timidi, qui adhuc ex clade supererant, se se in aliam receperunt certaminis partem, quâ scilicet liberati vinculis captiui dimicabant. Sed & illis successu partium geminata ferocia erat. Inclusi prædones hinc ab ipsis, inde à Poliarcho & Gelanoro ita mulctari cœperunt, ut ægrè inhibuerit Poliarchus quin omnes caderentur. Eos enim capi malebat, maturisque supplicijs feruari. Tres igitur ad genua prouolutos in vincula conijci iussit. Et inter gratulationem miserorum; qui eo duce de latronum potestate exierant; suauissimâ consolatione perfusus est, quod publicæ salutis videbatur operatus. Certatim ingerebant, hunc tutelarem, hunc vindicem deum esse; supra mortale robur afflixisse perduelles; denique vnum dignum ad quem toto ex orbe vota miserorum confugerent. Sed in vnâ omnium laticia vox dissona erat. Qui enim solis loris constricti fuerant,

iámque sentiebant libertatem, sibi & patrono sine exceptione gratulabantur. At remiges plenum beneficium volentes, solui petebant; dimittique in statum à quo per servitutem exciderant.

Poliarchus ne pœnitendum beneficium daret, quis illius navis dominus, quis gubernator, vnde peirata; omnia ordine exegit. Proclamat de remigibus vnus: Miserere quisquis es, Heros. Hanc ego meo censu ratem compegi; hanc & dominus & gubernator regebam, frequenti inter Africam Hispaniámque commercio. Fortè ad ostia Bætis appuleram; depositóque onere, Ibericas merces parabam; cùm isti latrones, vectorum nomine, mihi cladem imposuere. Ne numerus suspicionem faceret, bini ad me aut singuli venerunt. Neque eundem portum fingebant se petere. Hi Adrumetum nominabant, Clupeam illi, aut Vticam.

De mercede conueniebat. Rudis ego
 impiæ fraudis omnes excepi; qui quò
 solertiùs fallerent, tanquam inter se
 ignoti egerunt, quamdiu in portu hæ-
 simus, aut à vicino littore erat auxi-
 lium. Ast vbi procul terris ventus im-
 pulit ratem, sopórque in cœlo securo
 nautarum pluribus irrepsit; subito im-
 petu irruunt in nos; Me de guberna-
 culo deturbant. semisopitos alios por-
 tant ad transtra, nexibúsque deuin-
 ciunt; & peiratico scelere iam pro-
 vectores domini suo auspicio ferri
 cœpere: Nam nec deerat rei nauticæ
 inter eos peritus: & pro sarcinis cate-
 nas attulerant, quibus omnium crura
 impedierunt. Hinc in minora, vt oc-
 currebant, nauigia, sæpè grassati com-
 parauere arma, captiuos, opes. Nec in
 mari modò scelesti, exscensiones va-
 rias in agros fecerunt. & benè præda-
 tos ad noua scelera littoráque agebat
 hæc naus. Nuper quidem, cùm pler-

que eorum triduo abfuissent, rediere ex Mauritaniâ ad nauem, opibus graues, & quantum ex eorum sermonibus conieci, expilato per fraudem thesauro, quem Regina Mauritanix habebat charissimum.

His auditis, Poliarchus è prædonibus vnum, quem habebat in vinculis, rogauit, verane essent quæ ex nautâ audierat. Ille omnia silentio confitebatur. Sed de vltimo facinore, intentiùs vrgebat Poliarchus; Num de Reginx Mauritanix thesauris prædam egissent; quæ illis via ad facinus; & quâ parte nauigij recondidissent furtum. Ille, gemmarum famam sibi causam audacis consilij fuisse respondit. Nocte concubiâ septem ex ipsis armatos constituisse in plateâ; vt ex proximis compitis tanquam illic à Reginâ appositi, arcerent transeuntes; dum alij duo ferrum, quo fenestræ spississimo iungebantur, harpagine arreptum per secre-

tas machinas flectunt. Ita, inquit, aditus nobis factus. Voto potitante lucem ad mare recessimus: duratque inuiolata hætenus præda; quia ab eo litore primùm fuga, ac deinde tempestas nos tenuit. & ne tanta hereditas rixam faceret, placebat expectare donec in tranquillo diuideretur. Subiuit igitur navis constratum Poliarchus latrone præeunte; arcæque reclusâ, ingentes & plerunque muliebres ex Mauritaniâ opes inspexit.

Tum verò tanquam ad noua consilia vocatus à fortunâ, se collegit. Profectionem in Galliam Dij turbare ac differre videbantur. Per tempestatem cursu exciderat; nactus erat assuetam Africanis littoribus nauem; nec fuisset humanum, recuperatas opes non statim Regina nunciare. Et forsitan (secretus inquebat) gloriam meam cælitest curant. Quicquid spei priuato habitu in Siciliâ exorsus sum, nolunt me

persequi mea gentis fortitudine atque armis; Ne generi, ne opibus, ne exercitui, sed mihi debeam quicquid felicitatis contigerit. Sequar illa auspicia. Ex Africâ facillimè res Siculas accipiam, measque nunciabo Argenidi.

Vbi hoc placuit, ita prædoni loquutus est; Equidem & Reginæ suas reddi diuitias æquissimum puto, & vos quoque (nefarij) dedi ad pœnam. Navigatio in Mauritaniam flectenda est; ne vindicta pereat atrocis audaciæ, aut forsitan aliquot illic insontes vestri facinoris infamiâ laborent. Neque mora, dominum navis, per quem de prædonibus cuncta cognouerat, eximi vinculis iubet, clauoque succedere. Cæteros qui erant in transtris, solui prohibuit. Nam & remigibus egebat per quos in Africam veheretur, & tot ignotos, ac fortasse vinculis suis dignos, nolebat posse in se peccare. Itaque diligenter quæsit as transtrorum &

compedum clauēs, custodire Gelanorum imperauit. Et ne tamen nihil illi in suā latarentur victoriā; Agedum, remiges, inquit, in felicitatis articulo statis. Date modò Mauritaniae oram; ita me amet diespiter, omnes ire liberos iubebo. Quid graue est, si in redemptionis pretium, breuem, sed mihi necessariam vecturam reposco? Si non fallit gubernator, bidui in Mauritaniam cursus est. Illa mihi nauigandi, vobis captiuitatis afferet finem.

Compositi in tantam spem remiges, ita iustos remorum ordines instaurant, tanquam non Africam, sed suam domum, suas necessitudines quisque repeteret. Sed negabat gubernator genium pelagi ferre, vt cadauera in naui portarentur. Irasci maris deos, & saepe viuētibz periculi causam fuisse, eiusmodi pietatem in mortuos. Tres porrò iacebant in lembi constrato à prædonibus inter pugnam perempti. Non

ausus est Poliarchus intempestiuâ humanitate repugnare omini nauigantium. Igitur inferis dijs religiosè excusauit quòd insepultos abijceret ; Vbi primùm Africam dedissent , se umbras in littore erectis tumulis collecturum. Factâ igitur potestate , cadauera cæforum corripunt ; At ne frustra quid periret , scrutari cœperunt , si quid in vestibus pretiosum lateret. Duorum spolia intra paucos nummòs fuerunt : Tertius , tanquam delicatior , ambientibus institis tibias & crura velauerat ; quas cùm vnus nautarum detraheret , tabellæ cecidere , illic vt apparebat ad secretum repositæ. Cùmque iussisset Poliarchus eos codicillos sibi tradi , linumque soluiisset , veluti ad monstrum exhorruit , destinatas ad se literas , & à Lycogene quidem esse. Scribere ad Poliarchum Lycogenem ? Ceram ad se per tot prodigia esse delatam ? Cunctabatur oculis suis credere repetenti-

bus hoc epistolæ initium, Lycogenes salutem Poliarcho. Statim erigi cadauer imperavit, & curiosus inspector diligentiam Gelanori adhibuit, si quo lineamento possent vultus nondum morte recenti confusos agnoscere. Sed ignobilem nuncium, & de seruitio Lycogenis vnum, facile fuit ab utroque ignorari. Vbi verò diligenter vndiquaque inspectum est, num & alias literas aliæve prodigia haberet, exonerare cadauerem nauem; amicum an insidiatorem crederent adhuc incerti. Erat is autem quem Lycogenes ad Poliarchum miserat. Dum Timonides in prædio suo hæret, occupauerat iter; interceptusque à prædonibus, tunc in pugna ceciderat; tanquam dubitante fortunâ utrum tantæ improbitatis literæ Poliarcho tradi deberent.

Poliarchus totius scenæ ignarus sese ad lembi malû applicuit; Vultu deinde & animo perturbatus, ad omnia

verba exhorruit. Veneficij accusabatur Meleander ; delator Lycogenes erat. A Meleandro se ad mortem audiebat deponi ; Lycogenes amicitiam spondebat. Quæ autem illa armilla ; aut quò missus ad se Timonides ? Non se literas legere , aut satis vigilare , arbitrabatur. Vbi mora deinde restituit mentem , & iteratò totam ceram euoluit ; Aliquid magnum , inquit , agitur , Gelanore. Nunquam Lycogenem magis timui , quàm ex quo meæ salutis curam agit. Si vixisset qui epistolam ferebat , forsitan illi excidissent indicia , quæ viam nobis facerent in tantâ caligine. Nunc quid cogitem , aut quibus argumentis ad verum perueniam , est incertum. Secum deinde agitabat , an credibile esset , voluisse Meleandrum amicitiaæ specie innocentem violare. Magis conueniebat moribus Lycogenis de Rege mentiri , quàm Regi tam infanda solertia. Hæc & similia animo

versanti abijt dies; & nox per infana
cōmenta animum deduxit. Varia agi-
tanti consultissimum visum, si Gela-
norum in Siciliam mitteret, nullis ad
Regem litteris, sed cum hac ipsâ Ly-
cogenis epistolâ, quam redderet Me-
leandro. Non liquidius posse verum
deprehendi. Quippe siue in vero cri-
mine, siue in falso, doliturum maximè
Regi, vel de infamiâ inutilis frustrati-
que facinoris, vel de iniustâ suspicio-
ne. Ex illius, & proximorum vultu, ac
vocibus, Gelanorum intelligere posse,
de hoc Lycogenis indicio quid cre-
dendum. Nec Lycogenem eo facto
dubitabat offendere; cui, etiamsi Me-
leander hostis esse mereretur, tamen
amicus fieri noller. Adiuuabat ea con-
silia ingens cupiditas scribendi Arge-
nidi; ad quam literas, nisi Gelanoro,
aut Arsidæ, non credebat.

Iam non modò erat Africa in con-
spectu; sed & Lixæ, tunc Maufitanix

caput, pulcherrimo situ ab cogitationum solitudine nonnihil Poliarchum deduxerat. Fluuius, quem & Lixam appellant, non repugnanti pelago miscbatur, vt in vtriusque vndæ confinio, non fremitus discrimen faceret, non spuma, sed color. Arbores quæcunque fluuiis gaudent, ab vtraque parte altici, cum cæterâ riparum imagine in aquis ludebant. Vrbs ingens, & mercatorum commercio grauis, vbi paululùm esses à mari prouectus, vno duntaxat stadio recesserat à flumine. In urbem ab litore euntibus dexter erat omnium qui sunt in Africâ pulcherrimus collis, & in eo Regina suburbanum, quam dicebant Domina villiam. Illuc amabat Regina diuertere, curis fessa, & ad negotiorum tumultum post alternam solitudinem reditura hilarior. Et tunc fortè in ea versabatur. Quod vt ex obuiis lintribus percunctanti Poliarcho relatum est, in proximâ orâ iubet anchoram

choram iaci; Et ne remiges quicquam
se absente turbarent, aut etiam à portu
discederent; quærit ex Afris, nemóne
custos portûs, aut cui magistratus de-
legassent fluminis curam. Præstò lictor-
es adfuere, & nescio quis redemptor
portorij: cui sic Poliarchus; huius lem-
bi custodiam tibi trado, quem Africæ
interest saluum esse; dum fero ad Re-
ginam necessaria quæ ex me intelligat.
Simul his prædones educens detracta
pedibus vincula iubet addi ceruicibus,
vnúmque licium ad omnium vincula
pertinens ponit in manus gubernato-
ri naui, præmittitque verius collem.

Ipse cum Gelanoro sequebatur, lo-
ci formam curiosis oculis lustrans,
quem recens maris horror faciebat gra-
tiores. Non anxîa arte quæsitus erat
decor. Plura Naturæ debebantur, cuius
facilitas, atque ingenium, omnes arti-
ficum labores præuerit. Rusticus ad
villam ascensus (nec læuigari Regina

passa erat) obliquum colli latus sic dederat, vt circumuenire montem potius videretur, quàm in illum eniti. Læuam itineris tegebant densi frutices, crebrarumque stirpium inæquali viriditate lætissimi. Tumuli illic leues, crescente molliter campo, donec oblongum, & spissis opacum arboribus supercilium montis subito tumore confurgeret. A dextrâ conualles visebantur, vinetis hortisque excultæ; & in collium radicibus, qui dimidiatum orbem ducebât, vberima pastu prata se eâdem viriditatis hilaritate porrexerant. Sub ipso montis iugo sublimis & sponte extensa planicies erat, in quâ villam condiderant. Ad fores cùm venisses oblectabat oculos alia loci forma, prospectusque in remota liberior. Quippe ante vestibulum patebat hominû curruumque area capax, paucis, sed ingentibus distincta arboribus; ad quarum vmbra sedilia, & lapideas mensas, mili-

res custodēsque extulerant. Ac vt editus locus erat, errores fluuij in valle monstrabat; montes quoque ex aduerso Magnatum prædijs distinctos. Visebatur à dextro latere pars potissima urbis, per suos colliculos & templorum fastigia elata. Si oculos longiùs mitteres, mons Atlas incultâ hyeme, & sterilibus faxis, per multos vertices in nubibus fractus, delectabat animum mutatione conspectûs, & propinquam felicitatem blandiùs commendabat asperitatis imagine. Domus pro Regina non ingens. Sed debebat artificio, quòd venti, quicunque perflarent, admissi, omnem æstum temperabant; & triclinia lumen accipere poterant non obnoxium radijs solis. Hortus deinde modicus, & porrectus in longum, Musis quidem erat dignus, & omnibus dijs quos cepit stirpium colendarum humanitas. A domo in illum, porticus ducebat, in quâ solebat Regina conui-

uari, aliquot signis & picturis exulta. Iam verò sinistrum horti latus claudēbat montis vertex non illi utique tantū horto, sed domui, saltūque perpetuo contiguus dorso, & duntaxat parietis interiectu coercitus. Hanc partem fons amœnus decorabat, è marmorei Elephantis proboscide in tessellati operis alueum decurrens. At dextra ad prospectum vacua erat, exiguo muro in hoc tantū erecto, ut lapsus in abruptum caueretur, & in eum innixi fruerentur viuarij subiecti spectaculo. Nam mediocre stagnum coercēbat latericij aggeres: Pisces in eo variæ senectutis, quos ab horto Regina amabat, præcipitato in aquam pane, inter se concitare ad certamen. Porta ex horto ducebat in exiguum saltum, quem facti manu calles, virgulisque liberi, secabant. Cerui in eâ, & capræ, & cætera animalia in Africam importata; quæ ea pars terrarum gignere

nescit: incisiſque Numidico marmore
iſti verſus, qui lucum Dianæ conſecra-
bant.

*Alma ſoror Phœbi, quæ nunc per confraga
curſu*

*Præcipitas, volucris mandas nunc vulnera
ferro,*

*Seu damam fortuna dedit, ſeu fortiùs ira
Intumet, & noſtri fugiunt tua tela Leones;*

*Nûmen iò nemorum: ſi Te, comitèſque pu-
dicas*

*Caſta domus, caſtæq; iuvant pia iugera
ſylvæ,*

*Exaudi, mitiſq; tuos agnoſce, nèc uſquam
Hic, Dea, Syluicoliſ, ſit fœda licètia Fauniſ.*

*Hos tibi ſacramus lucos, hæc ſurget honori
Sylva intacta tuo. Tu noſtris annue doniſ.*

*Et cùm ſpumiferos iunctiſ in retia campis
Impellemus Aproſ, & cùm tibi ſacra fere-
mus,*

*Non occulta veni; Vel ſi invidioſa preca-
mur,*

Huc ades, quo more licet, curſuq; tuorum

*Sapè canum, & sacris aures latratibus ure.
Hic Dryadum committe choros, & Oreade
multâ*

*Cinge latus. Nunc vos nemorum, nunc
fontis in umbrâ*

*Ludite, nunc magni quâ subter viscera montis
Antra per agrestes exudant frigida tophos.*

*Illic si calidas exoluet fibula vestes,
Non erit Ogygius secretis arbiter undis,*

*Cornua cui singas; Non quem tibi vulnere
paruo*

Terra necet, campis tumidus se tollet Orion.

Nec pharetrâ, vultusq; tuos, venator habebit

Iuppiter, atque aliam cælo dabit improbus

Vrsam.

Hunc modò tu saltû Delo, Dictynna, sonâti

Annumerare velis, Lyciæq; niualibus aruis,

Nec magis Eurota; nec sis magis incola

Pindi.

*Tum quæcunque suos Nympharum exegerit
annos,*

In formas abitura novas: cum frondea fiet

Arbor, & erectis attollet brachia ramis,

*Seu quercus, seu laurus erit; fac, Delia,
nostras*

*Augeat hæc sylvas. Erisichthomis impia
clades*

*Hinc procul, & lucus nunquam sciet iste
securim.*

Longum esset singula memorare; vt
natura inæqualitate locorum luserit,
vt exiguo spatio retulerit omnes for-
mas quibus totæ regiones variantur; vt
syluam ex aureis malis, rhododaphne,
lauro, pinu, subere, penè totam, non
mutarit innoxia hyems; & antra hîc
sponte, hîc manu aperta, dederint fon-
tes, aut opacum subeuntibus frigus.
Sed fons præcipuè notabilis erat, de
industria sic ornatus, vt quæ artificij
erant, sponte producta viderentur.
Quippe in arcum mons effossus modi-
cam planiciem dabat, exiguis lapidi-
bus quasi temerè stratam. At vtrimque
lateribus saxa ingentia, tanquam rupes
ira natas, admouerant. Vbi is labor

duodecim pedes in altum excreuerat, semitam fecerant quâ locus circumiri facile posset : Tum verò super hanc molem in gyrum arbores ita seuerunt, vt inflexorum stipitum cacumina in subiectam aream verterentur. Hæ, vbi in procerum adoleuere, speciem referebant iamiam cadentium stirpium, & suo pondere radices extra terram trahentium. Inter illius ruinæ innoxias minas, peribat sub frontibus calor Solis; & laterum aggere primùm, mox curuatis in hunc modum arboribus, denique incrementis collis mole, tegebatur simplex Reginae hilaritas, quæ fontem illic per aliquot fistulas cadentem sæpè inter suas virgines lato ocio celebrabat. Viris, præterquam magistratum præcipuis, nefas domum intrare. Pauci custodes in vestibulo erant: A quibus iussus sistere gradum cum suis captiuis Poliarchus, quis aut vnde veniret, militari licentiâ rogatur. Ille

negavit, quæ afferebat nunciari, nisi Regina, posse. Res ad Præfectum custodum delata est, qui & ipse loquutus Poliarcho, Regina significat externū iuuenem esse, habitu vultūque egregium, qui captiuos aliquot trahens, ad colloquium quærebat admitti. Regina in eo secessu tunc hærebat, non ad vacui animi voluptatem: sed vt in solitudine mœrori liberius vacaret. Lachrymarum causa erat, violatus à prædonibus locus, quò cum gemmis cætera quæque arcana congesserat. Neque gemmæ, aut direpta alia quæ vulgò iactabantur, illam mouebant. Vna cistula, nec ea quidem opulenta, quam simul latrones abstulerant, illos gemitus, & penè fati consilium ciebat. Hanc vitâ chariorem habuerat; illic filij fortunas sciebat inesse; nec de dijs mitius querebatur, quàm si eū extulisset. Cùm ergo nūciatum de Poliarcho esset, haud libenter accepit, aduenisse, quem vul-

tu composito deberet audire. Hunc tamen per Micipsam Regio Præfectum cubiculo adduci imperavit; ipsa inter astantes refedit matronas in suggestu eburneo, quem argentei leones depressis onere iubis ferebant.

Is verò ut in conspectu fuit, illam ad absentis filij memoriam vocans (nam & iuuenis, & formosissimus erat) subito sui favore incogitantem permulsi. Mox liberali salutatione perfunctus; Etsi (Regina) parum, inquit, animum tuum tangunt, quæ pessimi nuper fures à tuo abuxere sacrario, tamen iustissimæ Principi gratissimum duxi, si tantum facinus impunè non auferrent. In eos, dijs ducentibus, medio ponto offendi. Plures in certamine perierunt. Tres adduxi superstites. Sunt ecce in limine, & fatum à tuo arbitrio expectant. Fidum autem hominem, ô Regina, mecum allega. Huic quæ à te abstulere restituam, adhuc, ut ab ipsis

audio, illibata. Ea iussi in proximâ ripâ
apud nauem asseruari. Regina, ad tanta
& tam subita gaudia, muliebri ingenio
impatiens, de sede exiliit, & ignoti
manum amplexa; O auspiciatissime
quotquot sunt mortalium, aut potius,
modò hæc vera sint, dijs nostris iun-
gende; Duc protinus, inquit, ad nauem.
Ipsa furtû, ipsa prædam recognoscam.
Neque auidam voca. Arculam modò
vnam restitue. Cætera te condono. Sic
effata miranti Poliarcho viam præit.
Nec inngendo curui, nec attollendæ
leætica spatium fuit. Sicut erat in cultu
priuato, virgere cœpit gradus, sibi vni
de re tantâ creditura. Matronæ, puel-
laque, illius assuetæ obsequio, nihil
mutato vestitu, pedibus ibant. Fugæ
speciem celeritatis tumultus imposuit.
Cum verò Poliarchus pro foribus præ-
dones ostenderet Regina; Sine quæso,
inquit illa, priusquam alios damno,
scire an me fortuna absoluerit. Nemo

in regiâ fuit, qui non properantem sequeretur. Ignari plerumque quæ res ageretur stupebant, & alijs stuporis causa erant. Statim in urbem rumor peruasit; sed incertus, ideóque audacior. Nunc Reginae filium aduentasse; nunc eius cadauer naui delatum. Veriora alij referebant, ad recuperatum thesaurum Reginam descendere. Ergo omnes ad amnem properabant, parata seu plaudendum, seu aggemendum; turba.

Regina vt ad ripam peruenit, ponte ex tabulatis facto in lembum sublata est. Ac vt primùm referata à Poliarcho ingens arca inuiolatam prædam explicuit, iam lætioribus lachrymis madens, cistulamque quam quærebat, complexa, se denuò viuere, Reginam rursus esse proclamabat; Nec quicquam iustius quàm vt Poliarcho diuini honores haberentur. Abnuebat Poliarchus risu modesto, & laudantem com-

pescabat. Iamque lecticæ, ut potuerunt
Reginam sequuntur, stabant in ripâ, car-
penta etiam fœminas subuectura; &
ipsa ad tantæ lætitiæ auspicia angustam
villam rata, in urbem reditum edixit.
Innitebatur Poliarcho (qui maximus
apud Reginas gradus) illoque ducente
in lecticam se recepit; quam mox octo
pænulati sustulerunt in collum. Po-
liarchus deinde præparatum equum
conscendit; quem ipsi ex regijs stabulis
admouerant, non ex more gentis nū-
dum, sed cum ijs ornamentis quibus
Reges assueuerant in bello aut venatu.
Toto deinde itinere Regina, submotis
lecticæ plagulis, cum ipso loquuta est;
densis per viam Afrorum agminibus,
& in eum præcipuè intentis. Postquam
ad aulam peruentum est, Magnates, ex
Reginæ præcepto, hospitem in desti-
nata triclinia deducunt. Illic ingentis
opulentia cultu exceptus, mox ad fa-
miliariorem corporis curam, solus

cum Gelanoro relictus est.

Sed ubi paululum respiravit à colloquentium laudantiumque tumultu, haud mora redditus pristinis curis, resque Siciliae anxie agitans constituit eam vesperam Gelanorum in Siciliam dimittere. (Nam nec amor, nec perplexae à Lycogene literae moram ferebant.) Ipse Clupeae, maritimo Africae oppido, dum nuncius ab Argenide rediret, se tenere. Dum ergo Argenidi scribit, acciri nautam iubet, cuius remigio appulerat; quo ad se introducto, Nauigium tuum, inquit, non modò tibi reddo; sed praeterea quicquid vi praedonum detractum est omne restituiam; eam lege ut hunc Gelanorum in Siciliam deferas; inde huc rursus in Africam quo volet portu sistas. Cum redieritis, in promptu merces erit. Nunc necessaria ad viam duntaxat repraesento. Ex remigibus; captivisque, quos nosti, quotque opus est, delige. Hos faxo

laboris ne pigeat. Inter ceteros talentum diuidam: ne illis reditus in patriam, mendicitate deformis sit. Nauta dominum & patronum appellando, de munerum magnitudine stupebat, operamque pollicitus ad parandum in illam noctem lembum dimissus est. Et remigam tam foelicia nunciantem, primo impetu gaudij, inter amplexus, non sine discrimine diripuerunt.

Vespera appetebat; cum à Reginâ Optimates ad Poliarchum intrant, nullo humanitatis genere hospiti defuturi. Is ab illis, inter sermonum ambages, hæc ferè de Reginæ rebus accepit; Eam Hyaniſben appellari; Iubæ fratri ante annos viginti tres in ſceptrum ſucceſſiſſe; Priuſquam regnaret, nuptâ Syphaci fuiſſe, viro poſt Reges inter Mauros præcipuo; qui eodem tempore quo Rex Iuba morbo extinctus prægnantem reliquerat. Reginam paulò poſt virilis ſexûs prolem eſſe enixam,

& Hyempſalem appellaffe; qui fauentibus dijs anteiuerit indole ciuium vota. Sed iam quærendâ apud exteriõs gloriâ, cultu priuato, & præterquam vni Reginae incertum in quas terras, abiſſe. Hæc Mauri referentes, & ipſi viciffim quis eſſet Poliarchus; vnde, aut quò viam haberet, obliquâ ſubtilitate quærebant. Sed ille perplexos ſciſcitatores, pari arte, quaſi non ſentiens, eludebat. Inuitatus deinde ad regiam cœnam, haud modicum tempus conſumpſit cum Regina; non multum abſimili omnium in ſe cultu, quàm ſi in purpurâ veniſſet. Perfecto conuiuio; cum tanquam poſtridie proſecturus, iuſſiſſet valere Hyaniſben, rediſſetque in thalamum, præſtò fuere qui opulentioribus ferculis menſam integrent. Gemmæ erant, hæ torquibus, hæ armillis, inauribúſve compoſitæ, magna vis vnionum, & præter vnicam arculam, plura quàm à peiratis extor-

extorserat. Hæc Regina, siue meriti
 precium, siue pignus hospitij, donabat
 Poliarcho. Sed ipse neque vendere be-
 neficium assuetus, neque emi muneribus;
 multum laudatâ Reginæ comi-
 tate, negauit tantillæ operæ deberi
 inuidiosa præmia; sed neque hæc ar-
 matum decere. Referrent tot dona ad
 Reginam, simulque excusationem, &
 gratias. Ne tamen peruiacis superbix
 haberetur, annulum quo smaragdus
 includebatur, sibi desumpsit; digitó-
 que insinuans, eum se cum manu ser-
 uaturum spondit; Ita enim donan-
 tem meruisse. Ferruminatus annulus
 erat, & in lapide Atlantem expresse-
 rant suspecto Perseo negantem hospi-
 tium: Simul Perseus videbatur Pegaso
 insidens, & ad Atlantis ora sic Medu-
 sam reuelans, ut auerteret ipse vultum,
 ne & intra viscera saxum reciperet. Sed
 Atlantis habitus erat indignantis se
 mutari: Rigeant in sylvarum pri-

mordia comæ crescentes; & in vultu
figura serpebat, qualis nec iam homi-
nis, & nondum montis esset.

Aderat interim Nauta, monebátque
ventum operam dare. Si veniret Gela-
norus, Africam paucis horis longè re-
linqui posse. Hunc itaque Poliarchus
arcanis præceptis celeriter onerat; quæ
Meleandro ferret, quæ nunciaret Ar-
genidi: Selenissa, Archombrotus, cæ-
terique amicorum, quid scire deberent.
Etiam quid de suppellectili suâ Rex
constituisset; an illa publicata, & qui
sectores fuissent, cuncta solerter per-
disceret. Illinc enim quid in se Me-
leandro animi esset, posse intelligi.
Postquam in Siciliâ mandatis esset fun-
ctus, Clupeam, vbi eum opperiri de-
creuerat, diligentissimâ nauigatione
reperet.

Profecto Gelanoro, Maurisque di-
missis, se ipse ad quietem defessus com-
parabat. Sed posteaquam in thorum

secessit, remiseruntque se spiritus quos
renuerat variarum rerum imago; tunc
vulnera quæ lateri peirata infixerat,
non modò neglecta, sed negotijs, &
contentione animi incitata, subito
horrore atque æstu exardere in febrim
coeperunt. Ille casus distulit præparatū
in posterum diem iter, terruitque Re-
ginam, haud secus quàm si ipsi filius in
morbo iacuisset. Nam præter benefi-
cium quod à Poliarcho ingens accepe-
rat, indolis specimen, & in compositum
nihil in verbis; præterea generis opi-
nio, & impetus nescio quid præfagien-
tis animi, eam ad veræ benevolentiae
affectus compulerat. Ægrum itaque
primo mane inuisit adhibuitque me-
dicos suos. Et sequuti Reginam Opti-
mates, anxios vultus ad mœstitiam fi-
gurauerunt.

Horum omnium rignarus Gelanorus
nauigabat in Siciliam prosperis ventis.
Sed quamquam commodissima tem-

peſtas Epeircten nautis dabat, vltro ab eâ ſtatione abſtinuit, appulitque ad ignobilem portum; eo conſilio, ne quis nautas qui eum vexerant noſſe, aut de Poliarcho interrogare poſſet. Ipſe ad templum Apollinis iuit, quod non procul à littore, verſus Panormum erat, Sacerdotis quàm ſui Dei famâ nobilius. Sacerdos Antenorius vocabatur, in placidiſſimâ ſenectute vacuus curis, & ad arbitrium fœlix. Nam cùm iuuenis primos honores facilè cepiſſet, & ſumma ei omnia deſtinaret amicorum opinio; plurimorum caſibus monitus quàm miſerum eſſet inter ambitioſa vota pendere, reſpexerat ad animi libertatem; & ſeceſſurus ad genium ſuum, elegerat Phœbi templum, in quo ſenefceret. Quippe illi numini amabat operari, & inuocatum ſæpè receperat: adeò comparatus in caſus, ſeu ipſe ſeu amici laborarent, vt omnium victor conſtantiſſimâ hilaritate

discederet. Aderat literarum copia ingens; acie acumen, & celere; quæ omnia vitæ integritas honestabat in iucundissimo sene. Cæterum amabat Poliarchum, audebátque laudare nondum publicè restitutum. Nec ignarus Gelanorus candidissimum esse, à viâ ad illum deflexit, inuenitque cubantem in sui templi vestibulo (erat enim pedibus æger) & ut solebat, cum familiaribus inter libros sapientissimè ridentem.

Adhuc in primis hærentes blanditijs nouo gaudio interpellauit Nicopompus. Amicissimus Antenorio erat, & curis tumultuque aulae plenus, quarebat inter suauissimi senis colloquia turbatae reipublicæ tantisper obliuisci. Eo viso, Antenorius urbanè quæsiuit, ad Phœbum, an ad se diuertisset; Ad vtrumque, refert ille: Sed quis iste Numinis consultor? Ades ergo Gelanore? & ô Numina faxint ut nec procul sit Poliarchus. Quamquam præter Ante-

norium, & Nicopompum nemo iam
aderat (cæteri enim Antenorio iuben-
te discesserant) tamen Gelanoro non
visum consilia casûsque patroni ulli
mortalium priusquam Argenidi con-
credere. Eum ergo in Italiâ esse finxit,
seque ab eo ad Regem ex Baiano portu
dimissum.

Dum hæc ita loquuntur, ecce tibi
cumulante fortunâ illius diei lætitiâ,
Hieroleander veluti ad condictum
alio itinere ad templum peruenit. Erat
ille ab Epistolis Argenidis, summus &
ipse virtutibus, inter paucos imbutus
literis, nec paruo præter fortunam,
minor, qui sacerdotij purpuram ex
virtute gestauerat. Is sæpè Antenorij
causâ commeabat in id templum; &
tunc exorando Apollini ab Argenide
erat missus. Sed ut conspicatus est Ge-
lanorum, seque primùm repetitis sa-
tiauuit amplexibus; leuissimæ rei mo-
mento, nec cogitans, illi aditum fecit

ad ea exploranda quorum causâ in Siciliam aduenerat, obiisse Aldinam oculis ex dolore turgentibus querens. Siue excusationem sic parabat, quòd eam omnino habuisset, siue quòd infelicitè custodiuiisset. Audito Aldinæ nomine, ictus aliquantum Gelanorus, in Hieroleandrum respexit. Fuerat illa venustissima catellarum; quæ Poliarcho impensè placuerat. Poliarcho ex Sicilia excedente, eam Hieroleander Argenidis iussu quæsierat, aluerátque sollicitè. Ipsâ Argenide non ausâ succedere in id munus, ne aut aliquid de spolijs Poliarchi crudeliter habere videretur, aut contrariâ suspitione absentis domini gratiâ canem amare. Ea tunc ex partu decesserat, magno quidem sed occulto dolore Argenidis. At Hieroleander catulæ blanditijs assuetus impatientius mortem hanc tulerat; adeò vt in eius gratiam illa celebris esse in Aulâ inciperet; maximè multorum

Poëtarum carminibus, qui cum demerituri, omnes fides, omnes Parnassi frondes, canino funeri adhibuerant. Tunc verò de illius interitu fieri mentionem (quamquam viuam maluisset) sentiebat Gelanorus suis rebus conducere; quia ab eo exordio poterat quæri quod Poliarchus præceperat; cui nempe ipsius opes & veluti spolia celsissent. Sed postquam intellexit innoxia domui curatores à Rege adhibitos, qui eam domino suo seruarent; solamque Aldinam ab Hieroleandro captam quò delicatius haberetur; visa sunt omnia ex voto procedere. Nam quòd Aldina saltem in Argenidis domo vixerat, ritè coniecit id datum memoriæ Poliarchi. Cùmque audisset, ne dolore quidem intactam in eius interitu fuisse Argenidem, satis quid hanc charitatem & dolorem faceret gnarus, Nicopompo aures præbuit dum Epitaphium recitaret, quod & ipse Hieroleandri lau-

dibus plenum demortuæ catellæ his
versibus fecerat.

Occidit. Exequias pulchra celebrate catellæ;

Occidit ante suum pulchra catella diem.

Ipse facem mæsto canis Erigoneius imbre

Condat, & attonitis terreat astra sonis.

Plangere scit; meminitq; suæ lachrymabile
murmur

Erigones, patrios cùm stetit ante rogôs.

Dura Venus, quem non pariens Aldina
gemendo

Flexit, & Aldinæ sic parientis herus!

An quia Phœbeis nemo est acceptior aris,

Invidiam Veneris, Solis alumne, luis;

Aldinamque tuam (ius in te haud maius
habebat)

Utrici rapuit diua seuera manu?

Plāgite sub tenero vultu certamine chartæ,

Quas aufert domino blanda catella suo.

Et toties paruo repetita cubilia cursu,

Dum quærit veritas illa, fugi que fores.

Plāgite nunc mutæ sedes, nunc strata, fociq;

Et quicquid viduū sancta catella fuit.

*Vos sola gaudete niues. Nil vellere vestro
Candidius, post hac funera, portat humus.*
Gelanorus commendatis de more versiculis; ne quæ de domini supellectili, ipsaque Aldinâ, acceperat, animum tangere, & maiori omine implere viderentur, ad alia sermonem deflectit. Ac, gaudeo, inquit (amici) eo loci esse res Siculas, vt de catellâ sic dolere, aut scribere vacet. Et hinc ocium vobis à pristinis bellis, & ciuili infaniâ, esse coniicio. Imò, refert Nicopompus, hæ sunt velut induciæ, quibus publicos dolores interdum fraudamus; vt imposita à fati onera subeamus fortiores. Tum verò Gelanorus rogare prolixius; An duraret Lycogeni fides; aut interuersâ pace nouis sceleribus recruidisset seditio. Referebant protinus illi, perplexa omnia esse; Eristhenem & Oloodemum teneri vinculis; armari Lycogenem, & in mutuum exitium dissidere ciuus à Principe. Tum Nicopompus,

siue incitator feruore ætatis, siue quia frequentior malorum conspectus in Regiâ indignantem impleuerat; non modò fortunam, sed & Regem atque Lycogenem pluribus accusare adorsus est. Quamdiu, inquit, pro ratione impetum habebimus? nec ex nostris parentumve successibus metiemur consilia? Quanto satius fuerat (apud amicos prolixius loquor) Regem in suos maiores inspicere, & malo cauere ex eorum siue consilijs, siue erroribus; quàm accepto vulnere in medicinâ laborare? Isti autem perduelles in eum erecti, quem seditioni titulum, quòdve nomen, iam non antea paribus turbis infame inuenient? Iactent licet nunc iri assertum labentem rerum statum; nunc se Deorum cultus Regibus velle monstrare. Non agnoscunt irreligiosissima arma dij toties neglecti; non vtilitatem patria, multâ strage deformis; Quacunque specie facinus tueri

& ornare molientur, diu est quòd eandem alij rebelles maculauerunt. Nescio quo grádi tumultu dij animum meum implent: Abominari inquieta ingenia, pugnare in noxios, & vindictam occupare. Et ne hoc facinus supra meas vires putetis, eadem numina mihi arma literarum præbuere, à quibus immissa vulnera, si modus & veritas adsint, non viribus arceri, non deleri sæculis possunt. Credam tandem impetui illi, ducámque liberâ manu stylum; quid Rex offenderit describam; & quam anchoram penè naufrago porrigat priorum sæculorum historia. Tum factiosis eripiam laruam, ne eos populus ignoret: quid sperare, quid timere videantur; quâ se recipere ad virtutem, quâ contumaces obrui possint. Non deinde tacebo apud populum suæ crudelitatis ineptiam; non, si suades, mi Antenori.

Imò, subijcit Vates, (simúlque celeri

motu multoties nutans arrisit) si me audis, compescas hoc æstrum. In quem usum, aut quibus hæc scripseris? Regem scilicet hoc pacto monebis? Saltem si secretus hoc faceres. Nunc verò quàm egregia ratio consulendi, ut publicè quod illum peccasse credideris exscribas; & si quid plusquam populus in eius vitâ notaueris, inuidiæ iam in illum nimix aliquid addas? Quid acerbius Lycogenes instituat? Imò quia amicus es, plus fidei inuenies, supràque hostes nocebis. At factiosorum scilicet vitia, quæ tegere laborant, personâ detractâ produces; Ex priorum successu temporum ibis in eorum consilia, exitumque prælagies. Nempe, ut ad omnia quæ facies timeant; & qui deos non curant, qui spe, scelere, armis turbati sunt, ad tuam Philosophiam componentur. Parce verò labori, Nicopompe. Diu est quòd illud sapientiæ genus cui-
luit. Non ignorant se errare, nec mo-

niti emendationem promittunt. Sed & finge te adeò efficacis prudentiæ documenta scripturum, vt possint legentium furorem mitigare; velut quidam morbi sunt qui per tibicines curantur; quotusquisque vacabit lectioni? Soli te legent qui perpetuo liuore procaces, in eo eloquentiam statuunt, si Principes viros iniquiori oratione perstrinxeris. Vel humiles fortè in scholis, ab negociorum vsu semoti, & gerendæ reipublicæ præcepta tantùm in libris assueti contemplari. Hiscne tu scribes? apud hos summa laudis tibi erit, Nicopompe? Taceo libertatis periculum quam vsurpas. Etiam qui verè moneri se sentient, te oderint tanquam suæ infamiæ authorem.

Substitit Nicopompus ad Antenori; hæc præcepta; &, iustissimos metus faceres, inquit; diuinissime vatum; si maledicentiam haberem in animo, aut tumore intempestiæ censuræ iam

vulgarem plebeiamque vanitatem inflarem. Cui non sit in oculis adhuc recens Poetae impietas; cum Principem contumeliosissimo scelere lacefluit, cum facinoris pretium crucem tulit; famamque quam flagitio quarebat, inuenit supplicio? Caeteros omitto, quibus leuius peccantibus, aut ineptam sapientiam afferentibus, satis poenae est ex prudentum fastidio. Longè ab illis consilij mei ratio, mi Antenori. An nescis quâ arte agris pueris medicamina concilientur? Vbi medicum cum poculo vident, fastidiunt valetudinem quæ tanti emenda est. Sed qui ætatem illam curant, vel mitibus succis vim domant acerbi saporis, vel præmiis inuitant ad salutem, deceptisque pulchritudine poculi oculis, non videre, non scire patiuntur, quid hauriendum sit. Ita ego, non subito & aspero questu, veluti reos, citabo ad tribunal, illos qui rem publicam turbant. Par odio non

essem. Sed inscios circumducam per
suauissimas ambages, vt etiam eos de-
lectet sub alienis nominibus accusari.
Erectus his verbis Antenorius, simúl-
que Hieroleander, cupere se dixerunt,
audire lepidissimi commēti rationem.
Tum ille: Grandem fabulam historiæ
instar ornabo. In eâ miros exitus cir-
cumuoluam; arma, coniugia, cruorem,
lætitiā, insperatis miscebo successi-
bus. Oblectabit legentes insita morta-
libus vanitas; eoque studiosiores inue-
niam, quòd non quasi docentem, se-
uerúmque, in manus accipiant. Pascam
animos contemplatione diuersâ, & ve-
luti picturâ locorú. Tum periculorum
immagine excitabo misericordiam, me-
tus, horrorem. suspensos deinde sub-
leuabo, serenúsque diluam tempesta-
tes. Quos libebit fatis eripiam, fatis
dabo. Noui nostrorum ingenia: Quia
nugari me credent, omnes habebó.
Amabunt tanquam theatri aut arenæ
specta-

spectaculum. Ita insinuato amore portionis, addam salubres herbas. Vitia effingam, virtutésque; & præmia vtrisque conuenient. Dum legent, dum tanquam alienis irascentur, aut fauebunt, occurrent sibi ipsis, agnoscéntque obiecto speculo speciem ac meritum suæ famæ. Fortè pudebit eas partes diutiùs agere in scena huius vitæ, quas sibi cognoscent ex merito contigisse in fabulâ: Et ne traductos se querantur, neminis imago simpliciter exabit. Dissimulandis illis multa inueniam, quæ notatis conuenire non poterunt. Mihi enim non sub religione historiæ scribenti libertas hæc erit. Sic vitia non homines lædentur; nec cuiquam licebit indignari, nisi qui vexata flagitia in se turpi confessione recipiat. Præterea & imaginaria passim nomina excitabo; tantùm ad sustinendas vitiorum virtutûmque personas; Vt tam erret qui omnia, quàm qui nihil in illâ

scriptione exiget ad rerum gestarum veritatem.

Excitauit Antenorium scribendi nouum genus; alacérque vtramque perfricuit manum; & da, inquit, hunc fodes reipublicæ laborem, Nicopompe. Si te, si seculum respicis, prorsus hoc debes. Feret multam ætatem ille liber, & gloriæ plenum authorem deducet ad posteros. Vtilitas autem eximia, artes malorum excutere, & in eas armare probitatem. Excepit Nicompompus; Et das beneficium, Antistes, quòd impetum meum probas. Faciam te authore. Dum res est recens, dum animus calet, per tormenta poësi simillima concitatum laxabo ingenium; fabulam pangam. Neque te Gelanore, neque Poliarchum omiserim. Sic effatus, ne periret is calor, quem dii eius animo ad scribendum subiciebant, cùm in diuersorium secessisset, vix passus cœnæ moram, tabellas petiit; iam-

que tunc cœpit variæ utilitatis fabulam exarare.

Non hæc erant iniucunda Gelanoro. Quid enim nisi eximium de Poliarcho scriberet Nicopompus, olim ipsi amicus, & in Lycogenem grauis? Postera die cùm egregiè Hieroleander litasset, Nicopompum diutiùs cum Antenorio hæsurū reliquit in templo; Ipse Gelanoro comite Epeireten profectus est. Cùmque hilaris nunciasset Argenidi Apollinem pulcherrimis extis læta omnia portendere; addidit liberum Poliarchi in vestibulo templi obuiam sibi factum iamque in vrbe esse; ignarus quantos animo virginis motus hoc nuncio cieret. Illa prosperis victimis deos aduentum Gelanori comprobasse haud tardè coniiciens, trepido gaudio dubitare subito cœpit, An sine Poliarcho venisset Gelanorus; an potiùs ille lateret, viam furtim ad colloquium affectans. Saltem se cogita-

bat à Gelanoro audituram, vbi is esset, vt valeret, quid aut se facere iuberet, aut ipse moliretur. Nihil minùs Gelanorus conueniendæ Virginis auidus erat: Sed cùm casu incidisset in Eury-medem, nec dissimulare potuisset quin ad Regem esset missus, confestim ad ipsum perductus, vultúque, vt oportuit, nec fracto, nec superbo, hæc pauca loquutus est. Poliarchus saluere te maximè iubet, ô Rex; & has literas à Lycogene sibi scriptas, ad te potissimùm mittit, ne eum, aut nescire, aut credere putes, quæ de tuis in eum consiliis referuntur. Simul his epistolam tradit; quâ diligenter perlectâ, Rex nouitate infamiæ motus cum accersito Cleobulo atque Eurymede literas communicat: Neque illi aliud referebat, quàm rem altam plenâque periculi esse. Nihil vnquam perplexius visum; cùm nec ipse Gelanorus precibus ac deinde propemodû minis tentatus, quicquam

afferret (neque poterat) quo Lycogenis deprehenderentur insidia. Inter occisi spolia, ut res erat, aiebat hos repertos codicillos; neque aliquid præterea, aut se, aut Poliarchum scire. Et Rex ad illum; Neque ipse, Gelanore, quicquam in hac caligine video. Armillam ad Poliarchum meo iussu misit Argenis: & delegatus ad ferendam Timonides. Sed de veneno nec scio; nec de armillâ quâ sciuerit Lycogenes possum conijcere. Tu rem apud te continue. ne quis sciat quid ad me detuleris. Dijs, & mihi curæ erit, ut arcana hostiû scelera eruantur. Percunctanti deinde ubi Poliarchum & Timonidem reliquisset; negabat Gelanorus aut Timonidem aut armillam ad Poliarchum peruenisse; quem ab Rhegio profectum, in pelagi varios sinus illico tempestas compulerat.

Dimissus deinde à Regis colloquio, ad Selenissam iuit; & ubi commodum

fuit, Argenidi literas tradens cætera quoque aperuit quæ Poliarchus mandauerat; In Africâ eum esse, illîque hæsurum, donec ipsa statuisset, quid potissimum res vtriusque exigèrent. Si opus armis sit, iam non vnum se, aut priuatum, in Siciliam esse venturum. aut si quid commodius virgini succurrisset, ne parceret volenti præcipere; Fœderumque memoriam, nullâ interim pateretur absentiam deleri. Pignus autem amoris non minimum fore, si nunciet num ipse à Lycogene fideliter moneatur. Mota Argenis ad metus Poliarchi, & immeriti contumeliam patris, sanctè confirmat, nullum tale facinus profectum à parente. & penè peccare Poliarchum, quòd posset suspicari, si quid eiusmodi moliri Rex vellet, se ad ea exploranda, aut ei nuncianda, tardio rem Lycogene fore. Vbi verò Gelanorus de Poliarchi periculo egit; vt perditâ rate, inter breuia inue-

nisset salutem, ut propius quàm in naufragio inter opem prædonum periisset; illa tantam periculi speciem non ferens, simulque reticere Gelanorum, simul loqui imperans, ad omnia verba pauebat, quali non absens, aut exacta pericula audiret.

Iamque anxio Rege, armillamque, & Lycogenem, & venenum in oculis mentis habente, biduum quæstioni res fuerat; cum Arsidas atque Timonides in aulam perueniunt, de Poliarchi naufragio quæ credebant nunciaturi. Ergo & rati extinctum cum Poliarcho Gelanorum, ad viuentis conspectum expauerant; & subito à Rege accersiti sunt, ut si quid ad has Lycogenis literas haberent, audirentur. Aderat & Argenis, & cum Cleobulo Eurymedes. Illi dicere exorsi quid egissent, ante omnia pyxidem protulere, in eaque armillam, tot monstrorum materiem: Aiebant diuertisse ab Arsidâ Poliarchû, prius-

quam adueniret Timonides; & idoneis
argumētis elusi (inquit) iam vt nau-
fragum defleueramus; cū Gelanorus
spem hic nobis restituens, non viuere
modò patronum, sed valere asseruit.
Post hæc, literas Lycogenis ad Poliar-
chum iis Rex tradit: ad quas illi cū
stupere, Cleobulus altiori genio om-
nia agitans; Videamus autem, ait, an
syncera armilla sit, satísque mēdacium
refutet innoxio texto; an medicamine
infecta criminationi argumentū præ-
buerit. Dum hanc tractant, dum nexus
euoluunt, protinus notant in bysso ad
quam gemmæ filis argēteis hærebant,
disparem colori reliquo tabem exiguis
maculis passim virescere. Quâ con-
spectâ; quid istud est, inquit Cleobu-
lus, nisi venenum quod Lycogenes si-
gnificat? Sed videamus cuius crimine
hoc munus funestum sit. Nunquam
mihi coniicienti fides sit, ô Rex, nisi ad
Lycogenem, sociosque id facinus per-

tinet. Nam & Eristhenes, quem reum in carcere habes, tuo ærario Præfectus, apud se armillâ hanc habuit. Et quidni existimes, vel solertiâ suâ, vel proditi-
one tuorum, hos sciuisse id munus Po-
liarcho destinari, armillâque corruptâ,
huic vitam, aut denique tibi famam,
inuidisse nefarios? Sed deorum auspi-
cio benè cuncta cesserunt: Impij suo
scelere obruentur. Oloodemum, &
Eristhenem, quos perire maximè in-
terest, occultis quidē criminibus son-
tes habes; Sed aperto scelere, & apud
populū valituro, hætenus argui posse
non contigit. Hos id facinoris si ad-
misisse constet, nemo erit cuius suffra-
gio non damnentur. Rex Cleobulum
quæ solerter coniecerat excutere iu-
bet, & de reis habere quæstionem. Ille
omnia ab Eurymede vtiliùs perfici
posse causatus, quid agendum sit breui-
ter docet.

Nec detrectatus Eurymedes Regis

dum quod nollet confiteri. Vrgenti itaque Eurymedi, Bene est; retulit. De me quod placebit fata deliberent. Satis est gaudij quòd post Poliarchum Sicilia hostem vixi. Tum solerter Eurymedes, tanquam de re notâ agens, se se penetrabat in eorum consilia. Ad extremum, Lycogenis perfidiam obiecit; qui literis ad Poliarchum, in sui flagitij infamiam substituebat innoxium Regem; Et Eristhene fallaciam leui risu confitente, Eurymedes ad Regem ab eo digreditur; nec sine horrore quid ille sit fassus ostendit; Restare, vt Oloodemus pari indicio se damnet.

Tam fœliciter peruestigato facinore exultans Meleander, laudatum Eurymedem ad Oloodemum mittit. Sed ille præsentiori ingenio, auersatus veneficij nomen, tanquam de inaudito facinore, cùm interrogaretur, ipse plura quærebat: Cùmque Eristhenes iam flagitiũ confessus diceretur, ratus hanc

esse fallaciam, nec se credere respondit turpissimum crimen in Eristhenem cadere; nec si maximè caderet, se conscium esse. Ad extremum, expugnauit pertinaciam Eurymedes prudēti consilio: Oloodemū in arcano loco sistit; vnde Eristhenes posset audiri, quocum ipse antea ctos sermones repetere cœpit. Et Eristhenes, tanquam in pignus constantiæ, nec suum abnuebat, nec sociorum crimen; donec adeo Oloodemi patientiam vicit, vt repenti exclamaret; ô te vel simplicem, Eristhenes; vel tuorum proditorem! Stragulis deinde reiectis, communem suorum perniciem appellauit, & solum exitu dignum, quem pluribus comparauisset. Serò intellexit Eristhenes se ab Eurymede esse delusum; neque Oloodemum communis flagitij indicium fecisse. Verbis ergo quæ tempus dolorque ferebant errorem excusare parabat Oloodemo. *Sed vt sa-

tis explorata res, adhibitique idonei testes, in diuersum abstracti conduntur in carcerem, & postridie ad publicum iudicium trahuntur: ne si quaestio populo teste non habita esset, clientelis & factionibus deinde reorum tanquam parum legitima inuidiosè traducere-
tur. Sed quamquam Epeiretanis ciuibus Rex fidebat; tamen ad reorum custodiam, Prætoriani cum armis in foro locati sunt. Et ex eiusmodi loco dicenda causa erat, vnde facile si tumultus exarsisset, recipi in arcem possent, & carceri reddi. Populus in forum per præconem euocatus effusè conue-
nerat; & ille qui orare in publicis iudiciis regias causas solebat, in hunc sensum loquutus est. Scire populum quantâ ipsius charitate Rex flagret, nec Regem vicissim dubitare, quin sit illi charissimus. Itaque Eristhenem & Oloodemum, multorum in se scelerum reos, quâquam poterat suo iure dam-

nare, tamen distulisse ad publicos iudices; vt optimorum ciuium studijs potissimum vindicaretur. Audiret populus pro se dicentes, & ipsis Iudicibus suâ voce præiret quid de illis statuendum. Triginta tum Iudices de rebus capitalibus quærebant, ad quos Eristhenē & Oloodemo productis, accusator multa eorum in Regem facinora, fidem sæpè frustratam, habita cum inimicis consilia strictim explicuit. Acerbior oratio fuit, de veneno, & paratâ in Regem infamiâ. Cùmque verba, cùm testes, cùm literas protulisset, adeò Epeirctanum populum mouit, vt nihil expectato iudicio à plerisque lapidatio vrgeretur. Sed deprecatus est actor impetum vulgi, donec Iudices in suffragia iuissent. Plurimum interesse vt rei publicè dicerent. Plùs illos oratione suâ, & perculsæ conscientix notis, quàm accusantis voce laboraturos. Duplicem quoque aquam, si peterent, eis ad de-

fensionem à Rege concedi. simul his, reos prouocat ad dicendum. Sed illi (vt coniecerat) causæ inopiâ marcebant. Nec deflecti crimen poterat, nec populus conciliari. Timidè ergo pauca; & illa plùs in Regem, quàm pro se loquuti sunt. Dimisere tunc Iudices in urnam suffragia; quâ publicè effusâ, fabæ omnes atro colore noxios damnaverunt.

Rapti statim in carcerem, vt veneficij conuictos idoneo supplicio cicuta conficeret. Illic, tristi & vltimâ libertate exercuere ius, quod ita pereuntibus leges indulserant. Diras igitur dicere Regi; vltorem ciere Lycogenem; venerari Deos manes vt hostes ad peiora seruati hunc exitum sibi inuideant. Inter hæc anancæum poculum aderat; quod prior Oloodemus de carnificis manu rapiens; Age, inquit, propinquemus Meleandro. Nos quidem eximus misérias, peiùs hunc nostro fato op-

pressuri, quàm viuentes voluisse estimat. His dictis non cunctanter totum hausit. Denuo impletum cùm Eristheni porrigeretur, supercilium ille duxit, & circumspiciens, ecquis, ait, amicos meos monebit Meleádro quid debeant? Epoto veneno, ambo à carnifice monentur, vt quo faciliùs virus conciperetur venis, minoríque cruciatu occumberent, quantum carceris spatia sinebant, ambulationem vrgerent; donec tibijs grauibus sentirent iam ab imo calorem excedere. Cùm paruissent, frigentibus mox pedibus procumbunt in lectum. Illic veneni nebulis imitantibus somnum, languebant sine sensu; donec coxis iam examinatis, tanquam stimulo icti, prodidere lethalem vim ipsa intrans vitam; nec multò post extincti sunt. Vulgati mox versus celeritate Poëtarum; quorum alij vili audaciâ plùs iusto lacescebant percussos; alij tanquam adhuc

huc pœnitentiâ in integro esset extin-
ctos monebant, & de obitu iam exacto
ferò vaticinabantur. Minùs hæc car-
mina displicuerunt, quæ prolixius am-
bitionem quàm ipsos reos notabant.

*Debita funestis cecidit tibi victima fatis,
Ambitio; Nunc pone minas, satiataq; tanto
Sanguine, Sicanijs pacem concede colonis.
Heu quoties victrix nostri de cladibus
Orbis*

*Umbrarum implesti sedes; dum vertere
regna*

*Dulce tibi, & sævas terras indicere pugnas.
Prima tuos ducit per iuria fœda maniplos,
Contemptusq; deum, metasq; in limite nullo
Spes votis positura suis. Tunc impia captis
Mentibus illapse versant incendia Dira.
Non sceptro iurata fides, non fama, piusq;
Obstat; Eunt fontes, perq; ipsa pericula cæci
In peiora ruunt. O dij! Tot feruere Martem
Cadibus, & sævis fumare mapalia flam-
mis,*

In fontesq; perire animas, sexumq; minorem

(*Turpe nefas belli*) dominos perferre nocentes!

*Quid tantis petitur furijs? exolvere iusto
Colla iugo, & steriles patriæ calcare ruinas,
Insanasq; metu trepidè trāsmittere noctes.
Nam sceleri quæ tuta quies? Mala præmitti
vestræ*

*Ut primùm tetigere manus; ultricia fontes
Fata vocant, subitisque dies intercidit
umbris.*

At Rex gnarus quàm grauis immineret Lycogenes; quo die de damnatis sumebatur supplicium, Eurymedem dimisit cum modico equitatu, qui cum subito furto tentaret. Quippe Lycogenes post Eristhenem & Oloodemum captos nondum in bellum exarserat; multo quidem armatorum præsidio salutem tutatus; sed reconciliationis spem subinde subijciens; ut vel simulatione fœderum captiuos extorqueret à Rege, vel quasi implacabilem tyrannum differret maledictis. Ac ut effica-

eius crederetur bonâ fide pacem optare, Dunalbius literis monuit ut ab acerbis consilijs Regem auerteret, absolueret ille captiuos, & quicquid suspicionis aut odij erat, tranquillitati publicæ daret. Dunalbius, his se literis fidem habere dum simulat, videturque quæ erant mandata procurare apud Regem, suâ ipsius fraude Lycogenem lusit. Quippe ille fallendi spe, & amicos à vinculis recipiendi, tam lentè cunctabatur, ut interim Regi liceret suis rebus consulere. Tunc verò cum ad eum comprehendendum Rex misit, non defuerunt ex coniuratis quidam, qui aduentum Eurymedis occuparent, nunciantes de amicorum pernicie, ipsiusque periculo. Cœnæ tunc tempus erat, & conuiuium militaribus viris frequens. Ad quos ita Lycogenes; Ne frustra conuenisse vos putetis, Commilitones, Sepulchralem hæc cœnam Eristheni, & Oloodemo edidimus.

Meleandri crudelitate perempti sunt; & nisi quid opis in vobis est, eâdem tempestate corripior. En tyranni satellites, penè pro foribus, quibus mea perniciës mandata est. Quæ fors inde vos maneat, quæ optimos ciues, neminem reor ambigere. Cùm principum cædes eâ audaciâ faciat, an modestiùs de cæteris decreturum conijcias? Non vos ad salutem meam sollicito, Commilitones, nisi cum vestrà creditis esse coniunctam. Simul his de strato exilijt. Cæteri proiectis quoque mensis ad arma discurrerunt. Omnis domus sedulitate tot militum sibi simul ducique timentium, feruebat. Missi quidam qui ex vicinis locis ampliorem manum accirent. Multi, duce Menocrito, lecti, qui obuiam irent Eurymedi; positisque in commodâ valle insidijs, incautum, & itinere fessum exciperent. Sed confusa dimicatio fuit; quia priusquam delitesceret ad insidias miles, Euryme-

des venit & ipse imparatus ad certamen. Viriliter tamen vtrunque pugnatum est: frendente præcipuè Eurymede, capi admonitum Lycogenem non posse. Caterùm quamquam & in hostico & viribus impar; (nam Lycogenes strepitu pugnantium ad se illato suos omnes promouit in aciem) confessâ tamen fugâ non dilabi sustinuit: Et sensim recedentem non sequutus est Lycogenis miles: Seu fraudem ab hoste, seu iam mistum tenebris cœlum pertinuit.

Periere non multi, nocturno discrimine: Sed vicisse videbatur Lycogenes, qui suorum impetu lætus, amicos vndique accersit: præparata concurrentibus arma distribuit: vnóque exemplo scribit ciuitatum concilijs: vt se publicæ authorem libertatis velint adiutum. Nec tardè deficiebant ab optimo Rege illi ipsi qui sub eius mansuetudine creuerant: Documentum mortalibus.

quantumuis egregiam in Rege virtutem, nisi fortitudinis opinio accedat, posse contemni: nec fideliùs vllos Principes amari à Populis, quàm qui timeri meruerint. Triste mortalibus spectaculum exhibebat Sicilia. Pulsa religio; iura neglecta. Infidæ euntibus viæ; domus, vicique passim, rapinis, furore, incendio afflicti; Sola denique castra in squalentibus campis fulgentia. Nec populus primo furore sentiebat, grauiora se pati sub grege tyrannorum, quàm quæ tanquam à Meleandro illata vindicari voluerat; Proditor sui, & proditionis merces. Multos tamen ille fluctus non abstulit. Quatuor præter Epeircten vrbes reuerentia maiestatis continuit; Messanam, Panormum, Catanam, & in vmbilico insulæ Ennam.

Iámque Lycogenes iura regni & insignia vsurpans, soli nomini parcebat. Solium, cùm accumberet mēse; vestis

purpurea in castris, & vbique fida ad
latus. Blandus immodicè, aut feuerus,
vt teneret terretve contumaces. Nec
segnior ad res suas Meleander subitis
delectibus multum militum effecit.
Epeircte commeatu & munimentis in-
structissima, in arcem belli delecta est.
Ex regiis triremibus quotquot in offi-
cio manserant, in illum portum dedu-
ctæ. Ipse & propriâ indole, & tunc
anxiis rebus, erat in deorum curam in-
tentior. Et quoniam rebellionis nefas
instar morbi peruagabatur Siciliam,
tanquam plûs fatiatque amētia quàm
sceleris esset, publicè clauum fixit. Ita
sperabat posse componi mentes quas
furor rapuerat. Etiam ne in suos milites
labes inserperet, placuit lustrari exer-
citum. Iuit ergo ad castrorum princi-
pia (nam sub Epeirctes radicibus mili-
tes tendebant) & inde cum Tribunis
ducibusque, & deorum simulachris,
processit ad campum in quo facturus

Sacerdos instruebat altaria. Omnis in armis, & sub signis exercitus, sibi ad rem diuinam coronas texuerat. Hastæ quoque, & iacula, circumactis frondibus induebantur. Interim hostiæ omni cultu mactatæ, taurus, hircus, & aries inter legitimas preces ter à ministris altè præcinctis circumactæ exercitui, ad aras sistuntur. Tum rex & in orbem ipse se egit, deos appellaturus; Adessent melioribus partibus, & si qui hæctenus non fauissent, ritè propitiati ad se transirent. Incolumis esset exercitus. Vires, animus, consilium, hosti exciderent. Quòd si ope, salute, victoriâ iuuissent, tum se Ioui Seruatori, Martique, & Mineruæ, & Cœlipotentibus dijs, quotquot bellum aut pacem curant, templum de aduersariorum manubijs extructurum. Annuos etiam ludos fore, in quorum præmiis hæc in Siciliam deorum beneficia cælarentur. Inter hæc vota hostiæ cadunt; sibiisque

spirantibus aruspex admotus est. Is cum integerrimum iecur, sed crassioribus membranis pertinaciter obductum inspiceret; extra quidem esse bona asseruit, & ijs magnam fœlicitatem portendi, sed lentam, & quæ labore constaret. Post hæc, milites gestu inani, & hastis ex arte aliquoties quassatis, tanquam ad hostem præsentem succlamantes, edidere simulachrum coëuntis certaminis, & innoxie velitati in castra redierunt.

Sed Meleander quod superfuit lucis, haud multum dispari curæ dedit. Quidam enim ex Assyriâ hospes, specie quærendæ in diuersis gentibus sapientiæ errabat, reuerâ vt suam iactaret. Is tunc in Siciliâ erat, & in Mathematicorum coelo versatus, vendebat suæ artis ludibria; si quis ex syderibus quæ nascenti affuerant, volebat de fortunâ, quæ viuenti, quæ morituro debebatur, vanissimâ credulitate cognoscere. Nô-

dum erat capitale in ipsos Principes
quærere ex cuiusmodi syderum fide.
Cum is ergo laudaret vix imparem
diis scientiam; & de successu apud
multos mentiretur; quoties fœlicita-
tem aut mala non frustra promississet,
quàm multi nec risissent impune hæc
fata, nec frustra timuissent; accidit vt
ad Archombrotum fama illius perua-
deret; Ad quem accitus, cum prolixè
eandem cœlestis influxus vim com-
mendaret; iuuenem amantemque sic
perpulit, vt de cupiditatum suarum
exitu eam artem interrogari vellet.
Chaldæus, quicquid sydera portende-
rent, se cum fide renunciaturum pro-
misit. Sed cur priuatæ duntaxat fortu-
næ mortales sollicitant, (inquit) hanc
venturi scientiam? Quidni & imperat
Meleander, inspecto cœlorum ordine
deprehendi, suisne an hostium fatis
pugnetur? Mouit ea oratio Archom-
brotum; per quem & Rex in spem

plusquam oraculi Chaldaum acciuit.
Is mercedis spe plenus; iamque melius
sibi quam Regi, ex ea negotiatione
auguratus, venit ad Regiam; Rogatus-
que quâ disciplinâ, quove numine,
oculos posset in futurarum rerum cali-
ginem mittere; sic incepit. Non ille
nos spiritus ad vaticinium (ô Rex) agit,
quem fatidici de hiatibus terræ eli-
ciunt ad turbanda diuinitatis stimulis
ingenia. Sed neque de more illorum,
confusis dubiis que oraculis sciscitantes
frustramur. Vnam cœli vim, vnos sy-
derum cursus scrutari, nostræ genti est
studium. Primi deprehendimus metas
Solis; primi liquidas, nec vestigiis no-
tabiles, cœlestium facum vias, nomi-
nibus mensuris que distinximus; con-
templatione liberâ in sudo aëre, & ne-
bulis non infesto. Assyriis enim rarò
pruinæ, aut squalentes nubibus venti,
cœlum eripiunt. Dum in ea contem-
platione hæremus, experimento nobis

compertum est, hæc humana ad astro-
rum motus regi; nec alias esse Parcas
quæ nascentibus fata disponât. Quip-
pe ex eorum inter se commercio si vni-
uersa tellus accipit vices, & ad vberta-
tem, aut frugum internecionem adi-
gitur; si annos, si sæcula, vis illa definit;
quid miremur singula mortalium cor-
pûscula, inde vitam, cupiditates, læta,
& tristia sortiri? Liceat modò scire mo-
mentum quo te peperit mater. Effin-
gam ego in tabulâ cœli imaginem, &
quotquot syderibus facimus domos;
Ea in illis constituam quas cùm nasce-
reris obtinuerunt. Iupiter, Sólque, &
Venus, optimi planetarum; deterri-
mûsque cum Marte Saturnus; Mercu-
riûsque & Luna, varij ex sorte locorum
quos insidunt. Cuius illorum regnum
fuerit cùm in Orbem intraisti, quo
gradu, quo aspectu, illum cæteri tem-
perarint, vel vrserint. Illic ego, ne du-
bita, quicquid de te decretû est legam.

Fiducia orantis, & promissi magnitudo, tetigerat Meleandrum. maiestas præterea artis, & tanquam ex abdito formulæ audientibus ignotæ, venerationem addiderant. Sed dum omnes laudibus fremunt, Nicopompus (nam tunc fortè inter paucissimos aderat) intentus in Chaldaum, risu severo: Euge mi homo, inquit; Occupasti decorum imperium. Scribe spei timorisque improbas leges, & si qui hîc decipi amant, impone lubentibus. Impetus Meleandri, cæterorumque, ad hæc verba substiterat. Auidè ergo quærere omnes, quid diceret, sentiretve Nicopompus, ipsūne Chaldaum, an artem illius incesset maledictis. Præcipuè Meleander sciscitari, cur hospiti inclementer diceret. At ille, quidni hunc veteratorem iurgio premam? (ô Rex) qui in te sibi plus iuris facit, quàm ea ipsa quæ mendacio præfert sydera habeant? Quicquid enim mentiri volue-

refero. Sed cesso hominem adoriri;
quando hanc pugnam tum silentium
tuum, Rex, tum ipsius in me obtutus
efflagitat?

Ais ex astrorum positurâ, Mathema-
tice, ex ordine, ex vi quâ influunt sub-
euntibus lucem infantibus, vitæ atque
interitûs rationem disponi; Sed fateris
eâ vertigine rapi cœlum, vt paruo mo-
mento syderum status mutetur. Si igitur
celeritas quantam ægrè cogitatione
conceperis cœlestia corpora auehit; ex
statione porrò diuersâ, minæ eorum
aut promissa inflectuntur; cui homi-
num sua fata certò retuleris, cùm incer-
tum sit quo syderum temperamento
productus sit? Nisi credis hanc esse
obstetricibus curam, vt continuò sola-
ria consulant, notent districtè diei ar-
ticulum, & nascenti suas stellas tan-
quam patrimonium seruent. Quoties
matrum pericula curam hanc circum-
stantibus adimunt? quoties nemo est

quem superstitione illa tangat? Finge tamen esse continuò qui id curent: At si diu nascitur puer: si, ut sæpè fit, manum exertam, aut capitis partem, reliquum corpus non sequitur: quænam astrorum collocatio fatalis illi erit? An quæ astitit exeunti capiti; an quæ denique productum afflauit? Præterea cùm frequenter exerrent solaria; & pleræque machinarum quæ horas designant, ex siccitate aut humiditate aëris amittant tenorem; Vnde habebis verum illud fuisse, & ex mensurâ cœli tempus, quod in ortu infantium homines curiosi, aut amici, notauerint?

Finge tamen in eo non errari; deprehendas utique stellas quo situ, quo vigore fuerint, cùm illi in quos inquiris nascerentur. At vnde tantum syderibus in corpora nostra, imò in mentes imperium? Ex iis scilicet expectabo foelicitatem, ex iis vitæ genus, & mortis arbitrium? Num ergo qui prælium subeunt,

subeunt, simulque extinguuntur, omnes sub eodem cœli ordine erant nati? Num si navis peritura est, nullos vectores accipiet, nisi quos nascētes astra naufragio damnauerint? Imò sub sidere omni producti, coeunt in aciem, nauigium onerant, & dispares ortus vnâ morte coniungunt: Rursusque non quotquot eodem nexu astrorum lucem aspiciunt, vno fato aut viuunt aut pereunt. Regem hîc vides. An omnibus illius æqualibus putas Regnû contigisse: vel aliquas saltem opes, quæ indices essent beatæ & opulentæ collocationis astrorû? imò, an omnes superesse ad hunc diem? Ecce Cleobulum; ecce te. An qui cum illo nati sunt, cum illo quoque sapiunt, Regibusque sunt accepti; aut qui tecum, omnes (ne quid grauius dicam) Mathematici sunt? Quid autem cum in prædonem quis incidit? Fatale erat, inquis, vt hunc prædo obtruncaret.

Num ergo eadem astra, quæ viatorem, dum nasceretur, ferro prædonis mancipabant, ipsi quoque prædoni, diu fortasse antea nato, mentem vînque dederunt, vt aliquando hunc vellet, & posset occidere? Certè enim non minùs dicitis ex astris fieri vt hic interficiat, quàm vt iste maëtetur. Cùm quis verò ædificij ruinâ obruitur; an quia erat in astris, vt eum sua domus sepeliret, afflictus est murus? Imò mehercules quia afflictus est murus, hunc subiectum moles oppressit. Eadem de dignitatibus ratio, ad quas per suffragia ascenditur. An enim sydera quæ alicui nascenti adfuerunt, & (vt vultis) promiserunt dignitatem; aliis mortalibus potuerunt imperasse, qui sub iis nati non sunt; & ex quorum tamen suffragiis destinatæ dignitatis constat effectus?

Hanc ego vanitatem ineptiâ & stoliditate præcipuam dicerem, nisi supra

hæc nomina peccaret. Pessimæ superstitionis ingenium est. Quò libertas enim mortalium, si à præscripto syderum non possunt recedere? Curem ego valetudinem, me honores sollicitent; vitia abijcere cogitem; animum ad virtutes appellere; si nascenti dictum est quid me esse oporteat? Iacturam humanæ libertatis deploro? Etiam deorum munus perit. Amplius thura non perdo. Deos nec timeo, nec ambio; si non possunt, aut nolunt, quod de me est statutum inflectere. At pro nascituris liberis scilicet orabimus, ut propitia astra habeant. Dicam quod ego in Merganiâ vidi. Quendam hæc superstitio afflauerat; ut nec vxoris cubiculum intraret, nisi exploratis antea astris. Si aut cauda draconis implicabat sydera, aut ea Scorpius incinctu brachiorum corrumpebat; vel omnino quid monstri minabatur in cœlis, solus oppido dormiebat. Quid quæ-

ris: nati sunt ei liberi aliquot, & omnes infani.

Dum Meleander, cæterique infœlicem Mergani curam rident; Chaldaus, quanquam insperatissimâ accusatione turbatus, collegit animum, similisque eam rixam contemnenti; Nihil detrahi Diis dixit, quorum iussu hæc ipsa vis quam prædicabat inesset syderibus; quique adeò non se abdicarunt potestate, ut res supersint innumeræ quibus se vel propitios vel vindices prodant. Non denique adeò Mathematicos delirare, ut omnibus qui cum Rege nati sunt deberi regnum putent. Ad venturi præsagia multarum quoque rerum præter astra habendam rationem; in quibus præcipua sunt, sæculi genius, stirpisque conditio. Cæterùm si quis neget aliquid cælum in hominibus posse, dignum esse cum ceritis piari; Cùm omnibus constet aërem ex cœli condicione vel.

turbatum vel placidum, se ipsum innuare in mortalium corpora, ex quorum deinde afflatu inclusi animi inspiratos affectus accipiunt. Ita modestiora loquentem interfatus Nicopompus; Nec omnia, inquit, Mathematicæ, negamus syderibus. Incitari hominem ad segniciem, laborémve; callidam indolem, aut ingenuæ simplicitatis nancisci; esse hilarem, aut ad iracundam solitudinem declinare; in vicia denique, aut virtutes, aliquo pondere & impetu ferri; Hæc non nego ex cœli in ista terrena imperio esse. Itaque non multum repugnem; si conijcias eos qui ex mitibus astris hauscerunt lenitatem, victuros fortunâ ab iis dispari quos grauiâ & turbulenta sydera in feruidiora studia agunt; Vel quibus placidum cœlum hilaritatem infuderit, gratiori consuetudine placituros, quàm homines receptum Saturnum acri & molestâ solitudine con-

replantantes. Eiusmodi non certæ quidem artis, sed egregiæ prudentiæ præcepta non carpo. Alia sunt quæ me tibi committunt; & hæc præcipuè quatuor. Primùm quòd sydera, contrà quàm sentis, impellere credo, non cogere, ad rectas cupiditates aut impias. Tum ex syderum, vel cupiditatum cōtemplatione prænunciari certò non posse, quid hominem in vitâ maneat, vel quem finem dii statuerint. Tertiò, non satis intelligi quæ astra hos infantibus affectus ingenerent. Res denique liberas, res fortuitas; huic necessitati syderum vel ineptè vel impiè dari.

De iis vbertim dicerem: Sed video te fatigatum (Rex) ad Cleobulum respicere; à quo fateor, vtiliora super bello, quàm à me, vel Mathematico, accipies. Imò, inquit Rex; sed strictim de his ediffere. Tum ille; Non nos cogi syderibus vel hinc constat, quòd haud pauci impetum ab iis concitatum ra-

rione domitamus ; & nullâ re magis
 nostrû genus à belluis discrepat , quàm
 hoc libertatis priuilegio ; quæ sollicita-
 ri subiectis & flagrantibus motibus ,
 sed ad vitia aut virtutem adigî inuita
 non potest. Hinc in Philosophorum
 scholis nihil vulgarius , quàm sapientis
 animû , expertem seruitutis , ipsis quo-
 que imperare syderibus ; Hinc & quo-
 tidiana eorum præconia , qui sciunt
 moderari iracundiæ , amoris , cæterisque
 torrentibus , quibus hæc astra in ani-
 mos nostros inundant. Quorû omni-
 no nihil esset , nisi accepta astrorum
 imperia mens nostra fastidire aut re-
 cusare posset. Præterea vt Sol omnia
 quæ luce eâdem & iisdem radijs corrip-
 pit , non iisdem effectibus damnat
 (nam fouebit alia semina , alia eneca-
 bit ; vrentur exiliores herbæ , & defen-
 det alias crassior succus :) Ita cùm tot
 infantium qui nascuntur velut ager
 diuersissimis modis præparatus sit , ex

variâ parentum indole, valetudine, habitu; vna illa vis quæ è cœlo in plures simul manabit, non poterit idem in omnes: Si consentientem sibi infantis indolem inueniet, in eâ regnabit; si repugnantem, vix aliud quàm corriget; Adeò vt de infantis moribus vitæque dicturus, non inspicere modò cœlum debeas, sed parentes, sed fortunam, quæ grauidæ matri fuit, sed diuersa alia, & plerumque tibi ignota. Et ex his quidem secundæ quam posuimus quæstionis ratio ipsa se aperit; ex astris scilicet non statui certò posse, quid acturi passurive mortales sint. Nam cum moderari possimus ingeneratis affectibus, quidni & ea declinare quæ illi affectus peperissent si fuissetus obnoxij? Cùmque ex variis causis nunc leuius, nunc grauius nascentis hominis animo incidat illa prementis cœli conditio; cur vno effectu in omnes valiturum existimes, quod non in omnes

eâdem potestate inualuit?

Addebam, nec deprehendi satis posse quænam sit connexio vel auersio syderum, quæ infantibus semina venturarum cupiditatum ingenerat. Vos eam spectatis, quæ superstat nascenti. Quidni & illam quæ fuit cùm animaretur fœtus in utero? quidni cæteras sub quibus tenerum corpus, & adhuc anima sui ignara, in aluo maternâ instruebatur ad viuendi patientiam? Equidem ex eorum syderum conditione, non minùs quàm ex ipsis natalibus, pendere infantem existimem.

Quod vltimum asserui, res liberas aut fortuitas huic syderum potestati sine sacrilegio non addici, vrgerem vehementiùs; nisi timerem prolixitatis meæ odio tibi Regem conciliare. Dicam tamen & vos id velle, & sine scelere aut amentia velle non posse. Quid liberius quàm vxorem ducere; hoc vel illud vitæ genus insistere? Aut quid

magis fortuitum, quàm vt homo pereat ferro, aquis solvatur, inimicitias suscipiat, certo vitæ anno ægrotet; principibus charus, dignitate vel contumeliâ insignis sit? De his tamen respondere, Mathematici, soletis. hîc audacia, hîc præda est vestra. Nuper furtum à seruo erat factum; fugerat ille, & à domino quærebatur. Nihil magis fortuitum, quàm vt caperetur, aut abiret incolumis. Contigit ergo vt sospes cuaderet; & continuò de vestris vnus mystis, ratus de præteritis augur, retulit nobis, inultum latronem aufugisse; quia intercesserat Luna Mercurio, scilicet furum patrono, eúmque contexerat. Ægrè mihi persuasit se seriò hanc fabulam nobis afferre. Non in deùm ergo curâ, non in domini diligentia, aut furis ipsius solertia fuit, vt ille caperetur, aut tutò lateret: sed hoc totum ex astrorum imperio factum. à quibus si hæc humana sic

aguntur, frustra negotijs quisque nostris operam curamve impendimus. Fient enim vel cessantibus nobis quæ ipsa præscripsere; & quæcunque veterint, nullâ nostrâ industriâ procedent. Vt cætera verò præteream, quibus ista refellatur quam dijs naturæque infertis iniuria; Quæro, Chaldæe, utrū illa vis quæ fœlicem nascenti putâ infanti vitam portendit, aut violentæ mortis casum, in trigesimum fortè, aut ampliùs, vitæ annum cōstituit; vtrum inquam illa vis quæ hos casus, illamque motura fortunam est, duret in cœlo; & destinatum tempus expectet, quo terris illabens, cogat in necessarios effectus necessaria instrumenta; An verò inseratur ipsi infanti; vt veluti fota, & paulatim coalescens, iusso tempore erumpat, impleâtque quod astra mandauerint. Si dicis in cœlo perstare; manifestò es impudens. Nam cū fortuna infantis, constet (vt vultis) ex

modo quo astra, dum is nasceretur, inter se erant nexa; postquam eum modum in cœlo deleuerit eorundem syderum cursus, aliúmque effecerit, fortè priori contrarium; quâ in arcâ, vel penu cœlesti, recondetur prior illa vis, quæ post multos demum annos exerenda est, & in scenam mittenda? Sin putatis adhærere ipsi infanti hoc fatum, quod in virum deinde valeat; adhuc peius nugamini. Scilicet in naufrago causa est, cur venti se tollant, cur sui oblitus gubernator infigat vadis proram; aut colonus causa est belli quod eum pauperat; vel mitioris cœli quo fruges abundant? & quos excidentium terrarum labes absorbet, solidos illos naturæ sinus frangunt fati sui violentiâ, vt destinato à syderibus obitu defungantur? Plura in perniciosissimam amentiam non dico, quæ deos, hominésque vnâ captiuitate damnat, quæ ratione destituta, vanis que succes-

sibus sæpè elusa, tamen inanes, ac interdum sceleratas spes, subiicit consultorum animis; aut inutili metu suspendit incautos.

Iactant tamen quædam suorum oracula, quibus euentus responderit. Ex ijs conciliare fidem, tanquam non spernendæ arti volunt. Primum quidem, si quæ talia extiterunt, nego necessitate fatorum contigisse, altrisve cogentibus. Faciliùs crediderim aliquod esse numen quod in vindictam impiæ credulitatis nonnunquam repræsentet mortalibus ea ipsa quæ sibi non à diis sed syderibus metuerunt. Deinde vt insomnia, quamquam sine arte vel duce oberrantia, tamen interdum fortuitas rerum venturarum species referunt: Et cæcus si vim lapidum spargit, aliquando imprudens tangit metam; Sic dum multùm & passim Chaldæe mentimini, nihil mirum si nonnunquam fortuna vestram auda-

ciam commendat; & miramini vos vera dixisse. Etiam pauca responsa quæ vulgò celebrantur, vanitatem artis proscribunt. Nam quod luculentius signum non solere vobiscum veritatem; quàm instar prodigij iactari si in illam interdum vester ludus incurreret? Sed nec tantum tribuo famæ, vt quod de vaticiniis vestris memorat utique credam. Prodigia cùm narrantur excipi solent fauore mirantium; & quamquam non ad verum exacta sint, postquam semel Scriptorem inuenerunt, pluribus placent, veneratione crescunt, vetustate commendantur. In hunc modum fabulas vestras inualuisse existimem; Nisi dicas impiæ arti accessisse nefandorum geniorum commercia. Hi enim transacta inter homines, secretaque accuratè explorant, & sagaciter de futuro coniiciunt. Vestros ergo Chaldæos, si in pudendam eorum familiaritatem acciti fuerunt; nihil mi-

rum suggerentibus ipsis atque monstrantibus quæ supra mortalium ingenium erant, interdum claruisse. Nimis moror. Si quæ Sicilia ventura sunt nosti; quidni, Mathematicæ, & tuæ ipsius fata perspicias? Cur nescisti me tibi hodie grauem fore? Cur non in experimentum artis monuisti adesse qui te turbaret? Denique si potes explorare, an Rex de hostibus triumphaturus sit; illud primum explora, an sit tibi crediturus. Tibi autem tantus Rex crediturus summis in rebus, eaque ex arte quæ vel si de leuibus ac quotidianis prædicere audet, inani euentu in omnium risus solet incurrere? Nam ferenos aut nubilos dies, vim imbrium, turbines, ventos, dispensari generi humano ex astrorum inter se commercio vos quoque proclamatis, & nos partim agnoscimus. Adeo tamen frequenter erratis, cum ex inspectione syderum aut solem promittitis, aut pluuias; ut in

prouerbiū abierit uestra illa ludendi
singendique licentia. Tu ipse cœlum
explora: Sequere lunæ cursus; bella vel
fœdera cœlestium ignium confer in ta-
bular. Inde, si potes, destina sudos dies,
fœdos ostende. Si non erras, si te euen-
tus non arguet, ego me tuæ arti quam
laceſso dedi ad pœnam non recuso.
Neque tamen in aërem, in nubes, in se-
renum, minùs sydera posse dices, quàm
in corpora fortunâsque mortalium.
Cùm tu igitur illa ignores, cur te ista
existinemus prænoscere? Scies nem-
pe ex astris quò cessura sint bella, &
quæ fors Siculas mentes actura sit;
nescies autem quando hortulo tuo im-
brem, quando pecori solem eadem
astra annuerint? Imò fatendum ex hac
ignoratione tempestatum, vel quid
velint ac iubeant sydera vos nescire;
Vel esse præterea vim aliam quam ne-
scitis, quæ ut lubet hæc syderum de-
creta atque imperia antiquet.

Quòd

Quòd si de publicis regiisq; negotiis, adeò facilis tibi notitia; priuatam rem tuam cur eadem scientiâ non protinus auges? cur prauis rerum euentibus molesta omnia non declinas, felicitatem non sequeris? Cùm in Phrygiâ essem, erat anus quæstiosa diuinationibus. Accidit vt in opulenti ciuis domo intercideret furtò paropsis preciosa. Is cui supellex credebatur, amico comite ad hanc vatem cum nummis pergebat, iam furem se tenere, iam recipere paropsidem, spe oppidò vanâ præcipiens. Mane erat; & cùm isti aduentarent primùm anus fores soluebat, quæ tunc fortè iniecto sterquilinio altissimè sordebant. Nescio quis vicinus per illam furtim iniuriam illuserat mulierculæ. Substitit ergo irata; &, si scirem quis ganeo, inquit, ad hanc insolentiam tenebris vsus sit, regererem, per Apollinem, regererem in os impurum quicquid meis liminibus sordium de-

dit. His auditis qui consultum veniebat inspexit in socium; &, quid pecuniam, inquit, profundimus? Scilicet anus sciet quis nos prædo vexauerit, quæ rerum suarum ignara, & stercore penè in os ingesto, adhuc nescit cui irasci oporteat? Nec segniùs quàm venerat, discessit à Sibylla. Rem epigrammate vulgavit nescio quis Poëta, quod adhuc hæret memoriæ, & quia brevis est, si placet recitabo.

*O fors, sydera, Pythij recessus,
 Et fatibenè præsciæ volucres,
 Vos sauis anus en verenda rugis,
 Vos illo vocat efferata cultu,
 Quo lunam quatit Æmonis rubentem.
 Quid Rex cogitet, aut dei minentur,
 Quid sub pectore delitefcats omni,
 Novit scilicet, indicâtque nummo.
 Vnum dicite quod misella nescit;
 Ecquis stercore limen omne pavit?
 Quæ nunc auguria, ô potens Apollo,
 Quæ lux, quæ via, ducet ad nocentem?*

*Frustra sollicitas, Sibylla, diuos,
Sortes, sydera, Pythios recessus,
Et fati benè præscias volucres.
Nam Phœbus pater, ô verenda Phœbas,
Hæc oracula naribus reliquit.*

Plura dicturum Nicopompum Rex
Cleobulo innixus destituit. Reliqui
inter iocos sequuti sunt. Sed Cleobu-
lus Regem monebat, quamquam va-
num hospitem, tamen periculosum,
non per iniuriam dimitti debere. Fa-
cile esse ut læsus perniciofa astra fin-
gat; Non ægrè superstitionibus mili-
tem laboraturum. Ergo iam mœstum
vocant, aguntque promissæ operæ gra-
tias. Sed ne cā vterentur, obitare tunc
tempora. Neque enim videri ex Regis
maiestate, ut tanquam victoriæ incer-
tus anxie ad sui natalis fata respiciat.
Tamen oblata benevolentia præmiū
fore. Nec morati, medium præstigiato-
ri talentum, redimendæ quam time-
bant iniuriæ, mittunt. Inde ad grauio-

ra conuerſi ſunt : nouis ſubinde nunciis de Lycogenis apparatu haud læta ferentibus. Nam in exercitu Regis non ampliùs decem millia iuſtæ armaturæ pedites erant. Duo millia numerus equitum impleuerat. Funditores & ſagittarij ter mille & quingenti dicebantur. Triginta falcati curruſ erant. Decem naues cataphractæ : aliorum nauigiorum ad bellicos uſus numerus duplex. Hyperephanij nullo publico cōſilio deſecerunt ; ſed ut cuiuſque ferebant ſtudia , hi cum Rege , alij apud hoſtem militauere. Sed in Lycogenem rerum hominũque maiorem vim tempeſtas contulerat. Recenſitos haud procul Syracuſis ſub Præfectis diſtribuit. Triginta peditum millia , equitũque ſex , nomina dederant. Et ne omẽ deeſſet , qui primus deſcriptus eſt , Nikon appellabatur ; quod ſuperſtitio vulgi quaſi rem fortuitam , in auſpiciũ accepit. Certus erat Lycogenes , non ſe

diutius imperaturum quàm illi infanirent. Dum res ergo feruebat, totius exercitus mole in Regem contendit. Rex contrà promouit ad ignobilem riuum, qui humo per torrentes direptâ sub altioribus ripis fluebat. Infidum circâ solum faciebat perceptus venis humor, & aqua quæ extra alueum non pridem stagnauerat. Eo obice sustinere Lycogenem vel pauciores potuissent; Et strenuè ille aderat; conatûmque circuire iniquitatem loci, quacunque transitum parabat, obiecti à Rege milites prohibebât. At ille ne interim non tempore vteretur, Anaximádrum ex sorore nepotem, & fratrem Oloodemi Menocritum, qui Ennam, qui Catanam obsiderent, cum aliquot cohortibus misit. Ex suis autem castris, & regiis, multi assiduâ velitatione collati variam in dies fortunam ad suos referebant. Nihil tamen summæ rerum decebat inter illa priuatorum certamina.

Quis putet in tam horridis motibus, & sub ipso discriminis ictu, aliarum rerum affectus durare potuisse? Atqui vehementius Archombrotum, atque Argenidem curæ secretæ, quàm quæ palam videbantur, premebant. Illa in Poliarchi virtutibus tota, conficiebat macie corpus, animi viribus inter solitarios fletus consumptis; prædicabaturque confestim reuocandum veterem Lycogenis hostem, & assuetum de eo triumphare. At diuersa agitabant Archombrotum. Inquietatus miserrimæ spei incertæ dulcedine, nunc bellum deuouebat, quòd inter castrensia non promoueret de amore profitendo consilia; nunc gaudebat prodendæ fortitudinis copiam factam; & utrâque de causâ in hostem concitabatur. Sæpè tamen seipse incusabat, quòd solus adesset tanto Meleandri Argenidisque discrimini. Debuisse scilicet comparari exercitum, & magnitudine benefi-

cij, simul amorem, simul natalium decus ostendi. Et hercule nihil horum neglexisset. Sed res temporis multi erat, hunc Siciliae statum, nunciare in patriam, cogi inde milites, traduci exercitum: Præceps verò imminabat à Lycogene periculum, neque tam lenta expectaturum auxilia. Neque leuior de Poliarcho cura erat, quem vbique fauciæ menti insana æmulatio referebat; & hunc quidem dissimulato odio ita eleuabat apud Regem, vt videretur sibi ipsi nil agere. Ergo in contumaciam trahebat, quòd Poliarchus cùm mitteret Lycogenis epistolam, nihil literarum ad Regem dedisset. Sui, Regisque fuisse oblitum, in illâ siue negligentia siue superbiâ; Nec facturum ex maiestate Regem, si scriberet prior. Sic malignis, & quotidianis verborum insidijs paulatim assuescebant Regis aures; eò facilius quòd nihil esse Archombroto dissidij cum Poliarcho suspi-

batur. Gelanorum quoque non latuit aliud Archombroto animi esse quàm quod Poliarchus discedens reliquerat. Sed quòd videret in aulâ gratiosum, faciliè id supercilium in fortunam retulerat; quæ priores necessitudines tantquam præsentì fastigio indignas, aut graues, sæpè timet agnoscere. Interim patroni familiam, (hanc enim à curatoribus Rege iubente receperat) sic admonitu Argenidis instruxit, vt omnes propediem cum conijcerent esse venturum.

Cæterùm properabat redire in Africam, diùque ociosâ dilatione frustratus est. Tandem ex Archombroti sermonibus institutus Rex, indonatum, ac nec saltem blandiùs habitum, iubet renunciare Poliarcho; Regem se, non veneficum esse; Oloodemi, & Eristhenis exitium peregissee suam causam. Nec se faciliùs inuenire cur ad se non scripserit Poliarchus, quàm cur scri-

pſcrit ad Poliarchum Lycogenes. Gelanorus inexpectatâ acerbitate motus, vix tenuit iram. Memor tamen Regi ſe loqui, nec plûs ſibi in expedito eſſe verba, quàm illi ultionem, haud aliud retulit, quàm non modò ſcripturum Poliarchum, ſed impigrè adfuturum; vt ſi quid errauerat, diſcuti poſſet. His verbis Meleandrum, iam ſpontè omnia metuentem, in diuerſas cogitationes diripiens, reliquit; nunciauitque Argenidi, quàm inclementer Rex dixiſſet Poliarcho. At illa, vix lacrymis temperans; Nihil dii reliquum fecerunt, Gelanore, quo mihi & Poliarcho noceretur. Diuiſi, ideóque, miſeriri, alter alterius dolore conſicimur. Accedit ab Lycogene de regno mihi periculum, quoniam ei chara ſum, ipſi quoque triſtiſſimum. Quid proderit eum ſuperfluâ ægritudine onerari, vt & patris in ſemei iram intelligat? quem vt opinor non mala mens, ſed calami-

ras mutauit. Si me fas est aliquid exorare; da mihi, illique, Gelanore, ut ipse hoc nesciat. Ego curabo ut delicti poenitentiam agat pater, ametque Poliar-
chum. Et silentij præmium erit quicquid tua conditio potest agnoscere. Frustra autem speraueris, si de istâ re patrono indicium feceris, clam me futurum. Ut spondeat tutum fore secretum; at si illum mihi fata reddiderint, expugnabo taciturnitatis fidem, sciamque quàm multùm fefelleris. Apud eum quid valeam nemo meliùs teipso intelligit. Confirmante Gelanoro, se Argenidi pariturum, ipsa literas ad Poliarchum tradit. Iis vehementer petebat, ut quàm ocysimè in Siciliam traiceret. Si vinci Lycogenem fatum erat, ab eo potissimùm vinceretur. Sin dij parabant tristiora, regeret fugientes. Cumulatum deinde muneribus dimittit ad nauem.

Iam secundus mensis erat, ex quo

Ennam fatigabat obsidio; Defecerant alimenta, nec spes erat à Rege auxilij. Igitur consumptis omnibus præter fidem, legatos ad Lycogenem de deditione mittunt. Exhilaratus ille, quòd victoriæ simulque clementiæ exemplum hinc quæreret; Nihil se optare respondit, nisi ut fœlices esse vellent. Ad hoc tantum vim adhibuisse. Redirent ad Siciliæ corpus, cuius in Meleandrum consensui imprudentes obstiterant. Sed multi petiere ut tutò liceret ad regia castra concedere. Quo permissio, plus pavoris militibus Meleandri, quàm auxilij fuit; Cùm isti Ennæ misérias, & obsidentium robur, in traditæ urbis excusationem augerent. Domitâ Ennâ licentiùs exultare Lycogenes, aditusque multiplici ratione tētare, quibus riuum, & paludes à Rege incessas superaret; Diffususque Meleander obtineri diutiùs locum posse, primâ vigiliâ totis castris ignes accen-

dit, ne hostis intelligeret deferi stationem; nec signo tubâ dato, militem reducit ad campum qui Epeirctæ subiacebat. Insequutus posterâ die Lycogenes triumphantes copias effudit totis campis, terribili specie, militumque fiducia in barbaros clamores parum ciuiler elata.

Et Rex quidem tot curis insomnis, nunc prælio optabat decernere; nunc se vrbs munimento tueri; interdû tanquam perditis rebus, de fugâ cogitabat in Africam. Fortè fuit, vt neglectâ quiete, solitarius in hortum primâ luce concederet. Sublimis erat locus, marisque subiecti prospectu liberrimus: Agitantem quid in extremis esset honestius, nunc subibat non ignaua pugnandi mens; nunc senem, & patrem, filia cura ad cautiora reuoluebat consilia. Victorisne præda esset hæc virgo? & quæ in sceptrum genita erat, à libertate excideret? Rursus occurrebant fu-

giendi incommoda, rursus numinum
ira, & quod in immeritâ calamitate tri-
stissimum est, temporum exactorum
fœlicitas. In hoc inquietæ mentis æstu
stupentes oculos mittit in pelagus. Sed
nebulæ, quæ ex vicinis montibus incu-
buerant, altiori sole discussæ, aperuere
paulatim faciem rerum perculso hor-
rentique mirabilem. Quippe nauigijs
stratum mare, haud procul à portu, ve-
xillis latè vibrantibus, nouum bellum,
nouos terrores afferre videbatur. Claf-
sis ingens & incitata sublimibus velis.
Fulgor præterea armorum, hominúm-
que frequentia. Cúmque non multò
exteriùs quàm extra tormentorum
iactum fuere nauigia, subito clamore
nautarum demissæ à puppibus ancho-
ræ totam classem stiterunt. Nec diu se-
cum exegit, Rex, qui homines, aut vn-
de venirent. Sed in deteriores metus
sponte iam versus, & aliquoties pedem
terræ incutiens; Heu, inquit, ergo nec


fugam mihi fata reliquerint. En à Lycogene classem, en obseruatu-
ros portuum claustra exercitus. Sed neque hoc immeritò accidit. Coget te iste casus, senex ignaue, ad iustam bellicamque virtutem; & quid sponte facere debueris, en hostis admonuit. Tàtillam meam classem contrà promoueam, fortunâ, nauibus, copiis impar? An iis omiſſis, quod est satius, vertar in Lycogenem terrestri certamine, & saltem in Siciliâ meâ moriar? Turbatus, nec aliud quàm honestè cadere expectens, proximos aduocat. Iis monstrat terribilem maris speciem, dimittique speculatorium nauigium iubet, quod de suspectâ classe referret certiora. Archombrotus ad omnia pericula contumax, hanc sibi deposcebat non securæ quæstionis prouinciam. Sed annis & virtute feruentem Rex iussit digniora discrimina expectare. Inter hæc lembum vident ab classe aduersâ

aliquot remigijs ad portum promoueri; & missus Timonides qui venientes exciperet, sciscitareturque quæ erant pernoscenda, primus mitioris fortunæ auspicium accepit. In lembo præco erat; ac ne duriora nunciaturus crederetur, baculum atque caput oliuâ circumdatus. Sed quis esset, quidve afferret, non fassus Timonidi, cùm Regis colloquium petiisset, illum protinus Meleander, iam in tepestente metu admisit in conspectum. At Præco; Radirobanes Sardiniae & Balearium Rex, (inquit) hanc tibi hospiti Meleandro Siciliae Regi tesseram mittit. Si conferre volueris, inuenies esse illam, quæ mutua fuit tuis suisque parentibus. Simul dimidiatum annulum tradit; in cuius summâ parte pusilla ex auro manuserat, quæ si parti alteri iuncta esset, simili quoque manui, itémque porrectæ, tanquam in fœdus occurreret. Rursus præco; Agnoscisne, Rex, hospi-

tium? ait. Et Rege fatente; quippe alteram annuli partem apud se seruari; Adest, inquit, in æquore tuo hospes Radiobanes cum præcipuis imperij viribus, quas in classem coëgit. & cogendi causa fuit, quòd te malorum ciuium defectione premi cùm fama retulisset, statui hoc pessimum in Reges exemplum, maximè hospes, ferre non potuit. Silebat Meleander, deorum tam subita beneficia propè non capiēs. Sed ad constantiæ specimen erat, ne vultus mutaretur. Referes, inquit, tuo Regi, ô præco, iam me ignoscere furori meorum; quos aliquis non inimicus deus concitauit ad facinus, vt tanti hospitis beneficio, & conspectu frueremur. Subeat modò Siciliam, atque intelligat nihil nos fore in eo colendo segniores quàm ipse in promerendo fuit.

Simul his, Præco ad curandum breuiter corpus abductus est; interimque
Meleander

Meleander aduocato suorum consilio
 quærere cœpit, ipsúmne oporteret ad
 Radiobanem ire, an fidei maiora pi-
 gnora per purpuratos experiri. Varia
 illi censebant; tantæ fortunæ nec diffi-
 dere nec credere satis ausi. Nam cur
 Radiobanes illos sumptus. laborés-
 que, alienæ vtilitati daret? præsertim
 nec rogatus, nec hospitio antea vsus?
 Omnem nimiam gratiam suspiciosam
 esse. Vix credibile hunc potius Me-
 leandro, quàm sibi, eam classem adorna-
 rasse. Nam & (inquit Rex) meo patri,
 multa vt scitis cum Radiobanis patre
 discrimina fuere; fœdera inde, & ima-
 go hospitij, veriùs bello lassatis, quàm
 odia ponentibus. Nunc quid censeam,
 auxilium an insidias aduenisse, adhuc
 incertum est. At Cleobulus, nihil du-
 bitandum asseruit, quin Regem opor-
 teret ad Radiobanem ire. Nam si ille
 amicus accedebat, certè auxilium ve-
 nire in tempore; & nullam in ipsum



humanitatem nimiam videri. Sin aut sponte Regem odisset, aut faueret Lycogeni, non posse Meleandrum terræ marique coniurato obsistere; & ex Maiestate Regis fore, si fidei simulatione deceptus potius videretur, quàm expugnatus ingratis. At vnde (inquiens) hic Radirobanis in Meleandrum amor? Fallor, aut Rex iuuenis, & ut audio, in gloriæ cupiditate immodicus, hanc occasionem rapuit, quâ præter bellicam famam (Rex) nuptias filia tuæ tanquam ex merito, sibi conciliet. Pugnabit itaque tanquam pro rebus suis; cò Siciliæ amior, tuæque reuerentior maiestatis, quò propius sperabit in tuam regiam adoptari.

Et Cleobulus quidem, ex vero disputabat. Quippe Argenidis fama, simulq; Siculi regni, quod ad Virginem spectabat, cupiditas hanc Radirobani mentem iniecerat. Naues ad expeditionem in Mauros, quam secretò moliebatur,

instructas habuerat. Sed perlato Siculi belli rumore, distulit paulisper Africam, & laudabiliori incepto ad Meleandrum nauigauit. Sed Archombrotus (nam tunc consultanti Meleandro aderat) ipso nomine nuptiarum Argenidis offensus, adeò in Radirobanem, Cleobulúmque excanduit, vt vix mutatio animi tegeretur in oculis. Nihil tamen repugnare, aut omnino dicere ausus est. Cleobuli verò sententiâ à Rege laudatâ; missi confestim ad portum sunt, qui regiam scapham instruerent. Tranquillis rebus Rex tuta littora in eâ circumuehi amabat. Mediocris erat; nec plures capiebat octo remigibus totidémque vectoribus. Sed aureis argenteisque picturis notabilis, totam in ambitu vndam fulgore imaginum ludebat: & haud procul à puppi pusillis ex auro literis hi versus erant scripti.

Hæc te caruleo natam, Cythereia, ponto

Cc ij

*Parua ratis, similisque tuæ, pulcherrima,
concha*

*Tutelam numenque petit; non martia fortis
Tela pati, aduersas si fors Bellona carinas
Implicet, & tremulo suspendat in aequore
bellum.*

*Nec saui patiens Borea, cùm turbidus ille
Stridet, & alternis medium se se obruit
vndis.*

*Littoreis tantùm apta vadis vicina secabit
Æquora, cùm pluuium deterget cantibus
Austrum*

*Cymothoë, & pectet virides in rupe capillos.
Tunc leget extremos portus ratis ista, potèrem
Tunc dominum paucis audebit credere tonsis.*

*At tu, si meritos Eryci seruamus honores,
Ne lenibus ne, diua, notis permitte tyrānum.*

*Ipsa manu cōtos, parua breuia arma carinae,
Ipsa tene, & placidam se se crisspantibus vndis
Sterne viam. Tecū Oebaliꝝ duo sydera fratres,
Et soror. O magnis versata potentia semper
Fluctibus, & semper ventosum Regibus
aquor!*

Tunc verò purpureis tapetibus auxere
 sedilia; & in puppi instar solij fuit,
 quod caperet duos. Eurymedes ad ar-
 cis custodiam relictus est; Arsidas par-
 uâ rate præmissus, qui Rاديروhani nun-
 ciaret aduenire Meleandrum. Facile
 totâ Epeirôte se fama diffudit, adesse
 cum validis auxiliis Sardos hospiti Si-
 cilix opem laturos. Nec tardè credebatur.
 Subita ergo hilaritas, nec modò
 spes, sed victoriæ fiducia, paulò antè
 deiectos mutauit. Toto foro concur-
 rebant, manibúsque, vt quisque adue-
 nerat, plausis, sibi salutem gratulaban-
 tur. Nec temperantior eorum qui mu-
 ris ad custodiam præsidebant lætitia.
 Cùm verò Rex ad portum descendit,
 acclamationibus vulgi, tubísque mox,
 & omni concentu quo tunc martem
 acuebant, cœlum implentibus, sonus in
 hostium castra illatus est. Et quoniam
 militaris erat clangor, Lycogenes ausus
 est credere Regis exercitum spe amissâ

exarſiſſe in vltimos impetus; & in ſe
 inuehi morituros. Itaque ad proximos
 ita locutus fertur. Hic dies nobis labo-
 rum poſtremum eſt: modò copiam
 mortis iis fecerimus, quos viuere non
 poſſe effecimus. Ite ad milites; & ad
 prædam vocate propè emeritos. Dij
 omnes quò gratior eſſet victoria, inſpe-
 ratam maturauere. His dictis, dum or-
 dines inſtruit, vultúque ac voce omni-
 bus fortitudinis author eſt; interim ex-
 ploratores præmittit qui certa de ad-
 uentu hoſtium referrent. Et illi toto
 itinere prouecti, poſtquam nihil hoſti-
 le occurrebat, in caſtra reuerſi ſunt,
 nunciantes, nullos quidem armatos in
 campis apparere; ceterùm penè bac-
 chantium tumultus audiri in mœnibus,
 tubísque & tympanis perſonare totam
 circùm regionem. Ictus ex merito Ly-
 cogenes fortunæ recedentis præſagiis,
 tamen in procinctu conſtituit aciem;
 aliósque non militari cultu, ſed tan-

quam ex proximis villis agrestes, subornat, omnia tutiùs exploraturos.

Iámque Arsidas Radirobani colloquutus, promota ex portu nauigia quibus Meleander cum suis vehebatur ostenderat. Quippe plurimi lembi Regem comitaturi, procedebát in altum; tumultúque & studio vectorum, de more subitæ lætitiæ strepebant. Prætoria Radirobanis, regij fastigij opulentiâ insignis, stabat religata anchoris tribus. Ab omnibus velis inutiles, & ex solo luxu pendentes lacinix aurâ rapiente ludebant in aëre. Cornua, & antemnx fluitantibus quoque vexillis incumbentem ventum temerè sequebantur: Multiplices autem à tribus malis funes, religabantur ad latera navis; speciémque procul visentibus aut amplissimi retis, aut detecti tentorij præbebant. Puppem Helena cum fratribus illustrabat trium syderum auro. At nautæ eodice non sordidi, in cæruleis

erant vestibus ; & vel instabant officio,
vel antennis ac funibus, ad artis suæ
specimen, tanquam alis ferebantur.
Eadem remiges vestis in transtris or-
nauerat. Milites armorum & sagulorum
pretiosissima erāt induti. Rex quoque
frequenti in Liguriam commercio, di-
dicerat ab Hetruscis decora maiestatis,
habebātque in prorâ lictores, virgâ &
fascibus instructos, tanquam aquas
submouerent. Lignei gradus à latere
navis ad mare descendebant cæruleis
strati tapetibus, in quorum summo ex-
cepturus Meleandrum, Radirobanes
stabat, vestem regiam indutus, quam
ex auro & carbaso textilis zona præ-
cinxerat. Ens ex ea pendebat, cælata
vaginæ operâ præcipuus. Ipse capilli-
tium promiserat in humeros, paulò
preciosius delibutum quàm militarem
decebat. Familiarissimum habebat, ex
Liguriâ senem ; cui commissus puer
fuerat ; & adultus non tam illius confi-

lia sequebatur, quàm quæ facere decreuerat scire sinēbat. Virtiganes dicebatur. Huic tunc & Arsidæ loquens spectabat Siciliæ oram, sitúmque, & ignota adhuc bona, superfluâ humanitate commendabat.

Tandem ad nauem scapha Meleandri applicuit; qui in paratos gradus enixus est admoto ad fulcienda vestigia Archombroto; Donec eovsque peruenit, vt tradere Radirobanes manum posset. Tum verò tanquam olim familiares coiēre amplexibus; & gratias agente Meleandro, quòd is se adiutum voluisset, ille beneficiū modestissimis verbis augebat. Pauca deinde inter se colloquuti, hic ad salutationem Proceres Siciliæ, ille Sardinia, admisit. Amicos, hospitesque appellabant. Mox & Radirobanes, nec rogatus descendit in Meleandri scapham, qui se in naui prior, eius potestati tradiderat. Personabat toto littore, nauibúsque

symphonia; simulque militum & remigum clamor, celebrantium mutuam Regum fidem; Non ferro, non aggere, non custodibus tutos, simplici pietate, atque iure hospitij, inter se iucundè versari. O miseram sæpè potentiam, in quâ raræ fœlicitatis est ad bona priuatorum, nec suspecti commercij humanitatem, peruenire. Expositos in litto-
re Reges, rursus amplexus, rursus blanditiæ tenebant. Hinc Radirobanem, cùm in primâ arenâ adorasset deos Siciliae, Meleander illi exterior ad equos deduxit, qui haud procul vtrumque expectabant. Inde amicis septi primùm in urbem, deinde in arcem prouecti sunt. Purpuratis Meleandri curæ fuit, vt Sardiniae Optimatibus illâ vespërâ benè esset. Præbuere certatim hospitia, ad eò omnis generis officiis cumulata, vt vix belli quod arduum instabat, meminisset hilaritas.

At non Archombroto læta hæc

erant, sibi æmulum aduenisse cogitanti, quem à Rege & Argenide non amari nefas esset. Ergo dum cæteri Radirobanis amicos excipiunt; ipse specie vtilioris curæ discedit ad mœnia, quasi excubitores per omnes speculas Regis nomine aditurus; ne vigilias solueret auxiliorum fiducia: Sæpe immatura gaudia aditum hostibus ad nocendum præbuisse. Atque vbi frequentiam euasit multò antè molestam, cœpit in longo & vacuo aggere spatium, temerè inclinatis ceruicibus, nexisque lacertis, & ad pectus obnoxie adductis. Nunc amens stupebat; nunc simul videbat innumera; incertus quid cogitare, aut vnde dolere inciperet. Et, ô deos, inquit, ultores! Tu enim Poliarchum odisti, tu hominis quem charissimum habebas reditum interuertisti, vt æmulū grauiorem acciperes. Quàm malè Radirobanes successit Poliarcho. cui me hoc pectus, hi lacerti, sed maxi-

mè amor, paré fecisset. At Radirobani quis me impetus, quæve virtus æquauerit? Non modò sibi nixus, sed totâ regnorum suorum fortunâ, procedit in certamen, veriùs in me quàm pro Melcãdro, aut in Lycogenem. Quòd si Argenidè amo, istû (ô dolor!) necessaria ferentem auxilia, non licet auersari. Tu ignauus amator nescijsti mereri quod optabas; ille inuênit quò prius beneficium afferret quàm posceret.

Sub hæc sui incertus, & grandioribus vestigiis ferociter obambulans, silentium aliquandiu tenuit; donec iurgio cum fortunâ restituto, inter acerbos risus; En iam (inquit) tres in Argenide laboramus; tres in fœlicitatem quæ duntaxat vnû capit sumus crecti, ego, Poliarchus, & Radirobanes; vt eos omittam, quos nihilo me esse saniores nondum intelligo. Miser! Non vides quotidie plures in hæc vota orituros? Nisi fortè aut illa amari indigna est,

aut solus es oculatus. Sed cæteris amouendis tempora sua erunt. Vide modò iste à Radirobane fluctus ne nauem euertat. Incolumi Lycogene, intempestiua cum illo sunt odia. Certè præmium non auferet ante victoriam. At quot in armis vices sunt? quantillo momento se fortuna in diuersissimas retulit formas? Quid si fortitudinis ostentator extinguetur in acie? Quid si Meleandro grauiserit nimij beneficij cōscientiâ? Curandum est vt hæc in Lycogenem bella mihi apud Meleandrum honori sint, & in Radirobanem rudimentum. Fraudandus interim animi impetus, vt cum quo meditaris dissidium placidè viuas. In hanc mentem utcunque compositus, successit ad vigiles, monuitque ne turbati læticiâ stationum curam omitterent. Eadem Eurymedis cura, eadem Præfectorum omnium fuit. Sed militum castigata securitas, tamen plerumque inter vina

& coronas vigilabat.

Postero mane de belliratione cum suorum primoribus Reges egerunt. Radirobanis legiones erant adhuc in nauibus: Nec ille ignarus suspiciosum fore, si cuperet validissimas in urbem copias induci; subleuauit his verbis pudorem Meleandri, qui id se vereri liberaliter dissimulabat. In hac classe quæ stat in anchoris, chartissime hospes, octo millia grauis armaturæ milites aduexi, funditores, & sagittarios, ad millia quatuor. Equestris apud me inuentus est; sed pondere spatióque absterritus, equos in nauibus paucos inposui. Si plures dederitis, sessores à nobis inuenient. Cæterum, ne Lyco-
geni diutiùs sit impune, si placet, in terram exponemus exercitum. Et quoniam impeditum rupibus littus solam per urbis pomœrium viam præbet, cohortes singulæ recipientur in mœnia. Hinc vbi per aliam portam munimen-

tis oppidi exceſſerint, caſtra quæ in montis radicibus ponemus petituræ; rursus aliæ, aliæque, à littore ad urbem conſcendent. Præſidium ex tuis in utrâque portâ erit, tam quâ copiæ intrabunt, quàm illâ quæ receptos euoluet in campum. Meleander tantâ ſollicitudine nihil eſſe opus reſpondit; Nec quicquam à militibus timendum, qui fuiſſent ſub Radirobanis diſciplinâ. Cuſtodes in portis ſi Radirobanes vellet conſtitui, ex ſuis ſanè apponeret. Nunquam ſeſe tutiorem quàm inter illius præſidia arbitraturum. Tali utrimque colloquio prolixum de humanitate certamen Regibus fuit.

Sed ut Sardi, Balearéſque, de claſſe in littus effuſi ſunt, ad ſpectandos, cohortandóſque milites ambo in equis ad forum proceſſere. Radirobanes, aurea arma purpurei ſaguli ambitu non tota contexerat; nudo capite, niſi quâ fascia ambiebat. Meleander, & ipſe ar-

matus, longè constantiori maiestate
omnium oculos & studia trahebat.
Primi funditores urbem ingressi sunt.
Baleares hi erant, tribus quisque fun-
dis armati. Nulli tunc genti eiusmodi
habenarum maior peritia; quam scili-
cet vnam colebant à puero. Diceban-
tur excipere in aëre aues, & in probris
numerare, si quem ictus fefellisset. Se-
quebantur vexilla Sardorum, qui Pu-
nico more, ex gentis viciniâ, armati,
læuigatis atque ingentibus clypeis te-
gebantur. gladij breuiore pendebant
ex balteo, quo consumptis iaculis vte-
rentur; Cassides plerunque ex ære, ver-
ticibus in vrsarum leonûmve rictus
horrentibus. Tantum exercitum ægrè
illa diestransmisit. Archobrotus atque
Timonides in Meleâdri castris erât, qui
hospites ab urbe in præparatum vallû
descendentes exciperent. Nouum illi
aggerem excitauerunt, vallóque quod
Meleandri milites præbuerunt, aucta
castra

castra cinxere. LARGUS fuit à Rege com-
meatus, iussique Siculi partim ad Sar-
dorum cœnam ire, partim in suis illos
tentoriis prouocare ad epulas.

• **B**ongè alia facies in Lycogenis ca-
stris. Quippe postquam de Radiroba-
nis, & auxiliorum aduentu certâ fide
relatum est, plerisque metus insaniam
excussit. Quid in Regem essent ausi
tum demum intuebantur. Subijciebat
pauentibus sollicitudo, adesse iam deos
violatæ ultores maiestatis : & conster-
natio animi in omnibus, etiâque
vulgaribus rebus, dira omina inuenie-
bat. Auxit hos metus, alacritas Regum,
viriumque suarum fiducia. Quippe
puduit tanquam obsessos in vrbe con-
sidere. Promouerunt itaque castra à
radicibus montis propius hostem, vt, si
prœlium detrectaret, vel pellerent val-
lo, vel fossis incingerent. Causa, & Im-
peratorum maiestas, magna sæpè in
bellis momenta sunt. Regia castra ma-

iori auspicio venerationem inuenerat, Melandri & Radirobanis tētoriiis per summi imperij insignia latè surgentibus. Hinc eorum militibus spes acrior subijciebatur; inde hostes ad suæ militiæ ignobilitatem iam laxatis animis respiciebant. Sciebat quoque Lycogenes nihil optabilius sibi quàm prælio experiri, priusquam altiùs timor in suorum mentibus perciperetur; gaudebatque idipsum Reges velle. Adhuc enim incerta lux erat, cùm ex regiis castris educi ad pugnam exercitum, exploratores ad eum retulere. Ne itaque remoraretur vir acer, in tentorij culmine coccineam tunicam committendū prælij signū exposuit. Per varia deinde castrorum ferebatur; nunc militibus, nunc præfectis, spem & animum, fronte, verbis, habituque sufficiens; Quid metuerent tot victorijs clari? An Melandrum veluti ex fugâ reprehensum; an peiraticam Sardorum insaniam, qui

non tam propitij Meleandro in Sici-
 liam appulerant, quàm ex bello præ-
 dam quærentes? Si inclinabit victoria
 ad nos, inquit, properabunt egregij
 auxiliores Epeiræten spoliare, & in
 suam inde classem relati, circumferen-
 tur ad alias fraudes. Ac etiam ut illis fi-
 des sit integra; at nûm putes pro igno-
 tis & externis sanguinem gnauiter da-
 tuos; cûm præsertim sint à nobis in
 quos pugnandum est, nullâ rixâ lacef-
 siti? Dedituent suâ fugâ Meleandrum,
 si vos senserint viros, si quicquid mi-
 nantur experiri inceperint, denique si
 cogitabitis in omnibus quidem bellis
 pericula esse; at rarò tantæ laudis of-
 ferri materiam, ut duo simul Reges in-
 ter spolia aut captiuos possint haberi.

His dictis cûm milites processissent
 extra vallum, caninum catulum de ritu
 Spartano (nam originis milites admo-
 nebat) Marti Enylio immolauit; &
 esse litatum emptus aruspex in mani-

pulis sparsit. Acies autem eo modo ornabatur. Dextrū cornu frater Oloodemi Menocritus ducebat, partiū studiis, & priuato dolore Regi hostis. In læuo, quod paludibus tegebatur, tyrones, & mercenariorum suspectos Lycogenes locauerat, Nabide duce; vt intercepta fuga animos ad vincendū acueret. At ipse dilecto suorum robore in medio erat, equo sublimis, vultūque terribili, quem tot simul affectus in incerto sceptri vel mortis incenderant. Expectabat vt hostis copias, vt apparebat, instructas admoueret, cū ex Meleandri acie visus quidam in equo procedere, quem modico intervallo pauci milites tanquam ad præsidium sequuti sunt. Is confecto plūs medio campo, longè à cæteris stetit solus; & vario corporis motu videbatur postulare colloquium. Misit quoque Lycogenes haud imparē manum, vnūque qui præiret, seu colloquendum esset, seu

certandum, idoneum. Coniecerat ex iuuentute Meleandri aliquem esse, qui singulari certamine prælum partium præcepturus, parem ex hostibus superbe flagitaret; cùm ex illis quos explorandæ rei dimiserat, vnus redit; publicèque renunciat, hunc à Meleandro cum caducèo, & infulis esse præconem. Mirâ expectatione acies tota dirigit; quid hostis armatus nunciaret; quæ fœdera, quæ commercia iam telo erecto mutuas cædes ferentibus. At præco, postquam habuit qui audirent; Rex furoris præteriti, inquit, gratiam facit, si qui defectionis pœnitentes ante vesperam in ipsius castra transuerint. Quicquid hætenus est delictum, nullum forum, nulla lex vindicabit. Hanc veniam suâ fide publicè sancit. His dictis, schedia, in quibus eadem referebantur, plenissimâ manu spargit, versisque habenis ad suos, qui haud procul expectabant, reuertitur. Milites plûs

viginti illas voces acceperant, quibus ad suorum ordines reuersis, statim fremitus per cohortes increbuit interrogantium, proximisve narrantium, quid præco attulisset. Et Lycogenes cum præter spem hæc auidè à multis audiri frenderet, dissimulato metu; Meleandro, inquit, parendum, ô milites. Ad illum, sed armatis, eundum est. & accipio omen quòd ad sua castra nostros exercitus inuitat. Spes est in ijs nos hodie victores accubituros. Inter talia, suorum cuneos adhortanti relatum est, Reges eo die potestatem pugnae non facere. Sed exercitus partem locauisse in tumulum, qui ante castra erat; excepturos si qui ab ipso deficerent. At ille, Eliciam, inquit, ad pugnam, sollicitatores fidei nostræ, cogamque iam viribus, non improbâ arte decernere. Ite sub suis quisque signis, ite milites, diis volentibus, & iam sua confessione impares vobis opprimate.

Sed ægrius miles imperata exequatur. Inter se mussantes videbat, & in pluribus impetum fractum; utique postquam primus Acegoras ausus est deditione experiri Regis fidem. Vir egregiâ famâ, clientibus, & stirpe præcipuus, minus suo quàm temporum vitio sequebatur Lycogenem. Gnarus ergo ingentis gratiæ locum patere occupanti, cum quadraginta ferè militibus, & amicis aliquot erupit; emensoque qui interiacebat campo, ad primam Meleandri stationem posuit arma. Tum ad Regem deductus; Desertoris nomen, inquit, hoc facinore non metuo, ô Rex. Abscedo enim ab adulterinâ militiâ ad iustum imperium; errorisque in te mei solatium habeo; quod tardè cum factiosis coniunctus, ad officium redeo omnium primus. Rex paucis collaudatum, monitumque quia viam cæteris præiisset, præmia expectare, ad Archombrotum mittit.

Mandatum huic erat, cauere ne reconciliationis nomine peiora pararentur. Igitur in campum eductos qui regiis castris erat obnoxius, fide interpolitâ incolumes fore, inermes constituit. Acegoræ tamen, duobusque præterea, in honorem generis reddita arma; iidemque haud procul à Rege, adiuncti purpuratis.

Cæterum apud Lycogenem haud obscurè omnium ordinum fides nutabat. Multi per circuitus dilabebantur. Hi commilitones sequebantur, illi trahebant. Tandem Lycogenes ex recepto consilio, subitum de cespitibus tumultum conscendens, edixit ut ad concionem, saltem silentium afferrent. Et mox; Nam quo vos, inquit, nomine appellem? commilitones? an, quod abominor, hostes? Sed quocunque vos titulo cenferi æquum est, ne quis infames, ne quis desertores militiæ dicat, missionem facio. Soluite cingulum;

abite domum, ciues. Neque in mei gratiam ad bellum coijstis; sed operâ meâ & consilio vsuri. Iam verò remitto sacramentum; desino vobis incolumitatem præstare; quia inuitis beneficium facere, sæpè pro tyrannide habetur. Vos incolumes, vos victores esse volebam; & iam propè eratis. Nunc turpi confessione ignauia hosti perculso atque irato ceruices subiicitis. Quis Pan? quæ furia animos lymphauit, ô milites? Absoluebat vos iustissima causa, quos pœnitentia nunc sponte reos facit. Miseret me sortis vestræ plusquam pudet leuitatis. Ite sanè, ite instar victimarum; siue Meleander irâ recenti perire vos volet, siue ad securiorem vindictam seruabit. Ego cum intactæ fidei viris rempublicam non deferam; & Meleandri in vos perfidiam, immemor quid hodie meriti sitis, vlciscar. Et quidem gratias diis habeo, quòd ante certamen secernere à fortibus viris

voluerunt lubricam vestram fidem. Potuissetis in ipso discrimine bonos milites permouere, quos iam abitu vestro lustrabitis. Absit enim tam male Sicilia consultum sit, ut non plurimis restet integer animus. Hos iam vultu, hos alacritate secerno; videoque plus indignatione vestri erroris, quam eiusmodi commilitonum iacturâ commoueri.

De suggestu inter hæc descendens, potestatem iterum fecit si qui vellent abire. Tanta libertas paulò antè charissimi ducis plurimorum pudorem excitauit. Itaque multi illius partes obstinare; maximè qui conscij sibi erant præter ciuilis defectionis fas aliquid peccauisse; aut quorum egestas pro supplicio metuebat inopem pacem. Interim alij passim excedebant manipulis; & nunc viarum amfractibus, nunc publicè, & per compendia, signa Regis petebant. Non pauciores quin-

decim millibus sui deditionem fecerunt, sapius asserente Meleandro noluisse se tot ciuium morte victoriam emptam, quot sibi ille dies reddiderat. Tanta clade percussus Lycogenes repetit castra, cum illis quorum fidem probauerat cæterorum defectio. At Reges incruenta fœlicitate sic potiti, vix gratulantibus sufficebant; dexteram, chlamydem, equum, ipsa vestigia, omnibus pro cuiusque sorte tangentibus.

Redeuntes in castra omen etiam excepit, quod maximè vatibus placuerat. Cum enim tentorium Meleandri incommodo loco positum famuli in editiora transferrent, fierentque exiguæ fossæ statuendis stipitibus quibus religatum tabernaculum niteretur, reperta sunt aliquot ossa, corporis quidem, vt videbatur, humani, cæterum longè assuetam hominum illius sæculi mensuram vincentia. Nec dubium

quin alicuius de gente Cyclopum reliquiae essent. Continuò Augures interpretati sunt, omnes Siciliae vires subijci Meleandro; Cùm nihil in ea fuisse validius Cyclopihus memoretur, qui tabernaculo Regis subiecti, seipsos denique tradebant. Nondum intra aggerem Meleander & Radirobanes erant, cùm hæc illis immensorum corporum frustra gratantium varum adulatio ostendit. Plus inde stuporis Radirobani quàm Meleandro fuit, non tunc primum ossa Cyclopum contemplant. At Radirobanes, qui antea ipsam Cyclopum memoriam in fabulis habuerat, cùm & ossa contrectaret, & videret Meleandrum vix ad spectaculum, tanquam haud insolens esset, moueri; sciscitari impensius institit, quæ gens illa Cyclopum, quibuscumque moribus; unde orta; quomodo perisset; Et Meleander, qui belli atque castrorum curâ Eurymedi traditâ, ad securitatis re-

giam speciem, variis hilariter sermonibus vacabat, Sardis maximè circumfusus, latúsque de suæ Siciliae monumentis interrogari, dum in castra procedunt sic orsus est. Cyclopum omne genus quidam, ferum fuisse, & sylvestre; alij non deorum modò cultores sed & sanguinem, putant; Primos tenuisse has sedes, simplicibus legibus vitam inter se agitauisse. Illud in confesso est, excessisse humani corporis mensuram. Et hinc exteris fortè error; vt cum isthuc appellerent, in immanibus corporibus impias mentes latere crederent, aut nec colloquium ausi, in ipso terrore spectaculi toto remigio abirent à littore. Præter cætera, ne eorum mores damnum, facit vetus Græcorum religio; Apud quos in Isthmo Corinthiaco ad veterem aram Cyclopibus tanquam cœlestibus fieri mos est. Vnde his ortus, quæ leges, quæve facinora, rudis ætas inuoluit, nisi quòd

maximè infederunt Ætnæos & Leon-
tinos specus; quódque genitos Neptu-
no iactatum est; quem plerumque im-
manibus viris patrem, nostri maiores
fecerunt. Nec mirere tam pauca dura-
uisse ab intima vetustate eorum vesti-
gia. Quippe & priores Saturno hîc re-
gnarunt, à quo sunt tot ætates, vt Cha-
maseni, quod præcipuum oppidum
condidit, dudum ruinæ exciderint.
Sola de Cyclopibus sepulchra super-
sunt; sed & illa plerumque in antris,
quorum ora vel voraginibus mutata,
vel cumulis ruinarum celata sunt. Sæpè
tamen in illa imprudentes incidimus.
Quanta illæ cadauerum moles? quis in
extinctis frontibus vigor? ac quàm de-
nique ora fabulis suis digna! Haud
procul Syracusis venatum exiueram,
cùm in campo, quem Gereatem dicunt,
canis sagax, tanquam feram indagaret,
ad incognitæ speluncæ ora se penetrat.
Pertinaci latratu cùm nos illuc traxis-

set, video antri intactum horrorem, ad quem veluti sacrum exhorruui. Subiit inde animus vlteriùs explorandi id quod dii obtulerant; sentibùsque vt-
cunque dimotis circumspicio à limine quicquid lux tenuis, & eo tantùm aditu accepta aperiebat. Locus defederat in profundum, ducebántque in imum saxei gradus. Illatis igitur facibus cum exiguo comitatu subeo terram, frigore, & solitudine, graue aliquid in spirantem. Angusto progressi vestibulo, tandem in patétiora successimus. Pandebatur latè specus. Tophi sublimes, laterúmque exudantium curuatura nittebat pellucidâ crustâ, & crispatam gelu aquam imitante. Ingens erat in medio saxum, quod illic, vt ex radicibus constabat, natura posuerat: Id verò terribili prodigio onerabatur. Timeo proloqui, mi hospes. Nam quid sperem apud te fidem, qui hisce oculis & manibus vix credo? Dicam tamen, vt

vel mihi persuadeam ipse quod vidi.
Iacebat supra saxum terribilis moles
ad membrorum humanorum distincta
figuram. Sola magnitudo vetabat pro
cadauere id haberi. Tardè igitur acces-
simus; diùque, siue monstrum hoc
esset, siue deorum aliquid, manus non
admouebamus. Caput adhuc non in-
uiolatos modò crines, sed & vultus ser-
uabat. Ferox barba procumbebat in
pectus, & à genis vtrinque cum pari
miscebatur cæsarie. Quid crura? quid
lacerti? quid metarum instar pedes?
Signum probè effectum (cogitabam)
si hoc artifex figurauit: Sin naturæ
opus est; vnde iam imbecilli, vnde ho-
munciones à magnitudine illâ excidi-
mus? Mox stupore, vt solet, dilabente,
primus iniectâ manu, ausus sum quid
hoc esset experiri. Sed quodcunque ad
contactum peruénit, video in pulue-
rem residere. Et hinc facta cunctâtibus
fides, verum esse corpus humanum:

Ac ne periret mensura, priusquam inter atrectantes solueretur, cadauer quàm longum esset exigimus. Conuenit inter omnes ad viginti cubitos peruenire. Tanquam Heroi sacrum fieri volebam, & inuiolatum relinqui. Sed dum hæc cōgito, sub meorum manibus, momento in cineres defluxit. Restabat occiput solum; arcusque costarum, & crura omnino paria moli quam fulserant. Ea meo iussu seruata, charissime hospes, & pro Neptuni foribus Syraculis appensa miraberis. Ex Cyclopibus fuisse non ambigo, maximè cū ad hanc penè mensuram aut interdum agrestes reperiant tota in antris cadauera, aut ossa inter egestam humum effodiant. Sed malui quibus ipse interfui apud te memorare. Neque Siculi mei, vt fortè existimas, quæ modò effoderunt vtcunque grandia ossa, ad nos ideò detulere, quòd nescirent sæpè mihi maiora diuersis casibus fuisse

oblata: Sed quia visum est Aruspibus
latissimum monstrum, ea in solo esse
reperita quod meo tabernaculo desti-
nabatur.

Inter illos sermones ad locum per-
uenerunt, vnde hæc ossa fossiores erue-
rant. Cœnauit eâ nocte apud Melean-
dram Radirobanes: Adhibitiq̃ue con-
uiuio fuere præcipui vtriusque amico-
rum. Ecce autem dum pœnitentiam
tot ciuium qui redierant ad Regem,
omnemque illius diei fortunam ser-
monibus celebrant, intrat cum literis
ad Meleandrum miles. A Præfecto
Catanae veniebat, inusitatae fœlicitatis
index. Quippe Catanam Regi fidissi-
mam Anaximander Lycogenis nepos
obsederat. Sed cùm extrema immine-
rent, Ætna subito furore exastuans,
præter ingentem vim lapidum, & cinc-
rum moles, tres ex liquidissimâ flammâ
riuos euomuit, qui tanquam conductâ
operâ in Anaximandri castra fluxerunt.

Nocturna hæc strages fuit. Iacebant homines, pecudésque, machinæ, tentoria, arma, quicquid in cursu ignis torrens offenderat. Eâ peste trecenti milites consumpti sunt. Anaximander, & ipse malo afflatus, posterâ die, amissis quæ ad incœptum necessaria erant, obsidionem laxavit; cûmque lecticâ ad Lycogenem referretur, erupere Catanenenses, cæsisque quotquot repugnare ausi sunt, ipsum quoque ceperunt. Iam Regem consulebant, quid fieri cœvellet. Hoc nuncio semel iterûmque audito, in tantum repentè gaudium tam conuiuæ, quàm qui ministrabant, effusi sunt, ut non voci non plausui temperaretur; secutique licentiam qui ad fores in statione erant, serpente læticiâ, tota castra impleuerunt. Non iam ferro, non viribus opus; ipsos deos, ipsa pro Regibus elementa pugnare. Coronæ inde passim deorum signis datæ; congestique in vtrumque Regem flo-

res; & promiscuo impetu ausi militum multi, non prætorium modò sed & triclinium intrare.


Sedatis deinde gaudijs, Radirobanes curiosâ sedulitate à Meleandro quæsiuit, Vnde illud ab Ætna in Anaximandrum auxilium; an credibile esset à solido monte posse tãtam vim ignium efflari; quis in visceribus ardor, quis genius, quæ soli natura. Hic paucis docere Meleander, longè altissimum esse illum Siciliâ totâ montem, qui natiuo sulphure, receptoque in visceribus vento exastuans, impatientem custodiæ flammam per hiantis ruinas cacuminis attollit. Neque verò quotidianis ignibus (inquit) feruet hic apex. Sæpissimè ater fumus est, per longa volumina cœlum inficiens; fauillas interdum aspicias huic mistas caligini. Rariùs denique seipso citatior turbo proruentibus flammis, vicinam regionem fœdè peruastat. Quippe spississi-

mus ignis à summo emanans cacumine, torrentibus veluti riuis deorsum exigitur, in perniciem trahens quicquid occurrerit. Tunc verò grauiora quàm è cœlo tonitrua; & populis terror, ne quanta est Ætna, se soluat, obruátque Siciliam. Nec minore quàm pro tumultu prodigio, saxa ingentia ex montis visceribus hoc tormento in campos mittuntur. Adhuc fuligine plena sunt, totóque colore indicant ab incendio se venire: Cinerum deinde tanta vis ab igneo iugo; vt ad multa millia impetu primùm suo, mox vento, circumlati, obruant altè campos, & deprehensas segetes enecent, solúmve corrumpant, ad sementem deinde inutile. Ita saxa, cineribus, & maximè flammis, non tantùm armenta hauriuntur, vel casæ pastorum. Syluam omnem hæc pestis quacunque inciderit, necat. Tota oppida sic interdum periere. Catana vix multi operis aggere se tutatur; Vrbs

inter montem & mare; opportunis sedibus, si hæc pericula absint. A Lycogenis militibus obsidebatur. Sed ut audis nunciari, dii hos ignes ex Ætnâ, supplicia antea nostra, nunc beneficium suum fecere.

Postquam desiit Meleander, ipsa res, conuiuîque alacritas, sermones prouexit in diuersa. Quicquid in Sicilia dignum quod nossent externi, memorabatur. Fabularum inde voluptas historiam abegit. Qui canes latratibus Scyllam ambirent: Quæ Charybdi proluuies, quæve ora inexpleta naufragiis. Acis inde infœlix amator de calido vulnere prouoluebat frigidissimam aquam. fugiebat Galatea saxa Cyclopi, non sine aliquo metu narrantium. Ab Elide alter amator subibat maria incorruptus, & Arethusæ perniciatē prosequabatur. Cadebat sub Hercule Eryx, & maledicebat castibus Venus. Religiosa etiam repetebant, facili in

deos inter conuiuia pietate; Quâ Insulæ parte erupisset ad connubium Pluto; quæ horridi currûs signa; quæ dimotæ ad exeuntis impetum rupes: Vbi rapta Proserpina, vbiserta, vbi zona illi exciderit; in quem cespitem primùm sese Cyane fluere sit mirata: Frustra vsurpare Eleusinos aliena monumenta; nec propè Cephissum, sed à Siciliâ fuisse Diti viam, quâ dotalibus vmbri sponfam inueheret. Errores inde Cereris referebantur, & nocturna religio, quæ tædas planctûsque secretos initiat credit. Primam noctis vigiliam inter illos sermones cæna consumpserat; quod ex tuba vt constitit, imperauit Meleander vltimam mensam tolli. Sed de conuiuio consurrecturos, iâmque libantes Mercurio, subitò ferox clamor, vnóque per castra tumultu terribilis, longè alio motu compleuit.





IO. BARCLAI

ARGENIS.

LIBER III.



VM in castra iam pro militibus laxa perturbatus Lycogenes intrasset, ferox mali insaniâ, & mox necessitatis ingenio, vltimis consiliis aperire animum cœpit. Inclinatam rem, nisi statim erigeretur, sisti non posse. Noctem si suis ad cogitandum dedisset, forsitan tutiora sequuturos. Quid verò si nec simplici defectione contenti ex sui ducis captiuitate præmia apud Meleandrum quærent? Infœlicibus inimicos omnes esse. Sed nec noua auxilia iam sperari; nec apertâ vi se Regibus

parem fore. Belli furto igitur opus, dum restabāt quibus adhuc imperaret, & recenti gaudio cuncta in Meleandri castris feruebant. Oppressurum fortè incautos; & in partibus esse noctem, illatos tumultus geminaturam. Celere saltem exitium pro beneficio fore peiora metuenti. His secum exactis primores amicorum aduocat; ostendit hostium castra. Et quid agere iam creditis, ait, immerito suo victores? Gaudio marcent; & inter suas insulas tanquam victimæ opprimi possunt. Age modò; & transfugarum nostrorum beneficio utamur. Laxauerunt suo aduentu, tanquam bello iam confecto, quicquid neruorum erat in hostibus. Superueniemus ergo incautis; & quò plures sunt, eò magis confuso exitu scipsi onerabunt. Nemo fuit cui non videretur solertissimè dicere. Ad suos igitur quisque digressi, monent vt sufficere modò velint diis vocantibus.

Offerri victoriam contra fœlicitatis impotentes. In solutos, vinóque depositos, esse eundum. Iram deinde acuebant; Et verò ferendum ab iis omnem cladem quam non priores intulissent. Tenebræ, & dulcedo fallendi, ad alacritatem plurimùm erant; Multisq; magnitudine criminum à spe veniæ exclusis, strenuè aut mori aut vincere placebat.

Cùm igitur prouecta nox esset, bipertitò agmine, quò latiori terrore hostem obruerent, iter ingressi sunt. Via erat per patentes facilis campos, & ad ipsa hostium ducebat prætoria. Per eam Lycogeni placuit ire. Angusta alia, sed propior, dumis plurimùm tegebatur. Hanc iniit cum parte copiarum Menocritus, lentissimè progredi iussus, nec aliquid antè mouere, quàm præliantem cum statione Lycogenem ex tumultu cognosceret: Tunc & ipsi multo clamore in vallum niterentur;

quippe dilapsis in Lycogenem illarum stationum militibus, nudum latus subito occupaturi, vel auerfuri saltem ab eo aliquam belli partem. Plus duodecim armatorum millibus hoc biuio in Melcandrum ibant, haud impar ad spem victoriæ exercitus; maximè in necessariâ fortitudine ferocior. Et silentio quidem iuere, donec in vigiles subito cursu irruerent. Tum verò quicquid ad horrorem valet impigrè cumulauerunt. Tubas & tympana ex compositò plura quàm pro vsu portauerant. Accessit inconditus clamor se mutuò ad victoriam inuitantium.

Iámque pellebantur stationes: cùm qui proximi in tabernaculis erant, subito metu attoniti surgunt ad arma. Sed accenso per tentoria tumultu, maximè à somno, aut vino venientes, se ipsi inconditè premebant. Territi, semiermes, sine imperio aut consilio palantes. Quæ tam subita clades? Quis in

castris grassaretur? An externa hæc pestis, an domesticum proditionis nefas? Multi arma, fugam plures meditabantur. Neque satis ad signa poterant conuocari, misti tumultu, & inter tenebras licentiùs metuentes. Conuiuantibus Regibus famam mali simul clamor, simul nuntij attulere. Nec quid certi nunciabatur, nisi ad portas castrorum pugnari. Radirobanes à suis in tentorium raptus, cingitur armis. Eadem circa Meleandrum cura erat; cui ad secretum vocato Archombrotus toto ore interritus, Si pateris, ô Rex, ego hac nocte tuo periculo defungar. Quid iuuat tenebris te committi, & pugna, quæ vnde sit, aut vbi, adhuc nescimus? Subduc tuam senectutem ex qua tot mortalium salus pendet, siue hoc proelium est, siue fortasse insidiæ. Si placet, auspiciū tuum subibo. meaque fortunâ si quid in tuum corpus paratur, excipiam. Arma tua, & chlamy-

dem concede. Tu per portam quæ ab hoste auersa est, egressus, cum delectis aliquot militum, ad necessaria pericula te seruabis. Placuit fraus illa Meleandro, fidemque miratus per propria discrimina capiti regio cauentis, tradit iuueni sua insignia. Ipse in ignotis armis ad portam cum paucissimis elabitur. Apice ergo & purpurâ insignis Archombrotus, cum iis qui conscij fraudis erant tabernaculo egressus ferebatur quâ pugnantium clamor vocabat. Præcipitatio; & quòd intra cassidem vox inclusa suum genium non seruat, vetuere ne qui loquentem audiebant, intelligerēt non esse Meleandrum. Vbi verò ruit in pugnam, omnes non tam in hostem quàm pro Rege accensi ad subsidium properauere. Lycogenes vallo reciso, occupauerat turrem; neque paucos suorum in eam receptos vlteriùs effuderat. Iamque in primis viarum angustiis per castra pu-

gnabatur, cùm ferro Archombrôti
tres continuis ictibus ceciderunt. Qui
circa illum erant, Regem senem in hoc
robur valuisse credebant, & æmulis
per lætitiâ viribus pugnantem se-
quebantur. Eo impetu territus hostis
pedem versus aggerem referre cœpe-
rat; Cùm ex aliâ castrorum parte audi-
tus est Menocritus, & ipse cum suis in-
genti vlulatu noctis & belli pauores in-
geminans. Dubio & multiplici malo
terratus miles, regi ægrè iam poterat;
cùm Radiobanes strenuè ad illam pe-
riculi partem conuersus est. Occurrit
ergo Menocrito, repellitque cum co-
irruentes. Sed illi non periculis, non
vulneribus tardati, solâ morte sistebâ-
tur. Nunc in propugnâtes erecti, nunc
alternis tecti clypeis, & pertinaci te-
studine succedêtes ad aggerem. Atrox
facies rerum. Hinc Archombrôtus iam
receptum intra castra Lycogenem sus-
tinebat; illinc Radiobanes arcebat.

Menocritum. Vtrimque infesta nox,
 incertis per tenebras quid oppugnare
 potissimum oporteret, vel tueri; donec
 Lycogenes in proximum tabernacu-
 lum facem emisit, suis admonitis ut
 passim castra incenderent. Hostem
 cum suis sarcinis conflagrantem, sibi
 ad victoriam lucem daturum. Contrà
 regius miles confestim diruere vicina
 incendio tentoria, ne ulterius diffun-
 deretur incendium. Adiuuitque soli-
 citos imber, qui impetu fusus, malum
 compescuit. Sed & lubrica inde terra
 fallebat subinde militum pedes, neque
 certos ictus esse patiebatur. Nocte in-
 ter mutuas cædes exactâ tot corpora
 quæ iacebant, tantum sanguinis fu-
 sum, & omnia strage immania, calidos
 furentesque erexerunt in rabiem.
 Tanquam primùm ad certamen cois-
 sent, toto impetu implicabantur, vide-
 baturque singulorum potius odiorum
 crudelitas, quàm publicarum partium

esse certamen.

Iámque non diutiùs sustinebat Meleander abesse à suorum discrimine. Ergo vltima ausurus, iussit Archombroto nunciari se esse in procinctu: At ille Eurymedi; Si Rex cum suis aduenerit, inquit, laborabimus multitudine, ô Eurymedes. Castrorum angustiae tot propugnatores non capiunt: Præstabit ex his ipsis quos nobiscum habemus educere, qui improviso circuitu terga hostium cædant. Nam quid equitatus noster cessat? quid arcus inter tentoria ista compressi? Facile Eurymedes assentitur Archombroto; delatusque ad Regem, quid è re præsentis sit, monstrat; simul partem copiarum per auersa castra deducens, cum ipso ad includendum hostem conuertitur.

Lycogenes intellecto periculo (iam enim vltimam suam aciem circumueniri audierat) tamen ab hostibus quos habebat

habebat à frôte, in Meleandrum auerti non voluit, ne species fugæ esset; Sed ad Menocritum mandata dimisit, vt quàm ocysimè illuc sups inueheret. Cùm ille pareret, Radirobanes recedentem insequutus, partem secū exercitûs eduxit. Multa planicies, & explicandis militibus apta erat: Illic ergo Menocritus in Meleandri & Radirobanis medio deprehensus, & vtrimque in arctum compulsus est; balearicis sagittarijs & Siculo equitatu in apertâ demum pugnâ valentibus. Hi cursu effuso, illi contentis arcubus, propè simul longéque turbabant. Tunc verò Lycogenes, gnarus si cum copijs deleteretur Menocritus, de partibus esse actum, frendens, & animi impos, eò vexilla omnia ad ferendam opem egit; obliquo tamen cursu, vt & latus infestaret Meleandri, neque terga insequuturo Archombroto præberet. Nec segniùs Archombrotus laxatâ casside

vultus exeruit. Et sum, inquit, sum Archombrotus, Commilitones. Dij bene quòd Patroclo fœlicior sub maioribus armis fefelli. Regis iussu quos videtis cultus sumpsi, ne frustra nocturna discrimina subiret. Si saluum hunc vultis, bis vincendus est Lycogenes. Iam enim in Regem contendit non tam quòd victoriam illic speret, quàm quòd hîc victus est. Tamen à furentis & morituri impetu Regem eripite.

Post hæc dicta, quà direptum à Lycogene vallum erat prorupit; & acies acclamationibus exultans, ducentem sequuta est. Nihil verò illo certamine crudelius. Alternis cohortes fugiebât, & sequebantur; cōfusa latè signa: non frons, non terga aciei, non latera aut cornua erant. Surgebant acerui cadauerum, & per ipsa mortuorum vulnera viui pugnabant. Meleander supra ætatem fortis inter militarem audaciam ducis oblitus videbatur. Circa illum

Eurymedes & Arſidas, eximiâ virtute ſimul intenti ad certamen, & Regi metuentes. At Radirobanes propriâ ferociâ, præmióque quod ſperabat accéſſus, omnia audebat. Nunc hoſtium turbabat ordines, nunc vulgaribus non contentus periculis, quacunque rem perplexam aſpiceret, impavidus effundebatur. Sed non idcirco hoſtes cedebant. Rabies, & quid de Rege meriti eſſent nihil fallens cōſcientia multum ipsis commendabat nobiliorem in acie mortem. Eminebat Lycogenes notiſſimis armis, & per ſuorum ordines ferebatur, collaudans milites increpansque prout cuiusque exigebant facinora; ſtrenuèque ſi qua lababant, hoſtium cæde reſtituens. Tandem Archombrotus, inter ipſum pugne ardorem, animum ſumpſit ad facinus ſupra omnia quæ in acie edebatur eximium. Vrebant iuuenē & Radirobanes æmulus, & hoſtis Lycogenes. Itaque vicino

Timonidi curam dedit eorum quos ducebat. Ipse cum suorum aliquot auidè ruit quàm pugnabat Lycogenes. Et ille se quàm indignatus, vtrò in venientes prorupit. Prior Archombrotus hastili in pectus impresso cum frustra illius clypeum tentauisset, haud mora grandi ab eo bipennis ictu sine successu excipitur. Vterque dexteræ suæ iratus, telisque absque vulnere redeuntibus, fatali quodam æstu efferebuit. Ac dum repetunt ictus, dum armorum aditus vestigant, Archombrotus moræ impatiens quàm proximè equum admouet, subitoque amplexu Lycogenem ligas, simul ab ipso astringitur. Inter hos nexus mutuo pondere ad terram ducuntur. Eoque in lapsu, virtute & industriâ Archombroti euênit vt Lycogeni incideret. Plurimi militum vno turbine luctantes opprescere; hi Archombrotum, alij Lycogenem subleuaturi. Versabat se in arenâ

Lycogenes obligatus tibiarum & laceratorum hostilium articulis. Sed Archombrotus, quamquam multum inter turbam & ictus anhelabat, non passus attolli iacentem, breui pugione repetiit vulnera quâ lorica desinebat, donec eum constaret expirauisse.

Vbi verò extinctum Lycogenem utrique viderunt, longus clamor dissonusque exortus est, his de victoriâ exultantibus, illis horridum ciulatum in proximorum funerum confessionem tollentibus. Incumbit attonitis acrior cum suo milite Archombrotus, terrorémque per illorum aciem latè circumfert; utique postquam decisum Lycogenis caput arrepto capillitio altè concutiens, de clade dubitare non passus est. Sat deinde quassatum ad Meleandri pedes proiiciens; En, inquit, iam tranquillum Lycogenem, & cui fidere, ô Rex, possis. Pari exitio cæteri hostes, quotquot cleméntiam tuam

nolent, deorum seueritatem experiantur. Meleander Lycogenis caput asseruari præcipiens, in trepidos, & dilabentes inuectus est. Iam enim totis campis non certamen, sed strages videbatur. Nemo ferebat ora victoris, aut reuocantem audiebat Menocritum. Quidam montes ad fugam petiere; alij locorum periti in proximo antra; plerique quâ metus & fortuna ferebat, improuidi errabant. Nonnulli cursu exanimis procumbebant in terram, mox fœdè insequentium equorum vngulis protriti. Nullis in miseros casibus ruina pepercit. Radirobanes fugienti instans Menocrito, ex armis & galeæ apice cognitum, capi præceperat. Nec ille, iam fugâ præreptâ; ignauiter certabat, donec capto, subitisque astricto vinculis, non modò non in hostem, sed nec in se sæuiendi copia fuit. Vespera erat, priusquam se ad Meleandrum omnes ex persequendo hoste re-

ciperent. Et Rex quamquam peractō
iā bello, in castris per tot mala cor-
ruptis pernoctauit; Sed prioris noctis
furix inquieta gaudia suspenderunt,
appositis vndiquaque vigilibus, ne
quā bellum resurgeret.

Nicopompus licet de prælio erat
lassus, tamen nescio quā hilaritate
compulsus ad carmen est. Læticix im-
petu ad eum furorem sponte vergen-
te, qui rapta vatū ingenia diis mi-
scet. Ergo siue quō maturius gratula-
retur suo Regi, siue vt ex celeritate
æstimaretur industria; fortē etiam vt
ineptos poëtas terreret, haud dubiē ni-
si statim arcerentur verbosē cruciatu-
ros victoriam; paucis horis condidit
istud carmen, tradiditque filio, adhuc
scilicet prætextato, qui id Regi primo
mane tanquam suos labores porri-
geret.

*Vicinus. ō magnis tandem exaudita pio-
rum*

*Vota deis. Nunc alma salus, nunc secula
curat*

*Iuppiter. Omnis iô Superûm domus, omnis
honores*

Ara ferat, nullæq; vacent à fronte corone.

*Viderat infidos latè sæuire maniplos
Armipotens, Siculasq; rapi vertigine mentes;
Quamquam sæuus amat ferrû, quamquam
ardua multo*

*Sanguine tela madent; semperq; ad fræna
tumultus,*

*Et furor, & fractæ vastis in montibus hastæ;
Has tamen inuitus strages, hæc funera vidit;
Tunc primùm iratus bellis, ex quo improba
cælum.*

*Terra Giganteæ tetigit formidine pugnae,
Et Pallænais Superi sudaſtis in aruis.*

*Ergo animis, vultuq; calens, & grandior irâ,
Terribilem dextrâ pinum, læuaq; frementes
Exhortatur equos. Vix Thracia liquerat
arua*

*Phryxæosq; sinus, & iam nostri alta Pachyni
Toruus in aspectu pulsabat littora curru.*

*Tēpus erat quo mistæ acies, infensaq; signa
Certabant, Regisne forent, hominumq;, deumq; ,*

*Jura soli, an nostris Erebus regnaret in oris.
Iam partes, Meleādre, tuas, iam numine toto
Aucturus, volucris Mauors se nube tegebat;
Cū medio obstupuit cursu, librataq; tela
Continuit; Rapidi vix audiuerunt iugales
Imperium, & prono non sat stetit orbita cælo.
Tum sic ore loqui. Quænam hæc spectacula
belli?*

*Inuideam, latèrne magis? Nil Marte fa-
uenti,*

*Nil opus est. Vincent, sed non heu munere
nostro,*

*Quos vicisse velim. Virtus hæc fata peregit;
Indulsiq; suis. Quænam hæc sub casside
sancta*

*Canicies? Tūne his animis annisq; verendus,
Tu pugnas Meleandre; & nondum deficit
hostis?*

*Talis sydereâ quondam Saturnus ab arce,
Assertor si stare sui, si bella subire*

Nosset, adhucq; recens dextrâ terrere periculum;

Non Latio celandus erat, non aurea nostro
Sub Ioue, mutatis liuerent secla metallis.

Quinam autem (ô animos! ô nostram
æquantia sortem

Pectora! & emissæ plusquam mortalibus
hasta!)

Quinam illi medijs victores hostibus ardent,
Impelluntq; acies? Parili quàm fulgure
cassis.

Emicat & geminos mors effera surgit in
enses!

Nempe ambo externum Siculis genus; ambo
triumphos

Adproperant Meleandre tibi. Sardoa ve-
retur

Hunc dominum tellus, Libycis hic venit ab
oris.

Macte animis gens ambo deûm; Vos omnia
famâ

Secula manent, donec vestris seruata lacertis
Insula spumantes circum teret altior undas.

*Quid reliqui, quid deinde duces? quid sy-
dera miles*

*Promeritus? Vade ô celeri victoriagressu,
Sudantemq; tuâ lauro deterge laborem;
Vade lubens meritoq; para subuecta trium-
pho,*

*Te simul, & magnos populis ostendere Reges.
Dixerat armipotens; Et iam fuga denia
cœtus*

*Fregerat hostiles; Diri ducis impia ceruix
Iam summâ Libyci stabat victoris in hastâ;
Cum fragor humano maior scidit æthera
vastum,*

*Et plausu Superûm, & furijs ululantibus
hosti.*

*Ista loquebatur Phæbus mihi, & iste tu-
multus*

Eripuit noster dixit quæ cætera Phæbus.

Rex quamquam occupatus, dum ma-
ne induitur, totum carmen perlegit;
cum Nicopompo iocatus, quòd ad-
huc rudem filium substituebat in glo-
riam suam. Misit deinde ad Radiro-

banem, qui referrent an iam adiri posset : Nec multò pòst cum procerum cœtu ad illius tentorium contendit. Ille quamquam auxilij quod Siciliae præstiterat, editæque fortitudinis, plus iusto erat memor , inter hunc tamen superbæ lætitiæ tumorem ægritudine macerabatur, quam ingerebat Archō-
 broti de Lycogene victoria. Tanto inuidiæ supplicio incubantem adiuit Meleander , humanissimè acceptum beneficium commendans , Sardis que imputans momentū armorum. Victoria nostra (inquit) ô hospes, tui operis est. Ego restitutis à te rebus cūm vtar, sapius meminero hæc à te accepta quàm cogitabis te dedisse. Fruere interim bonis auxilio tuo partis, & ex læticiâ populi intelligas quantum nobis præstiteris. Radirobanes, quamquam nimium ratus verè hæc dici, publicè vetat Regem, ipsius verecundiam onerare. Causæ enim , & fœlicitati Me-

leandri omnia deberi: Se quoque beneficium accepisse cui sanctissimis armis misceri licuerit.

Sic inter se loquentibus nunciatur, Argenidem ad castra peruenisse: Illa pridie in Epeirætes mœnibus, vnde pugna poterat prospici, non lacrymis magis pepercerat quàm sanguini miles. Decolor, & nunquam fœliciùs habens, quàm cùm timor sensus extinxerat; nunc concedebat doloribus, nunc redibat in spem ac vires, nunciis identidem missis qui statum pugnantium referrent. Nunquam tamen Poliarchus animo excidebat. Hunc intra se nunc deiecta, nunc cum iurgio alloquebatur. Malim ego, charissime, hos fletus, hæc incertæ mentis mala te scire, an vt facis ignorare? Perires mecastor ad dolorum meorum memoriam. Quòd si audies captam, aut ex hostili ludibrio, suâ manu, suo vulnere ereptam Argenidem; ô facinus! ô amor infe-

lix ! nondum semel morte defuncta,
iam nunc iterum tuo exitu conficior.
Abes autem Poliarche ? Tene, an inimicum aliquem deorum reum agam, quòd tam lentus es ? Quæ obliuia ? quæ te in Africâ lotos à reditu arcet ? Non te genius tuus quid hîc rerum gereretur admonuit ? Aut plus apud te odium patris, quàm nostræ familiaritatis iura possunt ? & qui cessare non potes, an, proh scelus ! gratiora pericula inuenisti ? Adesses, Poliarche ; pugnares in hostem. certa essem victoriæ : Deberet Siciliam, & me ipsam, genitor tibi ; quæ nunc aut perire pateris, aut saltem alienam gloriam esse. Nam si velles, non elementa, non casus, non natura obstarét redeunti. Post illam obiurgationem, tanquam sacrilegio confusa quòd Poliarcho irasci esset ausa, in contraria animum rapiebat. Satis sibi dolorum & curæ, quòd in eâ acie genitor versabatur. Si Poliarchus in idem periculum

missus esset, non se suffecturam sollicitudini. Benè, inquit, fata consuluistis, quòd in tantarum rerum discrimine, saltem de Poliarcho non timeo. Donec viuet, donec erit incolumis, quid me calamitosam existimem? Aut quid tantopere formido? quasi ille in fidem, vel dii in illum, vt æqui sunt, peccare vnquam possint.

Hæc & talia inter lachrymas expendentem, quæ paulisper peplo summisso tegebantur, nunciata hostium fuga, quam & ipsa utcunque cernebat, in solatia crexit. Tunc passâ alloquentem Selenissam, & gratulationem cæterarum quæ proximè constiterant. Populus quoque in palatium sequutus redeuntem, suo more intemperanter lætabatur. Posteriâ luce, cum maximâ ciuium parte ad castra se contulit. Sed ne integra illi gaudia essent, crebra in populo fama effecerat, pactum ipsius cum Radirobane coniugium ita cre-

dente, vt etiam tanquam votis virgini gratis rem palam celebraret. Rex inter suauiffimi amoris lachrymas venientem amplexus est; Et te, gnata mea, iam heredem Siciliae teneo, inquit. Periere qui gentium iure peruerso ad se regnum trahebant. In Radirobanem deinde intuens; Hic est, mea Argenis, inter cœlestes Siciliae tutelae numerandus. Deum virtute, illiusque vt hodie regnemus, effectum est. Archombrotum præterea eximie commendans, ad minores quoque duces, & præcipue exteros, laudatione aptissimâ descendit. Argenis conuenientibus verbis vnumquemque prosequuta, vicissim audiebat gratulantes; & à solius Radirobanis, quem timebat, blanditiis, vt licuit potuitque auersa est.

Meleandro Epeiræten redituro solum obstabat, quod persoluenda cæforum corporibus iusta erant. Iam enim & sponte, & monitu vatum, dispersus
ad

ad opus exercitus postremæ in mortuos pietatis officia vrgebat. Hic cedere arbores, aduehere alij, thoros cæteri multo gramine apparare. Sedulitate tam variâ extiterunt subitò pyræ; & funera in quamlibet digesta iacuerunt, maximèque vulgaria. Nam præcipuorum cadauerum multa, quò preciosiùs cremarentur, pietas propinquorum lecticiis obuexerat. Rogos ergo militari pompâ subornât deuictorum exuviis; ut inter omnis generis tela & arma, trophæorum instar esset. Qui priuatas necessitudines inuenerunt, purgatis lymphâ vulneribus, vinctique, aut ut cuiusque opes erant ornati, expectabant ignium munus. Omnium verò capitibus corona data ex Apio, victoribus & mortuis quippe conueniens; Nam & tumulis eam herbam amabant inferre, & Græcia plerorumque certaminum victores coronabat hoc præmio. Fæminarum multitudo, puero-

rúmque conuenerat; planctúque & iacturâ comarum, vltro incipiebat exequias celebrare; vt appareret non conductas lachrymas esse. Siue propinquos deflebant, siue mœsticia spectaculi, aut eiulantium tot exempla, non ingrata lugendi imperum vulgo admouerant.

Compositis cadaueribus, pullatus Meleander procedit ex castris. Sequebatur Regem exercitus, versis telis, & in terram negligenter pendentibus. In hunc modum funebrem campum aliquoties ambiere; iussis per vices clamoribus, rursusque non minùs atroci horridoque silentio. Rex denique ad maximam pyram venit, facemque accensam manu sustinuit, donec locios iam arsfuros miles conclamauiſſet. His tercio vocatis, vultu operto, auersusque, ignem subiecit. Idem Radirobanes ad alium rogam fecit, Archombrotus ad alium. Cæteros subito amicorum officio flâma corripuit. Sed atrocissimum

fuit de captiuis inter concitatos furentesque supplicium. Et parcebatur quidem gentilibus: Sed qui externi sub Lycogene meruerant producebantur vincti ad rogos, & multipliciter confossi fundebant sanguinem, quo ignis spargebatur. Inuocabat miles victor ad tam dira solatia manes sodalium; donec Rex abominatus crudeles inferias, captiuos qui supererant seruari tanquam ad alia supplicia præcepit. Ad cadauera autem hostilia, ne per infesti aëris tractus, in morte etiam nocerent, publici lictores cum vncis sunt dimissi, qui in proximos gurgites foueasque insepultos prouoluerent.

Mox tumultu intepescente, & pyrarum labentibus flammis, Melcander conscendit in suggestum. Illic breuiter, vt Regem oportebat, eos laudauit quibus sepulturæ honorem habuerant; Victores appellabat; & in morte felices, qui inter ipsam virtutem defun-

cti, non periclitarentur suas laudes vlllo facinore vllâve fortunâ corrumpere. Pulcherrima hos præmia brevis doloris ferre, diis manibus charos, futurósque in terris famâ superstites donec vlli Siticines canerent. Conuersus deinde ad circumstantium præconia, nauatæ operæ, fideique seruatæ, gratias egit. Deos quidem, virtutémque, & cōsciam rectè mentem, gratæque posteritatis memoriam, viris fortibus mercedem summam esse: Sibi tamen præterea curæ fore, vt beneficium in memorem Regem, benè collocatum cognoscerent. Luctu deposito se in urbem sequerentur lætioribus sacris operaturi. Aderant ex compositò familiares, qui ad hæc verba (nam & sacerdos aquam lustralem spargebat) detraherent eius humeris funebrem vestem, palmatamque reponerent. Alij Prænem exorsi sunt, ex fœlici omni gramine aut arbore decerpentes quod tempo-

ribus, manúque gestarent.

Iámque omnibus præparatis, Rex cum suis Epeireten redire maturabat. Nec visum est triumphare; quia de ciuibus victoria erat. Proximus tamen triumpho reditus fuit. Nam & milites lauro, & qui pompam procurabát, oleâ caput incinxerant: Antecedebat cum signis exercitus, & vario cantu ad spectaculum inuocabát læticiæ deos. Currum omnibus maiestatis & victoriæ insignibus spectabilem, Meleandro admouerant: Ad quem ille cùm Radirobanem inuitaret, longa fuit humanitatis contentio. Radirobanes húc Argenidi locum asserebat conuenire: Sederet cum Patre princeps virgo. Ambo conspici populo essent, ambo omina plaususque exciperent: illis deos, illis fortunam pugnauisse. Se sanè, si ipsi paterentur, equum funalem incessurum; Si nollent, currum proximè sequuturum. Palàm erat à iuvene am-

bitiosissimo hæc amoris tribui, & spectantiarum; Cui cum non persuaderet Melcander in currum conscendere, aut expectare dum alius ornaretur; ipse quoque vehi non voluit. Denique non Principum modò consensu, sed & votis acclamantium militum, sola in eum Argenis collocatur. Currum Reges in equis, & ipsis laureatis, præcedebant. Ante illos Archombrotus in candido equo ibat, læuâ temperans frænum, dexterâ optimum spoliū gestans, Lycogenis caput; in quod alacer populus intuebatur, gnarus illic summam esse victoriæ. Arborem armis Lycogenis indutam miles quidam præferebat Archombroto charissimus. Neque procul Menocritus gravis catenis viscebatur. Prætoriani autem, militumque præcipui, tam curruī quo Argenis vehabatur quàm Regibus circumfusi, in virginis quidem honorem, licentiam triūphalem, salēque prætextatos

omiserant; sed nuptiales passim deos, Hymenæumque, & Iunonem, & Erycinam vocabant, nunc in Argenidem nunc in Radirobanem intenti. Ortum à Sardis hunc ludum credidere. Et cum Siculi conuenisse de nuptiis inter Reges arbitrarentur, lubentes futuri Principis animum per hos iocos lacesisse. At non Argenis hæc patiens audiebat, indignata victoriæ si eo pretio emeretur, iamque propè Radirobani inimica.

Interim populus, fores ornatas impedierat lucernis atque lauro. Quisquis maiores ex cera in atriiis habebat, apertis armariis simul genus ostentabat, & mortuorum imagines citabat ad gaudium. Ciuium quoque distincti ordines, obuiam Meleandro processerunt. Primus erat puerorum, in pexâ, & candidâ veste chorus, rudi præne plusquam iuebantur clamantium. Mox quotquot in vrbe Musicam excole-

bant; hi voce, illi pleetro ac fidibus Regi canentes. Succedebant artificum collegia; quos statim Magistratus sequebantur quisque cum infulis dignitatis. Hi Regem longissimâ gratulatione morati, locum ministris deorum permiscere, qui vltimi in honorem veniebant. Signa quidam ex iis, & inculti operis veteres deos, coronas alij, omnes ignem præferebant; tutò, nec sine prudentium risu, deorum omina ingerentes, prænunciatumque Lycogenis exitium ab auibus, fulminibusque, & extorum prodigiis. Inter hanc pompam Rex ad portam urbis peruenit; in cuius limine sublimem statuerant Pacis imaginem, cuius dexteræ Mars Oliuam inferebat. & adulatione immaturâ, quasi pacatæ res Siciliâ totâ essent, subiecta imagini tabula Meleandrum affabatur his versibus.

Victor ades, tecumque redux (Pater optime gentis

Sicania) festo Pax cingitur aurea cultu;

Et cælo niueis Pietas demittitur alis.

*Aspice quàm facili redeunt tibi Numina
cursu;*

Aspice quàm subitas mutat Cōcordia terras.

Alma quies, diuesq; labor, se numine misto

Indulgent latè campis: Hic flore comanti,

Hic culmis stipatur ager. Se blandiùs ulmus

Porrigit, & lapsæ repetunt connubia vites.

Bella procul, scelerumq; minæ, ferriq; licentis

Nunquam tuta fides. Solio sublimis auito

Tu, Pater, & tantùm lex tecū armata sedebit.

Rex à portâ processit in editum lo-
uis fanum. Inde Menocritus in carce-
rem missus, & cum eo Anaximander,
quem paulò antè Catanenses vinctum
adduxerant (sed ille ex vulneribus intra
quatrimum, alter non multò pòst
ægritudine animi decessit.) Fractæ
quoque Lycogenis imagines, edictum-
que ne seruari priuatim, aut in suorum
deinde gentilium siue honoribus siue
funeribus has aspici vèl ferri liceret.

Peractis inde sacris ad arcem Meleander digreditur. Fessus erat pridiano certamine, curisque, & mox ipsâ læticiâ. In cubiculum itaque secedit, sumptaque leuiter inter domesticos cœnâ componitur ad quietem. Neque minùs imitatione soporis, solitudinem quafruerunt in grauissimis curis, Radirobanes, Archombrotus, & Argenis. Singulos suus dolor vrebat. Radirobanes quamquam plenus temerariâ sui fiduciâ, grauiter tamen acceperat virtutem successumque Archombroti; & populi voces, & vultus in eum Meleandri. Sed vt imparem contemnebat: Nisi quòd omnia magnus amor formidat. Versus igitur in contemplationem sui, quantum auxilio, quantum viribus præstisset, suauis sopore & per fœlicis prælij imaginem ludente, est obrutus. Altiùs ictus erat Archombrotus: expertus nihil esse crudelius quàm quod homines appellant suauissimum amorem. Nec

tam sibi nocere fortunam arbitrabatur, quàm silentium suum. Se enim haberi in priuatis, dum genus atque opes patitur ignorari. Nihil esse consultius, quàm vt suas fortunas atque vota apud Meleandrum profiteretur. Hæc ita decernenti, occurrebant parentis mandata, adhibitique iureiurando dii, se in Sicilia sui generis Indiciū non esse facturum. An ergo scribere ad parentem, an ipsum illuc ire satius esset, iurisiurandi gratiam petiturum? Tardum vtrumque videbatur. Minus tamen scribendi displicebat consilium. Nam ab Sicilia tamdiu abesse, hominis esse credebatur non ex merito amantis Argenidem. In hac animi tempestate inquieto strato negligentius iactatus, mentis mala transire ad corpus non satis sentiebat.

At Argenis multiplici malo confusa ad solatium adhibuerat Selenissam. Simul ambæ de Poliarcho & Radirobane

querebantur. Cur ille abesset, aut heu miseram istum viderent? O grauem (mater) victoriam! inquit Argenis. Quid interest Lycogenes an Radirobantes vicerit? nisi fortè, quòd creptus à Lycogenis telo pater iam parricidio meo concideret. Nam si me Radirobani traderet, ego effugium in morte inueniam, & mei vulneris dolore conficiam patrem senem. Ergo vel in prædam natum; vel in spolium, mercedemque victoriæ? Ergo fatum mihi in exitium destinauit quæ præcipua dabat, regnū & formam; & ideò tantum perueni in Poliarchi notitiam, vt scirem me indignam quæ tantæ virtuti coniungeret? Quid hunc autem cessare existimas, Selenissa? An experimentum capturus constantiæ meæ, hæret alicubi dissimulatus, & in Insulâ forsitan istâ? An insidijs æmulorum petitus est vir fortis, ideòque non suspiciosus? Cui iam verò fidere possim? quem explorato-

rem suæ salutis, quem miseriarum
 mearum nuncium mittere? Sub hæc in
 lachrymas lapsa audiebat Selenissam,
 maiora solatia, quàm quæ ipsa capie-
 bat, credebátve, ingerentem: Donec
 resumpto loquendi impetu; Non pri-
 ma, inquit, sum, ô Selenissa, quæ infæ-
 liciter amauerit. Quid fortunæ manus
 damus? Mors vltimum remedium erit,
 & quod nunquam effugiet. Possim cul-
 tu mutato ire ipsa, & inuestigare Po-
 liarchum? hei quòd non sufficio illi au-
 daciæ, rudis fraudum, nec fronte ad
 mendacium obductâ; fortè etiam, (sed
 hoc leuissimum esset) inter labores ex-
 piratura. Præterea, neque me sequi
 posses, & in crimen substituereris, si
 Rege ignaro claberer. Audi quid po-
 tissimum probem. Archombrotus est,
 vt intelligis, amicissimus Poliarcho.
 Causam absentis pridem egit apud
 Regem, author maximè vt reuocaretur.
 Facile efficiam, vt Poliarchum

quærat, reddâtque Sicilia. Nesciat tamen quæ me illius videndi causa sollicitet. Aliquid poterit fingi; nec carebit veri specie mendacium quod ad credulitatem exegerimus ambæ.

Laudauit ingenium Selenissa; siue fraus illi placebat, siue defessa, sibi & Argenidi quærebat ab eo luctu quietem in reliquas noctis horas; quibus ab insomni Argenide consumptis, Præfectum cubiculi vocat, & de Lycogene occiso pauca quædam locuta, palàm iubet ab Archombroto sciscitari, fatiſne à vulneribus (nam leuia, sed pleraque acceperat) eâ nocte valuisset. Meditabatur enim blanditias, grauiademérito iuueni imperatura. Archombrotus, tanquam in cælum raptus, & propè non dubius se amari, Præfecto respondit, si Meleander & Argenis valerent, quoniam ab eorum salute pendebat, se satis esse incolumem. O mortalium mentes, plerumque timen-

tium gaudia sua, & calamitates amantium! Lætus iuuenis, ignarusque consilij quod Argenis iniuerat, fatigabat superuacuis cogitationibus animum, & in limine virginis stabat, ut egredientem salutarer. Nec ingratus aduenit; totoque itinere, dum ipsa ad Meleandrum procedit, cum eo colloquuta, nihil dum tamen de Poliarcho dixit; Nondum enim matura res erat; & sermonibus illis solitudo debebatur. Ecce autem novos errores. Radirobanes, ab amore non sanus, habebat pecuniâ emptos, qui de Argenide, & Meleandro assiduè referrent. Ergo adhuc in cubiculo hærenti nunciatur, Argenidem primo mane ad Archombrotum misisse. Illum statim adfuisse; & oppidò quàm familiariter virginem illi loquutam. Exarsit illico suspicio, & ut in litigiosâ foelicitate, non secus animum ad amandum, quàm antea ad bellum composuit. Frendens cum Virtigane

secessit; quâ arte quôve prætextu Archombrotus tolli posset: aut quid indignius quàm ab æmulatione ignoti priuatique Regem tantum metuere? Mulcebat accensum Virtiganes, eleuando Archombrotum; suadebátque eo die aperire Melcandro (cui ad prandium promiserat) ineunda affinitatis consilium. In expedito rem fore; despectúmque Archombrotum insanix pœnas ad satietatem daturum; cui si magis anxie aut publicè vellet Radirobanes irasci, nimia supplicij solatia forent, tantum Regem æmulatione vssisse.

His curis amoris vacuus Melcander, maiora procurabat. Belli enim non remnenda reliquia erant, Syracusæ, Lilybæum, Agrigentum, & quæ cæteræ vrbes à Lycogene steterant. Illis simul opprimendis an diuidi præstaret exercitum, an in singulas totis viribus niti, consulebat Cleobulum. Is nihil dubitabat

dubitabat de deditioe oppidorum;
quia nemo factioni supererat quem
ducem dignarentur. Satis est, inquit, ô
Rex, si minari perseueres, ostentésque
paulisper armatum exercitum; tantum
ut timor pœnitentiam ciuitatum acce-
leret; à quibus propediem, videbis hîc
legatos. Nam præter ingenium lym-
phatæ, amabunt redire in naturam,
quam videbatur excussisse defectio.
Ne time. Bello isto defunctus es: Sed
nec illius verè causa in ciuitatibus fuit;
& si dehinc securitatem amas, longè
alij sunt malorû fontes quos obstruas.
Meleander tot recentium malorum
crudâ imagine sollicitus de futuro;
Curandum est, inquit, ut diuturna sit
hæc regni restituta valetudo. Nec vn-
quam certiùs, quàm cicatricibus adhuc
nouis, deprehendemus vim telorum,
& formam, quibus paulò antè saucij,
rursus peti possumus à fortunâ. Quòd
si inter atrocitatem periculi obiecisses

quæ antea à me peccata sunt, non tam monere quàm exprobrare visus esses. Nunc autem in tuto, si quod sentis edisseres, in futurum cautio erit ne eadem peccemus, Cleobule. Ille veritus quamquam volentem Principem contumaci libertate irritare, amoliebatur omnem ab eo culpam. Temporum enim, hostiùmque, & fatorum esse crimen. Et postquam eâ modestia, consiliis quæ parabat obnoxium Meleandri animum fecit; Quamdiu, inquit, lenitas in virtutibus erit, non dicêris vllò vitio impulisse labentem in clades Siciliam. Lenitate, inquam, tuâ malignitas fatorum in tuas & patriæ clades abusa est. Illa facilitas, illa indulgentia in Magnates, illa tua tuorùmque Maiorum incauta in eos profusio, prodidit præcipuas imperij vires, aperuitque iniuriis despectam dignitatem. Iam quidem perculsi sunt; iam filebunt defessæ factiones. Ast vbi respirarint,

expecta alios fluctus, nisi ventos plusquam Æolico vtre tenueris. Pugnabunt erumpere; & quamdiu nimis poterunt illi, nunquam satis Reges poteritis. Nec in tyrannidem te adorno. Iplis quoque consules, ô Rex, si efficies vt timore, aut fastidio culpæ, paulatim inquietos mores dediscant. Tum Meleander; Scio, inquit, ex his nubibus feruere plerasque procellarum. Sed vires eorum hominum adultæ sunt, & ipso tempore ac patientiâ Regum iam propè legitimæ. Has itaque accidendo vel iniuriam facere credar, quia natam ante me potentiam percellam; vel nimio in conatu regias vires iam sæpè delibatas, & quarum infirmitatem celeri interest, inconsultò experiar. De successu (reponit Cleobulus) meliùs ominare; dum ordine, & per partes euellaseam segetem quâ isti luxuriant. Sed nec crede iniquam fore causam, & quam dii hominésque non probent, si

pugnabis pro regiâ dignitate, & Sici-
liam à parricidio prohibebis quo ipsa
se furiis mactat. Quinam illi sint, vide;
vnde processerint; quæ illos machinæ
fastigio suo admouerint. Vtcunque se
iactent; Maiorum tuorum beneficio,
opes comparauere, in præfecturas missi
sunt, regisque amicitia indulgentiâ
hoc culmen condiderunt ex quo hodie
siue ipsi, siue eorum posteritæ certant in
Reges. Tua sunt ergo tela quibus lacef-
feris: tua acies tot mucronum, cæcâ
discordiæ manu infœlicitatem sui au-
thoris vouentium. Si merentur, si ferre
fœlicitatem suam non possunt, ab iis
duntaxat recipe quod à vobis accepe-
runt. Nudos mediusfidiis relinques,
cogésque obliuisci spirituum quibus
nunc intumescunt, vestras apud se mi-
rari diuitias, suæ verò sortis ignari. Ac
quò maturiùs consulas scepro, vide
quàm multum coalescat illorum in vos
imperium; quàm publicè, quàm peri-

culoso consensu hæc veluti iura peccandi nunc asserant. Inter se æmuli, inimici; tamen vix libenter accipiunt à Rege vllum premi. Quisquis ergo rebellat, cæteri adsunt vel publicè, vel priuatis affectibus. Nunc causæ se addunt; nunc tempore vtuntur iam satis occupato, quo alio iurgandi prætextu distrahant Regem. Alij tuum latus, tua castra non deferunt. Sed lento, & per ambages fracto regionum consiliorum aut militum vsu, diu volunt rebellium contumaciam conferri viribus sceptri. ne videatur indignum Regibus aut impar esse periculum, assuescâtque populus vereri hos motus & pati. Ita sibi ipsis & exemplum faciunt, & exitum ornant, si irasci in Regem contigerit. Hanc coniurationem nisi anteuertis consiliis, quantum aberis à Merganiæ fato? Regio erat sub vno formidanda, nunc segnicie vel patientiâ imperantium, adeò in varios Principes lapsa,

vt domino tota exciderit.

Quamquam recenti memoriâ tenes, Rex, quid hæ possint factiones; permittis hîc tamen earum cunabula, & ingenium percenseri. Nam & accendi te volo, vel parari ad patientiam haud dubiæ cladis. Igitur si quos amas, si quos attollis, præter veterum Optimum libidinem, tanquam de eorum bonis sit quod largiris, excedunt ab Aulâ, queruntur se contemptos, in arces, in præsidia, quæ iis credidisti, confugiunt. Fortunas populi deflent; examinati regni sanguine paucas hirudines repleri; non ferendam eorum superbiam qui fascinato Principi illudunt, veteresque & emeritas stirpes inexperto recentis potentiæ gaudio calcant. Frequês hæc quidem (vt nosti) dissidendi est ratio, proruendique ad ciuilia arma. Sed & aliæ præterea causæ illis ingeniis faciunt defectionis audaciam. Diu ipsis largitus, cesses utcun-

que: Magistratus, Præfecturas, iam
 plenis, necdum tamen satiatis negaue-
 ris: Iis arcana omnia non credas; ha-
 beas alios fidiōres tibi: Non accesse-
 ris odiis quibus æmulos deuouent;
 Illicò indignè haberi se putant; fren-
 dentque, tanquam contumeliâ violati.
 Alij, vt reuerentiam sibi concilient, &
 quid possint Regem admoneant; quæ-
 runt offensionis materiem, & gratis
 ineunt consilia in publicam pacem.
 Cæterùm quacumque illos occasio tol-
 lat in rixam, viribus quas vos Reges
 tribuistis succincti, mox clientes ar-
 matosque inueniūt, eò prolixius quòd
 hæc secedendi facinora semper inulta
 sunt, & plerunque præmia habent. Sic
 erecti, sic veluti in suo regno collecti,
 opimiora ad conciliandam pacem à
 vobis Regibus extorquent, quàm si
 ipsis obsequium & fides mansisset; Ve-
 stro interim auro, vestrisque stipendiis
 (quis ferat?) militant acies quas in vos

educunt. *Ærario vestro feroces, aut rationem imperij deposcunt à vobis, aut regnandi modum præscribunt. Vestri coloni sunt, vestri ciues, qui plusquam externis tumultibus per hæc bella eruuntur. Quid deinde? Emitis pacem, (Reges:) His prodest peccauisse. Vos in regno nunquam bonâ fide pacato, expectatis solliciti ex quo cinere se flamma refundat; cui placeat gloria nouæ litis, quæ fœderum tabulæ iam plenissimis libris addendæ sint. Minimum putem, quòd hæc bella, hæc paces, exterarum gentium ludibriis euilescunt; quòdque minor quàm pelago fides est, siue quietem agimus, siue tumescimus. Maiora sunt vulnera, quibus viscera patriæ lancinant illi mores. Robur enim maximæ gentis, & cui si hæc absint incommoda, nulla non cesserit, hic assiduus & pestilens ventus affligit. Percunt vrbana, & rustica opes, quasunque pro-*

uincias turbo afflauerit. Consumitur impetus animorum; & Prudentum quos multos habemus, solertia, digna Orbi imminere, his domi pacandis tota vix sufficit. Instituuntur præterea animi iuuentutis ad audaciam, & contemptum maiestatis, infandamque dulcedinem belli ciuilis, in quo furor & auditas, subitas pugnas & præsentia præmia habet. Ita domestico facinore marcescit quicquid ad terrorem exterorum Dij Siciliae nostræ tribuerant. Neque putes hæc esse rudimenta flagrantium animorum, qui castrensi disciplinâ eruditi, æstus inter se cōceptos, mox in peregrinum hostem validiùs effundant. Utinam hæc solatia saltem essent ciuilis insanix. Sed ne isthic tyrocinium ad fortitudinem aut militiam credas; cogita quàm sæpè plus vanitatis & minarum hi turbines habeant, quàm iusti laboris in castris. Conueniunt illæ cohortes in arcibus, vrbi-

bûsque obnoxii; facilem ciuem, aut imparatos agrestes diripiunt. Hæc plerunque fortitudinis summa. Acies rara; nulla, aut subita discrimina; quia obnoxiè placantur, & ante fortunam armorum ab facinore donatos dimittitis. Sed etiam vt bella hæc durent, vt sæuiant mutux turbæ; at interim miles opimæ patriæ spoliis saginatur, & in bonis miserorû ciuium bello quàm pace delicatior, latrociniis magis quàm constantiâ, robore, arte, imbuitur; Vt ad disciplinam deinde veri & sobrij Martis, & in externis regionibus interdum infœcundi, frangatur enervi fastidio, doceâtque diuersissimos esse labores, prædatoris & militis.

Temnimur interim, ô Rex; Et si quid in vicinos minaris, robori minùs suo quàm malis nostris fisci, tuos conatus despiciunt. Largitione tantillâ facile credunt excitare de Siculis, qui ciuili seditione te impliceant. Sic tradunt te

iis debellandum, per quos tuis auspi-
 ciis debuerunt euerti. Nobilissimæ
 genti infamiam an perniciem hæc plùs
 creent, ipse existima. Vis denique
 quod tui ciues queri possunt hîc audi-
 re? Componendis his fluctibus olim
 populus ad regiam potestatem respec-
 xit. Ne collideret Optimates ambitio,
 ne vnâ gentem factiones diuiderent,
 essetque timendum à ciuibus, quod
 hostes solent minari, transtulere in
 Regem purpuram, solium, ferrum.
 Quod si adhuc in regno vexantur rei-
 publicæ malis, quid precij illis erit tra-
 dicti sui iuris, exutique imperij? Aut il-
 los in libertatem restitue, aut domesti-
 cam præsta quietem, propter quam
 libertatem reliquerunt.

Meleander ad hæc verba ingenti
 suspirio pectus concussit; & facilius ar-
 gui morbum posse respondit, quàm
 expelli medicinâ. Iam se Eristhenem
 & Oloodemum, ferro vltum. Lycoge-

nem occubuisse. Si ad illud exemplum
quotidie seueritatem res exigunt, sibi
ipsi in odiũ venturam potestatem quæ
sanguine Optimatum alenda sit. Sum-
ma in illis indoles (inquit) animi vi-
gor, multæ yirtutes. Scilicet extin-
guam, aut premam hæc sydera? Omnia
autem? Sed illud inhumanum; & for-
tasse supra regias vires. Quænam igitur?
Nempe suspecta. At verò & solæ
suspicionis pœnas luere est indignum;
& præterea sæpè nullum est ante tu-
multus suspicionis vestigium. Impetus
in viuidis mentibus præceps haud ra-
rò simul cõgitat, simul excit hos mo-
tus. An omnes habebø meâ rigiditate
auerfos? Viuámne feræ instar in solitu-
dine; an potiùs nouis hominibus re-
giam implebo? Acerbius mehercule
ipso malo remedium. Deos & fata spe-
ro, postquam sumus emoliti acerri-
mam tempestatem, pro habenâ reue-
rentiam nostri fore expertis quid pos-

simus. Saltem, Cleobule, quàm mitissima consilia habes exprobre.

Tum Cleobulus. Fauco tibi, ô Rex: Id est, Proceres quantum licet tecum excuso. Latè in illis, & ingentes sunt animi; & hæc ipsa quæ arguimus magnæ indolis notæ sunt; & si legum habens teneretur, rebus publicis salutaris: Nunc quia illam passi estis lasciui-
re, eorum quæ cogitat, quæque audet, inclino in vos Reges inuidiam. Cæterum cum virtutes ac vitia non plus ex merito æstimentur quàm ex populari iudicio; nihil mirum, si consuetudo & peccantium claritas, atque successus, nobilitauerit hanc culpam: Quam si premi & eripi cupis, reuocanda est paulatim ad suorum natalium vilitatem. Hoc autem efficies, primùm nominis veri dedecore; ut apud te perduellio, coniuratio, perfidia, nominetur; Non ut solet, magnitudo animi, prudentia, societas, publici boni cura. Deinde ut

qui à te secesserint, saltem efflagitata
venia humilitate frangantur; Cùm
nunc (miro gentibus ritu) damnare te
soleas, publicis professus codicillis hos
esse innocentes. Nam si rei non fue-
runt sumptis armis, certè tu reus in
quem illa sumpserunt. Triste dictu. Si
hæc postrema exceperis arma, in qui-
bus simpliciter victor es; vide sub te &
patre tuo turbas. Omnes cā cautione
dimissæ sunt, vt terras populas, con-
scriptos milites, cætera defectionis fa-
cinora, nimiâ simulatione, & prodente
captiuitatem imperij, imputaretis vo-
bis. Iussu hæc vestro, aut vestri gratiâ,
esse patrata, publicis chartis sustinuis-
tis inscribere.

Sed durum est, premere illas stellas.
Enim nec obrui illas, ac nec regi oportet
inhumana ratione. Luccant, ô Rex:
dum meminerint cui Soli lumen hoc
debeant, nec caliginem faciant tuo
orbi. Ferè necesse videbatur alicuius

sanguine lui hoc crimen. Extorsit
atrocitatem remedij à tuâ bonitate
cum Oloodemo Eristhenes; & infœlix
vindex Lycogenes, cæterorum animos
aliquâdiu sui memoriâ tenebit. Quis-
quis autem temporum istorum obli-
tus, in hunc ludum primus descen-
det, ocyùs hominem preme, non tar-
dis, non incertâ consultatione libratis
conatibus. Ipse tibi expeditionem de-
sume, ne tuorum ducum præuaricatio
illam causam inurili morâ conficiat. Si
audebis, si non cunctaberis, multi ma-
iestatis reuerentiâ capti tuum auspi-
cium sequentur, qui dubitare incipient
de suo officio, si & videberis delibera-
re an impunè possis offendi. Tunc ni-
tendum, ne timidâ remissione spirituu
videaris istorum temporum oblitus,
aut veniam petere extincti Eristhenis.
Consentias cum impetu isto, vt tuus
esse potiùs videatur quàm fortunæ.
Fœdera, leges, pacta, cum armato re-

belli, nec audi. Vnum sit pœnitenti remedium, si supplicet, si supercilium ponat, si se & causam damnet. Lenitatis tuæ erit sic composito indulgere; nisi nimis perniciosè errauerit, aut in necessitatem distulerit pœnitentiæ lar-uam. Sed ignosce eâ lege, vt aliquid ipsi in mulctam decedat. Si prouinciam à te habet, partem ex eâ delibam quam alteri tradas; si arces aut suas, aut regias, vnam ex iis futuræ fidei pignus cape. Timebunt alij spolia dare ad regiam Gazam, qui nunc contrario voto æs, fasces, præsidia audent in precium pacis exigere. Caue autem dare hos reos precibus cognatorum, qui apud te in illos militarint. Nam vix vlla vulgarior fraus est, quàm istorum Optimatum, non studio, non vero affectu, sed veluti sordibus, se in aduersa diuidentium castra. Fratres, affines, patrueles, hic pro te, ille cum factionis stabit; vt victoriâ aut fauore in vtramlibet fortu-

fortunam securi sint. Hos te maximè suspectos habere æquum est, ô Rex; & si anxie pro cognatis suis orant, pro-
pmodum hostes.

De ducibus factionum hæc sentiam. Sed quid illi absque militum manu? Hi sunt sanguis, hi nerui tumultuum; Nec in eos impunè seueritatem omiseris. Quos igitur placidis rebus seu præsidarios milites seu prætorianos conscripseris, si defectione obortâ Præfectos forsitan suos in Regem sequentur, iis infamis sit missio. Cingulum ponant. Nullus pœnitentium clamor, nullæ procerum preces te moucant. Discant non tam Præfectos venerari quàm te in illis. Quippe hos secum à te ali, à te pendere. Ita exercitus quos comparas, quos in pace educas, sincere erunt tui; nec te Magnates creditarum fiducia copiarum despicient. Si qui autem concitato tumultu, nullis stipendiis tibi deuincti, ad factionem acces-

ferint, his miriora imperari non abnuam. Simplicis defectionis rei sunt. In eos, si lubet, mansuetudinis obtine famam; Modò veniam te dedisse, non se ingratis v'surpasse, intelligant.

Sed de suppliciis scilicet, multisque iam agimus: Atqui antè vincendi sunt; aut quod est humanius flectēdi, ne aut vinci mereantur aut plecti. Duo sunt, ô Rex, quibus Proceres in te armantur, sollicitanturque ad ambitum. Has tu vites si solerti ratione subduces, te, an illos, plùs iuueris, nondum intelligo. Sed nunc ea non licet memorare. Video enim ad te venire Sardiniae Regem. Respexit Meleander; & Radirobanes iam aulam intrauerat. Ergo, quāquam inuitus, dilatis arcanorum sermonibus, processit ad hospitem, & hilariter colloquutus ad conuiuij locum deduxit. Amplissima Regiae sedes erat, foribúsque laxatis populū ad spectandum admitti placuerat. Illo iam xuo

mos erat Siculis accumbere in conuiuiis, vescique ex lectulis. Sed vetusti sæpè mores occultâ veneratione afferunt rebus auspiciū, quas Reges publicè obeunt, aut Sacerdotes procurant. In illum itaque diem Meleander maiorū mansuetudinem reuocauit, vt conuiuæ federent. Inuitauerat Optimatum præcipuos. Ipsa Argenis aderat cum delectis matronarum; ingens æmulis procis ad odium & vesaniam incitamentum. Furebat in Radirobanem Archombrotus, impetu vix se premente. Nec integrior Radirobanes furtim intuebatur, si quid ille in Argenidem inspiceret, aut ab eâ aliquo nutu dignatus exultaret. Vterque furioso timore plurima fingens, improuisos aspectus, aut gestus, in suam trahebat iniuriam.

Peraçto conuiuiō Radirobanes amoris odiq̃ue impatiens, Meleandro significauit, si ocium esset, se secretò

colloqui velle. Statim Rex cum eo secedit in porticum; & Radirobanes, Si apud alium agerem (inquit) eius animum meis votis pararem, Optime hospes, referendo me Sardinia, & Corsicæ esse Regem; Baleares insulas meas esse; Occupari à meis plures portus hinc in Africâ, inde in orâ Liguria; Terras illas populo & opibus graues; Classem ingentem, & formidolosam mari, quodcunque se ab Oceano ad nos diffundit. Adderem seriem Regû, quorum antiquissimos ferunt à dijs generatos. Sed apud te alia oratio habenda est. Ego hospes cum hospite quæro arctiora fœdera inire. Liceat meam fortunam miscere cum tua; aut, vt simpliciùs loquar, nomen patris, & auspicium in me sume. Tua sint quæcunque possideo. Filiam tuam mihi desponde. Nec scio vtrum has nuptias auidiùs expetam, vt te socerum, an vt uxorem hanc habeam. Sic loquutus

nullam intulit de allato auxilio mentionem ; quod maximè apud senem valiturum sperabat.

Meleander, præfatus à se omnia Radirobani deberi, Conditionem, inquit, affers, charissime hospes, non accipi modò, sed anxie quæri dignissimam. Nam quis Radirobani, quis Sardiniae affinitatem non optet? Et tu, fortissime iuuenis, minore patrimonio, & Sardinia non tanto sub Rege, maiora quàm quæ postulas sperare potuistis. Sed scis coniugia plùs animorum quàm corporum fœdere esse suauius. Liberæ hominum mentes sunt, nec ullis legibus cogi possunt velle quod nolint. Maximè fors Regalis in quam gnata mea est edita, eam captiuitatem non fert. Ego habeo à maioribus sceptrum ; illa à me expectat ; liberum ipsi deinde esse debet in quem velit suæ fortunam Siciliae transferre. Hæc non ita accipias, dulcissime hospes, tanquam quæ tu vis

omnia, & præsertim hoc ipsum, non velim. Sed mirari te nolo, si filia mea suas vices relinquo. Quicquid possum ego polliceor. Tu apud illam fac, ut digna sit à te amari. Nam nec tibi expedirent coacti hymenæi. Denique finge te filium meum esse; quantumcunque tu ames, quamlibet magnas dotes in eâ tibiingas; nollem mihi esse nurum, nisi te maritum exoptaret.

His verborum ambagibus quærebat Meleander, & Radirobani placere, & habere paratas negotio tanto moras; quòd filia mentem ab illis nuptiis sciret auersam. Quippe antea eius sensum explorauerat, non dubius in hac spem Radirobaniem venisse. At ille rem vrgere, senem ambire, dicere suam vitam in eo esse sitam ut gener appelletur. Tanto in æstu non verba, non mentem capiebat Meleandri, ita spem obliquè ostendentis, ut prudenti, & quem amor non turbaret, sat negatum vide-

retur. Iamque Eurymedes utrumque
 monuerat ludorum tempus esse; quos
 subitos, & tantum ut populus in Regis
 victoriâ lataretur, in Regiæ vestibulo
 instruxerant. Processere itaque ad Or-
 chestram, in quâ multa ex Regiæ pene-
 trali curatores ludorum conspicienda
 locauerant; antiquissima signa præfer-
 tim, & Heroum imagines, non modò
 quibus artifex pedes & manus indulse-
 rat; sed & plurimæ ante Dædalû factæ
 solo vertice de sui saxi impolitiâ exi-
 bant. Postquam Reges confederunt,
 statim cum Selenisâ & ministrarum
 grege intrauit Argentis, haud mediocre
 Radirobanis Archombrotique suppli-
 cium. Non igitur illi in personas satis
 inspicere, non in veteres Siculorum
 Regum opes. Ac ne virginem quidem
 multum intuebantur, alterno inter se
 conspectu agitati. Inter hæc Radiro-
 bani videbatur Argentis, blandius sæ-
 piusque in Archombrotum vultus ad-

uertere. Quod ut miserrimè credidit, ita secum loquutus est. Furiosum esse amorem non proderit; Solertia opus est nobis. Nam si Archombrotum sustulero, peius crepti memoriâ apud Argenidem me perdet. Num autem non & bellum est amor? Atqui in bello quas hostibus vrbes munimenta eripiunt, proditio sæpè aperuit. Tentandi sunt muneribus quorum gratia apud Argenidem valet. Laudationes eorum assiduæ me chariorem ipsi efficient. Sumus omnes incauti ac faciles ad ea imbuenda, quæ sæpè, & veluti non ex arte, familiares insinuant. Iisdem machinis nihil me præteribit arcanorum quæ huic cum illâ intercedent. Perpendenti deinde, quosnam ex familiâ Argenidis aggrederetur muneribus; nihil difficilius aut utilius visum est quàm ad Selenissam hoc iter habere. Quippe oris constantiam illi matronæ esse, quæ ad perfidiam vocantes ter-

reret; sed si in potestatem redigeretur, facilem de Argenide fore victoriam. Erat ingeniosus; præsertim cùm impetrus naturam acuerat. Audendum est, inquit; Facile erit apud anum ita loqui, vt si integra est, meæ largitionis fraudem non capiat; sin vendere fidem potest, intelligat emptorem aduenisse. Hæc gnauius agitantes non arena, non scena nam vtriusque spectaculum dabatur) poterat delectare; quamuis hinc in certamen producti qui Erycis artem cæstu iactarent; inde autem Catanenenses ex sui Andronis disciplinâ saltarent ad tibiam. Sed in auspiciū traxit, quòd largitioni intentus, non absimilem victoriam aspexit in theatro; in quod Argiam & Eriphylen Poëta produxerat; hanc diuino monili mercantem crudele suffragium; illam munere victam, & coniugis fata prodentem. Inter cætera, istos versus quibus Eriphyle accepto proditiōis pretio exul-

tabat, sic laudauit, vt confestim ad se præciperet afferri; & aliquoties tacito voto perlegeret.

*Absiste tandem, cura. Sat sterili vigil
Marcore cecidit vultus. O grates, Dei.
Fauistis omnes. Teneon' armillam manu;
Meamq; tenco? Vota cecidistis benè.*

*Nunc tuta, nunc excelsa, nunc cælo fruor:
His se decora sueuerat gemmis Venus
Ornare Marti. Tyrius has stupuit gener
Ardere collo coniugis. Quis hic decor?
Quis radiat ipso non minor Phæbo dies?*

*Quò pergis amens? Dî, fides, lares, amor,
In pretia deposcuntur. Heu nimio tibi
Armilla stabit. Poteris infelix tuum
Damnare bello coniugem? Bellum vetant
Saga volucres, Delphicus pater vetat,
Et omne sacris exta quod præbet pecus.
Funesta merces! Vidua si tantum potes
Sic esse fælix; melius ab pietas malos
Omitte cultus. Trahitur en dubiâ vice
Instabile pectus; sic ut incertam ratem
Non vnus atro ventus inuoluit freto.*

Sic nempe simplex! sorte nunc dubitas frui
 Quam fata præbent? Quid times vanas aues?
 Ne bella fiant, reddere armillam voles?
 Hæc ipsa bellum faciat; hæc regnum est mihi,
 Meliusque Thebis. Augur infelix redit,
 Inuisa pietas, mensque non credit sibi.
 Quid agimus? O fors dura cum timet miser
 Quod optat animus! Digna cælesti tamen
 Si viuis auro; sacra si tuos decet
 Armilla vultus; vindica hoc ingens tibi
 Munus deorum. Coniugi si fors tuo
 Es vilis, aude quod times; Sin te colit,
 Opibusque summas optat ex æques deas,
 Tibi ipse cupiat sanguine hoc emptum suo.

Lætus Radirobanes huius exempli
 augurio, postquam finitis ludis in aulae
 interiora recessum est, Argenidi in
 conclauis ipso Patris, eadem narrauit
 quæ antea Regi. Orabat ut in munus
 placerent Sardiniae opes; cæteraque
 haud inconcinnus amator addebat,
 quæ vtriusque fortunam decebant.
 Argenis non modestiâ tantum, sed

occultissimâ irâ erubuit; Non alia retulit tamen, quàm quæ Radirobanes hoc primo congressu expectabat: Nec eam scilicet Virgini curam esse debere, nec filiæfamilias potestatem. Habere interim gratias quòd ille tanti faceret amicitiam patris. Radirobanes aliquantum cum eâ cunctatus, ad insidiarum suarum initia digreditur: Proceres, Matronasque, huc illuc toto triclinio obibat, simul maiestate regiâ, & iuuenili comitate. Tandem in Selenissam incidit, ut optabat; & vulgaria quædam effatus, laudare deinde ipsius filium cœpit, qui in aulâ vivebat: quærere deinde pluresne genuisset, quid ex stirpe restaret; & quæcunque mulierculæ gratissima erant. Et hinc spontè ad se deflexus; Optimæ matris meæ multa, inquit, lineamēta in te agnosco: Iam sapius dulci memoriâ illius amissæ, cùm ad te respicerem, perculsus sum: Et hodie efficiam ut scias quàm

multum de vultu illius tibi fata communicaauerint. Superuenit loquentibus Meleander; à quo Radirobanes sub noctem digressus, Selenissæ filium accersit; Demades nomen erat; Cui postquam multæ familiaritatis specie imposuit; Vade, inquit, & hanc matris meæ imaginem ad Selenissam defer; si sceptrum & corona obfuerint, ab ore suo non disparem. Erat autem brevis imago, ætatis conditione à Selenissâ non abhorrens. Anumenim Reginam, & rugis obsitam, referebat. Sed insigni artificio, gemmæ olim talentis viginti Radirobani emptæ, faciebant imagini thecam, ex qua vnio prægrandis pendebat.

Selenissa vbi cum munere Demadem vidit, tam precioso fulgure concussa, dubitauit an conscia esse Argenis huius felicitatis deberet. Verebatur in suspicionem venire fidei prostitutæ; Aut ne remittere donatori iuberetur

hoc plusquam simplicis liberalitatis
pignus; si crudum nec præparatum
puellæ animum illâ nouitate pulsasset.
Hæc exigens secum, adhucque delibe-
rans, filium rogat plurêne adfuissent
cùm Radiobanes id sibi perferendum
tra diderat. Imò, inquit, seuocauit me
ad secretum ne quis arbiter esset. Et tu
igitur, retulit Selenissa, apud te, fili, rem
contine. Id agitur quod ignoras; Ne-
que mihi, vt existimas, & apud te Ra-
diobanes finxit, hoc mittitur. Sed
commodiùs, & vbi fas erit, plura intel-
liges. Vnum iam memento, vt sileas.
His dictis ad Argenidem redit; Adhuc
quidem illi fida; sed iam desierat Ra-
diobanem odisse. Tum versare animo
cœpit, quanto suo & Argenidis peri-
culo Poliarchus amaretur. Nam quo-
ties reprehensam à cœpto moriendi
Argenidem? aut quem spondere posse,
non illam aliquando anteuersuram
furioso impetu vitæ consilia? Denique

sibi quemque debere consulere. Nam quid de me (inquirebat) meritus Poliar-
 chus? Radirobanem post pauculos dies
 quàm limina hæc attigit, vtiliorem
 mihi sensi, quàm illum, plùs anno fa-
 miliarem Argenidi. Quid si de se men-
 titus est ignotus ac externus? At istum
 priùs auxilio Sicilia Regem sensit,
 quàm alto nuptiarum & regio voto. Si
 propitiam Argenidem illi effecero,
 quantum mihi sperandum est; cùm
 iam præmia vsurpem, quæ penè ad
 præstitam operam satis essent? Abest
 denique Poliarchus; Num viuat incer-
 tum est; num si redeat, impetratura sit
 publicè hunc à patre virum Argenis;
 an verò clàm discessu dedecori me
 quoque frustratura. Radirobanem au-
 tem non dimittere possumus, nisi ira-
 tum; Neque parem conditionem (si
 ista abiuerit) neglecta fortuna mihi &
 Argenidi curabit reducere.

Inter hos dies (quod Cleobulus antè

coniecerat) legationes passim ab vrbi-
bus veniebant ad Regem, sedebantque
in deorum liminibus, ramos supplici
lanâ obductos cum gemitu aut silentio
tenentes. Multa oppida, & ex insignio-
ribus ciuium multi, Ibburrane & Du-
nalbio deprecatoribus vsi sunt; quo-
rum ea apud Regem gratia erat, vt ni-
hil negaretur petentibus. Igitur Me-
leander virilem in deiectos & obno-
xios ciues clementiam sequutus, solo
maiestatis conspectu ultus est pœni-
tentes; legatis inter armatos custodes
intromissis in curiam; in qua ipse regio
cultu ad formidinem supplicum sede-
bat. Cúmque illi de sæculi genio que-
rerentur, qui populi mentem auertisset
in tumultus; Ipse paucis incusatos in
mitiorem spem purpuratis relinque-
bat; iubebátque abscedens ab iis arbi-
trium suum audire. Leuia autem impe-
rabantur; paucæ in multam pensio-
nes, & peruicacissimorum exilium

Nacti

Nacti igitur expectatione mitiora amore victoris suas vrbes impleuerunt. Hyperephanij seorsim legationē volebant ornare, suas gratulationes & vota, nouasque fidei spōsiones laturam. Sed intercessere cōsilio, qui id Regi ingratū fore cognouerāt. Quippe Rex cū audisset hoc eos cogitare; Peto, inquit, an Hyperephanij plūs minúsve Siculos esse se sentiāt quā cæteros ciues. Nam quid ab reliquis vota secernūt? Cur non Prouinciarū, non vrbium, sed partium nomine me affātur? quas ō sciāt semper inuidiosas esse Principibus; sed tunc maximè cū videri, & veluti prodire in publicū, iactatione suarū virium volūt. Cū verò aliæ aliq; prouinciæ redirēt ad reuerentiā maiestatis, legati Syracusarū intromissi in Senatum deiectis diu luminibus, significauerunt esse quod promerē nō auderēt nisi dicere iuberetur. Sciscitanti Cleobulo quid afferrēt, supplices libellos obtulere, quibus con-

cinebantur ciuium vota. Addiderunt sæpe contingere, vt vexatus malorum hominum iniuriis populus stultè in Regem aut patriam suos dolores vindicet: Velut quidam ex ægritudine infani, vrgentibus morbi stimulis in proximos furunt. Nec se priorem excusare amentiam; sed scire ex illis quæ Syracusij deprecabantur incommodis eam incitatam fuisse; & plurimùm ad sanitatem mentium fore, si eadem in posterum arcerentur.

Cleobulus hos libellos se Regi traditurum recepit, iussitque propediem legatos responsum opperiri; Tum soluto Optimatum senatu iuit ad Regem, tunc fortè de ipsius Cleobuli prudentiâ multa secum voluentem, qui redituras ad officium vrbes haud vanè coniecerat; memórque eius monita nuper Radirobanis interuētu suppressa, hunc ad illos sermones reuocauit (Syracusiorum codicillis, quia longiori con-

sultatione egebant, in aliud tempus dilatis) Aiebas, si memini, esse duo, Cleobule, quæ insynceram in Siciliâ pacem efficiant, & in Procerû manu ponant, in bello an ocio degamus. Sed dicentis orationem tunc Rex Sardinia interuertit. quam hîc pacatiùs exequi potes. Quanam ergo illa duo sunt vincula aut veriùs fata, quæ Siciliam Proceribus obnoxiam permittant? Ea ipsa (retulit Cleobulus) quæ, Sapientissime Rex, sæpè dequestus es. Primùm, munitionum, arcium, præsidiorum, in Sicilia numerus ingens. Mos deinde constituendi Rectores Prouinciarum in eam legem vt non antè magistratu quàm vitâ decedant.

Tot equidem arces, si non incommodæ essent, sed duntaxat inutiles, tamen euerti consulerem. Nunc cùm ad earum custodiam & sumptus, & pericula, & plerumque pernicies accedat, quid ad nostra vtrique damna misere

obstinati, illas diutiùs seruamus, aut in quos denique hostes arbitramur valituras? In externos, an verò populares? Atqui externi iis satis excluduntur quas in finibus regni portubùsque substruximus; Harum utilitatem nihil sollicito. Satis virium illic nobis, satis moræ externis est; Qui deinde si quà per obices illos perrumpent, nostris exercitibus excipientur, oppidísque passim obiectis, quæ crebra, nec adeò inualida habemus vt primo hostium impetu diripi possint. In vim peregrinam illa suffecerint. Domi autem quos timemus? Num populum, & incolas ciuitatum? an non potiùs magnatum ambitum, inquieto vtrique genio strictum semper ad audacis nouitatis pericula? Rarò, populo tuo mens est in Reges consurgere. Vesania quâ nuper intumuit, propè sine exemplo est; sed nec illa, vt expertus es, tot arcium cautione de quibus iam disceptamus, aut

præuerti potuit, aut saltem cohiberi;
 Vt inde has munitiones intelligas non
 tibi (Rex) asserere oppida in quorum
 stant ceruicibus, sed ea Præfidiariorum
 Præfectis tradere incertissimam serui-
 tutem, qui sæpius ciues inuitos stare in
 Regem coëgerunt, quàm rebelles aut
 dubios traxerunt ad Regem; Adeò vt
 quoties sibi postulant arcem credi, vi-
 deatur hæc eorum tacita esse oratio.
 Trade compedes, ô Rex, quibus obno-
 xium arci oppidum mihi deuinciam.
 Captiuos habeam ciues; Quicquid re-
 pugnes, & quantumcunque hi nolint,
 seruiant imperiis meis. Sub munitio-
 nibus istis tremat circùm prouincia.
 Isthic recipi, hinc effundi possint ar-
 mati. Regnum denique minus in am-
 pliori tuo mihi constitue.

Referes te fidissimorum hominum
 delectu exarmaturum tantæ potestatis
 licentiam. Faceres quod nemo ante-
 hac Sicilia Regum. Quod enim aut

ciuile bellum fuit, aut ab externis illatum est, in quo non istarum arcium plurimi rectores à sceptro defecerint? Aut quis omnino in nostrâ gente motus, nisi his claustris erumpens, aut in illa receptus? Ne id quidem dissimulant, qui post factiones ad fœdera tecum descendunt. Arces in salutis pignus efflagitant: Nempe vt iis incolumes te inuito esse possint, & recrudescente armorum libidine, rursus in te securâ contumaciâ armari. Vide quàm sit iniqua conditio. In præteritæ defectionis veniam tuâ sponfione non contenti, arma, arces, milites sibi poscunt: Te porrò in pœnitentiâ, quam sæpè simulant, pignus, eam fidem verbis suis cogunt habere, quam detrahunt tuis. At his munitionibus è regno sublatis, in tuâ suâque fide, ô Rex, statuent sibi præsidium, & in creditis verbis, obsequium duntaxat inuenient quamdiu voles; nec inuitabit ad pec-

candum tot aggeribus totque fossis sibi placens rebellandi securitas.

Sed utique non damnanda est, dices, maiorum disciplina, à quibus aut hæ conditæ arces, aut condédarum exemplum est. Ne verò illa ætas tantum sibi, Rex, placeat. Maiores nostri res suas ad sæculi quale tunc erat genium curaere; Nobis pro diuersitate temporum in quæ incidimus interdum pro salute est à mente eorum & consiliis abire; Ut & profanæ superbiæ putem vbique negligere auitam prudentiam; & absurdum reuerentiæ genus esse quod nos perpetuò illorum institutis velit addicere. Et has igitur arces, quæ iam nobis molestæ sunt, ipsi rectis, ut arbitror, consiliis eduxere; & nos non minori solertiâ deiiciemus. Olim enim aut nondum Sicilia in vnum coierat; aut singulæ saltem Prouinciæ, Principes suos habebant, paruo duntaxat ære, vel tenui obsequij imagine, Regi obnoxios.

Non mirum sibi tunc quemque præsidia statuisse; quibus aut vicinos repellerent, aut si à Rege vis fieret, non excuterentur à patriâ. Nunc omnia bello, hereditate, fœderibus, in te dii retulerunt; câ fœlicitate, vt neminem videas, cui charius non sit commune Siciliae nomen, quàm angustū prouinciæ in quâ est natus. Quid igitur memoriam pristinorū discriminū limitūque seruamus in castellis, iam utilitate abolitâ? Ne parce locorum nominibus, seu illa conditor seu vetustas nobilitauerit. Ruat cum aggeribus suis ambitio. Paucissimas de tot arcibus serua, necessariis locis; vnā præcipuè Syracusis, non tàm quæ regere tantum populum queat, quàm interdum morari insanientem. Hæc sat erunt tutando imperio: Sed eo quidem omine ne Procerum summis credantur. Tale sit Præsidum genus quod nec egenum, nec opibus impotens, sperare à te plurima

debeat, & nil possit extorquere. Relin-
 que illis Regibus hunc crebrarum ar-
 cium morem, qui peregrino, ideóque
 inuidioso imperio, premunt dissitas
 gentes; quæ nec moribus coalescunt,
 nec fidem tutâ amicitia obseruant; quæ-
 que ubi respexere in maiorum suorum
 historiam, erubescunt se alieno addi-
 ticias sceptro esse; nec domino tantum
 absenti, sed & genti in quâ dominus
 viuit seruire. Sed tua Sicilia gens vna
 est; vnus sanguis; eadem illi iura; glo-
 ria, Principis, famæ, sincera commu-
 nio: Quamuis illam Maiorum tuorum
 bonitas iterum in diuersa studia tan-
 tum non sparserit, perpetuo singulis
 regionibus rectore attributo; sub quo
 possent meminisse, & olim apud se re-
 gnatum.

Id ipsum alterum erat, quo monebam
 infestari tuam pacem, & in te Proceres
 accingi; hic mos inquam in tam lon-
 gum & stabile imperium permittendi

Prouincias quæ vt à te Rectorem accipiunt, hunc illico venerantur, ei assuescunt, tam constanter hunc esse Præfectum, quàm te Regem intelligunt, Imò & propiùs ille ciuibus incumbit, propiùs vrget affectus; contumaces aut amantes propiùs damnat vel colit. Maximè nobilium stirpes adeò eiusmodi Prouinciarum Rectores accedunt, spe, conuictu, mansuetudine captæ, vt deinde vel in Regem promissam fidem exerceant. Hæc munera si paucorum annorum faceres, ô Rex; non illis coalesceret inueterata vis; nec ciues breuissimo defuncturos imperio, præter fas amarent aut timerent. Diu est (inquit Rex) ex quo mecum hæc omnia exegi. Sed iis quibus veteri ritu Prouincias olim attribui, quo nunc ore meum donum possim adimere? Quid egregiè de me meriti duces? quid illi quibus hanc victoriam debeo? Auferam scilicet præmia à probatis, quæ

adhuc dubiis, aut inexpertis concessi?
Facilis ratio (refert Cleobulus) Noli
tantâ nouitate sollicitare patientiam
Optimatum. Sint illis tua munera in
seculo. Sed ut quisque deceder, nouis
legibus successorem constitue. Trien-
nij ut plurimum potestas sit; nec pro-
rogatione fascium spem illis facias plus
nomina quam imperia esse mutata.
Breuiiores magistratus non timebit Si-
cilia; & quantumuis angustit temporis
honores cupidè commendabit ambi-
tio. Tu quoque in plures liberalitatem
diuides, vacuis sæpè prouinciis, in quas
alios atque alios, pro meritis tempori-
bûsque sufficies.

His artibus si eripies Purpuratis de-
ficiendi consilia atque vires, tibi mul-
tum debebunt. Nam & defungentur
periculis, quæ eos sub austero vel per-
fidioso Rege possunt obruere; & cla-
rissimæ indolis torrens ab iis erroribus
in iustum alueum coactus, in consilia

quidem non minùs fortia, militaria
rapictur, sed multò æquiora, & quæ in
virtutum nullam pugnent. Respice ab
aduerso littore diffusam regionem, &
æmulam sæpè Sicilia. Illa quoque ca-
stellorum turriúmque frequenti su-
percilio tumebat: Erant præterea Opti-
mates tanti factione & viribus, vt, quod
plerunque infælix potentia genus est,
Reges terrerent. Qui tunc in eâ motus?
quibus nunquam grauiores concussere
Siciliam. Deiecti nunc Reges, nunc
Proceres; Donec arcibus præter vnam
euerfis, Magnatum quoque robur mul-
tiplici regnantium arte suppressum est.
Hi bello periere, hi carcere; hos licto-
res immolauerunt publicæ paci. Dij
melius, quàm nostrorum patriciorum
sanguinem ita fatis vilem esse. Hoc tu
auertes, si & quietos illos, & te seriò
Regem esse volueris. Sic enim ille con-
iurandi mos, atque à te deficiendi, pau-
latim excedet ab vsu; & in pari omnium

iugo nemini grauis erit iusta modestia.
Sed quamdiu id cuiquam erit impune,
in contumeliam ceteri trahent virtutis
necessitatem: Ut vel omnes pari lege à
tuâ maiestate subigendos, vel neminem
in officio futurum intelligas.

Quòd si vnquam redibunt ad tu-
multus, iam nunc consule quid illis fa-
cturus sis; In te, inquam, consilij sum-
mam constitue; Nec in amicis expecta
libertatem ad fidem, quâ modò extra
periculum disputamus. Forsitan & ego
molliora censuissem, nisi quòd venturi
ignarus, nescio qui sint in quos nunc
dixi. Scilicet illi prudentes, quorum
consilio in rebus dubiis vteris, non sic
auspiciantur publicas curas, vt priuatam
suæ salutis sollicitudinem deponant.
Itaque vbi in factiosos & armatos Pro-
ceres consuluntur, eorum offensam
veriti sæpe remissas sententias dicunt, &
propemodû tuo sceptro indignas; Ne
si quid acrius statuerint illi ipsi in quos

dicunt postquam (ut mos est) in aulam reconciliati floreant apud te, in ultionem seruent animos, ac denique ruinam immerentem exsatiarent. Eo metu multis tuorum Senatorum libertas eripitur, fidis quidem, sed dum impunè licet, & sibi antequam tibi. Hæc ipsa nec coram Collegis dicerem; nec tibi omnino; nisi inter regias tuas dotes insigne esse scirem, & simillimum obliuioni, silentium.

Dum his consiliis secretus Meander imbuitur, interim Radirobanes machinas pergit in Argenidem adornare. Iamque munere dato familiarior, auidè quærebat cum Selenissâ conuenire; Et eo fortè die sic casus consilium adiuvit. Miserat ille qui nunciarent Argenidi, si commodum esset, eam velle se visere. Spatiabatur in horto Argenis, cumque illâ virginum paucarum. Sed Selenissa in illius triclinio hæserat, nescio quibus codicillis impedita; &

hanc occasionem nacta colloquendi
tam magnifico largitori (nā idipsum
anxiè optabat) renunciari Radirobani
iubet, vacare Argenidi; eamque, si ipse
veniret, confestim ab horto adfutu-
ram. Geminatâ mox fraude, ministra-
rum fidissimam cum hisce mandatis ad
Argenidem ipsâ mittit; aduentare ad
gynecæum Radirobanem; cuius col-
loquio si cuperet defungi, properaret
descendere ab horti spatiis in subiecti
saltûs vmbras, hospitêmq; incom-
modum suâ illic cunctatione eluderet.
Interim Radirobanem Argenidis li-
men intrantem ipsa excepit; excusans
quòd domina abesset, illico, vt finge-
bat, reditura; Cúmque secretum fuit,
iis qui sequuti Regem erant remotiùs
in eius honorem astâtibus; Tunc anus,
Gaudeo, inquit, ô Rex, locum hîc esse
obiurgandi liberalitatem tuam. Nimiò
preciosiùs quàm ipsa natura me ad
vultus charissimæ tuæ matris admo-

uisti. Et Rex, Parua hæc, inquit, existima, Selenissa; & pignora fortunæ maioris. Ne verò tuam sortem meamque dissimulem, accipere maiora à te possum, quàm tradere. Tu lux mihi, tu veræ matris loco, tu aliquid conciliare mihi potes vitæ fœlicius. Neque à te expeto opem, nisi quam tibi tuæque alumnae utilissimā putabis. Nam quid illa Archombroti amicitia tenetur? Quàm indignum Siciliae rebus, ignotum, priuatūque, in illas spes niti? Equidem veneficio factum puto; Et mehercules si Virginis frater essem, aut pater, tormentis verum exigerem; cōque vel cæso vel pulso, exonerarem puellam curis inanibus. Permite te matrem appellem. Tu mater, & medere alumnae in deteriora consilia vergenti, & asserere me in cœlum; id est, fac ut patiatu se amari. Quid illi in genere meo, quid in fortunis displicuit? Quantum Sardinia, quantum Corsica vires possint,

possint, certè feci ne nesciret. Nec adeò inauspicatus viuo, vt in totum purpuram meam dedeceam. An deos expectat, & in Archombroto fingit numen, quæ Reges sic fastidit? Cæterùm in me simul, & illam, nolo te sine precio piam esse. Si receptus in optata fœdera ero, spondeo præfecturam Sardoi & Siculi maris (qui honos à Regibus secundus est) transituram in filium tuum. Si plura desiderabis, intelliges te mihi parentis loco esse.

Labātem iam accepto munere anum, tantæ spei quæ offerebatur moles afflixit. Excæcata, nec aliquid præter Radirobanem iam videns; Nollem, inquit, hæc à te audiuisse. Lentiorē hinc habebis diligentiam meam. Nam quæ tibi & Argenidi properabam efficere, nunc timeo ne videar empto & vili studio moliri. Sed est altius quàm suspicaris in Argenide vulnus. Quid tu mihi de Archombroto, Rex? Erras;

Optime, erras. Hæc dicens, vultuque demisso oculos tollens, breuiter risit. Ille auidus sciscitari, & iam propè mercenariam vrgere. Sed negabat Selenissa tantillo colloquij momento rem posse expediri. Ac ne inſtia quidem, inquit, ſine creberrimâ tui meique oris mutatione retulerim; Et hîc tui Optimates in vtriuſque vultus intenti ſunt. Præſtabit deſcendere in hortum, tanquam obuiam Argenidi eamus. Ego te per errores in ſpatia ducam, à quibus hanc abeſſe conijcio. Confuſuſe expectatione Radirobanes tantæ rei, quantam matrona videbatur afferre, illiûſque manum tenens; ad viridarium volentem inuitauit; ſimulatione coram ſuis proceribus uſus, velut ad Argenidem iret. Sed poſtquam in auiam horti partem, & vix notam Argenidi, deducti ſunt; Fallor, ait Seleniſſa, aut hîc dominam maturatò habebimus. Redeunti plurimùm placet hæc via. Illic igitur

suos sisti Radirobanes imperans, ipse cum anu in consitam arboribus semitam se coniecit.

Tum verò Selenissa ægriùs loqui, & veluti in repugnantis animi rixâ quærere diu verba; seu reuerâ exhorruit in exuendæ fidei articulo, seu simulatæ perturbationis magnitudine proditiōnis beneficium apud Radirobānem commendabat. eique miranti; Quidni, inquit, expalleam, quæ primùm hodie disco loqui quod nolit Argēnis? Sed tanti est vel inuitam sanari. Et tu vnicus ad hūnc morbum Æsculapius, ô Rex. Vide tamen ne exitio meo fiat, quòd te, & illam hac prolatione secreti demereor. Exiguū deinde spatium fuit, cū sic exorsa est. Dij tibi virilis sexûs prolem dent; ne malis Sardinia infesta sit, quæ Siciliam exercuerunt. Nam quòd Rex Meleander tantūm fœminam genuit, ausus est Lycogenes tempestatem excire quam modò pla-

cauisti. Noli mirari quòd tam altis
principijs auspicor. Isthinc rei quam
vis audire repetenda est series. Lyco-
genes suâ nobilitate, & Regis patientiâ
elatus, sibi destinauit Argenidis nu-
ptias. & aspernante Meleandro cum
ciue atque impare fœdus, ille amicis &
gentilibus clarus vim inferre cogita-
uit. Ea Regi nunciabantur. Sed is Sici-
liæ erat status, aut vt veriùs dicam, tan-
ta iam Regis in timidâ senectute cun-
ctatio, vt subducere raptui virginem
mallet, quàm grassatorem opprimere.
Arx est in exiguo colle viginti ab Syra-
cusi millibus, antiquorum Regum se-
des, insigni munimento. Præruptus est
collis quâ maria spectat, læuam partem
assiduo fluctu pulsantia. Alabus fluuius
supremo in cursu dexterum latus cin-
git. Omnia mœniorum & turrium alti-
tudo firmauerat. Rex Argenidem suam
cum virginibus matronisque omnino
viginti illic includens, voluit religionis

specie sui consilij rationem sanciri. Aiebat frequentibus somnis se mone-
ri, imminere piaculum, nisi cōspectum
hominum Argenis defugisset. Ita præ-
terea astra, ita oracula virgere. Sed tam
grandis superstitionis originem quis è
vulgo eiusmodi temporibus nesciret?
Mihi quidem, sub quâ Argenis habuif-
set infantiam, adhuc Rex illam custo-
diam commendauit: Et lex publicè
omnibus dicta; Si quis vir pedem la-
tum in arcem extra vnum Regem pe-
netrauiſſet, sacrum hunc fore: Tum si
qua de nostris mulieribus meo iniussu
ex arce discessiſſet, scaphæ imposita,
sine comœatu, vel gubernaculo, age-
retur à littore: Vni mihi cui præcipua
fides, datum vt Idibus exirem. Erant
enim peragenda familiæ meæ sacra.
Circa arcem iussus miles tetendit. Tria
ad præsidium millia erant; & per vices
vigilabant.

Si mihi credis (Rex) non prorsus

hæc erat iniucunda solitudo; maximè inter initia, dum fatigatos vrbano tumultu animos ocio illo componimus. Simplex ætas Argenidis in iocis versabatur, quos delectæ puellarum faciles admouebant; vt & sæpè solutæ mentis fœlicitatem mirarer, & de temporum peruersitate ingemerem, quòd Siciliæ heres vix tantillum spatij tutò incolet. Sed compendium apud te faciam. Ne facias, inquit ille, ô Mater. Nam etsi nondum intelligo ad me ista quid faciant, iuuat tamen audire consilia Meleandri, morésque & fortunam Argenidis. Tum Selenissa; Ita horas diuiferamus, ne quod tædium admoneret suæ captiuitatis Argenidem. In com-
ptu non multa, lucum amabat, quem amœnum in arce habebamus: Illic facili arcu lacertos fatigabat, prouocatâ æmulatione suarum, quæ longiùs fagittis progredetur, quæ certius metam feriret. Ingens plaudentium risus

in molli exsonabat victoriâ. Cursûs quoque præmiacrant: Rursus mixtæ omnes simul, omnes ad ambitum loquebantur. Amabam hæc in alumnâ, simul vires crescenti suffectura, simul animum prohibitura ab inutili dolore præsentium rerum. Hinc digressa maiorum monimentis implicabatur; Neque auidiorem vidi quàm prolatis historiæ auctoribus. Reliquum diem inter artificia degebat, tunc etiam referendis audiendisque fabulis incitata. Habes indolem tuæ Argenidis, ô Rex. His studiis exiebat adolescentiam, priusquam innoxiam animi pacem curæ libassent.

Cæterum ex arce Syracusas digressa in Iunonis templo eram (Memini diem; adhuc videor artis astare, adhuc thura iniicere; ita casus memoriam adauxit.) Eram, inquam, inter sacra, & Argenidis coram diis miserebar, cum venustissimæ formæ puella testudinem tem-

pli intrat, Grandis erat nobilique incessu; Sed vultus in tristioris fortunæ specimen deiectus. Ego potissimum mirabar, quòd vnus vir in comitatu esset. Is operto capite sequebatur; vt in eum vix inspiciliceret. Subitum mus-
fantium murmur fuit, quæ esset, aut vnde veniret; Nam ignota erat facies, nec vestis vsitata Siciliae. Gradi-
ebatur ipsa, sed tantâ maiestate, tamque concinnâ, Rex; rursusque eâ mœsticiæ specie, vt in illius contem-
platione mihi omnia vota exciderint. Illa non multum deam morata, nec speculum numini tenuit, nec ornauit munere aram; Sed astitit meo lateri; & mox repugnantis genibus allapsa, Plus tibi, inquit, hic dies, ô matrona, quam putas in promendâ bonitate licere vult. Si placet misereri, & diis exemplum præire vis quos tam anxie oras, arcanum mihi locum concede, quo votorum summam edam. Ego gementem

subleuauī; & quia videbam non place-
re spectatores, templo maturius digres-
sa, in sororis illam domum, quò & ego
diuertebam, eodem mecum vehiculo
perduco. Nacta secretum, primùm pe-
to in Siciliam vnde adueniat. Græcè
enim loquebatur; vt barbaram tamen
scires. Oſcam ego putaſſem; & magnæ
Græciæ viciniâ noſtræ linguæ com-
mercio imbutam: Sed nimium ab hac
gente oris pulchritudo diuerterat. At
illa; vt intelligas, inquit, nihil me de
genere mentiri, neque opem incom-
modam ferenti optare; cerne, matro-
na, cerne patriæ fortunæ reliquias, ſi
fata in patriâ ſauire non deſinunt, mi-
hi vbique terrarum ſuffecturas. His di-
ctis gemmarum vim ex pyxide eruit,
reductâque ſimul pallâ aliquot ad in-
terioreſt veſtem reſceſſus oſtendit, eâ-
dem opulentiâ tumentes. Priuatæ mu-
lieris diuitiæ non erant. Igitur rurfus
frontem, & cæteras indolis notas, leui

visu percurrens, alius contremui, & quæ esset dicere iussi. Misera, inquit, sum, & cui in auxiliij maximâ parte erit à multis ignorari. Ac ne vagam existimes, aut temerè isthuc allatam, en literas mulieris tibi quidem ignotæ, magnæ tamen, & quæ opinione tuæ virtutis, cui fudit, maximè meruit à te iuari. Ea est mater mea. Literas simul tradit, quas hîc vides (Rex) Has enim ex secretissima cistulâ heri deprompsi, ut te coram pellegerem. Nunc quid scriptum sit, audi. Alcæa salutem Selenissæ. Si quæris cur me ignores, & ego te nouerim; scias hoc virtutis maximû præmium esse, quòd latere suos non finit. Non esses à Sicilia Rege ad formando filia annos delecta, si præstantiorem inuenisset. Ego inter obscuras famâ gentes (nam & barbaros appellatis) famam nominis tui excipere potui; & tam meo quàm patriæ vitio non merui à te cognosci. Sed tamen mise-

rere. Vt cunque sim exteræ gentis, at infœlix, at mulier, & si quid hoc valet, Græcæ quoque originis sum. Excipe hoc pignus charissimum, excipe vnicam gnatam meam, si quid mihi credis clarissimo sanguine ortam. Fati iniurias, meique necessitatem consilij, tibi illa melius expromet; quæ fœliciter calamitosa fuerit, si non modò eam seruabis, sed & tuis moribus imbuetur. Vale.

Perlectis codicillis, quæcunque virgini mandata à parente ad me essent, peto audire. At illa; Patria mihi, inquit; in Galliâ, quâ Rhodanus flumen de ingenti lacu se explicat. Theocrine mihi est nomen. Pater fuit non modò inter suos insignis, sed vt modica interdum regna sunt, agri etiam sui princeps. Treutacomilcondorus vocabatur. Is decedens me quidem iam adultam, filium autem vix cunas egressum reliquit; & iam fato vicinus fratrem suum

(Icciobates appellatur) per superos quos relinquebat deos, per inferos quos adibat, per fœdera deinde naturæ, & vnius patris memoriam orauit, vt ageret nostri curam; neu pueritiam fratris mei defereret, neu imbecillitatem meam, aut viduam maximè matrem. Et illo inter fictas lachrymas iurante, pater meus extinctus est. Fœlices videbamus patrui fide; Ita patrimonium curabat, ita nos, ita matrem solabatur. Sed scelestæ diligentix causa erat, ne quid illi de hereditate periret, in quam fratre meque sublati haud dubiè veniebat. Veneno itaque (ignotum Gallicis moribus nefas) vtrumque adortus est; sed euentu nec digno, nec æquali. Me enim extingui satius erat, me obiecta tabe peruri, quàm te frater dulcissime; quem ô dij meâ clade seruassint ultorem futurum perfidiæ, & patrium nomen latâ sobole reparaturum. Facinus inter extremas epulas

corruptis bellariis mandatum est; quæ frater utique auidius patruo admonente, atque urgente, sumpsit. Mihi subitus horror obiectus est; siue genij mei cura hæc fuit; siue patruï sollicitudinem suspiciebam ad hos cibos fratrem hortâti, à quibus illius ætatis nimiam cupiditatem abducimus. Redij deinde ad matrem; cùmque frater sub noctem ægrotaret, timidè quid suspicarer explicui. Hæc antea aliis suspicionibus tacta, quas heu nimis mali præsentis atrocitas afferebat, feruentibus lachrymis filium perfudit, subitâ morbi mole iam propè exanimem; & nunc vnâ, nunc aliâ corporis parte captum, donec puer infœlix inter medicos expirauit. Proh nefas! sustinuit adesse morienti ille veneficus, vultu quoque mœsticiam adumbrans. Et ne veneni indiciis membra liuerent, inclamabat præcipitandum funus, causâque fingebat, ne diutius in extincti pueri aspe-

ctu mea mater conficeretur. Neque ipsa repugnauit, sceleris quidem haud dubia; sed volebat posse videri facinus ignorare, ne patruus in detecto parricidio inuerecundior, quod in me restabat exequeretur audacius. Iamque vinctum cadaver erat in sagulo, forésque spectabat; iam ad planctum mulieres signum petebant; cum me mater in solum conclaue ducit, comisque diuulsis; facis, ô misera, inquit, vt nesciam quid potissimum gemam; Illume quem iam flammæ corripient filium meum, illam teneram ætatem, quæ domesticum prædonem non nouit; Ante magis, quem æquali, aut peiori forsitan feritate idem latro à nostris complexibus rapiet. Frater tuus iam exiuit mortalitatis sensus, tu restas in supplicia. Illū denique nullæ artes reuocabūt; Tu, si solers fuero, poteris fortè non perdi. Cōiūge cōsilia, gnata mea, priusquam nos hostium crudelitas inuadit,

Sic lugentibus nobis; superuenit vir
fidissimus Praxetas, patruo quidem
meo, non illo Icciobate, sed alio pri-
dem defuncto genitus, at impari ma-
tre. Ille, metu turbulento, differte la-
chrymas, inquit, & dum licet, aliquod
vobis inuenite effugium. Imò, ô opti-
me, retulit mater, tu potiùs consule, ni-
miâ clade stupentibus. Si permittitis
(ait ille) loqui quæ sentio; non potes
Theocrine, nisi beneficio fugæ esse in-
columis. Præsentarium erit exitium;
nec fortasse in biduum viuis. Ne in vi-
cinis quidem regionibus securâ consti-
teris. Auso, veneno, insidiis, peraget
vir callidissimus quicquid exorsus est.
Dum itaque fratris tui funus ardebit
(nam vt scitis in hanc noctem appara-
tur:) tu veluti æstro mota inter tene-
bras discurre licentiùs, tandèmq; fre-
quentiæ subducta, ad posticum meæ
domûs te recipe. Adero sine lumine
solus, & in latebris, interim dum matu-

rius consilium inimus, te seruabo. Tu verò, Alcæa, amissam filiam esse solerter assimula. Lachrymas satis dabunt filij tui interitus, istiúsque periculum. Imperauit mihi mater vt parerem monenti. Neque fraudem differebam; sed semel iterúmque apud rogam fratris visa, elabor intergementium turbam, & tenebris freta ad Praxetæ domum peruenio. Ille me condidit in secretissimam partem ædium; & mater (vt audio) ex arte scenam impleuit, vndique me filiam suam quærens, nisi quæ esse cognouerat. Supplicauit etiam Icciohati, vt exploratoribus latè per viciniam dimissis sibi me redderet. Vereri ne ob fratris interitum violenta in meam vitam consilia inirem. Nec ille omisit quæstionem. Multùm enim scire intererat an satis periissem.

Sed cùm aliquot dies quærerer frustra; materque vacuos rogos vt extinctæ posuisset, tandem cum Praxetæ constituit

constituit amouere me à tyranni potestate, dum ipsa deligat ex vicinâ iuventute, qui par vindicandæ hereditati me vxorem accipiat. Neque securiùs mitti me posse, quàm quò nulla antea nobis intercessisset familiaritas. Ita enim omnem patruì mei in quærendo solertiam posse eludi. Et tu supra cæteras meæ matri placuisti, ô matrona. Ita concupiit auspicari tecum hospitium, vt acciperes vnicam gnatam, si aliter non vis, at certè in seruitutem tuam. His ita decretis, quò tutior fallacia esset, mater ad Icciobatem digreditur, & super meo casu consuli deos petit; nec alium certiora respondurum quàm Delphorum præsidem deum: Se enim auitam in eum pietatem obtinere (Nam & Phocensium colonia sumus, olim Massiliâ in interiorem Galliam deducti.) Si Iccioinati placeret, se Praxetam eò missurû. Prolixè Iccioabates consiliû probauit. Nam

& ipse mei fati incertus, deorum ministerio, vbi essem aut quomodo occidissem intelligere cupiebat. Nec suspectus Praxetas illi erat. Dona etiam ferenda deo tradit, Praxetamque multo auro sollicitat, vt editum oraculum nulli prius quàm sibi enunciet. At ille promissam nobis fidem non mutans, tanquam Delphos profecturus, me pro sarcina imponit paruo nauigio, quod secundo flumine ad mare ferebatur. Nactus inde ex Epidamno nauem, quæ à Rhodani ostiis soluebat in patriam; cùm vectores omnes ac nautas peregrinos esse sciret, fasciis in hospitio ductis me sororem appellauit, imposuitque nauigio; Locauere operam nautæ, vt nos applicarent Siciliæ: Quibus fidem seruantibus, ecce me, Selenissa, iam non memorem libertatis, & aliquid exigenti è patriâ Icciohari debituram, si me tuam famulam esse permittes. Praxetas ille mihi ex concubi-

nâ patruelis, is est, qui vt altiùs fallat in
feruili veste me sequitur. Nostros erro-
res, & quæ modò strictim exposui, po-
tes ab eo, matrona, diligentiori narra-
tione accipere.

Cùm hæc diceret, tanta modestia
sermonem commendabat, tam con-
cinnè lenitèrque mœrebat, vt in eof-
dem cum illâ affectus sentirem me mu-
tari. Et ego per deum fidium (inter-
pellat Radiobanes) iamdudum ex-
pecto quid de illâ statueris. Si in me
incidisset, non contentus hanc timidâ
pietate obtegere, reuulsissem Iccioba-
tem à præda, cui fortè nunc incubat,
vinctumque, & vltimis ceremoniis
maçtatû, virgini immolauissem. Sub-
risit Selenissa, & Radiobanis pieta-
tem laudauit. Anxia, inquit, eram.
Nam neque tanta supplex, & quæ oris
habitu, preciòque tot gemmarum, am-
bigere non sinebat, quin vera afferret,
negligi poterat; rursûsque Argenis ob-

stabat officio, cui eram addicta, & ad quam nefas erat, præter assuetas, ullam admittere. Igitur, Potuisses, inquam, Virgo, deflectere ad alias quæ utilioris in te pietatis fuissent; ad neminem autem cui tua calamitas plùs doleat. Sed quod oras, præstare non possum. In secretâ enim arce cum filiâ Regis ago. Succedet officio mea soror; quæ, spondeo, res tuas sic curabit, ac si ex eâ nata esses. Confusa videbatur; & verecundia oculos in humû traxerat; Ac, quàm benè secretâ eâ domo tegerer, inquit, si in eâ per te liceret stirpi Regiæ famulari. Concutiebat animum meum tam indigna calamitas. Iubeo itaque benè sperare; eâmq; cum suo Praxetâ Sorori meæ trado, interim dum ego ad Regem, qui tunc erat Syracusis, omnia refero. Rursus interpellat Radirobannes. Quis autem Meleandri sensus fuit? Aduolauit ad solatia adhibenda; an potiùs suam aliis pietatem manda-

uit? Iamdudum excrucior quòd tam lentè miseram adiuuistis. Et quidem expectabam, vt viam ad exitum meorum curarum expedires; tu in alias sollicitudines coniicis. Sed tanti est obliuisci parumper ægritudinis meæ, dum miserrimæ Theocrines casus accipio. Tu modò omnia, nec præcipitanter exequere. Tum Selenissa; Ne me verò existimes frustra in hos sermones delapsam; Scies tandem quàm hæc ad te pertineant. Meleander non minori indignatione quàm tu modò hanc hospitis calamitatem accepit. Et quid, ô Selenissa, si miseram viso? Ne feceris, inquam, Rex. Proderet supplicem tua humanitas. Quis enim Optimatû, aut saltem matronarû salutare deinde aduenam non volet? Et in tâtâ celebritate periret arcanum quod apud nos sic quærit. Si permittis in arcem ad Argenidem duci, commodiùs eas vises. Volo, inquit, mea Selenissa. Tibi curæ sit

vt benè habeatur. Quòd si à domesticis turbis quietem dii dabunt, faxo patruus non in illam impunè peccauerit. Nunc demum mihi places (exclamat Radirobanes) nunc dignus es, Meleander, qui Argenidem genueris. Ad quæ verba anus hilarior, Vide, inquit, vt hunc animum in Theocrinem serues. Eget enim hodièque beneficio tuo. Sed est multò facilius extra periculum misericordem esse, quàm cum præter contemplationis pietatem, opera præsens exigitur. Nunc verò sine me cætera memorare.

Postquam hanc licuit adiungi Argenidi, læta regredior ad sororem, bonitatémque Meleandri, & omnia quæ volebamus impetrata renuncio. Et nunc, inquam, Theocrine, mihi in secundam curam es. Pari cum Argenide cultu te iussa sum obseruare. At illa magnopere orabat, ne quid de se decerneretur illustrius, quàm de cæteris,

quæ in Argenidis viuebant familiâ. In hoc enim ordine posse se extra famam latere. Longissimum mihi erat, quod non tam cuestigio ad arcem ducebam, haud dubia amaturam Argenidem oblatum à diis egregiæ adolescentis consortium. Sed instabat sacrificium meæ familiæ anniuersarium, quod rectè fieri me absente non poterat. Postridie verò quàm per sacra licebat, Praxetam Delphos versus dimisimus. Nam aiebat aliqua rescire Icciobatem posse, si nuncupatis votis perfungi neglexisset. Sed deo consulto se Syracusas rediturum ad sororem; ut inter nos fingere possemus quæ tyranno referret tanquam ab Apolline oracula.

Illo profecto; imposui meo carpento Theocrinem: Nec satiabar colloquendi dulcedine, ut itinere inter varia consumpro, prius ad arcem peruenerim quàm me scirem digressam Syraculis. Postquam virginem Argentis conspe-

xit, aliquo stupore perculsa est, non semel per omnia eius lineamenta mentem & oculos ducens. Ego coram cæteris de Theocrine modestè locuta sum; Virginem esse externam, quæ Africam petitura, ad nos naufragio peruenisset. Secretò deinde Argenidi rem committo; quæ omnibus præter me remotis, Si mihi, inquit, ô hospita, sororis suauissimum nomen concedis, si dignum eo nomine affectum indulges, me dehinc vnicam patri meo non putabo. Utinam velles, quid genere tuo dignum sit comites meas scire. Sed hinc scias apud nos te regnare, quòd locum ac gradum tibi arbitrio tuo constitues, & quæ arcana esse volueris, ego & Selenissa silebimus. Non se tenebat Radirobanes; sed loquentem interfatus, ô, inquit, fortunatam Theocrinem! Ultro ab Argenide amari, sic audire, sic reponere, absque æmulo vesci sic posse! Numerò dicis hæc, reponit Selenissa, præquam

si deinde coniunctissimas mentes, & studia nullâ similitudine interpolata aspiceres. Erras tamen quòd æmulationem abfuisse existimas. Deperibam Theocrinem; & vtra plus ab eâ amaretur, mihi cum Argenide contentio erat. Accendebat nostrum amorem modestiâ suâ; Neque vlla erat in arce quam non idonea officio demereretur. Error etiam linguæ, diuertentis à genio Græciæ, augebat dicētis gratiam næuorum venustate. Studia illi eadem quæ Argenidi esse videbat; ea autem prudentia vt sæpissimè victa discederet; & ne quid calliditati lepidissimæ deesset, indignatione mox fictâ incitabat victoris læticiam. Sed lanificij erat rudis; Non acum, non colum tractare assueta. Venationi in suâ gente deditas aiebat, quæ ex primis stirpibus erant ortæ. Facillimè tamen indolem cum regione exuerat. Monstrari sibi volebat eas artes, non indiligenter obseruans quæ

cunque monebatur. Nihil tamen vehementiùs mirabar quàm cultissimam amœnitatem ingenij. Semper infon-tes ioci, aut festiua narratio; Viuidi quoque versus, & masculi plùs quàm qui fidibus canerentur. Nam scribendi vitia seu Græcè seu Italicè conaretur, non perinde ac loquendi illi erant.

In illis remissionibus eramus, cùm interrupt ocium nostrum flagitiosâ proditione Lycogenes. Impatiens artis quâ Rex Argenidem seruabat, vtrique exitium destinat. Operosum, & fortasse inuium facinus, si illud pietas imperauisset: Sed nihil est supra improbitatis ingenium. Igitur duorum consciētiam tentat, qui ad omnia promiserant ferrum, fidemque iam ad flagitia exhibuerant. His arcem ostendit, illic prædam, si modò viri essent, eximiam latêre. Vbi Rex ad inuisendam filiam secessisset, noctu euadendum in mœnia. Quippe non satellites, non

amicos, non seruos intra ea limina
admitti. Nudum, & senem, etiámque
confopitú, quàm facilè opprimi posse?
Sed & comprehendendam esse Arge-
nidem (Eâ enim ad nuptias adactâ,
vsurum se deinde cogitabat Regis vitâ,
vt in tanto rerum motu fortuna mon-
strauisset) Ipsa sceleris insolentia ex-
citabat latrones, vt se memorabili fla-
gitio celebrarent. Sed quis, aiebant, nos
in arcem recipiet? aut quis euntes non
notabit? vtique tam frequenti sedulâ-
que vigilum statione, vt penè in nume-
rato sint aues quæ armatos præteruo-
lant. Cùm diu disceptassent, tandem
commodissima ea pars visa, quæ cin-
gitur mari. Nam viribus naturæ físum
Regem eo latere omísse custodiam;
Posse appellí leuem scapham, & vnda-
rum fremitu necessarios tumultus la-
têre. Rursus tamen cogitabant illic
collem per præcipitia desidere scalis
omnibus altiora, sed ficariorum vnus,

cuius confessione postea de sceleris modo rescitum est; Permittite mihi negotium, inquit. Inueniam rationem quæ nos in arcem tollat. Socius tamen mihi vnus non satis est. Quid enim si quærendus Rex in vastâ domo erit? aut si vltimus terror vires illi sufficiet? Quid quòd anteuertenda Argenidis fuga erit, si intellecto periculo latebit, aut excubantem ad fores custodiam petet? Non pauciores octo suffecerint. Hos si deligere mauis, ociùs nobis coniunge. Sin in tanta re nobis fidis, notos habemus, qui omnia perfecta tibi redant. Lycogenes se suamque fortunam tradere illis professus; Cras, inquit, se in laqueos dabit præda. Audio enim Meleandrum ad Argenidem iturum. Maturate, dum adhuc recens est impetus; nec sinite conscientiam eorum quos secretò adhibebimus, nimiam moram in prodicionem deflectere. Ego in prædio meo ero, quod quinto ab arce mil-

liari ad littus est. Vos illic communem prædam adducite.

Sic inter nefarios constitutam rem visa est fortuna promouere. Venit enim ad arcem Meleander; Nóxque imbribus fœda, & exeunte mense illunis, interceperat quàm oculorum tam aurium vsum. Solebat Rex cùm ad filiam veniret, Procures à limine arcis dimittere, vt ad proxima militum castra, aut vicinorũ oppidorum cultiora diuerterent. Nos autem necessaria omnia ei exhibebamus. Hoc remississimum tempus erat optimo seni. Quasi relinqueret curas in foribus, ipsamque maiestatem, inter nos verissimâ quiete solvebatur. Eâ vespérâ quæ destinata erat insidiis, non modò ignarus periculi, sed & fortè hilarior, cùm omnes cœnauissemus, quærere cœpit quibus ludis hybernũ & madidum diem puellæ transegissent; Et ego, fabulis, inquam, Rex; quas impendiò depereunt. Imò

tu (ait) hoc studio iis concedere non debes, Selenissa, quæ esse iam anus & fabula incepisti. Sed referre singulas volo, quo symbolo iuuerint hunc senatum. Cùm omnes rideremus, & ille imperiosius instaret, ausæ sunt quæ proximè stabant suas ineptias memorare. Inter illos sermones Rex paulatim insinuato sopore se dimisit, reclinisque in eundem quem cœnando præferat thorum stertere cœpit. Et quoniam expergefactus ægrè soporem reuocabat, compositis vestibibus opertum, appositoque haud procul lumine, sine strepitu omnes relinquimus.

Iàmque in cellas digressæ mulieres somnum petebant; adhuc tamen Argenidi & Theocrinæ colloquebar (lectuli enim mihi & Theocrinæ in Argenidis cubiculo erant) Cùm audimus præter morem, grauius murmur, vocésque atque vestigia sese cum festinatione prementia. Nec quid primò gra-

uius suspicabar, quàm esse puellarum
tumultum licentiùs inter se ludētium.
Sed, viciniore mox clade, virilem so-
num esse intelligo, atque auribus meis
incognitum. Dum dubito, dum timore
deprehensa non loquor, validissi-
mis ictibus cubiculi fores afflictae
sunt. Ne mirere si ad illius noctis me-
moriam confundor: Adeò spectaculi
atrocitas propè vitam submouit. Di-
rum facinus! Video armatos nudo fer-
ro intra limen prorumpere; ac quod
vnum licuit, grauissimè cum Argenide
exclamo. At verò Theocrine (accipe
rem indignam quæ posteritati erepta,
inter nos sic pereat.) Theocrine, in-
quam, nostra se de thoro præcipitat,
nec mitiùs quàm si recepto deo fure-
ret, inuecta est in latrones. Dùmque illi
ad virginis inexpectaram audaciam;
incerti quid aut vellet ipsa vel posset,
paulisper obstupescunt, Theocrine
cum adorta qui primus intrauerat, non

modò armati sistit vestigia, aut occupat ictum, sed inuolat in enssem, subitoque extorquet. Eâdem celeritate, ô Rex (citiùs enim quàm hæc loquor hostilibus armis potita est) clypeum à victo detractum suæ læuæ inseruit. Circumspiciebam ego non periculi magis, quàm auxilij nouitate attonita; cùm illa vnus ceruicem ita ferro præcidit, vt ad me atque Argenidem cruor de efflante trunco pertingeret. Strenuè deinde hunc clypeo pulsatum, hunc mucrone, hunc capulo turbat. Tum verò grassatores, qui primùm insolentiâ certaminis turbati gradum retulerant, tanquam in iusto discrimine violentiùs insurgunt; vt neque iam puderet plures in vnâ, & puellam decernere. Exsonabant angusta in sede arma quassata; simùlque miserabilis clamor mulierû, (iâ hæ enim ad nos cōcurrerāt) speciem captæ vrbis maiori quàm pro loco aut numero tumultu retulerat.

Hæc

Hæc narrante Selenissâ, non se rege-
 bat. Radirobani animus, tam prodi-
 giosi certaminis expectatione suspen-
 sus. Sed ecce colloquentibus modum
 imposuit, tunc primum iniucunda Ra-
 dirobani Argentis. Fortè redibat per
 illam horti semitam, cui antea minùs
 consueuerat. Eâque conspectâ nihil
 Radirobani & Selenissæ inter se addere
 licuit, nisi vt posterâ die in idem horti
 spaciū, paulò post Solem exortum,
 tanquam ambulantes, conuenirent.
 Nec gauisa Argentis est, Radirobane
 viso: soli enim Selenissæ colloqui pro-
 perabat, multò hilarior quàm cùm ex-
 cesserat è cubiculo. Cùm istamen ve-
 nienti obuiam isset, non seuerè exce-
 ptus est; Virgine per alia gaudia minùs
 illum tunc exosâ; Quæ etiam vt ani-
 mum tegeter seriâ læticiâ perturba-
 tum, deflexit ad leuia, chartamque ver-
 sibus plenam ostendit paulò antè à
 poëta non ignobili oblatam. Iis ille

foelicitatem regij luci celebrauerat, in quem Argenis siue leuando æstu, siue ad primæ noctis pulchritudinem, solebat concedere. Ipsa quidem explicatam manu chartam tenebat, quam sic porrexit Selenissæ, vt Radirobanem quodammodo inuitaret ad istorum carminum lectionem.

*Fortunata nimis, solesq; habitura serenos,
O quæcunque tuos diffuso vertice ramos:
Pandis, & in statijs nutas regalibus arbor!
Teneque Chaonijs vocalis sylua columbis,
Nysæumve nemus, summisq; habitata deorū
Ida, vel intonsi superent fastigia Pindi.*

*Quis parui ingentes nemoris, quis carmine
digno*

*Æquet opes, formamque loci, Nymphasque,
deosque?*

*Populus hinc, trepidisque Alnus propè candida
ramis;*

*Fraxineumque decus, Platanique, Ornique
minantes*

Syderibus, senoque illæsa fulmine Quercus,

Et Fagi veteres, & amior Vlmus Iaccho.
Fronde placent variâ; Non est color omni-
bus vnus;

Non parili se stirpe leuant. Hic multa Cu-
pressus

Tollitur in metas, graciliq; umbone superbit.
Hic & Apollineæ laurus, Piceaq; liquentes,
Et Phrygiæ Pinus, & glauca dona Mineræ.
At lentæ subtus Coryli, fœcundaq; puro
Fonte arbuta tepent. Tum floribus alma
superbos

Vestit terra sinus; quales non blanda fauentis
Aura creat Zephyri, Stygio nuptura marito
Quos legat Ennæis simplex Proserpina cāpis.
Nec diros hæc sylua lupos, nec sentit aduncæ
Spumea rostra Suis; vel formidabile murmur
Accipit, absentes si quæ leo deuouet agnas,
Raucaq; vicinum terrent ieiunia campum.

Insontes Capreas, placidoq; examine Ceruos
Cerue magis, pigras latus acclinare per um-
bras;

Vel paruâ trepidare fugâ, si plausibus aura
Infremit, aut dubios venti mouere tumultus.

*Vos quoque præſage cantuq; aliſq; volucres,
Non iſthic audio retinet circumlita viſco
Arbor; Ad humentes nec fraus ſedet impro-
ba fontes,*

*Heu veſtros præſura pedes. Iuvat æthere toto
Nunc tranare polos, nunc tutis ſidere terris.
Quàm benè nocturno gentilia prælia cantu
Conſerit, & Thracem narrat Philomela ty-
rannum!*

*Quàm benè, cùm roſcos nox ultima pallet ad
ignes,*

*Innumeras dat lucus aues, & picta ſalutat
Turba diem, tantisque ſonant concentibus
auræ!*

*Parua loquor. Totas Dryadum nemora iſta
cateruas*

*Incoluiſſe iuvat. Procul ô procul impia cedât
Lumina; nec ſanctam lædât cõtagia ſyluam.*

*Vnde tamen luco tantum decus, vnde fre-
quentes*

*Numinibus ſedes, ipſæ vos dicite Diuæ.
Scilicet huc caſtos magni quòd filia Regis
Ferre gradus, paruoq; ingens præducere luco*

*Virgineos assueta choros; se læta beato
Indulsiſit Natura ſolo; Nympheq; decoras
Auctura comites, hos impleuere reſſus.
O Virgo, ô Princeps, Siculorũ ô cura Deorũ,
I, cupidas ſpecta nemora inter conſita diuas;
I, gratum dignare nemus. Veſtigia campus
Signabit, raptis ſubitus quæ floribus Auſter
Impleat, & ſeruẽt metitæ in cortice Nymphe.
Nec nemus hoc tãtũ. Siculi te ſentiet omnis
Ora ſoli, facieſq; deos ſatis una fauentes.
Tu ſi quæ Libycis exæſtuat annus arenis
Ire voles, aut quæ emoriens Natura pruinis
Deſcit, & gelidâ ſitiunt ſtatione Triones,
Miteſcent ſteriles auræ; tum floribus omnis
Crefcet ager, fatoq; diem meliore nouabis.*

Radirobanes in cubiculũ deductam
Argenidem, quia aduentabat vefpera,
relinquit, & ad Melcandrum digredi-
tur. Tum verò ad Seleniſſam Argenis;
Iamdiu eſt, mater, quòd te habere ſo-
lam quæro. Et te quoque multũ exi-
ſtimem proci illius tædio nauſeaſſe.
quid enim tamdiu tecum hæſit? Hic

Seleniffa molliùs loqui, & præter quàm Argenis expectabat. Se enim nesciuiſſe tantæ humanitatis, tôtque leporum hominem eſſe; Suauiffimè loquendo iunxiſſe diem nocti, niſi quòd identi- dem referebat ſe ex amore miſerrimû. Non probauit ſagax Argenis de inuiſo homine præconium. Sed diligentius quæſitura; Quid autem facturus eſt? ait; aut quando ſoluturus in patriam? Mitte has ſpes, inquit anus. Niſi bello deuictus non abibit. Nam & afflictim te deperit; & is furor niſi magnâ ruinâ premi non poteſt. Vtinam ſaltem ad- eſſet Poliarchus; vtinam illius fortitu- dine tegeremur. Ac mecaſtor ingrati- tudinis famam timeo, ſi pugnandum in hunc erit cuius auxilio ſumus inco- lumes. Quid ſi leui ſpe indulgeremus inſanienti? Dilatione fruſtratus poteſt in Sardiniam remitti, quaſi rebus ma- turis reuocandus. Hæc non illius, ſed tuâ & Regis cauſâ dico. Dolebis Hy-

menæi tui face Siciliam adhuc ciuilia
excipientem incendia rursus ardere.

Argenidem siue indoles sua, siue in-
dustria amoris, facile Selenissam esse
mutatam admonuit. Sed indignatione
in aliud tempus submotâ, mollius hanc
de Radirobanis amore mentionem
reiecit; scilicet maius opus adorsa, il-
lam anum, illam versutissimi ingenij
laruam aliâ fraude peruertere. Igitur
cùm aliquandiu silentium tenuisset;
Mihi quoque ægrè est, Selenissa, benè
meritum Regem in spes incubuisse,
quibus illi indulgeri non liceat. Sed de
istis deinde viderimus. Lata matrona,
tanquam iuuantibus diis fallere ince-
pisset, virginem solam reliquit; quæ
mox in fenestram reclinis, lacertoque
mentum excipiens, cœpit furiosè do-
lere, arcanorum omnium sibi confor-
tem timeri meruisse. In quam enim
iam curas partiretur? quis in dolorum,
quis in gaudiorum arbitrium posset

iam recipi? Tandem risûs imitatione perstricta, cogitauit nūquam sine mixturâ aut propitios aut tristes deos esse. Satis autem eam lucem habuisse fortunæ. Ferendum si quid graue deinde accidisset. Hoc ipsum pro numinum munere habendum, quòd non de more, quæ sibi contigerant, quæque instabant, extemplò prodidisset Selenissæ. Ea autem sic erant. Spatianti in luco nunciauerat Arsidas, Poliarchum esse in Vrbe, & latêre in Nicopompi domo; cōuenerâtque inter eos, vt sub noctem per posticum duceretur ad Regiam. Ergo puella, lætitiâ quam sola non capiebat, properans in Selenissam effundere, maturiùs domum redierat. Sed sub ipsa loquendi exordia, defecisse ad Radirobanem animum expauit, siluitque de aduentu Poliarchi; quem impetus iuuenilis, ad noua latendi pericula rursus adegerat.

Cùm enim rediisset in Africam Ge-

lanorus, nec ut conuenerat Clupeæ ha-
 buisset Poliararchum, ad Regiam Hya-
 nisbes profectus, illic ex febre adhuc
 agrum offenderat. Literas ergo & mā-
 data Argenidis ferens, afflictæ præter-
 ea Siciliae statum exposuit, & quo in
 discrimine virgo esset sub Lycogenis
 propè certâ victoriâ. Nec quicquam
 dicere omisit, nisi quod Argenis ve-
 tuerat, nempe iniquiorem animum
 Meleandri. De Archombroto verò
 non siluit; Nescio, inquit, quo se fastu
 Archombrotus sustulerit; Nos iam illi
 viles sumus. Nec quid grauius, aut acer-
 bius, quàm eum amicitiae oblitum cre-
 debat Gelanorus. Sed nihil est suspi-
 cioso amore solertius. Statim Poliar-
 cho suspicio incidit, Archombrotum
 Argenidis formâ captum, & à se tan-
 quam æmulo dissidere. Nam quid
 prohibet, inquit, eum aliquà explorasse
 à me quoque amari Argenidem? Nihil
 agimus Gelanore, nisi in Siciliam ma-

turè transmittimus. Scilicet Argenidem, dum hîc ignauus cesso, mihi illic inter bella aliorum virtus seruet? aut veriùs, sinam alios esse quibus ipsa se debeat? Anxio animo Gelanorus hanc domini mentem accepit. Nam infestû Poliarcho Melcandrum metuebat, & prærepta ab Argenide erat libertas admonendi. Fidem denique vtrique sic seruauit, vt de Melcandri auersione nil referens, subinde tamen ostenderet, maximè intuitum Poliarcho prouocata fortunæ caput obiicere inter tot hostes, & in ipsâ belli licentiâ. Præstare in patriam nauigare, collectisq; militibus, Siciliam, nihil iam dissimulatâ maiestate repetere. Faciam, retulit Poliarchus; Sed scis penè per ipsa Siciliæ littora viam esse ad patriam. Ego autem vt insalutatâ Argenide terram illam præteream? Pigere me exhausti periculi diceret ipsa, nisi in nouum succederem. Vbi littus attigero, mihi crede,

commenti alicuius ratio me ad illam commodè perducet. Atqui, ait Gelanorus, prius exequar mortem, quàm te in hæc pericula reducem videam; nisi saltem hoc impetro, te, vbi in Siciliam perueneris, nulli salutem nisi Arsidæ commissurum, priusquam colloquaris Argenidi. Communi deinde quod capietis consilio te permitto.

Fidi hominis sollicitudinem non aspernatus Poliarchus, conditionem accepit. Sed destituebat animi impetû corpus, acri quartanâ pertinaciter concussum; quam etiam nouorum consiliorum magnitudo & anxietas ita auxit, vt quæ nox sequuta est remissiùs quidem inhorrens, longiori quàm antea æstu sæuierit. Neque prorsus Gelanoro ingrata mali vis erat, certiora pericula differentis. At Poliarchus medicinæ impatiens, quæ viribus per ieiunia subductis, morbum iubebat domitari; eorûmque exemplis ad

memoriam reuocatis quos audierat à se febrim depulisse insolenti vini potu, idem genus remedij experiri cōstituit. Nihil mirum est, inquit, si me ex præcepto medicorū exhausto & moriente, febris simul peribit. Adhuc dum vires sunt, malo cum eâ decernere, & curari meo ductu. Ambiguum quidem in perniciem salutémve erit hoc facinus. Sed satis est, quòd non lentè repræsentabit quicquid de me fata decreuerint. Nam hic status est rerum, ut sit acerbius ægrotare quàm extingui. Ita obfirmatam mentem, non preces, non lachrymæ Gelanori hoc discrimen abominantis flexerunt; non inuocata Argenis, non matris amicorūque memoria. Ipsa denique Regina Hyanisbe frustra orauit. Ergo consiliis suis relictis, cū post triduum febris ex constituto iam rediret, foco admotus tremorem membrorū frigentium excepit veterrimi vini haustu;

quod multò violentius suum ignem fundebat in sobriis venis, & mero non affuetis. Negauere medici adesse se posse adiuuenti (vt aiebant) sibi mortem. At subridens Poliarchus, si illi abirent, saltem medicum Bacchum (vti cum sæpe vates Pythia appellat) adfuturum respondit. Simul in febris rigorem pugnare multo vino pergebat, donec sanguine calefacto, paulò alius quàm qui ex morbo feruor est trementia membra composuit. Hinc cum diu consudasset, diligenter deterfus est. Iàmque sibi validior videbatur. Mirum dictu; Cum iterum hac se luctâ in morbum comparauisset, iuuentus, atque foelicitas, & quæ plurimùm Medicorum incerta consilia fortuna nobilitat, exegere incommodam febriem. Hyanisbe, vt temeritatem remedij habuerat in doloris maximi causam, ita postquam conspexit incolumem, nullum laticia modum adhibuit, donec

aliâ ægritudine vis gaudendi suppressa est. Ferre enim non poterat discessum Poliarchi, præsertim cùm in vultu adhuc restarent vixdum submoti morbi vestigia. Nam ille paucissimis diebus ad confirmandam valetudinem consumptis discessum pertinacissimè ornauit. Et Regina (vt amoris in eum penè materni erat) lachrymis omnibúsque ad limen prosequuta abeuntem, nihil ampliùs orauit, quàm vt hospito littore vti promitteret, si quis in viciniam casus nauigantem retulisset.

Sed posteaquam intrauit conductam à Gelanoro nauem, deductúsque in altum est, sollicitare remiges, ac vrgere non cessauit; tempus quoque destinans, quo si terram Siciliam monstrassent, merces eorum geminaretur. Lucelli spes segniciem abegit, votóque damnatus Poliarchus illis monstrantibus insulam agnouit. Tunc porrò diuersissimarum rerum contemplatione

inhorrui. Quæ mala, quæ gaudia, illa tellus haberet! Illic sibi fœlicitatem esse vel exitum. Quo periculo inde euaserat! quid si iterum eadem tempestas insurgeret? Mox discrimina omnia, specièsque fortunæ terribiles, ubi Argenidem cogitatio obtulerat, latiori audaciâ diluebantur. Modicus portuserat, & præterquam piscatoriis casis incelebris, duodecim millibus ab Epeiræte. Illic applicato nauigio in arenam descendit; humilique diuersorio, tanquam sali iactatione æger, celari instituit, donec misisset ad Arsidam. Cùm verò stabularium ad quem diuerterat inter cætera rogasset vbinam ageret Meleander; Nondum, retulit ille, discessit ab Epeiræte ex quo Lycogenes victus est. Tanquam angustiori ob victoriam loco, excipit ciuitatum Oratores, quæ certatim ad eum de pœnitiâ suâ mittunt. Victus ergo est Lycogenes? subiicit Poliarchus. Omnino,

inquit caupo. Dedit pœnas meritissimâ morte, capûtque ab summâ aliquandiu arce ad spectaculum pependit. Sed iam fertur Rex Syraculas commigraturus, quò Sardinia Regem per præcipua Siciliae ornamenta circumducat. Quærente Poliarcho vnde in Siciliam aduenisset Rex Sardinia; Nescis ergo, ait ille, Sardinia Regem cum exercitu suppetias tulisse Meleandro; & eius fortitudine restitutam pacem Siciliae? Obtulit Poliarchus, mutatâ Siciliae sorte omnia sibi perplexa auguratus. Aduentabat post discrimen; Alij, & peregrini, iuuerant Meleandrum; & quòd incolumis esset Argenis, beneficium Sardinia erat.

Relicto igitur caupone, ô Gelanore, inquit, fac vt sciam quis hic terrarum orbis sit; id est, an salus adhuc mea cum hac rerum mutatione conueniat. Adhuc habebat capillamenta, quibus olim dolo Timocleæ mutauerat vultum.

tum. Horum vnum Gelanoro cum rusticâ veste tradit, iubetque sub noctem Epeircten intrare, & monere Arfidam se in pelagi orâ fortunæ varietate lassatum in vtramlibet sortem vltima expectare. Dum iret Gelanorus, quidam ex vicinis oppidis in viâ oblatis sunt, qui & ipsi Epeircten petebant. Quamquam concinnam induerat larvam, tamen illorum consortium fugisset, ne quis fraudem deprehenderet; sed in angustâ viâ diuertere non licebat: & illi priores salutauerant. Ergo necessariâ audaciâ, tanquam aduena ignarûsque Siciliae, de proximo bello quærit, & victoriæ ratione. Ij omnia ambitu referebant, quo solemus in prosperis res nostras apud exteros commendare. Duos potissimum celebrabant, Radirobanem, & Archombrotum. Nam Archombrotum in Lycogenis capite præcidisse quicquid in ægrâ Siciliâ ex morbo tumebat; Radi-

robani autem hospitalis auxilij & fortitudinis præmium fore Argenidem. Ita enim rumor tulerat, quòdque isti credebant, bonâ fide apud Gelanorum profitebantur. Ille, ubi potuit, ab iis diuersus, inter acerrimi doloris suspiria agitabat, an res esset domino referenda. Verebatur ne sub tali nuncio vitâ deficeret; Rursusque sperabat, nondum coalita mala, si maturè nunciarentur, illius genio & fœlicitate posse rescindi. Sed antè omnia conueniendus Arsidas erat. Iamque Epeiræten habebat in conspectu, cum puerum videt maculis oneratum, lorilque venaticos duos canes ducentem. Et agnouit de Arsidae familiâ esse. Ac utinam dij, inquit, huius venationis beneficio Arsidam mihi darent. Quòd si occurreret, tamen nec solus veniet, nec temerè erit coram aliis compellendus. Se itaque comparabat, ut si quid tale accideret, fortunâ vteretur. Ecce autem com-

mento vixdum commodè instituto, alia plagæ, & alij canes, neque procul cum aliquot ex Sardinia Proceribus Arsidas venit. Gelanorus frontem omnium contemplatus, quia omnes ignotos sibi vidit, vicissimque speravit illos sui incuriosos fore, se audaciùs admovit Arsidæ; Et ad te commodum ibam, inquit. Ab Rhegio hospes sum; salutemque & quædam præterea affero quæ ad te socer commisit discedenti. Tum ad aurem se spontè demittentis obiter admotus; Sum, inquit, Gelanorus; Sed tantisper me nosse dissimulandum habeas solum. Turbatus Arsidas occursum insperato, Sardos placidè præire hortatus est; Cupere se paulisper percunctari de necessitudinibus suis. Sub hac larvâ secretò, sed breuiter, cum Gelanoro loquutus est. Colloquij summa fuit, se, ubi incaluisset venatio, procul omnibus aberraturum in nemore, & ad Poliarchum iturum. Neque mora

ad Sardos lentè prægressos contendit, quos iubente Meleandro venatu oblectabat. Ipse autem Gelanorus, tanquam Epeircten pergeret, vbi potuit Arsidæ comitatum latere, flexit iter per notos pridem calles, & ad diuersorium rediit.

Eo verò adhuc cubiculum intrante, Poliarchus moræ impatiens; Quid, inquit, ferstandem Gelanore? Aduentum Arsidæ refert ille. Venationem ineunti secretò loquutus sum, & vt diei tempus est confestim adfuturum coniicio. Nihil vltra Gelanorus memorabat. Arsidam quippe, quàm se, malebat tristitia nunciare. Sed inquieto erat vultu, neque satis submouebat suspiria. Tandem sæpiùs vrgenti Poliarcho, minisque iam aspero, quæ in viâ audierat refert; Pactam Radirobani esse Argenidem. Non doluit Poliarchus, non succensuit, horruitque ad nuncium acerbissimæ rei. Maior erat is motus affectibus

quibus nomen inuenimus. Dúmque iam non ampliùs tristis, aut cui adhuc posset nocere fortuna, in æmulorum ruinâ decernit perire; Arsidas casam intrat, imponítque stabulario, quasi feram sequutus, & viarum imperitiâ illò delapsus. Postquam autem secreti fuere, rigentémque Poliarchum conspexit, nec exertis oculis imperantem; Heu quid aspicio, egregie iuuenis? inquit; Aut quid tantùm dolere incolumi Argenide potes? At Poliarchus; Valeo, Arsida; valco, inquit; & me viuere Radirobanes vester cum suâ nuptâ faxo intelligat. Sensit Arsidas errare Poliarchum; veriúsque cuncta expediens, Meleandri & Argenidi vota longè esse alia monstrauit, quàm quæ optabat Radirobanes, populúsve iactauerat. Ita paulatim factus Poliarcho finis erroris est, cœpítque in spem restitutus placidè audire de statu Siciliæ differentem. Cæterùm iubebat Arsidas, Poliarchum

simulatione omisâ ad Regē accedere. Fractos hostes memorabat, legationē ad eum Timonidis, & præter beneuolē-
tiam Meleandri, curam quoque Arge-
nidis, & tot in se studia veterum ami-
corum. Quid ille formidaret inter tan-
ta præsidia? aut cur simulationi mallet,
quàm apertæ virtuti vir militaris con-
fidere? Sed obstabat Gelanorus, domi-
num subinde admonens fidei in Afri-
câ datæ, nulli se priùs quàm Arsidæ ac
deinde Argenidi locuturum. Ipse quo-
que Poliarchus se posse negabat inco-
lumi dignitate prodire in publicum.
Nauigandum priùs in patriam ad reci-
piendum cultum in quo vellet à Me-
leandro cerni. Vnam esse Argenidem,
quam iuuantē Arsidâ optaret conue-
nire. At saltem, retulit Arsidas, con-
scientiam Nicopompi suspectam non
habebis. Nam quid fidem illius homi-
nis prædicem? In te ornando totus est,
& fidissimo affectu exultat cùm lauda-

ris. Apud eum nunc hospitor. nec fidelius potes quam illius laribus regi. Haud ægrè Poliarchus, nec repugnante Gelanoro, assensus est; Igitur cum obiter quieuisent; iter nocte concubiâ ingressi, sub Auroram Epeircten perueniunt; admissique ad Nicopompum, compulerunt hospitem ad gratantium lachrymarum læticiam. Et Arsidas ubi prouectior fuit dies ad Argenidem iuit; Sed occupatam cum parente, & deinde cum Cleobulo, habere secretam antè non potuit, quàm illa Radirobanem fugiens ad lucum diuertit.

Vbi autem aduenisse Poliarchum referente Arsidâ sciuit, oblita tot malorum, nec æstimato vtriusque periculo, plusquam pro incertâ & breui felicitate exultauit. Sed utcunque festinanti expectanda vespèra erat, ut is extra discrimen duci posset ad Regiam. Ero, inquit Argenis, in illâ porticu meâ vnde ad hortum est aditus. Erit

vnà Seleniffa, quæ tibi & Poliarcho
aperiat. Vade, mi Arsida, & tempori
adsis. Hinc gaudio turgens ad Selenif-
fam pergebat, tanquam compari se-
cretorum largitura fœlicitatis partem.
Sed labefactatam fidem agnouit, Ra-
dirobane ab ipsâ commendato. Cùm
igitur hanc quoque eluisset, factâ spe
mitigati in Radirobanem animi; nixa
fenestræ est quæ in hortum patebat.
Tum verò duo grauissima occurrebāt,
aduentus Poliarchi, & Seleniffæ perfidi-
dia. Ita mens iracundiâ & gaudio va-
riata nihil satis consulebat. Sed matu-
rato opus erat, ne Seleniffa Poliarchum
deprehenderet ad constitutum ve-
nientem. Eâ nocte ad ficta negotia
anus ablegari non poterat: Nec con-
sultius quicquam fuit, quàm Arsidæ
per seruulum nunciare, se picturis
inspectandis quas sub vesperam afferri
præceperat, vacare non posse. Veniret
ad Regiam Arsidas primo mane, sed

non cum illo artifice. Facile Arsidas intellexit, interuenisse quæ morarentur virginis cum Poliarcho colloquium; Idque palàm non ausam nunciare, hoc de picturis deque artifice esse commentam.

Versus ergo ad solandum Poliar-
chum, quem hæc mora conficiebat,
etiam Nicopompum adhibuit. Lætâ
sermonum & mutabili serie, mulcebât,
nunc suas, nunc Argenidis virtutes
non ægrè audientem; aut si quid ludi-
crum Radirobani sinistrumve conti-
gerat. Sed huic officio hærentes turba-
uit aduentus amicorum. Quippe eâ
vesperâ præceperat Dunalbius sibi cœ-
nam in Nicopompi ædibus coqui. An-
tenor suo è templo in urbem delatus,
& Hieroleander, cum comitabantur:
Quibus fores intrantibus, cum doleret
Nicopompus à Poliarcho se auelli; ac
ne Arsidadem quidem cum tanto hospite
perseuerare posse (nam & illum Dunal-

bius ad cœnam quærebat) Poliarchus
vtrumque solatus est. Irent sedulò, nec
perfunctoriè cœnarent, ne subolere
Dunalbio posset aliquid esse arcani
quod hilaritatem moraretur. Ipse du-
cente Nicopompo substitit in concla-
ui ad triclinij latus, vnde conuiuarum
sermones excipi possent. Cœnantibus
varij sermones fuere, sed plerumque
vulgares, & quos à familiâ quæ conui-
uis ad obsequia aderat notari non ob-
esset. Vbi verò sublatis epulis soli fue-
runt, Nicopompus mentionem Poliarchi
excomposito iniecit; vt ille in pro-
ximo latens de suâ famâ rectissimè iu-
dicaret; cùm isti de eo simpliciter di-
cerent quem abesse arbitrabantur. Non
parcebat tantum iuuenem laudare Du-
nalbius. Omnes eius virtutes memine-
rat; & Antenore atque Hieroleandro
suas loquendi vices implentibus, nunc
illius fortitudo, nunc comitas refere-
batur; tum in hilari ac iuuenili animo

vis matura ingenij, & cætera bona propter quæ senectutem laudamus. Arsidas verò, quia compererat æmulationem Poliarchi in Radirobanem, seriem colloquendi deduxit ad ciuile in Lycogenem bellum, cuius initia Poliarchus prosperrima Regi pugnando effecerat. Inde palatim ad Sardos, & Radirobanem venit, cœpítque familiariter de eius ineptiis ridere. Nam & ille Rex superbissimæ erat inter suos consuetudinis, multaque passim exciderant quibus deprehèderetur vanum ingenium, fictæque virtutes. Dúmque Dunalbius, Antenor, Nicopompus, vel fastidio auersantur recordationem insulsæ superbix, vel indignari audent quòd eiusmodi auxiliatori Sicilia gratias deberet; Subridens Hieroleander, Quid si, inquit, hominem hoc mane vidissetis? Impiâ adulatione elatus, carmina quædam de se conscripta apud suos laudabat, quæ Poëta non condidisset,

nisi aut alio quàm Apollinis furore
 insanus, aut vtique illum cui scribebat
 sciuiſſet inſanire. Finem poëmatidis de-
 ſcripſi. Ex eo de toto coniiſcite.

*Tu ſi terribiles in prælia ſeuà iugales
 Exigis, Odryſios confuſo pectore Mauors
 Damnat equos, dextrámque ſuam. Si terga
 ſubibis*

*Quadrupedis, cupiet ſpreto tua Cyllarus
 Aſtro*

Imperia, & Sardis volitare ſuperbior agris.

Et cùm lentato volucres aptare ſagittas

Inſtituis neruo, cedunt Phæbuſq; dolenſq;

Amphitryoniades. Quòd ni te velle putaret

Arte ſuâ vinci, tibi cederet ipſe Cupido.

At Maiâ genitus, cùm tu roſea ora reſoluiſ,

*Aſtupet, atque omnes ſubicit iam frigidus
 alas.*

Cedit & ingenio Pallas, formaq; Lyæus,

Iura triumphatiſ cùm ſobria diuidit Indis

Pulcher, & intōſos diſtinguunt ſerta capilloſ.

Quid domito quòd fræna mari tu claſſibus

vnus

*Imponis, sceptrôq; tuo Neptunia sceptrâ
Summisere apices? O nobis aurea rursus
Secula, si tantum pronus tibi fulmina credat
Iuppiter, & cunctis unum stes numen in aris.*

Omnes de sacrilegâ Poëtæ solertiâ prædam his carminibus auspicantis rîferunt. Quamquam Nicopompus, & ipse Poëta hanc nonnihil inuidiam leuabat: Quippe ita esse poëseos genium, ut ad aurium voluptatem exeret extra verum, eò quidem licentiùs quòd cùm sciat sibi non credi, quicquid fingit, innocentis potiùs ludi, quàm inuerecundi mendacij res est. Præterea & sæculum ita ferre, ut immodicis apud Reges laudibus iam omnes Poëtæ sint. Nam nec solum Radirobanem esse cui hæc larua illuferit. Ipsum quoque (oculis, nutûque absentem Meleandrum significans) quàm sæpe his falli blanditiis? denique omnes eo fato Principes viros nasci, ut aliquid saltem pennarum ad hunc viscum relinquunt. At Du-

nalbius publicæ rei studio motus, Ita verò improuidi ciues, inquit, dum vilitate laudandi vnusquisque Regum vitia ad amicitiam sollicitatis, vos simul & illos miserrimos fieri non sentitis. Quanto enim incommodo vestro imperantes sic fingitis, ne quid eos pudeat; Sed licentissimè assuescant seipsos amare & mirari; vtique postquam diu omnes eorum affectus adulatione & præconiis consecrauistis. Illos autem, quantumcunque sibi fœlices sint, ego lachrymis dignissimos puto; nisi superessent his domesticorum insidiis, & ea colere ac probare solerter instituant, non quæ in ipsis alij laudant, sed quæ ipsi in aliis. Cæteros enim adeò sua purpura occæcauit, vt nesciant quod nemo præter hos ignorat; qui mores, quæ studia, quisve modus, inter homines famam, aut veniam, vel denique odium ferat. Proh fâcinus! opulentissimæ venationis genus est explorare

intimos Regum motus, quò eos natura, quò cupiditas vocet, mox non diis, non hominibus æstimatis, quicquid amant aut volunt impensè commendare; vel ut similitudine morum, atque sermonum, iis placeas; vel ut solvas eorum verecundiam, & gratias tibi debeant, quòd molliueris viæ speciem, quam ad vitia ducentem, obsitâque infamiâ, pudor prohibebat experiri. Quid mirerur Principes violentâ adulationis procellâ inclinatos quò sponte iam volunt, iis vocibus credere quas solas accipiunt? Præsertim nemine ruinam sustinente ad quam tanta vis impellit. Nam illi sapientes quos negociis adhibent, seu verentur frustra monere, seu medicamentum quamuis infundat salubritatem, tamen ingratum esse sciūt; his vulneribus non adhibent manum; Aut certè vitia distinguunt quibus seipsum Rex maculat, ab iis quibus perdit Rempublicam. Et contenti ut-

cunque mederi publicis, non restitunt Principi oculos, quibus ipse suam sortem & blandientium fallaciam damnet. Quis familiarium, sapienter Reges admonuit, si auiditate æris infames sunt, si nimio venationum studio amittunt reipublicæ curam; aut cùm libidinis exemplis inficiunt sæculum, vel inconsultis amicitiiis publicam inuidiam concitant? Laboramus etiam virtutum nomina his cupiditatibus fœdare. Cura futuri, laborum assuetudo, comitas, liberalitas appellantur. Nec vitia illa tantùm, sed etiam leuiora, in his adolescunt mendaciis. Imò cùm rectè quid sapiunt, adeò fictos inueniunt & nimios plausus, vt sæpè (credite amici) pudore, qui cæteris aberat, onerati oculi multùm mihi tremuerint. Videbam neque pudere istos effusissimæ fraudis, neque Principes indignari quòd sibi tam procaciter illuderetur. Quantum à comœdia

mœdiâ distat hic ludus; cùm vtroque
in os laudes, quos apud te proteruo
contemptu, tanquam vanos aut pueri-
liter captos, derides? Quòd nisi maio-
rem Regibus genium quàm qui popu-
lum informat, dii dedissent, quotus-
quisque ex his plagis euaderet; quæ vel
ipsâ cōsuetudine placent, quia nascenti-
um cunas circundant, nec eas memi-
nerunt sibi poni? Sed neque his peri-
culis soli Reges infesti sunt. Plerique
regiis malis in priuatâ fortunâ labora-
mus. Reges sumus supplicibus; rursus-
que Rex nobis, in cuius est manu quod
petimus. Hunc tentamus blanditiis,
hunc illâ vanitate conficimus; vltro
amantem tela quibus percelli Reges
solent. Quod est autem ad Radiroba-
nem, à cuius superbâ credulitate initiū
questibus istis fuit, cæterâ lenitate in-
ruit ne qua in eo peccata excusemus. Et
ô vos Siculi miseros, si illius coniugio
Argenidem damnatis.

Adeò Poliarchum hæc oratio affecit, ut vix sibi temperaret. Optabat Dunalbium amplecti ob hoc de Radirobano augurium; destinabátque iam præmia quibus sæpè ab illo eiusmodi candoris præcepta eliceret. Omnes denique illos instituit commendare Argenidi, eorúmque uti fide in iis quæ instabant. Dilapsis hospitibus, Nicopompus & Arsidas ad ipsum redeunt. Deductúmque ad thorum non antè destituunt, quàm ille amicorum quieti consulens, & cum solis præterea curis meliùs loquuturus, domitum sopore se fingeret.

Noctem illam Selenissa & Argenis (quis mortalitatis ludibria satis æstimet?) in eiusdem calliditatis mutuo dolo ducebant; quâ scilicet ratione, ubi dies rediisset, vna alterius oculos fugere posset. Nam & Selenissa locum quærebat quo remotâ Argenide Radirobani loqueretur; & Argenis opta-

bat amouere Selenissam, ne sciret aduenisse Poliarchum. Prior Selenissa nunquam se peccaturam tectius rata, quàm in umbrâ libertatis, vltro de Raddiobane mentionem iniecit; Aiebat enixè ab eo se oratam, vt in iisdem arborum spatiis posterâ die esset; Cupere illum quædam haud vulgaria cum eâ communicare, & inde ad Argenidis colloquium deduci. Occupauit Argenis; Vade vbi commodum erit, mater. Sed mihi ad ea digerenda spatium relinque, quæ cum vnâ colloquemur, & vt solet orabit, reponam. Volo itaque vt maturè cum illo sis, protractoque sermone hominem teneas, donec omnibus cogitatis ipsa in hortum descendam. Nihil posse reperiri prudentius iterabat Selenissa, tacitâ improbitate deridens, quòd sui prodendi rationem ac tēpus ipsa Argenis aptauerat. Sed & ignara erat se quoque deludi, & amolitam à conspectu non tam mitti ad Ra-

dirobanem, quàm auerti à Poliarcho. Manè erat, & multi Solis æstum ambulatione præcipiebant. Iàmque illius voluptatis simulatione Radirobanes opperiebatur matronam in horto; vix tunc ob Argenidem magis quàm Theocrinem sollicitus. Nec segnior anus, cùm maturiùs de thoro surrexisset; Pergo, inquit, ad Sardinia Regem. Si vera de amore suo retulit, diu est quòd inambulat somni impatiens. At nos æuo defectæ (addebat subridens) pœnas illius ætatis luimus, quæ nec suos labores agnoscit, nec æstimat alienos. Hic iterum monere Argenis, nè antè discederet à Radirobane quàm ad viridarium ipsa procederet. Malle se illic, quàm intra limina Radirobani loqui. Ea Selenissæ fuere lætissima, credenti Argenidem hoc breuissimum tempus petere ad receptum prioris amoris; quem antè omitti oportebat quàm posset Radirobani placari.

Vix egressa limen erat, cum Argenis
 ad Arsidam mittit, iubetque confe-
 stim venire cum hospite. Nec distulit
 ille; & Poliarchum sub crine adopti-
 tio latetem, cum exiguis aliquot pictu-
 ris, mercatoris specie secum duxit. Tre-
 mebat Poliarchus, & illud animi robur
 quod nulla discrimina, nulli hostes
 permouerant, destituebat cogitantem
 se ad Argenidem ire. Sanguinem etiam
 in illâ expectatione virgo amiserat;
 notaueratque intercidi à se verba si cui
 loquebatur. Secreta erat porticus in
 quam ad cogitationum curarumque
 solitariam libertatem solebat secede-
 re. Illuc postquam cum Arsidâ Poli-
 archus admissus est, manumque proten-
 sam, tanquam numen veneraretur, ad
 os retulit, subiti utrimque singultus
 multo rubore vultus sparserunt. Mox
 direptâ ille larvâ suos vultus reddidit
 sibi; & cum Arsidâ publicæ humani-
 tatis verbis salutavit Argenidem. Sed

Arsidas tanquam aliud agens sensim ad murum recessit; fecitque ambobus potestatem liberiùs colloquendi. Hic rursus erepta turbulentis affectibus verba distulere attonitos, donec fusis lachrymis expedita Argenis; Video te, charissime? inquit; an expressere tuos vultus insomnia; & imitationem læticiæ ad Argenidem tuam ferunt? Vides, retulit ille, domina, nouo nunc sensu mala exacta sentientem, & tuo conspectu admonitum quàm calamitosum fuerit tamdiu abfuisse. Quod nisi graue est meminisse; quid sensûs tibi fuit, quid virium, in meis periculis? Quàm multùm doluisti; quàm sæpè accusauisti absentiam meam? At illa; Nimis heu potes ex tuis doloribus æstimare quàm sollicitos te absente dies exegerim. Eo quoque miserior, Poliarche, sum, quòd non te sequi licet, quòd scio te per pericula errare; denique quòd sperare alij audent me

posse mutari. Dic iterum. Tu is es Poliarchus? tu in Siciliam rediisti? tu es incolumis? præsentem te conspicio? Ah num & macici quam in tuo vultu cerno ego causa sum, Poliarche? Sed an eadem querenda rursus erunt? an tibi iteranda exilia? & timidè semper amabimus? Ille errores suos in compendium misit; Vt naufragus fuisset, vt de prædonibus victor, & in Numidiæ aulâ æger. At Argenis (quod potius in rem erat) paucis exposuit Radirobanis cupiditatem. Et quidem timere se, ne bene meritum hominem Meleander generum velit accipere; quod facinus, inquit, nisi tu illi obstas, auertam meâ cæde. Quàm autem miserum putas sub ictu quotidie mortis stare, quæ non longiùs abest quàm fœdera illa quæ Sardi fortissimè vrgent? Accedit solitudo. Nemini solatium adest, cui curas committam. Timeo armatum Radirobanem; Patrem

vereor: Ipsa (proh facinus!) Selenissa ad hostes defecit. Et iam dudum (subiicit Poliarthus) hanc oculis quærebam. Tibi enim hodie primum, illâ absente, loquor. Ego, ait Argenis, si viuo, eam miserrimam habebō. Studet Regi Sardinia. Nec cur aut quomodo mutata sit, scio. Sed ne de flagitio dubites, cum secreta essemus Radirobanem laudauit. Parum id erat; nisi me ut saltem simulatâ amicitia facilis illi essem sustinuisset hortari; id est, ut quasi reciprocanti æstu, sensim à te recederem. Nunc quoque ne adesse te sciret, passa sum ad illum hanc exire. Ambo in viridario de meis fatis agunt. Sed non impunè peccauerit. Peribit si vnquam fœlix ero. Indignatus iuuenis; cum proditionis iniuriam impatienter ferret, ad periculum quoque exhorruit, quod tam potens in Argenidis familiâ Radirobanes esset; & vel si cessaret Argenis, ultorem iniuriæ se promisit.

Post hæc anxîâ deliberatione versantibus quid sibi capiendum consilij, ipsâ incertitudine animi nihil quod occurreret placebat. Iret ad Meleandrum Poliarchus, se Regem prædicaret, numeraret beneficia, sibi vxorem optaret Argenidem: Ipsa quoque Argenis se sponsam Poliarchi (quod res erat) apud patrem profiteretur. Iustum quidem, & præsentis, si succederet, utilitatis in ea mala remedium. Sed timebat Argenis iniquiorem Poliarcho Meleandrum; quo dissimulato armatum Radirobanem monstrabat. Non æquam fore causam Poliarchi se in Regium culmen subitò asserentis, & illius cuius cognitæ opes erant, & qui etiamnum exercitu implebat Siciliam, Timere se insidias & scelera, quæ amor, & regni cupiditas atrocia inveniunt. Vera hæc esse sentiebat Poliarchus; Addebátque metuendam Archóbroti gratiam apud Regem; quem

nalbius publicæ rei studio motus, Ita verò improuidi ciues, inquit, dum uilitate laudandi vnusquisque Regum vitia ad amicitiam sollicitatis, vos simul & illos miserrimos fieri non sentitis. Quanto enim incommodo vestro imperantes sic fingitis, ne quid eos pudeat; Sed licentissimè assuescant scipfos amare & mirari; utique postquam diu omnes eorum affectus adulatione & præconiis consecrauistis. Illos autem, quantumcunque sibi fœlices sint, ego lachrymis dignissimos puto; nisi superessent his domesticorum insidiis, & ea colere ac probare solerter instituunt, non quæ in ipsis alij laudant, sed quæ ipsi in aliis. Cæteros enim adeò sua purpura occæcauit, ut nesciant quod nemo præter hos ignorat; qui mores, quæ studia, quisve modus, inter homines famam, aut veniam, vel denique odium ferat. Proh fâcinus! opulentissimæ venationis genus est explorare

intimos Regum motus, quò eos natura, quò cupiditas vocet, mox non diis, non hominibus æstimatis, quicquid amant aut volunt impensè commendare; vel ut similitudine morum, atque sermonum, iis placeas; vel ut soluas eorum verecundiam, & gratias tibi debeant, quòd molliueris viæ speciem, quam ad vitia ducentem, obsitâque infamiâ, pudor prohibebat experiri. Quid mirerur Principes violentâ adulationis procellâ inclinatos quò sponte iam volunt, iis vocibus credere quas solas accipiunt? Præsertim nemine ruinam sustinente ad quam tanta vis impellit. Nam illi sapientes quos negociis adhibent, seu verentur frustra monere, seu medicamentum quamuis infundat salubritatem, tamen ingratum esse sciūt; his vulneribus non adhibent manum; Aut certè vitia distinguunt quibus seipsum Rex maculat, ab iis quibus perdit Rempublicam. Et contenti ut-

cunque mederi publicis, non restitunt Principi oculos, quibus ipse suam sortem & blandientium fallaciam damnet. Quis familiare, sapienter Reges admonuit, si auiditate æris infames sunt, si nimio venationum studio amittunt reipublicæ curam; aut cùm libidinis exemplis inficiunt sæculum, vel inconsultis amicitiiis publicam inuidiam concitant? Laboramus etiam virtutum nomina his cupiditatibus fœdare. Cura futuri, laborum assuetudo, comitas, liberalitas appellantur. Nec vitia illa tantùm, sed etiam leuiora, in his adolescunt mendaciis. Imò cùm rectè quid sapiunt, adeò fictos inueniunt & nimios plausus, vt sæpè (credite amici) pudore, qui cæteris aberat, onerati oculi multùm mihi tremuerint. Videbam neque pudere istos effusissimæ fraudis, neque Principes indignari quòd sibi tam procaciter illuderetur. Quantum à comœdia

mœdiâ distat hic ludus; cùm vtroque
in os laudes, quos apud te proteruo
contemptu, tanquam vanos aut pueri-
liter captos, derides? Quòd nisi maio-
rem Regibus genium quàm qui popu-
lum informat, dii dedissent, quotus-
quisque ex his plagis euaderet; quæ vel
ipsâ cōsuetudine placent, quia nascenti-
um cunas circundant, nec eas memi-
nerunt sibi poni? Sed neque his peri-
culis soli Reges infesti sunt. Plerique
regiis malis in priuatâ fortunâ labora-
mus. Reges sumus supplicibus; rursum-
que Rex nobis, in cuius est manu quod
perimus. Hunc tentamus blanditiis,
hunc illâ vanitate conficimus; vltro
amantem tela quibus percelli Reges
solent. Quod est autem ad Radiroba-
nem, à cuius superbâ credulitate initiū
questibus istis fuit, cæterâ lenitate me-
ruit ne qua in eo peccata excusemus. Et
ô vos Siculi miseros, si illius coniugio
Argenidem damnatis.

Adeò Poliarchum hæc oratio affecit, ut vix sibi temperaret. Optabat Dunalbium amplecti ob hoc de Radirobane augurium; destinabátque iam præmia quibus sæpè ab illo cuiusmodi candoris præcepta eliceret. Omnes denique illos instituit commendare Argenidi; eorúmque uti fide in iis quæ instabant. Dilapsis hospitibus, Nicopompus & Arsidas ad ipsum redeunt. Deductumque ad thorum non antè destituunt, quàm ille amicorum quieti consulens, & cum solis præterea curis meliùs loquuturus, domitum sopore se fingeret.

Noctem illam Selenissa & Argenis (quis mortalitatis ludibria satis æstimet?) in eiusdem calliditatis mutuo dolo ducebant; quâ scilicet ratione, ubi dies rediisset, vna alterius oculos fugere posset. Nam & Selenissa locum quærebat quo remotâ Argenide Radirobani loqueretur; & Argenis opta-

bat amouere Selenissam, ne sciret aduenisse Poliarchum. Prior Selenissa nunquam se peccaturam tectius rata, quàm in vmbra libertatis, vltro de Radirobanc mentionem iniecit; Aiebat enixè ab eo se oratam, vt in iisdem arborum spatiis postera die esset; Cupere illum quædam haud vulgaria cum eâ communicare, & inde ad Argenidis colloquium deduci. Occupauit Argenis; Vade vbi commodum erit, mater. Sed mihi ad ea digerenda spatium relinque, quæ cum vnâ colloquemur, & vt solet orabit, reponam. Volo itaque vt maturè cum illo sis, protractoque sermone hominem teneas, donec omnibus cogitatis ipsa in hortum descendam. Nihil posse reperiri prudentius iterabat Selenissa, tacitâ improbitate deridens, quòd sui prodendi rationem ac tēpus ipsa Argenis aptauerat. Sed & ignara erat se quoque deludi, & amolitam à conspectu non tam mitti ad Ra-

dirobanem, quàm auerti à Poliarcho. Manè erat, & multi Solis æstum ambulatione præcipiebant. Iàmque illius voluptatis simulatione Radirobanes opperiebatur matronam in horto; vix tunc ob Argenidem magis quàm Theocrinem sollicitus. Nec segnior anus, cùm maturiùs de thoro surrexisset; Pergo, inquit, ad Sardinia Regem. Si vera de amore suo retulit, diu est quòd inambulat somni impatiens. At nos æuo defectæ (addebat subridens) pœnas illius ætatis luimus, quæ nec suos labores agnoscit, nec æstimat alienos. Hic iterum monere Argenis, nè antè discederet à Radirobane quàm ad viridarium ipsa procederet. Malle se illic, quàm intra limina Radirobani loqui. Ea Selenissæ fuere lætissima, credenti Argenidem hoc breuissimum tempus petere ad receptum prioris amoris; quem antè omitti oportebat quàm posset Radirobani placari.

Vix egressa limen erat, cùm Argenis
 ad Arsidam mittit, iubetque confe-
 stim venire cum hospite. Nec distulit
 ille; & Poliarchum sub crine adopti-
 tio latetem, cum exiguis aliquot pictu-
 ris, mercatoris specie secum duxit. Tre-
 mebat Poliarchus, & illud animi robur
 quod nulla discrimina, nulli hostes
 permouerant, destituebat cogitantem
 se ad Argenidem ire. Sanguinem etiam
 in illâ expectatione virgo amiserat;
 notaueratque intercidi à se verba si cui
 loquebatur. Secreta erat porticus in
 quam ad cogitationum curarumque
 solitariam libertatem solebat secede-
 re. Illuc postquam cum Arsidâ Poliarchus
 admissus est, manumque proten-
 sam, tanquam numen veneraretur, ad
 os retulit, subiti utrimque singultus
 multo rubore vultus sparserunt. Mox
 direptâ ille larvâ suos vultus reddidit
 sibi; & cum Arsidâ publicæ humani-
 tatis verbis salutavit Argenidem. Sed

Arsidas tanquam aliud agens sensim ad murum recessit; fecitque ambobus potestatem liberiùs colloquendi. Hic rursus erepta turbulentis affectibus verba distulere attonitos, donec fusis lachrymis expedita Argenis; Video te, charissime? inquit; an expressere tuos vultus insomnia; & imitationem læticiæ ad Argenidem tuam ferunt? Vides, retulit ille, domina, nouo nunc sensu mala exacta sentientem, & tuo conspectu admonitum quàm calamitosum fuerit tamdiu abfuisse. Quod nisi graue est meminisse; quid sensûs tibi fuit, quid virium, in meis periculis? Quàm multùm doluisti; quàm sæpè accusauisti absentiam meam? At illa; Nimis heu potes ex tuis doloribus æstimare quàm sollicitos te absente dies exegerim. Eo quoque miserior, Poliarche, sum, quòd non te sequi licet, quòd scio te per pericula errare; denique quòd sperare alij audent me

posse mutari. Dic iterum. Tu is es Poliar-
chus? tu in Siciliam rediisti? tu es
incolumis? præsentem te conspicio?
Ah num & maciei quam in tuo vultu
cerno ego causa sum, Poliarche? Sed
an eadem querenda rursus erunt? an
tibi iteranda exilia? & timidè semper
amabimus? Ille errores suos in com-
pendium misit; Vt naufragus fuisset,
vt de prædonibus victor, & in Numi-
diæ aulâ æger. At Argenis (quod po-
tius in rem erat) paucis exposuit Radi-
robanis cupiditatem. Et quidem time-
re se, ne bene meritum hominem Me-
leander generum velit accipere; quod
facinus, inquit, nisi tu illi obstas, ante-
uertam meâ cæde. Quàm autem mise-
rum putas sub ictu quotidie mortis
stare, quæ non longius abest quàm
fœdera illa quæ Sardi fortissimè vr-
gent? Accedit solitudo. Neminis so-
latium adest, cui curas committam. Ti-
meo armatum Radirobanem; Patrem

Post hæc anxîâ deliberatione versantibus quid sibi capiendum consilij, ipsâ incertitudine animi nihil quod occurreret placebat. Iret ad Meleandrum Poliarchus, se Regem prædicaret, numeraret beneficia, sibi vxorem optaret Argenidem: Ipsa quoque Argenis se sponsam Poliarchi (quod res erat) apud patrem profiteretur. Iustum quidem, & præsentis, si succederet, utilitatis in ea mala remedium. Sed timebat Argenis iniquiorem Poliarcho Meleandrum; quo dissimulato armatum Radirobanem monstrabat. Non æquam fore causam Poliarchi se in Regium culmen subitò asserentis, & illius cuius cognitæ opes erant, & qui etiamnum exercitu implebat Siciliam, Timere se insidias & scelera, quæ amor, & regni cupiditas atrociam inueniunt. Vera hæc esse sentiebat Poliarchus; Addebátque metuendam Archóbroti gratiam apud Regem; quem

vercor, inquit, ne & in spem tuarum nuptiarum erectus sit. Coliorruit Argenis ad hanc vocem; Neque tardè per omnes Archombroti actus, perque omnia verba, redeunte memoriâ, in eandem suspicionem delapsa est. Igitur consilium adeundi tunc publicè Regem, tanquam præceps, & sævum periculis, omittunt.

Diutiùs hædere in alio; Vt, quando fortuna Siciliam negabat, irent in patriam Poliarchi. Vltrò redire in gratiam Melcander optaret: & elusus Radiobanes, si aliquid moueret, excipi posset armis. Nihil Selenissam, nihil Archombrotum nocituros. Quid mirum si virgo ad sponsi domum ibat? Pro flammeo velum fore quo celaretur discedens: faces autem multò plures quàm quinque, sub noctem ipsa astra abeunti præstitura. In hanc fugam consentiens Argenis, reluctantem animum, & damnantem hunc impetum,

non benè domabat. Vellebatúrque media intentio inter abeundi & manendi consilia. Hinc causam quæ utique optima erat, respiciebat; hinc famam; quam non integro tantùm, sed & sapienti pudore oportet habere propitiam. In eâ seditione animi, tamen sequebatur Poliarchum; non tam quòd illud optimum putaret, quàm ne aliquid esset quod ei negare videretur. Sed ipse hoc furto non admodum lætus; quia sciebat peruulgatum hoc esse remedium; & nullam amantium fabulam penè constare, in qua virgo cum sponso non fugiat; Cùm præterea vim notasset quam Argenis fugæ laudandæ sibi ipsa inferebat: Dignusumus, ô Domina, inquit, qui non latronum more tenebras, atque silentium, quæramus in vota. Quid si depressus non erit sub irato patre defensio? Quid si abstrahemur nunquam redituri ad conspectum? Frustra præsi-

dium ab æquitate expectamus, nisi ipsi æquitati paramus antè præsidium. Si placet; credisque inter mala iam familiaria tres adhuc menses durare nos posse; ego à patriâ reuertar cum milite, vt non sine dignitatis insignibus te Regum Principumque, spem ac stirpem accipiam. Quòd si adhuc repugnabunt nostri hostes, extorquebo idoneis viribus à Siciliâ, meam simul & tuam fœlicitatem. Sponde modò tamdiu te victuram. Ego strenuè adero, nisi mors interim obtinget; quæ si tam celeri fato imminet, at tanti saltem erit te à funebri abfuisse spectaculo. Cùm hæc verba suspirio finiret, obruerunt Argenidem largissimi fletus; Reputansque quàm is igitur procul, quàm subito abiret, non minùs sub amore, quàm antea sub verecundiâ, vapulauit. Sed consuetudine dolendi, tres faciliùs menses destinari ad miseria sinebat; modò intra id temporis

rediret Poliarchus, vel inermis; quem
tunc ipsa sequeretur, spe aliâ omni
damnata.

Vbi in illam sententiam concessum
est, vterque plurima monere & horta-
ri; quærere etiam Poliarchus quid in-
terim Radirobani, quid parenti, virgo
diceret; Illa autem ne promisso tem-
pore destitueret amantem, verbis &
lachrymis, & quod efficacius erat, men-
tione destinati si falleret interitûs mo-
nebat. Plurima, inquit, Poliarche, in te
amaui; sed præcipuè fidem, & plerif-
que virorum ignotâ modestiam. Diu
est, quòd, non spreto quidem patris
imperio, sed omisso, te sponsum appel-
laui. Nunc iterum opes meas, fortu-
nam, amicitiam, quâ licet tibi trado; &
per vtriusque fata obtestor, nulla vis ab
hoc sacramento me absoluet. Nullius
vnquam, nisi Poliarchi, erit Argenis. Si
dij sinent vt foelicibus hymenâis iun-
gamur, tum plenum beneficium fatis

debeamus: Sin malignior fortuna conatus euerterit nostros, ego tamen incorrupta in tumulum succedam, & saltem animorum inter nos matrimonium erit. Post hæc verba rubore suffusa est, pronusque in gratias, Poliarchus, non minora de Argenidis in se victoriâ loquutus est.

Timebat vterque ne fortè à Radirobane rediret Selenissâ; cui postquam ambo maledixerunt, suavit tamen Poliarchus ne illam tot secretorum arbitram à se temerè Argenis amitteret. Sin necessitatem diuortij suo scelere faceret anus, tunc virgo meminisset Timocleæ, prudentissimæ matronæ, & illo loco dignæ à quo ista excideret. Satis erat commendata Argenidi Timoclea, seruatrix Poliarchi; timuitque subitò virgo peccasse; tenuibus adhuc donis parum in eam liberalis. Quippe Selenissâ effecerat, ne in gynecæum reciperetur; nec de charitate quidem, sed

de constitutis muneribus multa dehortando reciderat. Cùm verò narraret Poliarchus beneuolentiam in se Dunalbij, adderétque non leuiùs Antenorem, & Hieroleandrum in se affectos, sibi virgo gratulabatur, hos eximios viros esse, quorum tutâ operâ vti in arcanis liceret. Statuerunt igitur, beneficiis omnes excolere. Quamquam Dunalbius cò Sacerdotij processerat, vt vix quicquam posset addi fastigio; tamen aiebat referendâ gratiæ locum nunquam Regibus deesse. Hieroleandro autem (inquit Argenis) magnus erit ad publicos honores aditus, si eum patris epistolis ego præfecero. Sed Antenori quæ præmia erunt? Mittam sæpe Apollini, & Sacerdoti donaria; Et si tibi videtur, Poliarche, charissimam Timocleam vbi res nostræ successerint, magnâ cum dote, quam vterque ei dicemus, vxorem accipiet.

Iam tempus vrgebat; vicissimque

expectabant missionem , neutro tam
acerbum sermonem incipiente. Ergo
filebant tristi aspectu ; donec conatus
Poliarchus benè precari , & abire , in
vocis primordio defecit. Vt tamen ne-
cessariâ fortitudine dolores finiret qui
in discedendi confinio crescebant, de-
missis ceruicibus veneratus Argeni-
dem, inter silentium abscessit. At Vir-
go sæpè repressis lachrymis tandem vi-
cta, subito impetu scemouit se à conspe-
ctu. Amens plangebat pectus immeri-
tum, plùs mala Poliarchi quàm sua, aut
sentiens, aut sentire se rata. Sic tunc
confusa in secretum cubiculum irru-
pit ; & ille haud certis vestigiis, oculis-
que vix egressum à porticu videbat.
Arsidas quoque perturbatione cogni-
tâ, & frigidus ipse, nec dicere quic-
quam ausus, cum muto, nec satis sui
conscio, redit ad Nicopompum, illinc-
que sub vesperam ad mare cupientem
deducit.

Interim

Interim motibus longè diuersis Ra-
 dirobanes agebatur, differēte Selenissâ
 de Theocrines discrimine. Nam vt
 anum in viridarium venientem est am-
 plexus, Vt pugnat, vt vincit Theocrine?
 ô mater. certè in ipsius imagine anxiam
 noctem duxi. Nam heri iniquo nume-
 ro si meministi, pugnatem reliquimus.
 Sed quod præcipuè me sollicitum ha-
 bet, an Argenis nostra valet? & quid
 tractabilem fore existimas? Tum Sele-
 nissa, Diis litauisti, Rex; nisi me elo-
 quentem faciam, imputémque meæ
 arti quòd incepit agnoscere Argenis
 se tibi prater meritum duram esse.
 Quid enim ampliùs expectes? Illam ad
 pœnitentiam adegimeis verbis. Miti-
 gato in te animo huc promisit se ven-
 turam. Sed dum cultui suo vacat, sine
 nos incœpta euoluere. Magnopere
 enim expedit ne ignores Theocrinem.
 Pugnat, vt retuli, spoliisq̃ue animosa
 hostilibus circumferebat simul cly-

peum, simul ferrum. Diceret hanc bel-
lis assuetam, illos in gynæcæo adoleuif-
se. Duo de prædonibus iam strati; to-
tidem reliqui erant. Nemo integer à
vulneribus restabat. Nam & in fronte
Theocrines, dum ipsa alterum petit,
mucro alterius leuiter sedit. Illico emi-
cuit sanguis, & purpurâ per candidissi-
mos vultus errante toruos oculos strin-
xit; capûtque & arma quassando cùm
minaciter proclamasset (adhuc timeo,
Rex) aliquid supra mortalem fuit. Vix
fauciam videramus; iàmque illam quâ
violata erat manum ferro deiecerat.
Neque mora, auersos prædones cùm
vulneribus multis inualidi fugerent,
nihil noctem, nihil insidias verita; ex-
tra triclinium sequuta est.

Sed dum per tenebras & hi latent im-
puniùs, & irata exerrat Theocrine,
nouus clamor illius animum percussit.
Nam altera pars latronum, cùm ali-
quandiu cubile Meleandri quæsiif-

sent, tandem lumen sequuti quod haud
 procul regio thoro in custodiam vigi-
 labat, foreseffringunt, &, promissum
 Lycogeni donum, Regem vinculis
 adoriuntur. Excitatus tumultu Rex,
 ubi viros (haud assuetum illi domui fa-
 cinus) aspexit, & quidem armatos;
 quamquam somno & rerum insolentiâ
 turbatus, tamen enssem qui ad pului-
 num pendeat corripuens, simul vesti-
 gium ad pugnam festinauit compone-
 re. Sed priusquam excussum thoro
 corpus, iusto gradu consisteret, irâ &
 horrore titubantem latrones circun-
 sistunt. Non sacra illa membra, non
 proximum diis nomen reueriti, ca-
 ptivum reclinant in lectum; ferroque
 extorto quod tenebat, ausus vnus est,
 simulans casum; (sed opinor sacrilegæ
 audaciæ famam & voluptatem captâs)
 in illius vultum capulo impingere. Iam
 manus institis tenebantur, & quasi
 damnatum operto capite ducentes,

superbi querebantur, nondum socios
qui ad comprehendendam Argenidem
diuerterant, adesse cum prædâ; Cùm
Theocrine successu exultans, prælioque
& vulnere accensa, ad Regem peruênit;
captiuumque intuita, furioso clamore
grassatores increpuit; O quotquot
sunt parricidarum deterrimi, subite
calentem vestrorum sociorum sangui-
ne enses. heu meâ manu non digni!
Sed non omnes ita peribitis. Supererunt
qui seruiliter necentur. Nec leuius
quàm pro atrocitate minarum, cœpit
in eos desruire. In illo tumultu excidit
vestis quâ caput Meleandri prædones
condiderant. Hac prolapsâ videt auxi-
lium suum, videt parem tot grassato-
ribus Theocrinem, quæ iam fato vnus
cæteros admonuerat illi sceleri abesse
fortunam. Mireris Theocrinem; tot
obuersantibus circâ mucronibus, tot
mortibus clypeo solo depulsis, Regis
vincula non patienter aspexisse. Sed ô

Rex Sanctissime, inquit, quamdiu captivum te videbo? Simul nodum institutarum qui non arctè coiuerat, soluit, & arma viriliter quærentem obiectu corporis tutatur, donec gladium inueniret.

Hic Radirobanes, ægrè seruatum silentium denique soluens, ô, inquit, simillima fabulis monstra! Quid huic par antiquitas vidit? Vnde virgini ille sanguis? Vnde fati charitas tanta in Regem, vt paterentur imminere exitium, quò sanctiùs & fœlicitatis nouæ exemplo, esset incolumis? O Selenissa! Sed an vera hæc autumas? Parce per tot miracula confuso. Tum anus; Tu ita me (ô Rex) atque ita te iuuet Argenis, vt hæc non minùs vera sunt quàm me viuere, quàm tibi me loqui, quàm denique te amare. Perge igitur, subiicit Radirobanes, implere me tam insignis noctis prodigiis. Et illa; Exolutus vinculis Meleander, non suam salutem,

non Theocrines pericula destituit. Ita validè pugnando effectum est, vt ex tribus qui supererant, vnus caderet, aliúsque fugeret, & postremum Theocrine amplexu occuparet, cuius postquam lacertos in tergum reduxit, vinctum obnoxie committit Melandro; Et, serua hunc, ait; dùmque redeo, si salutem tuam, Rex, amas, intra hanc sedem te contine. Illum qui aufugit non oportet elabi. præterea explorabò de insidiis quid supersit.

Sub hæc verba limen egressa, redit ad thalamum Argenidis, in quo nostræ mulieres timidissimo cœtu conuenerant. Collige animum tuum. Nam quæ à me, Rex, audies, nisi esses constantissimus, te repentè per præcipites motus abriperent. Theocrine prælio calens, oculisque iam alia, & propemodum toto vultu nobis ignota, manu Argenidemprehendit, & præterea sequi me iubet. Postquam constitimus vnde cæ-

teræ loquentem non audirent; Diis gratias habeo, inquit, quòd amoris mei industriam per non inutiles dolos in hanc vestem & domum coëgerunt. Tibi, Domina, Patrique, saluti hæc fraus fuit, quos propitiis fatis prædonibus eripui. Hoc euentu æquum est mihi ignosci. Nam quid ampliùs dissimulem; cùm ista me prælia probauerint virum esse? Fefelli; Audaciùs quàm voluissetis amari; & quo minimè licebat sub muliebris sexûs fauore admisus sum. Sed excusationis multùm est, quòd inter vos tamdiu versatus, mores & speciem puellæ sic retuli, vt nulla immodestia sexum arguerit: quantum, autem in fœminas potuerim, si abfuisset verecundia, nunc demum in viros ostendi. Nec quæro has vires aut continentiam laudare. Satis erit si apud te, (Virgo) me absoluent. Scias enim. Ego nec genere, nec fortunâ regiis nuptiis impar, ab externo littore tuam famam

sequutus sum ; & quasi admonentibus diis, vt te viderem, fruerérque moribus tuis, fœminam simulaui. Crudelitatem patruï, miserias matris, omnia commentus sum. Abscedo nunc ægrior quàm cùm intraui. Nam quantillum tuarum virtutum est quod famâ acceperam? & me tamen rapuerant.

Radirobanes atrociter his verbis vulneratus; Perij, Selenissa, perij, inquit. Quis hic ergo sub pallâ degeneri Achilles? aut quæ Thetis fraudem ornauerat? Nullus sum. An ille est quem nunc amat Argenis? Ille est, subiicit anus. & ne putes vulgare hoc esse secretum, id adhuc ignorat Meleander. Cæterùm morari se diutiùs posse negabat, ne Regi suspecta fortitudo sensim fraudem detegeret. Rediturum se breui ad Regiam, sed cultu militari, mihi que, vel Syracusis, vel in Aula, præstò futurum quoties ab arce digrederet. Sibi nomen Poliarcho; neque verò diu-

tiùs victurum, quàm placeret Argenidi. Ex animo tuo perpende, Rex, quales ambæ fuerimus. Si te narratio virum mouet, quid existimas in re præfenti fœminas obstupuisse? Pauca deinde in aurem Argenidi narrauit. Credo, genus & patriam referebat, obtestaturque virginem vt secreta ea essent, fidem inuênit. Vnum hoc enim arcanum est quod non auribus meis Argenis commiserit. Arcis clauæ apud me, de more seruabantur: quas ille corripuens, Itc ad Meleandrum, ait; Ego ne maiores subsint insidiæ, Prætorianos & vigiles accersam. Spississimæ tunc nubes omnia astra eripuerant. Et dimotis ille claustris, cùm facem tene- ret, ab ipso arcis limine exclamauit, perrupisse ad Regem grassatores; Properaret ad auxilium & stationibus milles; instare, adesse periculum; facinus propè peractum esse. Hæc cùm vehementiùs aliquoties proclamasset, ipse

quidem longè à viâ declinavit per tenebras ; cæterùm exarsere improuiso tumultu qui arcem proximè obseruabant. Quo habitu quisque erant, procurrunt ad præstādā celeriter fidem ; Nam & multi seminudi, ne componēdis vestibustardi essent, propemodum sola arma attulerunt. Iam occupaerant mœnia, iam feruebat vestibulum atriúmque confusis cohortibus. Cúmque per varios ignes frustra hostis quæreretur, cœpere vereri, ne aut laruæ improuidos lusissent, aut aliquo dolo de stationibus essent exciti. Præcipui verò duces, & in illis Eurymedes, cum delectis militum ad cubiculum Regis peruadit, in quo ego cum Argenide eram. Nostra vociferatio, & in vultu Regis horror, maximéque duo cadauera quæ ante pedes iacebant, non cōtemnendæ rei indicia fuerunt. Circumstetere igitur Regem ; Ac quòd incolumem videbant, defunctúmque

periculo, manum amplexi, mistis vocibus multa ac varia volentes, ideo nihil exquebantur. Hi quærebant qui sicarij fuissent: alij quis eos refellisset in interni & muliebri domo; plurimi accensis facibus scrutabantur ne quæ hostis lateret. Etiam tumultuaria quæstio de captiuo habebatur, his genas vellicantibus, aliis in pectus intentantibus ferrum. Meleander interesse arbitratus ne præcox vindicta de eo sumeretur, tradit seruandum Eurymedi.

Iamque securus, & præsidio suorum medius ad Argenidis thalamum venit, quò & referentibus nobis audierat etiam domitos esse à Theocrine sicarios. Postquam & illic duo cadauera conspexere, & plagas plusquam ad mortem opus erat adactas, enixius rogauere Regis amici, quinam mortaliū huic fortitudini suffecissent. Vbi verò retulimus, manu puellæ patratum hoc facinus, taciti, (nam admiratio ver-

ba supprefferat) circumlatis oculis vi-
atricem requirebant. Rex quoque ad-
uocari illam iussit ; & quia moneba-
mus duos ex latronibus fugisse, ipse-
que meminerat vnum quoque cubicu-
lo suo elapsum, totâ domo distribui
exploratores.iussit, qui repertos addu-
cerent. Sed siue per portam quâ rece-
ptum præsidium erat effugerant ; siue
per muros erant delapsi ; Regi tandem
relatum est, neque illos neque Theo-
crinem comparere. Minor cura Me-
leandro de prædonibus fuit; sed Theo-
crinem abesse non ferebat ; iterumque
delectis qui omnia vestigarent, Theo-
crines nomine tota domus exsonuit.
Sciebamus, ego, atque Argenis, vocan-
tibus respondere non posse, qui bene-
ficio noctis vsurus iam forsitan mul-
tùm viæ processisset; Primùmque indi-
cium mihi fuit amare Argenidē, quòd
adeò dissimulabat quicquid vtrique
noueramus, vt & propè me falleret.

In illis tumultibus reliquum noctis
absumptum est. Primâ luce Cleobu-
lus, cæterique quorum consiliis Rex
præcipuè fidit, per cursores admoniti
quid Regi contigisset, strenuè adfue-
runt; quibus ad quaestionem de capti-
uo habendam dimissis, Rex ita circum-
stantes affatus est; Quamquam in me,
deosque ingens piaculum admisere
nefarii, detegique & vindicari fontes
debent; ego tamen non me magis vltû
cupio, quàm illam videre cuius virtute
servatus sum. Vbicunque Theocrine
est, ego me fœlicem abnuto esse, quam-
diu ignoro an illa sit in tranquillo. Dij
boni! Ne in latronum insidias nimia
virtute deuenerit. Sic loquenti, que-
rentique, iterum exploratores renun-
ciant, nulla Theocrines vestigia nec in
arce, nec in proximis campis extare.
Si quid duri contigisset, aut fauciam,
aut, nefas, interemptam potuisse repe-
riri. Hæsit aliquantùm Rex, vt ex fron-

te coniiciebamus, in subitas cogitationes delapsus. Tandem versus ad signū maximi Iouis, quod non procul in domesticā arā stabat; Summe Iupiter, inquit, si ut coniicio res est, firma tuo numine meam fidem. Cœlesti munere factum est quòd ex telis impiorum elapsus sum. O Theocrine, si fas est adhuc eo nomine te censerī, quod tibi inter nos induisti. Non tu virgo mortalis, nec de numinum vulgo. Tu sanctissima Pallas, tu præsēs armorum, tu quæ soli Ioui debes quòd nata es. Veneror te, dearum fortissima, ne Siculos patiaris ignorare beneficium tuum. Me enim arctissimā religione tibi deuotum exemisti inimicis; seu patris imperium, seu pietatem tuam sequuta. O te fœlicem, mea Argenis, si tuas fortunas licuisset agnoscere; sciuiſſesque Palladem tibi loqui, tibi adesse; quæ quo solertiùs diuinitatem celaret, tibi cliētis specie voluit esse obnoxia! Qui-

bus argumentis hoc credam, si postulas; Primum, memini vultus; & eodem numine, quo deam vetabar deprehendere, nunc serò immortalia ora cognosco. Quis vigor? quod in oculis iubar? Omnia lineamenta in memoriam redeant; scies quòd vt fingebat mortalem, ita nec deam in totum suppresserat. Sed quis de accepto beneficio dubitet post certamen Pallade vnâ dignum? Adeòne ad diuina opera caligemus, vt virgunculæ manu putemus tot homines fusos, & non potius laceratis cœlestibus gratias habeamus, qui hanc pugnam ediderunt? Nunc verò quæ præiens tegebatur, absentiâ suâ se nobis aperuit. In cœlum abscellit; aut fortasse nostris oculis erepta, tamen inter nos versatur, expertura an simus ingrati.

Ita differente Meleandro, fremitus ingens inter audientes exortus est. Scis hominum animos, ac præsertim multi-

tudinis, facilè grandibus & infuetis rebus deos authores facere; & superstitionem quodam impetu infundi. Gloriosum præterea Siciliae erat, deos ipsos pugnasse pro Regibus. Itaque orationem Regis excepit militum clamor, Mineruam Tritonidem per omnia nomina inuocantium, quæ illi artes suæ aut deditæ sedes fecerunt. Hi superstitione animi; alij quò Regi placerent; cæteri effusè gaudendi licentiam amantes. Vt putas inter hos errantium motus risu furtiuo mecum Argenidem lusisse? Nec indelectata quidem hac fabula, mirabar quòd Rex tam facilè deam fecisset. Sed non hætenus stetit ludibrium. Quidam miles siue adulatione, siue insaniâ motus; Quæ autem illa species, inquit, quam in summâ arce vidi, cùm ex castris exciti primùm sumus? Fulgebat per noctem candidissimus ignis, quem hætere tectis putabam, & nos cōpescendo incendio

incendio acciri. Mox in radios distinguicœpit fulgor; & hæc pompa longo ordine crevit in cœlum. Rei autem admirationem tunc quidem mihi excussit nunciatum, Rex, tuæ maiestatis periculum, quam non sine venerationis sensu nunc repeto. Quid si ille Palladis splendor erat, se se post te assertum recipientis ad sydera? Vix miles finierat, cùm plerique eâdem vesaniâ, quod is finxerat, somniôve conceperat, vidisse se confirmant. Ita multis authoribus fabula inualuit; & certatim consecrationem Theocrines argumentis, veneratione, assensu iuuerunt. Cùm verò gratularentur Argenidi quòd tamdiu habuisset domesticum numen, illa abiectis modestiæ specie luminibus, anteuertebat risum; donec satis adoratâ Mineruâ, Rex ad consilium supra atrocitate sceleris, cum delectis secessit; & ego atque Argenis de Poliarcho loquuturæ in penetrale con-

uenimus. Dicebat Argenis, non indolis ad tempus repressæ, sed verissimæ fuisse virtutis; quòd is apud se tot dies modestiam tenuisset. Quid illius ingenio candidius, qui penè lenior inter mulieres fuisset, quàm fortior inter viros? Iam beneficium memorabat quod Meleandro teste dignum erat magnitudine deorum, & Palladis manu. Iam etiam, sed illud verecundè, monstrabat quantum ille amasset, periculosissimo dolo ausus & sexum dissimulare, & se suppliciis, quæ deprehenso certa erant, obiicere. Fateor, ô Rex; subleuabam virginis pudorem, ea ipsa commendando, quæ intelligebam illi esse gratissima; & quia nondum te noueram, nihil credebam præstabilius Poliarcho.

Interim exegerat à captiuo Cleobulus sceleris authorem atque modum. Ille tormentis impar, cuncta de Lyco gene confessus, Viam aiebat se ad ar-

cem inuenisse, quàm mari alluitur; nescio quàm harpagine in murum coniectâ, quæ illicet saxi hæsit, præligatùmque funiculum, per quem in altum scandi posset, librato pondere immota sustinuit. Hinc largiter à Rege esse peccatum consultiores putant. Nam cum Lyco-
genem subito opprimi oporteret; maluit ad illius villam mitti qui hominem tantum accerferent. Sed iam eum ad arma comparatum crediderat; ut nec capi facile posset; seu sperabat ad omnia audacem contempto indicij periculo venturum. At ille cum clientum fortissimis, quos pridem in rei euentum plerumque ignaros coegerat, venationis specie longius profectus, venit ad arcem quam in Leontino agro habebat eximiam. Hinc per literas Regi significat, nec se tutò inter tot inimicos ad iudicium ire posse, nec debere inauditum damnari. Non denique oportere subornatos in suam perniciem

ficarios fidem habere. Interim factio-
ne & viribus adoleuerat; vt quod ni-
miæ lenitatis consilium fuerat Regi,
tunc necessarium esset, dissimulare fa-
cinus, & tanquam ad innocentem
rescribere; Præcipuè monente Cleo-
bulo, vt si iniuriam fortiter exequi
nollet, saltem non tam ignoscere vide-
retur, quàm fidem accusationi non
habere. Ad hoc consilium fuit, vt ca-
ptiuus ille index, morte in carcere
oblatâ, tanquam casu occideret. Ne-
que tamen Lycogenes quid meritis
ipse, aut Meleander quid ille ausus
esset, oblitus est. Alter ergo in alterius
potestatem aut fidem redire cauebant;
& suspicionibus odia fouebantur, bel-
lo quod deinde sequutum est prope-
modum deteriora.

Interim Meleander damnatâ arcis
fide quæ sicariorum furori patuerat,
nouo consilio Syracusas Argenidem
abducit; non tam iratus Lycogeni,

quàm Palladi gratus. Aduentabant
 quinque dierum solemnia, quibus fe-
 rias illius deæ nascentis solemus reside-
 re. His ergo expectatis, Rex ad tem-
 plum progreditur, conuocatóque ad
 concionem populo, in hunc sensum
 loquutus est; Scire iam eos quicquid
 ipse de Palladis in se meritis dicere
 posset: Repetere tamen deam in mer-
 cedem auxiliij, vt quàm sæpissimè amet
 de eâ re loqui. Tunc in se atque Arge-
 nidem insidias commemorat; sceleris
 tamen authores premens; Neque in
 Lycogenem contumeliosa vox excidit.
 Palladem autem mortali specie, &
 Theocrines nomine tectam, adfuisse
 periclitanti. Ipsam ipsam genio manú-
 que diuinam, abstulisse successum cun-
 tibus in se telis; & prædones tanto nu-
 mine oppressos periisse. Quid autem, ô
 ciues, erga deam pignus erit, nos præ-
 stiti auxiliij memores esse, nisi quod
 preciosissimum mihi seruauit Arge-

nidem inquam meam, ego eius cultui mancipo? Hanc igitur confciis omnibus diis, in publicâ Siculorum concione, tanquam Pontifex Sacerdotem capio; Hanc sacris Palladis iubeo operari, templisq; præesse, donec Iunonis numine abducetur ad nuptias.

Postquam Rex dicere cessauit, Argenis excomposito, ad patrem processit. Circà, Augures erant. Et Rex candidam vestem tenens, omnibus historiis distinctam quæ Palladis maiestatem populo exhibent, procumbentis collo iniecit. Quòd si, inquit, deæ esse non potes, nisi è patriâ potestate exieris, ego te hactenus imperio meo soluo. Solæ nuptiæ à Palladis religione te eximent. Sacra omnibus nundinis peragentem nostri ciues aspicient. Ad hæc Meleandri verba lachrymas, plausus, vota, popularis superstitio effudit. Redeuntes deinde in Regiam tota ciuitas comitata, mox per singulas do-

mos temulento peruigilio nouitatem
sacrorum sanciuit.

Accensus Radirobanes æmulatione
sæuissimâ, interfatur; Dic autem, Sele-
nissa; eousque decipi patrem tulit Ar-
genis? Non repugnauit infulas iniicien-
ti? Non exonerauit Regis animum ab-
surdâ pietate? Tulit denique se Palladis
nomine initiari Poliarcho? Tunc anus;
Equidem indignabar eò processisse
fortunæ ludibrium. Sed non impunè
studiis alumnæ repugnassem; quæ pro-
fesso apud me affectu Poliarcho iam
fauebat. Ingratum præterea fuisset Me-
leandro, ab errore reuocari. Quantum
enim hoc erat, habuisse in auxilio
deam? Præterea gnatam sacerdotio de-
stinabat, non pietatis tantum officio,
sed ut populus virginem proximam
sceptro, videre assuesceret, & mirari.
Ita volebat fauore frequentia esse se-
curam, quæ in solitudine propè perie-
rat. Nec sordida sacra aut indigna sce-

ptro erant, quibus manus admoliebatur. Vestis auro signisque conspicua; caput ornatum ut potius deæ quam antistitis crederes. Satis erat, innoxio ictu libare victimas, priusquam cæderentur. Thura inde Palladi dare, mœxque fluentem populum ad rami osculum quem ipsa tenebat, in auratâ sede excipere.

Inter hos dies Poliarchus, ut promiserat, militari ad Aulam cultu venit. Unus ille cum ipso qui patruelem antea simulauerat. Tunc cum sorte & nomine mutato appellabat Gelanorum, habebatque pro liberto. Primum ad Eurymedem venit, statimque indole, & arcano inter præstantes viros genio, ei conciliatus est. Mox per illum ad Regem, significauit à remotissimâ regione se venire, inter suæ felicitatis titulos numeraturum si in tanti Principis aulâ liceret ad virtutem erudiri. Rex qui sæpè Theocrinem non

viderat, iam sermone & vestibus alium, adeò ignoravit, ut tanquam incognito & tunc primum in Siciliam appulso loqueretur. Suspiciebat tamen vultus; & omnia in hospite spectabilia, viam ad futuræ familiaritatis magnitudinem faciebant.

Dies erat quo redeuntibus nundinis oportebat Argenidem ire ad templum, cum ambæ sciuimus Poliarchum esse in regiâ. Trepidabamus ergo: Illa quidem lætitiæ immodico sensu; ego autem horrore dubia, ne quid ipsa moribus suis, & monitis meis, indignum pararet. Sed rem in melius utriusque amantis virtus explicuit. Ignosce (Rex) si coram te Poliarchum breuiter laudo. Certè enim nec Argenidem oporteret à te amari, si impari aut degeneri amori patuisset; Nec deberes mihi multum, nisi te præferrem illi viro quem præter te vincere nemo potest. Tunc quidem, hoc accepto nuncio, solemnum oblita

Argenis, non sacerdotij regium cultum quo cingebatur videbat, non salutantium cœtum, non matronas virginésque assuetas obsequio. Occupata in Poliarcho, nec commodè loqui poterat, nec audire; donec ego in morbum despiciens, familiariter rogavi, vt se colligeret: Et illa non antea merita sic moneri, verecundè erubuit. Processimus ergo ad templum: Iámque hostiæ tangebantur, cùm in Argenidem intenta, rursus video eam diriguisse. Nec dubia fascinum esse, quo inuicem miseri amatores pereunt, circumspexi vnde hoc telum veniret. Haud procul Poliarchum aspicio. Sed vir erat, maiórque videbatur, nec facilè Theocrinem agnoui; vt non mirum si Meleander falli potuerit. Adcò quicquid muliebri, quicquid timidum videram, cum veste posuerat. Supercilium grauius fuit, vultus erecti, luménque modestâ, sed virili licentiâ vagum. Fron-

tem quoque & tempora negligentem de-
core comis asperferat. Inter hæc Theo-
crinem animo repetebam. An illa est?
inquirebam. ea est. dii deæque. Tot le-
pores, tam habilis ad omnia animus: &
hæ manus pensa trahebant? Ignoui
itaque ad hoc spectaculum raptæ Ar-
genidi: quam tamen reuocatura ad
præsentis sacri officium, (nam propè
stupebat) simulavi fluere præter mo-
dum virginis pallam, eamque dum
colligere videor; Memineris, domina,
inquam, nec Poliarchum probaturum
ut tibi hîc desis. Euigilasse diceres ad
hanc vocem. Concepit ergo preces
quas præibat Pontifex, & Poliarcho,
qui deæ nomine colebatur, libentissi-
mè habuit hos honores. At ille (ô quan-
to plus est suo quemque quàm alieno
iudicio esse fœlicem?) quærebat suppli-
care facientibus sacra, inquieto ani-
mo in me subinde atque Argenidem
respiciens.

Redimus ad regiam. Ne quære quid tunc ego, & Argenis, colloquutæ. Vnicus erat de Poliarcho sermo. Ad extremum; Quid, ô mater, peccabimus, ait Argenis, si meum, patrísque seruatorem, sanctiùs chariùsque habebimus, quàm qui illum ignorant? O si saltem colloqui huic liceret; vnâque sacerdotij mei vanitatem ridere! Faciam, inquam (Domina) vt liceat. Mea opera sistet hunc tibi. Et hoc quidem spondebam prolixius, ne illa (nam sanitatis vix spes erat) morbum suum periculosâ modestiâ à sensu meo eriperet; néve, si nihil indulgissem, aliis artibus plura pararet. Cùm ab Argenide exirem, video in vestibulo Poliarchum cum meo filio spatiantem. Quippe ad me aditum suspicione carentem quærebat. Ego tanquam ad filium irem, etiam hospitem salutaui; strictimque admonui vt in eundem locum sub noctem se referret. Quid

moror? Secretò ad Argenidem adductus, eâ gratiâ & modestiâ fuit, vt hunc crederem rursus esse Theocrinem. Nihil illis colloquij (nam sapiusculè redibat) cui non interesset. Nullum crimen, nulla in iuvene & amante temeritas; nisi quòd semel in hanc sententiam ausus est loqui; Se Regibus ortum, neque in statu priuato futurum diutiùs quàm suus in Argenidem amor iussisset; Ab eâ recipi in sponsi charitatem & fœdera optare. Vt priùs in orcum recipiatur (inquit Radiobanes.) O vesanam semiviri temeritatem! Non credebam, ait anus, superfuturum virgini ad ista sermonem, & tanquam debitas mihi partes pro alumna parabam sufficere; cùm ipsa, ne, vt in re improuisa, cunctata quidem multùm, ausa sic loqui; Testes dij, quos omnes Poliarche propitios tibi credo, si te fratrem habuissem, nullas in tædas consensuram me fuisse, ne quis esset

quem supra te amandum iura mihi ostenderent. Virtus tua, & libertas quam depulsis prædonibus dedisti, faciunt ne certiora fidei pignora possim exigere. Sint ergo conscij dij, & tu quoque Selenissa, me hæcenus ad hæc pacta descendere, ut spondeam, nulli me, nisi Poliarcho, nupturam. Nec parentis in me imperio in totum detraho. Illo iubente nulli nubam; at alteri, nunquam. Expalluit Radirobanes; & fascinum profectò valuisse in virginem; veneficum Poliarchum fuisse: Addebat & alia, quæ recens indignatio in fœlicem æmulum inueniebat. At Selenissa; Ego, ait, tunc confusa, ne tamen nihil profuturo iurgio me illis committerem, Dij, inquam, aspirent cogitationibus magnis. Audax tamen consilium, & celere initis. Et, si quid rogare vos possum; Quid interest, Poliarche, hæc potius agi secretò, quàm professo ad Meleandrum voto? Si, ut ais, & arbi-

ror, priuatæ fortis non es; cùm iam beneficium dederis, cùm ab Argenide ameris; nihil causæ cur affinitas Regi non placeat. Tum ille; Si ignoscis, Matrôna; quòd iuuenilis impetus me audum videndi Argenidem à patriâ abstulit, sine comitatu, aut cæteris meæ fortunæ indiciis; cætera facilè excusabo. Ignotus, & propemodum solus, vereor vt meam causam, & opes, Regi probem. Sufficere autem vita non posset inter amoris mala, si in incerto votorum iuberet à patriâ accire meæ fortis & dignitatis insignia. Itaque me, ô virgo, ab interitu reuocasti, quem destinatum habebam, si te duram præbuißes. Tu verò, matrôna, desine hæc fœdera habere suspecta, Nam quæ modestia fuit amanti, durabit adhuc sponso. Satis est me amari, satis est spem esse securam. In hoc mihi votorum nunc summa est. Nec furtiux nuptiæ mihi placent. Iam patientior omnis

moræ, tempestiuus consiliis ambiam Regem, donec in oculis Siciliae mihi tua alumna ipso iubente nubat.

Ita tunc ille; & modestiam quam sermone prætulerat, moribus æquauit; summo pudore quem hospes attulerat, etiam post secretæ fidei pignora illibato. Viuebat in Aulâ. Seruos aliquot emit. Equi, quos amabat domitare, stabula impleuerant: vt esse opulentum constaret. genio præterea studiisque, & quoties licebat, experimento fortitudinis, plurimorum animos tenebat; Per has artes nihil minùs Regi charus quàm nunc vides Archombrotum. Vnus tamen omnium conscius Gelanorus: Cæteri familiares, vtique ex Siculis collecti, dominum ignorabant. Sæpè ergo ad Argenidis familiam nihil suspiciosâ humanitate diuertebat; sæpè incautis omnibus, nunquam tamen nisi me duce, cum Argenide erat. Dixisses sororem cum germano

mano sub me matre lufitare. Præcipua mihi eius imago eft venientis ad facra, quæ in fuarum virtutum præmium immerita Pallas ferebat; Cum Antiftita Argehis Palladem diceret, & Poliar- chum cogitaret; & à numinis figno in eum tanquam temerè obuertif, defle- cteret preces; ille autem fabulæ non ignarus aut fingeret maieftatem, aut aliquo nutu oranti annueret. Hæc fæ- piſſimè inter nos conſcium riſum cie- bant, neque fatis caſtigabam improbi- tatem per hos iocos errantium. Non tenuit Radirobanes iram; ſed, Si, in- quit, iuſta Pallas fuiſſet, hanc mimicam deam, hanc diuinos honores uſur- pantem, multò pluribus laqueis ſuſ- pendiffet, quàm ſeipſam Arachne ver- berata.

Sic loquentes turbauit ab Argenide ſeruus, qui dominæ vèrbis nunciauit Seleniffæ vt rediret, ſecúmque ſi vide- retur Radirobanem duceret. Vade, re-

tulit illa, & dominæ nuncia nos confestim adfuturos. Cùm seruus abiisset; Expectaris ab Argenide, inquit, ô Rex. Nescio quid eius consilium interuertit huc ad nos veniendi. Dum autem imus ad illam, patere breuiter quæ supersunt edisseri. Strictim ergo exposuit, dum Poliarchus in eâ fœlicitate esset, ortum in Siciliâ bellum, Lycogenæ, postquam satis factione inualuit, acriter in Meleandrum prouecto; strenuum consilio manûque Poliarchum, non minùs ipso Rege exosum hostibus fuisse; quos etiam primo certamine ita vltus est, vt victoriam Regi tribuerit. Addidit calamitatem illius, violatis Lycogenis legatis, qui de pace acturi veniebant. Et tunc quidem pulsam esse Siciliâ; sed in dies ab Argenide expectari. Ille est, ô Rex, (ne immeritò Archombrotum insimules) qui virginem hætenus difficilem tibi fecit. Tum Radirobanes; Putas verò,

Matrona, illo incolumi me fore secu-
 rum? Quid si mutabitur Argenis? quid
 si repetet prioris amicitiae sacramen-
 tum? Ipsum, quod iam (ut ais) me amat,
 deserto Poliarcho, documento est me
 quoque, nisi aliquod mihi consilium
 praecupo, deserui posse. Ne dubita
 (refert anus) ubi semel matrem fami-
 lias Argenidem habueris, nihil eam à
 fide connubij deducet. Censeo itaque
 maturandos hymenæos. Si verò Po-
 liarchum inter hæc redire contigerit,
 ego incautum, & omnia mihi creden-
 tem quâ iubebis in insidias deducam.
 Tollendus enim erit. Nec arduum
 facinus, inermem solûmque oppri-
 mere.

Radirobanes obstupuit ad mulieris
 scelus: Probato tamen consilio, in Ar-
 genidis porticum peruénit, in quâ ipsa
 dimisso Poliarcho ambulabat vultu
 feüero; utique recenti dolore incitata.
 Obuiam tamen Radirobani perrexit;

iussitque confidere; ipsa in fellâ aliâ acquieuit. Is verò, spe quam anus fecerat tumens, sua vota, suum amorem virgini commendavit; omniâque addidit quæ verus effectusque amandi impetus eadem habet. Argenis præter expectationem rigida; nihil ad eius mentem respondit. Idque ille eò acerbius tulit, quò propius spem venerat expugnatum virginis animum esse. Expalluit etiam Selenissa; cùm suo promisso fraudatus Rex inspiceret in illam; verita quoque ne amor deceptus in apertæ indignationis verba mitteret insanientem.

Postquam ille porticu excessit, ausa est anus incusare Argenidem. Quid enim eius animum in contraria rursus egisset? aut cur fefellisset spem quam pridie ipsa fecerat? Cur non, saltem ageret curam patriæ, cuius intererat Radirobanem non irasci? Sed puella, indignationis vix potens; Desine, in-

quit, in peius ominari. Diis curæ Sicilia erit; quorum numine perduelles, ut vidisti, nuper extincti sunt. Dubiis verbis, nec sat certum an in se directis, anus verberata contremuit. Hæ primæ flagitij furia erant insidentes meritum pectus. Sed nouerat solis sceleribus sua scelera posse defendi. Trepida ergo rerum suarum, anxie agitabat, quibus modis Radirobanem ad vim incenderet, traderetque ipsa Argenidem. Cui ne suspecta interim esset, paulatim simulauit à Radirobanis patrocinio abire: & interdum imitatione doloris querebatur abesse Poliarchum. At non dubia Argenis simulationem hanc esse, peius frontem ab animo dissidentem exosa est.

At Radirobanes vitia utcumque hactenus pressa eò effrenatiùs soluere cœpit, quò diutiùs vires dissimulatione collegerant. Nullum præmium par esse auxilio quo Meleandrum iuuerat

arbitratus, ita agebat, tanquam hospitalibus armis, plus iusto Siciliam & Argenidem emisset. Itaque immodestiùs Regem super gnatae fœderibus adibat; grauiſque inceperat omnibus Siculis eſſe. Potentiorum præcipuè offenſam immodestâ ambitione contraxerat. At Meleandrum perplexæ cogitationes ſubiectæ, verentem ne is amor in iurgia deſineret; feſſuſque & imparatus ſenex noua ad bella reuocaretur. Filiam ergo vocat; petitque quid tantum in Radirobane ei diſpliceat. Priuatorum eſt, (inquit) eligere matrimonia ex amicitia affectu, vel morum concordia. Nobis illa ſuauiſſima exuenda. Regum enim fortuna eſt, vt nunc indignos & exoſos per ſanctiſſima fœdera ſibi coniungant; nunc omnium nexuum iura, omniſque ſanguinis charitatem, inhumana neceſſitas negligat. Chariſſimus eſſe ſolet, qui vtilitate præcipuâ potentiam noſtram alit; & affinitates pulcherriſſimæ

censentur, quæcunque regnum stabi-
 liunt. Si plures genuissem, posses cre-
 dere non me hîc tui habere rationem,
 sed mei. Scio enim à Regibus sæpè fi-
 lias aut sorores, spargi in eos quos fal-
 lere amicitia specie volunt, vel ad tem-
 pus placare; nihilque deinde sui san-
 guinis pignoribus, nihil nominum quæ
 mutuò inierunt reuerentiâ motos, pa-
 cem & bella ex temporum & fortunæ
 æstimare ingenio. At tu mihi sola es;
 in te vnam affectum patris & Regis, na-
 tura & successio coniunxit. Aut ipsa
 tibi consule; aut me patiaris consulere.
 Hîc Argenis; Est, Domine, quòd ratio-
 nem virgo reddat, si quem sibi optat in
 sponsum, non si cui dura esse instituit,
 siue ratio est, siue etiam pudor, cuius
 esset vel omnes auersari. Hunc autem
 Radirobanem forsitan possem non
 odisse, si me potiùs amaret quàm cre-
 deret debitam sibi. Tam inconditam
 superbiam non fero. Tu ipse, optime

pater, cætera cogita, quæ in homine non probas. His quoque adducta sum, ne hoc affine, te, & Siciliam, & me denique perditam velim. Ita obstinatam Rex dimisit, certus ipsi vt solebat indulgere.

Radirobanes, quamquam iratus Selenissæ, quia promissa non processerant, eam tamen optabat audire. Nam & solertem sciebat, & post secreta alumniæ prodita suam esse. Cæterum vni ipse Virtigani expugnatam illius conscientiam detexerat; leuabatque furorem liberrimis apud eum questibus, multisque in Meleandrum, interdumque Argenidem, minis. Timeo, mi Virtiganes, inquit, suspicionem fraudis, si toties cum Selenissâ ago. Tu in vices meas tutò successeris. Cum ibo ad Argenidem, facilè ad anum peruenies, & hunc feres codicillum, quo queror destitutam spem, quam habere me iusserat, in Argenidis recidisse ludibrium.

Scribo præterea vt omnia tibi credat, si quæ in rem tam arduam forsitan habet. Te enim mearum rerum arbitrum, te vt in cæteris rebus, sic in istâ consilium præcipuè mihi esse. Suscepto negotio, vt primùm Radirobanes Argenidem inuisit, Virtiganes clàm Selenissæ in manus literas dedit; quas nonnihil semota cùm legisset, rediit ad Ligurem, haud ignara nisi procederent hæ nuptiæ, se vtrimque perituram; Et, nuncia, inquit, Regi, nihil eorum deesse quæ promiseram. Sed lentum amatorem ista tempora non quærunt. Rex est; armatus est; habet classẽ; & ex raptu dij quoque sibi vxores inuenerunt. Violenta consilia amor excusat, & mariti sanctum nomen delet iniurias. Nec in alumnam crudelis sum. Cogi optat Argenis. Et hoc quidem vt fidem exoluat Poliarcho, cui promisit nunquam sponte consentire in alium. Seruat igitur istam frontis verborumque

constantiam, ne iratos deos habeat, quorum numinibus vocatis, Poliarcho se addixit. Sed me deinde iurgio premit. Nam cur, inquit, Radirobanem amare sic memoras? aut si amat, quamdiu cessat? Accessit imperium Meleandri hanc austeritatem præscribentis. Nam ille cum Radirobane affinitatem non vult; & inuidiam repulsæ transfert in filiam. Ne erres. Tuo Regi non diu licebit esse forti. Clàm enim milites accersuntur; Et vbi Meleandro suæ vires placebunt, cum supercilio istum negliget, cui nunc affinitatem timidè negat.

Multùm miratus Virtiganes tantæ audaciæ verba, ad dominum, qui de more iratior à virgine abibat, rem defert. Et ille nouitatem consilij haud parum miratus, faciamus igitur, inquit, vt nullâ suâ culpâ Argenis eiuret Poliarchum; & ei liceat nos amare. Ego per Iouem, quacunque hæc fide Sele-

nissa tibi mandauerit, omnia diligentissimâ ratione curabo; nec à Meleádro sperni me patiar. Sed ne anus nos deferat, accusétque conatus ad quos ipsa iam impellit; nesciat hanc mihi rationem placere; Ipsa quoque si nostrarum est partium, se cum Argenide ex improviso capi latabitur. Non audebat Virtiganes dissuadere; quamquam pericula videbat, & hospitij violati infamiam. Ita fraude & scelere Selenissæ, vis funesta Argenidi, & quod miserius erat, tanquam optanti apparabatur. Conducebat huic fraudi, habere facilem, nec suspiciosum Meleandrum. Rursus ergo cohibere Radirobanes animum cœpit; Illum sine satellitio ambiuit, sine armis iniit apud illum conuiuia; vt neque is dubitaret se eius fidei deinde concedere. Exercitum quoque in Sardiniam remisit, ne suspectus nimis viribus esset. Familia tamen, & Procerum quos habebat comi-

tatus, corporisque custodia, plusquam sexcentorum hominum erant; præter triremium quinque (tot enim sibi seruauerat) remiges atque nautas, quos ex omni classe delegerat.

Satis hoc virium ad fraudem raptumque existimans, diu secum exegit, quo securius modo prædam hanc ageret. Multa volenti talis potissimum dolus sedit. Prætorium eius nauigium, cum in Epeirætes portum succederet, pertinax gubernator obnoxiè in ignoto saxo alliserat. Ita quassatum est latus, & quicquid sub prorâ scopulo ictum dedit. Fluctibus tamen ereptum est, contis, atque remigio, funibusque ab antecedentibus scaphis, & proximo littoris aggere, perniciter actis. Ereptum periculo, in ipso terræ confinio fundatur anchoris, & deinde ingentium trabium velut ponte, incuruam craticulam imitante subnixum est. Sic vtrimque effultum, in pristinum

robur componebant artifices. Neque
 modò placebat sublapsa restitui; Sed
 quæ plurimarum ædium vrbiúmque
 fortuna est, præstantiùs volebant ex
 ruinâ resurgere. Namque Corinthij,
 apud quos primæ triremes sunt con-
 ditæ, rei nauticæ eximium vsum ad co-
 lonos pertulerant. Et hinc Corcyra
 statim, hinc validæ maritimis copiis
 Syracusæ. Pulcherrimum erat Melean-
 dro nauigium ad eam artem exactum;
 ex quo exemplum capere suos artifi-
 ces, Radirobanes iussit, & triremem re-
 parare propemodum à carinâ. Nec
 Radirobanes tantùm, sed & sæpè Me-
 leander, opus visebat. Hunc ergo insi-
 diis ordinem ille constituit. Absolu-
 tam triremem dicauit Argenidi, illius
 statuâ ad proram defixâ, & in puppis
 ambitu per varios ornatus repetitâ
 imagine. Opportunè instabat natalis
 Argenidis, quem & velle se prædicabat
 renascenti nauigio esse natalem; In

eam igitur diem inuitavit ad littus cum gnata Meleandrum; quippe locato in arenâ tentorio prandium ytri- que daturus; quo in multum diei pro- tracto, triremis deinde nomini Arge- nidis sacra, inter tubas atque sympho- niam, æquori permetteretur. mōxque tenebris excipientibus lucem, medicati ex sulphure ignes, & sub vndis victuri (nova tunc erat voluptas, atque rara) ex eodem littore emicarent. Inter illud verò spectaculum, Siculis improuisis, & vt extra periculum plerumque exer- mibus, statuerat vi correptam cum pa- tre Argenidem in proximas naues de- ferre. Ac vt longâ hilaritate, mentes omnium à curâ & suspicione auerte- ret; noctem quoque quæ Argenidis natalem præcedebat, regio tripudio, & propemodum mimo, celebrare insti- tuit; Vndecim ex primis suorum iuue- num electis, qui secum larvati salta- rent. Placebat eâ scenâ referre trium

deorum fabulam, pulso patre Saturno, naturæ hereditatem sorte ducentium; cùm sydera Ioui cesserunt; horruere maria sub Neptuno; & tristitiâ ferox Pluto ad populosiora regna demissus est.

Hos splendoris regij ludos, à Radirobane parari Meleander latus accepit; illum utique diem honore præcipuo culturus. Nam & quæ Syracusiorum, cæterarumque urbium legati paulò antè petierant, inter hanc pompam, tanquam in honorem Argenidis, donare decreuerat: Ea verò maximè crât; Ne redemptoribus portoriorum, aut vectigalium, liceret ab iis quicquam exigere, quos non vitio suo egenos, & colendæ terræ utiles esse, magistratus censuisset; Præterea, ne quis ex proletariis, aut capite census, imitari diuitum ocium posset, cessando, fastidiendo artificia, & vnum ferrum sic ad latus gestando, tanquam in pace militaret: Sed

quos de suo non viuere posse cōstaret,
vel sponte quod profiteretur eligerent,
vel ad publica opera distribuerentur;
Quippe illos ignauâ tristisque super-
biâ in pace marcentes, priuata scelera
exequi; aut quò suam egestatem publi-
cis malis pascant, operam vltro ad se-
ditionem motusque ciuiles commo-
dare. Illud quoque petiere. Ne imi-
quæstores exigendis à populo tributis
præessent; & nec ipsi priuatorum li-
mina circumirent, nec missis lictoribus
pignora caperent, diuexarentque op-
pidanos. Ipsorum cōciuium esset hoc
munus; qui ex suo corpore & eligerent
per quos ea pecunia cogeretur huma-
niùs; Hanc singula oppida ad Præto-
rem suum ferrent; Inde vel Præfecto
Prouinciæ numeraretur, vel, si Regi
placeret, Syracusis inferretur ærario. Si
quis enim priuatus detrectet, aut mo-
retur; per suos hunc ciues, per assuetos
magistratus, notosque lictores, præsta-
re ad

re ad solutionem adigi; quàm inhumano
 fastu quæstorum, qui cum exacto-
 ribus suis, breuem moram egenis in-
 terdum crudeliter vendunt; meliùsque
 prædati nunquam eunt, quàm cum in
 vexatis laribus, & in quibus vix tantum
 est quod tributo sufficiat, sibi quoque
 spolia illato terrore inueniunt. Miser-
 tus suorum Rex, Cleobulo curam de-
 dit vt leges conciperet, quæ hæc à po-
 pulo incommoda arcerent. Difficilius
 fuit, quod iidem legati petierant, malis
 occurrere quibus litium frequentia,
 iudicum moræ, & aduocatorum ini-
 quitas agros urbésque populauerant.
 Ibburrane & suapte magnitudine, &
 commendatione Argenidis Regi cha-
 rus, conuersari frequentius solebat in
 Regiâ. Hunc adierant Syracusij, reci-
 píque ambierant in tâta gratiæ clien-
 telam. Ferret ipse ad Regem iustissima
 vota, precésque Siculorû, eúmque iam
 spontè mitigatum, prolixius suo pon-

dere ad populi commoda inclinaret. Præter cæteras virtutes, summa erat in Ibburrane facilitas, si quis opem, aut iustam suffragij cõmendationem petebat, vt eum diceres beneficium accipere quoties dabat. Is igitur & sæpe Syracusanos commendauerat Regi; & tunc maximè super his fori & iudiciorum malis, de quibus populus querebatur, ita locutus est. Ne putes leuia hæc esse, Rex, quibus leuari Sicilia exoptat: nescio an turbæ ciuiles quas modò sedauisti furiosius sauiuerint; aut ne dubites quàm amplâ factione minentur hæc mala; non plures cum Lycogene coierant. Isti, inquam, Aduocati, Patroni, scriptores, liëtorésque (nam Iudices, quia eos constituis, vereor nominare) adeò numerum superant, vt pauciores sint agricolæ, pauciores qui in mercaturâ vertuntur, regnûmve custodiunt. Vnde verò tanta illa gens viuit, nisi ex iniuriâ populi, ex clade & san-

guine miserorum? Eò quidem maiori
 reipublicæ detrimento; quòd si inter
 pauciores, sed spectati candoris, aduo-
 cationum munus esset, tot illa ingenia
 quæ noxiâ calliditate se corrumpunt,
 melioribus studiis ornarent patriam;
 disciplinas, & artes, aut proderent no-
 uas, aut inuentas excolerent. Ita hæc
 pestis non modò malorum est rea quæ
 infert, sed bonorum præterea, quæ
 adimit. At excusabis multitudinem
 comitialium hominum (permittite sic
 vocari hos iurgiorum præceptores) ex
 litigantium numero, quibus omnia
 fora ægrè sufficiunt. Per pauciores
 enim agi tot causas, tot explicari ne-
 gotia non posse. Imò verò, ex Iudi-
 cum & Patronorum numero, crescunt
 lites, aut subsident. Adde noua tribu-
 nalia, non deerunt quibus placeat re-
 cens equuleus; Quòd si de veteribus
 adimes, ita cadet pars litium; ac de
 morbo decedat si de hodiernâ medici-

nâ subtraxeris. Forēsis huius æstus causa est ; quia Iudices (ne infrequentia causarum , lucello sublato , etiam de- spectam dignitatem faciat) in summo iure semper inueniunt quos submittāt fascibus suis : Nec rabulæ defunt , & his quoque deterius genus , homines quidam scientes formularum , omnisque ad litigandum articuli ; qui vel alios inter se committant , vel ipsi repertâ litigandi materiâ huius ludi ignaros exerceant. Ex tuis prouinciis vna fuit expers eorum qui se in litibus doctos iactitant. Quietem oppida agebant ; quicquid discordiæ inter ciues exarserat , rudis , sed beata æquitas , compescebat per arbitros. Ignari salutis , passi deinde sunt ex illis hominibus apud se vnum viuere. Illico ortæ causæ ; contentiones validæ ; & dissidia ætatem tulerunt. Adeò isti in foro exerciti sæpiùs lites excudunt , quàm inueniunt aut placant.

Sed utcumque numerosi, & aliquâ
 contagione vicina omnia turbantes;
 saltem si breui supplicio cōtenti mul-
 ctatos dimitterent. Nunc æterna sunt
 iurgia; ut si cum sumptibus sit mole-
 stiarum ratio, grauius putes sic vincere,
 quam cōfestim damnari. Illud est po-
 tissimum quod exigit tuam curam.
 Amputa has ambages; constitue spa-
 cium. ultra quod nullis litibus fas sit
 senescere. Nam & modum & numerū
 prægressæ sunt artes ac nomina, qui-
 bus miserrimos clientes Patroni & Iu-
 dices frustrantur. Articulatim & lentè
 hos discerpunt qui semel perire potue-
 rant. Sæpè itur ad Iudices, causa narra-
 tur, aliquot anni abeunt, necdum con-
 testatio litis, ut vocant, audita est. Iu-
 dicibus hîc non vacat, hîc omisso
 quod litem facit negocio, hærent Pa-
 troni in causis minoribus, quæ nunc
 spontè, nunc eorum studio nascuntur
 è primâ. Hæc præludia adornant, his

proclamant inauditis iter ad verum Iudicibus esse non posse. Sic dubia ex dubiis feruntur. Sic immani dilatione pereunt litigantes; magnâ, ô Rex, in insontes inopésque iniuriâ. Nam qui in diuitem inimicum pauper inciderit, tam longo & sumptuoso itinere conficitur; procumbitque denique lassus, nec recuperato iure inultus, æmulo minùs suo quàm huic prolixæ æquitati irascitur. Ne quære cur tamdiu Iudicibus placeat, & patronis, ad se delatos cruciari. Nempe ex morâ & tempore, sua opera æstimatur. Sic Patronis, inquam, crescit, sic Iudicibus merces. Multa scripsisse, multa audisse (quamquam ea præstabat compendiò fieri) acerrimè vendunt; cò peiores quòd quæ peccant, ipsi iustitiæ imputant. Præterea consuetudine videndi miseros, & deinde faciendi, exuunt humanitatis sensum; aut potiùs miserum esse non credunt, litigare. Ita duri ad que-

stus, parum supplicibus mouentur; & ab iis tantum culti, saltem amant longiora in ipsos exercere imperia.

Cætera quæ quotidie peccant taceo. Nam hæc omnia questos esse oportuit qui emendandi fori tibi mentem dederunt. Præstat de remediis in eam cladem videre: quæ fortasse ab eiusmodi sanctione non incommodè incipies; Ut sistantur Iudicibus illi ipsi qui inter se dissentiunt, ne ab solâ aduocatorum fide res pendeat. Ex eorum simplicitate, vel astu, sæpè integrius ad ingenium causæ disceptatores peruenient, quàm callidæ eloquentiæ fucos. Vbi causam adhuc nudam inspexerint, duorum aut trium iudicum arbitrium erit, an ad sententiam sat liqueat. Neque iuris teneantur apicibus. Æqui bonique iudicium esto. Aliter exordiri nefas sit, siue in minoribus iudiciis, siue ad quæ prouocatur. Sin impeditius iurgium venit, testésque, & inspectionem,

& leges desiderat; tum ad quos patronos deferetur, ij Numini repetant sacramentum quo semel deuincti sunt, nullam se causam, quoad sciant, iniquam oraturos. Quos si hanc fidem fefellisse constiterit, aut clientem præuaricatione læsisse; præter infamiam genus supplicij excipiat, cuius timor apud paria ausuros plusquam omnes dij possint. Illud præterea vtilissimâ lege cauendum est, ne quid à clientibus Patroni accipiant, priusquam lis finem sortita sit. Qui vincetur, aut nihil, aut non multò amplius, quod & lege definies, patrono debebit; Et iam inde ab litis principio accedet tantillæ solutionis fideiussor; ne operæ merces aliâ lite quærenda sit. Is verò cui successerit, aduocationis diligentiam rependat tanto auro, quantum Iudices ipsi in laboris mercedem accipiunt. Sed sanctum sit, ne quis dum adhuc litigatur, intempestiuus muneribus peccet in

legem. Causâ, si quis cliens dederit, cadat: accipienti patrono imperetur à foro exilium. Delatori ea sint præmia quæ vel domesticorum fidem sollicitent. Faxo patroni moras oderint; & contentiores ad metam, dum sibi sic studebunt, aliis prosint.

Parum est, nisi præterea edices (sed hoc grauius, nec ut solemus, terroris mox euanescentis imagine) ne vlla lis ultra sex menses apud Iudices hæreat: Nisi si testes extra prouinciam arcessendi sunt: Tunc enim vel tempus geminari non abnuam. Non ferent hanc vocem assueti lentissima propinare remedia, & indignatione plenissimi negabunt tot causarum acervos semestri iurisdictione digeri posse. Ab iis igitur quæram, an in annos cumulus litium crescat in foro; An verò de veteribus absoluant penè ad scaturientium numerum. Si crescunt: Quid iis tandem fiet? quo satis ostio euoluemus

tot annorum incrementa? Abiiciendæ
mehercule erunt, aut vno agmine non
ex æquo finiendæ, sed sortibus. Sin
penè ad nascentium numerum iam
adultas emittunt; nihil magis exigimus;
Conuenimus de numero; Satis inquam
vt quot annus feret lites, tot audiantur
iudicia. Sin obiicient religiosam diffi-
cultatem veri quærendi, quæ aliquot
interdum annis indigeat; nihilo erit
excusatio illa fœlicior. Nam implicatæ
scilicet causæ sunt? Vos ipsi, vos, Iudi-
ces, eas implicuistis. Respicite in maio-
res. Celeriora quàm præscribimus iu-
dicia erant: Et tamen æquissimos fuisse
non abnuas, cùm ab illis conditas leges
vt plurimùm colamus. Labentibus se-
culis, specie æqui, in reorum auxilium
inuenta sunt ea quibus denique sim-
plicitas legum occubuit. frustrationes,
rescripta, & quæ semel constitui pote-
rant velut religioso ordine in varios
dies dilata. Hæc verò quia Iudicibus &

Patronis ad lucrum sunt, iam neglecto
 reorum commodo. Nam sanctè obser-
 vantur; quasi iudiciis ciues, non hæc
 illis inuenta sint. Ex istis refecate, quod
 iusti temporis mensuram excesserit.
 Nam & sex mensium studium ac dili-
 gentiam nulla causa effugiet; Et si ex-
 acto spatio adhuc deliberabitis; at tanti
 est à tribunali discedere. Nec scrupulosa
 nimij iuris cunctationem
 iniiciat. Ex animi vestri sententiâ, quod
 tunc liquebit decernite. Quandoqui-
 dem & sæpè post annos & lustra, haud
 minùs turbidè vel iniquè statuitis.
 Adeò non tempore sed diligentia, ve-
 ritas constat.

Meleander dicentis manum corri-
 puit; & hilari vultu; Quò te, inquit, hic
 æstus, magne Antistes, qui absentibus
 loquaris? Nisi me fortè in Iudicum nu-
 merum refers; aut sub alienâ inuidiâ
 me mones. Audio enim & quibus res
 in Aulâ est, queri lenta illic esse consi-

lia; Excusauit Ibburranes dicendi feruorem, curâ publici commodi concitatum. Sed fortasse Iudices (inquit) transferre in caufarum Patronos inuidiam volent. Siquidem illos esse, qui cunctantur, nunc directâ, nunc ex obliquo morâ; & animos Quæſitorum diuerſiſſimâ ambage impediunt. Quasi verò qui aduocationis munere funguntur, ita peccare niſi ex conſenſu Iudicum poſſint. Hi rem poſtulant differri. Iſti annuunt. Vtrorum maius eſt vitium? Equidem cenſeo eſſe illorum, qui cùm poſſint hæc mala prohibere non faciunt. Neque enim ſic tergiverſari, remque differre, & in ſuperfluis morari auderet Patronus, qui neſciret eiufmodi artem quotidianam eſſe, & aſſenſu Iudicum ratam. Neget Prætor inducias; Omnes litis articulos intra ſex menſium ſpatia includat; imparatos habeat pro conuiſtis; iam Cauſidici deſinēt ab hac fraude, neque

iura clientium improbâ dilatione confici ferent.

Si hæc tamen omnia Iudicum animos non mouebunt, si mihi reclamabunt, si fidem, & labores, & disciplinam suam iactâtes, hac paucorum mensium breuitate se vltra fas premi querentur; te misericordem esse non veto. Iube quicquid negotij oneratis superfluet, diuidant in peritos. Sunt in causarum Patronis consultissimi multi; Ad hos litigantium quos placebit reiiciant. Seu per se, seu per alios iudicent, è republicâ facturos; modò præter imperatum spatium clientes non pendeant. Videbis illicò refectas illis vires. Non committent vt lucri & potestatis pars in alios emanet. Plura tunc negotiaingere; soli isti, modò tam delicatè de laboribus fessi, sufficient; Præsertim si, vt oportet, hanc legem grandi mulctâ fanciueris.

Sed quid, inquires, veteribus causis

fiet, quæ in tribunalibus multos annos iam perennant? Certè enim his simul, & cæteris quæ in dies deferuntur, hic annus non sufficit. In hanc rem illi qui iudicia exercent etiam ingratis collegas accipiant, quot purgando foro sat erunt. Non ultra sex menses potestas sit. Vacua deinde ab situ antiquo tribunalia, non plùs anno ultionem noxiorum differant, questúmve læforum.

Æqua sentire Ibburranes videbatur. Quia tamen ægra corpora nimio medicamenti conatu percelli, exitiale interdum est; Rex tantæ salutis nouitatem distulit, donec possent vocari magistratus, & tanquam consentientibus leges dici. Nam nec illis oportebat reuerentiam ad populum perire; quod utique metuendum, si in tumultuariâ sanctione magis pœnæ, & vindictæ, quàm futuræ utilitatis species fuisset. Cætera igitur quæ populus petierat,

repræsentari confluentibus ad natalem Argenidis iussit; solam iudiciorum ordinationem promitti; Et cura concipiendi sanctiones data Cleobulo.

Iámque non ex ciuitatibus modò Oratores conuenerant, sed adeò omnis generis mortales implebant Epeircten; vt Radirobanes cogitati sceleris curis incubans, interdum vereretur ne inter tot Siculos rapi Argenis non posset; interdum in confuso & incondito vulgo cogitaret Meleandri comitatum, ægrius ad opem coitutum. Non operæ interim, non pecuniæ parcebatur, quò institutam saltationem exornaret. Nam & sibi conciliare elegantix famam quærebat, & offensæ quam molebatur atrocitatem eiusmodi apud populum fauore minuere. Pridie ergo natalis Argenidis destinata spectaculo aula fuit apud Meleandrum amplissima. Cœnâ maturè exhibitâ, illuc ex Sardis Siculisque frequentes conue-

niunt. Non lictores, non armati, ad fores aditusque dispositi, satis submouebant immodicos, ut in pompæ regię parte esset ipse tumultus, læsorūque, & repellentium clamor. Ipse Melcander ad fores processit, quando custodum & lictorum potestas non valebat, orauitque regio vultu, ne confusum spectaculum, seque offensum vellent. Archombrotus lateri proximus erat; cui abscedens mandauit, ut admissis qui spectare commodè possent, ceteros sui reuerentia arceret. At ille Radirobani quaquà nocere pium existimans, turbare tripudij minimum aggressus est, quem is tantopere curabat; & tanquam populi impetum non ferens, prodidit fores, subitâ multitudine obrutas, ut stipatis corporibus nec ipsi se caperent; Cumque excandesceret Melcander, tamen à calentibus non audiebatur, donec populum ipsâ libertate mitigatum sui pudivit: Maximè postquam

quam indignatus Rex per portam solio proximam visus est sese proripere. At Eurymedes atrociam ingerebat parlatim stupentibus; Archombroto tacite sibi plaudente, quod ferretur Radiobanes eo tumultu adeo accensus, ut projectis ornamentis iuberet diripi machinas, quæ pendebant, choream demissuræ ab aëre.

Tandem Eurymedis operâ liber à populo locus Meleandrum cum Argenide recepit; & in exordium scenæ, quatuor Satyri aulæo digressi, cum breviter & incondite saltassent, eiusmodi Epigramma, tanquam argumentum spectaculi, ad Regem atque Argenidem delatum, mox sparserunt in populo.

Quæ benè Saturno steterat Natura sub

vno,

Spargitur in partes, exactaque robora luges

In plures heu! lapsa deos. Hinc Iuppiter in-

stat;

*Germanos hinc ira tenet. Quæ pugna? quis
ardor?*

*Sic fratres certare decet? Sic regna petuntur?
Ah potiùs reuocate senem, sceptrumq; parèti
Reddite. Priuatos melior concordia iunget.*

*Sed pacem Fortuna dabit. Venit illa, globoq;
Fluctuat, alternans dubiâ vestigia mente.*

*Hæc in sydeream mittit te Iuppiter aulam,
Et tibi cæruleæ dat regna, Tridentifer, undæ;
Plutoni tenebras, & opacum manibus orbem.
Hæc leges placuere deis. hoc fœdere mundus
Gaudet. en ut feruent latantum mista deo-
rum*

*Agmina, & incertâ fidibus rexere choream;
Dî Superi, Dî cæruleo qui pisce per undas
Ponè natant, & quos nigris humus abdidit
vmbriis.*

*Hos inter nullæ tantarum ad gaudia rerum
Huc venere deæ; Siue illæ lucida seruant
Sydera, siue alios exercent litibus Orbes.*

*At vos Sicaniæ paulum succedite Nymphae,
Atque exultantum choream miscete deorum.
Præcipuè Siculis tu Virgo debita sceptris,*

*Iunge Iovæ dextram, pedibusq; ad carmina
pulsis*

*Fac sciat esse aliquid melius Iove. Præferat
ille*

Sicaniam cælo, tēque ô Regina, Sorori.

Interim præludentibus tubis, flamma imitatione fulguris per effictarum nubium volumina ibat. Tum cœli effigies, quam summo tabulato admo-uerēt, cœpit moveri, sensimque delapsa est; & tria claustra aperuit, in quibus crystallinæ stellæ per suppositas faces micabant, aurumque & purpuram incendebant suo fulgore. In trium cellarum mediâ sedebat Iupiter; aliæ Neptunum & Plutonem ferebant. Circa illos, tanquam ministrorum turba, multi Cupidines; quibus cincinni crines, brevisque persona: pendebat ab humero arcus; & dextrâ vibrante, duo diuersæ cuspidis & effectus tela gestabant. Hi cum dominis habili saltu in pavimentum tapetibus stratum delati,

percurrerunt aream saltatione leuissimâ. Iuppiter interim ducente modulorum tenore ad fratres accedebat. Mox tanquam non conueniret discipulantibus, simul nutu saltûque idoneo ferebantur in diuersa. Cùm hoc iterum, tertiôque fecissent, subitò dea Fortuna comparuit, globo insidens, quem etiam ad cantum mouebat. Et regnorum insignia, de quibus dii certabant, in succinctâ veste occulens, venire illos iussit. Illi fidibus pedes regentibus parebant. Manus ergo ad sortem demisere. Iuppiter in eo fortunæ sinu fulmen inuenit trifurcū ex auro, tridentem Neptunus. Pluto ad cuspidem inferorum contabuit. Subita alia nubes, Ioui, tanquam Regi Superiorum, eminentissimos deorum cœlestium deuexit, Martem, Apollinem, Mercurium. Neque mora, feruebat in medio disparibus fluctibus mare, quod de musco & conchis scopulum habe-

bat; vnde Proteus, Triton, & Glaucus,
 ad suum Neptunum desiluere; cœtu
 interim musicô ita tremulas & patulas
 voces adgubernante, vt ad murmur pe-
 lagi quadam imitatione descenderent.
 Vix Neptunus illos agnouerat; cùm ab
 alia parte obscura amœnitas (nam re-
 ferebat Elysios campos) Minoëm, Æa-
 cum, Rhadamanthum, nouæ luci at-
 tonitos dedit. Quorum admonitu
 opulentissimus Pluto, non diutiùs sui
 imperij vires despexit. Vestis cœlesti-
 bus diis ex purpurâ, Maritimis cærulea
 erat; & Inferos ferrugo venerabili hor-
 rore incinxerat. Suus præterea cuique
 ornatus. Radij circum Apollinem mi-
 cabant: Mars in purpurâ intexuerat
 belli imagines, & ferrum habebat in
 manu. Pileus, & alæ in talis, designa-
 bant Mercurium; caduceûsque, & so-
 poris potens virga. At Triton bucci-
 nam tortilem lateri suspenderat; Pro-
 teo duplex, & dissimilis vultus, argue-

bat mutationis ingenium; Glaucúsq; talem barbam promiserat, in quali eum efficax gramen prope Anthedonem deprehendit. Minos in puellâ numerabat centum vrbes. Vestem Æaci quercus implebat, atque formicæ; hæ iam vultibus humanis erectæ; aliæ nondum crura posuerant. Rhadamanthus suæ Lyciæ Chimæram viuiscoloribus gerebat expressam; vtque probaret se monstris & vitiis iratum, eam Bellerophon Pegaso à Minerva domito insidens debellabat.

In hoc quisque amictu conuenientibus modis saltauit, dii quidem cœlestes hilariùs; Proceres maris paulò agrestiùs promouebantur, & descendente ab inguine piscem interdum colligebant, rursúsq; iuebant in solo palpitare ad numeros. At Vmbrarum Numinibus vestigia erant non abhorrentia à frontium rugis. Inter indignantium & iratorum seueras spe-

cies, tamen saltabant. Tam dispar diuersissimorum deorum disciplina, eodem musices concentu regebatur. Nunc fecernebant agmina; nunc mixturâ, & illâ variante, implicabantur; Sæpè in Orbem flexi, sæpè arcam recto cursu secantes. Nunc choream manibus nexam aspiceres, nunc solos, nunc in paria distinctos totius corporis festinate obsequio ad fidium præscriptum mutari. Tandem consumpto schemate omni, Radirobanes quem Iouis tangebatur effigies, ad Argenidem venit. Illa sequuta inuitantem venustâ maiestate se intulit in choream. Cùm deinde præcipuæ Matronarum virginumque saltauissent, duodecim dii nouo tripudio epilogum dedere. Post hæc abscedunt in diuersa. Ferebatur in cœlum Iupiter, fluctibus Neptunus se abdidit; Pluto in campos retro non peruios, facibus viam monstrantibus, descendit. Simul his, tenuissimus imber totâ aulâ

conspergebat mirantes, odoratis vndique succis per nubium quæ illic pendebant vellera sensim manantibus.

Laudauere plerique ingenium regiæ & sumptuosæ voluptatis; attollebant alij Radirobanis opes, alij comitatem; At ille auiditate flagitij quod parabat, quietis impatiens, malè exactâ nocte, sub auroram ad portum descendit, inspexitque triremem, cuius in altum prouchendæ specie, Regem atque Argenidem trahebat ad littus. Inde in eam arenæ partem diuertit, quâ regium prandium ipso iubente parabatur. Ingentia tentoria iunxerant, defossis stipitibus vinculisque firmata, & nexili stramento opertum sabulum latebat. Addiderant cultus agrestes, cæsis arborum ramis, & ederâ per coronas, nomenque Argenidis, & varia hominum ferarumque simulachra, induente vtrumque triclinij latus; Supràque lectulum ex quo pransura virgo erat lau-

reata tabula istos versus ferebat.

O Dea, cui primæ cessisset sydere formæ,
 Et Venus, & coniux non indignata Tonantis,
 Quæque suæ ramis galeam vestiuit oliuæ;
 Has paulum dignare domos, hæc frōdea mitis
 Sylvarum simulachra subi. Sic Delia postquā
 Egit inauratos fraterno lumine currus,
 Mox nemorum secretā petit; Sic Marte
 peracto

Pallas, ubi emeritā castis vocat hostia mensis;
 Dissimulat facilis numen dea, seq; precanti
 Addit, & arcanis cumulat conuiuia donis.

Nympha veni, glaucosq; tui de littore ponti
 Vre deos. Placidis medium te tollet ab undis
 Ceruleus genitor: Mox & suspiria læsus
 Ducet, & ingētem poterit cōtemnere Tethym.

Meleander illo mane, postea quā
 diis fecit, delectos ciuitatum aduocans,
 quantum iis indulisset ostendit; figit-
 que in foro, & per oppida dimitti præ-
 cepit ea edicta quæ Cleobulus descri-
 pserat; Curam quoque de litibus, quæ
 confestim castigari non poterant, sibi

præcipuam fore asseruit. Quibus subito euulgatis, populus & suâ & dici læticiâ feruens, euntes ad Radirobanis tentoria principes ingente acclamatione sequutus est. Radirobanes venientem Argenidem tanquam certissimam prædam aspiciens, aliâque quàm credebatur læticiâ exultans, longum prandij ordinem quæsitissimâ comitate explicuit. Quatuor ad noctem horæ restabant, cum remotis epulis surgunt ad navis spectaculum. Tubæ passim ac tympana exaudiebantur in littore; & in trium malorum verticibus ex versicolore carbaso tæniæ pendebant, omnibus ventis commodâ leuitate obnoxia. Tabulatum nautis & militibus plenum; ac si triumpho vel prælio subueheretur. Populum non capiebat arena, non scaphæ, diuersissimo clamore frémentem, quoties procedere opus turbæ monuerant.

Ex composito factum, vt tardissimè

navis portu emitteretur. Sed adhuc
 Radirobanes tenebat Meleandrum,
 expectatione ignium, quos non procul
 à littore promittebat tribus in scaphis,
 totaque circum vndâ. Recens inven-
 tum, quia nondum emanauerat ad
 multos, trahebat sui novitate audien-
 tes. In hanc ergo spem ipse reducit in-
 tentorium suum Meleandrum atque
 Argenidem; & quid visuri sint, pluri-
 bus docet; piscium in aquis species
 prompturas de faucibus flammam,
 quam demissa in aquam capita non
 obruerent. Obsessas hisce piscibus sca-
 phas iri protectum ab igneis simula-
 chris, quorum conti nunquam ferui-
 dius arderent quàm sub vndâ. Hæc
 narrantem interdum vicini facinoris
 cura trahebat, relictoque Meleandro,
 Virtiganem, & cæteros ex consociis mo-
 nebat, ne aut segni aut præcipiti operâ
 suam spem frustrarentur. Centum lam-
 pades erant, toto tentorio dispositæ

ex quo Reges spectaturi confederant. Has simul signo dato extinguere conuenerat (nam ex paucissimis pendebant funalibus) & Argenidem atque Regem corripere, deferrique in scaphâ. Proceres Sardi ac milites, quamquam plerunque ignari consilij, sensim acciti illic erant & secretò iussi obire quicquid Virtiganes mandauisset. Ille quamquam inuitus cum duobus consciis purpuratis creditum sibi scelus curabat.

Tam propinquo exitio penè fidem superat eripi potuisse Siciliam. Sed sæpè diuinitatis opera hæc sunt, ut furias in ipso iam successu securas subita ultio excipiat: ne vel vnquam improbis timor, vel spes absit calamitosæ virtuti. Fortè Archombrotus, cum cæteri triremem in undas euntem contemplerentur, hoc spectaculum non dignatus, haud procul spatiabatur in arenâ. Erat Sardorum linguæ non expers; quamquam in eum diem dissimulaue-

rat. Miles quidam ex satellitibus Radi-
robanis, à Virtigane recèns digressus,
obuium contubernalem cùm vidisset
sine armis vagari in littore: Antibi soli,
commilito, inquit, licet, sine lanceâ
gladióque hodie conspici? Cùmque ille
negaret, se vllum de armis præceptum
accepisse; ambo occurrentibus aliis
misti nihil deinde loquuti sunt quod
Archombrotus capere posset. Sed mi-
ratus, quid opus, hos Sardos in pace
& inter conuiuia armari, tanquam
obambulans speculatus est omnium
habitum; nec quemquam in iis inuenit
exermem. Hi præter gladium hastam,
illi iacula habebant, multi pilis Italicis
onerabantur. Paucis tamen, & tanquam
ex Regiæ custodiæ statione, aut galea
erat, aut clypeus; ne nimio apparatu
proderentur insidiæ. Suspecta hæc
erant & formidolosa Archombroto
iam spontè à Sardis auerso. Nec sine
numine fuit quòd grauius quàm pro

tantillo indicio expauit. Nam hæc arma apud incuriosum aliquem, militaris consuetudo excusauisset. At ipse seu quia amabat Argenidem, seu quòd optabat Radirobanem peccasse; Hei mihi, inquit: An toties repudiatus amator vim parat? & Meleandrum auhere cogitant, scilicet Argenide non contenti? Nam cur tanto ambitu ad maris littus deducti sunt? Cur hîc noctem rogantur expectare? Subito horrore concussus, aptiora coniurationis indicia capturum se non putauit, quàm ex Viriganis fratre. Morbo penè confectus dies iam complusculos iacebat. Nec verisimile erat, si quid Sardi moliebantur, hunc in oppido relictum, & in captiuitatem proditum esse. Sudans ergo Epeiræten conscendit; cùmque obiret Palatij partem destinatam hospitibus, commodum Radirobanis libertum aspexit, qui cubiculi regij custodiam habebat. Libachanes appellabatur.

Hunc ergo discessurum, & clauibus ostium iungentem, subito consilio Archombrotus interpellat. Cupere se quiddam in illo cubiculo, si liberto vacaret, inspicere. Ille & Archombroti dignitatem reueritus, & quòd de patroni scelere nihil sciebat, non dubitauit referare cubiculum. Meminerat Archombrotus, cùm bis Meleandrum ad Radirobanem comitaretur, uidisse se non longè à puluino supra admotam mensam, pulcherrimi operis thecam, ex ebено variatam & ebore; vermiculati quoque argenti laminis, in articulis & oris cælatam. Illic preciosissima gemmarum audierat recondi, & quicquid literarum tutiori secreto indigebat. Ergo, tanquam aliud agens, contemplatur vacuum mensam, frustra que toto cubiculo oculis thecam vestigat. Quod ne facere videretur, facili commento libertum deludit. Gemina ad aulæum tabula pendeat, vtraque Ra-

dirobani eximia. In vnâ, Radirobanis patri aquila, tanquam de syderibus labens, coronam imponebat. Alia Apollinis erat liquefcentem iam Marfyam vlciscentis. In iis, ac si venisset inspecturus, auidè hæsit. Nam & relictæ illic erant; nec quicquam ex penu aut specie, præter thecam, cubiculum amiserat.

Igitur augurio animi, & suspitione crescente, Archombrotus Libachanem reliquit, & ad Virtiganem tendens, non habuit qui aperiret; vt satis ex solitudine constaret, agrum ipsius fratrem abesse. Et hunc quidem, tanquam consulentibus medicis petere ex sali iactatione remedium, primo mane ad naues lecticâ detulerant. Timuit Archombrotus, ne religiosè omnia explorantem nox & insidiæ præuerterent. Duos itaque Centuriones vocat ex iis qui in præsidio arcis erant (nam cæterorum sparsos milites quæ tam subito

subito diligentia collegisset?) simulans-
 que à Meleandro missum; Ite, inquit,
 ad milites vestros: confestimque, nec
 tumultuariè tamen, eos ad littus edu-
 cite. Manipulatim dimissi conueniant
 propè tentorium Radirobanis. Ensis
 iis, & hasta suffecerint, ne si grauiùs
 armati conspiciantur, sermonibus ma-
 teriam præbeant. Prior adero in arenâ;
 & obiter quicquid Rex iusserit, ad vos
 feram. Ite verò, & diligentem operam
 Regi præstare.

His ocyùs ad iussa digressis, redibat
 ad littus Archombrotus, cùm non
 procul tentorio Radirobanis in Eury-
 medem incidit; vultùque turbato,
 Quàm vereor, ait, ne in Lycogenem
 alium nos fortuna retulerit. Tum stri-
 ctim enumerat coniurationis indicia,
 in quæ inciderat; preciosissima ab-
 uecta ex priuato Radirobanis instru-
 mento; Virtiganis fratrem, quam-
 quam ægrum, abiisse; neminem Sardo-

rum conspici sine armis. Neque Eury-
medes eum omnia proloqui passus,
gaudere se retulit, quòd Archombro-
tus eadem secum sentiret. Iamdiu se
illâ suspitione prehensum, perculsúm-
que ad conspectum Sardorum, qui per
cuneos non sine consilio circa tento-
rium errabant. Post hæc verò quæ Ar-
chombrotus detulerat, nihil se dubi-
tare de scelere. Quis iste Pirithous no-
bis? aut quis huic Theseus rapiendi
nuptias fecit audaciam? Sed arte uten-
dum est, ut se eripi patiatur Meleander
ab hac peste. Adeò cauet Radiroba-
nem offendere, ut vilis sit sibi. Vade
prior, Archombrote. Cùm illum mo-
ueris magnitudine periculi, adero stre-
nuè, indiciúmque, & terrores gemina-
bo. Milites interim qui proximâ nocte
excubituri sunt, non hinc procul in
procinctu constituam. Fortè fuit ut
cùm Archombrotus peruenit ad Re-
ges, Argenidi loqueretur Radiroba-

nes, vacarétque Meleander; Ad quem
 ille demissè: Vultum, inquit, fingo,
 Rex, disparem rebus quas afferò: scili-
 cet ne illi qui te circumstant parricidæ
 sentiant te moneri. Cæterùm omnis
 hæc pompa, tibi, tanquam victimæ,
 ornata est; quem vnà cum filiâ auehe-
 re, Radirobani constitutum intelligo.
 Eo consilio promissa spectacula trahit
 in serum, donec vespera se tumultui
 furtòque aptauerit. Cùm referret in
 eam rem argumenta, superuenit Eury-
 medes; adeoque compleuit formidine
 Regem, vt labantibus articulis incer-
 tus, illos rogaret, ad tam subitum ma-
 lum quid consilij haberent. Constabat
 nihil aliud superesse, quàm aut statim
 fugere nondum maturas insidias, aut
 se illic subsidio armatorum tueri. Sed
 omnino potior fuga erat. Neque enim
 tot subito milites cogi sine professio-
 ne suspicionis poterant; vt magis inci-
 pere iniuriam timendo viderentur,

quàm repellere. Quid præterea in periculum mitteretur Meleander, quid Argenis? cùm præsertim flagitij series atque modus adhuc lateret; & Sardi fortasse aliquâ solertiâ nocturnum facinus ita ordinauissent, vt non posset tumultuario certamine refelli. Placide, inquit Rex, & tanquam obambulans tentorio digrediar: Sequi Radirobanem hortabor, simulque Argenidem; quam tu in viâ, Eurymedes, mone, vt cùm inter nostros fuerimus, acrem morbum subito fingat. Excusabilis erit discedentis occasio, & ægram tanquam sollicitus comitabor. Sub hæc verba in Radirobanem & Argenidem inspexit, & optimam vesperam perdimus, ait. Ire satius ad liberum cælum, & iam sole dimisso intepescentem. Sat deinde cùm spectaculum mox edetur isthic cessabimus. Simul his, tentorij fores petebat; omnesque sequebantur. In hac turbâ Meleander Radirobani

loqui cœpit, vt eo remoto faciliùs Eurymedes Virgini insinuaret quod ipse mandauerat. Et illa repentinis cogitationibus concussa, quamquam nemo aperuerat paterni cōsiliij causam (nam dicentem Eurymedem turbauit adueniens Virtiganes) tamen haud multum à vero timidissimâ cogitatione errauit.

Interim Archombrotus, in quemque familiarium Regis offenderat, hortabatur non destituere domini latus. Iámque & militum decuriæ ab ipso atque Eurymede accitæ, sparsim in campis erant; cùm Argenis ex præscripto cadentem sponte vultum colligit manu, seque ad Selenissam excipiens, voce demissâ, pessimè mihi, inquit, est, mater. Sistitque illico gradû. Radirobanes subito casu conterritus, in remedia aquam, merum, odores, flagitatione non perfunctoriâ poposcit. Statim circa iacentem creuit immodicè con-

currentium globus. Et Meleander qui paulisper præcellerat, inter fictos terrores regressus est. At Argenis; Ecquis lecticanos prouocat? ait. Nec de morbo rogata quicquam certi referebat, nisi linquente corde, hebescere oculos, & caput errare. At Radirobanes nihil opus lecticâ proclamabat; celerius hemicyclo in vicinûm posse tentorium referri. Sed causatus Meleander commodius oppidum esse, seu medicinæ, seu quieti; simul vrgebat qui ad lecticam decurrerent, simul gratias Radirobani agebat, tanquam humanitate nimia sese oneranti alienis doloribus. Isque iam non de Argenide tantum, sed de sui sceleris successu sollicitus, negabat se passurum vt mille totos passus (tot enim ad Epeircten aberant) iactaretur virgo inualida, & in hoc primo morbi impetu, nec fortasse duraturo, melius in proximo tentorio acquietura.

Hæc adhuc omnia veluti mutuæ necessitudinis charitate iactabantur, cum Virtiganes Radirobanem clam monuit, non sic in illum diem sitam esse consilij sui fortunam, ut redire non posset sperata felicitas. Pateretur abire Argenidem; & ipse cum ea peteret Epeircten; dilato promissorum ignium spectaculo, donec conualuisset ipsa, patérque iteratâ simplicitate rapiendam ad littus reduxisset. Cœperat persuadere; Cum Radirobanis medicus, quem aliqui accersitum procurrerant, venit. Is pollice virginis propemodum repugnantis tentato, notatis præterea oculis, spirandique mēsurâ; mirari primum cœpit, mōxque negare vllum sibi ægritudinis vestigium liquere. Ergo ad Meleandrum conuersus, bonâ fide rogabat ut poneret metus: Leuissimum esse quodcunque Argenidem turbauerat. Sed Radirobanes atroci percussus coniecturâ, tunc denique sensit in-

ualetudinem simulari in fugæ prætextum. Miratus quis suas deprehendisset insidias, quis ad Meleandrum detulisset, sensim ferebatur in rabiem; & ad moliendam vim ferociter intentus, quærebat oculis suos, dextramque ferebat ad capulum; cum Sardos pauciores quàm Siculos circa se videt; Vt neque si viribus esset agendum, satis posset victoriam sperare. Interim aderrat & medicus Meleandri; qui ab Eurymede monitus quid deberet simulare, longè alia quàm quæ Radirobanis feruus, de Argenidis valetudine dixit; grauem, & fonticum morbum esse: properarent deferre ad regiam; quicquid morarentur, nocere Argenidi. Ita loquentem prior medicus iurgio adortus est, non passus suam artem contemni: Ecquod enim mali indicium videret? quid vultus? quid labellorum color? num sudor in frigidâ fronte? num à se dissentiret arteria? Neque mi-

nus peruicaciter Sículus suas partes implebat: prorsus egregio de incertitudine medicinæ spectaculo, si tumultus, & rei quæ agebatur magnitudo, huic voluptati locum fecisset.

Dum hi collatis verbis certant, lecticarij sublimem Argenidem tollunt: Et Radirobanes non redituram vltimo conatu prosequutus; non sibi temperauit. Iniecit lecticæ manum; & manere Argenidem iam plusquam precabatur. Iurgium quoque inter Sardos Siculósque processerat; Ibátque Archombrotus, lecticam sub Radirobane laborantem vi explicaturus. Sed medium Meleander se obtulit. Litet Sicilia illius diei fortunæ. Quantum præclari sanguinis fusum ibat seditio! Capax labes absorbere Siciliam, & quamquam absentem consummare Poliarchum. Sed mitioribus fatis ministravit Meleandri prudentia. Adhuc sibi tanquam hospiti loquentem

violare crubuit Sardorum Rex; & ut-
cunque finito tumultu, digressaque
Argenide, ipse quoque Meleander
lecticâ sublimis, & agmine suorum val-
latus in oppidum se recepit.



IO. BARCLAI
ARGENIS.

LIBER IV.

NEMO interim Sardorum au-
debat Radirobani loqui.
Furebat violentus, & discor-
de tumultu raptum animum
spargebat in diuersa. Nunc pudore,
nunc infœlicitate cœptorum agitaba-
tur. Quàm benè processissent initia!
Vt diu possessa cum Meleandro Arge-
nis in tentorio hæsisset! Geniúsne de-
inde, an mortalis prodidisset consilia?
Subeundum ergo dedecus, nullâ mer-
cede, nullis sceleris præmiis lenitum.
Post assertam Siciliam, pollutâ victo-
riæ laude, non tantùm vt hosti, sed

prædoni abeundum. Sub hæc fren-
dēs, toto littore ferebatur, adeò inutili
ad cætera sensu, vt nec ruere noctem
sentiret. Ausus tandem Virtiganes ac-
cedere: Et quidem, quò ab infano au-
diretur pacatiùs, primùm eosdem affe-
ctus simulauit. Cùmque hac arte locum
monendi sibi aperuisset; Iam nòx est,
inquit; & hîc tamē (ô Rex) moraris for-
titudine tuâ nimis securus. Circumstât
te multi; Nec opus est omnes scire quo
in statu sit animus tuus. Quò autem
succedere nocte hac paras? Vocat in
oppidum Melcander. Sed quis putet te
securè cum illo reconciliare gratiam
posse? Chariores tibi sumus, quàm vt
nos conficias tanti tui periculi metu.
Classis tua te meliùs excipiet. Abomi-
nare hanc terram, tot curarum tibi
causam. Vbi cum paucis secretus in
prætoriâ naui eris, liberiùs irasceris,
& quod in rem videbitur esse, consti-
tues. Radirobanes tanquam Virtiga-

nem non audisset vultu immoto, tamen ad præparatam scapham se contulit; siue magnitudine iræ, siue consilio vocem premens, donec in regiam triremem delatus est.

Ast vbi cum Procerum non ampliùs tribus in prætorio puppi proximo resedit, euoluitque caliginem multa simul & confusa animo ingerentem; primùm Argenidis imaginem, quam gestabat gemmis inclusam, de collo diripuit: Nam odio & iracundiæ, cæteræ cupiditates iam cesserant; Deinde sublato ad Virtiganem vultu; Faciam, inquit, vt hic dies tristior Meleandro quàm mihi illuxerit. Peiùs ab suâ Argenide quàm à me diuertet. Occupabo Furiarum officium: Seni quietem, & puellæ famam eripiam. Spectabo deinde ociosus hos ludos, fruárque hostium malis; aut si in rem meam commodum erit, bello quoque cumulabo. Ocyùs ceram stylúmque porrigite.

Neque mora, literas suâ manu in hunc modum exorfuse est. Radirobanes Meleandro. Nesciebam cum inimicos tuos sustuli, te amicis adeò esse indignum. Veniam ab Siculis exoro, quos ab tuâ secedentes tyrannide, armis meis domui, reddidique sævitix tuæ. Cæterum si molestum tibi erat, quotidie me videre cuius manu & opibus Rex es; at humaniùs dimitti poteram, quàm sub insidiatoris inuidiâ. Cui enim non constare voluisti, te grauius à me metuere, cum modò tua Argenis morbum finxit, téque ipse ex tentorio meo turbatè proripuisti in oppidum? Ita offensionis specie delere sperauisti quicquid mihi debebas. Sed nemini potes imponere. Cur te enim violari voluerim; qui ne violareris vitam meam obtuli in discrimen? At filix tuæ nuptias concupiui scilicet; & cum affinitatem non probares, hanc prædam statui occupare. Ne tibi am-

plius tantum placeas Argenide tuâ.
Nescit regius Sardinia sanguis vllum
thalami probrum pati. Quo oculo
cernerem super limina castissima do-
mûs attolli, non cæsto, non illâ sim-
plici vittâ dignam, non cæteris virgi-
nitatis insignibus; denique nescio cu-
ius Poliarchi contubernio assuetam?
Quid te inexpectata vox ferit; & in
pudendæ rei nuntio amittis spiritum?
Ita est, Meleander. Nimis cautus in
amicos, discenunc quos timere debue-
ris. Illa quam Palladem putasti Theo-
crine, tuæ domûs contaminatrix fuit;
Ac ut simplicius dicam, sub eo no-
mine Poliarchus tibi illufit. Argenide
fraudem iuuantem, in Gynecæum pro
virgine, mox in templis pro Pallade est
admissus. An integram existimes, quæ
correpta amore adolescentis, celauit
remeratorem arcis quam mulieribus
sacraueras? quæ cum amatore diutius
fuit? quæ denique patrem decepit?

Omitte igitur suspensionem, meâ forte
& animo indignam, quasi, his à me
deprehensis, illius nuptias expetierim
in qua nihil syncerum est. Mihi qui-
dem cùm ad vos appuli, adhuc ex hac
lasciuia ignotam placuisse confiteor.
Sed dii Sardiniam iuuerunt: quòd cùm
posses hanc petenti pulchrè conciliare
neglexeris. Vbi autem de secretâ turpi-
tudine rescui, adhuc fastidium meum
simulatione amandi sic texi, vt con-
tentus mihi cauere, merentem non
læderem. Habe tibi filiam tuam. Ha-
be & regnum meo auxilio restitutum.
Sed ne ingratitudini vsquequaque sit
præmium, aut facilitatem meam tra-
ducas: nolo Sardiniaë ærarium pœnas
vestrorum furorum luere. Iam hoc ni-
mis, quòd sanguinem multorum ex
meis consumpsisti. Nam sileo meos la-
bores, quos vtique non vendo. At sum-
ptuum partem redde; quibus totis te
fungi oportebat. Eos enim vt viueres,
regna-

regnarésque, feci in classe, militum-
 que stipendiis. Trecentis talentis rem-
 patiar æstimari. Quanto plura pro te
 impenderim, ex publicis meorum
 Quæstorum rationibus facilè scias. Sed
 tantillum hoc repone, nisi mauis ex-
 torqueri. Hospitium renunciare esset
 superfluum, cum prior idipsum illa-
 tione iniuriæ feceris. Ex his tamen quæ
 detuli cognosces fidem meam. Te
 enim nisi coactus miserum esse non
 volui; & quàm diutissimè passus sum
 ut Argenidem amares.

Hæc ut scripsit, cogitati sceleris in-
 dustrîa superbus, vocat suorum fidissi-
 mos, ostenditque epistolam in alienæ
 ægritudinis spe propemodum suæ
 oblitus. Horruere scilicet ad sceleris
 nouitatem; Sed crudelissimo seruitutis
 genere, quod intra se abominabantur
 palàm laudabant. Quærebatur deinde
 quis litteras ad Meleandrum ferret.
 Nam intuta videbatur, & capitalis au-

dacia. Sed Radirobanes in suos quoque sæuus; Nesciat præco, inquit, periculum suum. Ibit intrepidus, & meo auspicio securus. Quòd si illum Meleander mulctabit; at mihi tanti erit hanc nouam querendi iurgandique materiam vili sanguine comparauisse. Igitur cùm aliquandiu inter se contulissent, quidam miles, diu antè Virtigani inuisus, ad hoc destinatur officium; ipso Virtigane hominem commendante. Et ille maligno inimici suffragio beatus, vt credebat, infulsi- que præconis ornatus, primo mane ad portum exiguâ lindre deuectus est. Statim relatum est Meleandro, nuncium à Radirobane adesse. Ille animo æger, & de hospitis dissidio sollicitus, tunc fortè suorum charissimos acciuerat. Præter mansuetudinem in illo penè ad vitium prolixam, beneficium à Radirobane acceptum effecerat, vt illi paulò magis quàm sibi faueret. Incertum est

(inquit) vtrum nocere voluerit; certum
 autem nos ab illo tanquam insidiatore
 refugisse. Conciliandus vtcunque est;
 Et si cætera abessent, timenda certè
 fama. Nunquam videbitur iustè ex-
 pulsus, quem necessariis temporibus
 tanquam deorum munus suscepera-
 mus. Post hæc verba altum silentium
 fuit. Nam plerisque iniucunda hæc
 erat Meleandri sollicitudo. Inter cæte-
 ros Archombrotus, atque Eurymedes,
 perstringi se rati, quia Regi authores
 fuerant, vt à Radirobane caueret,
 haud obscurè audebant indignari.
 Adeò vt impetus iuuenilis in hæc ver-
 ba Archombrotum abstulerit; Sentio,
 ô Rex, me simul & Radirobanem non
 posse excusari. Si te ad iniustas inimici-
 tias compuli, quid cunctaris noxæ me
 dedere? At si meâ & Eurymedis seduli-
 tate hodie es liber, noli incertitudine
 animi turbare fœlicissimum diem, &
 adhuc dubitare an malis Radirobanem

esse offensum, an captiuam Argenidem apud illum teneri. Hæc libertas Archombrotigratissima omnibus fuit, præsertimque Argenidi, quæ in lucro numerabat, siue iure siue iniuriâ, à Radirobane dissidere Siciliam. Ipse Rex suos metus excusauit Archombroto; Se tantum de populi voce esse sollicitum: Curandum ne imponere Radirobanes possit externis ignarisque negotij. Mittam ad illum, qui me dolere significant quod ad classem potius quam ad me secesserit; orare ut in portum redeat, nec Siciliae tam vicinus, incertos fluctus malit. Simul largos commeatus iubebo ad illum lembis pluribus promoueri, distribuamque munera in amicos. Nemini deinde credar ingratus in hospitem quem per officia illa coluerim.

Minus displicuerat illa sententia. Iamque Timonidem illic legatum Rex dixerat, cum Radirobanis præco

aduentare nunciatus, variâ expectatione omnium animos suspendit. Rex intromitti eum iussit; cûmque ille literas traderet, ecquid hospes Radiobanes valeret aut faceret, blandè, vt solebat, quæsiuit: Præco, veluti erat iussus, omnia intellecturum Meleandrum ex codicillis quos attulerat, refert; simulque aliquantulum in latus secedit. Meleander nihil quietum suspicatus, ad proximum cubiculum pergit, ne præco legentis oculis motibusque curiosè immineret. Sequitur patrem Argenis; & purpuratorum præcipui. At ille postquam ceram explicuit, in omnibus verbis hærens, & contumeliis excitatus, tandem ad eam partem descendit vbi Argenidis & Poliarchi fama proscribebatur. Arsere illico vultus; Iterumque pallore mutati vno cum incertis manibus horrore tremuerunt. Refectis mox viribus, irâ terribili, in quos tamen adhuc incertus, erigitur.

Argenidem, Radirobanem, Poliar-
chum, offerebat noua rabies, & sub pri-
mum impetum nullâ prudentiâ confi-
lioue tractabilis.

Nemo audebat interrogare tam
acriter æstuantem. Sed ipse quantum
licuit semotis perturbationis indicis,
ad proximum conclaue se proripit,
vnâque venire iubet Argenidem; cui
non aliud loquutus quàm vt has lite-
ras legeret, confedit in lectulo; & il-
lius vultibus intentus, suspiranti, fre-
mentique medius hæsit. Argenis le-
ctione conterrita, non quidem tan-
quam ad iustam accusationem expa-
uit; sed iniuriæ impatiens flagranti-
bus oculis totaque oris specie, procla-
mauit ad vindictam. Urgebat tamen
attonitam maximus dolor, suam cum
Poliarcho familiaritatem innotuisse:
Et quòd tamdiu eam amicitiam occul-
tam habuisset, verebatur ne accusatio-
ni esset iustior species, & patre diffici-

liori vteretur. Statimque perpendenti
quomodo fides tam religioso secreto
periisset, occurrit Selenissæ cum Sar-
dinia Rege commercium. Sed diu de-
liberare aut tacere, non licebat. Ita-
que prouoluta ad genua patris, inter-
clusamque anhelitu vocem non sine
artificio laxans; Ne expectes, Domine,
vt crimen obiectum anxie diluam.
Non enim dabo contumeliosissimo
hosti hoc gaudium, vt credam pudici-
tiæ meæ aliam rationem esse reddend-
am, quàm quòd hætenus tibi opti-
mo & solertissimo parenti placui. Vnū
habeo excusandum; quòd Poliarcho
per salutem quam tibi mihi que attule-
rat oranti ne scires quantum pro tua
incolumitate præstitisset, fortasse fide-
lior quàm voluisses fui. Nunc quo-
niam alieno indicio factum est vt ho-
minem possim laudare; Ille est, Domi-
ne, quem Theocrinem vocabamus.
Mei videndi cupidus, hanc simulatio-

nem sexûs iniit, quò in arcem recipere-
tur. Sed tantæ licentiæ consiliû emen-
dauit modestia. Nam sic potiùs mihi,
quàm Radirobani credas, vt virum
esse nesciuimus, priusquam te atque
me à nocturnis prædonibus vindica-
ret, eâ fortitudine quæ apud te diuini-
tatis fidem inuênit. Tunc verò ex arce
abiturus, mihi atque Selenissæ quis
esset eâ lege aperuit vt illius audaciam
& virtutem apud te taceremus. Re-
gressus deinde ad regiam, quantum
cæteris præstiterit, tuâ in illum chari-
tate probatum est. Quòd si reprehen-
dis silentium meum; cogita non po-
tuisse mercedem breuiorem concedi,
quàm vt paterer eum iustis apud te
honoribus carere. Sin autem subuere-
ris altiora; quia virgo illius consilia
tegere sustinui; prouoco ad inimicis-
simum mihi caput. Selenissam intelli-
go; quæ sola tanti arcani conscia, rem
omnem Radirobani palàm fecit. Nisi

sceleſtiſſima eſſet, furerétque perfidiæ inſaniâ, & odio mei, non polluiſſet ſilentij fidem; nec quod te ipſum celabat detuliſſet ad exteros: Teſtem hanc tamen non verebitur appellare innocentia mea. Si merui odium tuum, & propitiam famam arcanâ turpitudine feſelli, ego te & pudicitiam manu meâ vindicabo, reddâmque ſanguinem indignum qui à te prouenerit.

Inter hæc patris genua amplexa, nunc dexteram oſculabatur, nunc eâ arte in ſenem reſpiciebat, vt iam facilimi patris iudicio innocēs eſſet. Illum tamen plurima turbabant: Neceſſariæ in Radirobanem inimicitia, de accuſatâ Argenide vulgi ſuſpicio; & quòd vtcunque caſta eſſet, tamen credibile erat Poliarchum feciſſe, ne ipſi Radirobanes placeret. Vrgente deinde filiâ vt Seleniſſa accerſeretur, ipſe per miniſtrum qui fores ſeruabat, imperauit anum vocari: Nemo Procerum ſcie-

bat quæ res tam secreta ageretur: nisi quòd maximum esse credebant, quo filiam vnam Rex communicaret. Varræ itaque coniiciebant expectabantque solliciti. Selenissa nihil minùs quàm quod aderat animo fingens, intrat Regis cubiculum; in quo ipsa solitudo, vultus quoque Meleandri, & vis genij mala plerunque instantia occulto horrore insinuantis, nec cogitantem turbauit. Statimque ad illam, insolitâ acie Argenis accensa, seu permittente patre, seu moram non ferente iracundiâ; Per ego te Radirobanem, Mater, oro: (nam quid tibi magis dulce aut verendum obiiciam!) vt hîc coram tuo meoque Rege dicas, quid commercij virgine indigni, mihi cum Poliarcho extiterit. Nec vices tuas cura, quòd hætenus quicquid est tacuisti: Ego salutem tuam pacta sum, modò iam liberè indicium profitearis. Cohorruit anus; tenebrisque lucem

miscentibus, tamen ut solertissima erat
 animum subito reuocauit: ut hic mo-
 tus potius videretur innocentiae esse
 suspensiones abominantis, quam de-
 prehensi sceleris notae. Et quem prius
 alloquar? inquit; cum apud utrumque
 perfidiae insimuler? aut quae haec tam
 confusa accusatio est? Nec Radiroba-
 nis mecum foedera scio; Nec Poliarchi
 tecum, o Domina. Quod autem sacri-
 legium, ut putes ullam suspensione posse
 virtutem tuam pulsari? Imò, refert Ar-
 gentis, omitte hanc frontem. En Radi-
 robanis ad Regem codicillos, quibus
 te arguit de Poliarcho in Theocrinem
 Pallademque mutato, omnia effu-
 tiisse. Et ne nescias; nihil est horum
 quod non patri confessa sim. Sed &
 probris innocentiam meam aggressus
 est. Nescio an te authore. Ad hoc vnum
 vocata es. Dic liberè, ita te dii ament; dic
 priusquam per tormenta verum quaeratur,
 an maculaui familiae meae decus?

Non indelectatus Meleander hac ferocitate Argenidis, quæ utique in se dicturam non extimulasset nisi innocentia fisa; Nolo, ait, turbatè hæc exigi. Sed nec feram, Selenissa, nisi maiori fide quæ de Poliarcho nosti exponas, quàm antea siluisti. Victa anus conscientia labe, accidenſque ad pedes Meleandri; Summa, inquit, eorum est quæ dicere possum (Rex) nihil meâ alumnâ sanctius & integrius esse, nihilque perfidiolius Rege Sardinia. Si pateris me ad cubiculum redire, facile te absolvam certissimis signis, & quibusdam maximè litteris, quarum fides efficiet ne ampliùs tuam mentem cuiusmodi suspiciones sollicitent. Nec deinde miraberis cur ante te Radirobanes ista rescuiuerit. Brevis est mora: Dum hîc inutiliter iurgamur, redire iam potui. Tantâ pollicitatione suspensus Rex, properè ergo imperat ire; nec se in eo negotio ludificari: omnia tamen sic

agere, ne hæc lites ad vllum Procerum emanent. Neque prohibebat Argenis, verita ne moram iniicere videretur, aliqua in se certiùs prælaturæ.

Sed anus vbi primùm ex vtriusque oculis euasit, in assuetæ celeritatis vestigiis ad conclaue se recepit; Adductoque ostiolo; Nunc iterum mei iuris sum, inquit, nunc in me decernere ipsa possum, nec ab aliis expectare quod merui. O infœlicissima mulier! Ergo tam diu vixi, ne innocens morerer? Quod autem mihi fatum mentem eripuit, vt non cogitarem proditionis mercedem nunquam esse securam? vt à moribus meis abirem? vt leuissimo iuueni fiderẽ, & per plurima vitia mihi suspecto? Huius promissis, huius donis, ego tot annis, tot rebus exercita, manus dedi, fidemque, & charissimæ alumnæ beneuolentiam? Serò hæc reputas, Senenissa. Virtus fuisset animum à scelere cohibere; Nunc quia fœliciter non

peccasti, latronum est pœnitentia ista quâ ciulas. Ergo me perdere Radirobanes inuidiosissimâ delatione sustinuit: qui in me quo offenderetur non habuit; nisi quòd vt cæterarum rerum, ita nimix beneuolentiæ fastidium est! Proh nefas! quem audebo contueri? ad quem confugere? aut quis me denique feret de proditione querentem, cuius exemplum feci? Nec propero me à lucis conspectu liberare? Nec saltem primis virtutibus dignū exitum quærens, medium scelus excuso? Quid expectem vltcrius? Odit me Argenis; perfidiam excusare non possum; forsitan & Rex prætextu aliò explebit animū, merito meo, & filix questibus acrem. Necdum, vt intelligere potui, palam est quod maximè deliqui, Radirobanes meis consiliis ad raptum incitatus. Hoc vbi emanauerit (quid iam enim existimem fore secretum?) quæ mora, quive dij, ex dominorum meorum

mentibus exturbent tantæ culpæ memoriam? Vt hos mitissimos faciam, at iubebunt abire à conspectu. Recedam inuisa omnibus; iratam Principem timens; nec sola, nec publicè tuta. Vigilabo in atrox supplicium, ex meo scelere singulorum cogitationes de me æstimans. Adhuc peiori infamiâ digna es, Selenissa, nisi illam morte antevenis.

Rapit ad hæc verba tabellas, in quibus non satis constantibus litteris hæc exarat. Meleandro & Argenidi Optimis Principibus. Si esset aliquid ultra mortem, id mihi in supplicium poposcissem. Nunc accipite sanguinem, non adeò suo crimine maculatum, ut non possit diis libari: Neque ex supplicij atrocitate quod in me constituo facinus meum potius quàm pœnitentiam æstimate. Hanc illo maiorem credetis vos ipsi quos læsi. Siue enim urgentibus fatis, siue veneficio aliquo.

attonitam, temerauisse me fateor secretum hoc ingens, de fraude & virtute Poliarchi. In tuam autem famam (charissima alumna) si addidi quidquam, aut addere potui, opto ego deos manes mihi tam sæuos quàm infida vobis fui. Credite morienti; & vitæ diutissimè probatæ vnâ hanc noxiam; aut si nimis est, huic ferro quod vos vlciscitur date. Præligatam deinde epistolam vni seruorum tradens; Vade, inquit, & Atrienti intimas Regis fores seruanti meo nomine impera vt hos statim codicillos ferat ad dominum. Iussit Rex, eos ad se properanter transmitterem.

Dimisso nuncio, iam furiosius morti intenta, simul properabat, & hærebat; nunc infanos fremitus ausa, nunc mollioribus suspiriis laceffens constantiam suam. Excipiebat fortè omnia verba quædam ancilla, è proximâ cellâ cui ab eo cubiculo aditus erat. Hanc
neque

neque viderat Seleniffa; & verecundia quòd secretis dominæ interuenisset, non sinebat vel loqui vel abire. Nam neque credebat desperationis plenissimas voces furiosum exitum habituras; expectabátque donec dominâ exeunte & ipsa se secretò prori-peret. At Seleniffa haud dubia omnem destinatæ mortis laudem in præcipitatione esse, & affore statim à Rege qui conantem tenerent, aperit cistulam in quâ brevis gladius iacebat, quem olim filio primùm pueritiam ingressò dederat pater; & ipsa deinde seruauerat, die filij nuptiali Iunoni Lucinæ cum crepusculis sacrandum. Ita tulerat factum, vt paucos ante dies, detergendæ rubigini esset in acumen renouatus. Nec aliud ferrum in muliebri cubiculo erat pectori aperiendo commodius. Illum verò vt sustulit, simul coniugis quem amiserat, filiique quem ignarum destituebat memor, tot res tamque di-

uersas vno mentis obtutu aspiciens,
funebri capulo osculum dedit, illique
loquuta aliquandiu opperientem mor-
tem frustrata est; Donec ancilla quæ
timere cœperat ne hæc vera tragœdia
esset, extorquendo ferro erupit, si-
mûlque exsonuere accurrentium ex
Regis præcepto vestigia. Tunc anus
prohibentium feruore incitata, & ma-
nibus adhuc liberis vsa, mucronem tam
altè visceribus impressit, vt labantes
subitò vires soluerent dextram, & pe-
ctore in humum porrecto ipse capulus
non multùm emineret ex vulnere. Ex-
clamauit ancilla, & amplexa morien-
tem sæuissimo vlulatu perterruit iam
spontè confusos. Quippe deiectis fo-
ribus intrauerant Archombrotus, &
Eurymedes, multique eos sequuti; vr-
gente Meleandro, vbi primùm ferales
litteras accepit, vt properarent ad mise-
ram, cogerentque non perire. Eury-
medes vtcunque dimotâ ancillâ am-

plexus iam rigentibus luminibus tor-
uam; Quod hoc nefas ô Matrona? Cur
te tuosque perditum vadis? Nihil illa,
nisi quòd flexâ ceruice supremos ocu-
los versans , sanguinem & animam
efflauit.

Omnibus silentium ingens, fremitus
rursus; & dimanante mox famâ, atro-
citas rei multos Procerum ad spectacu-
lum coegit. Mox de obscurâ facinoris
causâ variâ, & interdum periculosa
coniecturâ. Rex quidem cæde auditâ
vehementer exhorruit. At Argenidem
nulla signa vel misericordiæ vel odij
mutauerunt. Seu credidit de Selenissâ
fatis supplicij nondum habere, seu po-
tius excandescens animus mirabatur
magnitudine pœnitentiæ se placari, &
in confinio vtriusque affectûs stupe-
bat. Rursus tamen intuebatur quic-
quid sibi in morte Selenissâ nocuerat.
Quid Sicilia? quid cum suis Radiroba-
nes loqueretur? Illam anum tam in-

signi de se vindictâ multò magis quàm ipso proditionis crimine euulgasse hoc de Theocrine secretû. Præterea quando cò loci res erat, Regem ab Selenisâ auditurum sperauerat, pactum cum Poliarcho coniugium. quod quidem arcanum nec ipsa sustinebat dicere patri; & strenuè cogitabat defendere. Cæterùm prohiberi multitudinè Rex iussit. Sepultûmque deinde cadauer est nullâ pompâ; & postquam ex dis causa publicè est còperta, nescio quis Poëta hoc illi epitaphium fecit.

Busta vides, sæuiq;, hospes, monimenta doloris.

*Bis moritur, quæ se est iudice digna mori.
Non effare tamen seu verba grauantia manes,*

*Seu placidâ faciunt quæ leue pòdus humò.
Huic tumulo pacémque nefas, stimulosque precari.*

*Dic tantùm; Vt merita es, sit precor
Vmbra tibi.*

*Nempe Seleniffa est. Dubiū furiosa magisne
Laferit, an laſam ſit magis ulta fidem.*

Meleander tot recentibus obrutus curis; & quid Radirobane, quid præcone, quid literis faciendum, adhuc incertus, vocat ſuorum præcipuos; His ostendit res ſuas in anxio ſitas eſſe. quippe ſuam dignitatem à Radirobane incitari contumeliis; qui præterea talenta trecenta in præſtiti auxilij ſtipendium non tam petat quàm imperet. Amis ſe exequi debere iniurias; niſi & ſuas vires domesticis furiis Sicilia exhauiſſet, & benefactis Radirobanis donari deberet ſaltem locus ad pœnitentiam. Fure enim ſui immemorem, & heſternas ſuſpiciones imprudenti irâ firmare. Hac cùm fuſè exponeret, ſedulò tamen cauebat indicare laceſſitam ab hoſte famam Argenidis. Non quòd omnia neſciret emanatura: Sed & pudorem præſentis filix reuerbatur; & ſilentio ſuo omnes monebat, ne quis


deinde tam inuisæ accusationis mentione illum vexaret. Ne tamen ignorarent super quantâ re consulerentur, aiebat Selenissam improbâ fide ausam quædam arcanâ ad Regem pertinentia Radirobani credere; quæ per se innoxia, ille flagitiosissimâ interpretatione corruerat. Allatis ab eo codicillis, se vltimis probris differri; Selenissam, si ad Radirobanem spectes, fuisse innocentem; quæ tamen solâ morte quod peccauerat expiari posse crediderit. Omnes certatim censuere, vt pro publico Siciliæ hoste Radirobanem haberet. Quicquid auxilio iuuerat, non beneuolentiâ aliquâ factum, sed tanquam ad insidias consedisse prædonem in insulâ; & voluisse Lycogenem tolli, vt quæcunque ille cogitauerat ipse efficeret. De præcone perplexior quæstio fuit; his cruci suffigendum decernentibus; aliis per diuersa supplicia truncum ad Radirobanem remitten-

dum. Vicit tamen Cleobuli sententia, declinandam violati præconis inuidiam; quem fortasse interfici magnò emeret hostis. Superbissimum Regem plùs despectu quàm eiusmodi ultione iri offensum. Quòd postquam Rex probauit, Eurymedes vocatum ad se præconem (nam cum ad Meleandri conspectum reduci non placuit) ita ex præscripto affatus est. Si ab Rege sui compote venisses tam proteruæ epistolæ lator, totum hunc diem homo non esses. Nunc ignoscimus amentiaæ Radirobanis, cui Regis verbis dices, furioso responderi non posse. E re quoque suâ facturum, si Regibus scribere expectet donec insanire desierit.

Postquam præco discessit, statim præsidium militum ingens Arsidæ datum est, quod ad portum consideret. Timonides classiarios cõëgit in naues; ut si Radirobanes ultra verba furere vellet, iustâ acie exciperetur. Nec in

Regiâ tantùm, sed passim in oppido, tanquam redintegrato bello, quies excussa est. Iamque Radirobanes timere inceperat, non modò ne inuerecundiam suarum literarum præco capite luisset, sed ne in suam quoque classem armaretur Sicilia; Intepuerat ira; occurrebântque belli incommoda, quæ nimius antea ardor suppresserat. Totius Siciliæ viribus impar sibi exercitus. Littus tenebatur præsidiis. deerant in mari commeatus. Si tamen lacessebatur erat indecora cunctatio, maximè cùm prior prouocauisset. Dum hæc agitat, respicitque ad littus, videt scapham à portu recedere. Ea erat quæ præconem reuehebat. Is adhuc plenus metu, quæ ab Eurymede acceperat refert; multùm quoque exaggeratâ violentiâ loquentis, & tumultu regiæ, cuius causam nesciebat. Cùm enim occubuisset Selenissa, murmurque & strepitus ingens esset, Cleobulus præconi custodes ap-

posuit, ne quâ rescire hunc casum, & interrogare obuios posset. Radiobannes tot rerum sollicitudine grauis, prius abire constituit quàm decernere cogeretur, aut fugere. Nam quid immaturis conatibus in se veriùs quàm in hostem sæuaret? Iam plùs iusto indultum præcipiti iracundiæ. Reducendum potiùs ad Calaris littus exercitum; (ea ciuitas iam tum Sardinia princeps erat) viribusque resectis, mox subitâ classe repetendam Siciliam. Sed neque confestim visum abscedere. Nam & maritimas copias sciebat, quas in portu habebat Meleander, modicas esse; & tempore opus priusquam Lilybæo & Panormo maior in eum classis posset acciri. Reliquum ergo diem in statione perseuerat. Sub vesperam, cùm se benigniùs ventus intenderet, anchoras tolli iubet, prorâsque in Sardiniam suam verti. Ac ne timida videretur aut furtiua discessio, præcepit iustos nau-



tarum clamores geminari, siue cruedis gernerent anchoris, siue mutuæ exhortationis officio cætera armamenta componerent. Militum quoque voces patriam appellantium adhuc absentem, aut pelagi deos orantium, ferebantur ad littora. Meleander pugnam instare existimans, iussit accingi classarios suos, portumque & proxima littora propugnatoribus compleri. Nam prouehi ad certamen suas naues extra portum vetuerat; ut illæ terrestribus copiis, quibus abundabat, tegerentur; & gemino exercitu Sardi perirent. Noctis tamen vicinia perturbationem metumque adauxerat. Sed hostes propitiis ventis in altum ablati, primum audiri, & deinde videri desierunt. Nam & nebulæ primam noctem densauerant. Ne tamen is discessus fingeretur, mox redituris in incautos remigibus; plerique non militum modò, sed procerum, circa portum excuba-

uere. In iis Nicopompus, cū nocte
 concubiā rarior fremitus esset, silentio
 vigiliāque vsus est; & iuuantibus tene-
 bris liberos animi motus ad carmen,
 ita Sardos tempestatibus deuouit.

Ite truces. cuncti rapiant caua lintea venti.

Ite rates. Sic aura fidem, sic æquora præstent,

Vt vestri meruere duces. Simul ibit Enyo,

Stridebitq; comis, facibusq; in concita missis

Nubila, Tartareū deducet in æquora fulmē.

Ite rates. Mediis ultor deus assidet undis,

Vix æquus mitisq; bonis. Sunt undique vêtis;

Sunt cautes; rapidis feruent nostra æquora
monstris.

Inde repercussas terret latratibus undas

Scylla minax; hinc torua riget, fremituq;

Charybdis

Gaudet inexhaustas aptare in pabula fauces.

O illuc vos turbo vehat; vel dira reuulsam

Tempestat medio vobis ferat æquore rupem!

Qualis erat dubiis nondum Latonia Delos

Fluctibus, aut quales nigri super ostia ponti

Cyaneas arcto nautæ timuere profundo.

O scepris indigne tuis, & sydere lauo
 Edite Sardois infœlix rector habenis;
 Cerne agedum quàm parua tuam discrimi-
 na vitam

A cupidis prohibēt undis. Non arma ferocē,
 Non vis ulla iuuat. Timidos fortesq; seuera
 Torquet hyems; Totus fati, totusq; deorū es.
 Mox ubi disparibus pendebit puppis in undis
 Alternas subitura vices, & hiantia latē
 Æquora terrifico pādent sua viscera fundo;
 Quam posces miserandus opem? quæ Nu-
 mina primum

Mens insueta petet; tunc vani prodiga voti?
 Non falles Superos; nec te timor ille piabit.
 Obruet unda preces sonitu, vindéxque per
 auras

Ventus aget. Nota tangunt pia sydera voces.

Nondum planè respirabat Melean-
 der, veritus adhuc ne Radirobanes
 classem infestam alicubi incustoditis
 littoribus insinuaret. Sed exacto vix
 biduo, dimissi speculatores retulerunt
 omnino peti Sardiniam. Tunc verò

non tanquam exacto, sed dilato saltem
 periculo, ad cōsilia mentem applicuit,
 quibus tueri Siciliam, & hostem haud
 dubiè reditum posset vlcisci. Diu
 erat quòd Eurymedes, vtpote strenuæ
 fortitudinis vir, amansque militiæ, mo-
 nuerat Regem, securi imperij non
 aliud certius esse pignus, quàm para-
 tum, & semper in castris exercitum; Et
 tunc quasi sui consilij vtilitatem pro-
 mouente fortunâ, cùm Meleander
 ipsi & Dunalbio medius spatia retur,
 agerètque de præsidiis per opportuna
 littora in Sardos diuidendis, ita locutus
 est. Si fecisses quod initio motuum in
 Lycogenem censueram, nunc aut iste
 Radirobanes non te lacefferet, aut ha-
 beres quod illi confestim obiiceret.
 Sin etiam nunc cessas, illo depulso
 alios fortuna inueniet, qui te nec suspi-
 ciones diu ponere nec arma patiantur.
 Collige, inquam, exercitū quem hostes
 formident, qui sit pace belloque assi-

duus. Continebit hic terror ciues in fide; amicitias, & hospitium externorum tam vetera firmabit, quàm noua inueniet. Ciuiles enim motus, aut ambitu & coniuratione paucorum Optimatum inserpunt; aut quod est rarius, vno cōsensu furentis vulgi constant. Nihil verò in vtrumque hunc Reip. morbum salubrius aut efficacius est eiusmodi armis. Sunt enim nobilium factiones in initiis, ac veluti cunis, timidæ debilesque; Vt si in promptu, & sub pelli-bus miles sit, opprimi cum dignitate possit malum; & mehercule ita impetu tanquam sitiienti fulgure hi fontes exhauriri, qui, si pateris, mox nescient ripas. Sin verò populari tumultu præcipitata infania (quod quia interdum æuo maiorum contigit, prudentibus semper timendum est) innumeras manus armabit in Regem; nihil in hoc incendium remedij, nisi firmas legiones, & assuetas disciplinæ, mōstro illi obii-

cias; Plebs enim impetu solo valens, quantumcunque multiplicatis cohortibus impleat campos, par illis nunquam erit qui sciunt furentes eludere, seruare ordines, obsequi duci, locum castris & pugnae eligere. Ita in omnem partem, tutandae regioni, & vel auertendis vel premendis furoribus, utilissimus miles est, qui non quaerendus, non formandus, sed hostem inter stipendia expectat. Illae copiae & quocunque perrexeris securum te praestabunt; & si populi motu, vel defectione nobilium ex munitis ciuitatibus arcibusve vlla a te secesserit; inde recentem, & adhuc dubiam prodicionem confestim excutient.

Gentibus autem externis quanta aduersus te reuerentiae causa, haec succinctae & ad nutum legiones? Suam pacem ex te pendere intelligent; non inultum laedi posse, non despici; Sedere te veluti fortunae ceterorum Re-

gum arbitrum, in quorum custodiam paria arma non fulgeant. Gentem nostram famâ celebrari compertum est, tanquam indole suâ pronam simul & utilem bello. Quanto magis, si ad naturam institutio accedet; sciëntque tui hostes non tyronum apud te, sed veteranorum esse delectum? Neque hoc tantùm ad famam est. Ipso successu experientur qui te laceissent, longè aliud esse conscriptum nuper militem in aciem statuere, aliud egregios viros, & qui annos non plùs ex fastis quàm stipendiis suis numerent.

Num denique eâ fide, eo ardore, recens adacti ad sacramentum pugnabunt, quo illi quì inueterato affectu, non plùs militum quàm familiarium instar, tuentur Principem assuetum alimenta & veluti spiritum dare; & cui non hoc tantùm illos bellum, sed vitæ totius fortuna coniunxerit? Haud omiserim, vt corpora omnia, ita militiam

ex suorum veluti artuum vigore & officiis constare; & solo experimento deprehendi num quis ad hanc disciplinam natus sit. Nonnullos valetudo, alios animus deficit; quæ vitia habitus corporis, & species frontis sic obtegunt, ne præter experientiam quicquam sit quo argui possint. Igitur in perpetuæ militiæ tyrocinio, utque sic dicam, in pace castrensi, maturè, nec periculoso tempore, se hæc labes aperiunt; statimque de corpore exercitus eluuntur, vel correctis disciplinæ vitiis, vel missione denique mulctatis. At in repentinis armis, cum implendæ cohortes sunt, cum inexpertis & obuiis cingulum datur, sæpè nescias virum an statuam adornes; Ut nouum exercitum ab explorato differre existimem, quod nauem quæ probatis trabibus est compacta, ab eâ quam intempestiuè excisæ arbores, & omnia non pensatis vitiis ligna componunt.

At sumptuum ratio est habenda; graue tot Centuriones, tot milites ex alienis laboribus viuere. Scilicet egregiâ curâ timemus, ne non hostis, cûm sæuiet, plenas domos & opulentas inueniat. Repetamus memoriâ vastitates, peculatus, exitia, quibus ciuiles discordiæ arserunt. Quot annorum stipendia, quæ aluissent obstiturum his malis exercitum, paucorum mensium furor consumpsit? Adde vim corporibus factam, subiectos rectis ignes, & cætera quæ in eiusmodi turbis impunè sunt. Vili medijsfidius has iniurias populus redimit, si perennium legionum præsidio se tuetur.

Dunalbius ciuiliū rerum scientissimus erat, naturâ & institutione factus ad gerendam rempublicam. Is igitur ita differente Eurymede, sæpe frontem, & oculos mutabat, nunc quodam assensu, nunc modestis repugnâti animi signis; gaudebâtque Meleander sibi ex

diuersâ sapientiâ licere quod vtrîmque optimum esset colligere. Cùm vix ergo fuisset Eurymedes, ita Dunalbius Rege admonente exorsus est: Nisi Eurymedes ex suâ fide cæteros æstimaret, nunquam tantum tribuisset militibus, vt non modò in vsu eorum, sed in ipsâ castrorum veluti vmbra, Principibus patriæque incolumitatem statueret. Ego quamquam infulis atque aris à militiæ muneribus exclusus; quia tamen hîc agitur, non quid nocere arma mortalibus, sed ecquod ipsi paci præsidium possint afferre, non verebor dare quid sentiam. Tibi verò non tam repugnabo, Eurymedes, quàm de iis quæ ignoro vel dubito interrogabo prudentiam tuam. Nunquam mihi placuerunt, qui in futuros morbos firmo corpori medicamenta infundunt; sollicitantque sopitas ægritudinis causas, nec tempore vllò peiùs quàm inter eiusmodi luctam succensas. Quot mala,

quot funera vidimus hominum per
eiusmodi medicamina incitantium re-
sides & veluti oblitos nocere humores?
Atqui illis penè similes puto qui placi-
dis rebus quærunt in futuras tempesta-
tes formidolosa remedia, quæque am-
biguo exitu possunt rectâ Reipublicæ
valetudinem tam perdere quàm serua-
re. In dubiis autem illis plerisque peri-
culi remediis, maximè armatorum fre-
quentiam pono. Nam si armis milites
concrepabunt, si superbia, vel furor,
obsequium excutiet, longè illis pacis
consilia, longè mens ducum qui eos
tumultibus arcendis coëgerant.

Turmæ, cohortes, sub Centurioni-
bus atque Tribunis, scis quàm validum
corpus efficiunt: Vix tamen aut pos-
sunt suas vires agnoscere, aut in super-
biam quam illa contemplatio insi-
nuat labi, dum hostis submouet ociû,
habentque quos lacerant aut timeant.
Ast ubi suis viribus pacem fecerunt,

nemóque nouo discrimine interpellat
 victoriæ memoriam; tunc ceu Regi aut
 patriæ exprobrét operam suam, secum
 expendunt quantum pugnando effe-
 cerint: Vnos se suis ciuibus salutare;
 In se translatum rerum arbitrium,
 patriæ quoque & Principis fata. Hæ
 non statim, & vno agmine cogita-
 tiones obueniunt; Sed paulatim, tem-
 pore, contubernio, usu; Quasi aliam à
 cæteris rempublicam faciant, in sese
 coguntur: ocio deinde lasciuiunt,
 quod quantum fortitudini adimit,
 tantum addit proteritiæ; Mox si iustis
 præmiis non putant se excoli, si conti-
 nuò obsequiis non placantur; feruent
 animis, intumescunt, indignantur sua
 arma non timeri. Quid cum à suis du-
 cibus, cum à factiosis sollicitantur; cum
 cupidis mentibus ingeruntur maiora
 stipendia, præda, tumultus, peccandi
 licentia? Dij hostibus tam enorme exi-
 tium! Nam non putem, quod dicebas,

Eurymedes, ideo Regem iis esse char-
rissimum, quia ab eius ærario stipendia
habent. Multò illis potiores Præfecti:
tum quòd ab illis ad militiam delecti
sunt; (tanquam ideò stipendium non
Regis, sed eorum sit gratia:) tum quòd
illos de suo corpore duces, & militaris
potentiæ vindices amant; Sed maxi-
mè quia plerunque sub illis licentior
militia quàm sub Rege proponitur.
Sed & omnibus copiis in mediâ pace
semper armatis, an præficies vicarium
vnum, an per partes iure æquali lega-
tos miles accipiet? Si plurius munus
hoc facies; non sibi constabit disci-
plina; contendent inter se æmuli du-
ces, & per iurgia ducum infestus labo-
rabit exercitus. Sin potestatem vni
credes; quis ille cui tantum ius in te
concedes? In eius manu erit vt regnes,
vt pereas. Ille vim imperij, ille nervos
potestatis cùm tenere se cernet, an par
stimulis erit sollicitantibus integra-

tem suam, & quid possit superbè momentibus? Vtinam saltem huic tuo Eurymedi similes semper sint quibus Reges suas fortunas tradent. Quamquam nec illum velle existimem tantæ inuidiæ potestatem subire. Scis quibus olim Regibus haud absimilis consuetudo sceptrum abstulerit; qui dum Præfectis palatij castra committunt, sensim omni in ciues & milites iure exuti sunt. Iis qui prudenter condere regna aut stabilire student, hæc duo videntur præcipua; primùm ne populus in Principem facilè possit insurgere; deinde ne si obsequij vincula emolietur, habeat duces idoneos, qui vagam, & inconditam insaniam certiori auspicio, & militiæ vinculis firment. Vtramque cautionem interuertimus hoc statæ perennisque militiæ consilio. Quantum enim distabunt à populo tot illæ cohortes, tot omnis fortunæ homines, quibus tela vtrò conce-

dimus? Quicunque in populum cadere possunt motus, valebunt in istos; sed eò procliuius quòd irati nihil prius videbunt quàm datura fiduciam arma. Iam verò præsentio rem inquietis studiis ducem nulla fortuna obtulerit, quàm hunc ipsum cui iusseris imperiũ esse in castris. Cui enim tot ad defectionem vrgentibus rebus, animus ad fidem supererit? Mens potentia conscia, & regij fastigij dulcedinem delibans, adulantium vota, cinctum fortibus viris latus, multa obtegendæ culpæ occasio; & si secus vota ceciderint, at excusabilis in multitudinis peccato audacia; nec ruinâ partium expectatâ, propè ex æquo conditiones cum Rege adhuc de victoriâ dubitante. Fac tamen Præfectum hunc summum, seu naturâ seu virtute abominari motus, fortémque in vitia, nunquam à sui statione recedere: Quid tot sub illo duces? Nullus ex iis tumidus, præ-

ceps, vanus? nemo fortitudinis famâ,
 & audaciæ ingenio militibus charus?
 Mitte inanes spes. Nunquam illis cla-
 dibus deerit qui signum attollat.

Sed hæc scilicet quæ præfagio in-
 commodâ, demum timenda sunt, si in
 iisdem habitet castris omnis exercitus.
 Tu verò occurre tempestati, spargés-
 que in varias sedes vastum hoc corpus;
 ut nec sub vno aspectu positi seipso
 mirentur, nec furoris contagione de-
 sæuiant. Quò igitur diuisos dimittes?
 Nempe in arces, aut oppida distri-
 buentur. Vide porrò utrobique quàm
 commodè. Arces quidem ut iusto præ-
 sidio obtineri consultum est; ita illæ
 multitudinem armatorum sæpè non
 capiunt; desinuntque præterea esse se-
 curæ, postquam tot oculorum tantæ-
 que frequentiae commercio sunt vul-
 gatæ. Num enim tanquam in carcere
 tot illic milites conditos habebis? Num
 ad illos amici non ibunt? quid coniu-

ges? quid necessitudines? quid lixæ, & calones? At in oppida potiùs tanquam ad perpetua hyberna copias tuas mites. Nescis quippe quàm malè militibus ceteroque populo conueniat. Quod est exermibus ciuibus, & ad sua opera intentis, in bello ægerrimum, id in pace continuo fastidio ingeres, vt alienos, vt armatos suæ domi aspiciât, vt militaribus moribus templa & fora strepant, ipsi denique lares placidos mores mutent? Querentur omnes de onere, mentes à te dissentient: & cùm volent deficere, quantillum sibi ad incommoda putabunt accessurum iam molestissima ferentibus, tributum atque præsidium? Sed nec ita reuulso diuisoque exercitu constabit vtilitas quam monstrabat Eurymedes. Nam intra oppida nec seruari poterit castrensis disciplina, nec tyrones eo in ocio probari, & ad martem institui. Ipsi quoque veterani languore & defi-

diâ confecti in vrbibus iacebunt, & præter militare officium mollientur in curis & consuetudine familiæ suæ; Affueti deinde extra laborem ferre stipendium, multò ægriùs à suâ quiete auellentur ad pericula, quàm si recentes conscribas, & qui sciant de Regis ærario se nisi in opere & militiâ non victuros.

Cum his Dunalbij argumētis respondisset Eurymedes; & ille vicissim pro se pugnasset; Meleander sic commissos conciliauit, ea probando quæ vterque in aduersâ laudabat sententiâ; Immodicos exercitus noxios esse. Ultra præsidia tamen quæ in necessariis excubât arcibus, curandam esse classem; & viginti trifemibus obtinendam Sicilia oram; quarum aliquæ sint in mari, aliæ in præcipuis portubus expectent imperium. Ad hæc plures deligi Prætorianos oportere; partim ex egregiâ iuventute, partim ex illis qui diu sub

signis fuerunt. Hos posse ad octo milia conscribi. Dimidiatæ copię semper Regem comitentur ; vt miles sex mensibus domi , reliquum annum degat in castris. Ita enim , nec disiunctis ad validam seditionem vires fore ; nec longâ & superuacuâ in penatibus morâ abituros à milite. Ipsi qui aderunt Regi, non confusis castris habitent. Militem seorsim vel castra, vel oppidi regiones sortiantur , in quo Rex erit. Nam ciuibus illis qui commodis ab regiâ apud se familiâ & comitatu superfluent, ægrè esse non debere si veluti in contubernium Prætorianos excipient. Larga illis & nunquam dilata stipendia ; rigidior quoque parendi lex. Proteruiam, furta, lasciuiam, grauiter luant. Et ne in ocio deteriores sint, militari labore incitentur ; Nunc coram ducibus ad præmium, hastam aut iaculum mittendo ; Nunc cum armis iter ingredi iussi ; ne expeditionem in

hostes tanquam laboriosiora imperaturam formident. Nemo in illis Centurio, nemo Tribunus, nemo qui ordines ducat, nisi quem Rex ipse delegerit. Bis mille sint equites; Cæteris iacula, pila, farissæ, diuidantur ex militiæ usu. Hac manu & subitos motus opprimi posse dicebant; & si maiores copias res desideraret, tyrones erudiri. Neque Eurymedes se plura censuisse asseruit; aut pauciora Dunalbius; Nisi quòd sub imminente à Sardiniâ bello, addi aliquid militum numero omnibus visum.

Meleander hac parte curarum in Eurymedem translatâ, ad alia animum adiicit. Supra omnia de Argenide sollicitus erat. Hæc insons, & in quâ, præter inuidiosas dotes, nihil nimiû esset, tamen causam tot fluctibus dederat. Ut uxorem illam haberet, ausus Lyco- genes omnem perfidiam, non statim, neque incruento bello perierat. Radi-

robanes successerat furoribus, adhuc incerto exitu. Nec deinde defuturos putabat, quos virgo eximia, & dotale sceptrum accenderet; nisi in vnum collata fœlicitas componeret cæterorum cupiditatem. Neque parum extincta Selenissa, & Theocrine tamdiu latens, occupabant anxiam mentem. Tandem penitus sedit animo, filiam in matrimonium collocare. Pacandis tot motibus id restare remedium. Iamque non generum modò, sed & nepotes cogitans, ipsâ oblectatione incitabatur ad dulcissimum votum. Sed quem illi fortunæ deligeret? Nemo in vicinis gentibus regij gradûs erat, cuius ætas nuptiis conueniret. An autem opus est, inquit, inuenire ad hæc fœdera solum & purpuram? Tanquam regna, non homines copulentur hymenæis, aut filia meæ sceptrum aliud quæram, non virum? Imò nostri maiores sapientissimè lege cauerunt, ne qui quæ-

ve Siciliae imperabit, sibi nuptiis regnum adiungat quod Siculo sceptro sit fortius atque splendidius, ne relicta à Regibus patria in illius potentioris provinciam mutetur. Satis est sibi Sicilia, ut Principes suos alat; & filiae meae consulero, si illam in eiusmodi matrimonium dem, in quo ei coniux suus felicitatem debeat. Thracum est uxores emere. Nobilitas, indoles, virtus, sponso insint; satis opum in mea Argenide erit.

Haec pronius sibi persuadebat, diu iam in hoc consilium imminente affectu, ut charissimum Archombrotum eo matrimonio sibi heredem aspiceret. Nec credebat obstituram Argenidem; sed si tamen fastidiret, patrio iure ad obsequium redigeretur. Reliquum erat de illius stirpe rescire; Nam utcumque insigni virtutibus, tamen nouo homini filiam non erat daturus. Satis omnibus agitata, conclaue Ar-

genidis petit ; mediúsque inter Patrem
& Regem, quò facilius quæ volebat
impetraret ; Scio, gnata, non minùs de
noſtrorum cõſiliorum morâ Siciliam,
quàm nos de illius motibus queri. Audi-
ditas enim regnandi, & tuarum nu-
ptiarum ſpes, Lycogenem & Radiro-
banem ad has quas ſenſimus furias
adegit. quæ omnia præuertere potui-
mus tibi maturè virum legendo. Quid
ceſſamus tot malorum fontem ob-
ſtruere ? Mihi quidem decretum eſt,
tibi ſalutem, & meæ ſenectutis columen
parare. Nec dubito quod iure meo
poſſum, quin & tuâ voluntate facturus
ſim. Nónne parenti tuo permittis tibi
ſponſum eligere, Argenis ? Priuato, &
publico iure mihi hoc licet : nec repu-
gnare modeſtiæ tuæ eſſet. Cùm anxia
virgo ſe deliberaturam referret ; Deli-
berabis autem, inquit Rex, an factura
ſis officium tuum ? Satis morarum fuit.
Iterum quæro, gnata, an in poteſtate
futura

futura sis. Ita pro imperio loquentem Argenis reuerita, se verò futuram ficto ore professâ est. Laudauit pietatem Meleander, & osculo dato, scis, ait, te mihi charissimam. Vitam colere amplius non amo, quàm vt consulam tibi. Bene facis, quæ & patri credis & seni.

Postero die, vt fortè in horto spatia- batur, seuocat Archombrotum; &, ô iuuenis, ait, si te hostis, aut ignotus, rogarem quo sanguine ortus sis, curio- sam quæstionem habere posses suspe- ctam. Sed amicus cùm tulerim diu tuum genus ignorare, & scire nunc ex- petam; quidni me putes id non meâ magis causâ quàm tuâ præstare? Magna sunt, &, opinor, non tibi iniucunda, de quibus tecum agerem; nisi exquirenda hæc prius natalium ratio esset. Tibi ex- terno quantam fidem habuerim intel- ligis. Secreta imperij penes te fuerunt. Nec ætas, nec peregrinitas obstitit, quin omnia tibi concrederem. Et hæc

quidem merito tuo. Nam vt cætera
omittam; meum caput aquis ereptum,
quas pro me propemodum subiisti, &
occisum Lycogenem non possum obli-
uisci. Post mutua beneficia, quid gra-
uaris me ad tui generis notitiam ad-
mittere? quod etiam, ita me amet die-
spiter, tui honoris & utilitatis causâ,
nunc quæro. Perculere iuuenis men-
tem hæ preces Meleandri. Quæ cāsa,
vt enixè postularet id scire, quod tam-
diu celari haud ægrè habuerat? aut
quod beneficii genus quod sibi ignoto
conferri minùs posset? Argenidis nu-
ptiæ, quia eâ cogitatione plenus erat,
statim mentis oculis oberrauerunt,
egregiæ fœlicitatis imagine. Rursus il-
lam spem, tanquam vanam & impro-
bam, conatus excutere, verbis que plu-
quam animo compositus; Hactenus,
inquit, geminasti beneficia tua, Rex;
passus ab eo te coli cuius genus nesci-
res; Nec iam scio quid conferat tuis

rebus me impium fieri, id est, à parentis imperio recedere, quo mihi super stirpe silentium indictum est. Ne me tamen peruiacis animi accuses, quàm fas erit, cuncta suppressis regionis parentumque nominibus, euoluam. Regium mihi genus est, resque pacatæ. Neque vi aut ingratis isthuc veni, sed ex parentis iussu, tuos in mores, tuasque virtutes iubentis inspicere.

Ita loquentem Rex nouo gaudio commotus amplectitur: Et quid tibi hætenus, inquit, visa Sicilia? quid regia mea? aut ut animum, qualis tuus est, veriùs tangam; quid tibi senectus mea placuit, aut filiarum mores? Cùm ille, iam propiori spe, hæc omnia se diceret. adorare; Atqui (inquit Rex) non leuiori pretio te mihi emptum volo. Omitto occisum Lycogenem, meque seruatum. Adhuc aliquid validius fuit quo animum meum caperes; Facti mores ad virtutem, consuetudo lenif-

fima, & potissimum quod me amasti.
Non patiar à te vnquam seiungi. Si vt
memoras, & auguror, Regum sanguis
es; tibi Argenidem tanto multorum
ambitu quæsitam vltro despondeo.
Quantumcunque magnis parentibus
natus sis, non pudenda nurus erit. Su-
perest, vt tuas mihi fortunas familia-
riùs iam prodas, spondeasque te nun-
quam meos canos destitutum. Tre-
mebat nimio ictus gaudio Archom-
brotus, & quæ toto sanguine quæsiisset
sponte oblata suspiciens, incertum an
Deos an Regem veneraretur, ad Me-
leandri pedes se abiecit, tenuitque re-
luctantis vestigium. Cùmque gratiis
finem non faceret, hilarior Meleander,
& illius quoque læticiam gaudens, in
subiecti collum incubuit. Mirum om-
nibus erat qui in conspectu stabant,
quæ hæc mutua esset gratulantium
charitas. Archombroto autem præce-
pit Rex, ne eo die rem vulgaret; re-

diensque ad comites, & solito diffusior
 vario colloquio tempus modicum
 absumplit. Inde regressus in regiam,
 Archombroto iam sibi propius hæ-
 renti; Quamdiu, inquit, te fines igno-
 rari, & gaudia differes nostra? De hac
 ipsâ re, subiicit ille, te Domine, cogi-
 tabam compellare. Duorum mensium
 spatium peto, intra quos fœlicitatis
 meæ nuncius parenti esse possim, il-
 lincque digno cultu, & professio gene-
 re, huc reuerti. Meleandrum nomen
 ipsum discessûs offenderat: Et, non pa-
 tiar, inquit, te à nobis auelli, Archom-
 brote; nisi fortè fœdera nostra despi-
 cis, aut viles sumus tibi, quia priores
 amauimus. Si conditiones placent,
 scribe in patriam. Nam te ipsum non
 nunc mari fatîsque crediderim. Ar-
 chombrotus tantâ beneuolentiâ senis
 admonitus quid facere deberet, &
 quantum amare, regiam manum oscu-
 lo stringens; quicquid ille iuberet,

nihil se à præscripto recessurum asseruit.

Nondum Rex Argenidem monuerat quem illi coniugem destinaret. Cùm ergo discessisset Archombrotus, eam ad se acciuit, repetitisque quæ de necessitate matrimonij prius edixerat, addidit, se generum elegisse, quo non posset præstantior optari; Regio ortu, paribusque virtutibus; denique eum esse Archombrotum, cui in omen tantorum fœderum, seruati Regis laudem curru in fluctibus errante, & de Lyco-genis capite victoriam fata tribuerant. Hæc non sine supercilio Meleander; propriusque vim, & imperium, quàm consilium oratio erat. Comparauerat se ad simulationem Argenis; & quamquam indignata, se ignoto, se ingratis promitti, tamen veluti consilio patris accederet; Nihil, inquit, verendum hîc magis, quàm ne subitæ nuptiæ, neminique tuorum præuisæ aut creditæ, in

maledicentiam pateant ; dicatúrque Radirobanes per iniuriam depulsus, quò faueres Archombroto. Tempore aliquo est opus, quo tanta nouitas mitigetur, priúsque Archombrotus audiatur procus esse, quàm sponsus. Non temnenda Méleandro videbatur hæc ratio ; Veritus tamen ne turbando nuptiarum consilio istas moras virgo iniiceret, ita in experimentum loquutus est. Neque nihil spatij concedendum est famæ ; neque fortunæ nimis. Ex tua animi sententiâ, Argenis ; quid temporis arbitraris conuenire ? Recusabat illa loqui, non hoc suum, sed Regis arbitrium esse causata ; Cúmque pater sæpiùs instaret ; tandem ægriùs, & quasi spacium suæ vitæ definiens ; vt rem video esse, ait, duo forsitan menses suffecerint. Tum Rex penè non dubius quin filia omne id tempus sibi potiùs quàm famæ postularet ; tamen ne per omnia esset durus ; Atqui pro-

mittis, inquit, sublapso hoc tempore nihil te nuptiarum omini repugnaturam? Facio, refert illa; Neque si dii adiuuant, te quicquam in verbis aut meâ vitâ offenderit. Et id prolixius pollicebatur; quia interim adfuturum Poliarchum sperabat, qui vtriusque vitam assereret; Quòd si ille non veniret, finito viuendi consilio respiciebat ad mortis libertatem. At lætiora Rex cogitans, illius verba acceperat, veluti sub paterno imperio domantis affectus, qui antea solutam mentem incesserât. Blandè itaque compellatam, tanquam victor, & securus dimisit.

Sed illa tot malis incitata, nunquam se infœliciores cogitabat quàm in publicâ fœlicitate. Nam Lycogene victo Radirobanem nuptias suas, id est, mortem optauisse; Vix decessisse eam curam, & respirante Siciliâ sibi iam præsentiores instare ab Archombroto metus; qui ad eò fœlici ad no-

cendum successu prouectus sit, vt vel Radirobanis desiderium faciat. Ergo, inquit, semper meam, aut patriæ vicem dolebo? Ergo non molliori conditione cum Sicilia miseriis transigunt fata; quàm vt omnium cladem meo capite redimam? Hæc pompa, hic cultus, hæc frontis decora, mactationes erunt, quibus patriæ diris voueor? An Macaria Herculis, an Agamemnonis Iphigenia ero; & tranquillitas innocenti sanguine emenda est? Sed non diu me fortuna ludibrio habebit. Decumanus hic fluctus, aut tempestatem consummabit, aut victam nauem deducet. Testes dij quàm libenter nunc mortem vsurpem; nisi & te vererer, Poliarche, & Selenissa suo exitu docuisset id etiam in scelera esse remedium. Pensare deinde sollicitè cœpit an opperiretur aduentum Poliarchi, an eum literis maturaret. Plus vno mense erat, ex quo ille abierat, in tertij mensis finem reditu

destinato ; & cogitabat esse amantis
(qualem Poliarchum sciebat) præuer-
tere potiùs diem, quàm totum expe-
ctare. Constituit tamen scribere, & re-
centi impetu verba se vltro ingerentia
ita explicuit. Quamquam absum, Po-
liarche, fortè plus tamen ipso te scio
quid valeas. Nam vt sis illic incolu-
mis, certè perire hîc incipis fato meo:
quod mihi de vitâ quantillum relique-
rit, ex litteris istis intelliges. Radiro-
banes, præter regium decus, & fas ho-
spitij, turpissimum facinus ausus, quia
ei placari non poteram, mei rapiendi
consilium iniit. Nescio quæ spectacu-
la commentus quæ ad littus præberen-
tur, me illuc cum parente pertraxerat.
Tantum non auehebamur, cum pate-
facto flagitio nos in oppidum refugi-
mus, ille in suam classem secessit. Ver-
sus inde ad furias, ausus est meam fa-
mam scriptis ad patrem literis violare;
quasi te liberiùs quàm decet amauerim.

Quippe nostram familiaritatem Selenissa prodiderat; & hinc impio iuueni fuit ad contumelias argumentum. Sed pater pro me ac vero stetit. Et Selenissa quidem sponte ferro expiavit perfidiam. Ille autem malo omine, si dii quidem boni sunt, in Sardiniam abiit. Eo discessu fœlix eram, cùm me pater: (Timeo loqui, ne eum odisse incipias. Fata sunt quæ nos vrgent: his potiùs indignare, Poliarche.) Pater, inquam, me iubet amare Archombrotum. Regibus ortum dixit; mores, indolem, speciem, placere; sibi hunc denique generum fore. Ego intempestiuâ pertinaciâ timui accendere obstinatum. Satis fuit, prætextu alio spatium impetrare quo tu venire possis; vel si cessas, arbitrio meo liceat mori. Duo menses probandis nuptiis dati sunt. Intra illos armatus si aduenis, accedam ad partes; sin inermis, omne furtum tentabimus. Quòd si me destituis, tunc cùm nuptiæ

ornabuntur, omnes cultus mihi patiar
adhiberi; & vbi dexteram pater poscet
quam tradat Archombroto, dicam diis
manibus sacram esse; simulque breui
ficâ, quæ sub veste abdita erit, miserri-
mum pectus solvam. Hæc si ita con-
tingent, audi iam nunc Poliarche
ultima vota; cogita tibi hæc dici ab
Argenide in suo sanguine volutata.
Parenti meo ignosce. Satis supplicij
fuerit, quòd illicito meæ mortis specta-
culo vultus illius funestos efficiam. De
Archombroto quod placebit consti-
tuas. At Radirobanem inultum viuere
si fines, redibo ab inferis te admonitu-
ra officij. Exige à perfido turpissimi
flagitij ultionem; luat pœnas præda-
tor, quoad potuit, famæ meæ, & ex
iracundiâ tuâ intelligat quantum deli-
querit. Hanc vindictam, hunc laborem
anxiè mando; huic te testamento meo
damno. Ultione perfunctus, iube in
patrio tuo sepulchro incidi meum no-

men, & casus utriusque referri marmoribus, in quibus nostram fidem posteris probent, damnentque fortunam. Huius autem Insulæ conspectum, mi Poliarche, defugas; nisi meos cineres amabis, & sponsæ tuæ urnam admo-
uere pectori voles, aut etiam (quod dii faxint) cum manibus maiorum tuorum recondere. Ista mala, si potes, anteuerte reditu tuo; nam discrimen cunctationem non recipit. Si non potes, cura mandatum morientis, & ut me ames, viue.

Obfignatis literis, diu secum expendit cuius fidei legationem hanc crederet. Neminem habebat cuius consilio vteretur. Quippe Timocleam biduo antè in locum Selenissæ suffectam, in tantæ rei secretum admitti non maturum videbatur. Arsidadem autem vnum toties adhiberi his furtis non probabat; nè ille tot periculis lassatus, Meleandrum timere inciperet: Illius præ-

terea discessus ab Insulâ ignorari non poterat. Nemo tamen cōmodior suppetebat ; maximè quia omnium fœderum erat conscius, quibus sibi Poliarchum ipsa deuinxerat. Ergo ad se vocatum ita alloquitur. Si timerem ne me quoque defereres, Arsida, ingererem tuæ menti Selenissæ memoriam; quam proditionis stimulos ipsâ morte grauiores duxisse ideò arbitror, quia eam in remedium poposcit. Scias enim (quod utcunque ego & pater celamus) illam anum, mea cum Poliarcho secreta ad Radirobanem detulisse ; mōxque conscientix terrore afflictam, suo iudicio manúque periisse, vt vidistis. Sed tibi fidissimo viro, si viuemus, plus à nobis præmij erit, quàm huic à proditione supplicij. Spectat ad finem negocium. Expecta maiora à nobis quàm quæ tua modestia possit cōcipere. Cæterùm literas habeo summâ fide, & diligentîâ tradēdas Poliarcho. Tu fidum

hominem delige cui illas committamus. Sed da, si potes, eiusmodi, cuius tibi in arduis fides perspecta sit. Haud cunctatus est Arsidas; Et fidelio-rem, inquit, me ipso, Domina, neminem novi. Quid tam citò das mihi missionem, nondum iustam, ac nec puto ignominiosam promerito? Exequar quicquid mandaueris; Neque Poliarchus quacun-que Orbis parte nunc degat, diligenti- am meam faller.

Benè læta hac pollicitatione Argen- nis, rogabat ecquid fìcturus esset cau- sę nauigandi ab Insulâ. Pars est Italię, subiicit Arsidas, quam Latium appel- lant. In eo littore Antium prominet, oppidum templo Fortunę celebre, quod illic multę religionis est. Fin- gam votum ad Deam; Carebit suspi- cione hæc pietas. Vbi autem Siciliã ex- cessero; quàm multa longioris vię commenta sunt? negocia, curiosus ani- mus, alia denique vota. Iube tantùm;

&, si potes, quò iter instituendum sit mone. Si tibi certum est (inquit Argenis) hanc habere gratiam; moneo, mi Arsida, vt pro reliquâ tuâ sedulitate quantum potest appropere. Poliarchum habebis vel in patriâ suâ, vel huc ad nos venientem. Plus hodie audies ex me quàm tot annis Selenissa. In Gallia amnis est, quem Ararim dicunt; Is alteri cui Rhodanus nomen, committitur. Vtriusque fluministratum quâ à fontibus ad mare pertinent, paternum Poliarchi imperium est; Hoc parentes iam habent; hoc ipse deinde vnicus gnatus expectat. Vide quanto homini benefacias. Si igitur, vt coniicio, in patriâ est, ne metue errorem. Muti quoque te muri ducent ad Principem. Tu modò, quod his literis facio, hortare vt quamprimum promisso se exoluat; redeâtque non priuatâ modò virtute, sed viribus regni tutus. Antianam verò Fortunam (nam
per

per hoc littus via est) meo nomine salutata; & de tuo itinere, meaque expectatione consule deam. Cæterum gemmam hanc accipias, quam quoties in tuo digito videbis, meam & Gallici Principis salutem ex celeritate tuâ pendere memineris. Sub hæc verba ingentis precij annulum tradit, simulque ad Poliarchum codicillos. Ille audita Poliarchi dignitate hilarior, mirari tamen cœpit, quòd per tot ambages, tanquam impares nuptiæ procurarentur; donec admonente Argenide, lex Siciliae in memoriam rediit, quæ vetabat potentiori sceptro Siculos Reges nuptiis coniungi. Sat verò constabat, Meleandrum non modò ad patriarum legum reuerentiam obstinatum, sed solitum hanc ipsam sanctionem, inter cæteras mirè attollere. Tunc verò & Virginis sapientiam Arsidas probauit, quæ hactenus nec Patri, nec Siculis aperuisset interdicta consilia; & necessarium à

Galliâ exercitum esse cognouit. qui veluti in Archombrotum comparatus, hanc legem antiquaret.

Igitur & suapte virtute, & Selenissæ defectione, ad fidem incitatus, postera die iter quod dii benè verterent, exorsus est. Placidi venti tutum in Italiam pelagus præstitere. Illic mutatâ nauî, ne Siculis notisque remigibus in secreto vteretur negotio; magnæ Græciæ littora celeriter obiuit; Oscisque superatis Antium venit. Vetustissimæ religionis templum in littore erat, quod Fortunæ Maiores sacrauerant. Id ubi monstrantibus accolis Arsidas conspexit, tacitis plenus votis iam tum numen salutauit, procubuitque in arenam. Procedenti deinde ad limina ædis præstò Sacerdos fuit in candidâ veste, cui limbus erat ex purpurâ. Multam caniciem sparserat humeris, redimito laureâ vertice, manûque baculum coronatum tenebat. Ille Arsidam, adhuc

vt de viâ præcinctum, vbi vidit intra
fanum pergentem, ita comiter affatus
est. Siue exoraturus aliquid venis, ho-
spes, siue ab ijs quæ timebas iam te no-
stra dea explicuit, affersque animum
noua beneficia promeriturum, subi
humanissimi numinis vultus; illósque
vel licito sanguine, vel si mauis thure
propitia. Tum Arsidas, Quia iste cul-
tus, Pater, te Antistitem ostendit; prius-
quam deam vt mihi fauens sit veneror,
ne quid in religione peccem, mone
quo ritu me ablui, & quam hostiam
dare sacra hæc velint; An præterea in
peregrino hoc habitu Fortuna suppli-
ces agnoscat. Nam & dex facere volo;
& longam cunctationem nauigatio
opportuna non patitur. Sacerdos illicò
fontem monstrauit qui in vestibulo
manabat. eo ter oculos manúsque ab-
lueret; togam se & coronam illi interea
prompturum. Victimæ in Dex atrio
puras esse, quæ emptores expectarent,

seu quis maioribus facere seu minoribus vellet. Vade, inquit Arsidas, ô Pater, & ipse ex hostiis delige quas scis Fortunæ gratissimas; Simul dexteram porrigentis nummis aureis implevit. Dúmque ille vtilem sibi pietatem officiosissimè exequitur, Arsidas haustis de fonte aquis, cum omnibus suis ablutus est. Valuas deinde templi, & viliora donaria quæ passim pendebant breuiter contemplatus, hæsit in prisco marmore quod non longè à limine hos versus subeuntibus templum monstrabat.

*Este procul fontes, sacroq; absistite templo,
 Quis fixū stat corde nefas, aut vulnere diro
 Luor edax varios ducit per viscera morsus.
 Aut quibus exhausti non exsaturabile pectus
 Crudescit vulgi spoliis; quis longa senectus
 Visa patrū; thalamive quies pulsata pudici.
 Non iuuat, heu cæci, non limina verrere
 vultu,
 Non votiuâ tholo, non aris ponere vittas;*

Ni primum eluitur mens fletibus. Ite profana,

Ite preces, & dona suos quæ polluit author.

Non fibris pecudum, vel parui sanguinis haustu

Numen eget. Solo finxit Deus omnia nutu,

Aptaq; caruleis sinuauit corpora venis,

Quæ mistas pascāt animas. Hæc extulit alis,

Hæc finxit grauiore solo, quæ rura, domosq;

Et vastas colerent sylvas; Aurisq; carentem

Ipse etiam vitam sub cæcis condidit undis.

Quin & Idumæo sudant quæ balsama cælo,

Cinnamaq;, & syluis spirantia thura Sabæis,

Idem author rerum, variisadolescere succis

Fussit, & æthereos ramis infudit odores.

Quid tua, ceu largus Superis, nunc munera iactes,

Siue boues aris, calamos seu sternis Eoos?

Aut plenâ fers æra manu? Sua thura suasq;

Ah vesanus opes, tanti ne vendere summo

Quære Ioui, & paruo culpas obtendere fumo.

Iamque cum victimis Sacerdos processerat, & Arsidas coronâ redimitus, in

candidâ veste ante dex signum procumbens ferebat sua vota, quæque præterea Argenis mandauerat. Lactens vitula, agniquæ gemelli in victimas Sacerdoti placuerant; Hæc non operosâ securi procubuit; illos, ne capita conuiuio perirent, leuiori fato culter confecit. Extâ optima esse exclamauit Sacerdos; datisque mox sortibus, Fortunam quæcunque Arsidas postulauisset cuncta annuere. Sibi deinde quæ Numini immolauerant coxerunt; secundisque sub mensis, dum cæteri acrius biberent, cœpit Arsidas cum Sacerdote disputare de fatiis, & sortibus, Fortunæque in Orbem imperio; quia esse Philosophum de vario sermone cognouerat. Et ille ubi Arsidam sapere vidit, dignumque altiori religionum commercio; ita dicere orsus est. Quid sit quod Fortunæ nomine colimus (hospes) adco vulgus ignorat, vt mysterij sanctitatem propemodum con-

trariâ interpretatione corruperit. Fortunam appellant quicquid incertum est; Volunt autem esse incertum quicquid habet euentus humanis mentibus incognitos. Ideò leuem deam, ideò cæcam fingunt, & plus vitij numini quod colunt imputant, quàm ferrent in homine; ut nec certum sit, sapiùs ista dea ab insanis probra ferat an sacra. Si quid peccant, si quid expectationem fefellit, continuò fortuna vapulat. Exprobrant quòd malos euexerit, quòd difficilis bonis cauere videatur ne probè quid iudicet. Nec miseri vident, eiusmodi Fortunam non diuinum aliquid esse, sed superstitiosi animi ludibrium, qui sua ipse commenta per superfluas curas timet aut placat. Nam illud quod sibi fingunt numen, omnia quæ mortalibus accidunt, & fortuita appellamus, regere, & ex orantium votis disponere, aut potest, aut non potest. Si non potest; quid igitur facit?

aut quò hæc inutilis dea cui in suo regno nullum imperium? An præsidere humanis casibus illam dicas, quæ non eos præcipitare possit, non tenere, aut mutare? Nisi fortè non satis fluere possent rerum hæ vices, & veluti naturæ temeritas, absque ociosâ hac deâ, cui præter nomen atque invidiam, nihil relinquunt. Cur denique aras illi statuimus? fortèsque in hoc templo consulimus, prius nobis multo victimarum sumptu deuinctas? Infœlix superstitio est, si illie consumitur vnde nihil metuas aut expectes. Sin putas ab eâ ordinari casus humanos, qui alioquin errarent, & ex supplicum pietate distribui; iam Fortuna certè non est; modò hoc nomine cum vulgo intelligas numen, quod res humanas non consilio sed imprudentiâ sinat euolui. Vt te paucis absoluiam. Venisti Fortunam exoraturus: illi fecisti; denique litauisti. An res tuas existimas com-

modiùs esse casuras, quàm si deam neglexisses? Si existimas; ergo Fortuna temeraria non est, quæ nouit quibus indulgeri oporteat; nec inconsultè, sed ex meritò sœuit aut fauet; Id est, non est illa Fortuna quam populus facit. Sin inutilia credis hæc sacra, cur superuacuo labore nihil profuturam pietatem his templis impendimus? At (inquires) non venimus eam sortem mutaturi quæ nostris rebus decreta est; Sed tantùm quæ sit ea fors accepturi oraculo. Si sic censes; certè fateris, iam Fortunam ergo scire quid te dii mulctaturi sint, quid etiam adiuturi Cui consequitur, nihil in Orbe temerè, diisque improuisum aut neglectum contingere; Quod nec conuenit cum populari illâ fortunâ.

Vides vt Fortunam sustuli, hospes; non illam quidem quam colo, sed quam imperiti constituunt, & quæ cum summâ illa mente conuenire non

potest quæ omnia suo arbitrio constituit, quæ naturam condidit, quæ rebus causas dedit, easque perpetuò abditissimâ ratione propagat. Neque enim si ignorant in tempestate mediâ nautæ, quis finis fluctibus, quis exitus vento; ideò Ioui certum non est, solui ratem an seruari statuerit. At nec dicas, frustra nos igitur supplicare Cælitibus; & si iam olim Numini certa sunt omnia quæ nobis eueniant, vanam fore id quod futurum est deprecantis orationem. Absit hæc in deos contumelia, quos irritò aut ingrato labore nemo sibi conciliat. Quippe Iupiter cùm Orbi initium, & Naturæ leges daret, cùm seriem rerum, causasque, & euentus inter se connecteret, haud nesciuit quid esses aliquando tuâ in eum pietate meriturus. Non sunt illi nouæ hæ preces, quas hodie fundis, sed iam tum cognitæ, cùm de Orbe, de humano genere, de te ipso statueret. Tuâ igitur

pictate, tuisque virtutibus, mitescunt decreta; quæ tunc in te scripssisset, absque his votis foret quorum in animo tuo religionem prævidit; Eadem ratione, nec secura credat impietas nihil se sævitiae extorquere à diis iratis. Nam hæc tela quæ facinorosis eminent, non parasset ultor Deus; nisi quod nunc scelus patratur, iam tum futurâ turpitudine coëgisset ad has iras illius æquitatem.

Ea vis autem & scientia Iouis, quæ ventura omnia, & quicquid ignoramus, in conspectu liquida habet; est hoc quod Fortunæ nomine philosophi colimus; quia res illæ videntur nostræ cæcitati fortuitæ; licet Deo in numerato sint, suâ nostrâque voluntate præcognitâ. Vt igitur sapientiam Iouis Palladem dicimus; ut serenus, aut pluuius varia nomina habet; Ita rerum illarum administrationem quæ nobis arcana sunt, & suspensos animos te-

nent, Fortunam appellamus. Huic templum, huic signum statuimus, ut nos futura edoceat, molliâtque rerum euentus, & in salutem nostram vota admittat. quæ si ritè à nobis funduntur, iam olim valuere, nósque iuuerûnt, cùm Natura rerum omnium caufarumque semina atque legem acciperet. Hanc te (hospes) Fortunam, venerari, huic gratias habere æquissimum; Maximo, inquam, Ioui, qui consiliorum exitus tibi hætenus incertos, extorum & sortium signis, promisit pulcherrimos. Nam si qua mihi fides est, litasti egregiè. Vade securus; Vade Fortunâ nostrâ, id est deorum summo, fretus.

Prolixam philosophiam bis nauta interpellauerat, Arsidam monens intempestiuè cessare remigia. Is itaque Sacerdoti & operæ & sapientiæ gratias agens, adhuc nummos prodegit, quibus victima alia emeretur, crastino sacrificio se suosque Fortunæ com-

mendatura; & deducente ad littus Antistite, intrauit triremem. Commodis igitur ventis Latium superat; mox Etruscum stringit mare, cœnosis & insalubribus vadis ad littora effusum. Ligures inde erant, quorum sinus sulcatur; cùm haud pauca nauigia, adhuc tanquam nubeculæ, aut extantia procul saxa, in conspectum venerunt. Postquam propiùs accessere, monuit gubernator militarem speciem sibi videri; nisi fortè peiratica classis erat illam oram populatura. Nihil tutius quàm ad terram, quamuis ignotam, nauigare. Sed prærupti in littore montes obstabant; ad quos inter breuia non posset ratis accedere; neque si accessisses, viam quâ enitereris, per prærupta offenderes. Dum ergo dubitant nautæ, hærentque in vtriusque contemplatione periculi, iam eos emissæ triremes incluserant. Non deerat Arsidæ animus seipsum vindicandi; Sed

nauigantium legem huic subinde timidi nauæ monstrabant; Imminere in defensione exitium. At demissis antemnis si dederent nauem, mitioris exitûs spem offerri. Quippe si à legitimi exercitûs militibus capiebantur, parum damni deditos manere; sin prædones illi erant, spoliis certè & facilitate esse placandos. Hæc Nauæ remigésque Arsidæ memorabant; qui cùm tardiùs deditionem annueret, ipsi suo auspicio antemnas deducunt, sublati quoque remis opperientes venientium arbitrium. Vbi autem aduersæ triremes obnoxiam ratem sibi harpagine iunxerunt, placidè cœperunt explorare, qui homines, aut vnde nauigarent. Omnia nauæ simpliciter retulerunt, se ex magnâ Græciâ nauigare Massiliam, ab externo homine conductos; Arsidamque monstrabant. At ille interrogatus cùm perplexiùs responderet, scilicet quibus loqueretur ignarus,

suspicionem hostilis animi fecit. Captus ergo, & in aliam nauim delatus est, iussique qui eum vexerant, cum nauigio suo sequi. Nihil tamen vltra nocebant, idipsum humaniter excusantes, quòd eum veherent ad sui Præfecti colloquium. Haud procul prætoria nauis extra remigum operam velis tumentibus veniebat, in quam producto Arsida dux militum occurrit, datâque dexterâ Græcis verbis vetuit, ne quid durum expectaret; Sed ita est, inquit, ratio belli: Excutienda sunt omnia. Neque occupandi tantùm hostes, sed plerunque etiam ex amicis ignotisque informamus consilia. Quod si ipse ad tuam nauem iuisset, illic habitâ quæstione, nulla per me fuisset, si quò properas, mora. Arsidas in tantæ humanitatis sermone confidentiam cum sumpisset, quâ licuit cuncta professus est: Se Siculum esse; & in Galliam ad amicum ire dixit; Sperabátque se

Post hæc vtrunque verba; per varios sermones in hilaritatis speciem vultus & animos coëgerunt: hic, ne Arsidas timeret; ille, ne videretur auersari eiusmodi captiuitatem. Multa igitur audiebant inuicem, rogabantque; & beneuolentia quæ simulationis fuerat, paulatim syncerius verâ colloquendi voluptate vtrumque perstrinxit: sic naturâ mortalium institutâ vt liberalibus ingeniis sit facilis conciliatio. Et Arsidas quidem, licet captus, atque à suo cursu tardatus, tamen quod in alio fecisset in se factum haud ægrè ignoscebat; præsertim in custodiâ humanissimâ non ampliùs vnam noctem morari propemodum rogatus; Ipse verò Præfectus homini innocenti indulgebat, vt deinde amicus posset dimitti. Cùm igitur ambo sederent in puppi, & aliqua de mari, ventisque, & triremium generibus essent loquuti, tandem Gobryas (ita Præfectus appel-

labatur) blandè de Siciliae rebus, & soli
genio Arsidam percunctatur. Ille ci-
uilia strictim bella recensuit, armatum,
occisumque Lycogenem, senectutem
Meleandri, & quæcunque absque Po-
liarchi mentione poterant dici. Nam
solerter abstinebat hoc nomine, ne de
eo cogeretur apud ignotum loqui. De-
lectatus Gobryas non ignobili narra-
tione, & æquissimo exitu belli; cùm
deinde Arsidas rogaret nomen Regis,
cuius conspectui seruabatur, etiam cui
regioni imperaret, & quid sibi veller
classis armata; paulùm in se cogitatio-
ne seductus est; Nam & rependere
hospiti vicem, & suæ etiam gentis ca-
sus referre gestiebat. Itaque, licèt rara
sunt, inquit, inter nos commercia, quæ
nempe soli mercatores faciunt; de ci-
uilibus tamen malis quæ Siciliam ve-
xauere, pleraque audiueramus. Sed
mercium nulla celerius quàm veritas
nauigatione corrumpitur. Multa in-

certa, multa illis contraria quæ nunc à te accepi, nobis fama attulerat. Neque vicissim dubito quin & ad vos nostræ gentis discrimina, & veluti fata, aliquo rumore peruenerint; sed vel audaciâ narrantium, vel ignoratione libata. Quòd nisi te vererer longiori sermone conficere; non hæc modò quæ rogas exequerer; sed repetitis altiùs rebus, mei Regis cunabula, dignam historiis materiam exponerem. Sollicitauit Arsidam insignis narrationis materia; & si Gobryæ vacaret, hæc se audissimè accepturum respondit. Et Gobryas; Audies ergo rem dignam vestrorum Græcorum ingeniis. Multa enim inter nos fortium hominum facta sunt, haud illis imparia quibus nobilitantur gentes, quæ literis ipsæ se celebrant. Sed sola sunt Druidum carmina, quibus rerum fortuna nostrarum perennet: Neque illa seu lignis seu ceris impressa sunt. Memoriam iuuentutis commen-

dantur; & ex cantantium ore virtutes maiorum agnoscimus. Sed ne questibus onerem nostros mores; præstat (hospes) quando sic iubes, promissam narrationem nunc aggredi.

Regnabat apud nos Britomandes, adhuc gratum gentibus nostris nomen; bello optimus, & artibus pacis. Interfatus Arsidas loquentem; mihi Regem memoras prius, inquit, quam cui regioni imperauerit. Quamquam ex tuorum sermonibus vos Gallos esse coniicio. Rectè mones, subiicit Gobryas. Maximam Gallici litoris oram, quæ inter Alpes Pyrenæosque montes mari alluitur tenemus: Mediterranea versus, porrecti in longum, quæ Rhodanus, & supra hunc Araris nobiles amnes, pinguißimos campos intersecant, pars est Galliarum eximia. Lætus frugibus ager, & validissimo populo grauis. Obstupuit Arsidas ad Araris & Rhodani nomina, quæ gentilia Poliar-

cho flumina esse, Argenide docente cognouerat. Sed ut illū Gobryas vidit suspensio supercilio harentem; Forsitan, inquit, iam quid parem intelligis, & hæc frustra apud scientem narrauerō. Dicenim; Ecquid in Siciliā auditum de regiæ nostræ rebus? Tum Arsidas; Imò, inquit, & plures in Galliis Reges esse accepimus; & si quid de iis affertur, instar auræ vel nubeculæ est, quæ non ægrè ignaros prælabitur. Quippe antea pauci vltro citròque mercatores com-meabant; & hos ipsos nostrarum seditionum atrocitas exegit. Segnitia autem nostra est, quotquot Græcis ingeniis viuimus, ne diligentes vulgò finis in gentium factis quæ ad Septentrionem vergunt; nisi quando cum exercitu finibus vestris vos egredi fama est, & timetur publicæ libertati. Ne dubita igitur hoc quicquid est ignaro & cupido memorare. Et hæc ille dicebat; non omnino Gallicarū inscius rerum;

Sed ne Gobryas, quid is sciret nesciretve interrogando, à narrandi tenore deflecteret. Iam enim auditis Rhodani Ararísque nominibus, illam Galliarum historiam, auidius, & tanquam rem suam agens, quærebat excipere.

Tanto igitur populo (inquit Gobryas) iure paterno Britomandes imperabat; cui filius erat & ipse Britomandes appellatus; sed postquam euasit in virum, tot morbis confectus, ut animi vires continuus dolor absumeret. Duxit tamen uxorem ex cognatis fœminis vnâ, cui satis haud dixerim plus ornamenti pudor muliebris dederit, an pietas, an digna fortiori sexu prudentia. Timandra appellatur. Britomande patre elato, tanquam iisdem fati nostra fœlicitas occubuisse, omnia in peius sublapsa sunt. Nouo in Rege nihil paternum agnoscebamus, præter pietatem &

nomen. Erat inter Proceres potentissimus Commindorix, nobilitate & opibus supra priuatum; denique qualem modò narrabas fuisse Lycogenem. Is sub sene Britomande utcunque tanti Regis terrore coërcitus fuerat. Apud filium verò prudentiæ & fortitudinis opinione adeò omnia potuit, vt illius nomine ipse regnaret; multùm Timandra indignante; quæ ad patrios auitosque animos virum non cessabat impellere. Sed ille imbecillâ lenitate ingenij, omnia vxoris consilia, mox subdolè exploranti Commindorigi credebat. Nos à prosperâ sorte deiecti cui senior Britomandes regionem assuefecerat, ad bustum illius, tanquam Herois, conueniebamus frequentes; specie pietatis; re autem, de gentis nostræ more, illic captaturi oracula; si qua fors, si qui dii viam monstrarent ad Commindorigis perniciem. Hunc enim odisse in pietatis parte plurimis erat; Maximè

postquam regnandi cupiditate ardens
natum ex Timandrâ puerum (proh
facinus!) nutricis operâ dictus est con-
fecisse. Cur non eodem exitu rapta
Regina sit, haud facilè scias. An vene-
num, atque insidias, suspiciosâ dili-
gentiâ ipsa vitauerit, an ille infra curam
habuerit mulieris vitam. Supra omnia
Deûm curâ id factum existimo; qui
tyrannos sæpissimè excæcant, ut anxîâ
& superstitiosâ sæuitiâ securitatem
quærentes vera & certa pericula non
cognoscant, aut timeant.

Cùm secundò Timandra ventrem
ferret, miseræ proli timens destinatæ
priùs ad mortem quàm ingressa vitam
esset, obstetricem, & matronarum sibi
familiarium duas, (quarum alteram
haud pridem eadem Reginâ concilian-
te, habebam uxorem) maturè ambire
instituit. Ab his Regina flagitabat, ut si
marem peperisset, alieno fœtu suppo-
sito, legitimum furtò subducerent.

Illæ quandam ex agris matrem familiâs, meæ vxori notissimam, in concilium allegant, quæ puerum alere posset; Sicambre appellatur. Ea cum viro (nam & ipsius opera necessaria erat) diis omnibus deuincta rem habere secretam, à meâ vxore, dum Regina pareret, in Aulam deducta est. Nullæ nisi ex consuevis in cubiculum admissæ. Et Dij fauerunt. Timandra marem enixa est; puellâmq; regiis cunis fraus muliercularum imposuit. Quem Regina tunc fuisse sensum existimas? Pariendi angustia erant; fœtum quem tot doloribus matres emunt, pro munere ducebat eripi sibi: & sæpè audiui ab ipsâ, nihil formidolosius animum tetigisse, quàm ne infantium vagitu, aut timiditate mulierum, proderentur consilia. Quamquam tamen & curis, & morbo ægerrima erat, Sicambrem, cui infantis inter tumultum asportandi prouincia erat, submissâ voce affata

est. Per patrios deos sinete exorari ut mihi fidelis sis; ne dum alios fallere studeo, ipsa interuertat prole meâ. Nam quemcunque volueris, hunc me pro meo oportebit agnoscere. Ad hæc mulier; Dij, Regina, quos inuocas, efficere, ne in cuiusquam potestate sit, tibi hac fraude quam times illudere. Adeò corpus infantis haud vulgari aut mutabili notâ insigne est. Simul obtulit nudum; ostenditque paulò infra ceruicis exitum tanquam spicæ figuram ardenti purpurâ expressam. Eadem species in crure dextero rubebat. Et causam fœlicium macularum dederat ipsa mater, fortè cùm pedes in agro spatiaretur, subito timore perterrita ad turbinis sonum, qui ingentis campi messem cedentibus spicis percurrerat. Timandra suauissimo pignori postquam osculum tulit; Fuge, inquit, mi pupe, regiæ paternæ periculum. Fuge, mi Astioristes (ita enim de atavi no-

mine appellari te volo.) Dij faxint hos
 maturus vlciscaris, qui non sinunt
 tuam infantiam inter mea vbera esse
 securam. Iterum repetito osculo fleuit;
 Statimque receptum infantem Sicam-
 bre obuoluit fasciis; & postico ad
 id antè præparato, se ab Aulâ prori-
 puit. Tum verò in humum collocata
 est illa, quam in regij sanguinis fortu-
 nam adoptabant, puellula; & vocatus
 ad sobolem agnoscendam Britoman-
 des, cum Commindorige intrauit, sus-
 tulitque alienam prolem in sinum,
 affectu decepto; quam vbi commen-
 dauit nutricibus, solatúsque puerpe-
 ram est, diis gratias habiturus ad tem-
 plum discessit; illis quidem maiori be-
 neficio quàm credebat obnoxius.

Sicambre, cui gnati fortunam Regi-
 na crediderat, mediocris sortis mulier
 erat; quia neque apud illustres satis in-
 fans latuisset, neque tenerrimo corpori
 in egenâ familiâ satis potuisset sperari

subsidij. Illa conscium maritum adduxerat (Cerouistus nomen est) cui haud procul regiâ tradidit sanctissimum pignus, & portare molliter rogauit. Huic misericordia, & spei magnitudo, satis alumnum commendabant. Igitur diuersus ab vxore, ne quid familia suspicaretur, ad prædiû suum iuit. Agrum enim satis amplum colebat ad Rhodani ripas, nulli oppido contiguus; & sanctitatem familiæ rusticâ simplicitate seruauerat. Vbi domum peruenit, mentitus abiectum se infantem in syluæ viciniâ sustulisse; redeunti haud multò post vxori occurrit, corâque suis rogat, vt miserrimis labelis velit vbera admouere, nondum scilicet à filio ablactato arentia. At mulier, tanquam ignara fabulæ, cuncta anxie rogabat, qui parentes infanti, quod misero fatum, aut cur proiectus esset vultu tam lepidò, nihilque in eo à ratione humani corporis errante naturâ.

Is nihil se præterea scire finxit, quàm quòd in biuio syluæ, solis pastoribus, aut venatorum studiis cognito, iacuerat vel inhumanâ vel miserâ positus manu. Suscepit inter hæc Sicambre vagientem; questusque & lachrymas dato lacte composuit.

Ita cunas regius fœtus, pro claritudine quidem generis exiguas, sed vt tempora erant, fœliciter nactus, vbi ingredi potuit atque fari, cœpit in aliam speciem crescere, quàm quæ solet in eiusmodi patrum familiâs domibus videri. Viuax indoles erat, nec venustissimo corpori impar; Præcipuè Cerouistus, & Sicambre conscientia & charitatis stimulis cuncta in eo mirabantur; impositoque à Reginâ nomine, quod multorum Principum fuerat, appellabant Astioristen. Sed Reginae vix hæc tutò poterant nunciari; quam vt plurimum semel in mense Sicambre ad coniugem meam veniens furtim col-

loquij lætitiâ reficiebat. Nam homines ruri assueti sæpiùs in Regiâ cerni timebant; à consciis quoque matronis identidem admoniti, vt quàm maximè suspiciones vitarent.

Vertebatur septimus annus, cùm Regina tenendi filij desiderio victa, me, quem suæ domui Præfectum fecerat, his verbis compellauit; Non meruisti, Gobrya, vt tuam fidem muliebri leuiorem existimem. Coniugem tuam diu est quòd summi arcani arbitram habeo, & silentio quod præstitit meis rebus primam hanc gratiam referam, quòd conscientia etiam tuæ deponam meas curas, aperiàmque pulcherrimū facinus; in quo tegendo, mea; & Galliarum salus stat. Scisne, Gobrya, quid te iam velim? Nihilne te vxor rerum nostrarum edocuit? Ego præterquam quòd rei expectatione eram tactus, adhuc simplicius vultum fingebam, vt integram accepi secreti gratiam sibi

Regina habere me crederet ; & prætereā vt fidem vxoris commendarem ; quæ vtique neque rem ad me detulerat , neque tamen in totum fefellerat conuincientem aliquid magnum agi. Tunc verò Regina non liberiùs modò , sed & suauius rem totam effata est ; Quâ auditâ , nihil tam grande suspicatus contremui ; & paulatim per narrationis seriem redeunte animo , laudaui maternam pietatem , astûmque vtilem regno , cui tyrannus imminabat. At illa ; Nunc tenes quo loco sit fœlicitas mea. Tot opibus , tot honoribus culta , solatium quod priuatæ matres habent adhuc nescio. Seruemus diis volentibus , Gobrya , hoc senectuti nostræ præsidium , hanc parricidæ Commindorigi perniciem. Tantùm Superi velint , vt crescat auo quàm patri similior. Intellego nihil auspicius eius moribus esse. Vultum quidem aliquoties vidi ; dum cum sua alumna in templis ex cō-

posito producit. Quàm autem miserum credis vix cōspectum vnicae prolis tutò posse vsurpare; & penitus colloquia esse sublata? Tu sodes ad domum in quâ alitur proficiscere. Nam facilè aliquid in viæ causam effinxeris. Voluptatem mihi debitam tibi credo; eam ad me pro parte peruenisse arbitratura, si te mandatâ suauitate expleueris. Mihi deinde bonâ fide referes de indole pueri quod licebit coniicere. Fortè etiam cum Sicambre aliquid comminiscêris, quo eum sine suspitione possim perfunctoriè saltem amplecti.

His à Reginâ dictis, gratias, vt oportebat, egi, quòd in tantis arcanis meâ præcipuè operâ vti vellet. Sponte eram à Commindorige auersus; & hac tantæ factionis dulcedine, facilè pericula contempsi, quæ illa spes, & conscientia, afferebat. Igitur postero mane egredior in agros, monstratamque
à rusti-

à rusticis viam tenens, ad villam peruenio; Cuius ambitum postquam intraui; in areâ, quâ rustica armamenta cum aratris iacebant, video puerorum aliquot chorum, inter se simplici temeritate ludentium. Propius ego accessi; si in illo fortè cœtu itineris mei causam offenderem. O hospes! Non authore, non indice illic opus. Tot heroum scilicet stirpem satis efficax natura monstrauit. Alij rustico vel puerili metu diffugiunt; aut timidè pectore toto auersi, me reflexis intuentur ceruicibus. Restitit ille, nihil territus inassueti hominis vultu. Arcum habebat ætati & viribus parem; cui in terram statuto innixus me opperiebatur. Firmus, & liberalis, totius corporis gestus. Sufflaua cæsaries, & ipsâ negligentia opinione melior. Sparsa enim non ceruicibus tantum, sed per incensam ludendi impetu frontem iacebat. Oculus inter iubentis mulcentisque

aciem; os, supercilium, genæ, qualia in Cupidinis signis aspicimus. Ego subitâ veneratione exhorruï, & breuiter deos precatus, vt suis donis fauerent, timui tanquam puero priuatæ sortis loqui. Sed ne scenam turbarem, ex equo tantùm desilui, rogauique quid parentes agerent, aut ipse valeret; Ille patrem cum familiâ ruri opus facere respondit; matrem verò domi esse; eamque se, si iuberem, prouocaturum. Facies verò, inquam, suauissimè, puer, & nisi molestum est, ego te quoque ad fores comitabor. Ducere ergo cœpit, rogatusque per iocum in quas feras suo arcu vteretur; prorsus innocenti ingenio; Nondum, inquit, mihi lupos insectari cum nostro Sticho & Ambirino, pater concessit: In annum adhuc vnum distulit operam meam; & multum tibi debebo, quisquis es hospes, si numerum dierum mihi referas, qui annum constituunt. Iam enim ali-

quoties sensi me, quia puer sum, nec
spatia temporum noui, eiusmodi pro-
missis esse frustratum. Risu ego plenif-
simus; frustra, inquam, hoc rogas.
Nam nec memoria tibi sufficiet tanto
tempori obseruando quantum à me
destinari efflagitas. Imò (refert) mihi
dari calculos vellem numero dierum
pares. Reponam in abdito, eximam-
que quotidie singulos, vt cum anno fi-
niantur. Amplectebam animo pueri-
lem solertiam, Vestigia autem ex com-
posito premebam, vt diutiùs lepidissi-
mâ contemplatione perfruerer. Sed
Sicambre, nescio vnde admonita esse
aliquem qui suo filio colloqueretur,
foras exiuit; &, vt tanto deposito ti-
mebat, vultu sollicitudine vario ad nos
delata est.

Vt verò me agnouit; dubia adhuc an
scirem cuius stirpis puero loquerer, aut
quæ omnino fortuna mihi ad se viam
præiisset, me recepit sub tecta, perplexè.

de causâ itineris rogando, & quid mea coniux valeret. Sed postquam confestim, risu inter dubia verba pendente; multum est, inquam, quòd de vxore meâ querar, nisi in te recipis crimen, faterisque te magistrâ eam didicisse quàm altâ taciturnitate simulatio ob- eunda sit. Neutri quidem, quòd iam pupum istum noui, habeo gratiam, quæ peruiaciter siluistis; Sed ipsi Regina cuius iussu vos inuiso; tecum quoque exacturus, quâ commodissimè ratione ipsa implere auidum pectus eodem solatio possit. Nam quòd aliquando in templis eum videt, parum est ad desiderium matris. Vult amplecti, vult loqui, mentem denique saltem semel satiare propiori dulcedine. Sicambræ facile fuit excusare silētium. gratulata deinde est, quòd Reginâ profitente ad hoc secretum peruenissem. Denique haud vnicam viam monstrabat, quâ Astioristes ad ma-

trem duceretur : Sed omnia suspiciosa erant , nec placebant ipsi auctori. Diu cunctati, nihil tutius habuimus , quàm vt Sicambre, vt pote sæpè apud coniugem meam visa, in agrum qui sub vrbe mihi est, veniret cum puero ; Et Regina in campis spatata, vmbra quæ in prædio meo læta est , optare se diceret; mórque in secreto conclauis non turbatos , non suspicionibus obnoxios amplexus, daret Astioristæ suo.

Tempore igitur cum Sicambre constituto quo ad prædium meum veniret, rursus cum puero iocatus sum, varium specimen futuræ mentis eliciens: Vlnis denique implicui meis tam graui imperio (modò dei æquo fauerent) debitum Regem. Secundum hæc, à villâ in proximum oppidum discessi. Illic exactâ nocte redeo ad regiam. Timandræ cùm singula referrem, solum hoc graue erat, bidui adhuc moram promissæ fœlicitati intercessuram esse.

quo elapso, cum omnia processissent, venissetque Sicambre cum alumno, adfuit & Regina tam exiguo quàm fas erat comitatu; & paulisper in hortis spatiata, velle se in conclavi acquiescere vxori meæ dixit. Ducitur ergo in thalamum secreto quod agebatur aptissimum, vnde loquentis vox non excipi posset. Tum omnibus præter conscios, tanquam Regina somnum peteret, dilapsis; Intromittitur ex vicino cubiculo fidissima Sicambre, applicitumque Reginae genibus filium tradit. Concesserat Regina vt adessem; sed quæ vidi, quæque audiui, nullis verbis, nullâ diligentia, dignè retulerim. Adeò læticia, pietas, dolor, flendique, & amandi suauitas, omnem modum in Regina excesserat. Longo singultu vocem, & cæterorum affectuum impetum premens, tandem in puerum inuadit; & penè ad vtriusque pectoris liuorem ligat amplexibus. Nec in vno

habitu durans, nunc illum paulisper submouebat, quò vultum, oculosque & totius corporis statum liberiori obtutu suspiceret; nunc subitâ vi amoris repetebat brachiorum vincula, & tot bonis quæ in puero mirabatur osculum dabat. Quasi sua essent hæc ipsa quæ cernebat in prole, iam tumidior videbatur; iam, opinor, ultorem hunc destinans, incipiebat Commindorigem præcipiti voto despicere. Rursus amor, ipso furto incitatus festinanter suâ felicitate fruebatur; simulque cogitatio recessuri mox gaudij insanientem cogebat in lamenta. Quid multis? Nemo nostrum tam altæ & miserandæ pietatis spectaculo non lachrymas dedit. Sed intererat nescire puerum quantus esset. Nam nec silentij fidem promittebat hæc ætas; & si illa immaturè emersissent, certa erat à tyranno perniciēs. Itaque inter blanditias quas gnato Timandra ingerebat, nulla ver-

ba adhibuit, quibus is sciret, vel Regi-
nam eam esse, vel matrem. Sed percul-
sus specie exultantis gementisque mu-
lieris, in assuetis præterea osculis fati-
gatus, cùm denique illachrymari om-
nes videret, aliquantulum fleuit. &
nescius cuius in amplexibus esset, eam
tamen veluti iubente naturâ breuibus
vlnis cinxit. Sed illorum simplicitas
annorum, longæ curæ aut prudentiæ
exors, facile ab eâ intentione se subdu-
xit. cultûsque Reginæ, quales antè non
viderat, cœpit puerili contemplatione
lustrare. Lectuli præterea, & stragula,
tum quicquid ornatûs in cubiculo erat,
omnia oculis illis noua, per singula
euntem morabantur; Vt nos quoque
tam innocenti ludo in amorem & pie-
tatem rapti, illius oculos atque gestus
dulcissima imitatione sequeremur.

Dum his rebus abripimur, interim
hora effluxerat, neque oportebat Re-
ginæ comitatum aliquid nostrâ morâ

susplicari. At illa non auelli sustinebat à filio, donec spe reditura læticiæ sibi imposuit, & ingenti suspirio concussa auertit se à puero, eúmque abduci imperauit. Spes autem ea erat. Volebat me cum comitibus aliquot, mei tamen consilij ignaris, ad domum Sicambres peruenire, seu venationis specie, seu quid aliud videretur commodius, illicque Astioristæ indolem atque formam impensè laudare; eum denique à parentibus palàm petere, quem domi alerem inter vrbanas disciplinas. Non enim eum agris videri aut solitudini natum. Oportebat deinde reluctatam aliquandiu cum viro Sicambrem consentire. Post hæc puer adducendus in urbem tradendusque coniugi meæ erat, tanquam ad ministeria illam ætatem decentia. Sic illius moribus eramus præfuturi; & ille non tumultuario aut breui conspectu Reginam expleturus.

Sed illa, mi hospes, consilia, atrocior fortuna peruertit. Vix enim ab eo colloquio triduum erat, cùm Cerouistus ille Sicambres vir intrauit nostrum limen vestibus scissis, omnibúsque summi doloris indiciis funestus: Utque me vidit, nihil dissimulato planctu verberans vtraque manu pectus. Dij, inquit, nos perditos, ô Gobrya, voluere. Astioristes nocturnis grassatoribus præda, an, aut vbi viuat, incertum est. Abuexit hunc proximâ nocte armatorum violentia, qui spoliatis penatibus meis subiecere denique ignem. Neque nostra tantùm tecta hæc pestis consumpsit. Acta est præda ex vicino omni agro; Et ego illi turbini superstes, non potui vestigia seruare impiorum; quia celeriter trans Rhodanum aliquot scaphis delati sunt. Quid verò me facere, quóve conferre, nunc auctor es?

Hæc narrante Gobryâ, penitus Arfidas, tanquam in cladis & iacturæ

parte esset, expalluit; indignum fuisse
 facinus proclamans, subindèque in-
 terrogans, an sic puer periisset. Quippe
 maiora de eo expectabat; nec à nego-
 tiis quæ tunc curabat aliena. At Go-
 bryas; Multò, inquit, frigidior ad
 nuncium illud fui, quàm te nunc,
 hospes, video esse. Segnem tamen esse
 non fuit tumultuarij malì præcipi-
 tanda curatio. Itaque homini impe-
 ravi, vt inutilem gemitum paulisper
 supprimeret, mihi quicquid contigerat
 prolixiùs memoraturus. Auditis om-
 nibus, varia animo versabam; vnde
 prædones essent; consultòne incidis-
 sent in puerum; quâ celeritate, quâ
 manu persequendi; denique an deferri
 ad Reginam hæc clades deberet. Sed
 hæc postea commodiùs narrauerò.
 Video enim ad cœnam tempus esse,
 quam corrumpi iam aliquoties mini-
 stri monuerunt. Atqui, refert Arsidas,
hilarem conuiuam non habebis, nisi

me ab hac sollicitudine absoluis; quo
successu dolueris, quódve Reginae sup-
plicium de prædonibus datum. Paruit
Gobryas flagitanti; raptimque edo-
cuit, nihil se aut Reginam ad luctum
aut diligentiam reliquisse: quamuis &
secretò gemebant, & prætextu alio
quærebant in latrones. Cæterùm raptò
puero nihil in iis fuisse auxiliij. Nam
neque repertos qui eum obuexerant;
neque superfuisse vestigia quibus ipse
ulteriùs quæreretur. Ergo Reginam
hoc quoque tunc facinus ascripsisse
Commindorigi; ita meritis qui per
scelera viuunt, vt non suorum modò
facinorum, sed & interdum alienorum
infamiâ laborent. Postea liquidius esse
rescitum, prædones in Allobrogum
montibus, quò minore inuidiâ in alie-
no solo quàm in patriâ peccarent, factâ
manu Rhodanum transiisse; spoliis
deinde onustos, postquam in suam
ripam relati sunt, diuisis manubiis

agmen soluisse, ne multitudine proderentur. Ita periit scitissimus puer, inquit; & propemodum in amissi desiderio mater.

Adhuc confusior Arsidas; Videor, inquit, magni ædificij apparatus somnio conspexisse; quod postquam artificum manibus creuit, marmoribus & picturis insigne, ut hominum me à somno excitantium plausu perierit. Sic posteaquam puerum seruauisti; postquam perduxisti ad annos quibus promitteret se non frustra seruatum, subito eximis nobis. Sub hæc verba, asperius intra se indignatus, ridebat tacite imprudentiam Gobryæ, qui tot verbis tantam scenam apparasset, in quâ nihil deinde ageretur. Nec Gobryam latuit hominem esse commotum. Itaque ut hospiti vultum restitueret; Si hilariter, inquit, cœnas, reducam deinde puerum; matrique sistam incolumem: Mutatus ad hæc verba est Arsidas, qui

altiori spe, quàm Gobryas credebat, rei exitum fœlicem optauerat. Cùm verò se ad mensam componerent, excusauit hospiti Gobryas, quòd in medio lectulo accumbere iuberet ex Druidis vnum. Ita Gallorum religionem ferre, vt hoc hominum genus siue in scenis siue in conuiujs honoratissima occupet. Supra hunc vatem Arsidas; infimo Gobryas loco accubuit. Conantibus multus sermo de Druidis fuit; dubitante Gobryâ, vtrum plus Arsidas scire, an narrare vates vellet. Qui vbi se non in Gallicis modò sacris regnare, sed disceptatores litium esse, totàmque ab suis præceptis iuuentutem pendere memorauit, magnam quoque apud se poëseos, tanquam diuinissimæ artis curam esse, lentis & grandibus verbis monstrauit; in eo sermone diutiùs hærens, vt aliquid rogaretur recitare. Quod vt Arsidas sensit, coëgitque volentem, retulit ille versus, à se non

pridem, vt aiebat, constructos; quibus
deorum æquitas celebrabatur, qui diu
lædi se passi, tandem ex dignitate de-
sæuiunt.

*O fontes animæ, quarum vesana laceffunt
Facta diu Superos; lentū ne spernite Numen,
Ne misera, tardoq; graues examine pœnas.
Sera licet sint tela Ioui, nec protinus omne
Ad scelus armato turbet sua sydera nimbo;
At vigili stat mente memor; pœnâsque me-
rentum*

*Annumerat Nemesi iustâ Themis ardua
curâ.*

*Hinc lethi innumera facies, & funere peior
Mens ægra, atque altæ diuulso in pectore
diræ.*

*Hinc nulla fluuiis ripæ; & vectricibus undis
Spumeus in medias Triton venit altior vrbes.
Quid memorem versis exutos messibus agros;
Vëtorum seu vulsit hyems, siue agmine sædo
Densus aper strictis effodit pabula rostris?
Quid cūm sæua lues circū tabentibus auris
Inspirat celeres per membra furētia mortes?*

*Aut pater armipotēs mediis incendia fundit
Gentibus, & saturas restinguit sanguine
flamas?*

*His Superūm vindieta modis (ne tarda
queramur*

*Supplicia, & faciles violari crimine diuos)
In meritas seuit gentes, & secula cunctis
Exhaurit fatis. At nos miserabile vulgus,
Ignari quæ tela sonent, cur turbidus æther
Æstuet, unde anni fragiles, & rara senectus;
Naturam, & cassi damnamus corporis artus,
Fortunæq; vices. Nihil heu Natura, nec artes
Peccauere deūm. Sed nos cunctantia fata
Vrsimus, & cæcas peccando accendimus iras.*

Cœnâ, vt bellum & maria ferebant,
elegantè exhibitâ; Tempus est, ait Ar-
fidas, scrutari omnia trans Rhenum; &
ex latebris Principem vestrum exime-
re. Tum Gobryas; Strenuè factum à no-
bis; & tunc omnia frustra cesserunt.
Quatuor totos annos amissum defleui-
mus. Quinto anno necessarium in Al-
lobrogas bellum fuit; quòd de finibus
disce-

disceptarent, imminerentque felici
viciniæ. Parum interest illius belli ca-
sus te scire; præsertim quæ tumultua-
riis & obscuris manibus gessimus. Vna
fuit acies iusta, quâ profligati Allobro-
ges castris quoque exuti sunt. Noster
exercitus diues prædâ, vix captiuos ca-
piebat, vix spolia; torquibus armillis-
que ex auro (vt mos Gallorum est) in
illâ strage innumeris. Tres fuerant Al-
lobrogum Reges prælio illo fusi: Inter
quos famâ & dignitate præcipuus
Aneroestus appellabatur: Cuius ten-
torium dum victores despoliant, qui-
dam miles in illius vestibulo adole-
scentulum egregiæ venustatis conspi-
catus, ceterâ prædâ neglectâ, eum ha-
bere concupiit. Is maioribus quàm pro
ætate spiritibus gæsa quassabat, abnue-
batque se viuum capi posse. Nec vio-
lare tenerum corpus miles sustinuit;
sed sodale aduocato circuiuit pugnacis
pueri terga. Ita vix demum lacertis

occupatis, à frendentis manibus tela excussa sunt. Videbantur indignæ vinculis manus. & fraus ab liberali indole timeri vix poterat. Si itaque promitteret non fugere, pollicentur nullis seruitutis notis astrictum, comiti quàm captiuo similiorem secum iturum. Is vultu tantâ clade non deiecto, haud se diis repugnaturum dixit, quibus sua captiuitas placuisset; nec seciùs fidem quàm antea libertatem culturum.

Non sine numine deûm fuit, quòd tantopere militibus puer placuit. Abuehere iam volentem; & inuidiam timentes, non à multis eum conspici passi, iam non procul vrbe regiâ aberrant, cùm in me inciderunt. Si qua fides, stupui in adolescentuli vultu; illósque auidissimè percunctatus (nam nec mihi erant ignori) vnde hæc prædâ, & an venalis esset. Retulere hunc se inter captiuos eximium, Commindorigi donum seruare. Credo veritos ne

illū mihi deposcerem, obiecisse Commindorigis nomen. Scis Gallorum sagula totum corpus non tegere. Itaque dum intentiūs in eius contemplatione hæreo, & dii nescio quid animo meo grande magis magisque subiiciunt, fortè flexit ille ceruicem, méque momento temporis nimio gaudio imparem propemodum confecit. Nam quid loquar fœlicitate illa dignū? Prodidit, mi hospes, regij sanguinis notas, illam, inquam, naturalis purpuræ spicam, quam in Reginæ filio, vt antea monui, fata expresserant. Loqui non poteram in impetu exundantis lætitiæ. Sudor quoque & subita vestigiorum infirmitas, adhuc dubia & anxia vota pulsabat. Tum præsides gentis deos tacite veneratus, vt adessent spei tantæ; Egregium mehercule munus, inquam, Commindorigi inuenistis. Sed videte, Commilitones, num Reginæ non aptiūs tradi possit. Adhuc ætas est non

turpis gynecæo; memórque aliquando per quos Dominæ fuerit traditus, fortasse deinde vos prouehet. Nam & Commindorigi hunc si datis, tamen ad Reginam perueniet, Commindorige hanc muneris gratiam apud illam occupante, quæ iam vstra, si sapitis, erit. Milites pauca inter se colloquuti, agunt gratias quòd eos consilio iuisssem: cupere quoque se meâ operâ intro-mitti ad Reginam. At ego non id tantum in me recipio, sed charissimæ prædæ timens, auidus quoque certiora cognoscendi ex puero, eos ad cœnam voco.

Postquam domum peruenimus, leniter adolescentulum cœpi affari, & rogare quod ei nomen esset. At ille, se Scordanem in primâ captiuitate appellatum; in istâ secundâ adhuc nescire, quod sibi domini nomen impone-rent. Tu igitur, inquam, iam antea semel captus? Certè; subiicit ille. Vnde

autem, mi puer? & quod tibi primum
 nomen? Ex ædibus patris (ait) obscurè
 memini me adhuc imbecillem, arma-
 torum violentiâ fuisse direptum. Nec
 quid vltra memini, nisi nos ruri habi-
 tauisse, & me Astioristem à matre nun-
 cupatum. Sed Rex Aneroëstus dono
 eorum qui me rapuerant deinde ha-
 buit, inter cuius liberos penè haud
 dispari cultu, vel gratiâ, pulcherrimè
 aliquot annos egi. Voluit quoque in
 rudimentum militiæ, vt bellum hoc
 viderem, in quo, heu! & quid illo actum
 sit nescio, & ego iam alia fata, ac vt
 opinor viliora exorsus sum. Sub hæc
 verba dolore animi turbatus est. Sed
 ego iam certus negotij, adoratis numi-
 nibus, in quæ potiùs quàm fortunam,
 referebam rerum seriem: Nihil, in-
 quam, ô puer, in te dij peccauere: ne-
 que fatis ingratus sis, quæ te in Reginæ
 familiâ asserere tot casibus laborauerūt.
 Magnæ fœlicitati seruatus es, puer.

Impotens læticiæ eram; & nocte inter maximæ spei, omniûmque bonorum inquietas imagines ductâ, militibus significo me ad Reginam ire, illis aditum impetraturum. Cultum solito nitidiorem assumpseram, coronamque habebam, tanquam sacra diis factururus; vultus præterea erat inter gaudij sensum porrectior; quæ omnia recentis victoriæ excusabat hilaritas. In hoc habitu cùm Reginam salutassem, paululùm fallere constitui, nec à principio læticiam totam dare. Igitur, Ne mirere, Domina, inquam, hanc animi insolentem læticiam. Dij arcanâ vi somnij ita me impulere. Forsitan superstitiosum appellabis. Sed adeò certa fuit quæ dormientem egit imago; ut nec somniis illam annumerem. Ne amplius dissimulem, vices tuas iam gaudeo. Ita tibi fœlicem hunc diem portendi monstravit Mercurius credo, aut si quis est alius deorum nuncius,

qui venturarum specie rerum somnos
 mortalium erudiat. Tum Regina; Qui-
 nam autem, Gobrya, hi gaudij mon-
 tes? aut veriùs quid insanis? Videbam
 (subiicio) sub auroram, cùm puriori-
 bus somniis tempus est, honestissimæ
 puerum frontis, his me verbis compel-
 lantem; Vade ad Reginam, Gobrya.
 Nunciabis me ad illam aduentare.
 Tamdiu expetitur hodie securissimâ
 ratione conspiciet. Quis tu autem es?
 inquam. Nam neque vultu isto ac ge-
 nio, inter te & vllam deorum prolem
 disconuenit. At ille iratior; A deone
 Astioristem ignoras, vt nomenclatore
 opus sit? Non nouisti Timandræ fi-
 lium, Principem tuum? Illicò loquen-
 tem agnoui; cùmque vano conatu ni-
 terer ad amplexus, excitauit animi im-
 petus membra, & per ingratissimam
 vigiliam puerum amisi. Diuinum fuis-
 se præsagium, Domina, illinc intelli-
 ges, quòd tanquam cogentibus Supe-

ris, de euentu nec ambigo. Tenebis hodie Astioristem tuum. Regina his auditis demisit in pectus anxium vultum, rursusque se erigens, adeò nihil lætum ostendit, vt iam pœniteret me fabulæ. Quid tu me, inquit, rapis in dolorum memoriam? Aut hæc fortuiti soporis delira species fuit; aut si quid simplicius dii significant, vitâ hodie defungar, amplectârque inter manes filij vmbram. Imò, Domina, inquam, nisi mea promissa processerint, vel multato exilio vel quod omnium vltimum, odisse me velis. Ibo ad templum agamque cum Superis vt promissâ repræsentent.

Tantâ alacritate coëgi vt speraret; protinusque digressus, pro templo ac diis, meam domum habui, vnde fœlicitatem expromerem. Milites ergo cum munere suo in vestibulo regiæ constituo: per Præfectum regiæ custodiæ familiarem quidem meum, cæ-

rerum rei quæ agebatur ignarum, paulò post introducendos ad Reginam; Ad quam interim redeo; teneoque silentium; si quid fortè ipsa prior inciperet. Constabat esse còmotam. Nam interdum ambulabat præter solitam vestigiorum mensuram; interdum residentem acerrimæ cogitationes figebant; in me denique sæpissimè intuebatur; Cùm ecce Prætorianorum dux ut rogatus à me erat, intrauit, monuitque adolescentulum de prædâ venustissimum adesse, quem duo milites munus Reginæ adduxerant. Perturbatus Timandræ animus, nondum facta, quamquam sese iam explicantia, capiebat. Nec quid maius suspicata, milites iussit admitti. At verò vbi cum munere fuerunt in conspectu, suavissime hospes; stupore & affectu crescente per gradus, ut correpta, ut possessa dirigit! Spes quam feceram vix passa est ut audiret suum munus commen-

dantes; sed ultro, periculoso & temerario impetu, inspexit in pueri ceruicem, agnitóque natalium signo, ut cōfusam mentem tegeret, aliquamdiu pallam in vultum duxit; quasi oculis malè esset. Obfirmata deinde, os retextit. Tandémque militibus post promissa, & gratias dimissis, mihi secretò his verbis blandita est. O præstigiator! vigilans scilicet somniaueras! & quæ vera sciebas quò differres gaudia mea referebas in soporis vanitatem? Scis quò modo te vlciscar? Tardiora præmia erunt; quæ, fateor, debeo tibi summa. Referes postea, quâ ratione in puerum incideris. Nunc illum accipe; & tanquam ad nostra obsequia instituendum ale. Disciplinis tenerum imbuemus, quæ summam sortem decent. Sine suspitione interim illius aspectu & colloquiis fruar.

Post arcana hæc verba, mihi publicè puerum tradit, quem Scordanem ap-

pellabamus. Ipsa, quò solutiùs lætare-
 tur, in secretum secedit. Militibus au-
 tem præmia cum fide persoluimus; re-
 gia quidem, sed non tamen inuidiosa,
 aut paria dono. Ecce autem in illo se-
 reno non temnendam vim subitæ té-
 pestatis. Rex Aneroeſtus miſſis ad nos
 præconibus, nunciabat, Si quis ſuauif-
 ſimum puerum, ſibi que inter filios nu-
 meratum, reddere vellet, tantilli capi-
 tis pretium talenta centum fore. Perti-
 muimus ad illius importunam beni-
 gnitatem. Nam quâ inuidiâ aut ſuſpi-
 cione hunc Regina ſeruaret, quem tam
 chari ſuus patronus licitabatur? Sal-
 tem barbaræ crudelitatis videretur, &
 hoc gaudium ſeni, & tot bona puero
 inuidere. An ceſſaturus denique eſſet
 ipſe Scordanes, ſi ad vires fugiendi
 adoleuiſſet; aut aliis centum talenta
 quæſituris non ſe quoque ad furtum
 præbiturus? Dum hæc timemus, & nec
 placet cum Aneroeſto paciſci, nec ho-

nestè retineri puer potest ; fortuna
Aneroesto infesta illico nobis fauit.
In eum siquidem sui ciues insurgunt.
Subitum bellum fuit ; exitúque cruen-
to in acie ceciderunt filij Anerosti,
quos duos spei eximiæ habebat. Ipsum
(quanquam non repertum cadauer est)
illâ strage occubuisse crediderim. Et
tum quidem qui eum deiecerant, regnū
illius tyrannico ambitu ad se traxere.
Vix tantam Anerosti cladem Scordanes
vixius tulit. Tanta illi pietatis, suæ-
que iacturæ supra ætatem cognitio
erat. Tamen morâ, & (quis puerum
crederet?) argumentis demulsimus. Ita
redditus sibi, nobisque seruatus, ex-
pectatione celerius, omnem sui admi-
ratione ordinem, omnem ætatem, in
regiâ compleuit. Seu equitandum, seu
tela mittenda, seu ductus in pariete or-
bis sagittas expectabat, statim æquali-
bus maior, tantus denique erat cui pos-
sent magistri inuidere. Nec superba,

aut peruicax naturæ fœlicitas. Amabant omnes vinci, quia prius neminem vllâ arte quàm humanitate & obsequio superabat. Nihil in colloquendo vrbanius. Cunctis cedere, ambire vniuersos. fœcundissimus salibus, quos, ne læderentur cæteri, in se primùm experiebatur. Adolefcebant præterea vires; quas durabat luctâ, & palo; cursu quoque & venatu, domandisque iugalibus; multâ præterea insomniâ; parco victu; & tempestatibus anni totius, ipso vsu, valetudini suæ conciliatis. Aui denique sui (quod ego & Regina præcipuè apud nos gaudebamus) exhibebat non indolem tantùm, sed vocem & gestus.

Haud multò plus sedecim annis vixerat cùm animum illi ac vires maturauisse visa sunt fata, ne omnes periremus. Quippe Commindorigem ex nimia copiâ fastidium ceperat nostri obsequij. Ultra bonorum patientiam

sæuiebat , scelere diuturno audacior, expertusque quàm inultè Britomandes despici posset. Ad extremum nomen regium haud obscurè optabat, clientum suorum vocibus in hac ambitione frequentibus ; vt dicerent, languescens sub Britomande imperium, à strenuo homine excitandum. Plus regnum Commindorigi debiturum, quàm Commindorigem regno, si id ei placeret auspicari. Parum interesse Britomandis ad regia munia inepti, ac præterea virili prole carentis, quo nomine appelletur. Commindorigem non solum ex primâ nobilitate, sed præterea virum esse. Iamque haud procul ab exitu erant furiosa consilia. Dicebatur tyrannus agitare quo tutissimè munito Rex cum suâ Timandrâ teneretur ; quæ ad eorum victum vectigalia relinquenda , quis vtrique comitatus, quæve custodia. Adeò denique desperat iacentem Britomandem , vt per-

plexè auderet sciscitari, an relinquere ultro posset tam graue & molestum negociis regium nomen. Quippe ratus multum sibi decessurum inuidiæ, si id à volente impetrauisset. Laceffit in- dignissimâ voce Rex, tunc quidem tenuit iram; sed deflere deinde apud Timandram fortunas suas cœpit. Illa nihil cunctandum existimans, & si fata obstabant, saltem fortiter pereundum; Habeo, inquit, quo te ab impio hoste vindicem, Charissime coniux. Sed timo ne me facilitate tuâ destituas, detectisque apud inimicos machinis, mecum quoque te obruas. At Rex Diis superis manibusque inuocatis, confirmat se non tantum silentio, sed etiam auctoritate accessurum Timandræ consiliis. Agnoscere miseram mentem quantum antè peccauerit; sed vi iniuriæ cladisque quæ instabat, iam fortiores esse.

Timandra his verbis lætissima; si si-

dem seruas, ait, die crastinâ vel victores dignitatem asseremus, vel Reges moriemur. Cæterùm nemini ipsa in illam noctem communicauit consilium; nisi quòd fidissimos aliquot admonuit, vt ad se sub auroram conuenirent. mihi autem non tantùm adesse, sed alumnũ adducere præcepit, vultu adeò extra ægritudinem ficto, vt nihil insolens aut turbulentum coniicerem. Tunc Commindorix venationi operam dabat, tertio ab vrbe milliari; ante biduum profectus in regiam domum, vbi saltus, & feræ solis Principibus seruatae sunt. Primâ igitur luce coimus ad regiam, vt erat imperatum. Sedecim non ampliùs eramus; quos ipsa ante Regem constituit, omnes ex numero Optimatum, & Commindorigi vel publicè, vel priuatim inimicos. Cùmque alumnũ meum propiùs iussisset accedere, ita ad Regem loquuta est. Adhuc incerta sum, Domine, an tuo iudicio

dicio crimen sit, quod tanquam egregium facinus professura aduenio. Cellaui te enim, fœlicitatem tuam, ut ea securior tibi esset. Nam hostes crescentem sustulissent, quæ matura nunc eosdem peruertet. Ignosce igitur, quòd tamdiu silentio meo factum est ut nescires quantum diis debeamus. Et, ut rem paucis aperiam, desine isto adolescente viuo, te liberis orbem credere qui patrio ritu in sceptrum succedant. Nam per deos deasque quotquot appellari fas à me est; hic est filius tuus, hunc ignaro tibi peperì, mentita puellam ex me natam, quam paucis mensibus quibus vixit, de meo nomine Timandram appellauisti. Simulandi causa fuit, ne in illum Commindorigis impietas aliquâ arte fauìret. Ceterum quamquam graue est præsentem laudare; dicam tamen quod non potest sileari, assurrexisse cum in indolem dignam maioribus, & deos suâ curâ pro-

lixius quàm optare ausa essem, meum
consilium asseruisse. Quippe nascenti,
penates rustici quidem, sed fidi, conti-
gerunt. Ita infans delitescere atque ali
commodissimè potuit. Crescentem seu
prædonum vis, seu potius benignio-
rum mens Cœlitum, deduxit ad externi
Principis aulam, in quâ sine suspicione
assuevit elementis negotiosæ & exer-
citæ vitæ. Hinc à diis specie prædæ no-
bis redditus, ita consummauit pueri-
tiam, ita viriles annos exorsus est, ut
utilis esse possit incipiat, nunc cum to-
lerabilis Commindorix desit esse; qui
premendus est, ô Rex, aut accipiendus
in dominum. Quantum enim à capti-
uitate abes? Quid aliud expectamus
quàm vincula? Age potius, Charissime
Coniux, vlciscere vnâ horâ tot anno-
rum audaciam. Quòd si te patientiæ
consuetudine despicias, at regnum aui-
tum huic soboli tuæ serua; Procerum
etiam miserere, quos hîc vides. Nemo

enim illorum est, qui quoniam pro
maiestate tuâ stetit, non debeat aut
mortem, aut eâ contumeliâ grauio-
rem, expectare à tyranno. Noli tuam
dignitatem, coniugem, prolem, & tot
fidissimorum salutem nunc prodere.
Nec de meâ fide dubites; quasi nouan-
dis rebus hunc falsò sanguini regio
ascribam. En collo, en cruri extremo
certissimas notas, tanquam fatorum
figilla, quibus vario discrimine amif-
sus repertusque, me & illos qui conscij
mecum erant non fefellit. Sed præterea
eiusmodi sunt tempora, ut etiamsi hæc
commenta à me essent, debeas com-
modà fraude uti. Interuerte tuum ho-
stem nullis faciliùs artibus quàm hac
nouitate domabilem. Partâ pace de
huius natalibus maturiùs habebis quæ-
stionem. Nunc si quod est esse non
credis; at tua interest ut credere singas.
Versa deinde ad filium; ô mi Astio-
ristes, inquit, ita enim nascentem ap-

pellauimus; liceat nunc te tandem bonâ fide amplecti. Mi gnate, tot mihi lachrymarum, tot votorum materia. Da frontem, da ora ad osculum. Nunc primùm & te nasci, & me matrem esse existimo.

Sic loquente Reginâ, omnes præter me obstupuerant. Solus enim sciebam vera esse quæ illa referebat. Sed nec intotum ab admiratione aberam, quòd adeò improuiso mihi consilio rem ad Regem detulisset. Cæterùm ex omnium ore constabat quàm hoc nouum mētibus esset. Raptâ voce, vultuúmque constantiâ in se mutuò intuebantur. Deinde hi deos vocabant, alij mittebant lachrymas, aut sublati in altum manibus taciti mirabantur fortunæ ingenium. Ita enim Regina vixerat, ne quis fraudem ab eâ metueret. Nemo altiùs tamen ipso Rege, & Astioriste, mutatus est. Rex gaudio, cæterisque affectibus amens, non loqui, non mo-

ueri. Inspiciebat nunc in coniugem,
cui longæ fidei experientiâ credebat;
nunc in filium, & ipsum non minimâ
perturbatione attonitum: cum enim
in illius collum Regina inuaderet, non
ausus negare amplexus, non offerre,
incertus contremuit. Sed Regina la-
chrymis in coniugis vultu visis auda-
cior; Patiariis, charissime coniux, inquit,
hunc recipi ad genua tua; aut si iam te
patrem sentis, prior quoque porrige
manum. At Rex, Non me adeò, fidissi-
ma coniux, inimici dij agunt, vt hanc
stirpem repudiem; virtutibus incher-
cule atque famâ, quantumcunque re-
gio generi ingens decus allaturam.
Equidem sanctitate, & prudentiâ tuâ
fretus, non dubito quin ex me sit ge-
nitus. Quòd si tamen ipsa deciperis, si
quod non est esse existimas; nihil mi-
nùs hunc filium mihi volo; vt si non
vincula naturæ intercedunt, saltem
adoptione me faciat patrem. Simul in

procumbentem toto pectore se dimisit. Clarissimus iuuenis, & omni virtutis experimento notabilis, pridem omnium corda sibi deuinxerat. Igitur eorum qui aderant fauorem nulla tantæ felicitatis inuidia corruptit. Iam tanquam dominum intuebantur. iam osculum manui vestique ferebant; etiam seniores reuocabant ad auum Britomandem memoriam; & tum verè, tum ludente oculos pietate, plurima ex vultu illius naturam in nepotem transfuisse monstrabant. Rex denique ab uxore quærere cœpit omnem deorum rationem quâ seruatus filius sibi esset. Sed Timandra; Minus occupatæ lætitiæ (inquit) erit illa narratio. Nunc à iugulis nostris depellamus perniciem. Quamdiu Comindorix viuet, nec Reges esse nos, nec propemodum homines credam. Quo animo putas superbissimum hominem accepturum hoc tuæ familiæ incrementum? Sed

frustra, si me audis, sæuierit. Populi & militum animos, subitâ nec difficili arte occupa. O si te teneret valetudo ad illos procedere; si coràm, facere tantis rebus auspiciū! At ille; possum ire, domina, possum: Et nisi aliud consulitis, placet populum in regiæ vestibulum ad concionem vocari. Hoc erat, inquit Regina, quod optabam. Præcipienda sunt omnia, priusquam aliquid admonitus Commindorix turbet.

Præcones igitur totâ vrbe celeriter dimittit, qui populum ad concionem vrgerent quam Rex esset habiturus. Omnibus illi videbâtur insanire. Nam quis crederet Regem qui tot annis publico abstinuerat, repentè prodire ad populum, ac etiam orare? Quid insolens, quid subitum contigisset? Mōstra hæc singulis erant, mutuóque ignari, vt in incertis sit, rogabant docebântque. Sustinuere aliqui dicere, abdicaturum in ipsâ concione maiestatem

hoc vltimum munus regiæ potestatis
vsurpare. Erecta omnium studia erant,
feruebântque coëuntium turbæ. Præ-
toriani milites, & ipsi acciti, per centu-
rias & signa constiterant. Sublimem
inter hæc locum, instar scenæ, diligen-
tissimè excitamus; Ad quem post-
quam Britomandes Proceribus me-
dius est progressus, & refedit cum Ti-
mandrâ in suggestu, sibi que proxi-
mum statuit. Altior istem; variæ in po-
pulo voces fuerunt. Hi ad Regis con-
spectum lachrymabantur; quærebant
alii quid subitæ dignitatis apud Re-
gem externo iuueni accessisset. Sæpè
denique imperato silentio Britomâdes
dicere exorsus est; Dijs gratias haberi
tam à se quàm populo æquū esse, quòd
sibi filium, regnóque heredem reddi-
dissent. Hunc iuuenem quem prope
se collocatum cernerent, Regina par-
tum esse. Sed hostium metu cum natus
est esse celatum, èductumque vt priua-

tæ sortis infantem; deinde diuersitate
fatorum amissum ac receptum. Se illo
primùm die agnouisse eam stirpem,
nec quicquam distulisse quin gaudium
populo daret quod esse publicum
oportebat. Ac vt gemina omnibus
læticia esset, se militibus quidem dona-
tium promittere; oppida verò & por-
tus triente tributorum & vectigalium
leuare. Fidem modò exhiberent vîris
dignam, adessentque Cœlitum cœptis,
qui tam eximiè Galliæ fauerant. Astio-
ristes deinde Rege iubente, populo
militibûsque loquutus est. Gratus an-
tea omnibus fuerat; & tunc auspiciatî-
simæ formæ sublimius aliquid acces-
sisse videbatur. Is iterum donatio in
craftinum promisso milites suos fecit;
Populo quem vectigalium minuen-
dorum pollicitatio iam mulcebat (ea
enim atrociter Commindorix, & sub
inuidiâ Regis intenderat) adhuc con-
giarium & epulum promisit.

Tam nouis & arduis rebus, ad trahendas vulgi mentes magno momento fuere Optimates, qui cum Rege & Astioriste constitierant; hi firmitudinis prouinciarum rectores, alij Præfecti militiæ; propemodum autem clarissimis stirpibus nati. Itaque multitudo cælum acclamationibus impleuit; miles armis concrepuit; faciliq; & subito impetu, vt vulgi sunt studia, vniuersa concio consensit huic fortunæ. Soli Commindorigis clientes, tanquam in patroni exitio marcebant; aut illius freti potentiâ, tacitè minabantur hæc omnia eo absente audentibus. Sed multitudini impares erant; quæ tunc quidem extra periculum fortis, mox subito terrore deiecta est. Quippe Commindorix sub hos motus urbem intrauit, aliquid insolens agi per suorum quosdam admonitus, qui ad eum decurrerunt, vbi primùm vulgatum est concionem à Rege prouocari. Is vt in

venatico habitu erat, præcipatione & iracundiâ calens, postquam vidit populum coisse, & eminere in folio Britomandem, nondum gnarus quid ageretur, sed tanquam supercilio satis omnia compressurus, conscendit ad Regem. Nemo eunti obstabat, diuturnâ tyrannide non in odium magis, quàm reuerentiam & metum crescente. Ergo per cuneos populi, iam muti timentisque peccasse, vtrò exceptus est. Manu venabulum tenebat, ferrum erat adlatus. Pauci ex domesticis, vt festinatio fuerat, comitabantur, nostris sparis maximè armati. Iamque ad sublimem contabulationem peruenerat, in quâ Regem pauci Proceres circumstabant; Illiusque gradibus tumultuariè superatis; Quæ, inquit, hæc insolentia rerum est? aut quis Regi & reipublicæ, me absente, per seditiosos conuentus illufit? Expalluerant omnes ipsâ parendi timendique consuetudine. Et parum

videbatur in Rege opis esse. Solus Astioristes intrepidus stetit, processitque mox obuiam, & leuiter manu repulsum, poneretela iussit, & ad Regem quem in folio conspiciebat ire modestius. Commindorix aliquem id contra se ausum, acerrimâ indignatione permotus est. celerique consilio, ne impune hoc esset, contorsit in Astioristæ ora venabulum, quod ipsius declinatione vitatum, delatûmque ad prætorianorum phalangem, peccauit in milite. Ensem deinde ex vaginâ vterque diripuit.

Memorabilius fortè spectaculum, hospes, nostra ætas non edidit; quod vt te nunc etiam oblectet, finge animo rerum speciem qualis hæc erat. Quicquid spatij circa regiam fuit, milites, populûsque (& ipse de Gallicorum conuentuum more arinatus) latè stipauerat. Scenam illam quæ Regis folium ferebat, accersiti à Timandrâ

Optimates conscenderant. Rex altior
 cum Coniuge sedebat in suggestu.
 Nemo tamen ubi Astioristæ & Com-
 mindorigis enses fulserunt, aut accen-
 dere pugnam aut prohibere sustinuit.
 Tanquam aliquo fatali torpore omnes
 inhorruissent, vndique silentium fuit,
 oculis mentibûsque in hoc vnum cer-
 tamen cōpositis. Ex illius enim euentu
 suam quisque fortunam expectabat; &
 ceu suus funderetur illis ensibus san-
 guis, sic quisque dolebant, aut voue-
 bant. Deos etiam arbitros pugnae ple-
 rique adesse cogitabant. Iudicarent illi
 de lite, id est, de Astioristæ natalibus.
 Si non fabulosæ vanitatis mendacio
 asserebatur in sceptrum, non commis-
 furos Cœlites, vt per tanta seruatus
 prodigia in debitæ felicitatis limine
 caderet. Ipsa quoque pugnantium spe-
 cies intimos affectus ciebat, & multo-
 rum animos trahebat in partes. Nam
 Commindorix mensuram mortalium

propè excefferat : validiffimi erant artus, & proceritati non impares; rix vultus, integra adhuc ætas; virium, animorum, militarisque & athleticæ artis ingens opinio. Contrà in Astioriste viuida quidem, sed tenera adhuc ætas, non altiùs quàm ad hostis fui humeros staturam promouerat: Vultus, quamquam tunc minis asper, qui virginis esse posset; liberale vestigium; nec quicquam in eo timeri dignius quàm amari. Et hinc misericordia apud bonos; quòd cum experto, & toties victore progredederetur. Cæterùm paria arma erant, ensis vtrique. Nec dubitauerat Commindorix ipso impetu iuuenem proteri posse. Itaque spernenti vicinior tanquam ad facilem ruebat victoriam. Sed postquam aduerso mucrone depulsus est ictus quem altè parauerat, & Astioristæ gladium ægrè à iugulo remouit; tunc verò diligentius in illum cœpit inspicere, & vt in iusto discrimi-

ne se tueri. Iamque ensis utriusque
 vanos in ictus bis terque ceciderat, cum
 tandem Astioristes prior vulnus acce-
 pit in capite, quâ in supremam fron-
 tem capillitium excurrit. Tum verò su-
 dore ac cruore formosior impatienter
 excanduit. Circuire, accedere, relin-
 quere hostem, artisque & ingenij mu-
 tatione lassare. Urgebat nobilissimam
 mentem victoriæ decus, & præmium;
 gnarus illius mercedem certaminis Gal-
 licum esse imperium. Sed omnium
 maximè pietas instabat; ut repertos
 parentes in dignitatem assereret. Ita
 hostem obsidenti tandem dedit se for-
 tuna. Ut apud nos, de veteri more,
 cæsim pugnatur, destinauerat fortè
 ictum in caput inimici, quem cervicis
 deflexio non in totum frustrata est. In-
 cidit enim ensis in aurem, quam cum
 modicâ genæ parte deiecit in terram.
 Mouit tyrannus cæsariem; horridus-
 que indignatione & minis infremuit,

Furum pœnam ac dedecus ille casus infixerat. Manabat & plurimus sanguis; adauxitque hoc ipsum insaniam, quòd Astioristes (tanquam hoste contempto satis iocis vacaret) dati vulneris dolorem cumulauit ludibrio. Recruduit itaque pugna; donec visus est Astioristes indignari tanto tempore constare victoriam. Fœlix ictus, & Galliæ salutaris, qui Commindorigi lacertum eripuit; Quo prolapso institit victor, reclusitque adhuc mori dubitantis vitalia.

Exultauit Arsidas intellectâ victoriâ; quasi cadentem in arenâ gladiatorem suo plausu sequeretur; Neque mora; Videor, inquit, in Astioristem vestrum inspicere, Gobrya; qualis hoste confecto, labore periculóque iam grandior, se parenti atque vobis exhibuit; Vt læticia, vt successu, magnificè intumuit; quamdiu nudum ferrum, asperúmque hostili cruore, prætulit manu. Iuuat ô Gobrya,

Gobrya, in tam dulci cogitatione hæ-
 rere. Sed quid mentis militibus po-
 pulóque Commindorige cæso fuit?
 Talem populum Astioristes habuit
 (subiicit Gobryas) qualem optares.
 Voce, plausu, omni gratulatione effer-
 buit. Miles extemplo de iussu Brito-
 mandis, nouo se iuramento Principi
 obstrinxit. Nocte deinde festos ignes
 ciues coronati, choreis cinxere. Nihil
 aliud audiebatur in compitis, quàm
 contumeliæ in tyrannum, aut Astio-
 ristæ præconia; quorum pars vulgaria
 erant, móxque casura; alia quæ consta-
 bant numeris, quoniam canebantur,
 diuturniora habuimus. Noster hic in-
 ter cæteros vates (simúlque Druidam
 oculis designat) non abstinuit carmi-
 nibus in communi argumento; quæ, vt
 adhuc tanquam recenti victoriâ late-
 mur, si hospes iubebis, vt est humanis-
 simus, recitabit. His auditis, Arfidas,
 magis ne Druidæ ingenium temnere

videretur, quàm quòd amaret narrationem eiusmodi interpolari carminibus, apertissimo vultu inspexit in Poëtam. Nec multùm abnuentem exorauit, vt addito penè cantu, hos paucos versus daret.

*Nam quem de Superis colemus omnes?
Cui plùs floribus intumescet ara?
Hic honos Superis sit magis omnibus.
Non vno potuit Gallia numine
Exui vinclis meritòque fœlix
Plaudere Regi.*

*Diuorum cecidit manu tyrannus.
Hunc Tirynthius, hunc Diana telis,
Pallas monstificâ perculit ægide;
Hastis Bellipotens, fulmine Iuppiter.
Hunc & infestis petiit sagittis
Certus Apollo.*

*Illi scilicet adfuere Diui,
Et suas tibi credidere vires,
O Heros, misera flebile vinculum
Dum rumpis patriæ. Gallica Perseum
Terra te sensit. Tibi liberata*

Nupserit uni.

*O lux, ô bona, nec premenda nocte!
 Sæuum penè puer Giganta spernis.
 Despexitque tuas ille ferox genas;
 Qualis tela diu tergore reppulit,
 Ausus imberbem maculosus hostem
 Spernere Python.*

*Te te delicias, ocellulúmque
 Natura iuuenem! Ah pios nepotes
 Ah dona cupidis Chære parentibus.
 Tithonus thalamo seu tibi cesserit;
 Seu vehet curru, faciétque latum
 Cynthia patrem.*

Laúdatis carminibus Arsidas vultum
 Gobryæ repetit. At ille; Non te super-
 fluâ narratione conficiam, quæ Drui-
 dum, quæ Equitum, decreta in Princi-
 pes; quot dierum supplicatio, quæ ad
 omnia fana populi turba; vt denique
 omnes in pacem (quæ in tantâ Com-
 mindorigis factione sperari vix pote-
 rat) spõte aut metu consenserint. Quia
 nox prouecta est, hospes, & te dicendo

fatigauimus; paucis ad hæc tempora nostrum Astioristem perducam, qui experimentum potentiae suae cepit, non voluptatibus aut insuetæ dignitatis superbiâ, sed liberalissimâ pietate. Cerouistum & Timandram, sub quibus vixerat infans, acciuit in regiam; ipsique Cerouisto negotiis scilicet assuetis quæ patres familiâs decent, suæ domûs præfecturam attribuit. Sicambrem tradidit matri; mox æquatam matronarum præcipuis. Cum eorum filio, qui & Cerouistus appellatur, puer assueuerat luditare, & tunc renouato commercio habuit inter familiares eximium. Adhuc illustrioris fuit in Regis Aneroesti memoriam pietatis. Huius in se amorem meminerat; Centum illa talenta pro puero & captiuo promissa, mouebant gratissimum pectus; gaudebâtque Timandra Regis illius casibus palam filium ingemiscere; conscia ex meritis suis ipsa quantò magis ama-

retur. Itaque & honorarium tumulum
 excitauimus Aneroeſto, bellumque
 tyrannis qui eius regnum tenebant in-
 diximus. Vtilis regno hæc Aſtioriſtæ in
 alumnum deuotio fuit. Nam domitis
 hoſtibus, terræ nobis & gentes ceſſe-
 runt olim Aneroeſto regnatæ. Ipſe
 Aſtioriſtes bellum hoc geſſit; intrâque
 ſex mēſes validiſſimas arces in Alpibus,
 & quicquid in illis gentibus roboris
 fuit, ſic quæſuit ſuo patri, vt nulla fide-
 lior deinceps prouincia nobis extiterit.
 Vbi tyrannos Aneroeſti ſpoliis incu-
 bantes partim in acie, partim ſuppliciiſ
 cecidit, ad parentes inſigni triumpho
 reuectus eſt.

In eâ felicitate triennium à Com-
 mindorigis morte regnauit ſub pater-
 nis auſpiciis. Ratum eſſe volebat Bri-
 romandes quicquid ille iuſſiſſet. Hinc
 magiſtratus, hinc milites edicta acci-
 pere; ab eo prouehi Optimates; aut, ſi
 merebantur, premi. In eo acquieſcebat

Timandra; sibi que domi & foris videbatur fortunata. Ter illa omnino pepererat. Primum natu Commindorix per nutrices sustulerat. Astioristes secundo editus partu, effecerat ut sospes esset familia; Tertius labor, filia fuit, sexennio Astioriste minor. Hanc Dij volunt incolumem; specie ac moribus inclyta vivit. Cyrthæam appellamus. His se duobus liberis Timandra oblectabat; omnesque iam ceperat elapsæ calamitatis obliuio; Cum mutandis ipse rebus magno, ut existimo, fato Astioristes incubuit. Cupiditate sciendi quæ tellus quive homines extra Galliam essent, sine cultu, sine comitibus nauigare instituit. Herculem, Theseumque referebat, & ex ultimo Oriente tot Heroas quæsisse sibi laudem eiusmodi periculis atque vitæ. Addebat in tantâ potestate quâ Aulam regebat, se iniquis videri non tam asseruisse parentem in regnum, quàm aliâ serui-

tute pressisse. Sed alia, vt opinor, & secretiora suberant, quæ hanc illi peregrinationem commendarent.

Conuocatis ergo Proceribus, consiliisque nouitatem mirantibus; his se parentes dixit, regnûmque tuendum paulisper relinquere. Nuncupasse olim vota remotissimis à Galliâ diis, quæ in eorum templis exoluere deberet. Ne verò hanc ipsius mentem tristes acciperent, aut luctibus abeunti omen facerent. Rediturum enim incolumem & patriorum deorum numine, & religione eorum quos perebat. Cùm verò acriter repugnaremus; & ad preces gemitus quoque & lachrymæ passim accederent; ille, vt spe datâ mollioris sententiæ, non adeò timidè aut enixè rogaremus, sponte quidem visus est flecti; Sed eadem subitò nocte se ab Aulâ proripuit. Tam arcano & periculoso itineri vnus omnino placuit comes, filius ille Cerouisti & Sicambres, quem

Iudorum feriorúmque consortem diu habuerat. Quò profecti, vbi vixerint, quid illis periculi, quídve virtutis, quamquam nuper redierint, adhuc ferè incognitum. A deò suos errores egregiâ fide tegūt. Túc verò, vt timore, vt dolore stupuimus! Qui populi, qui Procerú vultus, postquam Astioristem abiisse compertum est! Lymphati homines ibant, viásque scrutabantur & flumina; si quâ possent habere, & morari discedentem. Sola denique nos Timandra à desperatione prohibuit, post aliquot dies literas ab incolumi filio habere professa. Neque tunc modò, sed deinceps se frequentes accipere referebat, seu verè, seu necessario solatio agras mentes refectura.

Haud multò plus anno Astioristes abfuerat, cùm Britomandes morbo solutus est. Omnes de iuvene querebátur, qui obscurâ peregrinatione destituisset regnũ; Vt cùm Britomandes efferretur,

penè regio funere lugubrius esset voces audire eum ad patriæ salutem vocantium. Sed interim capeffenda negocia erant, & Timandra viuere filium, ac valere asseribat; sibi que dum ille rediret, reipublicæ summam esse tradendam. Soli illi obstabant, quorum intererat Astioristem non viuere. Ab his vulgò mortuus iactabatur: Reginâque aiebant non ferendam, quæ virile aucuparetur imperium. Sic in partes facilè itum est. Plurimi cum Reginâ sentiebant. Alios ducebat Comindorigis patrueis. Incaluerant factiones, adeò vt iam terrâ marique præfidia essent; Classis præcipuè curabatur; Quia à Massiliâ Timandram excutere pro victoriâ hostes ducebant; & illa in portûs vrbisque tutelam nautas triremesque contraxerat; Cùm ecce in tempore Astioristes redit. Auidi statim, nostrâque minores læticiâ, vix diis, vix fortunæ, vix oculis credebatur.

mus. Iuuabat contrectare venientem, aspectumque repetere. Omnis ætas, atque ordo, sese domibus oppidisque effuderat; Non ingentis belli victorem veriora gaudia excepissent. Neque mora, ex seditionis manibus tela excussa sunt. Rex ab omnibus salutatur. Et ne cruenta essent regnandi auspicia, se omnibus quicquid in eum diem deliquissent remittere edixit. eo quoque lætissimus, quòd contractæ in armis copię essent. Hoc non temerè factum aiebat, aut maligno fato in Galliam; sed auspices deos hunc illi exercitum ad ea quæ destinauerat comparauisse. Coronâ igitur patrio more sumptâ Timandram tantisper dum ipse bellum gerit præficit rebus. Sibi enim in Graciâ hostes esse. His se confestim persequendis operam dare. Tum fortissimos militum imponit nauibus, interimque dum à littore soluit, præcedere me iubet cum exiguâ parte classis, &

scrutari maria, præcipuè quæ intercedunt Liguriæ atque Sardinia. Functus officio, omnibusque exploratis, iam lentiùs ago remigia, certus ipsum venientem opperiri. Ex illius conspectu atque colloquio, scies, hospes, me parçè tantum Regem laudauisse. Sed quando à Græcis pleraque Sicilia incoluntur, & ille maximè Græcas vrbes obiuit; dic verò num ipse de vultu aut famâ Astioristem nouisti?

Iam magis suæ spei Arsidas credens, obtutùque in terram defixus, postquam diu secum omnia exegit; Astioristem, ait, neminem noui, fortè de alio nomine; si præterea aliquod habet, agnoscerem. Subitò Gobryas; Et verò aliud, vt ab ipso audiui, sibi fecit, vt securior esset humilioris quam fingeat fortunæ simulatio. Poliarchum aiebat se illic vocitari. Comitem quoque, qui nobis de nomine patris Cerouistus est, si memini, appella-

uit Gelanorum. Exciderunt ad hæc nomina Arsidæ vires: Quem ut Gobryas attonitum, hilarique affectu diuulsum vidit; cœpit quoque expectatione læticiæ confundi; Donec ille; Quis Deus tam propitiæ captiuitatis author tibi me tradidit? Errassem me hercule per littora vestra, dum Rex interim nauigat; & inutili voto, apud ignaros pro Astioriste Poliarchum flagitauissem. Poliarchus est ille quem quæro; ea nunciaturus, quæ sospes non potest ignorare. Et ô vos tanto Rege fortunatos! ô candidos Galliæ dies! Quos non afflabit nominis vestri terror! quanti ambitûs Regibus exteris ac gentibus erit in amicis aut hospitibus vestris censer! Id ipsum me beat, quòd video vos cum exercitu nauigare. Quamquam scio non pugnam, non aciem, sed triumphi speciem fore. Nam videre non experiri hæc arma æmuli vestri volunt. Sed properè Rege con-

uento mihi opus est ; cuius priuatim etiam hospes sum. Gobryas his auditis profusiùs Arsidam veneratus , haud ambiguè percunctabatur quid afferret aut à quo veniret. Sed Arsidas post incautum subiti gaudij impetum prudentiùs sermonem tenens, magnopere dolebat , quòd Gobryâ solerter reticente in Siciliam vehi exercitum, ipse se totius negotij gnarum esse temerè prodidisset. Elusis igitur quæstionibus, quibus cum Gobryas deinde vrgebat, cœpit multum flagitare, vt celeri nauigio ad Poliarchum mitteretur. Et Gobryas, Inhibebimus, inquit, nostrarum nauium cursum, hospes, non deductis tantum velis, sed anchorarum iactu, si hæc maria ferunt. Ita haud dubiè regia classis quam scio non segniter nauigare, istâ nocte ad nos perueniet. Quòd si prima lux nobis illum non coniungit, triremem statim dabo, & robustissimos remigum, qui te vehant. Interim

acquiesce in hac puppi , nec seciùs
quàm inter familiares tuos impera.
Post hæc verba strato admotum reli-
quit , prociditque in vicino ipse lecto.
quamquam vix somnum læticia capie-
bat, & Arsidas inter cætera mirabatur,
cur non monuisset Argenis, Poliar-
cho verum nomen Altioristem esse;
quod à se obliuione omissum quoties
& ipsa virgo meminerat, vt acris cupi-
ditas facillimè turbatur, etiam erratu-
rum Arsidadam , vano metu audebat
ominari.

Iámque non duces tantùm aut mi-
lites, sed & remigum multi quiete le-
uabantur. Vnus erat naui prætoriæ
gubernator, cui suspectũ erat cœlum,
montiũque natura quos à latere at-
tollit Liguria; expertus solitos esse quã
se demittunt, rursũque eriguntur, per
angusta diuisorum cacuminum spa-
cia , procellas subitis flatibus in mare
præcipitare. Nautas itaque vigilare

hortabatur, & ad omnes sollicitus auras, iam certiùs expectabat tristiora. Nox media vertebatur, cùm à montibus ventus exortus est, qui inter nauium funes erectos ad malum, primum quidem sibilo ludens, mox suspensum mare extulit; adductisque nubibus abstulit cœlum. Turbabantur subitâ festinatione nautarum officia, simul inter se clamore sublato, simul vndis fracto strepitu nondum vacuas aures repetentibus. Excitatus Gobryas erat, & ex gubernatoris vultu admonebatur non vulgare esse periculum. Quisque ergo monere audebat, quisque præcipere; vt penè tumultus ignarorum nauticæ artis non minore periculo cresceret quàm tempestatis feruor. Atri fluctus, aut eruto liuentes sabulo, inter noctis horrorem cerni non poterant; nisi cùm ingenti fragore allisi velut accensam mutuo verbere aquam instar scintillarum, mittebant

in altum, rursúsque sorbebant. Solus ille spumæ attritus micabat in tenebris, qui sæpè ominoso impetu superans obiecta latera in medio fulgebat nauigio. Intuta anchorarúm mora erat, quia spatium nauibus negabant quo aliquid indulgerent incumbentibus ventis. Alius deinde timor vrgebat, ne, si vincula deessent, inter se implicatæ triremes frangerentur. Tandem omne nautarum consilium tempestas peruertit. Nam nec corrigi cursus poterat, nec sisti nauigia. Ferri cœperunt quâ ventus iubebat; aliquid scilicet veli relinquentes ad antemnam, quò naues per dispares fluctus librantibus ventis starent.

Nocte exactâ nihilo lætior dies fuit, tristis imbre, & circumstantis mortis imagine. Noctem quoque secundam vis eadem venti obtinuit. Ortâ deinde luce, ardor quidem tempestatis inte-
puit; sed non plagam agnoscebant,
non

non maria , numeratísque nauibus paulò minùs mediâ parte abesse aut periisse querebantur. Vbi verò cura salutis iam propemodum assertæ , passa est ad alias sollicitudines descendere, loqui cœpere de periculo Poliarchi. Quando enim illum haberent, aut quò quærerét, forsitan in aduersa aut ignota littora expulsum! Vbi denique ipsi essent, quósve portus intrarent, affectis nauibus , syluâque, & pice, & littorè tuto egentibus? Arsidas omnium immanissimè fortunæ maledicebat, quòd deiectus à tantâ spe, nesciret vñdis an terrâ essent errores repetendi. Non ampliùs Galliam, non Rhodanum destinari; sed vago, & quas maximè terras vellet ignaro, pererrâdos omnes sinus, quoscunque tempestas potuit aperire Poliarcho. Vnde illi Phæacia esset nauis, quæ sine gubernatoris operâ in destinatos cursus vltro se flecteret? Numerare Argenidem dies; ad quam si

vacuus rediret, quantum abesset à par-
ricida? Quamquam enim monuerat
Gobryas in Siciliam Poliarcho esse iter;
metuebat ne de tempestate lassus con-
sideret in portu, aut legniùs nauigaret,
dum interim effluit tempus quo se ab
Argenide expectari voluerat.

Hæc volenti, & qui mos infœli-
cium, penè cum Gobryâ iurganti, quòd
se in cursu ad Poliarchum tenuisset,
nunciant nautæ instar nubeculæ aut
caliginis procul videri; id se terram
opinari. Quæcunque illa esset cò ten-
dere Gobryas iubet. Cùm summâ vi
remigassent, medio penè die quidam
in exiguis lembis excepti sunt, qui fi-
nitâ tempestate maria legebant, ex-
ploraturi si quid ad eos naufragia tu-
lissent. Per hos est cognitû illam Afri-
cæ plagam esse; cæterùm arenis infi-
dam, quas breuia huc & illuc tegebant;
Non procul abesse Numidiam. Deser-
tus haud longè erat portus, nec certum

an satis hospitalis. Sed necessitas subi-
gebat omnia ventis & pelago arbitrari
tutiora. Ad terram igitur duces ipsi
fuere qui de regione indicauerant; Re-
lictique pauci cum lembo, qui socios,
si qui in proximo errabant, collige-
rent, magno deûm fauore, omne quod
à Gobryæ classe aberat, intra noctem
receperunt. Ita, vt in malis rebus, opti-
mè erat; omnes incolumes, nulla fun-
ditus naus perierat; Incolæ præterea
siccis piscibus, cæterisque quibus pau-
pertatem sustentabant alimentis exhi-
bebant insolitæ humanitatis officia.

Sed nec classi quam ducebat Poliar-
chus tempestas pepercerat. De Siciliâ,
de vindictâ, de nuptiis cogitantem,
haud iniuste impleuerat sui fiducia.
Quando in regio habitu erat, tot opi-
bus, tanto exercitu sublimis, cur gene-
rum aspernaretur Meleander? Radiro-
banem, Archombrotum, & si qui præ-
terea æmuli erant, seu priuatis seu pu-

blicis armis decernere vellent, audebat despiciere. Ad extremum legem Siciliae, quæ potentiora matrimonia abnuebat, vel se ferro recisurum credebat; vel interpretatione remoturum; Ne Sicilia nempe Gallico scepro diceretur accedere; sed legibus antiquis viueret; & si plures peperisset Argenis, esset secundæ prolis hereditas. Inter hæc studia videbatur nauigium non satis ferri ventis, aut agi remigibus. Ibat ergo per transtra, tonsasque lassabat; cum illa tempestas incubuit, & à cursu quem instituerant submouit. Ipse quamquam intrepido animo erat, tamen cum afflicientes pertinaciter vndas vidit, & veluti suum caput volentes, matri & sponsæ dedit, ut mori timeret. Torpentes itaque magnitudine mali admonuit ne artem prolicerent, neque ultima timerent; nobiliora sibi fata deberi, quam ut eâ ætate vndis obrueretur. Eâ spe quamquam habuit ad offi-

cia strenuos; parum tamen potuerunt in acerrimos fluctus, donec classe compulsa ad externæ & ignotæ regionis prospectum, sponte mare detumuit. Tunc verò nec remigibus vires ad nouum laborem supererant; nec debilia nauium latera, & pondere tot vndarum, quæ in illas arietauerant, laxa, diutiùs nauigationem ferebant. Ægerrimum id erat Poliarcho, omnes dies qui ipsi extra Siciliam lucebant, sibi & Argenidi capitales credenti. Vicit tamen nautarum consensus, timorque naufragij. Nam & sibi propter Argenidem charus esse incœperat. Petere igitur proximum littus iubet, si quam nauibus stationem reperiebant.

Adhuc incerti erant qui homines aut quæ tellus; sed amœnam plagam esse multæ arbores monstrabant, modicæque colles ad mare. Varia quoque nauigia, ad piscationem, aut merces pas-

sim stabant in anchoris. Præmiserant igitur nautas in expedito lembo, sciscitatu-
ratos quæ pars terrarum esset. qui-
bus mox ad Poliarchum referentibus,
Mauritaniam esse, ipse locorum spe-
ciem à summo contemplatus tabulato;
ô Gelanore, inquit, nosti fluuium?
nostis oppidum Lixam? nostis procul in
hoc colle dominæ villam? Hæc illa est
Mauritania nobis amica; illud optimæ
Reginæ Hyanisbes imperium. Non
nos fata in totum auersantur, quæ fra-
ctos ac nescios impulerunt ad fœdera-
tum littus. Sed ne subito classis aduen-
tu terreamus imprudentes; vade prior
ad Reginam. qui me casus egerint, mo-
ne; ora placidum nauibus meis por-
tum. Interim aduerso remigio naues
circa hos fluctus sistemus. Statim ru-
mor inter classiarios nautasque vulga-
tus est, hospitalem suo Regi esse ter-
ram quam cernerent; nihil secius quàm
in patriæ sinu tam vectoribus fore

quàm ratibus. Haud tardè, quod vehementissimè optabant, alacres crediderunt; lætòque celeusmatè rates impulsas, vbi deinde imperatum est, pariter à cursu obliquis sustinuerunt remigiis. Nam ad portum, priusquam indulisset Regina, accedere non placebat.

At verò Gelanoro, vbi primùm in expeditâ rate subiit flumen, inopini tumultûs atrocitas illam prolixam securitatem eripuit. Quippe vndæ concitatis feruebant nauigiis; multòque terrore, totas ripas tela compleuerant. Causa subiti motûs fuerat, visus procul in mari cum exercitu Poliarchus. Nam hostilem classem audiuerant (nec fama fallebat) in eos nauigare. Illam esse tunc rati, formidolosè decurrerant ad arma. Pauci adhuc milites lecti; vix aliquæ naues armatæ; (Nam haud pridem denunciatum erat venturi belli periculum.) Ciuium vt plurimùm iste concursus fuit, qui tumultu insani cir-

cumstetere densis scaphis venientem Gelanorum; Quia præconem ab hoste iam vicino, & sub eo nomine exploratorem, credebant. Ille quamquam perturbatus, tamen identidem repetebat, se amicum & fœderibus tutum, non meruisse aut timeri, aut diripi; Denique à Poliarcho ad Reginam nuncium aduenire Fortè adfuit qui hospitem agnosceret; ex eodem littore paucissimos antè menses cum domino Poliarcho summo fauore Hyanisbes digressum. Mutatis igitur vulgi affectibus, cœperunt de classe rogare quam cernebant. Ille non exercitum Africæ inimicum, sed Poliarchum adesse cum suis copiis confirmavit. Sic in terram egressus, perductusque est ad Reginam; quam belli præsentis opinione attonitam, ita refecit, vt non tam cum militibus Poliarchum, quàm præsides Africæ deos aduenisse arbitraretur. Protinus ex purpuratis missi, qui Po-

liarchum inuitarent ad terram. Ipsa pluribus interrogare Gelanorum, quas imperio gentes obtineret Poliarchus, in quos arma destinauisset quóve consilio sub veste priuatâ antea suppressisset maiestatem. Gelanorus quæ præmenda aut referenda essent haud nescius, Reginæ animum dulcissimis allevabat sermonibus; ut vix eum ad dominum redire pateretur de hospitij humanitate nunciaturum.

Quintus iam dies erat, ex quo cibum ipsa Regina vix sumpserat, occultis & publicis curis grauis. Namque ut Radirobanes inuerecundo in Argendem scelere fœdus, Calarim rediit, pensato cœptorum dedecore, timuit ne leuiorem suorum reuerentiam deinde experiretur; haud dubius ita vulgi, ita militum animos esse, ut Principes ex successibus æstiment. Dari enim virtuti fœlicibus quod fortunæ est; & frustratos impetus contemptu vindicari.

Ne itaque ocio sermones sererentur, utque præterea implacidam mentem nouorum motuum gustu reficeret, in belli consilia rursus incubuit, sed in Siciliam confestim redire non placebat. Quia se illic expectari non dubius, omnia feruere paratibus augurabatur. Inueniendos potius esse in quos interim verteret impetum, dum & noui milites ad arma durarentur; & deinde ex morâ remittentibus Siculis curam, improuisus in Meleandrum inuaderet. Nec defuit cupienti noui belli occasio. Diu erat, quòd Mauritaniam inuadere meditabatur. Et hæc causa fuerat classis ornandæ, quam deinde Argenidis & Sicilia potiundæ iniecta spes, ad iustiora in Lycogenem bella prouexerat. Tunc verò & antiquæ mouendi in Mauritaniam causæ redibant in animum; & ad illas præterea visæ sunt recentes accedere. Fortè enim Mauri peiratæ, non magis externis

quàm popularibus graues, ex aliquot
 mercatoribus Sardis prædam egerant;
 & ipse ex Sicilia rediens spoliatorum
 questus latus accepit. Neque mora,
 tanquam publico Maurorum consilio
 illata hæc fuisset iniuria, ad Hyanißhem
 misit, non modò qui res repeterent, sed
 iuberet de noxiis dari sibi supplicium.
 Illa, neque res suo raptas auspicio, ne-
 que fontes in suâ potestate esse, respõ-
 dit, aut illos se pro ciuibus habere. Vin-
 dicarent se Sardi vbicunque noxios de-
 prehenderent: Se quoque ultioni quâ
 posset accessuram. Radirobanes re-
 sponso Reginæ in deterius apud Sardos
 de industriâ vulgato, finxit acrius iram:
 Sardiniam à Mauris sperni, & ideò ne-
 glectos esse questus quia minæ abfue-
 rant.

Itaque tanquam fatis violatis fœde-
 ribus, non modò vlcisci mercatores,
 sed & repetere maiorum suorum iur-
 gia cum Mauritanæ Reginæ consti-

tuit. Nam veteres Sardinia Reges sibi deberi Mauritania sceptrum contenderant frequentibus bellis. Postea sæpè has lites aut induciæ, aut nomen pacis suppresserat; quæ mox (vbi alterutri Regi placebat) veluti à somno receptæ, specie æquitatis libidinem armorum tegebant. Tunc verò Radirobani visum, sic exercitu vti, quem à Sicilia ferocem reduxerat. Et quòd mulier in Mauritania imperabat, facilius promittebatur victoria. Vt hæc tamen armorum & violentiæ libido, ad imaginem iuris accederet; adornauere illico Fecialem, qui auspicaretur bellum, dum subitis in Sardinia delectibus reparantur legiones. Et ille vbi Lixam peruenit, ad Hyanisbem intromissus; eam, nisi scepro decederet, nisi Mauritaniam Radirobani traderet, strenuè ad futuros cum exercitu Sardos qui ius suum persequerentur, audacter pro sui muneris inuiolabili sanctitate admo-

nuit. Regina improuiso territa malo non tamen cunctanter respondit; Vile esse Radirobanis cœptum, quo mulierem cogitabat peruertere, fortè robur non ausus in viros experiri. Annorum plurium pacem, nihil læsum, nullo in populis motu, corrumpere, in perfidiæ viciniâ esse. Non posse falli deos; Sed nec abesse humana præsidia; Neque vnâ esse Tomyrim, quæ sanguinem sitientibus sciret dare. Ab eâ digressus Fecialis, vbi stetit in littore, dexterâ hastam tenens, Quòd, inquit, rem Sardorum publicam Mauri violant, nec moniti emendant contumaciam; quòdque Rex & Populus Sardorum Regina & Populo Mauro bellum iussit; Ob eam rem ego Réxque & Populus Sardiniae, Reginae & Populo Mauritaniae bellum dico faciòque. His solemniter dictis, telum emisit in hostico, & receptus in nauem viam ad Radirobannem relegit.

Audebāt Hyaniſbem proximi amicorum incuſare, quòd abeſſe filium eſſet paſſa in quem debuerant belli curæ recumbere. Se enim ideò ad contumeliam faciliores Radirobani viſos; Venire quaſi ad vacuum regnum hoſtem; illámque aciem deſpicere in quâ virilis purpura non fulgeret. At illa fortunam pluſquam ſe peccaſſe referebat; quæ rerû placidiſſimum curſum inopinâ tempeſtate turbaffeſſet. Sed & filiû non procul abeſſe; & impigrè rediturum, acceptis literis quas ad eum cogitabat. Interim milites legerentur, nec quicquam ſedulitati deeſſet, quam illa tempora quærebant. Vix biduum inde proceſſerat cùm de rebus quæ inſtabant, inter Proceres agitati, nunciatur alterum ex filij ſeruis (duos enim omnino abuexerat) perueniſſe ad Regiam. Stupere ſcilicet omnes, videbaturque non impar fabularum vanitati ſcælicitas; in ipſo temporis articu-

lo aduenisse, qui certò de Principis va-
letudine referret, monerétque vnde
esset arcessendus. Seruuli autem ad Re-
ginam mittendi causa hæc fuerat. Ar-
chombrotus postquam ad nuptias Ar-
genidis nihil deesse sibi vidit præter
authoritatem matris; ne sibi moræ
esset in latissimis rebus, ad eam famu-
lum dimisit cum eiusmodi litteris quas
iuuenis, & amator, & inter illos impe-
tus tamen maternæ potestatis haud
oblitus, scribere poterat. Porro mater,
erat ipsa Hyaniske. Is verò inter suos
Hyempfal dicebatur; Sed ex matris im-
perio ad Græcos nauigans, genúsque
dissimulans, conueniens illi genti no-
men assumpserat. In iis literis magno-
pere suæ in matrem reuerentiæ impu-
tabat, quòd ex iussu ipsius generis sui
fortunam fideliter tacuisset: Cæterùm
fœlicitatem offerri quæ superaret om-
nia vota; Affinitatem cum opulentis-
simo Rege, possessionem Siciliæ; Vir-

némque in quâ animi dotes tantæ hereditati præstarent. Orabat, vt Regi, cui tantopere ignotus placuisset, suorum natalium decus liceret aperire. Etiam ipsa ad filij hymenæos Optimatum præcipuos dimitteret, pecuniâque, & opes, quæ Mauritaniam commendarent Siculis in illius auspiciis transituris.

Reginæ non tantum non iucunda epistola fuit, sed ad illius lectionem conterrita sic expauit, vt qui aderant nihil latum de Principis valetudine suspicati, percunctarentur à seruo quid dignum attulisset eo Reginæ vultu quem cernerent. At ille Hyempsalem non modò valere, sed & apud externos egregiè florere confirmabat. Hyanisbe quoque non dubia, ex suâ consternatione alios timuisse, vultum collegit; deumque auxilio incolumem filium dixit breui rediturum in patriam. Sed ubi secreta fuit cum famulo qui literas attulerat;

attulerat; Puto, inquit, satis tibi à filio
 imperatum, ne hîc vlli enuncies apud
 quam gentem versetur. Tu sodes dili-
 genter fidem serua. Neminem enim
 meorum scire hoc volo. Oportet præ-
 terea vt strenuè redeas. Primo mane
 abibis hinc ad illum. Fides tua effecit,
 ne te præmiorum admoneam, quæ
 vtrimque te expectant. Hæc effata se-
 cessit in Gynecæi penetrale, non magis
 de Radirobanis iniuriis quàm de filij
 voto sollicita. Tantæne vim negocio-
 rum mihi subito esse obiectam? Hinc
 Sicilia affinitatem timeam, illinc arma
 Sardinia? Tunc, charissime, vt Melean-
 dri gener fias? Vt te imprudens in eam
 regionem miserim, quæ te, & nobilif-
 simam virginem vnâ ruinâ perdat?
 Auertant Cœlites quod meo errore
 merui. Quid heu semel, & Radiroba-
 nes mihi regnum, & Argentis filium
 tollit? Sic plena terroris sumplit ceram,
 in quâ eiusmodi verba posuit. Quan-

tum cogitationes tuæ à rerum nostrarum fortunâ abhorreant, mi gnate, hinc scias; quòd vix ab oculis meis abscesserat Fecialis Sardinia, nobis à Radirobane denunciator belli, cum literas tuas accepi; quæ te intempestiuo hymenæo instare docuerunt. Fortunæ gratulor, & virtutibus tuis, per quas effectum est, vt adhuc de genere & opibus ignotum, Meleander suâ affinitate dignum existimet. Sed maculabis tuam famam, si amor indulgens, matrem & patriam fines turbulentissimi Radirobani prædam esse. Noli Siciliam vt-cunque dotalem, maternæ Africæ præferre; quam incolumem vix habebis, nisi confestim huc properas. Scis quanto facilius res seruari, quàm perditæ possint recipi. Post matrem assertam, post triumphos, & fortissimæ pietatis decora, ibis maior ad fœdera, & dignior peti. Sed neque in Radirobanem solum, aut bellum, moras retuleris quas nuptiis

illis iure materno iniicio. Periisti, mi
gnate, nisi prius loqueris mihi quam
ducas Argenidem. Redi confestim ad
charissimam matrem. Gaudebis æde-
pol; & grandem pietatis mercedem
esse intelliges, hoc ipsum quod mihi
parueris. Nam ut meam mentem scias,
adeò interest ante coniugij sacra, à me
ipsâ te moneri de rebus arcanis, quæ
non literis, non nunciis credi possunt;
ut si postuertas officio, me tibi matrem
negem. Accedam ad Radirobanis par-
tes, ne hereditate & veluti spoliis meis
exultes quam mœrore confeceris. Iam
hoc satis imperatum tibi puto. Indo-
lem noui, quam non pòtes ullâ fortunâ
aut peregrinatione exuisse. Cæterum,
ne me tuis peruicaciter votis putes
auersam, nihil abnuo quin Siciliae Regi
indices te filium meum esse. Qui si te
generum optat, si tibi cum filiâ Siciliam
vouet; tecum idoneam mittat manum
quâ irruentibus Sardis obstes. Faxo in

Siciliam illico redeas, postquam te hîc filium sensero, & Radirobanes hostem. Vale. Conscriptam in hunc sensum epistolam seruo cùm traderet, adiecit, ut filium hortaretur, nullibi moras ducere, priusquam peruenisset in Africam; & hæc piè curare quæ ipsa his literis mandabat. Seruus omnia pollicitus ut decebat, tamen biduo ob tempestatis vim mari exclusus, vix denique à portu soluerat, cùm adesse Poliarchum Gelanorus nunciauit.

Tunc verò Hyanisbe non sine deûm numine aduenisse vires amicas præfata, Poliarchum in arenâ cultu regio curat excipi. Ipsa cùm Aulam intraret obuia fuit. Et exacti memoria beneficij, & præsentis operæ quam ab eo sperabat necessitas, humanitatis officia geminabat. Tanquam cum filio loquuta est; nisi quòd reuerentia accedebat blanditiis. Nec deerat ille laudibus suis, tam submissus in Reginam, tam

concinnâ modestiâ se inferens, ut ple-
 rique succlamantes tanquam matrem
 & filium vno ad deos voto coniunge-
 rent. Dispositi in littore erant qui du-
 ces illius militésque exciperent. Publi-
 cè omnibus hospitium præbebatur.
 Maurorum vna vox erat, gentem ex-
 ternam nullo Mauritaniæ iunctam
 commercio, nulla stipendia quæren-
 tem, adesse, quæ suo sanguine pericli-
 tantes tutaretur. Ergo amplecti veniē-
 tes, & pro se quisque benè hospitibus
 precari; in liminibus quoque vina co-
 ronásque statuere; Ut mirum esset Gal-
 lis adhuc ignaris quod Afri beneficiū
 petebant, alicubi terrarum meliùs pe-
 regrinis quàm in Galliâ suâ esse. At Re-
 gina non morata diutiùs, quàm dum à
 vestibulo Poliarchum ad Aulam de-
 duceret, ita loquuta est; Ecce te Re-
 gem, vir fortissime, non nunc primùm
 cognoscimus. Nuper sub priuato ha-
 bitu cùm hîc esses, suspeximus tuas do-

res, quas diligenter explorantibus nulla minoris fortis simulatio eripuit. Tunc quidem me mihi reddidisti, cum animam propè meam latrones abstulissent in cistulâ. Iam verò ut afferas tuum munus, siue tuo siue cœlitum cōsilio huc cum armis appulisti. Quippe improuidam, & pace nimia deceptam, Rex Sardiniaë Radiobanes bello aggredditur. Expectamus quotidie classem nostris littoribus infestam. Nec contrahi vires tantillo momento potuerunt. Mulier sum. Filius abest. Tu patrocinium suscipe; & gloriæ tuæ tribue ne Reginam, & iniuriis petitam, videaris despexisse. Equidem summam tibi rerum permitto. Tantùm aliquos dies ad præsidium morare; ut nemo de Radiobanis furore sine mentione tuæ virtutis loqui possit. Quantumcunque, & quocunque festines, legitima erit hæc mora.

Hæc dicentem non modò maiestas,

sed & mœstitia ac penè lachrymæ cō-
mendabant; Pudebátque Poliarchum
extremam oranti opem tardè annue-
re. Sed rursus amoris sacramentum, &
quod supplex etiam ac misera erat Ar-
genis, submouebat stimulos præsentis
pietatis; donec vehementer miratus
Radirobanem ab Afris timeri, quem
credebat in Siciliâ esse, percunctatus
est, ubi ergo terrarû is degeret. Quem
postquam intellexit à Siciliâ abscessis-
se, & vel esse in Sardiniâ, vel aduersus
Africam nauigare, acerrimo metu co-
horruit, ne raptâ aut traditâ Argenide
recessisset in patriam. Nec distulit quæ-
stionem; Et ecquid auditis, ait, illum
Siculi Regis generum esse? Hyaniſbe
quæ ex Archombroti literis certa erat
innuptam esse Argenidem (breuiter
quidem mirata, quid hoc ad Poliar-
chum.) negauit eiusmodi quicquam
factum. At ille ignarus, quis hanc sibi
operam dedisset; quâ depulsus ratione

Radirobanes, quóve authore esset; cogitavit, nihil tunc igitur causæ esse, ut tam præceptis Siciliam cum exercitu peteret. Nam quid præter Radirobanem vrgeret Argenidem? At verò apud omnes pro flagitij infamiâ fore si desereret Hyanisbem, & veluti traderet hosti. Mittendum ex fidis hominibus aliquem qui interim Argenidem solaretur, & negotij admoneret, quod necessarium fortuna obiecerat. Quòd si non impetu hoc bellum veniret, sed tempore traheretur; tunc se pace Reginæ, relicto in Mauritaniâ præsidio, cum copiarum parte discessurum ex Africâ. Neque paruum manendi incitamentum erat Radirobanes, velut fatalis hostis ubique obiectus: Vlturum enim se, specie vindicandi Hyanisbem, dolores quibus ille Argenidem cruciauerat. His paulisper pensatis, Reginæ in hunc modum respondit. Quod silentio meo suspensam te

habui ; ne crede , Regina , me ambiguâ
 consultatione verſaſſe an eſſes relin-
 quenda ; id eſt , an paulò nequior ipſo
 Radirobane eſſe poſſem. Sed me præ-
 donis , non nunc primùm apud me
 damnati ſcelus mouit , rursùſque meæ
 fortis fœlicitas , quæ meos errores pro-
 pitia huc aduertit. Nam ſeu te , Regina ,
 ſeu cauſam , ſeu beneuolentiam in me
 reſpicio , tantâ verecundiâ tibi deuin-
 ctus ſum , vt negare nil liceat. Quando
 igitur ita res tuæ ſunt , omnia mihi
 poſthabeo ; Vtere regni mei viribus ;
 ſciâſque in te colendâ nihil me tuo
 filio ceſſurum ; neque impune , me viuo
 futurum Radirobani , quòd tuam velu-
 ti orbitatem prouocauit.

Adeò hæc læta vox Hyaniſbæ &
 Proceribus fuit , vt in Cæleſtis ſuæ
 ædem plerique decurrerent , omni ſuf-
 fitu gratias habituri de aduentu Poliar-
 chi. Nec religionem popularem auer-
 ſata Hyaniſbe , etiam Poliarchum pro-

uocauit ad templum. Concitata iuueni erat ex maritimo periculo pietas: ut nec inuitus ad numinis Afri limen accederet. Vidit ergo, & amoris sui vota illi Cœlesti commendauit; quam, seu Venerem, seu Iunonem existimes, virginis specie factam leo vehebat, oculis in altum erectis, pectore quoque & primis pedibus in sublime ita versis, ut in cœlum eniti videretur. Cœlestem Venerem, Parcarum natu maximam, primi Assyrij coluere. Hinc non longè ad Tyrios potuit commeare religio, & ab iis inter Carthaginis auspicia Africæ tradi. Tunc quidem in honore præcipuo Mauris erat: & sub signo istos versus marmore inciderant, quibus non modò illa dea, sed & Africa celebrabatur.

*Nec cœlum, ne, diua, tuo subuecta Leone
Irrupisse velis. Magis hîc tua limina serua,
Limina, quæ votis meritoq; impleuimus auro.
Tu si diua faues, Libycis non finibus illa*

Praestet humus, cui Sidonij de littore Ponti
 Virgo tulit nomen falso subuecta iuuenco;
 Aut molles Asiae tractus, quâ Martia
 multum

Frangitur, & blando lasciuit sydere Virtus.

Aspice quàm lætis iactat se se Africa fatis.
 Illam ingēs curuis Nereus amplectitur vlnis,
 Ceu custos, totamq; videt: Ni faucibus obstet
 Vna Pharos, geminúmque solo discriminet
 æquor.

Ridet cultus ager; facili sata credita surgunt
 Fœnore: Magnanimi celebrant deserta
 Leones;

Et dites strident ebora inter candida sylva.
 Hesperidúm hæc fuluos genuit terra aurea
 ramos;

Hesperidúmque Atlanta patrem, qui vertice
 magno

Arduus in miseras cælum descendere gentes
 Non sinit, aut tactis sordescere sydera terris.
 Hic tepidus lauit nascentem Pallada Triton.
 Hic & fatidicus mediis in Syrtibus Ammon
 Haud sitit, & multâ velat suâ cornua sylva.

*Nos pater Armipotens, nos & Iunonia seruāt
Numina, nec mōtes spernit deus ales auitos.*

*Tu quoque, Cœlestis, Genitrix tua maxima
rerum,*

*O adsis; Libycas & qui iam dicere dotes
Certabunt, seu Musa chelym, seu sumet
Apollo,*

*Te, dea, te primam, & tecum tua munera
narrent.*

Nuncupatis apud Cœlestem votis, reliquum diem belli cura absumpsit. Quinquaginta varij generis nauigia erant Poliarchum comitata. In iis vltra duodecim armatorum millia ferebantur. Pars classis tempestate debilis in arenam subducta; alia, pelagi fluminisque obseruatura. confinium, cum Mauritanix triremibus in stationes diuisa est. Trabes, remos, & cum funibus vela, omnia denique armamenta, ingens festinatio conferebat. Inter mare & vibem delectus castris locus; & additi Gallis Mauri vexilla in eodem

fixere Principio; induti more gentis
ferarum ingentium pelles, & Elephan-
torum terga curuantes in vsum cly-
peorum: Paucostamen hos esse Poliar-
chus dolebat. Nam vix ad tria millia
scripti milites erant; Ciues autem, ca-
stris inepta multitudo, intra Lixam
cum armis ad mœnia aggerésque ser-
uandos continebantur. Neque ille du-
bitabat quin cum Gallicis quas adue-
xerat copiis posset debellare Radiroba-
nem. Sed si bello non prælio opuserat;
quid faceret in Siciliam iturus? Solúsne
proficisceretur? an suos milites secum
abueheret, quos Hyaniſbe propemo-
dum solos habebat? Huic curæ inten-
tus, constituit hortari Hyaniſbem, vt
gentilem aciem ampliori delectu ador-
naret; Non quasi Radirobanis metu,
sive discessus mentione iniectâ; sed
veluti transferendo in Sardiniam bel-
lo, si fortè timidioribus mutatus consi-
liis hostis cessaret.

Igitur postera luce, de belli ratione cum ageret, suavit, ut tributum in belli apparatus Mauris omnibus imperaretur; quod Regina pluribus cohortibus, atque turmis, gereret bellum; Numidas quoque qui in vicino erant, mercede conduceret. Vtilissimum consilium (retulit Hyannisbe,) & quod mea etiam menti succurrerat. Sed quis locus conuocando nunc ex tota gente concilio, cuius necessaria est tributis indicendis authoritas? Stupuit Poliarchus, liberis regnis assuetus. Non ergo ius regum, non regionis discrimina, satis populum cogere ad tributa; nisi ipse per homines a se legatos consentiat? Scilicet neruos imperij, id est ararium, in potestate populi esse; Hunc arbitrum rerum, & suorum Regum Regem vno hoc iure publicis omnibus coeptis, consiliis, viribus, moderari? Certe non regnandi veras leges hoc pati; non cum summi imperij nomine con-

uenire. Cœpit deinde hortari Hyanis-
 bem vt excutere anniteretur pessimi
 moris iugum, quo sceptrorum liberta-
 tem Mauri adstrinxerant. Et tentandi
 an id populus pati posset, tunc com-
 modissimum tempus esse, cùm externo
 puidi bello, crederent pessione quam
 Regina imperasset, se salutem redime-
 re; Videberis, inquit, non nouandis
 quidem rebus intendere vim regiam;
 sed sub discriminis articulo extraordi-
 nariâ quidem, sed necessariâ ratione id
 æris impetrare à ciuibus. Quòd si suc-
 cesserit; præiudicio vtique erit, vt & in
 cæteris periculis, nihil rogato populo
 idem necessitatis terror ad tributa suf-
 ficiat. Et, vt quamuis auersæ, aut fasti-
 ditæ rerum species ipso vsu nobis con-
 ciliantur, paulatim assueti patientur ex
 vno Regis suffragio rem pendere; ma-
 gno quidem ipsius populi commodo,
 cui sæpe libertatis vmbra illufit.

Scio, retulit Hyanisbe, multum mi-

hi, proliques accessurum, si hanc nobis potestatem pararem. Sed nec vnquam absque discrimine ea nouitas proferretur in populum; & nunc omnium minimè, cum in hostem concitandi sunt animi; iamque satis externi est mali, absque ciuili discordiâ. Adepol efficacius Radirobani pugnarem, quam ille omni exercitu quem parat. Nam & Maurorum contra me studia accenderem, & illi placarem. Dij præterea obstant ne hunc morem violare aggrediar, quem omnino existimo sanctissimæ æquitatis plenissimum. Quem autem? subiicit Poliarchus. Ne, inquit Hyanisbe, inconsulto populo aut inuito, vlla tributa Rex imperet. Placétne Reginae personam nunc exuam; quæque sæpè in hanc rem audiui, aut ipsa cogitauit recenscam; Vel vt mecum sentias, vel vt errore me liberes? Placet, inquit, Poliarchus. Patrocinare illis, qui nec perdi nisi propriæ potestatis licentiâ

centiâ possunt; nec seruari nisi ad obsequij reuerentiam adaçti. Simul se ad audiendum composuit, iuuenili animo indignatus id quod tantopere sentiebat oppugnari; Neque ratus Hyanisbem tam ex animi sententiâ loqui, quàm subductæ potestatis pudorem specie æquitatis tegere velle; quasi subleuaturam suas angustias, si ad sortem ad quam ipsa adigebatur, alios Reges damnaret.

At illa; Principatus conditos scimus, vt vi sublatâ quæ omnia ad potentiores trahebat, ex naturæ & rationis imperio agatur res humanæ. Quid autem ad naturam magis putes accedere, quàm vt quisque opibus industriâ suâ partis fruatur; aut rationi ciuili commodius, quàm vt intelligamus quid nostrum, quidve alienum apud nos sit? Atqui de medio vtrumque tollimus, si quæ ciues suâ diligentia peperere, vindicamus vt lubet æra-

rio; facimúsque ne sciant quantum ex domesticis opibus Regi, quantum sibi iura attribuant. Quí enim id sciant; cùm non hoc suum, ac ne legis quidem arbitrium sit, sed Principis duntaxat vnus; cùmque tributo semel exacto, adhuc ipsi simpliciter suis bonis non gaudeant, quæ aliis scilicet Regis edictis possunt rursus delibari? Mistæ hereditatis atque confusæ, quot mala sint si ignoras, respice feruentia litibus forra. Hanc communionem, hoc chaos, non amici, non fratres diu ferunt. Ipsæ denique vxores scire volunt, suis ex bonis quid in maritum transferant, quídque sibi recipiant. Quis igitur diuturnam & publicam pacem speret, si quæ Rex adimit ciuibus, facit sua; quæ relinquit, adhuc habet cum illis communia?

At verò vbi tollendi tradendique fines sunt, ea æquitas à naturâ præscripta cuique familiæ limites suos, iura, offi-

cia, designat. Spes deinde placendi, & aliquid vtrunque impetrandi, mutuam necessitudinem insinuat inter Regem ac populum. Quippe populus, ne Princeps commissum sibi ferrum summo iure stringere amet, ne temerè ineat vel bella vel paces, ne imperitis aut leuib; publica munia diuidat, sponte regiam gazam de suo implebit. Erunt hæc præmia, quibus Principis virtutes donabit; simulque præteritis beneficiis gratiam referet, & futura merebitur. Rêxque vicissim non committet vt ciues sæuis aut externis moribus lædat, nihil quoque, si duriùs cum illis agatur, de suo concessuros. Hæ sanctissimæ sunt habenæ, quæ Regem populumque iungentes, vtrunque ab iniuriis & superbiâ arcant luxuriaturam potestatem.

Sed opus est scilicet ære ad quotidianos Regiæ sumptus; & ex magnificentiâ Regum de viribus & opulentiâ

regionis exteri iudicant. Quid præsidia? (inquires) quid classis? Vix vllum profundius mare quod ingestas opes absorbeat. Equidem vera hæc esse, experimento quoque comperimus. Sed nec vllis Regibus tam angustè à populo legem dictam existimo, quibus ad hæc regni munera atque insignia non opes sufficiant. Ingentia illis patrimonia, & si probè curentur satis dignitatem assertura. Portoria quoque non pauca, licitatoribus magno redempta; His pleraque præterea iura & in aliis gentibus aliisque diuersa sunt. Hæc gaza, hæ opes, Regi ad splendorem sufficient, si regnare solus volet, nec prodigis animis quos insanè aut seruiliter amat penè in purpuræ communionem asciscere. Ast vbi tam perdedi quàm rapiendi auiditas illum inuasit; vt nec assuetæ & legitimæ opes, ita nec vlla tributorum acerbitas tantam voraginem explebit. Subeat imperia

populus, suam operam suosque labores in ærarium conferat, at is Princeps (vt de Erisichthonis fame pueris narramus) semper vacuus, & erectis in futurum votis, egebit. Eo quoque profusior quò facilius credet rediturum sanguinem confecto ærario. An ergo miraris abstinere populum nihil profuturo obsequio, & negare proceribus paucis qui Regem circumfident, opes sibi & liberis paratas; quas tamen & Regi donabunt; vbi illas iam non ex prodigæ mentis morbo, sed efflagitantibus patriæ rebus exposcet?

Audio quoque in gentibus quæ patientissimæ tributorum sunt, minùs illo obsequio Regibus agi quàm creditur: quia patrios fundos, & quicquid Regibus in domesticâ hereditate est, paulatim hæc facilior popularis pecuniæ ratio atque fiducia euertit. Negligi enim patrimonia illa Regum, tanquam angusta, aut laboriosa, aut denique ad

priuatorum sortem accedentia, incipiunt; mox in gratiosos homines diuidi; pignori dari, verâque aut simulatâ emptione excidere. Ita Reges innocentissimum viuendi genus omitunt, de suo vectigali; aliudque instituunt proximum prædæ; nec tam auctis quàm mutatis opibus, tamen veluti victores ferociunt.

An denique legitima regna à sæuitiâ tyrannorum distinxeris; si vtrobi-
que res suas precariò ciues possident; miserorûmque hominum tota interdum cum suis laribus supellex, de exhaustis domibus rapta, sub hastâ & præconibus prostat? Nec inuidiam facio vani spectaculi mentione; si vera retulere qui in regionibus fuerunt in eam sortem Regi obnoxiiis. Quod enim viritim imperatur, vt leue sit opulenti; At rusticos, at colonorum tenuiores, sæpè sic premit, vt non penum, aut stratum relinquat in quo sal-

tem percussi conquiescant. Quid hoste victore expectarent acerbius?

Tetigit Poliarchum de agricolis inuidiosa narratio. Itaque non passus plura dicere Hyantisem, ita orsus est. Nollem isti (Regina) per quos hæc crudelium, ut memoras, tributorum fama ad te allapsa est, maligno compendio tradidissent rem obscuram: sed aperta rei serie essent usi; quæ tam Reges, quàm ipsum vectigalium morem absolueret. Numquam enim Regibus est animus hæc edi crudelitatis exempla, quæ memoras. Si verò quæstores ac Iudices fortè interdum atrocius quæ iussa sunt extorquent: aut qui viri-
tim indicunt, quid de tributo exolvere quemque oporteat, iniqui in nonnullos extiterint; An ideò Regibus tributisque tam sæuiter irascendum? etiàmque soluendi in totum publicæ rei nervi, qui ex eiusmodi vectigalibus constant? Esto enim. Pone eos errare qui

diuidendis in singulos oneribus sunt delecti: Adde in capiendis pignoribus præter modum sæuire lictores; Facias quoque si placet, in crimine esse Reges sub quibus hi mores rigeant; At nihilo iniquior erit ipsa potestas Regum, ius, inquam, de quo agimus, indicendi vectigalis. Nisi fortè iustæ res non sunt, aut leges, aut iura, nisi cum iis iustè utimur; exuuntque naturam ad virtutem eorum, aut vitium, quibus commissa sunt. Quid si populus iusserit tributum tibi conferri? Nihil magis legitimum, inquires. Sed in eo colligendo, si, ut sæpè fit, iniustiùs duriùsve cum ciuium aliquot agatur. An post hanc iniuriam legitimum esse desinet, quod consensu populi ratum fuit? Nemo verorum Regum est, cui inconsulto populo belli indicendi, pacisve firmandæ non summa potestas sit. At si temerè eo iure utentur, hostemque intempestiuè facient, aut lacerent, quan-

tò id populo damnosius erit, quàm vlla tributorum auuiditas? Neque tamen, ô Regina, hanc ideo armorum potestatem negabis esse iustissimam, quòd eam, vt constat, possumus iniquissimè vsurpare: Vt inde intelligas ex ingenio aut scelere hominum non æstimandam esse rectitudinem legû ipsarum.

Aiebas, daturus operam Principes modestiâ, cæterisque officiis, vt in suarum virtutum præmium ferant sponte à ciuibus tributa. Nescis enim quibus maximè Regibus apud populum sit veneratio. quàm sæpè rectas artes despiciat; falsisque virtutibus, aut splendidis vitiis decipi amet; vt denique eius studia à salute publicâ diuertant. Imò adulandum plebeculæ erit, & ex illius libidine capeffenda negotia, vt deserti officij mercedem Principibus constituat. Frænum pretio remouebit; pretio lasciuiet, & peribit. Malè agitur cum rebus humanis, si non bonis sed

plurimis placere Reges volent.

Salubriores fieri aquas putant, vbi ex puteis assiduè hauris; quæ, si cessas, aliquo veterno emoriuntur; Haud disparis fati vires & animi vulgi sunt. Ipsâ laboris assiduitate crudescunt, & ignauiam odere. Ocio corrumpuntur. Num igitur vtilissimos neget stimulos esse qui ad diligentiam omnium virtutum fœcundissimam eos adigunt, & ad negligentia torporem non sinunt conuiere? Atqui nulli ad eam rem acriores quàm hæ Regibus pensitandæ pecuniæ. Quippe si socordia amore, viuere parcè, & negligere corporis cultum maluerint, quàm labore opulentiam parare; non idcò in remissionem solui licebit: sed à sui curâ abeuntibus, præstò erit hic Regibus, aut veriùs patriæ debitus labor, quo pensionem parent haud dubiè à lentis etiam aut inuitis exigendam. Ita dum coguntur ad alienæ vtilitatis operam, pro se

quoque assuescunt laborare. Mox illos
 plusquam pro se aut pro Rege tenebit
 ipsa laboris & industriæ consuetudo.
 Hinc artificiiis cultus, hinc corporibus
 & animis vigor; & in pari omnium
 assiduitate, regionibus opulentia non
 mollis atque luxurians, sed virilis & ro-
 busta. Eâdem operâ rudis plebs atque
 incondita, sparsique in agris ad pascua
 aut aratra homines, domiti labore,
 sensuque sortis suæ monentur se obse-
 quio, non imperio genitos esse; Qui,
 ubi non in usu aut potestate Regum
 sunt illa tributa solertiam sollicitatura,
 sæpe feroces, nec magistratibus tracta-
 biles, stolidè aut periculose superbiunt.
 Nempe ingenia quæ virtutibus non
 impleueris, vitiis vacant; veluti cessan-
 te cultu ager, quem messibus onerare
 timueris, se inutilibus herbis spontè
 exhauriet.

Finge tamen esse leges, quæ negli-
 gentiæ & ocio mulctam dicant, suoque

satis ingenio vulgus acui ad laborem. Demus præterea populum iudicio non carere, & Principe iustam utique opem petente suas impigrè opes collaturum in publicum. Quid verò si occurrunt quæ & subito peragi debent, & nisi publicis sumptibus non possunt expediri? Dum monetur populus, dum delecti vocantur, aliquot mensium labor est, & religiosum hunc ordinem non expectant negotia; effluitque inter moras rei gerendæ occasio; aut ingruit malum, quod præsentibus repulisses stipendiis. Quid dubitas, Regina, vel ex statu præsentiaagnoscere quàm iuste de moribus illis querar? Instat hostis externus: Bella non auro minùs, quàm ferro geri solent. Quia tamen citiùs aderit hostis, quàm populus conveniat, deerunt tibi publicæ opes, quibus alas exercitum, & ex vicinis gentibus auxilia contrahas.

At nec subita modò Regibus oc-

currunt; sed sæpè secreta, quæ & inter-
 est non vulgari; & inter hanc tamen
 quærendæ pecuniæ rationem tegi vix
 possunt. Voles inuadere in hostem
 imparatum, aut quæ olim tua rapuit
 inopinatò recipere. Interest ne ille, aut
 omnino vicinia consilium intelligat;
 In hanc rem igitur dum necessarias
 opes quæris à populo, indicisque con-
 cilium, an proferes in publicum tuæ
 mentis arcana? at simul tuorum cona-
 tum velut animam in ventum effu-
 deris. Sin verò (vt oportet) habebis
 hanc molitionem tibi secretam; quid
 causæ ad populum afferes rogandi tri-
 buti? quid si lentus est, impellendi? An
 præterea, emulas circum gentes, aut
 illos omnino quorum interest te esse
 quietum, incuriosos fore vel segnes exi-
 stimas? Quos utcunque fefellisses, con-
 suetâ, nec strepitu publicisque rumori-
 bus notatâ, potestate exigendi tributi;
 hos ipsa conuentûs celebritas, quem ex

omnibus prouinciis cogis, quique ignorari non potest, ad suspiciones, & sui curam, erexerit.

Si verò (quod sæpè fit) non ciuibus cum Rege conueniet; si contemptu vel odio eum lædere amabunt, illiusque consilia quamquam recta despicient; quid rebus tandem fiet? Vt si qui imperiti dum hostem ferire statuunt, se ipsos obuerso telo transuerberent; Ita populus suo & patriæ iugulo imprimet vulnera Regi inuiso destinata; negatis stipendiis, quæ Reipublicæ tempus efflagitat.

Quid denique regiam potestatem, quam omnium potissimam vel ipsi faterentur qui nolunt experiri, eam debiliorem statuimus, quàm alicubi Optimates potiuntur? Certè enim in gentibus in quibus Senatui summa potestas est, non consuli, non rogari populus solet, velint ac iubeat rempublicam suo auxilio esse adiutam. Decernunt ipsi Patres,

fanciunt, imperant; & populum nolunt ad tantæ potestatis gustum attolli; quæ, si rectè sentimus, propè summa in ciuilium rerum momentis est. Cur autem id illis iuris sit, & ad Reges non pertingat? Si, inquam, legum condendarum Regibus ius est, non minùs quàm in eiusmodi republicâ Optimatum Concilio; si non in ciues angustius mortis ac vitæ arbitrium: si par denunciandi belli, aut fœderum iciendorum authoritas (quæ apud homines grauissima censetur) cur tantùm vna hæc impar indicendi tributi potestas sit? Quæ leges? quis populus ita iussit? vnde origo discriminis? aut cur Reges agnoscant populi fasces, quos Optimates premunt?

Poterunt tamen auidi aut negligentes æris Principes peccare in populum. Certè enim, & in cæteris etiam rebus, quas non ideò iuri eorum detrahimus. Vbi candidus ille, vbi innocens ensis,

quem in immeritum vulnus non possit gestantis temeritas virgere? At regionem exhaurient contracto vndique auro. Rara hæc (si continget) & brevis iniuria; Cùm sub Regibus solis sit qui in ærario extruere inutiles cumulos amant; adeoque à Principum genio id vitium dissentiat, ut vix duos serie iunctos adhuc infecerit. Sub his verò qui sunt in exigendo largiendoque immodici, quamquam iniquissimâ libidine plurimos lædunt, hoc saltem publicarum iniuriarum lenimen est, quòd ut Oceanus exceptas fluminum aquas, nebulis imbribusque reddit terræ; ita illi per Procures quibus indulgent, subinde remittunt in vulgus quicquid exsuxerant. Quâquam porrò ad publicam pacem est, ne civium in se fidem Princeps immodicis vectigalibus laceffat; tamen, si calculum ponis, rariùs gentes seditionibus arsisse reperies, quibus ad tributa ferenda satis est

Regum nutus, quàm quæ se ipsas ad illam patientiam non comparauerunt. Adeò sapiùs in publicam peccat pacem vulgi sagina, & quædam imago nimix libertatis, quàm vel duriorem Principum læua feueritas.

Pudebat Hyanißem fateri se tam subitò esse mutatam. Quippe hæud ægrè persuaserat Poliarchus iura illa Regibus deberi. Ergo molliori sermone, & perfunctoriè quæ audierat refutando, paulatim in eandem sententiam concessit; & hortante Poliarcho statim occultam iniit viam parandæ potestatis. Præcipuos suæ Lixæ Magistratus iussit acciri, breuitérque memorato bellorum quæ instabant discrimine, petiit vt sibi confestim talenta centum magna, ex ciuium ære conficerent. Illicò paruere; satis periculi imagine ad omne obsequium compulsi; & fœlicissimæ celeritatis fuit, quòd intra biduum comportata pecunia tanto

M m m

exemplo reliqua oppida impulit ad
eiusdem officij curam. Liberalitatis
etiam & munerum causa ob natalem
Hyaniſbes geminabatur, qui opportu-
nè tunc incidit. Is dies, quamquam
tanto in motu, omni remiſſione cultus
fuit quâ pacis ocia celebramus. Com-
meſſabundi in vrbe & caſtris, ſèque &
pocula coronauerant; adeò vt ſub no-
ctem Gelanorus, cui credita erant ca-
ſtra, Poliarcho nunciaret, eam licen-
tiam ſiſti non poſſe. Ille ad vallum
properauit, haud ignarus in bellis nul-
lum fortunæ tempus dandum quo ipſa
ſubitis caſibus vtique gaudens, poſſit
improuidos merentésque percellere.
Sed plerisque iam domitis mero ſom-
nus irrepſerat. Iacebant inter vina; aut
accipiendo inepti imperio cantabant;
Nec Mauri quidem tantùm, ſed &
Gallorum vulgus. Poliarchus Gelano-
ro, cæterisque qui compotes ſui erant,
caſtra atque vigilias, & ebriorum hanc

turbam impensè commendauit; Vtque
 erat festissimi ingenij, cùm in urbem
 rediisset libens versus aspexit, quibus
 vnus suorum Druidarum intemulen-
 tos sic ludit.

*Venit iô numen; festo deus ecce tumultu
 Ecce deus. Lati Bacchum aduexere furores
 Pâpineo insignem curru, quem Tigride multâ
 Axis agit, cœli spoliis armatus Eôi.*

*Æra sonent cāpis, omniq; à fronte Corymbus
 Nutet, & attonitam rumpant caua tym-
 pana noctem.*

*Venit iô numen. Nimius quatit omnia.
 Bacchus.*

*Hic trepidi postes pulsataq; tecta recedunt,
 Hic hederæ, hinc picto saliunt monstra ebria
 cœlo,*

*Et quicquid timidis Mineidas induit alis.
 Non magis Odrysius cùm nox Trieterica
 matres*

*Impulit, aut Tyriam stimularunt Orgia
 Dircem,*

Arua fremunt, spumat multo cratere vocatū

Numen, & imbelles ardent concurrere thyrsi.

Non tamen hîc cedes, fata aut Pentheia

Bacchus

Attulit, errantitruncum vel falce Lycurgû;

*Sed trepidos gressus, blandoque papauera
somno.*

Forſitan & timidas ignota audaciâ mentes

Implet, & expulſæ mirantur cedere curæ.

Ecce iacent nullo perfuſæ ſanguine turba,

Victoremq; ſuum perflant; Secura malorum

Fortunaq; cohors. O captis numen amicum

Gentibus, & tanto ſælix inſania lucro,

Ni brevis, & primos expiratura ſub ortus!

Sed nec remiges, militésque totâ
clâſſe minor læticia, ac deinde ſopor
inuaſerat; adeò vt ægrè deinde proprio
periculo, & penè vulneribus, pone-
rent ſomnum. Ipſâ enim illâ nocte
aduentans Radirobanes, ferociter à
mari in capacem fluuium egit nauigia,
ſtrenuèque oppreſſis qui pauci ad cu-
ſtodiam vigilabant, totum littus ri-
pâmque obtinuit. Præſidiarij relictis

nauibus ad castra confugiunt, aut a-
 mentes terrore, ad portas ciuitatis
 tam tunc sibi quàm hostibus clau-
 sas: Alij triremes in altum impulere,
 quâ hostem abesse silentium monstra-
 bat. Radirobanes suorum plurimis
 confestim expositis; imparem quoque
 dato terrori ciuitatē fore existimans,
 milites distribuit, qui in littore consi-
 sterent, quique scalis niterentur per
 moenia. At non Gallis, & Afris, qui in
 terrâ confederant, formido eadem, aut
 fortuna, quæ classiariis fuit. Gelanorus
 audito tumultu in littore, iubet passim
 excitari dormientes. Multis somnus
 mētē reddiderat, aliisq̃ue periculum.
 Ipse dispositis per vallum custodiis, &
 Micipsæ commendatis (dux ille Mau-
 rorum militum erat,) cum parte suo-
 rum, hostem iam veluti victoriâ secu-
 rum aggressus est. Radirobanes postea-
 quam intellexit adhuc esse qui sua de-
 fenderent, haud nescius locorum ini-

quitatem ignaris & aduenis intempestâ nocte timendam; reuocari suos iussit; satis egisse visus quòd æquore victor, statuere primo impetu posset in arenam tentoria. Facilem quoque in crastinum victoriam augurabatur, ignarus cum Poliarcho decernendum, & Gallicis turmis. Contentus etiam Gelanorus, à castris & vrbe prohibuisse hostem; non perripuit ad eorum stationes; prælioque nocturno, præsertim absente & inconsulto Rege, abstinuit.

Primâ deinde luce Poliarchus, qui apud se non erat ex cladis nocturnæ dedecore, suos, ac Mauros, ad concionem vocat. Ibi questus militare flagitium esse admissum ab iis qui seruauerant maria, adesse exermes iussit quotquot ex Gallis à classe aufugerant, eosque in fortuitam seriem digestos decimi cuiusque expiari supplicio. Eadem Reginae seueritas in suos Mauros erat. Sed cùm iam numerati ducerentur ad

pœnam; illa pro Gallis, ipse pro Mauris, orauit. Ita leuiori infamiâ, & in delictis militum assuetâ (nam inultum facinus non esse intererat) quibusdam aliquid sanguinis de lacerto missum est: fossam alij seminudi ducere iussi; alij pari cultu stare in foro, sui spectaculum ciuibus præbituri. Et quamquam id tempus egebat militibus, relictæ sunt tamen eo die ad dedecus, vt cæteros animaduersionis timor acueret.

Iamque ipse Poliarchus coccineâ insignis chlamyde eminebat in Numidâ equo, nudumque verticem huc illuc ostentans, sui reuerentiâ & spe vincendi omnes ordines implebat. Relictis deinde qui regiam, qui mœnia, qui claustra portarum tuerentur, ad castra cum cæteris processit; militibus ex imperio Gelanori iam in ordines passim euntibus. Quippe & leuiter armati iustæ pugnæ initia vtrimque libauit.

rant, & Radirobanes totam aciem instruebat; longè animo vultuque commotior, ex quo à captiuis audiuerat illic vnum ex Gallicis Regibus esse; & Poliarchum appellari. (Nam eo nomine ille cenferi volebat quo apud exteros se celebrauerat in tenuiori fortuna.) Statim Radirobani occurrit, ita iuuenem vocari cuius amore capta Argenis sua fœdera despexerat. Sed an is ipse esset haud immeritò ambigebat; quia & multis idem nomen poterat conuenire; nec de eo Selenissa vt de Rege meminerat. Ac vt maximè Rex esset; vnde tunc ille in Africa? quis deus hoc æmulorum par composuisset ad certamen? aut quod rixarum ingenium, vt idem occupato Argenidis animo interuertisset suas spes in Sici-liâ, & nunc veluti ex compacto aduersaturus consiliis suis in Mauritaniam venisset?

Sed imminens prælium dilatam tot

cogitationum seriem vertit in iram. Planicies modica erat à loco quem castris Radirobanes infederat, ad vallum Poliarchi. Hæc ad pugnam destinata, armis vndique & signis fulgebat. Vterque Rex dexterum cornu suorum tuebatur. Læuum Sardorum regebat Virtiganes; & honori Maurorum Poliarchus dederat, vt in læuo senex Micipsa, magni in illâ gente nominis imperaret; Huic tamen additus Gelanorus; vt vigore ætatis sufficeret ad ea quæ ætas in Micipsâ detraxerat. Annotatum est ad victoriæ ingentem fiduciam, Gallorum Maurorumque paucissimos in procinctu nuncupasse testamentum. Adeò non vincere modò, sed & frui victoriâ sperabât. Vbi signa eccinere, initium pugnæ à sagittariis fuit. Sed feruidius quàm ex Imperatorum præceptis campo decurso, totæ acies ad pugnam coierunt. Sic ademptum spacium sagittis fundisque est.

Vix locus ad hastas phalangibus ; vix
fatis vertebantur equi in turmis. Ita
omnibus primo ardore concitatis, ne-
mo tamen aut vires Poliarchi aut ani-
mum æquabat ; quamvis & Radioba-
nes æmulatione terribilis memorabi-
lem pugnam cederet, & multi suis duci-
bus digni laudarentur vel suâ vel ho-
stium morte. Luebant plerique inson-
tes paucorum insaniam, & quod tristis-
simum bellorum nefas est, non ex of-
fensâ, vel odio, sed partitione fortunæ
habebant quibus vitam eriperent.

Iam sanguinis multum erat; cùm fa-
tis adhuc plurium necem properanti-
bus visi sunt dii intercedere. Quippe
ea nubium caligo condidit diem, vt
veluti ad intempestiuam noctem ple-
rique horrescerent. Fulminum deinde
strepitus, & decurrentium fulgurum
minæ, ad religionem metumque furo-
rem in alternis cædibus bacchantium
conuertit. Sed adhuc implicitos, dubi-

tantisque diis parere, aëti in vesaniam
Elephanti diuiserunt; quos Hyanisbe
iusserat cum frontalibus, cristisque &
turribus promoueri in aciem. Plerique
eorum nuper in venatione capti, &
adhuc propemodum rudes, nondum
libertatis & ferociæ erant obliti. Adhuc
verò Europæ incognita erat hæc spe-
cies. Immensum & informe animal;
penè omnibus membris vnâ mole cõ-
fusus. Mersum caput inter humeros,
nec à globo multum dispar, nisi quâ
proboscis in terram descendit, fœdè
promissa à naribus, & si color absit in-
star longi & tumidi anguis, neruorum
circulis ita articulatim nexa, vt contra-
hi, laxarique, flecti etiam possit, & esse
pro manu. Patulæ aures vtrumque
tempus tegunt. Oculi exiguo orbe sub
tumidâ fronte reconditi. Ebur, quo
pretiosissimi sunt, longè ex ore emi-
net, penè instar lituorum, nisi quòd de-
biliori parte inflectitur.

Ad hanc formam non obstupuerant modò Sardi in quos bestiaæ agebatur ; sed & Galli sua illa auxilia haud intrepidi videbant. Postquam verò subitis tenebris cœlum inhorruit, Elephantum tam pauere faciles quàm irasci, tumultuque insolito qui edebatur in nubibus attoniti, iam cœperant difficiliorese regentibus ; cùm ingens, & penè in oculos fulgur impactum adeò eorum valentissimum turbauit, vt repente verteretur in rabiem, immemorque disciplinæ, sese in cursum quàm impetuserat effunderet. Prorumpunt & cæteri disiectis rectoribus, eumque sequuntur. Mox acriùs cōceptâ amentiam, omissoque gubernatorum imperio, iam non alteri modò parti, sed omnibus hostes esse videbantur ; decurrebantque per aciem inter arma & tumultum feruentes rabie ; & quia exitum per tot cuneos non videbant, tanquam maculis induti quærebant libertatem. Pleri-

que Gallorum ordines laxauere; Neque Sardis militia constantior fuit, utique postquam obuij furentium bestiarum oppressi vestigiis iacuere; quidam etiã proboscium nexu ligati, proiectique sublimes in aërem. Moles illarum, & nouitas, & horribile virium experimentum turbatis militibus mentem eripuit. Aduenisse deũ iram, vel facta tunc primũ ad dirimendam aciem monstra, audebant coniicere. Multis vidisse furentes belluas satis erat ad fugam. Longiũs remotos terror sociorum in vesaniam abstulit. Equi maximè consternati, nec ferentes odoris insolentiam, dominos plerumque indignantes per loca præcipitiis intuta aut hostibus egerunt.

Tantam aciem à tredecim belluis (nam omnino tot erant) fusam esse, fortunæ ludibrium fuit; quo probatum est non plus corporum vires in præliis valere, quàm affectus animo-

rum; nec multitudinem magis ferro quàm timore esse domabilem. Timebat Poliarchus insidias, suosque palantes, si qua ingruisset noua vis, tardè coituros videbat. Idem Sardi timuere. Ergo ducum, tribunorúmque admonitu passim secerni cœperunt quos è diuersâ acie vnus terror miscuerat. Multos enim in aduersa agmina tam altè siue sua, siue equorum fuga pro-uexerat, vt redeuntibus periculum esset, ne deprehensi caderentur ab hostibus. Sed vt plebeiõrum memoria fatorum perierit; in paucis Radirobani fortuna memorabilis fuit. Equo ille vehebatur, cætera quidem ad bellum aptissimo, sed indocili ad conceptos pauores, quos vt raros ita habebat furori simillimos. Tunc verò cùm Elephanti debellatas timore copias fuderunt, totius agminis equis vno metu frementibus, exarsit in amentia speciem; nec quâ iubebat domi-

nus, sed tenax, lupatísque quibus regebatur frænis potentior, sese altè penetravit in hostium turmas. Interim recedebant versus urbem alæ equitum admonente Poliarcho, vt illuc potissimùm iter intenderent. Elapsi inter tumultum à Radirobane erant, quotquot ex suis circa ipsum pugnaverant; credebántque in eâ mentium caligine eum vnà rediisse. Solus igitur & longè à Sardis diuisus, ferociam animi consternatione acerrimâ mutauit. An fugere incassum conaretur tot telis circumseptus? an potiùs captiuitate redimeret vitam; aut quia capto luitionis spes vix erat, spiritum temerariâ & impari pugná proiiceret? Respiciebat ad suorum vexilla; procul illa recesserant. Retrò viam paulatim capefferet? at obstabant à tergo conferti. Dum dubitat, dum furiosis votis fortunæ maledicit, interim periculum creuerat, iámque ad portas ciuitatis erat agmen.

in quo latebat; & solum restabat ad salutem, vt se vnum simularet de Poliarchi militibus esse. Multùm ad fraudem iuuit, quòd initio prælij vt impuniùs ducem & militem agere posset, omiserat regia insignia, purpureum sagulum, cassidémque vittatam, & ea cuidam Megalostheni tradiderat. Ita cum trecentis Poliarchi equitibus intrauit inimicæ ciuitatis munimenta, hætenus quidem fraude idoneâ: Sed quò deinde succederet? Militibus omnibus hospitia aut tentoria sua erant. Si alicui manipulo se adderet, non lateret in paucis, qui plures, & armis occultus, fefellerat. Sin omnium confortia fugiebat, quid erat aliud quàm solitudine suspiciosâ se prodere?

Quamdiu igitur paucæ hæ turmæ circa forum steterunt (illuc enim conuenerant, accepturæ ducum imperia) haud ægrè multitudinis beneficio tutus fuit. Sed nō multò post à Poliarcho
nuncius

nuncius venit qui iuberet illa equitum agmina quæ urbem intrauerant, ad hospitia sua diuertere, & Reginæ intra urbem eâ nocte præsidio esse. Hanc vocem Radirobanes penè exanimis accepit. Sparsim enim equites turmas laxabant. quisque occupabat notas domos. Hospites, calonésque, expediebant officia. Ipse, tanquam domum quæreret, vnus circuibat omnes vicos, nescius quos potissimum fugeret, nisi quòd obuij quique formidolosissimi erant. Omnibus inuisus, & si caperetur solo redemptionis suæ pretio fortè seruandus, magis magisque auctam cum irâ formidinem vix tenebat. aliquoties impetu sumpto vt hostem confessus, & aut moriturus strenuè, aut salutem in præmium audaciæ laturus, prorumperet per portæ custodiam. Vna quippe tantum erat in illo tumultu, quæ curribus & equis pateret, magnis quoque copiis obseruata. Nemo in viâ accede-

bat propiùs frænum, aut intuebatur in-
euntem, quem non tanquam in se in-
tentum nouo horrore refugeret.

Cùm pererratâ vrbe non modicum
tempus consumpsisset in illo timendi
supplicio, nec differri ampliùs posset
aliquod consilium; occurrerunt aga-
zones cum equis dominorum, quos ad
aquam ducebant. Eos Radirobanes se-
quì instituit, si quâ eorum ductu posset
ad flumen peruenire. Urbis autem si-
tus hic erat. Altero à munimentis sta-
dio fluebat amnis, câ parte quâ itur ad
mare; quâ & hostes castra locauerant.
At quo latere vrbs erat Sardis maximè
auersa, ad ipsa mœnia pertingebat la-
cus ingens, sex vt minimùm stadia la-
tus, duodecim in longum protensus.
Nec erat præter hunc lacum quo equi
lauarentur aut biberent. Illic autem
nullum ab hoste periculum; ciuitate
per tot aquas, nisi nauigiis non peruiâ.
Exiguam ergo portam, quæ ad crepi-

dinem lacûs patebat, aliquot militum
 statione firmauerant, aperiebântque
 bis de die, animalibus adaquandis, & ad
 cæteros ciuium vsus. Ad illam tunc ca-
 lones processere, Quibus Radirobanes
 mistus postquam spatia vndarum vidit
 tam ingenti campo porrecta, vix spem
 enatandi esse ratus, tamen veluti vlti-
 mo horrore vires collegit; & sic per
 vota (vt deinde suis narrauit) Neptunû
 affatus est. O potentissime illorum
 deorum qui eadem cum hominibus
 elementa incolunt, cuius dona sunt
 fluuij, fontes, lacûsque, has vndas quas
 salutis incertus nunc in eo mitiga, ô
 bone. Ferant me; & in destinatas ripas
 placidè agant. Isti præterea equo (nam
 & illi generi præes, equûmque excus-
 sisti à verberatâ humo) isti inquam qui
 mihi destituto pro cymba & vectore
 est, suffice vires, vt quem impetu suo
 hostibus tradidit, eodem eripiat. Tum
 ego de Afrorum manubiis expressam

in ære tui beneficij, meique periculi
memoriam, in Calaritano littore con-
stitutam; quâ tibi fanum & nemus mei
Patres sacrauerunt. His votis tacitè
obligatus, primùm libauit aquas, in
vadi commoditatem leniter desiden-
tes; Equum deinde potu resectum
paulò egit vlteriùs, frustra admonen-
tibus qui cum eo erant in lacu, vastam
in proximo altitudinem latère. Ille au-
tem contemplatus ad quam breuissi-
mè ripam sinus vndarum ferrent, v-
trîmque calcaribus impulit equum,
qui iubâ ferociter concussâ dedit se
protinus in vndas, solóque eminens
vertice incumbentem dominum ferre
cœpit quâ iussus est. Exclamant ex cre-
pidine, & primis vndis Mauri, errorem
aut casum arbitrati, & monent quâ
commodius parte habenas reflectat.
Sed paulatim procedebat in altum,
omnibus qui id videbant, vt in miro &
subito casu, diuersa de eo iactantibus,

nec dubitantibus quin periret. Iamque illum non vivere, sed cadauer deferri fluctibus credebant; utique postquam longè recesserat, & tantum ex colore adhuc aliquid supra aquam eminere noscitur.

At Radirobani, ut timorem latè circumstans periculum, ita spem dabat validissimū equus, quem voce, motisque interdum habenis reuocabat ad virium memoriam. Præstabant & facilem cursum aquæ in neutram partem obnoxia; Nam nec aliquò fluebant, & tunc solito placidiores erant, cessantibus ventis. Cœpit tamen ægrius equus emoliri aquas spiritu, videbaturque deficere; cū in mediis fluctibus arena sublimis, neque cedens vestigio, nandi necessitatem opportunè intermisit. Stetit ergo diffandis fessus aquis, totoque pectore altior, tanquam laborem miraretur, se anhelitu leuabat. Sed Rex veritus ne exerciti nimio motu

nerui post quietem rigerent, breues inducias ad respirandum fecit; adhucque calidas suffragines motis calcari- bus egit in lacum. Suffecit animoso equo concitum corpus, vndis- que & intentione natandi differentibus mortem, ad supremam ripam vixit. Tunc liquente spiritu vix moratus dum dominus sine lapsu descenderet, se in arenâ explicuit. At Radiobanes ad exhausti magnitudinem periculi horrens; quod in ciuitatem hostium intrasset, quod per immensum inde lacum, & penè grauiora ipsâ morte pericula, effugisset captiuitatem; nouo metu excitabatur; timebátque aut terrâ aut lacu venturos, qui vincula, vel si recusaret, mortem darent. Longè enim ab eâ lacûs ripâ, suorum castra erant. Sed solatio fuit quod prima nox ingruerat, semper ad latebras fugam- que securior.

Interim Poliarchus diuisis militibus

qui in vrbe pernoctarent, aut essent intra vallum, ipse breuiter Hyaniſbæ colloquutus, non manſit in Regiâ; ſed in caſtris ſibi prætorium iuſſit ſtatui, ad omnes fortunæ articulos intentus, ſi qui commodè in hoſtem ſe præberent. Nec ceſſaſſet inter tenebras, niſi illum Sardorum conſternatio Regem quærentium retraxiſſet ad cauendi ambigendique conſilia; quia incertum erat, quæ cauſa tot in illorum caſtris voces attolleret, tot faces immenſis circum campis accenderet. Namque Sardorum duces ad Regis tentorium collecti, cum mutuò interrogaiſſent, num rediſſet, non diuertiiſſet in caſtrorum aliam partem; quis denique pugnantem ad fuiſſet, quis texiſſet recedentem ab acie; poſtquam quiſque diuerſa dicebat, omnes vno impetu ad triſtiora conuerſi ſunt. Cæſum captumve crediderunt. Nec aberant à rixâ: Quos cum Rege fuiſſe, quos ſeruaiſſe, quos ſaltem

vera de eo posse renunciare oporteret. Sed maximè militum vulgus, siue curâ, & amissi Principis desiderio, siue infantiâ correpti, non expectato ducum imperio, quorum reuerentia ex Rege pendebat, soluerunt disciplinam. Hi auios petiuere campos, si Princeps errasset, compellatum reducturi; Plures accensis facibus cruentum prælio campum scrutabantur, in cadauerum ora proni, illicque timètes quod quærebant inuenire. Ita Sardorum vocibus, igne, procursu, vndique arua feruebant. Speculabatur omnia de castrorum aggere Poliarchus; & seu nocturna hæc bacchantium militum religio esset, seu vllius alterius dei furor, ars denique militaris in se parata; in omnia solertiam, excubias, vota composuit.

Cæterùm in illo officio atque tumultu occupatis subito nunciatur, Radirobanem in tentorium rediisse.

Quippe ille ad vltimam lacûs ripam
 expositus, antequam noctis caligo
 vsum oculorum eripuisset, strenuè
 speculatus est quo itinere peruenire
 posset ad suos. Tum palustrem ripam
 sequutus est, vt si qui instarent fu-
 gienti, inter arundines lateret. Ita la-
 cum circumiuit; & deinde extra via-
 rum frequentiam, per fossas, aut mœ-
 nitos sepibus campos, ad suum vallum
 contendit. Hoc ipsum formidolosum
 ei fuit, quòd sparsi cum lampadibus
 milites clamoribus cœlum impleue-
 rant; nesciûsque se diligentîâ illâ quæ-
 ri, omnium anxîe faces & vultus fu-
 giebât. Tandem in tentorium peruê-
 nit; Monstræque cohortes, omittere
 ominosam, iâmque superfluam de ipso
 quæstionem, pari licentiâ in laticiam
 effusæ, omnes ad Regis fores venerunt;
 Quo viso cùm diu plausissent, ad sta-
 tiones, aut contubernia, ægrè recessum
 est. Interim Virtiganes, Sardorûmque

præcipui, ad Radirobanis genua acci-
 dentes, cum fletu rogabant, quæ
 fortuna, quódve consilium, eum à suis
 tam diu auerteret. Ille prolixè discrimen
 memorabat, stupentibus cunctis,
 timorémque ambitiosè promentibus.
 Dúmque certatim omnes, aut gratias
 diis agunt, aut Regi tanquam fortunæ
 fatorúmque victori adulantur; quidam
 Poëta Virtigani familiaris, ètemplo
 in eum casum versibus sic lusit, vt di-
 ceret Radirobanem suis Sardis esse pro
 Sole; qui ab eo absente ematruissent,
 & ex restituti spiritu vultúque pen-
 derent.

*Ergo ausæ fœdare diem nostrúmque te-
 nebris.*

*Sic nubes miscere polum? Quæsiuimus omni
 Æthere pallentis nutantia lumina Solis:
 Ille aberat; proh fata deúm! seu textit opaco
 Hunc soror occursum, cæli seu calle latenti
 Fatidicas pronus Cyrrha descendit ad um-
 bras.*

Tunc verò quantis arserunt pectora curis?
 Excidimus miseri nobis. Ah cedite gentes
 Parrhasius natae fœta inter robora sylvis.
 Scilicet exanguis fugientem horrore sequuti
 Titanem, Occiduas propius pulsauimus oras
 Planctibus, æternis ceu gens damnata te-
 nebris.

Ni redis, ô hominum præses, iam fræna
 remittat.

Iustus honos legum, peccentque impune te-
 nebra.

Quid sine te gens tota hominum? quo funere
 damnas

Discessu nos Phœbe tuo? Resolubilis aër
 Obruet informem spissatis nubibus orbem:
 Et se se in gelidas soluet natura pruinas.

Parcite Mortales lachrymis, nec perдите
 planctus,

Purpureum redit ecce iubar, capitisq; corusci
 Fulget apex. Cernis radios, assuetaq; sceptro
 Brachia, & igniferas pharetrâ lucente sa-
 gittas?

Salue cara deûm, & nostros ne desere cætus.

*Nec facies. Sint noctuaga nemora alta
Sororis;*

*At tu vbes hominésque habeas. Tibi cura
benignum*

*Ferre diem, & cunctas solio componere
terras.*

Posterâ luce inuicem aduersariorum
vires expertis lentiora fuere consilia,
vno Poliarcho adhuc prælium cogi-
tante; Huic enim arma placebant,
Radirobanis odio, & desiderio peten-
dæ Siciliæ. Sed Regina precibus dedit,
ne eo die quietum hostem lacefferet.
Mirum fuit de exitu belli tam acriter
Hyaniſbem cœpiſſe diffidere; & ipſam
Radirobanis temeritatem ſolicitudine
ſuiſſe mutatam. Quippe animus vtriuf-
que ex inmanitate ſacrorum ad quæ
confugerunt emicuit. Nam Regina
deligi ingenuum puerum iuſſit, qui
Saturno immolaretur. Piaculi conſue-
tudo à Tyriis erat orta; qui crudelita-
tem moris infandi in Africâ Cartha-

ginensibus suis colonis tradiderant. Externámque & barbaram deuotionem in deos territa Hyaniſſe uſurpabat; quia miſeri aut anxij mortales terribilia & incognita remedia arcanam vim habere exiſtimant. Apparabatur funeſti ſacri ratio, infuláſq; victima accipiebat: Nec Sacerdos deerat ſceleratae pietati. Cùm hoc verò Poliarcho nunciatum eſt; ſtatim turbatus exiliit; & ad Hyaniſſem properans; Si hoc, inquit, foedæ ſæuitiæ auxilium, Regina, in hoſtes tibi placet, patiaris me abire. Nunquam enim vires meas illi ſuperſtitioni miſcebo; nec comittam vt mei milites numinis fortitudinem videantur induiſſe, quodcũque eſt quod tam turpiter placari amat. Nolo, inquam, extorquere à diis pudendo pretio victoriam; qui non de illis ſunt quos debemus colere, vel auerſantur hanc deceptæ mortalitatis infamiam. Proinde aut hunc ex vinculis puerum,

aut me ex finibus tuis mitte. Quamquam Hyaniſbe verebatur Saturnum, erat tamen præſentior Poliarchus. Ademptæ ſunt puero vittæ; iuuítque hoc ipſum populi mentes, quòd Poliarchus non ſolicitabat extrema remedia. Num enim tantus dux belli incerta ignoraret; aut niſi in procliui ſentiret eſſe victoriam, hanc vnus pueri ſanguine dedignaretur à fatiſ comparare?

Eodem tempore, quaſi ſuperſtitio- nibus conueniſſet vtraque caſtra corrumpere, quidam ſenex inter Sardos illuſtris (Sitalces appellabatur) olim ſtrenuus manu, tunc conſilio ſpectabilis, venit ad Radirobanem, qui fortè cum ſuorum delectiſ varia ſuper bello agitabat; obtulítque ſuum caput, quo à diis manibus paciſceretur victoriam. Nec intereſt, inquit, quòd priuatus ſum. Satis erit ſi me Rex meus deuouebis, vt ſalutem publicam ſuſtineam,

procurémque. Postquam ero legitimo
ritu morti sacratus, laceſſam hodie
cum modicâ turmâ bellum, in quo ter-
rorem ac diras mecum in hoſtem fe-
rens, cædar à neſcientibus me in exi-
tium ſuum perire. Non nihil cunctatus
Radirobanes ad læticiam oblata, vt
ſperabat, victoriæ; gnarúſque hanc ſui
capitis deuouendi vim ab Italicis vati-
bus efficacem cenſeri, effuſè Sitalcem
laudauit; Et quoniam, ait, nobis tuo
interitu victoriam trades, nec poteris
ſentire præmia quæ mereris, at ſcias
tuæ ſtirpi apud me immotam gratiam
manere; vt nemo Sardorum viuere
malit, quàm familiam ſuam ad glò-
riam euehere quam in tuâ mirabitur.
Age ſtrenuè; & breuiſſimi fati curſu
redime famam, quam nulla mors ex-
tinguat. Vocauere ergo Pontificem,
qui deuotionis ſacramentum more
Herruſco perageret: Subitòque Sital-
ces prætextâ indutus, velato capite,

super abiectum constitit telum, tangensque subiectâ manu mentum, sequutus est omnia verba Pontificis, quibus aduersas Gallorum Maurorumque legiones, secum diis manibus, & Telluri deuoueret. His patratâ, Tempus est, inquit, adhuc recenti religione, ut terrorem, fugam, interitum, in hostes deuoluam. Date leuis armaturæ aliquos, qui excursionis specie mecum tendant ad hostium vallum. Exciemus ad prælium vel eos saltem qui pro custodiâ castrorum stabunt; nostrisque per fraudem refugientibus, ego pertinaciâ extorquebo mortem ab hostibus. Et meo sanguine damnabuntur funeribus; poterisque execratos cum lubebit ad fatietatem debellare.

Plerisque Sardorum quàm mira tam certa videbatur Sitalcis oratio. Statim sagittariorum aliquot turmæ homini datæ, per quos hostem prouocaret ad

certa-

certamen. Sed Sitalci seruus erat, diu
 liberaliter habitus, & charitate domi-
 ni plus quàm patriæ flagrans. Is herum
 insanire in tam properæ mortis voto
 existimans, postquam dissuadere non
 potuit, clàm ad Poliarchi castra con-
 uersus est; deductúsque ad illum; Ve-
 nio, inquit, patriæ meæ proditor; & ab
 illâ salutem, à te autem tuísque perni-
 ciem auersurus. Nec grandius præ-
 mium efflagito, quàm vt illius vitam
 seruetis cuius mors vobis in exitium
 destinata est. Raptim deinde exposuit
 furiale Sitalcis consilium: Quo audito,
 Poliarchus non tam exhorruit ad Re-
 ligionis infernæ vim (neque enim cre-
 debat ex vnus desperari, aut furens,
 voluntariâ morte totas acies profligari)
 quàm terrorem præuerti concupiit in
 suis facilè illapsurum superstitionis in-
 genio. Itaque indicem, si vera afferret,
 sperare præmia imperauit; & indutum
 Gallicis armis, vinculisque tamen co-

hibitum, sagittariis addidit, qui in pro-
cinctu intra castra constiterunt, ut si,
quod seruus monuerat, levis armatura
à Sardorum vallo procederet, ingruen-
tes refellerent. Iis autem præceptum
est, ut terrore minisque plusquam vul-
neribus certarent, ne in Sitalcem, quem
inviolatum præstari volebat, temerè
peccaretur. Seruo autem sua & domini
libertas decreta est, si maturè pugnan-
tem commonstraret. Vix ea Poliarchus
edixerat, cum velitatio à Sardis coorta
est Sitalcem ducentibus. Illicò erupere
à Poliarcho præparati; & ex aduerso.
Sardi haud multum cunctati missili-
bus simulatione fugæ deserunt Sital-
cem, auidum perire, & mortis spe ma-
iora humanis viribus audentem. Sed
seruus inclamabat illum esse quem ser-
uari Poliarchus præceperat. Ergo in
medium turmæ furentem excipiunt;
& armis coniecti perferunt ictus, exar-
mantque circumuentum. Inde ab-

nuentem se dedere, & sollicitantem
 contumeliis iram hostium, tamen tra-
 hunt ad castra: quo conspecto, Poliar-
 chus, Melius, inquit, apud nos quam
 apud deos manes cœnaueris. Nec in-
 gere maledicta; quasi crudeles simus
 qui cœgimus te viuere. Vbi enim de
 huius belli exitu disceptauerint fata, in
 nobis mora non erit si tunc quoque
 persequi mortem volueris. Sed nolo
 apud Vmbras glorieris, quasi in tui
 mercedem nostra omnium fata dij
 prodegerint.

Vno deinde captiuorum accito, cœ
 lege illum ad suos dimisit, vt Radiro-
 bani nunciaret, benè habere in Galli-
 cis castris Sitalcem: Igitur curam de
 amici valetudine omitteret; Victurum
 hunc saltem ad exitum belli. Nam &
 Tellurem, & inferos deos, recusasse
 victoriæ precium quam dare non po-
 terant. His à captiuo nunciatis, accen-
 dit Radirobanem cœpti infœlicitas,

simúlque insultatio exprobrantis superstitionem Poliarchi. Necdum certus an Poliarchus ille esset quem amabat Argenis, animi tamen odiúque augurio suspicionem fouente, verum exprimere statuit perplexâ epistolâ, quam Poliarchus vt vanam obscurâque negligeret, si fortè cum Argenide nulla fœdera iniuerat; sin autem erat ille quem Selenissa prodiderat, statim historiam agnosceret, daturus haud dubia iracundiæ & æmulationis indicia. Neque mora, & vni vicissim ex Gallis quos habebat captiuos, literas ad Poliarchum tradit; quas detulit ille ignarus conuiciorum quibus contumeliosissima cera legentis oculos impleuit. Non enim Argenidi, non Hyahisbæ Radirobanes pepercerat. Aiebátque se mirari, quòd Theocrine post contubernium iuuenulæ Principis hæreret Hyanisbæ. Vt puellam fefellisset, sic ab anu iusto Cupidinis telo esse decc-

ptam. Sed se vindicem adesse Siciliae, cui recisam simulatae Palladis ceruicem vouebat. Irâ turgidus Poliarchus, nec iam magis Hyaniſbæ quàm sibi gesturus hoc in Radirobanem bellum, codicillos quidem preflit, cæterùm tam commoto eâ vespërâ vultu fuit, vt constaret nihil paruum agitari. Præter conuiciorum fœditatem, adhuc animus turbabatur ad nomina Theocri- nes & Palladis, quærebatque apud se quis hæc Radirobani secreta retexisset; donec memor Argenidem vltimo quod inter eos fuerat colloquio esse questam de perfidiâ Selenissæ; ipse rem omnem inde emanasse coniiciens, cœpit frendens, vnâque iracundiâ Radirobanem atque anum complexus, sibi de vtroque supplicium destinare.

Vt verò illuxit, ferro non verbis refutaturus iniurias, exercitum in ordines iussit ire; præmonitâ Hyaniſbe ne

cui inter pugnam portæ urbis paterent. Nec se quidem de victoriâ dubitare; sed si qui suorum fugissent ex acie, nol- le se intra munimenta hos recipi. Nun- quam alacrior militibus visus conue- nientibus verbis vnumquemque affa- tus est. Gallis, adiutæ Hyanißes quæ ipsos decoramarent referebat. Mau- ros tyranni odio sacra patria euersuri agebat in iram. Vtriusque spolia osten- debat, & in vicino esse Sardiniam; quam, inquit, si in isto quem videtis campo vicerimus, obnoxiam nobis eo modo habebimus quo Radirobanes Africam vellet. Omnes quidem illa verba, sed plûs vultus dicentis permo- uerant. Nec segnior acuendis militibus Radirobanes multos sibi in eâ victoriâ triumphos fingebat. Nam Poliarchum Argenidis sponsum esse inde credide- rat quòd tam subito imminebat certa- mine quasi pridianas literas vindica- turus. Si hunc ergo occideret, illo ipso

vulnere cogitabat, & se summum de Argenide supplicium esse sumpturum, & à regno deiecturum Hyanishem; quâ subactâ ipse Mauritaniæ sceptro auctus traiceret in Siciliam, non habiturus ex hostibus qui victoris ora ferre, aut ipsius impofterum imperiis intercedere auderet.

Hac immani spe ferox, instructos ordines admouit venienti Poliarcho. Nemo erat, qui non de fortunâ partium decreturum illum diem coniiceret. Intentior itaque cura spem ciuium variis terroribus miscebat. Prohiberi à muris ciuitatis non senes poterant, non flebilior turba onerata liberis matres, quos innoxios passim diis ostendebant, veneratae ne teneris corporibus hostis illuderet.

Balearici, qui in Radirobanis acie erant, Numidas inchoandæ pugnae præmissos suis fundis turbauere. Sed Poliarchus equites Gallos procurrere

iussit, spatiumque funditoribus ad-
mere quo saxa librabant. Numidas au-
tem monuit, ut relictâ prælij fronte
leuiter obirent hostium latera, &
quamplurimos à pugna recto ordine
in se distraherent. Contrà Radiroba-
nes satis agebat; aliquot turmis equi-
tum circuire hostium cornua impe-
rans, & à tergo incautos adoriri; Simul
Gallicæ Africanæque linguæ peritos
miserat, qui tanquam Poliarcho iu-
bente proclamarent inclinare ad Sar-
dos victoriam, profugerent Galli Mau-
rique. Lixam ad receptum patere. Ea
vox non paucos initio perculit, risu
deinde excepta est; & pari vocifera-
tione à multis relatum est, ut fugerent
Sardi. Nihil medijs inter vtramque
aciem erat, obstabant corporibus cor-
pora; telum telo frangebatur. In tam
arctis ordinibus, aut cadere aut vincere
vnicuique supererat. Hortantium quo-
que clamor, questibus sauciorum, &

fragore armorum permixtus, terribili sono in urbem ferebatur. Galli præstabant equitibus. Sardi, & Ligures, phalangenon cedebant. Sed Ducum præcipuum opus fuit. Hinc Poliarchus præter ingenium sæuus non planctus, non vota audiebat deprecantium mortem; siue aures belli ardor occluserat, siue in Radirobanem ira; qui ex aliâ parte perruptos vi ordines solus sæpissimè intrabat tanquam oblitus erroris quo inter hostes prouectus ingratiis Lixam peruenerat. Ita Sardi subPoliarcho laborabant, cedebantque circa Radirobanem Galli ac Numidæ. Sed grandior ira Poliarchum torquebat, nec vulgari sanguine restinguenda. Vnum erat Radirobanis pectus quod maledicti in Argenidem & Hyanißbem conscium suo vulnere expleret sæuientem. Per suos igitur hostiúmque manipulos, quærere hostem cœpit dignitati & iræ suæ parem, multum quoque

inclamitans, yt si auderet, si vir eſſet, proprio discrimine totius belli fortunam prouocatus exciperet. Vicit acrem & confuſum præliantium cadentumque tumultum vox ſæpè repetita aliis-que mandata; & ad Radirobanem haud quietiora cogitantem allapſa eſt; quem hoc vnum puduit, quòd prior non vocaſſet. Ocyùs cætera reliquit certamina, omnibùſque ſubmotis properauit in æmulù. Non leones Africa illa, non ſerpentes tanto furore incitatos aſpexerat. Breui tamen colloquio ſuſtinuerunt auidas manus; Priórque Poliar- chus; Ades, inquit, ô latro; da pœnas turpiſſimæ noxæ. Non mihi hodie elabêris, non ſi plenius quàm Achillem inuiolabili Styge tua mater te intinxit. Tibi, Domina, ſacrum hoc fero; ſi tam turpem hoſtiam fortè accipies. Et Radirobanes; Prodis tandem de Gynecæo molliſſime amator? Sed præteritæ vitæ probra mors inter arma

celauerit. Ne dubitâ, tanquam vir esses,
iugulum dare.

Neutri vacauit alternis contumeliis
prolixius respondere. Ira quæ addere
vires solet, iam nimia, impotensque;
penè delibitauerat manus. Coierunt
tamen pectoribus, equis, telis; non
mollius quàm si allisas rupibus rupes
turbo conferret. Sed ictibus fortuna
tunc abfuit; & equi, quamquam illo
concurſu læsi, ad cæteram pugnam
non fuerunt inutiles. Circumactis ergo
habenis, vterque iaculum altè amento
quassatum vibrauit; quod inuicem
parmâ excussum est. Supererat vnicui-
que missile alterum: Id ne frustra peri-
ret, diu armorum aditus oculis mani-
bûsque metiti sunt. Tandem Radiro-
bani nihil certius visum quàm equum
hostilem confodere. quod ne impunè
esset, equum illius vicissim Poliarchus
ferit in capite. mox ambo veriti la-
psum, aut bestiarum iam in morte in-

fanientium fugam, velut pari consensu in terram desiliunt, raptisque bipennibus, quæ pendebant ex equis, ad certamen præcipitant. Sed suorum pietate diuisi sunt. Quippe media Gallorum agmina atque Sardorum, interuenere furentibus. Hæc verò auxilia cum vterque auersaretur, ægrè tandem, nec antea quàm sæpius iussus, recessit è medio miles, Regibusque arenam restituit; qui adhuc integri, omis- sis bipennibus, læuâ clypeum tenuere, dexterâ hastam; quam ab hoste venientem Poliarchus eludens, certiori ictu Radirobanem tetigit, vulnúsque haud modicum fecit in latere. Strinxere inde ferrum; sæpe ita conserti, ut solo capulo ora aut pectora liceret verberare. Nulla pars corporis, nulli armorum nexus intentati supererant. Horror omnes, & deinde misericordia permouit, tantorum spirituum Principes incolumi exercitu perire. Rursus

igitur agmina coierunt, diuiferuntque pugnaces. quod vterque in dedecus suum accipiens, proximos cum irâ & imperio rogauit, ecquid victum se crederent, quem sic tegere, sic à pugnâ properarent eripere?

Sic militibus, ducibusque discussis, redeunt ambo ad postremum discrimen; animis quidem inuictis; sed multi sanguinis iactura vires abstulerat; anhelisque corporibus iam nec certi nec validi erant ictus. Plus animi tamen & sanguinis Poliarcho restabat. Memor deinde causæ quæ odium fecerat; nec dubius nisi vinceret perituram dolore Argenidem; altius sustulit ferrum, eoque in Radirobanis iugulum oblique intrauit, inter galeæ loriceæque commissuram. Ille se mori intelligens, festinansque ad vindictam, cursum in Poliarchum præcipitat, affligitque sui corporis mole incautum; sic ut in terram ambo deciderent. Statim

militum vlulatu cœlum inhorruit, his
vnum, his alium occidisse, plerisque
vtrumque expirasse credentibus. Et
quia sub premente Radirobane Po-
liarchus ceciderat, peiori omine mens
Gallorum, Maurorúmque vertebatur;
vt nec defuerint qui ad Hyaniſbem
decurrerent tristitia de eo nunciaturi.
Inundauere in campum confertissima
turba Gallorú atque Sardorum. Nulla
Præfectis reuerentia; nihil vexilla or-
dinésque tunc poterant. Suum cuique
videbatur ad Reges decurrere, cósque
seu occidissent, seu viuerent, ab arenâ
eripere. Adeò vt tumultuosa auxilia
Poliarchum penè obruerint; Sed iam
ille paulatim se expedierat ab hostis
complexibus; & vltimo singultu ex-
PLICITUM ferro adhuc tentabat. Hunc
verò vt Viuere, & erigi, Galli simul
Maurique conspiciunt, ingenti fero-
ces gaudio prouehuntur in Sardorum
promptiores Radirobanis cadauer te-

gentium, ipsúmque Poliarchum instantium relis. Sed discrimen breuissimum fuit. Nam & victoriæ lætitia Poliarchum refecerat, & Galli impigram opem ferebant. Sensim igitur Sardi cesserunt, aliquid quoque suæ virtuti imputantes quòd tantâ in clade à fugâ temperabant. Illis igitur latè submotis, hostili potitus corpore, spoliisq; optimis, Poliarchus syncerè victor fuit.





IO. BARCLAI

ARGENIS.

LIBER V.

EO modo intra paucissimos dies profligatum est bellum, longiori mole attriturum mutuas opes, nisi in cupidos Principes incidisset, & qui priuati sui fati rem omnium publicam fecerunt. Cedentibus Sardis minùs infestus in castra reditus fuit, quòd nec effusè fugerunt, & conscius vulnerum Poliar-chus properauit in urbem redire. Interim tamen, dum medici subito remedio sanguinem sistunt, de proximâ arbore excindi ramum iubet, quem aptatum trophæo, armisque Radiro-banis

banis indutum, reclinavit in humerum suum. Sic ornatus conscendit in currum, quem equi candidi trahebant; pulcherrimoque spectaculo, circumfusus militibus, opima spolia gestans, ad Martis delubrum prouectus est. Nulla enim in Africâ erat Feretrij Iouis religio. Populus omnes vias impleverat, ut per subitam pompam licuit ornatus, frondibusque quascunque fors obtulerat nunc onerans manus, nunc vias quâ triumphus pergeret sternens. Tunc in victorem laudes, tunc mutua de Africæ salute gratatio. Hyantisbe in vestibulo templi opperiebatur Poliarchum; cui de curru descendenti in hunc modum locuta est; Priusquam hæc spolia propitio Marti sistis, Magne Rex, sine me ea tibi dicere quæ tu mox diis. Tuâ virtute sospites sumus. Reddidisti liberos cœli haustus; unicuique de populo suos agros, necessitudines, lares; Mihi verò purpuram, mihi ab-

sentem filium asseruisti. Exige à nobis quicquid voles, beneficio tuo minus crit. O fata! Quid quòd video vulnèratum; & audio non sine discrimine vicisse? Victima ipse fuisti, cuius sanguis mihi propitiaret victoriam. En igitur Radirobanem modò formidolosum Africæ, iam ingestum humeris tuis armorum suorum specie; & quo propius discrimen fuimus, nunc gratiori horrore nostros oculos perfundentem. Veni ad Deorum templa, Heros, quos olim augebis: Et siue his spoliis ad nostros tholos affixist tuam virtutem luminibus Afrorum consecras; siue tantum monumentum diis Gallicis in patriam transmittis; scias nihil obstare quo minùs aras tibi statuam, diemque, & flaminem, nisi quòd te inter mortales agere quàm diutissimè exopto. Hæc oratio ingenti populi plausu excepta est; inter quem Poliar-chus, cùm quæ suam modestiam dece-

bant Regiæ respondisset, ad Gradiui
 fores venit. Adhuc cruentum de præ-
 lio religio erat ad aram accedere, de òve
 libare. Satis fuit sacerdoti trophæum
 tradidisse, numénque compellare à
 lumine, acciperet libens, & paria sæpè
 munera sibi dari annueret. Dum sic
 orat, sensim vulneribus cœpit vinci.
 Iam pleraque enim frigebant & dilatâ
 curatione tumuerant. Adhuc tamen,
 ne Reginam & milites terreret, in diffi-
 mulatione duravit; nihil aliud profa-
 tus, quàm aliquantulum quietis fessa
 labore membra reposcere.

Ibat ergo ad Regiam, comitante
 Hyanisbe; & militum multis in eo ad-
 huc quo pugnaverant habitu latus
 utriusque stipantibus. Sed nondum
 vestibulum subibant, cùm à Sardis
 adesse legatos nunciatum est. Quippe
 Sardi nec viuum à se Regem esse pro-
 tectum, nec mortuo saltem habitum
 honorem, ut in maiorum tumulis

condi posset, impatienter dolebant. Timor inde inter illos vulgatus est, ne captiuo cadaueri hostis illuderet. Igitur in ipso tumultu, quatuor Optimates magis suo quàm communi consilio, re tamen cum præcipuorum aliquot breuiter pensatâ, sumpsere legationis infulas, & omnium Sardorum nomine Lixam venerunt. Hos verò, Reginâ annuente, Poliarchus venire, & dicere statim iussit in ipso regiæ vestibulo; quasi contemnendam legationem non ferio, aut per ocium, & in cultu dignitatis; sed tumultuariè in viâ auditurus. Vnus erat legatorum cui cæteri communem orationem mandauerant. Is cōuenientissimo sermone Poliarchum monebat, vt clementer fortunâ uteretur; neu contemneret tanquam victos Sardinia deos; aut etiam suos, duriori in hostem occisum lege offenderet. Venisse se repetituros Regis corpus. Ignobilia etiam esse odia quæ ultra

mortem procedunt; nec disparis laudis fore & vitam extorsisse pugnanti, & iam victo indulgere. Meminisset Radirobanem regij ordinis reverentiâ saltem à tumulo non arcendum. Si Theseum imitaretur, ne insepultos hostis manes pateretur errare: Sin esset Achilles, contrâ auro vile non fore genti Sârdorum Principis sui corpus. Ad extremum addidit preces, & inter viriles gemitus peroravit. Poliarchus contemptim ad eorum monita respondit, se eundem genium, deosque eosdem in consilio habiturum ad regendam victoriam, quos ad comparandam habuisset. Cæterum iis qui mori scelere meruissent, ne quietam quidem mortem esse debere. Nisi fortè & dii, quos illi toties appellabant, defunctorum vmbris parcunt. Horrere omnium memoriam ad Radirobanis flagitium, qui captato tempore sanctissima cum Hyanisbe fœdera violauisset.

Denique (inquit) scitote mei iuris non esse quod petitis. Reginae arbitrium est, sœuire an misereri malit. Huic enim pugnauimus; huius cum cæterâ victoriâ Radirobanes vester est. His auditis, Legati, iam cœpto diffidentes, vertebantur ad Reginam. At illa abnuebat ysurpare licentiâ quam Poliarchus suo sanguine fecerat. Diu ergo altercati vter ferret sententiam, se ipsos & legatos suspēderunt. Sed in Poliarcho vulnerū dolor moram non ferebat: sciebātque præterea præsentibus maximè nec diu libratis beneficiis candidæ liberalitatis genium inesse. Itaque vrgenti Reginae, vt ipse aut absolueret legatos, aut in alium diem differret; Intellego, inquit, ô Domina, quid sensûs tibi sit. Nam si pro acceptis iniuriis vlcisci cadauer velles, ipsa palàm imputares hanc seueritatem tibi. Nunc præterquam quòd es misericors, vis liberalitatis authorem me videri quam promissis in Sardos. Tol-

lant sanè, si sic iubes, inutile cadauer
impij Regis, flammisq; non sensurum
imponant, quæ viuentem melius exce-
pissent. Certè, inquit Hyanisbe; & in-
telligant nullas hîc esse Thebas, & Po-
liarchum vicisse, non Creontem: Cùm
autem sepulto epigramma facient, me-
minerint inter illius victorias, hanc ci-
uitatem bis ab ipso intratam.

Hæc modico risu locuta à legatis
auertitur; quibus ex Poliarchi imperio
redditum corpus est, vt erat, armatûâ
spoliatum. Ipse tandem perfunctus
publicis curis, nec ampliùs ingredi
valens, inter suorum manus peruenit
in thalamum: vixque moratus dum lo-
rica laxaretur in stratum se coniecit.
Quamquam medicos secum aduexe-
rat, memor tamen in Hyanisbæ aulâ
celebres esse, sibique, cùm à peiratis
læsus illic ægrotauisset, perspectos,
voluit eos quoque aduocari. Admoti
igitur duo Galli totidémque ex Mau-

ris, expectatione profundius læsum, mutuo inter se terrore mussabant. Præcipui periculi vulnus erat in latus desidens, & explorantibus dubium an receptum in vitalia esset. Sub hæc percunctanti Regina quid sentirent; clam referunt, esse in incerto Regis salutem. Illa prudenti dissimulatione rem regi mandauit, ne qui motus in suis aut hostium castris existerent. Tum amplissima pollicitatione medicos adhortata, ne quid fidei aut artis omitterent, ipsa dum nudantur, dum explorantur vulnera, adesse ac videre sustinuit. Multum cruoris effluxerat (nam & statim ac in thorum procubuit, ex omnibus vulneribus proruperat vis sanguinis) lentoque nec æquali venarum pulsu, manus sæpè tentata peritos terrebat. Medicis itaque operam certatim promentibus, vnus illorum, Afer, Themison nomine, oris propemodum temnēdi, staturæque breuissimæ; cæterum.

arte suâ, & euentu consiliorum conspicuus; Nihil agimus, inquit. Aliam mortem Regi timeo, quàm quæ istis vulnerum meatibus sese insinuet. Neque enim putemus quicquid sanguinis ferro tactum est, & loco dimotum, ab corpore effluxisse. Sed & omnis cruor in venis nimio motu extra temperiem cum suâ fæce efferbuit: Corbit igitur adhuc calidus, turbatúsque, in opacam saniem, & occupatis costis spirandi libertatem, & mox vitam, ni cauemus, eripiet. Quid, inquires, remedij? Non aliud quàm vt regiam in lacerto venam soluamus. Ita laxato sanguini turbatio adimetur quæ in tabem se cogeret. Omnes ad hanc vocem horrebant. Nam quâ manu, quâve audaciâ, exhausto corpori, vitæque vix in tantillo sanguine hærenti, adhuc aliquid eriperent? Vicit tamen medici asseueratio, cum non aliter viuere possent. Delibauere itaque venam, tristissimâ ex-

pectatione multorum. Singula deinde vulnera propriis remediis fouerunt; quietique relictum vetuere vllotumultu vllóve negotio in eam noctem sollicitari. Neque tamen Hyanisbæ persuasum est vt abiret. Haud procul à thoro in hemicyclo acquiescens, accedebat identidem ad iacentem, nunc verita ne is defecisset, & anxie legens anhelitum; nunc seruorum sedulitatem præuertens; & omnia officia exhibens vix scienti à quo tam prolixè iuuaretur.

Vix demum Hyanisbe, vrgentibus suis, & deficiente iam nocte, secessit in thalamum suum. Necdum multum somni ceperat, cùm Principum concursu excitatur, simul gestantium gratulari, simul quid in re nouâ fieri ipsa vellet quærentium. Quippe cùm in Sardorum castris totâ nocte aliquid tumultûs auditum esset, primo mane nec eorum viscebantur in flumine naues, nec quicquam circa vallum aut

custodiæ erat, aut omnino frequentiæ. Missi deinde à Micipsâ qui solitudinem explorarent, retulerunt Sardos abiisse; & pretiosiora contentos auferre, non pauca reliquisse victoribus. Liquidiori simul luce extrema profugientium classis inspecta est. Amisso enim Rege, expers consilij cum cæteris purpuratis Virtiganes, non desperauerat modò victoriam (nam cui vincerent, vel cuius auspicio; nihil vnum aut velle, aut timere iam adacti?) Sed & ferociam hostium illò aggere sisti posse diffiderat. Præterea ciuilibus malis exercenda Sardinia armatos reuocabat. Duo enim post Radirobannem erant qui sceptrum deposcerent, ex duobus Radirobannis patruis geniti: quorum vnus Harficora, ex iuniori natus, sed senior, suæ ætatis rationem volebat haberi: Alter Cornius dicebatur; nec suum nascendi ordinem, sed parentis referebat. Tot malorum præ-

sagia, cùm præterea militem spes, & alacritas defecisset, ducibus persuaserunt, vt sine classico spargi per castra impertum iuberent colligendi subitò vasa, & Afris insciis soluendi ex litore.

Hanc fœlicitatem nunciaturi Regina, plurimi Optimatum conuenerant; quâ auditâ; Vtinam, inquit, hac læticiâ frui possit, qui eam nobis peperit. Vtinam, Poliarche, non sis de te impensius dolitura, quàm de hostium clade nunc gáudeo. Simul intra Poliarchi limen processit, paucissimis mätro-
rum & Procerum comitata. Languēbat ille, vigiliæ & sopori medius, inter omnes ægritudinis summæ notas. Gemitum tamen, questuúmve solatium nulli dolores expresserant. Eadem maiestatis constantia quæ valenti adfuerat, penè pereuntem comitabatur. Vox quidem debilior erat; nec quæ accipi, nisi à proximis, posset; cùmque Regi-

nam vidit; Numquid, Domina, ab hoste turbatum est? Siue sospitem dii me facient, breui vlciscar contumaces; siue ymbra tantum ero, adhuc terrorem iniiciam. Interim permittē rem tuo Micipsæ, & si placet, Gelanoro. Hæc verba, quamquam tenuissimo sono exilia, eo affectu vrgebat, vt in vultu videretur viuidioris coloris aliquid arsisse. At Hyanisbe; Nihil opus, inquit, ô Rex, aliis armis. Nam quis tuæ victoriæ succedere dignus sit? Tu rem heri consummasti, omnium viribus in vno Radirodane excisis. Aufugerunt perduelles turpi noctis auxilio, sociis insepultis, castrorum integro aggere, & prædâ quam auchere celeritas vetuit diripientibus relictâ. Poliarchus ad has voces erectior videbatur, percurrente totum corpus sensu successus. Ergo lætitiâ vulgi inhiberi non voluit, ad templa, ad littora, ad conuiuia properantis; quamquam adhuc de ipso time;

retur, iuberétque Hyaniſbe differri publicam læticiam, donec illam ſua valetudine auxiſſet. Totam Lixam vana ambitio exhauiſit caſtra hoſtilia intrandi; & de ſummo littore deuouendi abeuntès. De ſpoliis deinde rixari; vt vix diis Regibúſque ſeruarentur primitiæ.

Cùm verò attrectanda fuerunt vulnera Poliarchi, nouandáque remedia; Principes amicorum, circumſtetere lectum, à medicorum vultu miſerrimè pendentes. Aderat medicus qui pridie ſanguinem mitti iuſſerat. Is faſciam quæ circa grauiffimum vulnere erat reſoluit. Nondum enim medicina trifariam erat ſecta. ſed iidem de morbo ſententiam dicebant, diluebántque remedia, & manus ægris membris, aut faucibus admouebant. Tunc verò viſum inſtar prodigij, iam ſaniam in pus ematuruiſſe. Odeorum munus! exclamat Themifon; Reddite quicquid de-

betis cœlo, si qui pro salute Regis vou-
iistis. Nunquam ego ad hunc diem
tam certa ac subita salutis indicia vidi.
Abeſt febris; non modò vulnera non
ardent, ſed tanquam in mitigatis tem-
pore plagis pars ſyncera quicquid e-
mortuum eſt ſegregat, reſoluitque.
Omnes, tanquam ex adyto oraculum
eſſet, illas voces acceperunt. Amentes
gaudio hi lachrymas mittebant, hi
proximos amplectebantur. Deciderūt
& in pauimentum multi, Apollini, &
Æſculapio, & Hygiæ, commendantes
inceptum beneficium. Nemo tamen
Reginæ animum æquabat. Cœleſti
Punicæ hecatombem vouit, & ludos,
cœpitque bonâ fide turc primùm per-
cipere victoriæ voluptatem. Publicè
quoque tridui vacationem hilarior
pietas fecit. Poëma Nicopompi quod
Soteria dixit, quamquam multò poſt
conditum (quippe rem ſerò in Sicilia
abſens reſciuit) tamen operæ precium

hic referri; quia, tanquam adfuisset,
subitam celebrat præsentemque læ-
ticiam.

*Viuet iô. Quid se, velut acceptura meretem,
Angusto vacui stipant iam limite cœli
Astra; vel Elysij sperant hæc gaudia manes?
Viuet, & humanas multum dignabitur oras
Sceptriggerum egregius Regum, qui cæde tyranni,
Gallica Sardois celebravit robora fastis.*

*Quà Stygiis limes niueus discriminat aruis
Infantes animas, nullique adeunda virescunt
Supplicio nemorum latè conuexa piorum,
Belligeri errabant manes, quos incluta virtus
Exemit pœnis, & tuta ad flumina Lethes
Rixarum oblitos serò concordia iunxit.
Dumq; per aduersi regnum illatabile Ditis
Pœnarum infandas species, ignesq; , rotaşq;
Securi aspiciunt, motoque è vertice Diras
Impia terrifico quatientes sibila nutu:
Ecce recens Stygias turba aduētabat ad oras
Sanguineo informis cultu, nondumq; remissis
Ensibus, & seuæ crudelis imagine pugnae.
Mirantur summo Elysia de margine syluæ
Magna-*

*Magnanimi Heroes numerumq; habitumq;
virorum,*

*Telaq; Ereptis immania vulnera membris;
Qualia non rubris Simois lauat horridus
undis,*

*Dum Phrygias acies, aduersaq; signa Pe-
lasgum*

*Hinc ferus Æacides, maiorq; hinc submonet
Hector.*

*Tunc ita missantes; Quod vasta in vulnera
ferrum,*

*Qua tãta valere manus? Nõ secula nostra
Has tulerant vires. Sic ô mortalia crescant
Robora; nec summo timeat Deus omnis
Olympo!*

*Talibus intentos dictis, mox grãdior umbra
In se se aduertit, Stygijs quam cymba laborãs
Vix dederat ripis; Necdum caligine toruos
Mutarat vultus functi nouus incola mundi.
Quin etiam amissi superant insignia regni,
Murice picta chlamys; nec adhuc direpta
comarum*

Vincula; Et erecto fulgebat dextera ferro.

*Sed multo informes squalent in sanguine
vultus,*

Pectoraq; & scissas fallūt spiramina fauces.

*Haud mora correptum, quā stat fera iu-
dicis urna,*

*Nil veritus traxit licitor. Cessere reorum
Vulgares animæ; vertitq; huc ardua Minos
Lumina. Terrificos sequitur reuerētiæ vultus;
Et quāquam assuetas mouit formidine sedes.
Ille autem iussus (nec detrectare potestas)*

*Pandere quæ vitæ series, quo funereraptus,
Quid meritos portet suprema ad Tartara
manes,*

*Incepit nondum deiectus, & improba mouit
Ora memor regni. Tristes siluere cauernæ,
Atque audituras voluit Styx molliùs undas.*

*Si qua Radirobanis nomen fortuna sub
umbras*

*Attulerat (certè hostiles huc sæpè cateruas
Egi, & rumpentes lassauī stamina Parcas)
Ille ego Sardoā modò formidabilis Aulâ
Aduenio. Me gens certis Balearica fundis,
Me Ligures timuere. Sed ô quid inutile iactē*

Robur, & armatis insignia castra manipulis,
Si nulla extincto superest reuerentia sceptro,
Et virtus hîc sola valet? Quid me urget
Enyo?

Horreâtes differ stimulos. En spöte profabor.
Heu nimium fîsus regnis, meque inter amica
Fortuna obsequia, & primæui sanguinis
annos,

Mortalem oblitus, non fas, aut iura colebã,
Non Superos. Deus ipse mihi, frãgiq; volũtas
Nescia: Tum merita nusquam mens conscia
fama;

Nec fidi comites, vilisq; ad singula plausus.
Quid memorem Siculo meditados littore
raptus,

Quid Libycas acies; & nullo in limite vota?
Cum subitò mihi sæua dies, inimicaq; fata,
Ultioresq; dei. Simul his suspiria duxit:
Et siluit. Sed plura ferox tũc, poscere Minos,
Quæ sæuæ fortuna necis (proh triste superbis
Supplicium!) & quantis victor se tollat in
armis.

Ille, inquit, quo se iactauit Gallia Rege;

*Cui non fama prior, cui non certauerit ætas
Vlla Patrum; non me ille tamen non mortis
inultæ*

*Deiecit fatis. Sensit quoque mutua ferro
Vulnera, & hi raptum tardè emisere lacerti.
Nunc iacet ex æguis victor, lucemq; supremo
(Sic reor) obtutu quærit. Proh numc! & ista
Num prior antra subit? Dixit, liuëtia circum
Ora ferens, cæsi manes ceu quæreret hostis.*

*Finis erat; iustisq; ratæ sortitibus urnæ
Tantaleum ad laticem, & refugi mala pa-
bula rami*

*Damnatum, anguicomæ raptim abuexere
Sorores.*

*Spargitur Elysiis velox tunc rumor in aruis,
Te Poliarche mori. Toruus sic dixerat hostis;
Sic metuunt, sperantq; pij; comitemq; du-
cemq;*

*Te cupiunt, spondentq; solo meliora relicto.
Quis prior alloquio; quis inanem tangere
dextram;*

*Quis monstrare vias, lucosq; , animasq; ,
potentum*

*Heroum, cupidas versat grauis ambitus
Vmbra.*

*Hæc dabit herba thoros; istâ sua tempora
lauro*

*Cinget, & hic fessos melius fons abluet artus.
Sic fremit (Hyblæis si Regē abuexerit error
Vallibus, & reducem præmissis nunciet alis
Turba minor) latū per cerea limina vulgus;
Angustantque fores, paruasque citâtia vires
Agmina, stridenti properant se credere cælo.*

*Ecce autem cæci rediens per nubila mundi
Castor adest. Tunc fortè poli statione relictâ
Mutabat cum fratre vices. Et lucidus astro
Se fundebat apex, & habebant tempora
flammas:*

*Purpurâque ex humeris, & vultu Martis
imago.*

*Haud mora decepti sic te descendere Manes
Sic Poliarche, putant; longè simul obuia
pandunt*

*Agmina; Ledæi propior cùm Numinis arsit
Vultus, & errantes se collegere cateruæ.*

Mirantem cinxere tamen, mistisq; rogarunt

*Vocibus (interea pressis suspensus habenis
Constitit, atque omnes respexit Cyllarus
umbras.)*

*Dic age (nam Superis vidisti hæc prælia
campis)*

*Quo regis stant fata loco, quem Gallia nobis
Mæsta dabit, nostrosq; subit quo limite cæpos?
Substitit incertus primum; mox sydere toto
Risit, ut irato si pelleret æquore Castor
Nubila & in letas descenderet igne carinas.
Audite, ô Manes, vestrisq; haud debita lucis
Gaudia frustrato faciles nunc ponite voto;
Ponite. Nec dispar Superos spes nēpe fefellit.
Vidi ego pugnantis vultusque, animosque,
piūmque*

*Robur, & extremo nutantem in sanguine
vitam.*

*Vidi ego quærentes Superos, quâ parte iuberet
Ætheris hanc purus animam cōcrescere flāmis
Iuppiter; Eoo mallet cælōve cadenti
Credere, perpetuæ nitidæ vel iungeret Vrsa.
Cum pater omnipotens; Non hoc sub tem-
pore, dixit,*

*Hunc nostro egregium iuuenem dare munus
Olympo*

*Decretum est. Restant terris quæ maxima
victor*

*Bella gerat. Nondum hunc omnis locus, om-
nis Enyo,*

Omnia lustrandi sensere piacula mundi.

*Aspice quæ species mēbris; ut Martia fortis
Bella decet, placidaque tamen non asper oli-
uæ est.*

*O decus! O proles nulli aspernanda deorum;
Atque utinam cōcessa mihi! Placata dedisses
Tu mihi tu veniam coniux, huicque vbera
paruo;*

Candida nec sparso micuisset semita lacte.

*Non hæc non uni debentur gaudia sæclo,
Ille diu florens, iuuenisq; diuq; senescet.*

*Longius indulgent Parcæ: Dabit ille nepotes,
Æternam terris sobolem, quæ limite fœlix
Insurget patrio, seniumq; his exuat astris.*

*I, gnate, accelera; læto cui germina succo,
Pæoniaq; artes, morbiq; & vulnera parent;
I precor: Arcanos plagis infunde liquores,*

*Qui superant mortem, qui saucia numina
curant,*

*Sive meus Mauors, Phrygio seu pulvere lesa
It Venus, & strictum Tydeidæ exhorret ad
ensem.*

*Quin & Pergameo paulum se tollat ab angue
Filius, ac Mauros tecum illustrare penates.*

*Approperet solers. Timeat nec fulmina rur-
sus,*

*Inuidiamq; meam: Nunc ô nunc annuo vinci
Fata libens, tanto quocunque immitia Regi.*

*Sic fatus genitor, Regisq; ante ora iacentis
Iam stabat medico circum præcinctus amictu
Phæbus, & occultâ purgabat vulnera
lymphâ.*

*Nunc parcente manu plagarum angustat
hiatus,*

*Nunc sociat gnato plantasque, artesque,
manusque,*

Et multum ambrosiæ venis cessantibus addit.

Protinus exhausto redeunt in pectore vires.

*Pallor abit. Sensit Superos nova vita fa-
uentes,*

Quare agite, ô Sancti manes, celebrate Camænis

*Absentem Elysîis. Teneat seu sydera virtus,
Siue habeat terras, seu vestris incolat umbris,
Semper chara piis, plaususq; & vota meretur.*

*Finierat Castor. læto fremuere tumultu
Securæ Vmbrarum sedes; unoq; fauore
Et maria, & tellus, & ouans respondit
Olympus.*

In hunc modum processerunt aliquot dies, nullius tempestatis nouitate notabiles (nam & Poliarchus expectatione celerius vires recipiebat) donec literæ quas Arsidæ commiserat Argenis, rursus turbulentæ fortunæ ludos instaurationerunt.

Nam vt Gobryas, Arsidæque, exegere in inopi littore noctem, quò post tempestatem successerant, cœperunt collatis sententiis pensare quò ire, aut quid facere, præstaret. Classẽ, militesque habebant, hanc quassatam, egentẽque auxilij; integros illos, &

desiderio sui Regis flagrant. Materies illis locis deerat, vasto solo, nec arborum patienti. Vtunque tamen resectis ratibus, aquam ex fonte, qui, rarum in Africâ decus, haud inde procul fluebat, comportant. Sparti quoque copia erat sterilibus in terris, magno ad armamenta auxilio. Iamque aduersi venti ceciderant. Sed quas terras atque quæ maria peterent, ignari quò tempestas egisset Poliarchum? Incertos animos explicuit tandem Arsidas, qui Gobryam his verbis secretò compellauit. Nimia silentij fides nunc criminis instar esset, ô Gobrya; si aut tu Regis tui consilia sic apud me taceres, aut ego legationis meæ summam à te auerterem, ut communi consilio non possemus nobis ipsis, dominisque consuler. Quid autem interest, quod iam inuicem scimus superstitioso inanique silentio dissimulare? Age, Gobrya, nonne in Siciliam nauigat ista classis?

Tum Gobryas illâ libertate erectus; Tu verò, Arsida, inquit, nōne ab Argenide ad Poliarchum venis? Vtroque fatente, arctóque complexu sanciente nouam fidem, simpliciùs inter se ad reliquæ consultationis ordinem secesserunt. Monebat Gobryas paucissimos ex ducibus esse quibus Poliarchus hoc petendæ Siciliae prodidisset consilium; cæteros falli longioris expeditionis specie. Cæterùm sibi maximè vni, omnia Regem familiarissimè monstrauiisse; Promissas Argenidis nuptias hoc exercitu vindicandas, tam aduersus nescio quas Siciliae leges Gallicam affinitatem prohibentes, quàm in Regem Sardiniae, intempestiuum & grauem Virgini procum. Tunc Arsidas, discessisse ex Sicilia quidem Sardos, sed atrociori fluctu inundare salutem Poliarchi atque Argenidis. Esse enim nescio quem Archombrotum, cui filiam Meleander despondisset. Solis Gallorum

armis posse hoc nefas præuerti. Prope-
ret in Siciliam Gobryas cum copiis illis.
Id solatium Argenidi fore, vt securior
maiora expectet auxilia, aut si necessi-
tas non patietur moram, cum eadem
classe profugiat. Sed & Poliarchum
anticipatâ diligentîâ, aut illic iam esse,
aut statim adfuturum. Quòd si, inquit,
aderis prior, finges cursum destinatum
in Græciam; missoque præcone, flagi-
tabis à Meleandro, vt in anchoris liceat
stare, donec socios quos tempestas
diuulsit in vnam classem exceperis.
Dabo autem ad Argenidem literas; sed
quas ipse scilicet reddas. Colloquendi
rationem res locúsque, & tua industria
aperiet. Huic si obsequêris, scis quanto
apud Regem tibi honori futurum sit.
Hic Gobryas; Amplector tuam fidem,
solertiámque, mi Arsidâ. Sed cur nobis
in patriam te comitem non præbes?
Posses vtcunque meum aduentum
conciliare Meleandro; & hercule me

ad Argenidem duceres. Imò, inquit Arsidas, si tibi videbitur, mihi triremem relinques. Hac ego pererrabo Africæ littora, ut si quæ Rex vester tempestate eiectus est, literæ mihi commissæ non pereant; & ipse præterea me referente intelligat quo loco in Siciliâ res eius reliquerim.

Postquam ita conuenit, Arsidas accepta triremi, quæ velox, & maris oras legentibus commoda erat, destinata navigationem exorsus est. Gobryas autem cum nauigiis quindecim, in quibus præter nautas, classiarij bis mille & ducenti merebant, in Siciliam cursum instituit. Nec distulerunt operam venti; non quidem à puppe propitij; sed ita dispensati ab Occidente, ut & ab Africâ Siciliam, & ab Siciliâ Africam petentium obliqua vela impellerent. Quippe eodem tempore Archombrotum fata vehere properabant in Africam, cum egregiâ hominum manu,

navibúsque omni ad bellum commea-
tu quantum fuit festinatio, instructis.
Is enim literas matris per seruum ma-
turè acceperat, quibus illa monebat in
exitium Africæ Radirobanem armari,
nuptiásque iure materno differebat,
donec in Africam transmississet, con-
sociassétque cum ipsâ consilia. Quam-
quam gemino motu penè mens Ar-
chombroto submota est, indignatione
in Sardos, & dilatarum nuptiarum do-
lore; tamen tota Africa amanti cedebat,
ardentiúsque agitabat cur matri pla-
ceret tamdiu se torqueri, quàm quibus
auxiliis hostem à patriâ arceret. Quid
Meleander deinde cogitaret, quídve
Argenis? quoties ingrata mora res per-
didit, & indignata est non statim ad-
mitti fœlicitas? Sic turgens, durámque
sæpiùs matrem tacitis intra se questi-
bus accusans, breue mitigando animo
tempus sumpsit. Inde primâ dolendi
furendíque nube consumptâ, conatus

in Radirobanem vertere quicquid ira
suggererat, ad Meleandrum iuit; illi-
que his verbis locutus est. Vtinam
meum genus (Rex) professus antè es-
sem, cum me Siciliae grauem & incom-
modum esse aliena iniuria non coge-
bat. Nunc simul & indicium generis
mei facio, & asserendae dignitati effla-
gito vestra auxilia. Hyaniſſe Maurita-
niae Regina mater mea est. Ea literis
significauit imminere formidolosum
sibi & Mauritaniae hostem. Quam-
quam in regni discrimine moueri de-
beo, plus tamen abominor ipsum
matris periculum. Iram praeterea ge-
minat mali author. Ille scilicet Radi-
robanes, ille latro, quem in tuum &
Argenidis caput grassantem hinc fata
depulerunt, rursus muliebrem prae-
dam petit. Nec ab eo timerem Mauri-
taniae meae; nisi quod imparatam ag-
greditur. Ibo igitur; & si in generum
placeo, succinctus tuis viribus; Addam;

que Radirobanem Lycogenis fatis. Et Sardinia Mauritaniæ seruiet, Mauritania verò Siciliae. Nam cur ante hoc bellum nuptias faciamus, in quibus instantia arma, & incerti cuentus, syn-cera gaudia esse non siuerint? Si vince-mus, pulcher erit hymenæus pompâ triumphi: Sin aliter fata statuunt, nolo paucorum dierum maritum Argenidi esse.

His auditis, non pauciora quàm quæ Archombrotum agitauerant mouerūt Meleandrum: Simul audire quòd Archombrotus erat Hyanisbes filius; simul in Radirobanem peti auxilium; simul nuptiis filiae quas tantopere urgebat, iniici moram. Tot cogitationum velut agmine plenus, in gaudium mœrorémque anceps erat. Archombrotum tamen imprimis amplexus est, audito Mauritaniæ nomine chariorem. Diues regio, & olim hospita Meleandro, commendabat tantarum
opum

opum iuuenem, iam antea indolis virtute charissimum. Deinde in insignem pietatem referebat, quòd ille asserendæ parenti nuptias posthaberet; ignarus hanc in feruido iuvene, & adactò matris imperiis, non spontaneam esse virtutem. Radirobanem verò acerrimum sibi hostem sciebat; & in lucro ducebat cum eo potius apud Mauros quàm in Siciliâ suâ decernere. Regni quoque periculum quod ad Archombrotum spectabat, & ipsius Archombroti gratia eiusmodi beneficio occupanda, facile impulerunt animum ad armorum consilia. Ergo in bellum societate promissâ, iam illum, vt Reginae filium magnificentius cultum, nihil ampliùs dissimulabat se generum optare. Gratulatus quoque filia est, quòd nuptura clarissimo Principi esset. Quæ omnia sic Argenis accipiebat, vt fati sibi exitium maturantis præfagia; vno tamen hoc læta quòd inducias ei dabat expe-

ditio Archombroti in Africam. O turbida mortalium consilia! Iam occultè Radirobani Argenis fauebat: is illi placebat hoc in Africam bello; huius impetum commendabat Numinibus; non tam ut vinceret, quàm aut ne vinceretur, aut in mutuâ clade.

Vbi verò vulgatum est, Argenidis cum Archombroto nuptias solo bello differri quod in Mauritaniâ instabat, haud mora omnium Ordinum primos ad eius limina ambitio adegit. Arma certatim, equos, nauigia ornabant. Nemo erat in patriciâ iuuentute qui non offerret operam, sumptúque ad bellum, & maturandæ profectionis acri hortatu, nouo Principi se probaret. Ea Argenidi, tristissima erant; ad quam multi præterea veniebant gratulatum quòd Mauritaniam suo sceptro coniungeret; etiam laudibus efferentes Archombrotum, eique propitios deos, & breuem in Siciliam reditum incom-

modissimâ humanitate optantes. Nec
Poëtæ defuerunt tam publico argu-
mento; quorum vnus operâ Timocleæ,
iam olim sibi familiaris, ad Argenidem
peruenit, & muneris sui ignarus por-
rexit hos versus indignanti.

*Instat Hymen, totisq; parat connubia votis;
Instat Hymen: Sed tu cupidû succedere castas
Nunc prohibes Gradiue faces. O dure, tuisq;
Senior Odrysius, sic nostra in gaudia pugnas,
Et sancto gemitum ferus internectis amor?
Quid queror inuidiam Superûm? Sunt ista
fauentis*

*Signa deæ, Paphias fumât cui thura per aras.
Illa coronatis genialem auctura triumphis
Letitiam, differt auidas paulum improba
flammas,*

*Extimulâtque morâ; Ceu parua aspergine
lymphæ*

Grandior exurgit, læsusq; irascitur ignis.

*Nûc age Threicios molire per ardua currus,
Armipotens, Libycæque petens discrimina
pugnæ;*

*Hunc Regē, ceu tu Superos fortissimus inter,
Sic hominum primum, magnæ tege numine
dextra.*

*Vos quoque (Sicaniâ thalamos dum mater
in Aulâ*

*Apparat, & similes miratur Cypria vultus)
Ite leues pueri; bellum vocat; ite per auras;
Et vos arma decent, nec frustra tēditis arcū;
Ite Cupidinei cœtus. Sed parcite telis,
Inq; feros vester potius stet vitricus hostes.
Victores Libycâ postquam remeabitis orâ,
Gratior hîc vestras vacuabit pugna pha-
retras.*

Et Archombrotum quidem ab aman-
di dolendique anxiiis curis nonnihil
reuocabat hæc præsens armorum in-
tentio. Nunc ille laudare, nunc acuer
suorum studia; videre in armis prælu-
dentes vero discrimini; instituere qui
commeatibus, qui telis, qui nauigiis
prouiderent. Auxilij enim non vis
modò, sed gratia, celeritate constabat;
vt sentiret Hyaniſbe, & intelligeret


Argenis, quàm strenuus esset. Intra paucissimos dies, parata in anchoris stetit classis triginta triremium. Minora nauigia viginti, ad armamenta, & varios vsus, comitabantur.

Meleander fidum hominem, & negociorum vsu exercitum, addere Archombroto haud imperitè cogitauit, tanquam ad Hyanisbem legatum. Ita enim rescire se posse, quicquid non hostis modò, sed ipsa cum filio Hyanisbe moliretur. Vices rerum, & experientia regnandi, multam solertiam capaci animo impresserant. Nullam tamen suorum negociorum partem cautiùs exigebat quàm delectum eorum quibus ad externos Reges aut populos legationem concrederet. reputans illos venarum instar esse; quæ pro suo habitu, occultam salutis aut morbi vim ex diuerso tractu terrarum inspiarent in patriam. Erat expertus, cum illi se priùs, quàm dominum fidemque

respiciunt, rem patriæ, dignitatem, consilia, aut silendo, aut annuendo prodi. Cùm autem turbulenti impetu animi, aut imperitiâ superbâ laborant; hinc quidem asperius obloquendo, illinc verò renunciando deteriora, sæpè turbas concitare quæ superfluæ initio, ex mutuâ contentione, & subinde crescentibus causis, in necessarios motus exæstuent. Pone denique (aiebat) eos esse æquabiles; At nisi ingenij vigor accedit, & conscius fraudum quæ in illos parabuntur; non modò non consilia gentium deprehendent ad quas legati sunt; sed simulatione & quodam obsequio capti, dominos quoque suos, nihil verum aut exactum referentes, pessimâ simplicitate decipiant. Præter hæc, curabat Meleander vt genio Regis aut populi quem adiri oportebat, commodissimus esset orator. haud ignarus consortia morum ad familiaritatis suauitatem plurimum

procedere, & ægrè mortales cauere ab iis quos amant. Inter has artes magis anxie pensabat, quos sic dimitteret ad Reges exploratum, quàm quibus præcipuas imperij vires in suâ Siciliâ traderet. Nec aut amicitias, aut familiarium commendationem sequutus, etiam solebat irasci, si quis auderet sic dubio pendentique necessarios suos aut affines obiicere.

Tunc verò impensiùs deliberabat, ecquem sibi quàm Archombroto futuro Principi fidiorem eligeret. Biduum tacita consultatio extraxit; & denique sedit rem mandare Timonidi. cui ad se vocato ita loquutus est. Si esses edocendus quam curam, quàmque fidem legati nomen velit, non ego re impari onere opprimerem. Volo te in Africam cum Archombroto proficisci, & meo nomine salutare Hyannisbem: apud eam deinde hærere, donec à me successorem accipies. Quæ illi



Reginæ de bello, de filio, de affinitate nuncios, te hodie Cleobulus docebit. Vnum ipse admoneo, ne cuiusquam gratiam meæ anteferas. Quid illic agatur; quid velint, aut possint, ne peperceris referre. Nec time ne hæc fides tibi periculosa sit, si quid scribas quod hi nolint quos lædere nolles. Diu est enim quod silere perdidici. Timonides non lætior fuit acceptâ dignitate, quàm de scopulis qui in eo cursu latebant sollicitus; Sciebat (nam Arsidæ & Nicopompo erat familiarissimus) Archomprotum Argenidi non placere. An hanc autem obiret prouinciam gratus utrique? Quod si alterutri in odium veniret, credebat mansuram offensæ memoriam multò altiùs in læso, quàm gratiæ in illo quem iuuisset. Sic igitur Regi; Nec dubito de silentij tui fide, Rex; nec arbitror commissuram Hyanisbem, aut Mauros, ut quidquam nunciem quod regi oporteat. Sed for-

fortuna varia est, sed tempus, sed homines;
 denique estis Reges. Si quid tale occur-
 ret, non tantum in tuâ, sed & Cleobuli
 manu, fata utique mea erunt; ad quem
 (ut pote Præfectum secretorum) lega-
 tos destinare literas suas iubes. Et de
 tanti hominis fide anxius non sum: Sed
 quid si alteri hanc literarum præfectu-
 ram mandabis? quid si vicariis suis ipse?
 Ut non hæc fiant; at hoc ipsum ni-
 mis supplicij mihi erit, posse contin-
 gere. Tum Rex. Non iniusti (inquit)
 hi metus: Verum si qua eiusmodi erunt
 scriptis mihi ipsi literis omnia secure
 commiseris. At Timonides. Scilicet
 insolentiam ad te scribendi omnes
 suspectam non habebunt? Aut non
 inuidiosum mihi apud Cleobulum, si
 tanquam damnata eius fide, suo mu-
 neri, & integritati sic detraho?

Perplexus ad hæc verba Meleander
 cœpit solus spatari, ratus quæ Timo-
 nides tanquam pro se attulerat, ad

Regum ipsorum salutem pertinere. Tunc verò potestatem Præfecti secretorum animo voluens, non sine horrore cogitabat quantum ille acceptis legatorum literis posset. Tanquam arbitrum rerum, nihil hunc magis quàm quod placet Principi referre. In hac verò libertate, quas cum exteris amicitias si velit, non obruat; aut iniurias atque fraudes præcorruptus non mulceat? Quòd si perfidiam quæ argui possit, prudenti scelere vitabit; at ipsa negotia narrando torquere, verbisque premere, aut eleuare omnia poterit; tanquam hoc quoque orator mandauisset. Ita simul & eadem & diuersissima erunt, quæ illi Præfecto legatus, & Regi ille tradet. Paruo momento deflecti aut intendi negotia possunt: & ex supercilio aut remissione dicentis, subitam efformamus, & maximè efficacem, in mentibus imaginem rerum quas primùm audimus. Tantæ quoque

potentia viros clàm vicini Principes
 solent vel muneribus aggredi, vel, quod
 valentissimum ambiendi genus est,
 arcanâ familiaritate, penè tanquam
 æquales sic colere, vt vix intelligant se
 sollicitari ad turpissimam seruitutem. Si
 igitur his machinis aut omnino con-
 cesserint, aut debilitatam saltem fidem,
 non opponent illius Principis consiliis
 quem illicito fœdere sic amabunt;
 idque apud exteros legatus persen-
 tiscet; quæ Regis commonendi sit ra-
 tio? Huic scilicet quem accusat literas
 mittet? hunc iubebit sua crimina ferre
 ad Regem? hunc seipsum acerrimâ ac-
 cusatione proscribere? Nempe hoc in-
 frequens; dices; Nec deesse alios Opti-
 mates, per quos scilicet tunc legatus
 ferat ad Regem prodicionis indicium.
 Imò verò ardua erit tantæ accusationis
 prouincia (in qua scilicet aut actorem
 aut reum perire necesse est;) si illam
 hominibus credideris, qui vt sint se-

cretissimi ac penè vt taceant, adhuc nimis loquuntur, ac non potiùs codicillis in fontibus, mutis, sui expertibus; quos Rex vnus & legat & premat: Quid si præterea tectiora aut minora scelera erunt, aut de quibus ipse legatus addubitet? An inuidiosissimâ delatione violanda tunc fama Præfecti secretorum, delectis hominibus qui hunc apud Regem insimulent? Nulla pax rebus, nulla dignitati securitas. Et sæpè legatus tantis inimiciis posthabebit officium. Sed vt eiusmodi Præfecto fides & probitas insit, at saltem, quod sæpe fit, si in gerendis rebus dissentiet legatus ab illius sententiâ, & quid ipse censeat referre Regi volet; quî hoc fiat, si per hunc solum sensus suos Regi ostendit? Non enim in se pugnabit iste Præfectus: non se deseret, non fouebit aduersa, legatum odisse pronior, quàm sensus illius Principi commendare.

Meleander cùm hæc omnia eius

animo nec cogitans subiecisset Timonides, agitare simul cœpit de remediis in illa discrimina. Erat quidem tanta virtus Cleobuli, ut in eo non hæreret suspicio; Sed ordinare non tantum in præsens, verum ipsis nepotibus rem publicam Reges debent; & ineptissimi in unius hominis virtutem cultus & admirationis est, publicum munus si quo ille fungitur multiplici liberâque potestate attollere; quasi fatale sit ut ea semper dignitas cadat in probos; cum potius armatura sit viribus suis temeritatem eorum qui ambitu vel errore in eam succedent. Secum ergo constituit anxie legatis præcipere, ut quoties isti Præfecto scribent, ad Regem etiam destinent codicillos; non prolixos illos quidem, nec graues negociis; nisi occurrant quæ non interpolitâ alterius fide nunciare præstiterit. Hac arte, nec laboraturum Regem breuium literarum, & plerumque non seriarum,

lectione; ignarúmque Præfectum quid illic scriptum sit, bonâ vtique fide quæ ipsi legatus mandauerit, quæque senserit, relaturum. Sed & hunc quoque præter legati inuidiam accusari improvidum posse, non suspectâ illius ad Regem literarum frequentiâ. Ea autem sic demum processura, si Rex tanquam salutis aliquod pignus, acceptas epistolas continuò leget, & cæterorum omnium oculis sanctè subducatur. Ita enim & legatis in securo futuram libertatem; & neminem resciturum seria an quotidiana perscripserint; quò Regi magis in integro, dissimulandi consulendique potestas sit.

Sed instituenda hæc sensim, & propemodum non sentiente Cleobulo: & auspicandi pulcherrimam rationem offerri hoc discessu Archōbroti; quasi daret suo in eum amor, vt de ipsius valetudine iuberet Timonidem destinatis ad se literis nunciare. Clâm igitur

Timonidi imperat, ut si quæ essent soli Regi perferenda, vni sibi concederet; & ne suspiciosa literæ essent, si rariùs & veluti extra ordinem mitterentur, scriberet non Cleobulo quàm sibi frequentius. His præceptis ornatum dimisit; cùmque paulò pòst adesset Cleobulus, rursus iuueni imperauit, quàm sæpissimè scribere, nec Cleobulo modò sed sibi, de valetudine successùque Archombroti; Paria fìcturus ut quisque ab eo legatus mitteretur ad externos; donec mos ipso legatorum ambitu conualuisset, amantium hoc per literas maioris dignitatis cum Rege consortium.

Omnibus ad nauigationem maturis, cùm Archombrotus salutaret Argendem, discessumque excusaret; illud quoque miserrimam virginem torsit, quòd is necdum sentiret se despici; Et ipsa sui amoris opinione inimicum auxisset tot opibus, tot studiis Siculo-

rum. Fastidiosè ergo respondit, probare se quòd ad matrem rediret. Nemini enim meliùs quàm domi suæ esse. Tetigit Archombrotum non perplexa verborum acerbitas; quam dicentis species & austeritas augebat. Sed nec questus, nec iurgia, tempus aut locus ferebant. Potiùs veluti non sensisset se ad exilium inuitari, respondit, sanctiorem patriam, & cui plus deberet, illam videri, quæ dominæ, quàm quæ sibi primam lucem infuderat. Dum hæc loquitur, interuenit Meleander, quo conspecto remisit Argenis de rigore verborum, refecitque inuita Archombrotum; Qui postquam litauit in arenâ, cum omni exercitu subiit mare: Satis loquutus Proceribus qui in eâdem triremi vehebantur; secessit tanquam acquieturus, & animum laceissentibus curis aperuit. Nam Argenidis sermo turbulentissimè in mentem redierat. Quid verò excitasset hanc

hanc in virgine crudelitatem? Penè ridiculè admonuisse quietis domesticæ, an erat improperantis quòd omnino abibat, an simpliciter sua fœdera aspernantis? Sub hæc reputans quicquid antea ab Argenide aut mite aut seuerum acceperat, vix regebat molestissimam metuendi sperandique discordiam. Quod præterea Aruspex in littore significauerat, numina nauigationi annuere; ô dolor! an sic intelligendum, vt dii interdicerent reditum, prosperis sed veluti fatalibus ventis discessum vrgentes? Hæc & similia dolendi argumenta congerentem, vrebatur maxime Poliarchi memoria; de quo, præter antiquas suspiciones quæ iam æmulationi suffecerant, quicquid erat à Selenisâ reiectum famâ gliscente cognouerat. Inter eiusmodi cogitationes acerbitate plenissimas, suspensio iuueni, suisque doloribus nimiam contemplatione indulgenti, dabat vtrique

fiduciam Meleander, amore in ipsum præcipuus, & nuptiarum conciliator. Sed quid suarum rerum displicebat. Argenidi? aut potius quis puellæ tantopere alius placebat? Ille nempe Poliarchus; Quem, ô, inquit, si mihi fata obuium dabunt, quantò lubentiùs quàm ipsum Radirobanem, hac manu, hoc ferro, de amore atque vitâ deiciam! Et verò meretur odio meo oppetere tot malorum mihi author, ac virgini; quam nisi carminibus teneret, ego tam claro sanguine, tam opulento regno, tot amoris indiciiis, ac etiàm (fas sit tacitè cogitare) non ignobili fortitudinis exemplo, flexissem. Sed illum suâ obscuritate tutum vnde quæram, aut quò persequar? Nisi esset hac spe minor quam improbè concipit, non tam diu abesset; aut vbiqûe secretus fugeret conscientiam Meleandri. Hei mihi! sed & si occurret patebitque iræ meæ; & cæ forsi-

tanquam meditor ultione iam dubiam
 virginis mētem peiùs à me auerterim.
 Imò certus sum vitam illius mihi ob-
 stare; An item sit obstitura mors vide-
 rint dii. Certè nec de mortuo quic-
 quam sperare ipsa poterit; & sciet uti-
 que fortissimum fuisse qui vicerit.

Sic apud se digerebat Archombro-
 rus malè sana consilia, interdúmque
 dolebat, quòd Poliarcho olim amico
 sic irasci cogeretur. Nondum verò ab
 illius oculis Siciliam ventì remouerant,
 cùm Gobryas haud procul Syracusis
 anchoras iecit; missoque ad terram
 præcone vbi Rex degeret quæsiuit:
 Cùmque audisset imminentem pelago
 arcem, quæ Epeirète dicebatur, ab illo
 tunc incolì, ipse vnicâ triremi Syracu-
 sas concessit, tanquam comineatum
 causâ. Misit inde delectos, qui Regi
 significarent Gallorum magnam clas-
 sem in Græciam indéque in Asiam na-
 uigantium, tempestatibus sparsam per

æquor fuisse. Huius partem in Siculo mari expectare socios, si fortè ab errore illuc quoque agerentur. Petere ipsum ducem, ut liceat colloqui Regi. Nam Principis tanti conspectum, pro maximo tempestatis præcio sibi fore, quæ hæc littora dedisset. Meleander, ut humanitate præcipuus erat, quamvis ambigeret quid Gallorum tanta classis in Græciam vellet, tamen ad colloquium inuitatus non renuit. Venit igitur Gobryas cum amicis seruulisque omnino viginti: Cui Epeircten intranti obuiam missus Eurymedes, ad se hospitem deduxit; & humanissimum expertus, haud perfunctoriè commendauit Meleandro. Posterâ die deductus ille ad regiam, sui expectationem, quantam Eurymedes fecerat, facile impleuit: Nisi quòd sentiebat Meleander, cum quæreret cui cœpto hanc Gallia classem ornasset, non syncerè aut simpliciter responderi. Itaque explorato-

rem veritus esse, honorarios custodes clam tribuit; qui incautum, nec ratum se timeri, solerter obseruarent.

Sed Gobryam altior cura versabat, quâ arte quove ductore, secretò colloqueretur Argenidi. Memor tandem purpuram, quæ nullibi preciosiùs fulgorem, quam in Galliâ admittit, in nauibus suis esse, ei à Poliarcho præparatam; hanc afferri ad se iubet, tanquam in hospitij gratiam regiæ virgini donum. At illa iamdudum non minoribus curis concussa, secum vehementer quærebat, an sperare auderet has naues à Poliarcho præmissas maiorem comparante exercitum. Sed parumper huic solatio innixa, rursus consuetudine lugendi ad deteriora reuoluta est; ut & ludibrio sibi esset hac tantillâ iucunditate spei quam hauserat. Sed quid Arsidas morabatur? cur non procedebant promissa Poliarchi? In ipso, an fortunâ, tarditatis causa erat? Exie-

rant destinati menses ad reditum. Ipsa
viuebat non illius auxilio, sed infœli-
citate Archombroti, quem in Africam
bella vocauerant. Heu in meos luctus,
fortis, & sapiens, & dignus amari, Po-
liarche? cur ego te vidi; cur etiam vna
placui quam multiplici morte confi-
ceres? Ego si te nesciissem; hoc quidem
ipso vixissem misera; sed saltem non
fensissem. Non decrant toto orbe quas
amares fœliciùs. Do virtutum tuarum
immeritas pœnas, quarum vnaquæque
me diuisam, me fortasse contemptam
ad interitum adigit. Hei mihi! quid si
& ipse non leuior iam quereris? quid
si dolore quem sentis, & illo quem in
me suspicaris, obrutus iaces? timésque
præcipuè ne tibi potius irata quàm
fortunæ, in culpam factorum te tran-
scribam? Sponsi fœlices quibus vel
celeriter successit; vel qui deorum con-
tumaciam & dolos exierunt subitâ
morte!

Sic fortè querenti cùm iam aliquot dies in aulâ Gobryas traxisset, nunciavit Eurymedes, hospitem Gallum ei donum afferre purpuram in Galliâ tinctam. Non recusavit virgo munus aspicere; hoc ipsum ad commoditatem colloquij à Gobryâ subornatum; & maiora quàm quæ credebat Eurymedes afferri, penè iam sentiens. Cùm ergo intrasset Gobryas, explicuissètque inuidiosam vel Tyriis muricibus mercem, non Argenis satis quæ monstrabantur cernere; non aut loqui compositè, aut loquentibus se præbere. Adeò omnes sensus rapuerat trepida expectatio aliquid de Poliarcho audiendi. Parum aberat quin prior interrogaret ignotum. Sed Gobryas illi admotus, cùm muneri inspectando intentissimos omnes vidit; voce submissâ; Vt, inquit, hoc donum author preciosius faciat; misit ille ad quem Arsidad legauisti. Exciderant ad hoc

verbum Argenidi vires; vt extrepido
silentio intelligeret Gobryas altissimè
tactam esse. Itaque alia quædam pu-
blicè loquuta, velut muneris gratias
haberet, secretò Gobryæ dixit. Quæ-
so te, hospes, hac vespèrâ domi lies.
Arcessam te, vbi sublapsa frequentia
solitudinem faciet. Sub hæc Gobryas
discessit; & ipsa laudare impensè inter
mulieres cœpit oblatis velleris nitō-
rem; precium deinde augere, & sic lo-
qui Timocleæ; Hoc donum simplicis
liberalitatis credi vix posset. Facile ho-
spitem censeam Regi aliquâ de causâ
supplicaturum; & hoc munere sibi
suffragium meum parare voluisse.
Nam & orauit, vt se, vbi ocium esset,
liberiori colloquio dignarer. Volo ho-
die hac curâ defungi: Vt si quid impe-
trabile in votis est, operam promit-
tam; Sin latent grauiora, ne supplicem
vanâ spe extraham; & non imparia
sux purpuræ dona remittā discessuro.

Haud multò post in hortum secessit; qui fortè Meleandro ad venationem profecto infrequens erat. Itaque ipso viridarij secreto admonita, Timocleæ imperavit, vnum ex corporis custodibus mittere ad Gobryam, qui eum ad hortum produceret. Ille Argenidi sibi que non defuit; cui vulgaria aliqua percunctanti cum publicè respondisset, paulatim veluti lapso ad varia sermone, magisque intenso, secerni à reliquis cœperunt, solique ambulare. Tum Gobryas: O domina, inquit, non Sicilia tantum & Galliâ tuâ, sed quantumcumque in vrbe regnorum est digna; ignosce Regi meo quòd me priorem vides. Causam moræ ingratißima tempestas facit, quæ cum classe venientem depulit à cursu. Nos quoque eiectioni in Africam fuimus: Ego, inquam, & Arsidas, qui pridie tempestatis in me inciderat. Et is quidem per Libyæ oras tuum Poliarchum vestigat, le-

gationem obiturus quam mandasti: Isthuc verò nauigavi, siue Rex iam ad-
esset, accessurus exercitui quem maxi-
mum ducit; siue adhuc expectaretur,
tibi interim traditurus tantillam hanc
classem. Etenim tuum nutum simpli-
citer manemus. Vtere nostro sanguine
quâ placebit. Scio te solam esse, in quâ
verissimè Rex meus aut despici possit
aut coli.

Sic loquutus, literas Arsidæ porrigit,
in quibus ferè eadem quæ ipse memo-
rauerat continebantur: Quibus lectis,
ut amor nunquam quietus est; Quid
ergo credemus (inquit Argenis) Rege
vestro esse factum? Si pepercisset illi
tempestas, an credis diligentio-
rem alium futurum, ex quo de eius aduentu
cognoscerem? Hic Gobryas, quam-
quam & ipse non intactus eo metu,
tamen multa congeffit, quibus nau-
fragij suspicionem auerteret. Nam nec,
inquit, cum vnâ aut alterâ naui maria

fulcat. Naues longæ, & triremes ultra
quingenta sunt quæ illum comi-
tantur. Etiamſi prætoriam nauim
(quod dii non ſiuerint) tempeſtas ſol-
uiſſet, an tot nautæ, tot milites, non
manus & humeros præberent, quibus
chariſſimus Rex proximo nauigio im-
poneretur? Sed nec credendum eſt, aut
totam Regis claſſem obrutam vndis;
aut qui cladi ſuperfuiffent non iam
nobis funebria nunciaturos. Nimiò
citiùs quæ obſunt, quàm quæ optamus
amat fama ignobili gaudio nobis in-
gerere. Ne iniuſto denique metu cru-
deles nobis ſimus; reſpice has triremes
quas duco. Iiſdem cum Rege fluctibus
iactatæ ſunt. Nullam tamen ex iis tem-
peſtas expugnauit. Vel itaque Regem,
in remotiores delatum oras exiſtimo;
vel corruptis vi ventorum armamen-
tis iacturam reparare. Neque enim ſolì
nauigationi, ſed & bello exercitum
adornat. Intra paucos hōs dies, videbis,

Reginā, feruentem Siciliae oram fortissimis viris; qui omni studio exprobrabunt hostibus tuis, si quos hīc habes, quod virtutem apud se genitam indiligentiū coluerunt quā nos externi. Erecta consolatione tam magnificā virgo, adhuc tamen de Poliarcho anxia erat. Ardebat præterea Gobryam prolixius percunctari tam de illis quæ sciebat, quā de ignotis. Dum enim de Poliarcho loqueretur, seria ac leuia virtute amoris delectabant. Sed nec tempus sinebat, iam vespērā obscurum, nec familiarium curiositas inter se quærentium, quid tantum cum Gallo loqueretur. Rursus igitur suam opem promittenti: Ego, inquit, quid ex re vestri Regis sit, maturius expendam. Tu cum Eurymede sis frequens, cui ipsa commendabo amicitiam tuam. Finge autem idoneas causas non recedendi à littore; hīsque ego fauebo apud patrem. Facile quoque inibora-

tionem, quâ sæpius ad colloquium meum, & sine suspitione, peruenias.

Hoc dimisso, cum quæreret Timoclea, ecquid ille voluisset; Nihil magnum, inquit, Argenis: nisi fortè nondum explicuit animum suum, & primo congressu noluit grauis esse. Laudauit benignitatem hospitij; orauitque ut suarum nauium vna, cui supellectilis pretiosissima insunt, in hunc portum recipiatur, non isthic plus biduo hæsuræ; intra quod tempus quædam tempestate corrupta refici possint. Ad hoc se operam meam apud Regem expetere. Sub hæc verba in cubiculum virgo regreditur; accersitumque ad se Eurymedem iubet agere hospitis curam; quoque solertiùs falleret; Est, inquit, ut illi xenia paremus, saltem iis quæ obtulit nec pretio nec venustate cedentia. Hæc dum quærimus, vide ne ad discessum se comparet. Satis erit breuem ad moram vel dilata venatio, vel promif-

sum spectaculum. Iterum monco, caue, Eurymedes, ne impronitus, hinc abeat. Ita institutum ubi dimisit, & quietis specie nox dedit ad curas libertatem, tunc reputare exitus omnes cœpit; tunc ex re consilium capere, fortiúsque quàm antea, & Reginae more dolere. Poliarchum, si viuebat, esse venturum, iam ipsa Gobryæ classis, iam Arsidæ literæ certissimâ ratione monstrabant. Quærenda igitur remedia, quibus illi viuam quoque se seruaret. Sin ille perierat, se demum non victuram. Sed quâ ratione, quóve prætextu, Gobryæ classis assideret Siculo littori? Necessarium tamen hoc erat ad ea quæ cogitabat subsidium. Sic enim decreuerat; Si priùs rediret Archombrotus, quàm de Poliarcho quicquam certi esset allatû, clàm fugere ad has naues; & vel inde petere Galliam, vel coactâ Siculorum factione, abstinere à nuptiis ad quas pater adigeret. Haud incommodè tan-

dem ita rem commenta est. Primo mane ad Meleandrum iuit; & Siciliae solitudinem quæsta, vereri se dixit, ne Radirobanes, vbi Archombrotum audisset cum præcipuis Insulæ viribus isse in Africam, rursus raptui imminens aut ipse veniret, aut militum in se partem ad improuisum bellum emitteret. Nihil ergo securius, quàm Gallos aliquo propitio numine ad se aduectos mercede conducere, qui littorum custodiam agerent; ut si bellum ingrueret, peregrini iacturâ sanguinis, Sicilia defungeretur periculo. Negocium vnius mensis fore; intra quem possint de Archombroto & Radirobane referri certiora. Et Gallos nondum (ut audiuerat) ex tempestate ad navigationem instructos, non ægrè tantilli temporis moram addito precio audituros: qui præterea nec tam pauci sunt (inquit) ut iuuare non possint; nec eo numero, ut metui à Siculis debeant, si

auxilium in perfidiam mutant. Cùm patrem his verbis permouisset, secretò deinde Cleobulum, & postea Eury-medem vocat. Urget suos de Radiro-bane metus. Gallorum præsidia ostendit, quorum opera haud magno precio emi posset. Cùmque illi in contrarium disputarent; nam nec ignotis benè credi, nec viros Insulæ deesse; liberius Argenis; Si hoc, inquit, Siciliae non tribuitur, at meo timori tribui volo. Regem in meam sententiam iam perpuli. Mihi nō probabitur, qui cum in aliam partem consiliis suis flectet. Hæc imperiosius vrgentem, neuter ausus est importunâ irritare prudentiâ. Regi quoque ambitiosè authores fuerunt, præsertim cùm Argenis adesset, vt Gobryas ad litoris custodiam inuitaretur: Et ille, quandoquidē ita censetis, inquit, tu homini colloquēris, Eurymedes. Sciscitare an hîc moram pati possit. De mercede deinde viderimus. Eurymedes

rymedes mādato defunctus, Gobryam non difficilem habuit; haud ignarum id commentum ab Argenide esse. Operam igitur suæ classis in mensem promittit, solâ mercedis mentione offensus. Nam quò magis probaretur, liberale præsidium, & in amicitia tesseram offerebat.

In hoc statu res Siciliae erant, dum Arsidas omnibus Africae partibus triremem applicat, & quacunque se brevia terris insinuant, scaphâ prouectus interrogat agrestes, si qua de illis litto-ribus visa esset classis externa, aut ullos omnino mortales ad eos tempestas reiecisset. Iamque irritò labore defessus languebat, æstum præcipuè non ferens, quem Auster inspirabat ab arenis mediterraneis allapsus; cùm opportunissimè factum ut Mauritaniae fines contingeret, succederetque ad lit-
tus in quo non grandis portus, & inde
stadiis octo modicum oppidum inco-

lebatur. Fortè fuit, vt tunc in portu
spatiaretur illius regionis Præfectus,
inter paucos fortitudine & prudentiâ
insignis. Ille Arsidam videns, quem
vultus habitûsque peregrinum homi-
nem esse monstrabat, blandissimè ac-
cessit; & tam magistratûs sui quàm hu-
manitatis officio, de patriâ & negociis
rogauit. Cùmque Arsidas, quò multa,
& varia memorandi necessitatem effu-
geret, quia Gallicâ triremi vehebatur,
se simpliciter Gallum esse dixisset, sta-
tim Maurus insiluit in amplexum; &
satis est, hospes, audiuisse Galliæ no-
men, inquit. Omnia vobis debemus.
Procede sodes in urbem hanc; & qua-
cunque te nauigatio vocabit, primùm
apud nos à iactatione sali refectus,
nouis commeatibus triremem onera.
Stupebat Arsidas ad insperatæ beni-
gnitatis prodigium, in externâ gente
atque incognitâ. Subire igitur terram
comites iubet; Præfectoque dexterior,

& ab omnibus cultus, proximi oppidi
 viam exorsus est. Veritus deinde ne
 procedentibus colloquiis proderetur
 non à Galliâ venire; videreturque hu-
 manitatis officia aliis debita, aut para-
 ra, quæsiisse mendacio, paucis recen-
 suit, esse quidem se Siculum: Sed quia
 Gallicis remigibus utebatur, quære-
 baturque præterea Galliæ Regem, se Gal-
 lis, cum de gente rogaretur, annume-
 rasse. Nempe, subiicit Præfectus, illum
 quæris, absque quo esset in servitutem
 externam omnes Mauri concessisse-
 mus? Monstra hæc Arsidae erant; om-
 nium quæ illic Poliarchus gesserat
 ignaro. Ergo ne aut ipse diutius, aut
 Præfectus erraret, haud perplexè roga-
 vit quid novi accidisset; quodve bene-
 ficium à Galliâ processisset ad Mauros.
 Se enim vi ventorum in ultimâ Africâ
 propulsum, & diu iam errantem, hæc
 nescire. Tum Præfectus aggerere om-
 nia cupidè cœpit; quâ insolentiâ Ra-

dirobanes bellum mouisset; &, vt veluti ad condictum, diis ferentibus cum exercitu aduenisset Rex Gallia. Quæ deinde belli fortuna, quàm varij sub breuissimo tempore casus. Sed ambitiosè morabatur in Radirobane occiso; vt pugna acris fuisset; vt anceps aliquandiu fortuna; & victor haud perfunctoriè vulneratus. Ast vbi narrandi serie Radirobane Gallici Regis manu perculsum in terram deduxit; non tenuit diutius læticiam Arsidas; sed vultu sic diffuso vt constaret læticiam non fingi; Cæsus ergo est Radirobanes? Ille Sardinia Rex? ille nuper à Sicilia reuersus? & quidem à Gallico Rege? cui, ne frustra exultem, quod nomen, mi hospes, est? Tum Maurus; Geminum illi nomen est, inquit: quo errore & diu lapsus sum, & vidi alios errare. Modò enim Poliarchus, modò Astioristes à suis appellatur. Assertus est hoc sermone Arsidas in certissimi

gaudij sensum; adeò vt & Mauros qui cum deducebant penè in eandem affectuum suauitatem adigeret. Non curarum meminerat, non laboris. Tantùm, quasi diis loqueretur, rogabat quæ fata, quæ sortes, inimicissimos Reges compulissent in Africam; aut quod numen sic ordinauisset, vt sanguis Siculis odiis debitus tanquam Africanæ utilitati penderetur. Ad se deinde ex hac contemplatione regressus, quærebat quò se ab illâ victoriâ Poliarchus recepisset; At Iuba (ita Maurus vocabatur) retulit adhuc vulnerum ægrum, iacere in Mauritanix regiâ vrbe. Illinc omnino expedito equiti quatuor dierum viam esse.

Inter hos sermones in urbem perue-
nerant; & Arsida peritos viarum ex-
poscenti; quibus duceretur ad Regiam
(nam recruderant venti, & timebat
ne repetitâ iniuriâ tempestas penè re-

pertum Poliarchum eriperet) Iuba negauit itineris copiam se facturum, priusquam exta Hospitali Ioui sacrata simul prosequissent. Aestus erat; & in horti vmbraculis deductus Arsidas super appositos thoros epulas expectabat; gratissimis Iubæ sermonibus, de bello, & Poliarchi victoriâ, moram subinde fallentibus, cum tandem opulento conuiuio mensæ conuiuas ad se conuertunt. Et subitum luxum miratus Arsidas, nihil tamen altiori intentione spectabat, quàm inter promulsidaria esse varij generis poma ita glacie circumuenienti inserta, vt aliorum pars emineret extra hoc frigus, alia prorsus cõdita tamen sub lucentis aquæ crustâ natiuo colore cernerentur. Quid potissimum crederet ambigebat, nouitate illâ concussus. Certè enim hæc poma recentia erant; rursusque sub illorum mensium syderibus aqua frigore non coibat. Tum ne fictâ imagine lu-

deretur, primum manum glaciei ad-
mouet; quæ ut iusto rigore digitos
vssit; ut non posset dubitari quin aqua
hæc esset; & verissimo quidem gelu
concreta; mox & poma dentibus ten-
tat; & hæc quoque natiuo sapore mitia
erant; nisi quod ad nimium algorem
obstupescibat gustus. Delectatus ad-
miratione hospitis Iuba, inuitabat ad
cibos admiratione nimiam cunctantem.
Sed Arsidas cum risu quæsiuit, quâ ille
ex Scythiâ cum Africæ arboribus
mistâ hanc gustationem prompsisset:
Tum Iuba; Ut magis mireris, inquit,
cum in hortum intraisti hæc poma
adhuc ex arboribus pendebant, & quæ
modò est glacies ex fontibus vnda ma-
nabat. Geminato stupore Arsidas hæ-
sit, exquisiitque ab Iubâ, quo carmine,
quove in antro, tam subito natura se
mutaret. Et ille, Noua est, inquit, apud
nos hæc ratio reuocandi arte hyemem
sub medio sole; quam exequar post-

quam mulsum gustaueris. Aderat puer Ægyptius cum mulso, quod in calice præferebat & ipso ex glacie facto: quo exhausto cum in terram à puero collideretur, doleretque Arsidas fragile quidem, sed in æstatem pretiosum vas perire; Noli indignari (inquit Iuba.) In singulas portiones vsus eiusmodi scyphorum est. Iteratò eundem in mensâ conspici vile esset. Nihil ampliùs gustabat Arsidas, auidus cognoscendi quâ arte ad naturæ veritatem sic perueniretur; Cùm allata sunt variarum formarum ex ære prototypa. Orbium, poculorum, paropsidum, omnis denique conuiualis instrumenti species erant. Tum Iuba; hæc sunt claustra, quæ aquis infusis glaciem concipiunt. Quippe vnusquodque operculo suo sic tegitur, vt oræ inuicem cohæreant, exceptâ foraminis angustia, per quam aqua liquitur in interiora; quo modo ex stanno vel plumbo fusilis supellex

conflatur. Alucolo deinde ligneo illa deponimus, cuius fundum sale primùm nigro illo, parùmque contuso, & mox niue, contegitur; quæ nobis semper ad manum est, fulta straminibus, & in vmbra antrorum toto annò inuiolata. Supra ipsa deinde prototypa, in alucolum sic demissa, pari modo nix quoque aliquoties cumulatur, sale toties interiecto. Ita hæc aqua illo in ære ad glaciem præparata, accipit vndique circumiectæ niuis frigus; quam sal acrimisturâ vetat liquefcere; in locis præcipuè vmbrosis, qualia vini aut olei apothecis effodimus. Trium circiter horarum spatio coit aqua, & si quæ poma inseruimus, qualia nunc miraris, hærent septa in glacie. Æstu deinde languentibus grata est hæc vis nimij frigoris; quam & ipsa nouitas commendat. Nuper enim nescio cuius non inepta luxuries, hoc solatium inuenit.

Oblectatus narratione Arsidas, licentiùs marcenti stomacho ingerebat hæc poma, quibus corrupta frigore aqua rigorem insinuauerat; simul autem nouis semper ex glacie calicibus bibebat, summo frigore sitim, ut solet, acuate. quamquam interdum Iuba monebat, periculosam intemperiem esse, nisi parcè utentibus. Sed cum de prandio surrexissent, & Arsidas calidæ ysum multo ioco traduceret, paulatim omnes nervos receptæ hyemis malignitate ita laxari sensit, ut egestas hinc inde epulas penè anima sequeretur. Iuba non misericordiâ tantùm motus; sed & metu, ne huic sponte mortem crederetur propinasse, nulli sedulitati parcebat: Solari Arsidam, medicosque urgere; & nunc suos, nunc illius ministros verbis conuenientibus affari. Ut verò in deterius fama attollitur, Arsidam fato propinquum haud tardè vulgatum est. Dum trepidant comites,

seruulique; quidam illius mercenarius
 ex Eubæorum coloniâ, qui in Oſcis
 Neapolim condiderant, tempus lo-
 cûmque furto nactus, haud modicam
 prædam egit. Sacculus erat ex carbaso
 quem sub veste reconditum idoneâ
 curâ Arſidas ſeruabat. Illic pretioſum
 aliquid in eſſe Græculus diu antè con-
 iecerat. Dûmque veſtes laxantur ægro-
 tanti, & ſui ignaro, ipſe familiaris offi-
 cij ſimulatione acceſſit, detraxitque
 non ſentienti ſarcinam, & cæteris pie-
 tate & metu occupatis, ſeſe domo pro-
 ripuit.

Vbi autem primo impetu mali ſeda-
 to, Arſidas loqui potuit, à Medicis
 quæſiuit, quid de periculo ſuo, quid de
 itinere ſentirent. Medici proſpeta eſſe
 ſigna ad valetudinem reſpondent: Sed
 ventriculum & cæteros neruos, qui in-
 temperie frigoris afflicti, febrim toti
 ſanguini aſperſerant, aliquâ quiete re-
 componendos eſſe. Optimè actum iri;

si non vltra quatrduum morbus profectionem differret. Ille cum diis questus tali in tempore moram offerri, ad Iubam conuertitur. Et literas, inquit, quas ad Regem Poliarchum habeo, nefas esset hîc sisti meo casu. Si dabis qui viæ duces sint, has statim per vnum ex meis transmittam ad Regiam. Hîc deinde acquiescam patientiùs, donec ire per morbum licebit. Laudauit Iuba consilium; addiditque; præstò esse qui quemcunque Arsidas destinasset, ad Regiam comitarentur. Tum Arsidas fasciculum quærere, cui erant literæ Argenidis commissæ. Prorsus is erat qui domesticâ mercenarij fraude perierat; quem vt à veste diuulsum obstupuit, & vidisse omnes negarunt. Statim vires furiosa indignatio suffecit. Prohibentibus medicis exiliit de lecto, interminatùsque est domesticis suis mortem, ni properè redderetur charissimum pignus. Urgebat infans qua-

stionem, deosque appellabat & homines; nec sine suspicione circumspiciebat in Mauros, qui primum ægrotanti adfuerant. Spoliata deinde intuens vestem, & nunc illam, nunc ora dilanians, quærebat quis familiarium propius ægrotantem accessisset. Sed omnes adfuerant, & tali in statu in pietate posuerant tangere collabentem. Tum demum eadem doloris acerbitas, quæ languentis robur intenderat, consumptis viribus, peius inualidum deiecit. Ægrè suffitu, & violentis odoribus reddita vox est: quâ ut primum uti licuit; Si me, inquit, fortuna destituit, morbo, & furum audaciâ violatum: at non ego me deferam, non Principes meos. Date ceram & stylum. Hodie ad Regem scribam. Intra biduum, etiam vitæ periculo, utcumque lecticâ viam exordiar. Protinus Phorbantem vocate: Hunc volo cum meis hodie literis proficisci. O fortuna! Is ipse Phorbas erat,

qui cum furto aufugerat. Ergo & in
navi, & per urbem missi qui quærerent,
tandem renunciant, frustra operam à se
consumptam. Statim Arsidae suspicio
sceleris incidit: quam tamen dissimu-
lans, ad forum, ad portum, redire præ-
cepit, qui non profuturâ diligentia ab-
sentem vestigarent. Nec segniùs aduo-
cat Iubam; submotisque cæteris; Fal-
lor, inquit, aut perfidia mercenarij mei
hanc ægritudinem mihi facit. Cur e-
nim lateret, præsertim me ægro, & vi-
tæ ambiguo; nisi prædam scelere na-
ctus, non me tantum sed & Africam
fugeret? Si amatis Poliarchum, vindi-
cate iniuriam quam latro huic intulit.
Dimitte ad proximos portus, qui nun-
cient ne ullus temerè peregrinus in na-
uibz recipiatur. Sed quàm occultissi-
mè potest procuranda hæc quæstio;
ne si resciscat exploratores in littore
esse, aliâ fraude nostram solertiam elu-
dat. Ego apud meos hodie dissimulabo

me quicquam durius de eo suspicari;
ut fallamus flagitij consortes, si quos
fortè apud nos reliquit. Iuba rem curæ
sibi fore asseruit; statimque per homi-
nes fidos vicinorum portuum magi-
stratibus quæ videbantur scripsit.

Sed hæc Phorbas antè coniecerat,
meriti sui conscientiam aciente me-
tuendi solertiam. Is perpetrato scelere
adhuc ignarus quid esset in furto; la-
tebras ad recognoscendam prædam,
quæsiuit; scilicet si nihil inueniret per-
fidiam & periculo dignum, omnia ad
Arsidam relaturus; quasi hæc ægro, nec
sentienti, ad tutiorem detraxisset cu-
stodiam. Ecce autem exsolutus fasci-
culus catenulam primùm dedit ex
gemmis, quæ nexili auro ligatæ, per
æqualia spatia tuebant; Tres deinde
annulos cum grandibus gemmis, mo-
dico lino diuisos, ne attritu venustas
artificij periret. Pauci in fundo rese-
derant nummi ex auro; quæ omnia

Arſidas, ad incerta fortunæ, corpori ſuo applicita ſeruabat. Præter hæc, tabellæ inerant, longè Arſidæ pretioſiores reliquo cenſu, illæ quæ itineri dederant cauſam, ab Argenide ad Poliarchum. Phorbas omnibus diligenter inſpectis, ſuæ quidem audaciæ gratulabatur gemmas & aurum. Sed hæc eum litteræ turbabant. Ad Poliarchum videbat eſſe miſſas. Vnde tamen, aut à quo, non nouerat; & verebatur, ne plus illæ turbarum, plus in eum exploratorum cierent, quàm aurum aut gemmæ. Ire ad portus non placebat, vix dubius hoſ in ſe obſideri. Interiora Africæ, nec fidem in hominibus promittebant, nec exitum, quod quærebat, habebant in Europam. Tandem ſceleris & neceſſitatis ingenium, ad noui facinoris pericula incertum coëgit. Iret vltrò ad regiam; Poliarcho eas literas daret, & in ipſo ſcelere, præmia ſummæ fidei ambiret. Poſtquam igitur

fallendi

fallendi rationem, omnémque mendacij contextum poliuuit, in proximum oppidum profectus, illicque percunctatus quæ via ad regiam duceret, celerissima sibi & illi quem viæ ducem assumpserat iumenta conquisiit. Tercio die, urbem ex montis cacumine inspexit: Tum equo, & ductore dimisso, ipse solus peruenit ad custodes, vultuque pallenti (quippe quem excompositò exterminauerat cursu) se ad Regem Poliarchum festinare, ambitiosè iteravit. Illicò deductus ad arcem est. Et tunc quidem minùs vacabat Poliarcho, post longam fortè insomniam acquiescenti. Sed Phorbas ad Gelanorum deductus, cum supercilio monstrabat, se magna, & quorum procuratio celeritate constabat, nunciaturum aduenisse. Quis esset dicere iussus; Regi, inquit, meliùs dixero. A Siciliâ ad eum aduenio. Literas fero; & heu vereor ne hac ipsâ morâ quam facitis, corrumpa-

tur negotium, cui delectus, penè in cursu spiritum amisi.

Siciliæ nomen audisse; illinc quoque afferri literas, & nuncium aliquid ingens trepidatione præferre, visæ sunt Gelanoro causæ idoneæ dormientem Poliarchum compellandi. Sedatior tamen accessit ad stragula; ne terrorem à somno excitatis, & adhuc sui incertis, periculosum, primæ Regis vigiliæ infunderet. Tussi igitur, & modico vestigiorum strepitu pulsatum, ita affatus est. Adsum, Rex, à Siciliâ literæ; & nuncius nescio quid festinat. Nihil cunctatus Poliarchus resedit in lectulo, & nuncium adduci præcepit. Intrat ergo immani fiduciâ cubiculum Phorbas quod secundum deos potissimum timere debuerat; ornatamque fabulam, non plus verbis quàm gestu & fronte, in hunc modum exorsus est. Ego, inquit, ex Arsidæ amicis sum, ô Rex. Is ad te Siciliâ proficiscens, inde secum

me abuexit. Cùm te diu quæsiisset, tandem ad victoriæ tuæ famam cursum huc tenuit. Nec iam, procul eramus littoribus; cùm nostrum nauigium peiratæ tribus lembis circumstant. Arma pauci habebamus; placuitque compluribus ante pugnam deditio. Ita proditus Arsidas cum familiâ & sarcinis in eorum potestatem concessit. Sed cùm direptis omnibus, nouæ prædæ studio flagrarent, princeps eorum strictam in Arsidæ ora sicam intentans; Video, inquit, ex cultu & supellectili te hominem magnarum opum esse. Itaque nisi præter hæc quæ cepimus tria talenta præsentia numeras, ego ex his catenis (nam illi catenas iam dederant) iugulo soluto in mare te prouoluam. Et Arsidas; Vnde mihi præsentia hæc talenta, cui nec libertatem reliquistis? Imò, subiicit prædo, cùm de tuâ nauigatione percunctarer, te ad Mauritaniæ Regiam ire professus es.

Certè non te oportet illic esse ignotum. Quemcunque tuorum volueris, eâ lege vinculis eximam, vt nisi intra hoc tri-
dum sit in isto littore cuntpensione
quam poscimus, certissimè pereas. Nec
fraudem mediteris; aut in nos vindices
prouoca. In statione sumus vnde liber
prospectus est. Non mari, non terrâ,
insidias locus capit. Si is quem miseris
præter se vllum adduxerit, capite lues.
quin si interim naues in nos fortuna
propulerit, fortunæ pœnas dabis. Cùm
sic impiâ & barbarâ voce dixisset, deie-
ctus Arsidas semel atque iterum nos
omnes intuitus, tandem me propiùs
iussit accedere; Et vide, inquit, mi
Phorba, quantum fidei tuæ credam. Ex
diligentiâ tuâ nunc pendeo. Vade ad
Regem Poliarchum: quo loco sint
meæ fortunæ significa. Non ille talen-
tis tribus parcat in re meâ capitali. Et
ne ambigere possit, quin vera pericula
nuncies, has literas accipe. (simulque

de intimo sinu extraxit.) Scriptæ ad illum sunt. Quis scripserit tuâ scire non interest. Ferendas tibi trado, non tantum ut pignus sint fidei tuæ; sed magis ne pereant, si me isti peiratæ immerentem conficiant. Ita dimissus, ad te, Rex, altero ad meridiem die peruenio: tantumdem ad reditum superest, si vis Arsidam viuum aspicere.

Inter hæc dicta, literas Argenidis Poliarcho tradiderat, quasi missas ab Arsidâ; quas integro lino sinceras ut tentauit; simulque solitum Argenidis ad se signum conspexit in cerâ, læto horrore infremuit. Simul tamen in periculo Arsidæ commotus, dum soluit epistolam; O quicumque mortalis es, inquit, cui Arsidæ fata commissa sunt; si strenuus eris, & cum mihi reddes, crede non te talenta prædonibus tria; sed tibi ipsi ingentes diuitias portare. Adeo memorem beneficii me dices. Tu Gelanore, prospera huic au-

rum quantum satis est dare. Iam promptum esse oportuit. Vade, ne difficiles ex morâ prædones sint. Sed ô, an incolumi Arsidâ in hos posse iri existimas; & nefarios de suis lembis ad cruces deferri? Abominatus Phorbas meritum crucis omen, manum vtramque vehementer intendit, strictisq; oculis, Caue, inquit, caue ô Rex, in hanc mentem te dederis. Lembi prædonibus veloces sunt. Infederunt plagam apertam. Truncum mehercule Arsidam vobis dispergerent, fugâque inultâ despicerent infœlices insidias.

Iam Poliarchus solutas tabellas legebat. Vera erat Argenidis manus. Sed omnino lamentabilis oratio. Facinus, vindictâque videbat Selenissæ; simulque Radirobanis impiam mentem, qui nefas non habuerat pudicissimæ virgini probra ingerere. Sed hunc quoque iam non viuere; & quidem à se victum, solatio erat. At quid in Archom-

brotum remedij, vrgente hymenæum
Meleandro, & bimestri salute vix do-
natâ Argenidi? Cùm deinde in vlti-
mam ceram oculos flexit, vbi solet dies
exaratæ epistolæ ascribi; iam tempus
quo aut ipsùm redire, aut mori Arge-
nidem oportuerat, effluxisse intellexit.
Nunc igitur se damnare; nunc irasci
tempestati, nunc Africam deuouere,
in quâ seruandâ putabat se perisse. Sed
omnia in Archombrotum vota, omnia
odia recidebant. Ego me, inquit, ego
ad tuam perniciem me seruabo, atro-
cissime æmulorum. Sequar fatum Ar-
genidis, sed perfunctus tuæ mortis so-
lacio. Defuncti quoque pugnabimus.
Pacem nec experiar nec concedam.
Dum eiusmodi æstu pectus concutitur,
cœpit inuitus dubitare; an Argenidi
fides ad promissæ mortis constantiam
durasset. Quàm enim naturale, vt vi-
tam amemus? quàm grata vis quæ si-
cam in nostrâ viscera euntem moratur?

Denique Poliarche (cogitabat) finge oblatas nuptias, finge durum illi patrem, & destinatam illuxisse miseriis tuis diem; an velles hanc perisse?

Tanto turbine multò ægriùs quàm vulneribus afflictus, acciri Phorban-tem iubet; cui aurum interim numerabatur; increpâtque nauigationem lentissimam, quòd secundum post mensem, demum Arsidas adesset. At ille errores cum fide memorauit; vt Cumis necessaria mora fuisset, vt in Gobryam incidissent, vt ab Italia venti impegissent classem in Africam. Lætus, quà esse tunc licebat, Poliarchus de Gobryâ audiuit; & quid illo factum esset percunctatus est: nescio, inquit Phorbas; nisi quòd subaudiebam illum in Siciliam nauigare. Aliquid spei miserrimo amatori subiecerunt hæc verba. Sed Phorbas; Perdimus Arsidam, ô Rex, tam lentâ cunctatione. Patiaris grassatoribus hunc eripi, multò tibi

certiora quàm quæ possim memoraturum. Pietatem mercenarij collaudavit Poliarchus; quartumque addi talentum præcepit; Forsitan quippe fore ex usu, absolutis latronibus non inanem Arsidas esse. Equum præterea notissimæ celeritatis attribuit; in quem Phorbas inscendens Mauritaniam prætergredi festinauit, & se remotis littoribus cum prædâ subducere.

At verò Poliarchus, quamquam ex vulneribus vixdum ingredi valens, non differendum in Siciliam iter esse constituit. Acquiescere enim in navi se posse; & necessaria ad curationem accipere. Id quidem Gelanoro non placebat; sed nec frustra repugnare sustinuit. Erat tamen Arsidas expectandus, quem in tertium diem Phorbas promiserat. Ergo præcipiti domino, & parari discessum iubenti, diligenter parebat Gelanorus. Rectores triremium, classarios atque nautas ad officia

vocabant. commeatus \portabantur. solumque profectiōi satis instructæ signum iam deerat. Nec poterat inhibere Hyaniſbe festinationem hospitis adhuc cruda vulnere missuri in discrimen; quæ tam subita consilia essent, aut quid illi contigisset turbulentâ profectiōe dignum, nec apud se coniiciens, & verita nimis anxîâ & indecenti curâ exquirere. Is per ægritudinem animi excusâ quiete, nunc Argenidi timens, nunc in Archombrotum odio æstuans, eâ nocte adhuc imbecillem valetudinem turbavit. Supprimere tamen morbum tentabat valentibus verbis, ne suorum consensu vetaretur per immaturæ nauigationis pericula vitæ suæ illudere.

Cæterum vix biduum à Phorbantis discessu processerat, cū Gelanorū regium cubiculum fortè egresso Arsidas occurrit, adhuc quidem ex morbo, sed multo plus indignatione & mœsticiâ

mutatus. Silicet celerius quàm expectauerant medici receptis viribus, post die quàm in eum Phorbas peccauit ausus est se in lecticam coniicere. Reliquis diebus non dubitauit equo vehi, amissarum literarum dolore, non se, non iter, laborémve respiciens. Quò prædonem persequeretur? quibus verbis se excusaret Poliarcho? aut quâ fronte rediret ad dominam? Ita anxius regiam intrauit; & quâ Poliarchus habitabat deductus est. Gelanorus insperatò conspectum latissimo vultu excipiens, Nolo, inquit, alius Regi nunciet te venisse. Ibo, & illum hoc gaudio implebo. Sed Arsidas Gelanoro fortunam excusaturus; Mane, ait, Gelanore. Est quòd prius meæ cladis acerbicatem intelligas. Ille ratus de captiuitate, prædonúmque auaritiâ, qualem Phorbas narrauerat, cum queri: Scimus hæc omnia, inquit, & præterea mox commodius dixeris Regi. Inter hæc verba Ar-

fidæ clapsus est, præcipatione gaudij
nihil moratus reuocantem. Obstupuit
Poliarchus, Phorbantis diligentiam
æstimans, qui tam strenuè Arsidadam
exemisset prædonibus; Iussúmque ac-
cedere, & sibi tunc primùm vt Regi
loquuturum amplexu occupans, non
est passus venerabundum procumbe-
re. Sed hîc diu vterque errauit, dum
Poliarchus quæ Phorbas de latronibus
finxerat, pergit loqui; & ille de ipso
Phorbantis facinore Poliarchum dice-
re putat; miratus quæ tam propera
fama hanc iacturam literarum ad eum
detulisset. Dij benè, ô Arsida (inquit
Rex) quòd te post tempestates, post
latrociniorum mala, habemus incolu-
mem. Tua clades, ex quo eam accepi,
mihi plùs doluit quàm forsitan tibi.
Tum Arsidas; & hoc in ea maximè
acerbum mihi, Rex, fuit, quòd te sci-
rem grauissimè illam laturum. Sed
ignosce tuo Arsidæ. Infœlicitate meâ

non scelere læsus es. Nec subirem tuos
 vultus, aut auderē experiri quid de me
 tua ira decretura sit, nisi scirem quàm
 sapienter intelligas non in cuiusque
 potestate domesticorū mentēs esse, aut
 fortunæ iniurias. Tum Poliarchus: Quæ
 autem irarum hæc in te causa, mi Ar-
 sida? An quòd maris pericula me pro-
 pter subiisti? quòd te peirata, quòd
 tempestas diripuit? Vbi verò noster
 Phorbas? in quo ornando testari me
 decet quàm sis mihi eximius. Illudi se
 à Poliarcho Arsidas credens: Vtinam
 verò adesset ille Phorbas. Innocentiam
 meam suâ poenâ assereret. Sed vnde
 tibi (ô Rex) Phorbantis hoc nomen?
 Quia, inquit Poliarchus, obliuisci non
 possum hominis tantâ fide tuas res
 meâsque accurantis. Vtinam hunc vi-
 disses, Arsida, nullas moras apud me
 ferentem, ne noxiæ tibi essent. Dum
 respirat, dum aurum numeratur, dum
 mihi flagitanti tuos casus in com-

pendium confert: inquietudine animi
suspensus, iam viam ad te omni voto
gestuque videbatur præcipere. Quo-
nam autem euasere peirata? Credis si
in eos naues dimittam, posse eorum
cursum intercipi? Quos verò mihi pei-
ratas, subiicit Arsidas, aut quam Phor-
bantis fidem memoras? Quem si ego;
quem si tu. O Numina! vt libenter in
diem non differrem quod debeo! Illum
Phorbantem dico, inquit Rex, per
quem nuperrimè istas Dominæ meæ
literas captiuus misisti. Quid autem
nunc videris fidissimum amicorum
ignorare? Arsidas iis literis visis, tur-
batissimo affectu, necdum ad læticiam
apto, expalluit; Diuque hoc solùm re-
petiit; Literas habes? & à Phorbante
habes? Quæ hæc monstra, quæ ve in-
somnia, ô Rex? Tum recepto spiritu;
Propè, inquit, illi ignosco, qui in to-
tum noluit me perire. Sed vbi is est?
Hominem non vidi, retulit Poliar-

chus, ex quo quatuor à me talenta prædonibus ferenda accepit, qui te tenebant. Tum Arsidas. Imò nemo captivum me habuit. O solertissimum caput! ô Autolyçi parem! Ergo perfidiæ laudem & præmia inuenit? & post me expilatum, non te etiam frustra tentavit? Ordine deinde cuncta recensuit; Vt ipse apud Iubam ægrotasset, vt spoliatus à Phorbante veniret excusatum quòd literæ Argenidis periissent. Huic contrà retulit Poliarchus non sine mutuo risu, tragædiæ ordinem qualem Phorbas intulerat: cui saltem, inquit, ignosco, quòd hanc epistolam tot talentis permutavit.

Sed negotij moles, quod tunc maxime vertebatur, non est passa sermonem vtriusque in Phorbantis facinore diutius versari. Itaque semotum Arsidam cum de Argenidis valetudine Poliarchus rogasset: An tu existimas, inquit, adhuc viuere miserrimam virginem, &

quam inuitus miseram facio? Quid auxilij, quid consilij habes? quo satis interitu Archombrotus peribit? Soluerem ab Africâ vel hodie, Arsida. Sed hac nocte recruduerunt vulnera; vt non possim maritimam iactationem ferre. Interim dum vires recipio, validissimam meorum militum partem tibi & Gelanoro tradam. Consuletis Dominæ vestræ; si modò fortuna expectauit auxilium. Strenuè ego adero; & vel morte vel victoriâ quietem inueniam. Referebat Arsidas tam quæ Argenis abeunti mandauerat; quàm quæ omnino à discessu Poliarchi contigerant: Maximè loquebatur de institutis à Raddirobane ludis, quorum fraude captiuitas parabatur Argenidi. Neque paruum in his sermonibus partem habebat Selenissa; vt peccasset, vtque in se statuisset vltimas pœnas: Tum Archombroti gratia apud Regem, & in virgine ambiendâ blanditiæ. Tertius col-

colloquendo aderat Gelanorus. Nam hunc omnis arbitrum vitæ nihil suarum rerum Poliarchus sinebat ignorare.

Dum igitur illi sua, & Siciliae fata disponunt, præcipuúmque omnium Archombroti exitium habent; Micipsa ab Hyanisbe missus ad Poliarchum venit; nunciátque Reginae filium patrio tandem littori classem applicuisse. Huic, ubi in Regiam ascenderit, nihil præuorsurum officio ad Poliarchum veniendi. Simul exultantium tumultus cœpere in regia audiri. Populus pars vestibulum implebat, pars ad portum ferebatur. Coibant Optimates ad Reginam, ambiebántque mitti ad Principem. Etenim Archombrotus lembo præmisso qui eum aduentare significaret, mox strenuè sequutus iam erat in littore. Naues eum comitatae hæ ad portum, qui ostio fluminis dexter erat, statuta sunt, hæ per

aduersum flumen ventis ac remis agebantur; Militibus qui se ad bellum venire crediderant, interdum querentibus quòd nemo obstaret. Ipse Archombrotus, vt primùm in arenam exiuit, deos patrios, tellurémque, & auras quas nascens traxerat veneratus, circum deinde oculos tulit in populum, plausúque & acclamatione feruentibus prolixè respondit vultu hilari, & facilitate oris nihil destruyente maiestatem. Ad præcipuos inde conuersus, excipiebat oscula dextræ data, recognoscebatque antiquas necessitudines; & verba vtique tempore & serie ambientium passim arctata, vt plurimùm eadem dispensabat in varios. Diu in eodem vestigio hæsit, numero salutantium vrgente. Toto deinde itinere proximos, de Reginâ, de patriæ rebus, & Radirobanis iniuriis rogabat. Strictim omnia referebantur, sed à variis, nec quid vnum narrantibus. Hoc vnum.

ingerebatur, defunctam periculo Africam; Gallos fuisse præsidio; Radiobanem occubuisse.

At verò Hyaniſbe alios priùs ſe filio frui impatiens, quamquam & mater & Regina, omniſque maiestatem, exceſſitque cubiculo, & prætextu videndi quàm alacer circum filium populus eſſet, quàmque ipſe inſignes (ita enim referebatur) milites ducẽsque haberet, ad atrium proceſſit, indẽque quã ſe primæ palatij fores demittebant in oppidum. Et hanc procul conſpicatus Archombrotus deſcendit ex equo, maioribùſque veſtigiis, & alacritatis genio citatis, medium iter confecit. Ac ut primùm peruenit ad matrem, ſtolamque extremam oſculis ſtrinxit, flens illa gaudio non diſtulit coram populo blanditias quæ ſecretò debebantur. Tum illius dexteram tenens, Laudo pietatem, ô fili, quòd tanto apparatu ad tuendam parentem veniſti. Sed ne

solus sis cui maternum affectum debeam, Rex Galliæ effecit; cuius victoriâ sumus incolumes. Ille à Mauritaniâ tuâ exitium depulit; ille matrem tibi seruauit, quæ nunc in Sardiniâ seruiret: Ipse tyrannus malè tentatam Africam sanguine perfudit. Omitto illi Regi adhuc aliquid ampliùs nos debere; quod & ipse, & præter me omnes ignorant. Veni, fili, neque antè diis patriis lustrari propera, quàm illum salutaueris adhuc ex vulneribus iacentem quæ hoc sceptrum tibi asseruerunt. Archombrotus tot beneficiorum magnitudine perculsus, subitâ Gallici Regis charitate flagrabat; sæpè tamen excusans quòd externis Principibus lentior fuisset in parentis patriæque discrimine.

Iàmque ad Poliarchum præmissi, nunciauerant si ipsi vacaret, Reginam cum filio adfuturam. Is, nisi morbo prohiberetur, se occupaturum offi-

cium respondet. Simul ex Optimatum
 suorum præcipuis duos ad Reginam &
 filium legat. Auidissimè expectabat
 Principem videre, quem Maurorum
 vocibus, & ipsius Hyanisbes confes-
 sione, in rarissimis esse acceperat. Sed
 Hyempsalem appellabant; vero scili-
 cet nomine, passimque vsitato. Clàm
 enim Archombroti nomen assumpse-
 rat, dissimulando generi, cùm secretus,
 cultúque priuato in Siciliam iret. Circa
 Poliarchum Proceres Galli quàm ma-
 ximo cultu erant. Proximus Arsidas
 colloquebatur. Sed posteaquam Regi-
 na intrauit, Archombrotum manu te-
 nens, subito veluti monstro perculsa
 est. Nam vt primùm Poliarchus Ar-
 chombrotum aspexit, vicissimque ab
 illo est cognitus (ô fatum!) quæ pro-
 cella, quódve fulmen, celerius destina-
 tos cursus exequitur, quàm tunc rabies,
 & indignatio, & auidus sanguinis fu-
 ror, mutatis vtriusque animis vultus

quoque corruptit? Ceu Medusam aspexissent steterunt immoti; mox truibus oculis, necdum tamen omnia impetui indulgentibus, à fronte ad vestigia contemplationem deduxere. Stupebant fremebantque attoniti. Quæ hæc enim deorum ludibria? Ut se mutuò colerent coïuisse acerbissimos hostes, nec ingratis in alterno vulnere immorituros. Repeterétne Poliarchus ab Archombroto Argenidem suam, quam vel nuptam vel extinctam credebat? Quicquid sanguinis pro Hyannisbe pugnans non fuderat, an tunc in illius calamitatem misceret sanguini Archombroti, & indignam utroque orbaret solatio? Sed multò acriùs fortunæ diisque omnibus irascebatur Archombrotus, indignatus illi hosti se patriam atque matrem debere. Erubescibat ad pietatis & odij coëuntes affectus. Nam nec poterat nisi hominum ingratissimus, vrgere fatale cum

Poliarcho dissidium, nec illo foelice
 viuere. Sensim in vtroque exuperabat
 insania; nec aliud præter reuerentiam
 Hyantisbes obstabat quin polluerent
 sanctitatem hospitij, & vel nudis ma-
 nibus nimis lenta arma præuerterent.
 Nec minùs Arsidas viso Archombro-
 to vires amiserat; trepidansque; Peri-
 mus, Gelanore: Nisi se medium ali-
 quis genius immitrat, sine scelere &
 sanguine non abibit hic dies. Is ergo
 Hyantisbes filius erat? nemo sciuit? ne-
 mo nefastos occurfus præuertit? O fœ-
 lix Sicilia, quæ furores quos fecit saltem
 non aspiciet!

Hyantisbe inexpectato filij hospitii-
 que horrore perterrita, & ignara quid
 potissimum suspicaretur; priusquam
 intractabili vesaniâ furor erumperet,
 diuidere malè coactum par instituit; de
 morbo deinde atque remediis quaesi-
 tura. Ergo primùm Poliarcho; Ignosce,
 charissime hospes, quòd te intempesti-

uè de quiete exegimus. Cura valetudinem, sine quâ nec olim salui esse potuimus, & modò non volumus. Inus ad deos oratum, vt hic dies tibi nobisque fœlix illuxerit. Conuersa deinde ad filiũ adhuc in Poliarchi vultu cunctantem, voce submissâ, de cubiculo exire secum præcepit. Sequebatur ille imperium; Nec aliud Poliarchus adiecit, quàm se deos quos adibat Regina ei propitios optare. At non ad templa Hyannisbe processit. Maior tumultus animum agebat quàm qui durare posset in votorum solemnibus. Cæterùm hæc Principum inexpectata auersio, ingenti consternatione regiam primùm, mox & urbem, & milites impleuit. Pauridi quæ hæc odia essent quærebant, aut fingebant. Optimates qui Poliarcho astiterant, sequuti violentiam Regis offensi, quamquam ignari cur Archombrotus hostis esse meruisset, iam arma inter se; pugnamque, & cædes loquebantur.

Vbique in oppido factionibus laborabant paulò antè coniunctissimæ mentes, Galli, Maurique, & qui Siculi cum Archombroto aduenerant. In tanto tumultu dissidere facilius plurimiserat, quàm deliberare cui se parti addicerent. Etenim præter Gallos, qui omnes pro suo Rege steterunt, vix aliquis fuit qui non diu ambigeret. Nam Mauris in Poliarchum stare, quem salutis suæ authorem paulò antè cecinerant, videbatur inhumanum. Siculorum quoque multi eundem eximiè amabant. Tamen in tanto fauore, iuxta seditionem ybique motus increuerat.

Regina in tot curas vna distracta, nunc tumultum exarmare, nunc filium nunc Poliarchum mulcere est adorta. Et filio quidem primùm, vbi soli fuerunt, ita loquuta est. Mi Hyempsal; expectabam reditu tuo tanquam inter duos filios triumphare. Sed vtrumque intempestius furor in meam perni-

ciem, & ni cauemus, in Galliæ & Mauritaniam stragem concitat. Qui hi motus fuere? qui oculi quibus aspexisti Poliarchum? Me miseram! quam penè nefas vidi? Sed non quæro odij causas; non vter æquius inimicitiis arserit. Te nunc tantum per patrios deos, & si tibi viles sunt, quia hos nobis Poliarchus seruauit, per Siculos illos quos cum abires ab Insulâ veneratus es; perque Argenidem tuam oro; des spatium iracundiæ tuæ, donec matrem audiueris. Non peto nunc odia poni, sed differri, mi fili: Ego de reconciliandis animis vestris videro. Tu, si hoc abnuis, at consule saltem, quâ ratione possis famam incolumi obruere beneficiorum memoriam quæ huic debemus.

Hæc confuso cum maiestate metu simul imperans & trepida loquebatur; cum illi relatum est, Poliarchum parare discessum ab Regiâ. Is enim postquam æmuli conspectu saucius

cœpit odisse illam domum, ne suspicionem quidem vacauit, noxæ fore si in hostis potestate perseueraret, si ipsi, si illius matri se crederet. Accendebant iam spontè turbatum Procerum voces, vrgentium metus, & sedulitate monendi fingentium pietatem. Protinus ergo iubet Tribunis militum edici; vt ad regiæ fores militum partem sistant, sibi discedenti præsidium; confestim alij ex vrbe educantur; & castris locum eligant non longè à nauibus: In ijs se inter suos pernoctaturum. Ne tamen aut nimiam præcipatione peccaret, aut Reginam læderet adhuc immeritam, Cubiculi Præfectum cum eiusmodi mandatis ad eam destinat; Habere se hospitij gratias, charitatisque in suorum vulnerum discrimine perspectæ. Recentibus filij amplexibus occupatam nolle ad salutationem prouocare. Necessariis rebus suis se ab Regiâ quidem discedere: Sed prius-

quam soluat à littoꝛe, beneficiorum gratiam præsentì habiturum, si illa patietur. Hyaniſbe his auditis grauiſſimè concuſſa eſt. Exhibat à laribus ſuis optimè meritis hoſpes, ſibiꝛue præterea virtutum commendatione chariſſimus; & exhibat quidem, ô facinus! aut hoſtis, aut tanquam ab hoſtibus. Quid faciat? quem priùs alloquatur? vtrum, ſi neceſſe ſit, æmulorum poſſit priùs non amare? Sed tamen filius poterat credi ſeu iribus ſeu pudore ſibi facilior. Ad eum igitur verſa; Spondes, inquit, ô fili, dum mox redeo, quietem hîc agere? Sponde, per iura materna te obteſtor; quæ ſi reſpuiſ, nec hereditatem meam debebis agnoſcere. Cùm ille promiſiſſet; ipſa properè ad Poliarchum iuit, iam limen cubiculi egreſſum, & equi quo veheretur frænũ capientem in manum. Quamquam enim inualidus, tamen vehi lecticà noluerat, ne Archombroto ſpeciem da-

ret simulatione valetudinis certamen
detrectantis. Hunc vultu Hyanisbe
aspiciens qualem habere solet calami-
tosa innocentia, pænulam quoque
discedentis corripuit; Et per, inquit, tua
in nos beneficia rogo, vt priusquam
fidem meam discessu tuo damnes, in
secretum admittas tibi pauca prolocu-
turam. Puduit Poliarchum tantæ sup-
plici id negare; rediitque in arcanam
cubiculi partem; Quæ postquam ar-
bitris vacauit, Regina lachrymas præ-
mittens, Dij sunt testes, ait, me nec
fraude, nec consilio malo obiecisse
oculis tuis illum propter quem me mi-
seram auersaris. Vtinam eum adhuc
ignorares, vtinam abesset, mihi fortè
plus mali suo aduentu allaturus, quàm
Radiobanes vnquam molitus est. Si
in meâ potestate illius animus esset;
frangerem eum tibi, Rex, tam altè
quàm tibi subiectam me aspicias. Inter
hæc verba, immemor maiestatis, se de-

miserat ad repugnantis pedes, crebró-
que suspirio natans verba perdiderat.
Poliarchus haud seciùs quàm matrem
veneratus illam sustulit ab humo;
questus non minorem sibi iniuriam
fieri à Reginâ supplicatione tam abie-
ctâ, quàm ea erat, quâ eius filius ipsi
illuserat. Tum Regina; Quæ ergo con-
tumelia est quâ te ille laceßiuit; aut qui-
bus in terris in hæc malorum semina
vos antea fata iunxerunt? Possum hoc
à te audire, hospes? Is enim dicere ne-
gat. An tu quoque obstinato silentio
me perdes; & nesciam quo me fulmine
Iupiter subuertit? Ne absiste, ne, obte-
stor, meis penatibus, donec constiterit
illud malum carere remediis. Pleraque
tempore mulcentur; & odia quæ silen-
tio fouemus, professa sæpissimè expi-
rant. Quòd si te & filium meum vna
domus non capit, ille recedet. An ti-
mes vitam tuam mihi committere? Im-
ple Gallico præsidio regiam. Præter

tuos nefas erit armatum hîc conspici. Nam si perstas, si mihi ~~eam~~ relinquis, eiiciam domo mecastor & filium. Cur te ad naues aut castra sedente, regiam occupet periculo tuo emptam? Ergo pugnam deposcitis? & tu quidem non iam viribus corporis nixus, quæ pro meâ salute exhaustæ sunt; sed odio, & forsitan iubentibus fatis; quæ si in alterum vestrûm peccabunt, sequar ego morientem, & superstiti furias meæ mortis relinquam.

Adiecit deinde novos fletus, & familiariter pænulam quam ille discessurus gestabat, de collo diripuit; tum cunctationem dubitantis pro assensu callidè vsurpans, gratias beneficij egit quod nondum acceperat. Vicit igitur Poliarchum tam vehemens & pertinax flentis oratio. Ego, inquit, ô Regina, discessum quem tantopere abominaris imputabam humanitati. Scis non semper in potestate inimicorum esse im-

petus quibus odia feruent, quique potissimum multo aspectu concitantur. Cogitavi itaque hanc arcem relinquere, ne aut ego aut filius tuus faceremus quod dolere tibi posset. Si tamen ita censes, bidui moram hîc patiar; ut deinde me potius negocia obduxisse videantur, quàm inimicitiarum atrocitas: Eâ lege ne interim ille me, aut hunc ego conspiciam. Cultum autem quem hætenus tibi habui, caue, Regina, putes his iurgiis esse libatum. Neque enim vel tu efficies ut eum amem, vel ille ut auerfer genium tuum. Atqui, refert Hyanisbe, deos spero intra id biduum compositis animis, exituram malignitatem sortis, quæcunque vos in dissidia cæcauit. Sub hæc, Gallorum proximos ipsa aduocat; subridensque, Plus, inquit, mihi Rex vester curæ, quàm omnibus vobis (Proceres) fuit. Affectâ valetudine, necdum cicatricibus ductis, non prohibebatis itineris laborem.

laborem experiri. Ego autem cuici ne sic perire velit. Extemplo mutata militibus imperia sunt; & urbem tam inquietis modò rumoribus laborantem noua hilaritas composuit. Quippe omnia in maius famâ tollente, iam plena reconciliatio rediisse Principibus, iam ira desuisse in certiora amoris pignora vulgabatur. Ita facilè Gallis Maurisque conuenit, qui inuiti dissenserant. Memòrque promissi Hyanisbe, edixit, ne quis in aulam cum armis præter Gallos intraret.

In hunc modum primâ acie mali elusâ; Regina ad maturiora remedia se conuertit. Sed ea reperire aut aptare non poterat, quamdiu ignorabat quæ illos causæ inter se committerent. Dúmque dubitat vnde certiùs hæc haberet, dedit se opportunè occasio. Timonides Meleandri ad eam legatus, quò sui Regis dignitatem tueretur, Archómbroto in urbem procedente

hæserat apud naues; per se deinde non
misso comitatu secundûsve alteri, Re-
ginam aditurus. Sed illi maturè de hoc
tumultu relatum est. Nam & quidam
ex Siculis comitati Archombrotum,
huic properauerant nunciare, Poliar-
chum, quem diu in Siciliâ viderant,
Gallorum Regem esse; hunc apud
Hyanißbem ægrotare ex vulneribus; &
ad conspectum Archombroti mutuo
odio fuisse succensum. Adiecerûnt Ar-
sidâ adesse Poliarcho. Mira hæc omnia
visa Timonidi. Erat Poliarcho in pri-
mis amicus; & olim ad eum à Melean-
dro legatus cum armillâ quam Eristhe-
nes veneno corruerat. Hunc ergo
adesse, & purpurâ quidem insignem,
lætissimus audiuit. Sed vnde Arsidas
aduenisset haud immeritò mirabatur.
Faciliùs de Archombroti dissidio rem
coniecit: ab Argenidis amore esse hanc
iram. Sensim enim in Siciliâ tanti ar-
cani fama eruperat: Vt nec cuiquam

iam dubium esset quid Radirobanes peccasset in Argenidem, aut cur Sele-
nissa periisset. De seipso deinde solici-
tus, cogitabat vtri parti præstaret acce-
dere. Nam si specie officij sui in medio
perseueraret, omnibus fore ingratum;
nec inultæ, quicunque illorum vicisset,
solertia. Ad Poliarchum trahebat a-
micitia vetus; & Argenidis in eum ani-
mus: Reuocabat ad Archombrotum
Meleandri memoria; & habita sibi fi-
des quam nefas ducebat violare. Ad-
huc sui incertus præmisit qui Reginae
nunciarent se venire. Saltem enim ex-
plorare confestim rem debebat, & ex-
actam Meleandro perscribere. Flu-
ctuanti Reginae spes subito facta est,
per hunc legatum posse causam resciri
tam periculosi odij. Et properè illi lo-
quuta, postquam de Meleandro quæ
decebat rogauit; deflere Poliarchi &
filij dissidium cœpit; illudque potissi-
mum, quod nesciret tanti odij initia,

ideoque nec medendi rationem. Nihil causæ videbatur Timonidi, cur tegeter non secretam, aut pudendam discordiam. Paucis ergo monstravit, Poliar-
chum tenuioris fortunæ specie diu in Siciliâ fuisse; & amore captum Argen-
nidis sperasse nuptias quæ deinde pa-
ratæ sunt Archombroto. Nihil itaque mirum si æmuli, & imminentes tanto
utique voto, acerbè & pro materiâ rixa-
bantur. Rediit Hyantis animus ad hæc verba; ut vix coram Timonide læticiam teneret; Cùmque ille dubita-
ret an incolumi Archombroto gratiâ posset salutare Poliarchum, ipsa ultro
ut iret admonuit. In se enim recipere id
& gratum filio suo fore.

Postquam Timonides discessit, pa-
rumper Regina cogitavit, quò ordine
rem maximam exequeretur; certa ex se
pendere tantæ litis fortunam & exi-
tum. Magnificè intumuerat, audebat-
que fortunam despiciere. In memoriam

quoque redierat, Poliarchum ab ipsâ
 inuitatum vt in Sardos ferret Africæ
 opem, vultu commoto rogauisse, an
 ArgenisRadirobani nupsisset. Hinc &
 amare Poliarchum credebat, & vera
 Timonidem retulisse. Cæterum sic
 apud se constituit; si tractabiles iuue-
 num animi essent; hos in Siciliam di-
 lato morbi remedio mittendos; Maxi-
 mē quod in Meleandri consensu pars
 sanitatis esset. Sin hæc odia sine clade
 durare non poterant, confestim cer-
 tissimâ pace exarmandum sæuientium
 furorem. Redit ergo ad filium iam
 paulò imperiosior, & quasi docente
 Poliarcho de inimiciis comperisset.
 Non mihi placet, inquit, silentium
 tuum, maximē cum nec pudenda aut
 te indigna sint quæ retices; & hæc
 eadem ab æmulo tuo rescire potuerim.
 Amatis Argenidem. Magnum vulnus
 iuuenibus, & odij ambitiosa materies.
 Virgo, vt audio, quam in diis non est

qui aliquâ dote non auxerit. Sicilia est in hereditate; Et quod acribus animis præcipuum est, neuter à certamine excidere sustinet. Ignosco nobilibus stimulis; Dissque simul gratias habeo quòd non est supra medicinam, iste morbus. Ego quod creditis neminem deorum posse efficere, vtrique hoc negotium sic peragam, vt simul odia ponatis, ametisque Argenidem, & sit ipsa vtrique propitia. Scis, mi fili, sustinuisse me Argenidis nuptias, quibus instabas, donec ad me rediisses. Obsequutus es imperio. Intelliges non me frustra hæc iussisse. Sed sunt quædam de quibus te percuncter, si sperare modò possum ex amatore & amulo vera audire. Quid moræ est, votis tuis Poliarchus? Siquidem nunciabas, modò annuerem, omnia ad hæc nuptiarum fœdera tibi procedere. Dic, gnate mi; Nam & tua interest, vt hoc intelligam. Perplexus Archombrotus quæ-

stionem hanc audiuit; quia pudebat
 confiteri, Poliarchum placere Arge-
 nidi. Nihil igitur officere nuptiis suis
 Poliarchum respondit. Sed se irasci
 æmulationi illius, qui quoad poterat
 simplicem Argentidis animum mole-
 stis & inutilibus fabulis impleret. Tum
 subdolè Regina; Quid si autem his ar-
 tibus mentem virginis auertet? an ne
 sic quidem obstabit hymenæo? At
 concitator iuuenis; Cogere tur meher-
 cule puella à parente, cui non minùs
 quàm mihi probantur hæ nuptiæ. Exi-
 lium deinde Poliarchi à Sicilia memo-
 rat, bellumque in Lycogenem, & vi-
 ctoriam suam. Sed quamquam toto
 narrationis contextu sibi faucebat, non
 latuit Hyantisbem illum quidem Me-
 leandro, sed Poliarchum Argentidi esse
 præcipuum.

Multò igitur quàm antè hilarior,
 cum filio cœnauit. Satis enim in eam
 noctem quæsitum videbatur. Postero

die ad Poliarchum redit, non instructa
verbis modò, sed & consilij serie, quam
nox & mora suggererant. Postquam
blandiùs compellauit, iussitque extra
sermonum suorum arbitrium qui asta-
bant consistere; Mirabar, ô hospes,
quid tu ac filius meus essetis irati; Sed
audio id amoris vtique magni & excu-
sabilis ingenium esse, vnâmqûe Arge-
nidem facere vestrâ litem. Si ita est,
ego me vobis salutarem profiteor. Sola
sum, cui ad vtriusque morbum medela
sufficiat. Quid in re placidâ, tot questi-
bus, tot iurgiis opus? Adhuc res in in-
tegro est; fœdera imperfecta, innupta
Argenis. Ego te lætum, & sine pugnae
discrimine victorem; ego te filio paca-
tum (quid horres, abnuisquæ?) efficiam.
Nec mirere quî procedere possit polli-
tatio tam immânis. Prædem hanc ma-
num accipe, nihil me præter id quod
futurum est dixisse. Confusus tot am-
bagibus Poliarchus, & propè se deludi

existimans, omittere Reginam aut orationem obscuram, aut hos omnino de Argenide sermones rogavit; At illa; Adhuc maiori monstro te suspendam, suauissime hospes; Volo enim mihi Argenidem debeas, neque hanc tamen filio meo eripiam. Sed ita fatum est, ut subito apertoque remedio curari non possitis. Simul vobis in Siciliam eundum est; & literæ quas vobis committam reddendæ Meleandro. Illicò fi-
nientur dissidia, & vterque de amore desinet queri. Insanire Hyantisbem Poliararchus credebat; cum suos illa Penates, arulamque deinde afferri imperauit; Quæ postquam mensæ imposita prunis concrepuit; nebulæque suffituum obtexit breues deos, his diris Regina se obstrinxit. Audite præsentēs genij, Præstitum vigilēs formæ; qui apud nos nati, hanc domum & patriam seruat; Si quicquam Regi Poliarcho mentita sum, aut nisi ei confi-

lio meo incolumitatem, quietem, gaudium fero; Destituite hanc domum praesidio; vel eâ integrâ mihi & filio malum & perniciem date. Poliarchus ad religionem obstupuit, Reginaque respondit, se diis iisdem quos ipsa appellauerat, innocentiae testibus uti posse. Nam priusquam Archombrotus pedem in Siciliam penetraret, sibi Argenidis affinitatem fuisse promissam. Res illum benè compositas intempestiuis desideriis turbasse; & quia virgo mutari fastidiebat, sollicitasse ad tyrannidem Meleandrum; ut liberam & Principem virginem durus pater mittere vellet in coacti matrimonij seruitutem. His & similibus verbis paulatim repetentem animos, qui qualicunque pace decesserant, continuuit Regina: Neque enim se venisse ut iræ tumorem subiiceret; sed ut reconciliatione, quam certam afferebat, cum ipsis frueretur. Quantulum autem est quod peto,

amiciffimè hōſpes? nimirum ne antè
ad capitalem rixam deſcendas, quàm
videris perfunctum Meleandrum le-
ctione epiſtolæ, quam ego perſcribam.
Pollicere mihi modò hanc à iurgio
armisq̃ue continentiam, ô Rex. Ego
tantundem de filij merpatienciâ & fide
recipio, & aſſero tibi. Vobis deinde
per me licet, armis & odiis cuncta
miſcere.

His auditis, illum diem ad delibe-
randum Poliarchus popoſcit: mōxque
Regina iisdem pollicitationibus fi-
lium adorta eſt; cui & ipſi ea eſſe deli-
ramenta videbantur. Sed petere, &
promittere perſeueratē, duriffimum
erat pertinaci iracundiâ repellere. Et
viſum vtrique eſt, nihil eam nimium
flagitare. Moræ ſiquidem pretium e-
rat, ſi illius ad Meleandrum literis, ſi-
ne armis & ſanguine exitum inueniret
contentio. Sin in vanum promiſſa re-
ciderent; adeò eius veniâ pugnare li-

cebat, vt nec iure ei posset irasci qui per alterius cædem vicisset. Itaque assentientibus illis in hunc modum fœdera perscripsit, vt neuter præteritas exqueretur iniurias; neuter suos concitaret ad pugnam, donec simul vidissent Meleandrum. Irent in Siciliam, quamprimùm vulnera Poliarchi nauigandi potestatem facerent, neuterque dolo malo in induciarum leges peccaret. His ita compositis, deinde Hyanisbæ difficillimum fuit, à iuuenibus impetrare vt sibi colloqui sustinerent; quod, inquit, potissimum vrgeo; vt ciuium militumque iurgia tollantur, quæ fortasse vel vobis inuitis paulatim exardescant, nisi publico pignore temporariam hanc pacem firmetis. Quid deinde grauamini vos videre, quibus adeò certa sum intercessurum fidissimæ charitatis sacramentum, vt si eo me voto fata fraudauerint, non repugnem vel hoc odio

quod nunc intervosest vindicari me-
orum promissorum vanitatem? Nec
contenta autoritate & gratiâ suâ Po-
liarchum filiûmque tentare; Gelano-
rum & Arsidam, quos apud Poliar-
chum potentissimos esse videbat, præ-
cibus & donis aggressa est: item eorum
præcipuos, quibus familiariûs uteba-
tur Archombrotus. Impetrato inter
eos colloquio; quid ambo loqueren-
tur; quisve inciperet, vanâ & anxîâ
pensitatione libratum est. & coram
Hyantisbe (nam Poliarcho filium ad-
duxit) se intra præscriptas formulas
tenuerunt. Nec sæpiûs coire ferebant;
Quamquam amicitix genius qui eos
in Timocleæ domo primûm afflaue-
rat, iam hostilibus animis se rursus
quærebat insinuare; fatîsque mutuò
ipsi irascebantur, quæ hanc odiorum
necessitatem fecissent. Sed in mitiora
lapsos consilia, reuocabat identidem
imago assidua Argenidis, pudôrque

ne priores viderentur reconciliatio-
nem optauisse.

Per eosdem fortè dies incommo-
dum accidit, quòd vnum ex vulne-
ribus Poliarchi inter maiora & peri-
culosiora neglectum, adeò magnis do-
loribus incensum est, vt adhuc imbe-
cilibus membris febrim refunderet.
Nec ipsi quàm Archombroto ægrius
erat, nauigationem differri. Nam in
induciis erat ne altero absente alius in
Siciliam iter præciperet. Ergo impa-
tientes moræ, & saltem scribere cu-
pientes; ne literæ insidiis occuparen-
tur, ex fidissimis aliquos eò legare con-
stituunt. Et Archombrotus quidem
Meleandro atque Argenidi scripsit,
nullâ in Poliarchum contumeliâ; sed
tantum excusans quòd tardiùs rediret,
tum ex matris imperio, tum ne fœdo
timore inualetudinem æmuli Regis
videretur in occasionem habuisse rei
gerendæ. Ferendis epistolis quidam

Bocchus notæ in Archombrotum fidei delectus est. At verò Poliarchus diu secum exegit, an & scriberet Meleandro. Sed obsequutus est suadenti Arsidæ, scripsitque ne saltem Argenidis patrem videretur negligere. Magis quæsitum est an Arsidas cum iis literis in Siciliam rediret. Verebatur suspiciones Regis; & in tanto favore Archombroticæca & ex transuerso pericula. Sed si redibat, hætenus tempestas excusabat hunc cum Poliarcho congressum: sin cum eo perseverabat, poterat deprehendi furtiua legatio. Ergo eum placuit proficisci: Et huic quoque Timonides, amicitia & factione iunctissimus, literas suas ad Regem & Cleobulum credidit; sic publicæ rei memor ut & suam prudentissimè curaret.

Interim ex Sardinia afferebatur, flagrare omnia ciuium incendio, Harfiora, & Cornio, Radirobanis nepo-

tibus regnum quod ambiebant atroci bello perdentibus. Statim Archom-
broto spes facta est, gentem factioni-
bus diuisam, & adhuc arma Africae
horrentem, si celerem hostem haberet,
opprimi posse. Ne ergo collectæ ex Si-
ciliâ vires perirent, secundûsve Poliarchi
triumphis apud suos Mauros esset
(quandoquidem tunc vacabat; mor-
bûsque Poliarchi differebat Siciliam)
exercitum quem in Africam vexerat,
adiunctis Maurorum auxilijs, illuc e-
git. Matri tamen & Poliarcho pollici-
tus, siue vinceret, siue aduersis vtere-
tur numinibus, non vno plûs mense
absuturum sponte ab Africâ. Dimis-
sum his legibus excepit præsentissimus
deûm fauor, penè suprâ quàm voluif-
set. Adeo enim fuit victoria in procli-
ui, vt præter audendi inuadendique
consilia, & vnus pugnae laborem, vix
fortitudinis experimentum fortuna re-
liquerit. Primum vacuos portus na-
ctus,

ctus, præsidio illic relicto explicuit milites; mox & insedit verticem montis vnde illa insalubris, sed segetibus fœcunda Sardinia prospici posset; probauitque nomina quæ veteres à soleæ aut vestigij formâ indiderant, Sandaliorin aut Ichnusam appellantes. Iam duobus præliis Sardi inter se super regno vires contulerant; & cruenta certamina absumpserât fortissimos Optimatum, ac militum. Sic miseri patriam exhaurientes Archombroto pugnauere; Cuius copijs in monte conspectis, miserunt qui de hostium genere ac numero referrent. Nam nec longè in subiectâ planicie, bina illa patrue-
lium castra constiterant. Cùmque audissent Mauros adesse ac Siculos, mare quoque classè eximiâ possessum, omisere consilium quod ad salutem vnum supererat, ciuilia odia ponendi, coniunctisque viribus eundi in hostem externum, & adhuc ignarum regionis.

Alter quoque eorum Harficora, iam proximâ fractus acie, desperânsque victoriam, vt regnum æmulo saltem eriperet, deditiorem suorum fecit Archombroto. Adeò penatum & patriæ charitas ciuilibus odiis concedit; vt patriam euerti, sibique alienum iugum accedere sæpè homines malint, quàm alicui populari concedere. tanquam parendi vilitas augeat, si te notis submiseris; & subleuetur peregrinitate dominorum. At Cornius nobiliori imperu virtutem vltimam collegit; suosque eduxit ad prælium; & prouectus in æmulum qui ad Archombrotum defecerat, illi vitam quidem eripuit; sed nec ipse superuixit numero Maurorum obrutus; qui patruelium sanguinem funesto ambitionis exitu miscuere. Præcipua quoque hoc prælio Archombroti fortitudo Sardos perterrituit; quibus tandem aut oppressis, aut fugâ dilapsis, ipse vsus fortunæ

impetu, ad præcipuas arces admouit exercitum. Vix aliquot velitationibus intercessere victi. Præcipuus labor fuit ad Calarim, effuso inconditè populo ad certamen: Sed intra mœnia compulsi, mutatis postero die animis de deditioe legatos miserunt. Virtigannem mors opportuna subduxerat, ne tot mala intueretur. Pauci externos dominos non ferentes, se ad Cunicularias insulas recepere, angusto in fræto quod à Sardinia Corficam dirimit. Inde transmiserunt in Corficam; quâ etiam sequente victoriam, aduersæ Liguriæ montibus latuerunt.

Cæterum haud obscura inter Sardos fama erat, contigisse irâ deûm hanc Regibus, & patriæ cladem; ob violatam à Radirobane religionem templi, quod sanctissimum habebant, decem à Calari millibus, Ioui cælesti nuncupatum. Multa fuerant ex auro argentoque ad aram donaria: & ipsius numinis

breue signum solido auro prisci Reges
sacrauerant. Quæ omnia Radirobanes
in Africam traiecturus, inani mutui
nomine in sumptum belli diripiens,
iplos quoque sacerdotes contumeliose
repulerat; iam tum quidem multorum
tristi præfagio, quod mox omni in
Sardos calamitate assertum est. Nihil
enim illo templo ducebant diuinius, &
Sacerdotes inclytæ famæ, pro præsen-
tibus penè numinibus populo erant. Is
rumor de sacrilegio Radirobani, &
templi sanctitate, ut à multis iactaba-
tur, ad Archombrotum peruenit; qui
seu tactus curâ numinum, seu Sardo-
rum animos pronâ in suos deos vene-
ratione captaturus, templum inuisit.
Ipse situs, & locorum sacer horror,
suauissimi terroris pietatem subiecit
incogitanti. Asperæ erant rupes in ra-
dicibus collis, quas angustus limes se-
cabat. His superatis, breuia latè virgula
placebant, alto silentio, & incultâ

simplicitate. Mox ingens porticus vis-
 sebatur, ita lumen superne accipiens,
 ut nec tota caligo abscederet. Subeunti
 porticum Archombroto, obuij hi ver-
 sus fuerunt, quos lignæ tabulæ im-
 positos sic intrantibus Sacerdotes obie-
 cerant, ut vix omitti possent.

*Non isthic aurata domus, luxuq; fluentes
 Sunt epulæ, spondæve sopor pretiosus eburnâ,
 Aut in carbaseo Tyrius velamine murex.*

*Non gemmâ vibrante nitor, non persona
 cantu*

*Limina, non prono famulantum examina
 collo,*

*Atque audas quicquid trahit in certamina
 gentes;*

*Sed nemora, & nuda rupes, neglectaque
 squalent*

*Confraga: Sunt epulæ viles, iussæq; quietis
 Hora brevis: Duro velantur corpora texto:
 Et labor in pretio, & vitâ mors longa fatigat.*

*At neque crudeles Diræ, viliq; flagello
 Sanit cura ferox; falso non abditus ore*

Ipse sua insanus furit in præcordia liuor.

*Alma quies, paruisque habitat Concordia
tectis,*

Et semper niueo veri de pectore risus.

Ipsa suæ meminit stirpis, seseq; deisq;

Mens fruitur sælix, & nouit in astra reuerti.

His perlectis Archombrotus porticum intrauit, ad cuius latera pauperes duæ aræ habebant lignea signa; illud quidem Prudentiæ, quæ serpentes gestabat caudâ reductâ vitantes magici carminis imperium; aliud Fortitudinis, manu utrâque prægrandem gestantis columnam. Iam ex templi mystis duo, admoniti Archombrotum aduentare, ad eum decurrerant; ex quibus percunctatus de his aris, audiuit Fortitudinis quidem atque Prudentiæ simulachra posita esse, ut qui in eorum familiam uolunt ascisci, intelligant inconsultos impetus non placere numinibus; sed animos sic ad robustam prudentiam exactos, ut sententiam

non temerè capeſſant aut ponant. Signa autem eſſe ex ligno, vt egeſtatem (quâ ſpontaneâ amant perfrui) humilitas non precioſorum deorum portendat. Archombrotus in eos intuitus, quia vilis corporum cultus non degenerabat à tam grandi Philoſophiâ; notauit macie quoque confectos vultus eſſe; & tanquam aſſuetos cœleſtibus motibus oculos non benè durare in pompæ regiæ conſpectu. Hos ergo religioſiùs veneratus, poſtquam porticum emenſi ſunt, rogauit, quis ipſis deorum aut hominum præſcripiſſet hanc vitam; vnùſque ſubridens, Fœlicitatis, inquit, cupiditas; quam vos quoque ſed diuerſiſſimo veſtigatis itinere. Vos opes quærèdo, nos fugiendo, experimur quæ ſint ſecurioreſ diuitiæ; Mentem quoque & corpora labore multiplici laſſamus; vos quidem vt ad ſumma humanarum rerum faſtigia perueniatis; nos verò ne quid tale cu-

piamus. Ita dii nobis humilitatem, vobis curas, vtrisque laborem dederunt.

Hæc lenissimi Sacerdotis libertas ita placuit Archombroto, vt illius genium domus iam intentioni affectu suspiceret. Interim & cæteri mystæ coiuerant; à quibus deductus ad templum est, statutusque ad concipienda vota; haud longè à cœlestis Iouis arâ; quam solam iis vatibus licebat auro fericoque excolere. Sed & illa ornamenta Radirobanes detraxerat. Quod vt à proximis Archombrotus intellexit, Curabo verò, inquit, vt iniuria quam sacrilegio proximam hæc ara accepit deleatur ab oculis vestris, & summi Iouis memoriâ. Simulachrum ex auro maioris ponderis quàm antea fuit faciundum locabo. Cætera quæ ad numinis cultum sunt eâdem indulgentiâ iubebo cumulari. At illi, deos gratiam habituros retulerunt; Se quidem

nihil auro vel diuitiis moueri; nisi quò
vulgus ad aræ maiestatem suspensum
summa omnia de diis coniiciat. In
cæteris, præoptare intra suæ domûs
septa facillimæ egestatis securitatem.
Scire se quoque ex eiusmodi diuitiis
quæ à templis diripi possunt sapissimè
concitari auiditatem impiorum. Nec
Radirobanem peccaturum fuisse nisi
incauta maiorum in deos liberalitas,
auaritiæ suæ irritandæ veluti insidias
struxisset. Præstare his rebus fana or-
nari; quæ aut ægrè de suo loco detra-
has, aut inutilia violando effeceris,
quàm pondere inuidiosi metalli quod
multos suo precio inuitat ad opulenti
facinoris audaciam. Hinc iisdem du-
centibus, hortos primùm, mox & cel-
las eorum, nec ambitiosa triclinia
aspexit. Angusta supellex, vilia strata
erant; Omnia tamen sic ad mundiciem
facta; vt scires fortes animos aspernari
luxuriam, non marcidâ vilique rerum

suarum incuriâ iacere.

Contemplatus omnia Archombrotus, gaudensque difficillimæ virtutis non laborioso aut ingrato conspectu, vnum ex illis, magnæ senem maiestatis, omnem eiusmodi vitæ ordinem, omnes leges, atque modum, iubet expromere. At ille; Quid lucri sit nobis, ex eorum abdicatione quæ mortales preciosissima habent, parco nunc dicere, ô Rex. Nam & magis quærere videris, quid agamus in isto secessu, quàm cur in eum conuenerimus; & præterea non verbis humanis solet ostendi huius asperitatis utilitas. Dij sunt soli qui arcano sermone ijs quibus visum est, hanc nouam oculisque & sensibus cæterorum creptam felicitatem commendant. Dicam tamen nostrorum studiorum esse finem, ea mereri quæ suis amicis numina indulgent. Huic cæpto commodissimum putamus, in vitia, & immodicas cupi-

ditates, assiduâ pugnâ decernere. Itaque quanto ambitu cæteri ad imperandum nituntur, nos refugimus à fastu, & facilitati parendi animos aptamus. Vni ex nostris facimus annum in nos imperium, non emptis aut turbulentis suffragiis. Graue munus est illi quem ab ocio communi seuocat eiusmodi præfectura: & solâ spe redeundi anno emenso in ordinem, succedit ad exigui nauigij clauum. Tantâ autem religione obsequimur, vt hunc putes despexisse in animos nostros, nobisque imperasse quod spontè malebamus. Præcipua tamen est cautio (vt homines sumus) si aut durius impetret, aut nos segni vel rebeli consilio, abeamus à reuerentiâ; ne foris hæc iurgia prodeant. Actum erit de pace quam quærimus, si ad externos arbitros, aut iudices deficiemus. Secundum hoc parendi institutum, præcipua nobis est in socios comparésque amoris

integritas. Inuicem excusamus, ac parimur, si quid animorum habitus fortè pugnant, geniique diuersitas fastidit. Nobisque irascimur, cum quid in socio laudare, aut ferre non possumus. Vestitus, ut intueris, vilis; mensa frugalis; quietis tempora interstineta vigiliis. Ita domito corpori imperamus; nec (quæ maxima hominibus cura est) metuimus vices periclitantis dignitatis, aut voluptatum fugitiuos & mutabiles vultus, quarum commoda spontè nescimus. Sed quamquam minimo contenti, tamen quæsito labore fatigamur, compertis ocij malis, quo vires non frustrà humano datæ generi soluantur, & fit sensim desiderium vitiorum. Itaque quicquid temporis à Numinis cultu est vacuum, destinatis quisque officiis colimus. Qui plùs ingenio, & animi luce valent, in contemplationes sublimium rerum distribuuntur, quas deinde subiiciant oculis;

& veluti ex alto deducant, ad vsum
 mortalium: Cæteri, quam quisque na-
 tura artem admouet, sequuntur; vt &
 sufficiamus nobis, & alios iuueamus.
 Neque extollendis hæc nobis, sed pur-
 gandis apud te recensui; ne te offen-
 dat nostræ vitæ insolentia. Scio enim
 & quosdam noua omnia ad rerum pu-
 blicarum securitatem nimis vniuersâ
 sententiâ damnare: & paucos annos
 esse, ex quo labentem in deos pieta-
 tem hoc crudo vitæ robore sustinere
 tentauimus.

Iam Archombrotum longior ser-
 mo, & iuuenilis impatientia ad alia ad-
 uerterat. Itaque veluti cætera auditu-
 rus, eundem mystan iubet postridie
 Calarim ad se venire. Ipse ad remissio-
 ra inter suos conuertitur; qui ex illius
 vultu pendebant, laudari an traduci
 præstaret hos rigidæ virtutis condi-
 tores. Vbi tamen ad publicas curas, no-
 cturnum ocium fuit, summæ utilitatis

res illi visa est, cuiusmodi exemplis imbui populum, & vocari ad deorum reuerentiam. Cùm igitur illi mystæ postero mane ex imperio ad se venerunt; quatuor ex ipsorum familiâ sibi dari præcepit, qui Africam illis sacris initiarent. Confestim ex senioribus duo, totidem de iuuenibus dati. Ac ne Africæ contemptu aut odio Sardorum, qui hostes modò fuerant, eam fastidiosius disciplinam acciperent, delecti sunt omnes externi; Ligures duo, totidemque ex Gallis. Nam ex variis gentibus in eam domum multi concesserant.

Omnes ad reditum comparatis, Archombrotus cùm commodioribus locis imposuisset præsidia, per præconem in concione proclamat, se matri Hyanisbæ quæsiisse Sardiniam. Id deos annuisse, ne utrique amplius genti discordia Regum in perniciem esset. Iure quoque maiorum debitam suæ stirpi Sardiniam tandem fata reddi-

disse. Inde Sardis Proceribus secum assumptis, iisque præcipuè qui Reges sanguine contingebant, tam opportunis usus est ventis, ut tricesimo ex quo abierat die, noui regni insulas fronti matris circumdaret. At verò Poliar-chus & id fatum incubuisse Sardinia gaudebat; & hoc ductu Archombroti contigisse cruciabatur; adhuc ignarus quantum sibi illâ victoriâ esset effectum. Fortè inter milites Gallos qui spectaturi reditum Archombroti secum vulgo stipauerant in arenâ; quidam auidius hæsit in amictu oculis suis insueto, quem seueri illi mystæ à templo Sardinia in Africam traducti induerant. Propius ergo accessit, socióque Gallicis liberè verbis, in eas vestes iocatus est. Conuerterunt illico vultum ad patria verba mystæ iidem, ut pote Galli, in quos ioci destinabantur; & hoc etiam mirati, in tam longinquâ parte terrarum statim repertos esse ho-

mines qui Gallicè scirent. Alter eorum præcipuè, iam prouectæ ætatis vir, cum de veste (ea circa totum caput fluebat) ora prompsisset, militemque in se ludentem, aliquoties tanquam intelligens esset intuitus, facile astantibus Gallis suspicionem fecit haud alienæ aut remotæ à Galliâ regionis. Nam & color conueniebat, & oculorum decens vigor; nec corporis sese venustè inferentis gentilem habitum pietatis simplicitas in totum deleuerat. Et hanc quidem magnâ præter cæteros curâ obseruare miles cœpit, qui temerè ludibundus accesserat; quia statim iactæ memoriæ visa est illius viri species, tanquam olim nota, recurrere. Hunc igitur postquam in urbem est sequutus, ut coniecturam suam assereret, iam in hospitium intrantem Gallicè salutauit; Nec alter humanitatis & linguæ commercium abnuens, eum saluere quoque iussit.

Sic

Sic tunc quidem discessum est. Sed inquieta deinde sollicitudo totâ nocte militem habuit, interdum obiurgantem curam superfluum, satîsque mirantem quid scilicet suâ tantum interesset vatem hunc nosse. Die vix orto repetit Mystarum hospitium; & colloquiis petit. Sed iam illi simulatione solitariae pietatis impetrauerant ab vrbe secessum in proximum fanum, quod arcano luco deuium erat; reuera Gallorum conspectum vitaturi, quos in Africâ improuisos habuerant. Accendit militem hæc ipsa absentia; præcipitatóque itinere eos antè deprehendit quàm ad templum peruenirent. Tum verò cùm eos salutasset; quasi hoc iter aliorum negotiorum causâ esset exorsus; Multum, inquit, debeo fortunæ, ô Iouis Sacerdotes, quæ mihi sic vicinum ad nemus procedenti vos obtulit: amplius quoque debebo, si quod ominor, speróque, populares mei estis. Pœnite-

bat senem mystam quòd subito & improuiso errore, se pridie Gallico sermone prodiderat. At ne inficiando faceret altioris rei suspicionem, irritaretque curiosam militis mentem, & breui colloquio fortasse explebilem; se quidem Gallum esse respondit, sed apud exteros à primâ adolescentiâ vixisse.

Ita initiato sermone, cùm vltro citroque perplexæ quæstiones fuissent, magis magisque fixus in dicentis ore miles exhorrebat ad pridem notos vultus, & à quibus sæpissimè iustissimâ veneratione pependerat. Præter oris argumentum, tenor vocis certam ad fidem cogebat vltro credere cupientem. Postquam verò & notissima cicatrix læuâ in manu apparuit, (hanc enim conspecturus, quasi in amicitiae tesseram mystâ repugnante amplexus est,) victus ingenti suspirio exclamat; Vbi verò tamdiu latuisti, Optime Regum?

Non omnes tui ciues peccaueramus, quos heu miseros destituiſti. Quis verò iſte amiſtus? quæ à comitibus ſolitudo? quàm omnia faſtigio tuo indigna! Simul repugnantis genua tenens, flere vbertim cœpit. Ille inſanire militem clamitans, riſûſque & indignationis ſpecie mutatus ad ſocios ſuos faſtidioſè conuertitur. Sed & illos iſte militis ſermo turbauerat; in ſententiâ perfeuerantis; Hunc Regem ſuum eſſe, hunc Aneroeſtum appellari: non ſe abſceſſurum à latere; deorûmque beneficio uſurum, qui tot annis fruſtra optatum ſic denique reddidiſſent. Tum ſenex inter iurgia, ſictûmque ſtuporem, ſe paulatim ad aurem militis admouit; & ô miles, ſi tempore, inquit, memoria tua vel oculi labascunt, aut aliquâ oris ſimilitudine captus erras, modèſtiæ erit hos pacatiùs ludos mouere. Sin Rex tuus ſum; hoc primum ciuis officium exigo à te, vt ſileas; & ſi lubet me

sequaris donec soli colloquamur. Tarda erat hæc cautio. Etenim quamvis miles parebat; quidam tamen ex Gallis, & Afris, qui in comitatu erant, novitate erecti; amantesque rem tantam primi dare in populum, illicò in urbem dilabuntur. Cohortes duæ erant in Poliarchicastris ex illarum Alpium gente, cui Rex Aneroeſtus imperitauerat. Illi sparsam subitò famam amplexi, sub æſtum novitatis nunc ſtupore nunc temeritate reciprocante, tota protinus caſtra, mox & urbem, eo rumore implent.

Poliarchus cum Hyaniſbe erat, reſectis ſcilicet viribus certum diem navigationi in Siciliam conſtituens. Hac conſultatione occupatum Gelanorus dubio inter credentem & aſpernantem vultu adortus: Neſcio, inquit, quid de Rege Aneroeſto in audio; Hunc aduectum à Sardiniâ cum cætera prædâ; & quamquam in veſte abhorrenti à cultu

regio; tamen à populari milite agn-
tum esse. Excitatus Poliarchus repen-
tino impetu animi in spe nimîâ cali-
gantis, respondit, si vera res esset, hos
se pro parentibus habiturum qui Ane-
roestum reddidissent: oppidò vitâ ipsâ
charius munus; iisque se debiturum
qui vicissent Sardiniam non modò
quod amici, sed propemodum dii me-
rentur. Hæc verba Regina auidissimè
excepit, pro maximo deorum munere
ducens, si tot nominibus deuinctus
Poliarcho suus Archombrotus, vicis-
sim ducente fortunâ fecisset quod iu-
uaret Poliarchum. Porrectiori igitur
vultu, & quasi sponte gaudentem sti-
mulatura, quid accidisset rogat; aut
quis ille vir per tot vota seu quæri seu
reperiri dignus. Omnia Poliarchus
compendio amplexus; In primâ pue-
ritiâ se à prædonibus captum docet,
ductumque ad Regiam Aneroesti, qui
multos Alpium sinus tenebat. Illic ita

eductum, optimi Regis curâ, quid in eâ fortunâ & ætate senserit sorte regiâ indignum. Hinc se adhuc parentibus ignotum, belli casu & fœlicissimâ captiuitate esse receptum. Priùs verò quàm assereretur in suæ stirpis decus, & à patre agnitus esset, Aneroeſtum ſeditione populari cum duobus quos habebat liberis, vt ferebatur, cecidiſſe in prælio. Sed liberorum quidem corpora inter cæſorum cumulos eſſe reperta; Aneroeſtum nuſquam inuētum. quem ſi ſtragi clemētior fortuna ſubduētum in illum diem ſeruāſſet, ſibi tunc demum propitios deos, vitâmq; ſine exceptione fœlicem contigiſſe. Sed temerè tantillis indiciis ſumma hæc gaudia præcipi; Militem decipi poſſe; aut deorum hunc vatem forſitan ambitioſam fabulam ſimilitudini vultûs, ſi qua illi cum Aneroeſto extitit, aptauiſſe. Omnia impigrè excutienda. Plurimos ſecum eſſe ex illius Regis do-

mesticis; inter eos, quemdam Crestora, amicorum Aneroesti præcipuum. Se ipsum, quando valetudo hæc erat, tanquam salutandi numinis causâ iturum ad fanum in quod ille sacerdos recesserat.

Hyaniſbe ſpei fauens quam ratam optabat, benè de diis ac fortunâ Poliarchum credere imperat; comitemque ad templum ſe promittit. Haud mora, accerſitus eſt Crestor, olim Aneroesti familiariffimus, iuſſusque præcedere, & ſenſim omnia explorare, dum Poliarchus cum Reginâ ad viam ſe comparat. Maior erat ſpes, quàm vt Crestor eam caperet. Sic propior contemnenti, reuocatúsque ad lugubrem memoriam chariffimi Regis, tanquam inutilem prouinciam exorſus, cum pauciſſimis comitibus lucum intrat; nec longè à templi veſtibulo myſtas illos adhuc cum Gallo milite, qui rem prior deprehenderat, loquentes con-

spexit. Tunc veluti militis affatum peteret, sparsos per omnia oculos iniecit in Aneroestum; Percurrit illicò tota præcordia; (vt in magnis & subitis solet) exultantis sanguinis acerrima tempestas; Mox verò de gestu, ac voce, & cicatricibus, postquam Regem haud dubiè agnouit, exsolutis gaudio nervis, se ad proximam arborem excepit; cùm nec loqui iam posset, nec moueri. Sed nec Aneroestus ad illius aduentum minùs contremuit. Veteris amici conspectus blandissimo dolore incautum percussit. Simul timor eum inuasit, ne à suis agnitus suauissimæ solitudini eximeretur.

Aderat interim Poliarchus, præmissum scilicet Crestorem, impatienter sequutus, templumque subibat cum Reginâ; cùm oblitus sui Crestor, relictis statim mystis ad eum decurrit. Iamque satis quid afferret perplexo anheloque gaudio ostendens; Habe-

mus, inquit, Aneroeſtum, habemus Regem veterem meum, tuum alumnum. Ipſe eſt; ipſe, ne dubita. Pergiſſe ad illum, Rex? an proſinus tibi hunc ſiſto? Nihil moratus Poliarchus quâ Creſtor monſtrabat ſe contulit. Sed Aneroeſtus ſe interim arctam in ſemitam, quâ deuius maximè lucus erat, conicere moliebatur; eum diem latere ſi poſſet, per deſerta, & gentes ignotas, alia templa deosque alios petiturus; Inuitabaturque militem, ut ſi ſibi tanquam Regi morigerus eſſet, aut comitaretur fugientem, aut hoc furtum ſuo ſilentio ſanctum haberet. Miles quidem repugnabat; adhucque in cærixâ erant, cùm acceſſit Poliarchus, nihil penè iam dubitans, quin verè Aneroeſtus eſſet. Ut tamen ad illum peruenit, quia ingens multitudo coiuerat, & turbatiſſimus ſenex non ferebat hunc tumultum, aliam veniendi cauſam commentus eſt. Lætor, inquit, Gallicam

pietatem exteris quoque gentibus esse illustrem. Ego deos, Antistes, tuâ operâ exoratos mihi volo, ut ad ea quæ animus destinat propitij adsint. Veni fodes ad templum hoc, quæ vota vel sacra magis è re meâ existimes commodius monstraturus. Exanguis illicò Aneroestus sequebatur trahentem. Nam Poliarchus eius læuam corripuerat. Angustum erat fanum, armatiquæ ad fores cohibebant auidissimum vulgus. Hyanisbe cum suorum præcipuis iam stabat in testudine; quò postquam & Poliarchus cum Aneroesto receptus est, cósque sequuti ad quadraginta circiter viri, statim de imperio Poliarchi clausum est limen. Eò acrior vulgi militumque expectatio increuit. Populus ab vrbe decurrerat; vix in castris seruabantur stationes. Sic ambitum omnem templi confertissima corona circundedit. Siue tamen reuerentia Regum, qui intus confederant, siue per-

plexæ rei subita magnitudo, adeò circumstantium voces licentiâque continuit, ut ad ea quæ intus agebantur, satis quies & libertas superesset Principibus.

Iamque rem ordiri Poliarchus altiori sermone parabat, cum Micipsa ab Archombroto ad Hyanisbem venit. Is quippe hominum tumultu excitus, nec iam procul à luco, optabat tantæ quæstioni adesse, si Poliarchus pateretur. Mora in Poliarcho non fuit. Nam & ipse quicquid erat hoc gaudij ex illius habebat victoriâ. Dilatâ igitur quæstione opperuerè aduentum Archombroti; quo inter septa admissio; ita ad Anerœstum Poliarchus; Quod nomen tibi esse, vir optime, parentes voluerunt? aut quæ causâ à Galliis in Sardiniam commigrandi? Ita effusiori principio utentem, spontè Anerœstus ad destinatam quæstionē coëgit. Nam & constantiam motu primo excussam

receperat; & non Crestore tantum, aut milite, sed aliis illic multis videbat argui suos vultus, si silere, aut negare obstinauisset. Qui sis, inquit, haud-dum scio; nisi quod ex purpurâ intelligo Regem esse: & lingua est qualis in Galliâ genitis solet. Amicum te esse existimem; quod videam te amicis quondam meis hîc uti. Nam & Crestora, & Simplidam agnosco, familiares utique meos. igitur, ut amicum, liceat per deos exorare, ut abire me sinas quod destino. Sed si fortè me odisti: quid vis ultra supplicij? Regnum amisi, nec repeto: spontè exul, ne vel inimicis officiam. Placet egere; & num velim ignorari, ipsi sciunt per quos hodie repertus sum. En me pristinæ fortis oblitum; adhucingere grauiora; præter deum iram nihil est quod recusem. Sin præterea non putas, aut non tibi expedit esse me Ancroestum; ne time. Sinas modò ad solitudines abire. Vbi

nemo ad verum coëgerit, Aneroeſtus non ero.

Hæc modoſto ſed grandi ſupercilio dicentem, nemo immotus audierat. maximè ubi Creſtor, manu illius ſublata prodidit cicatricem, quam ex vulnere ſuperfuiſſe Regi Aneroeſto populares meminerant. Ipſe quoque Poliarachus repetebat oculis vultus ſibi puero toties viſos. Etiam aures, quamquam diu deſuetæ, redibant ad familiarem olim ſonum; & pietatis tenerri- mo ſenſu trepidum pectus lababat. Nondum tamen ſe conſeſſus, exegit ab Aneroeſto, cur patriâ exceſſiſſet, cur latere, cur ſqualere ſic vellet. Tum ille. Nimis heu ſciunt mei, quorum & aliquot iſthic aſpicio, quo me turbine fortuna euerterit. Furore malorum ciuium ad arma excitus ſum. Auſi illi aciem in me educere; & filij mei (nam duos habebam, tunc primum florem adoleſcentiæ ingreſſos) dum incautiùs

pugnant, ambo pro patre, & in oculis patris occubuerunt. Perire & ego tunc poteram, si fatum fuisset. Sed opinor mens deum in fugam me compulit. In proximo saltu delitui. Hinc conuersus ad externa auxilia, perpetuo montium dorso ad Ligures sum delapsus. Illic enim validissimæ gentes mihi omnis fortunæ societatem promiserant. Per has regnum repetere animus fuit. Cum descendissem ad proximum mare, petiturus illam eximiam à Iano conditam urbem, ignotus in obuium intraui nauigium. Sed nos venti in Sardiniam rapuere; dumque nautæ in anchoris morantur, templi fama vnde nuper aduectus sum me ad exorandum Iouem traxit. Illic verò & locorum speciem admiratus, & sacerdotum vitam; deponere omnes curas constitui; iactatusque humanis tot cladibus, tandem deos experiri. Nam cur patriam amarem tot meorum sanguine perfu-

fam; rursusque non hostium magis
quàm sociorum cruore mihi paran-
dam? Cui sceptrum deinde relinque-
rem? aut quid dulce in vacuâ domo?
Duos omnino genueram; tertium
olim fortuna tradiderat, non infra li-
berorum charitatem acceptum; quem
de avi nomine Scordanem vocaueram.
Mi pupe, si saltem superesses, ego te in
sanguinis iura adoptione promotum
Regem facerem. Tu aleam belli, tu ca-
sus, tu labores lenires. Sed ille diu antè
& omen & initium tot malorum, dum
Gallos qui Rhodanum incolunt bello
laceffimus, præda hostibus fuit; & a-
missi memoria non deinde mihi diem
molestiarum exortem reliquit.

Sic dolenter hos casus referenti, non
ampliùs poterat Poliarchus solatia dif-
ferre; sed collectis diu lachrymis subi-
tò madens, se in illius collum proiecit;
paulùmque cunctatus ne vox suspiriis
eneruis abiret à maiestate; O optime

pater, inquit, seu te mauis dominum
vocem, si tibi Scordanem habere tanti
est, en illum tibi reddo; tu eo fruire,
tu redi ad vitam. Ego Scordanes sum.
In hanc vocem fixis vterque sed inuti-
libus oculis dulcissimo errore elanguit.
Par cæterorum admiratio erat alto si-
lentio marcentium; vt nil loqui aut
quærere vacaret. Hærebant omnium
animi, paratos, ac veluti exertos affe-
ctus, quacunque Poliarchi & Aneroeſti
colloquia iuſſiſſent impenſuri. Deni-
que Aneroeſtus. Vt Scordanes ſis? ô
Rex? Vt Scordanes, inquam, meus? Vt
vivas, vt imperes, vt teneas Aneroeſtum?
Dij boni! ſed quo pignore affirmatis
veſtrum hoc munus? At Poliarchus;
Vides præterea, inquit, tuum decorum-
que illorum vltiorem, quos in te pel-
lendo improbi ciues violauerunt. Op-
petiere nefarij, aut acie, aut liſtorum
ſecuribus. Illis ego prædam eripui;
tuoque regno potitus ſum; quod nunc
tibi

tibi incolumi, pater, restituo. Quibus viribus quæris tantum in hostes potuerim? Britomandis filius bellum hoc gessi. Nunc & paternum imperium (dij enim meum nuper parentem sibi sociauerunt) tibi trado. Tibi ego, tibi Pater, secundus sim. Tibi obsequi gloriosius erit, quàm cæteris imperare.

Nouo ille gaudio reffectus, sæpiusque ad deos votis & luminibus rediens, amplexus est Poliarchum. Iamque & Hyannisbe accesserat, & Archombrotus Aneroeſto reperto deos fauentes, suamque victoriam, gratulabatur. Nec abnuebat Poliarchus tantum sibi hoc casu præstitisse Archombrotum; quantum is ipsi, Radirobanis morte. Crestor ac Simplidas, cæterique, ut licuit, Aneroeſto admoti, non osculis, non alloquio explebantur. Supra omnia iactante suam operam milite, gaudióque & spe præmij feroce, qui Regem prior agnouerat. Sic diuisus in multos vix

tandem ad Poliarchum Aneroestus redit. Ambo mediam Hyanisbem excipiunt. Archombrotus, proximus matri, præibat. Ita templo digressi, per militum & populi cuneos viam ægrè moliti sunt. Adeò dum officio omnes certant, dum cernere aspicique concipiunt, nulla viarum libertas satis explicat ab vrbe castrisque proruentes. Nam & illi in quorum rem nihil erat seu Aneroestus, seu Gallia, tamen siue adulaturi latissimis principibus, siue sponte in immodicam hilaritatem proni à salutatione plausuque non cessabant.

Vbi in regiam venerunt; affuere ex Poliarchi imperio, qui regio indumento Aneroesti paupertatem mutarent. Sed ille nunc tenere suam vestem, nunc purpuram manu repellere; Mirantique & multum obtestanti Poliarcho, ut mœsticiæ insignia poneret, negavit ita de se meritos esse deos, ut ab illorum

familiâ abiret. Benè cessisse, quòd is regno suo potiebatur, quem omnibus votis heredem optasset. De cætero, rursus nolle impacatis negociorum fluctibus exerceri. Ne sibi pretiosissimam paupertatem eriperent; aut crederent rebus suorum inutilem esse, qui familiariùs ad accessus deorum promotus, eos amicis conciliaret. Multa hæc & seria optimi senis ad vitam obscuram pertinacia, confestim variis sermonibus præbuit causam; dum illi constantiam laudant; hi verò mirantur quid ad deorum cultus faciat tantus rigor in moribus. Nam nec deerat argumentis Poliarchus, quibus Aneroesti hæc austeri incusaret consilia, reuocaretque cunctantem ad assuetas Regibus curas. Aneroestus omnium voces (plures enim eadem suadebant) excipiebat patientissimo silentio; adeò ut crederent multi hæc ad animum peruenire gaudentem expugnari. Ita diu

cunctatus, siue vt omnia quæ ingerebantur vnâ oratione euerteret, siue vt interim dato spatio ornaret defensionem, merereturque audiri pari omniû pace; vultu tandem modestè sublato in hunc modum exorsus est.

Summam aliquam esse mentem, quæ omnia condiderit, ipsa lex Solis nunquam exerrantis ab orbitâ, tum Lunæ & cæterorum syderum ordo totiûsque naturæ ingenium, satis hominibus persuadet, quos nec sapientiæ suæ superba opinio, nec brutis animantibus peior negligentia cæcauit. Putès autem sanctum hoc Numen, à quo tot sunt eximia, Deum, inquam, qui omnium origo virtutum, fas rectûmque mortaliû animis ingeneratâ ratione præscripsit; iis vitiis delectari quibus passim naturam corrupimus? Non potest hanc quam cernimus legem naturæ dedisse nisi iustissimus author; iustus autem ille non erit, si feret abire im-

punè tot scelera. Vbi igitur amor recti,
& ambitus ineundæ cum diis amici-
tiæ, simulque cœlestis iræ timor, te-
rigit animum; nihil illi antiquius esse
debet, quàm recedere à vitiorum peri-
culis iam tot mortalium exitio infami-
bus. Ea verò pericula partim nobis in-
sita habemus, partim ab aliis in nos in-
currunt: Et in hæc omnia efficaci re-
medio, istam solitaria seueritatis reli-
gionem inuenimus. Primùm enim cu-
piditates immodicæ, quibus ipsi nobis
sumus infesti, sic in hoc genere vitæ
fracto impetu exarmanantur, ac si feris
mansuescere edoctis, dentes quoque
& vnguium aciem subtraxeris; vt ne-
que deinde si in naturam redierint fa-
cilè possint habere quo sauiant. Nam
desiderium voluptatum contrario se-
ueritatis vsu suam pertinaciam apud
nos dediscit; & si veluti ex cinere illa
flamma resurget, nihil tamen in egenâ
ac veluti agresti domo effecerit, in quâ

defunt superflua instrumenta luxuriae. Auiditatem quoque frustratur simplicissima paupertas; & ad superbiae stimulos erubescit squalida vita, & se ipsam despiciens. Sic illa, sic caetera mentium mala, ut est ira, inuidia, timor, audacia, in hoc sancto rigidoque secreto, tanquam destituta alimentis incendia, expirant; Praesertim ubi mens vitiorum iugo excusso sibi ipsa se reddidit; timidaeque cupiditates, & assuetae parere, priusquam aliquid velle ausint aut nolle, consulunt rationem. Eo modo, qui nobis acerbissimi sumus hostes, reciso aut correcto effraenis naturae impetu, ad sanam utilemque virtutem adigimur.

Venio ad haec tela quae in nos ex aliorum hominum contagione comparantur, saeva illa, & nimium certa; Siquidem plures existimem exemplo quam ingenio peccare. Quia morum consortio placere amicis cupimus; ra-

rúmque est diu viuere cum improbis,
 nec de vitiis primùm molliùs sentire,
 mox illis & infici. Superbiam, aliorum
 ambitus accendit; contentionem ad
 opes, ceterorum auiditas. Fraudibus
 appetitus, animum antea fortè inson-
 tem, ne inultus sis, ad fraudes appli-
 cabis; & ex hostium in te odio disces
 odisse. Cùm præterea multi in virilis
 gloriæ titulis ponant ipsam peccandi
 audaciam: timidósque, & gerendis re-
 bus ineptos, eos existiment qui diis
 obsequuntur; illius opinionis metu
 haud pauci assuescunt peccare; magis
 scilicet vt illis probentur quibus virtus
 est vilis, quàm quòd sint vitia apud
 ipsos in pretio. Hæc autem omnia à
 domesticis suis submouet familiæ no-
 stræ integritas, in quâ, vt paucis absol-
 uam, contagionem improborum vita-
 mus, & præter suspicionem ignauix
 timere deos licet.

Sed vt pressius ad me accedam; quo-

ties ipsa fortunæ negociorúmque malignitas, Reges ac Principes viros summis illecebris, præmiisq̃ inuitat ad peccandum? maximè cum ea occurrunt, in quibus illud quod æquum est videtur discrepare ab eorum gloriâ, aut securitate regnandi? tunc quidem simulare, ac fallere, & dissentire à suis utique verbis, egregium in Regibus putatur; quasi dii quam ipsis imposuere mortalium regendorum prouinciam, sine subsidiariâ vitiorum scelerúmque cohorte administrari non posse voluerint. Nunc vicinis & immeritis gentibus subiicere dissidia amant; vt occupatis & infœlicibus aliis, ipsi certiùs vacent: Nunc sociorum Regum amicos largitione ad secretorum prodicionem sollicitant. Quid mulctare interdum in cautionem innoxios, quasi crimen sit posse peccare? quid vulgi negligere iniurias, si bello vtiles viri eas intulerint? Ea omnia qui

sagaciùs fecerit, adeò famæ plus comparat, vt vel ex istis qui adsunt multos mirari existimem, quòd hæc tanquam iniusta, diis que inuisa, perstrinxerim. Atqui illa mihi graue regnum fecerunt; non tunc quidem cum ipse regnarem, eadèmq; peccarem, aut paria; sed ex quo caligine vtilitatis & consuetudinis excussâ, iam veluti sequester nubem miratus sum vnde euasi. Ignosce, Regina, túque mi fili. Vestram sortem non damno. Fortium est, vestríque similium, sancto virtutis fræno, regere nimix fortunæ, & exerrare conantis libidinem. Sed ego debilior timeo illis turbinibus impar esse. Neque verò purpura sola iis periculis infesta est. Omni ordini, omni penè ætati vitia insidiantur; Ingénisque in cuncta remedium est, à nostrâ disciplinâ, quæ iubet ea pro vilibus habere propter quæ alij peccant.

Poliarchus tam insuetam rigídâ.

que sapientiam nondum probans, interpellat dicentem. At si te, inquit, optime pater, omnes audimus, decurrunt oppidis ciues; Non arua exercebit agricola; Non nauta, non vector singularum commoda regionum mutatis mercibus peruulgabit in cæteras. Decrit artibus cultus, quascunque non necessarias hominibus esse vestra seueritas putabit. Sola erit in vestris desertis frequentia; ac quoniam connubia respuitis, vnius seculi genus humanum. Assentiebatur Poliarcho Hyannisbe; multique, tanquam publicam causam agentis, vultu & oculis fauebant. Sed Anerocestus, quasi in se seductus; mox frontem hilariùs porrexit; vt eum scires parum Poliarchi argumentis moueri. Si quem verò ex istis qui nos audiunt (ait) animus subit experiundæ suauitatis quam habet nostra austeritas, ne illum, ô fili, argumenta tua deterreant, néve suo cœ-

libatu credat solitudinem quam times
orbi inducere. Vltrò nobis accedat.
Adhuc populis proletarij supererunt;
adhuc artificia vigeant; restabunt-
que non modò quot sat erunt vrbibus
terrísque colendis; sed etiam quos exu-
berante hominum genere fata grega-
tim aut vehementi Sirio, aut terrâ mo-
uente, aut denique bellis exhauriant.
Desine, inquam, vereri, ne toti ho-
minum generi desiderium veniat se in
disciplinam nostræ Philosophiæ de-
dendi. Dij enim hoc beneficium magis
habent eximium, quàm vt illud tantò
populo indulgeant; Nemini autem
absque eorum impulsu venire hæc ritè
mens potest; nemòque in eâ, nisi iis-
dem iuuantibus, durare; Quia defecti
animi suauitate humanâ (quam nos
scilicet omnem abiicimus) tanquam
ab exosâ crucē discederent, absque ar-
cano pastu esset diuinæ voluptatis. Vt
verò non aliis quàm in legitimam le-

etis militiam numerat Imperator stipendia: Ita Superi iis solis quos ad hoc vitæ genus ipsi accersuere, hanc gustationem promunt solidæ suauitatis, & ad constantiam valituræ. Si quis igitur non tam sibi propitijs quàm fortunæ iratus (quia fortè non spes illi, aut ambitus, successit) nostrum portum turbulento petit ingenio, in quo ei impunè liceat indignari querique de fatis; hunc ego nisi certâ Deûm ope exuat hos affectus, nec fore constantem in disciplinâ auguror, & plus mali inuecturum nostros in mores, quàm boni in suos. Præterea, qui leui impetu, (qualis sæpè adolescentum est) ex quadam inconsultâ tenerâque imagine quam de virtutis præmijs concipere, ad labores nostros accedunt, illi, vt librata fundis saxa, primùm quidem in his studiis immodicè feruent, mox cessante machinâ mirantur se languere. Præter stimulos pietatis, metumque

decorum, rationis, fortitudinis, patientiæ res est; quæ omnia cadunt in paucos. Non veste quam gerimus, non nomine, non domo, constat nostra disciplina; addo nec laboribus corporis; quos haud rarò grauius avaritia vel ambitus imperat, aut in damnatis exigunt metalla vel remi. Sola est animi simplex ac hilaris in deos propensio quæ hæc omnia consecrat, inutilia alioquin, aut sæpè profana. Quippe abiicere diuitias, à dignitatibus recedere, prohibere ab animo inquietas humanarum rerum curas, magnæ demum virtutis est, si hæc fiant conciliandorum sibi numinum causâ. At si quis ab honoribus aut diuitiis abit, ut ea iactetur reliquisse, vel ut ad maiora perueniat; si quis negocia effudit ut torpescat in ocio, aut de paupertate se iactat, quam minantem ideo sponte præuenit ne necessaria videretur; illum quidem fraude nihil profuturâ vel

hominibus vel etiam diis imponere
velle existimo.

Non igitur omnes, (fili,) ad hanc
philosophiam compello. Nam pro in-
genti mortalium numero, pauci om-
nino volent sectari vitæ nostræ recon-
ditam fœlicitatem, & ex his ipsis adhuc
quosdam suo non deorum consilio
nixos, aut frustra aut cum perniciæ il-
lam viam institutos denuncio. At om-
nibus saltem bonis precari me dices
hanc mentem, vt à rerum ciuiliū tu-
multu ad nos secedant. Ne id quidem
mihi in votis est. Quis enim pia bella
improbis inferet; quis Rempublicam
geret? aut vnde impotentibus vitiis
frænum; si omnis se virtus ita in soli-
tudinem ac paupertatem det, vt fracta
& absens, non viribus aut pudore sce-
leribus impiorum possit obstare? Ma-
gna est prouincia, quam dii illis desti-
nant, quos sorte nascendi, vel secretis
stimulis, iubent, non fugâ sed bello in

vitia certare; neque cupiditates enecare, sed regere. Tales viros & esse, & honoribus frui publicè interest; tum sacris præsidere, tum fieri patresfamilias, impiisque in hoc terrarum orbe mistos, temperare illorum audaciam in deos, numinúmque in mortales sæua consilia. Ut cæteros hîc omittam; quid sapienti Rege fortique præstantius? Si exemplo, si legibus emendabit sæculum, si ad decorum cultum suo exemplo ciues adiget, quantò fœcundior virtus hæc erit, quàm si in solitaria sanctitate senesceret? Cur igitur maiorem hanc palmam ipse à diis non expetam quæris? Quia arcano sensu admonuere me consilij sui, ut senectutem meam oblectem suâ pace, nec de regno iam currem, quod non præter eorum arbitrium amisi; Sed hodie maximè visi sunt, hanc mihi quam amplector solitudinem imperare, postquam, ô fili, in te relata intellexi mei regni, domus-

que fortunam. Tanti heredis quem dii spontè tribuerunt auspiciū facit, ut quod regnum in hunc libens deponerem non sustineam ab eo recipere.

Scio quid præterea dicturus sis, optime fili: Si à negotiis abhorreo, si templa nunc tantum, & victimæ, & cæteri deorum cultus placent; at in tantâ tuâ fortunâ seruorum greges fore, qui maneant meos nutus; qui lectulos sternant, qui conuiuia parent, & euntem stipent ad templa. Illas autem diuitias nihil periculi aut turbidi habituras, quia dum soluto animo diis vacabo, tu in solitudinem succedes, illique præterea quos præpones familiæ meæ. Ne sic quidem mihi persuadebis abijcere inopiæ libertatem. Nam ut absit hæc cura parandi aut seruandi diuitias; certè alia mala ab opulentiâ abesse vix poterunt. deliciarum consuetudo, corporis blandiens cura, pietatis quasi superfluxæ obliuio; tum illi affectus,

affectus, qui serie iuncti diuitiis hærent, sibi esse in precio, alios tanquam ex folio despicere, nullam ferre iniuriæ imaginem, & assensu eorum corrumpi, qui adulationis præmia quærunt. Nec facilius putem admissis opibus cæteras cupiditates excludere, quàm in concitato mari, se rapidissimo alicui fluctui permittere; sed in alios nolle deuolui. Cùm igitur quod reliquum est vitæ, donare deorum cultui sit animus, liceat infestam huic consilio opulentiam fugere, ne suo utique gustu, eorùmque affectuum quos perpetuò comites habet, captæ & impari menti vitia reponat, grauésque cogitationes & frustra in sydera conantes deducat in terram. Quid miraris me ad paupertatem respicere, non quidem in quâ egeam, sed paruo contentus sim? quæ neglecto corpori inducat sui contemptum? quæ vacuo animo libertatem faciat cœlestis commercij? ac ne me

tux gloriæ salutisque incusiosum existimes, quæ tibi, tuisque exercitibus, fili, propitios deos paret?

Tam seueram orationem adeò miti & composito vultu habuit, vt constaret non hanc fingi constantiam, à quâ cuperet cogentibus amicis discedere. Omnibusque non adumbratam virtutem veriùs, vt solet, colentibus; Saltem, inquit Poliarchus, nostrum in Siciliam iter ne desere, ô Pater. Te Dij verebuntur. Seu mari, seu terrâ, fœlix auspiciū facies. Vbi in Galliam redierimus, spondeo quo placebit instituto te victurum. Et id quoque patriæ debes, vt hanc potissimum tuo exemplo facias meliorem. Parum moratus Aneroestus, id saltem flagitanti non negauit. Ad conuiuium deinde ab omnibus itum. Iam enim patientior Archombroti Poliarchus, cum eo apud Hyanisbem cœnauit; satisque viribus instauratis, diem cum Reginâ ad

professionem destinavit, qui post
eum secundus lucesceret. Scripsit igitur
Hyanisbe promissas ad Melean-
drom literas, filioque commisit, cum
arculâ quam à peiratis eripuerat Po-
liarchus; identidem admonens, ut hanc
instar fatalis sarcinæ cum curâ ferua-
ret, offerretque Meandro. Puta au-
tem (inquiebat) Erichthonium tibi
tradi à Pallade. Si vincula resignas, si
quid feras intueris, fortasse te perdes,
& operam meam. Sin trades Melean-
dro arcam intactam, videbisque ex eâ
depromi felicitatem tuam, æquum
erit te Regi Poliarcho habere gratias,
qui latronum scelere amissam resti-
tuit. Agitatum deinde est, an vnâ tri-
remi vehi uterque posset. Sed maiestas,
& æmulatio, securiora flagitabant con-
silia. Tutius visum, distinctâ quoque
classi ire utrumque: sed qui prior ap-
pulisset, alium in portu expectaret. In-
de ambo sustinerent coniuncto comi-

tatu proficisci ad regiam.

Interim nomina atque officia familiaris Regum assueta Archombroti domesticis imponebantur. Ipse maiestatis insignibus cultus est, appellatusque à matre Sardiniae Rex, ne dignitate inferior æmulo esset. Memor quoque Hyannis se Gallorum fortitudine esse servatam, discessuris Poliarchi militibus numeravit viritim donativum. Edicto deinde discessu nulli ordines aut homines cessabant. Maurorum Procerum multi, Principem comitaturi impleuerant rates. Siculi qui cum Archombroto venerant, laborabant inter se factione. Multis enim pristinus in Poliarchum favor redierat. Inclyta virtus, paulatimque vulgatum sub Theocrines nomine robur, & facti ad gratiam mores, valebant tunc maximè cum eum Regem aspicerent. Rursus quòd & ipse Archombrotus virtutibus famaque erat clarissimus, quòdque eius

auspiciis à Siciliâ venerant, pudore onerabat transituros ad æmulum. Nam affinitas cum Argenide, quæ potentiùs quàm cætera traxisset obnoxios, in incerto sicerat, ut passim moderarentur affectibus; essentque in aduersam factionem clementes, ne si ea vinceret, excusationi & gratiæ locus deesset.

Erat vetus in littore ara; Incertus quis Regum posuisset; Pollebátque religione, quam tot secula auxerant. Illic Neptuno, ventisque, aut thura pauperes Nautæ, aut victimam soluebant, siue in mare irent, siue terra recepisset incolumes. Ad eam Poliarchum & filium iam classem petituros, coëgit Hyanisbe; Nec dubito, inquit, utrique ad ea quæ mihi promisit integram fidem fore. Sed de præteritis tantum iurgiis hætenus caui; Scio verò quàm facile cupidis belli principibus ea eueniant quibus soluta esse induciarum pacta aut iactent aut credant. Præterea ve-

strorum amicorum aut militum culpâ,
oriri possunt nouæ iniuriæ, neque istis
comprehensæ induciis. Si quid erit hu-
iusmodi, ego vos per Sanctissimam a-
ram dei cuius regna iam subitis deuin-
ctos hîc cupio, vt illa noua annumere-
tis veteribus quorum ambo vindictam
mei causâ distulistis; neu quis turbo
fœlicitatem præcipiat in quam ego
vos mitto. Agite, charissimi iuuenes,
& mulieri vestrâ causâ anxie hanc
veniam date. Interim paribus votis
vtrumque commendabo numinibus.
Nam si rationem possum inire, cui
plûs timeam, deos veneror vt mandata
mea neuter accuret, aut sospitem de-
inde aspiciat. Victi sunt tam ingenuo
amore, quôdque illa iubebat ad aram
fancinerunt. Tunc vtrumque illa am-
plexi; & nunc vni nunc alteri per lit-
toris spatia se iungere, plurima & sæpè
eadem monens: nec satiata abeuntium
vultu, salutados iussosque valere, ite-

rum reuocato sermone morabatur. Neque illi ad tot suspiria immoti restiterant. Anercestum quoque cum Poliarcho nauigaturū Regina anxie monebat, vt in eam firmandorum fœderum curam succederet. Nihil illi Poliarchum, nihil negaturum Archombrotum. Tanquam patrem, deorūque interpretem, cum vtrimque valiturum. Quā sapē mortales, & maximē iuuenes, ad salutem compellendos. Denique cogitaret, maximum sibi Europæ. Africaque depositum creditum esse. Anercestus sollicitudine Reginae laudatā, se illius quidem, & iuuenum, sed deorum maximē causā, hanc prouinciā curaturum promisit.

Tandem hospitali officio datum, vt prior Poliarchus ad naues deduceretur, etiā comitante ad vndarum confinia Archombroto. Cæsa de more tunc victimæ, quarum extra post roga-

tam Neptuni, deorúmque qui maris
potentes sunt pacem, ambo duces pri-
mos in fluctus proiecerunt. Tunc &
ipse Archombrotus in prætoriam suam
schaphâ delatus est. Strepebant longè
littora voce nautarum, rudentúmque
gemitibus, & pelagus cruentibus re-
mis. Addebat & classicum miles, per
opportuna nauigiorum loca in pom-
pam diuisus. Dubitabat Timonides
lætari deberet; an dolere, quòd lega-
tionis onus tunc reditum sibi prohibe-
bat in patriam. Certè enim futura illic
omnia sciebat summo in motu; quali
tempore in fortunâ est an præstet
abesse an misceri tempestati. Moreta-
men humani ingenij, cum vtrumque
esset intutum, maximè redire placuif-
set; non aliâ magis causâ, quam quia
non licebat. Cæterum induciis ritè ser-
uandis, inter Reges conuenerat, vt si
qui Gallorum in fœdera peccarent,
Archombroti arbitrium esset; Ex illius

etiam comitatu noxam eandem quicumque meruisset, de eo Gallorum esset iudicium. Ne confusâ denique classe irent, partiti sunt maria; pauloque interior Archombrotus nauigauit; Poliarcho cursus apertos, & ne obstaret Archombroto, nimium æquoris permittente triremibus. Erat ex Sicilia Poëta, qui discessuris Principibus breue hoc carmen cum tradere vellet, à Timonide est prohibitus; quia illis versibus de eorum inimicitiis meminerat, quarum memoriam sic obiici inconsultum videbatur.

*Cerulei fluctus, assuetæque flamina curvis
Horrèdum irasci ratibus; nunc parcite raucis
Nunc animis: Tantum liquido quâ tramite
fines*

*Queruntur Siculi, placidis Notus ingruat. alis.
Non cum Thessalica primùm de margineripa
Semideos Argo vexit trans cæcula Reges,
Tantus honos puppi, tot credita fata procellis.
Europa Libyaq; deos cerno æquore toto.*

Omnia sollicitas partiri in munera mentes.

*Hi puppes, querulos alij torquere rudentes
Adproperant; alij rostris venientibus æquos
Subiiciunt fluctus, aurasq; ad carbasa ducunt.
Præcipue niueo latè subnixæ volatu*

*Pax Iouis imperio verba intertalia pontum
Mulcet, & alternis classes amplectitur alis.*

*Este deumius su mites vectoribus undæ;
Tuq; ferox sanctas Discordia spargere bello
Non ausis sperare rates. Satis arma cruorq;
Hactenus, & dubiis pulsata timoribus Aula.
Nunc mihi debetur mætes, quas fœdere longo
Componam. Nec quod sunt Martia pectora
Regum,*

*Desperanda quies. Eadem quæ feruere bello
Corda iubet, iubet emeritos mitescere virtus.*

Dies iam plures erant ex quo in Siciliam applicuerat Arsidas, Poliarchi atque Timonidis ad Melcandrum & Argenidem literas ferens; Nec tardior multò Bocchus aduenerat, Hyanißes & Archombroti legatus. Sed utroque celerior fama, mox certis firmata au-

thoribus, iam in Siciliam pertulerat, Poliararchum ex Galliæ Regibus maximum, in Mauritaniâ cum Radirobane pugnâ congressum, vitam hosti eripuisse. Id mercatores nunciabant, qui Radirobane profligato, prius tamen quàm cum Siculâ classe Archombrotus pervenisset ad matrem, discesserant ab Africâ. Motus rei nouitate Meleander præcipuum mercatorum iubet ad se acciri; Tum ab eo diligenter percunctatur, ipsene audita referret, an adfuisset discrimini. Mercator, se tunc verò in Mauritaniâ fuisse respondit, cum primò in auxilium Hyanißes Rex Poliararchus exercitum exposuit; & mox summis viribus Sardi venerunt. Bis deinde pugnatum referebat; tum Radirobanem à Poliarcho interfectum; quàmque inconditè Sardi ab Africâ cessissent. Vix fidem faciebat Meleandro; qui Radirobanis casum animo voluens, & fœlicitatem Hyanißes,

maximè tamen hærebat in nomine Poliarchi; illéne esset sui seruator, ille Lycogenis hostis, ille priuato sub habitu sibi olim charissimus; sed & denique expulsus iniuriâ.

Neque minùs Argenis (nam eadem omnia ab accersito mercatore acceperat) stupebat ad omnia lætis quidem, sed suspiciosus pluribus rebus tacta. Præcipuè mirabatur quid Poliarcho tantum commercij esset cum Archombroti matre, vt despectâ Siciliâ eius præsidio vacaret. Ergo absenti æmulo, & ignaro, conficiebat hæc bella, fidei & reditûs immemor, dum fœdam lachrymis sponsam, omnis dies, omnis solitudinis locus exercet. Oderat ipsa amantem Archombrotum, non aliâ magis causâ, quàm quòd se Poliarcho ereptam volebat; Et ille eundem æmulum, oblitus amoris & odij, sic iuuabat, vt deinde florentior procus in Siciliam rediret. Sed turbatum his cogitationi-

bus virginis animum, placabat Radi-
 robanes cæsus; procliuíque in Poliar-
 chum animo, Forsitan ille, dicebat,
 non Hyaniſbæ, sed mihi pugnavit; nec
 iuuari Archombrotum, sed Radiro-
 banem euerti sic voluit. Nihil gratius
 accidere posse putabam, quàm si Radi-
 robanes periret. Cumulauerunt bene-
 ficiũ dii, vt Poliarchi maximè ferro
 pœnas dederit. Inter hæc oblectabat
 animum suum victoriæ magnitudine
 quâ Poliarchus celebrabatur, spera-
 bātque confestim aliquid literarum ab
 ipso accipere. Nam & commodũ ac-
 ciderat, quòd ille mercator vel non
 audiuerat in Mauritaniâ quanto ille
 periculo vulneratus iaceret; vel cætera
 Meleandro & Argenidi referens id-
 ipsum negligenter omiserat.

At verò cùm Arsidas venisset ab A-
 fricâ, vt certior, ita acrior motus Prin-
 cipum mentes egit. Nam ille, Poliar-
 chi & Timonidis literis Regi porrectis,

eadem quæ in iis nunciabantur longiori oratione exposuit ; maximè in Poliarchi laudibus hærens, quàm latè diceretur imperare ; qualibus viris, quantâ opulentiâ classem instructam adueheret ; Vt benè pugnasset in Sardos ; iàmque ex vulneribus conualescentem aduentus Archombroti atque conspectus, irâ, odio, æmulatione turbasset. Nec fuisse certamen dilaturos, nisi intercessisset Hyaniſbe furoribus, cuius precibus ambo dederunt, vt vel Meleandro conciliatore redirent in gratiam, vel in Siciliâ potissimùm odia exequerentur. Ne inimicitiarum quidem causam multùm Arſidas dissimulabat ; quas sciebat & à Timonide esse perscriptas, & à Boccho, vbi mox aduenisset, offerendas in publicum. Cùm verò adiisset Argenidem, & omnia narrando extulisset (vt solent qui se credunt libenter audiri, referuntque absentia) facile excussæ suspiciones

sunt, quæ virginem vrebant. Omnis læticia Gobryas consors, captatis temporibus, nunc clàm nunc publicè conveniebat cum Argenide aut Arsidâ. Iisdémque diebus Bocchus adueniens, quæ Arsidas attulerat confirmavit.

At Meleander quicquid spei aut consilij post expulsum Radirobanem sumpserat omittens, penè certam expectabat perniciem. Frustra non esse quòd cum suis Gallis Gobryas in Siciliam venerat. Parua Lycógenem, vel Sardos potuisse. Nunc Galliam, nunc Mauritaniam, quibus armis aut copiis Sicilia sustineat? Sic dubius, & fatis iratus, iubet Gobryam vocari. Et ille tunc fortè cum Argenide erat; quæ nihil dubitavit, quin pater de Poliarcho interrogaturus illum accenseret. Nam super eâ rerum nōuitate sciebat acerrimè esse commotum. Monet ergo discedentem, ne timidè agat, aut de suo Rege dissimulet. Eo loci rem esse, ut

paulatim exui laruam oporteat. Fortè qui vocando Gobryæ missus erat, retulit Regi, cum loqui Argenidi, & confestim ad futurum. Hoc quoque Meleandrum cœptæ suspicionis pondere altius pressit. Tamen venientem Gobryam hilariter intuitus, Quid tu, inquit, bone vir, tot diebus dissimulasti Principis tui nomen? cui mehercule tantum debeo, ut me in ingratitudinis discrimen perduxeris, non hæcenus passus eius gratiâ te meliùs haberi. Excusavit silentium Gobryas. Neminem quippe ipso Meleandro meliùs scire, non esse sui iuris qui ad Principum amicitiam vocati sunt. Timuisse effundere, quod nesciebat an celatum suus Rex mallet. Addidit subitò Meleander, habere se à Poliarcho ex Africâ literas, quibus significabat se propediem ad futurum. Sed hoc ipsum diu est, ait, quòd resciebas, (Gobrya;) idcòque cum classe illum isthic opperitus es.

Imò,

Imò, inquit Gobryas, nihil de tempestate (Rex) mentitus sum, quæ me à cæterâ classe diuulsit. Nec deinde aut meum Regem, aut comites vidi. Hanc autem Insulam petij, quia licèt incertus quò Rex tendat, aut quid paret, ab eo tamen audiui, nauigationis suæ ordinem præter Siciliae oram dirigi oportere.

Nihil ampliùs à Gobryâ Meleander elicuit; eoque relicto solus in secreto conclau diu animum variis cogitationibus vexauit. Cur scilicet Gobryam præmisset Poliarchus, cur cum tantâ ipse classe discessisset à Galliâ, nisi vindicaturus bello Argenidem, & fortasse volentem? Num eâ spe hætenus illa despexisset Archombrotum? Num ipsa hos motus exciuisset è Galliâ? Litteræ Radirobanis, Selenissæ mors, & Theocrine, & Pallas, ingerebantur trepido animo, & in calamitatis fastidium filiam denique timenti. Repete-

bat etiam animo virtutes Poliarchi, si-
bique præstitam tanquam à virgine
opem, & omnia genero digna. Pudore
deinde quòd eum eiecisset, quòd non
sine periculo abire passus esset, illum
amare verebatur. Nam & illi iustum
sui odium aut despectum inesse crede-
bat. Denique si affinem eum vellet,
præter famam leuitatis nunc respicie-
bat ad patrias leges, hæc cum Gallicis
Regibus vetantes connubia; nunc ad
Archombroti potentiam, Mauritaniæ
viribus, & Siculorum fauore eximium.
Nec cum filiâ iurgari distulisset: Sed
adhuc ignarus quid molirentur dii, ne
cum qui sibi è duobus gener debeba-
tur offenderet, tenuit iram; Nisi quòd
semel indignanti excidit; Expectas
mea filia Poliarchum, quem oppidò
parum amas, cum nisi suo aut Archom-
broti sanguine fœdatum nolis aspice-
re. Illa præparato silentio atque vultu,
caverba sic tulit tanquam non intel-

ligentem præterlapſa. Cleobulus verò atque Eurymedes, & cæteri Optimum, haud parum de conſiliorum ſagacitate remiſerant; ſi quid noxium ſtruxiſſent Archombroto, Regem reueriti; nec dubij ſe in Poliarcho violare Argenidem. Timebat Gobryas, ne tanto in motu abire iuberetur à Regiâ. Anticipatâ igitur neceſſitate exilij, tanquam ſuas triremes curaturus, ad eas reuectus eſt; habuitque, ut cum Argenide conuenerat, in ſtatione diſpoſitas.

Inter hæc Poliarchus propitiis ventis ferebatur ad inſulam. Prima Lilybæi cacumina, ſe venientibus aperuere; & mox remis inter hilares militum conſarumque clamores crebriùs actis, certius terra innotuit. Denique circa Æguſam inſulam ſiſtitur classiſ; incerto Poliarcho, an Syracuſis, an verſus Epeircten eſſet quærendus Meleander. Sed miſſi Lilybæum qui certa re-

ferrent, Panormi esse Meleandrum renunciant. Drepanum igitur versus aguntur triremes, superatoque Agathyrsō, prope Paconiam insulam Gobyas cum suis nauibus exceptus est. Has enim ad omnes Regis motus circumagebat; si quid Argenis imperaret, præstō futurus. Opportunissimè reperi- tum non aspectu Poliarchus, non amplexibus satiabat. Nunc ille amplecti genua, nunc manum venerari; Regem incolumem atque victorem tenere adeò lætus, ut non militia, non ætas, aut sexus, lachrymas cohiberet. Cœperat quoque gratulari victoriam amicorum præcipuis; cū diuersum reuocans Poliarchus, rogauit ecquid illic egisset; num in Siciliam intrasset pace Regis; num vidisset, num adiisset Argenidem; quid tunc denique in insulâ aut consilij esset, aut virium. Ille à principio rem totam exorsus, variâ voluptate perfudit Regis animum; nunc

extollendo fidem Argenidis, & charitatis constantiam, nunc belli Africi famam, quæ illic inclytum apud omnes victorem fecisset. Sed addebat, Meleandrum, quamquam ad beneuolentiæ speciem se cogebat, non tamen simpliciter amicum videri; seque consilio Argenidis rediisse ad classem, & ea littora obseruare. His monitis instructus Poliarchus, & maximè de Argenide lætus, cuestigio anchoras iecit, illic certus Archombrotum ex fœdere opperiri. Nam is sensim classe diuisâ lato in mari etiam à conspectu abiuerat.

Qui primi de nauibus Poliarchi ad Meleandrum nuncij fuere, fidem ægrè fecerunt, tot naues, tantum belli apparatus cum eo aduenisse. Et sub tantæ tempestatis discrimine, parum literis Hyanißes credebatur pollicentis innoxium fore exercitum. Magis mulieri irascebatur, quæ ab oculis suis auertif-

set hoc bellum, mandassétque Siciliae. Accersit deinde Argenidem, nec iam inuidiosè, sed anxie rogat, bellumne in Siciliam illis armis instructum sit. Se enim satis scire, nihil eâ inuitâ vel insciâ Poliarchum moliri. Illa, nec se adeò Poliarchi consiliis mistam respondit, nec, quod sciret, Poliarchum Siciliae esse infestum. Cæterum quamquam ad dissimulandi prudentiam sexu, & negotiis facta, exundantem tamen læticiam non satis capiebat; hoc vno macerata, quòd cessabant vicina auxilia, nec cum exercitu Poliarchus veniebat ad Regiam: Nihil enim iam aut breue aut celere erat impatientiâ moræ confectæ.

At verò Archombrotus, tanquam Regem conuenturus Syraculis, iam penè ad Pachynum processerat, cum intellecto errore, vela retro ad Lilybaeum egit. Huius quoque mox viribus ad Melandrum perlatis, cum nouus

ac propior metus incessit. Hinc furere
amantem Poliarchum; hinc Archom-
brotum Mauritaniae viribus auctum
redire ad nuptias. Sat constare nihil ad
mitiganda iurgia profuisse, quòd Po-
liarchus pro Hyanisbe in Radioba-
nem pugnaverat. Nam si ideo recon-
ciliatione iunxissent æmulas men-
tes, non utique cursu diuiso ab vna
Mauritania in Siciliam nauigaturos.
Ergo tristi discrimine, lacerandam sub
infamia vtriusque Siciliam, vel saltem
imbuendum mutuo sanguine mare,
Argenidemque parandam alterutrius
naufragio! Quæ Scylla, quæ Charybdis
tot vnquam funera hausisset? Feralem
post tot odia, & omnibus gentibus
ominosam tantorum cruore Princi-
pum fore Siciliam. Num denique aut
ipse Poliarchum sanguine Archom-
broti perfusum posset aspicere, aut
Argenis amare Archombrotum Po-
liarchi spoliis grauem? Iura deinde

gentium inuocabat; quòd de filia nuptiis statuendi sibi libertas eriperetur; quòd affinitas, quòd amicitia peteretur vi, armis, ingratiis. Tantis in malis, tamen regni habenas in totum non reliquit. Statim ad se praelio idoneos cum armis praecepit coire. Naues praeterea obiecit portui; vt defensionis saltem species esset. Sed praecipuum fiducia in seipso & Argenide erat. Nam & omnia se ab Archombroto impetraturum credebat, nec verò obstiturum Argenidi Poliarchum.

Inter hos motus relatum est Regi, naues Archombroti admotas Poliarcho eâ pace stetisse, tanquam si vna hæc classis fuisset. Vix credenti nunciatur esse in portu legatos, qui ab Regibus Poliarcho & Archombroto venire se dicerent. Namque vbi ad Paconiae oram Archombrotus Poliarcho suas copias coniunxit, Siculi qui simul nauigauerant, festinantes in patriam,

flagitauerunt quidem illicò agi ad portum; Sed vno consilio vterque Rex vetuit, ne qua naus à classe discederet: Ipsi in lembo Gelanorum & Micipsam ad Meleandrum miserunt. Obstupuit ille ab his simul Principibus legatos venisse. Ea res quoque turbauit Argenidem. Igitur æmulis conuenisse? Tantâ lite cessisse alterutrum? Vter suam gratiam in liberandâ bello Siciliâ facere voluisset? quo fœdere, quâve lege hæc dirempta odia essent? Regem quoque vocari Archombrotum adhuc insolens auribus erat; timuitque Meleander ne fatis cessisset Hyantisbe. Et is quidem lætior erat, spe pacis iniectâ. At non Argenidi constabat quid doleret gauderétve; nisi quòd metuebat hæc pacta, cœperátque vereri, ne de suis nuptiis illi arbitria fecissent. Quid autem, cogitabat, si vt vile aut facile pignus me sortibus permiserunt? quid si ad Archombrotum reiecta sum?

Vbi verò cum Micipsa Gelanorus ad Regem peruenit tunc filia colloquens, omnium oculos auidissima in eum expectatio conuertit. Et Rex utrumque amplexus est; Statimque Gelanorus (nam honori Galliaë datum, ut ante Micipsam loqueretur) Poliar-chus Galliaë Rex, inquit, & Archombrotus Sardiniaë, tuo in mari cum clas-sibus, ô Rex, ad Paconiam insulam hæ-rent, miseruntque nos oratum ut tan-quam amicis subire portus liceat & in tuum conspectum vnà venire. Adiecit deinde Micipsa, non expectaturum fuisse Archombrotum vlla fidei pi-gnora, aut legationem præmissurum; nisi quòd ita res erat, ut neque ritè Si-ciliam tangere, neque Regem posset adire, nisi comite Poliarcho. Respon-dit Meleander, patère amicis Siciliam. Succederent portibus quos ex insulâ totâ mallent, se in extremo littore ex-cepturum venientes, aut obuiam quo-

que nauigantibus iturum. Retulere illicet ambo legati; suis Regibus fore gratissimum, si occursum omisso eos ipse maneret in Regiâ. Tum Meleander, Renunciabitis ergo Regibus vestris, hoc me illis etiam dare, ut officium potius meum quam eorum mandata negligam. Debebam vel ad Paconiam occurrere; At quando sic iubent, huc illos opperiar. Tum Gelanorus, Est præterea, inquit, quod nomine mei Regis efflagitem. Eum aliquot Siculo- rum inimicitias esse infestum, ipse Rex nosti. Nunc ut tutò huc commeet, petit exercitum suum in Siciliam admit- ti. Nihilque milites nocituros, regiâ fide spondet. Exhorruit Meleander re- nouatâ utcunque iniuriarum memo- riâ; Simul vires in regnum accipere, in- certum an sat amicas, eò grauius for- midabat, quòd armato Poliarcho quic- quid strueret, quicquid optaret, nihil negari, nisi cædibus & discrimine po-

terat. Sed & peiora instare videbantur, si ipse ad bellum vix paratus, & de Argēdis fide iam dubitans, inficiaretur hanc veniam instructissimo Regi, & forsitan ita belli causam quærenti. Ergo metum altè recondidit, & quò proximior humanitas esset; De comœatu etiam, inquit, prouidebimus, Gelanore. Neque me sine militibus putabo, quamdiu Regis amici exercitus in Sicilia erit. Quæsiit postea cur Archōbrotus Rex Sardinia appellaretur; & an valeret Hyantisbe. Multa quoque Gelanorum de victoriâ & vulneribus Poliarchi percunctatus est; verbis maximè humanitati & lætitiæ accommodatis. Argēdi, præter quædam vulgaria, nihil publicè Gelanorus dicere debuit; nec priuatim ad eam aditus fuit; quamquam anxia, & salutis incerta, sapissimè in respicientem intuebatur. Tempore denique constituto, ut inde quarto die, si venti pateren-

tur, Poliarchus & Archombrotus venirent, legati repetunt lembum, cùmque omnibus remis in Pacoriam concitant.

Perplexa interim Meleandro omnia erant; & Argenidi nihil magis addebat animos, quàm quòd Poliarchus cum exercitûs robore admitti petierat. At Rex nihil ærario, nihil comitati- bus parcendum arbitrabatur, siue amicus veniebat Poliarchus, dignâ pompâ culturus tantum Regem; siue suberat aliquod nefas, saltem magnificè periturus. Itaque omnis generis cibos, & cætera à mari venientibus solatia, conuehi iussit. Quæ autem in supellectili preciosissima erant, Regiam ornare; aureis & eburneis lectis, tapetumque coloribus, & egregiis ex ære vel argento simulachris. Populum qui ad euentum atque spectaculum Panorum confluxit, angustè mœnia capiebant; Et cùm regiam publicè ornari a-

spicerent, hominum ingeniis ad lasciviam pronis, ignari quid gauderent, cūve timere desiissent, repentē in læticiam effusi sunt. Quæ cuique diuitiæ, ferebant templis sacra; Alij extis pleni, quibus opulentiores litauerant, per ludos & choreas diis gratias agere se credebant. Nec auersatus est Meleander hos temerē exultantium ludos; utique omina captans, compulsusque in tanto tumultu ad læta aut tristia, ex superstitionis arbitrio.

Quarta dies illuxerat, & procul antemnæ visēbantur veniētium Regum. Eurymedes, & Arsidas, à Meleandro cum nauibus ad vtrumque dimissi, auxerant classem. Littus Proceribus & populo plenum, tanquam deos ea pompa adueheret. Sed non prætorix naues ad portum primæ appulsæ sunt. Tunc portus viginti stadiis distabat ab oppido. In cum Gallici exercitūs partem Gobryas tribus vix horis expli-

cuīt. Sex armatorū millia fuere. Mauros quoque ad duo millia Micipsa adduxerat. Stabant per cohortes, & vexilla, tanquam in aciem irent, armis instructi, nisi quòd galeis ut plurimū capita nudauerant. Tandem regia nauis Poliarchum Siciliae dedit; quā tactā veluti genio terrae grauiore affectus inspirante, iam propiori spe metūque, penē ad oris mutationem exhorruit. Cæterū in summā arenā expectauit Archombrotum; qui non integrā horā serior in idem littus descendit. Aderant à Meleandro equi, in quos ambo ascenderunt regio cultu eximij. Poliarchus gentile sagulum multo colore variatum, braccasque gestabat prope modum sub gemmis latentes. Aureus torquis ceruicem læuūque humerum cingens, eburneam gladij vaginam fibulis gemmeis tenebat. Lacertos aliquā parte nudos colebant armillae recocto auro fulgentes. Verticem pro-

pexâ & rutilâ cæsarie vel sine alio cultu placiturum, insuper regia fascia ex murice, auróque reuinxerat. Super hæc eminebat oris decor, & amœnæ gratiæ genius, cuius virtute omnes ipsius motus, omnes nutus placebant. Ergo populus in illum intueri, plaudere multi, & qui eum in priuato habitu vidisse meminerant, seipsos accusare quòd iam tum non deprehendissent indolem illam nisi Regibus à diis non tribui. Cùm verò & ipse Archombrotus euasit in equum, vix formâ deterior, aut fortunam minori spiritu implens, amictúque insignis quem Mauri regium habebant, incerta ac propè diuisa aliquandiu studia fuere; móxque votis meliori præfagio confusis, vtrique mirabili consensu applausum est.

Ibant ergo, tanquam rixarum immemores, suis & Siculis Proceribus medijs, longâ militum, longioríque populi

puli turbâ, viam præeunte atque claudente. Quicquid à portu ad urbem itineris erat, inuentium & comitantium series vno examine obtexit. In vrbe matronæ virginésque fenéstras impleuerant, mistis pueris, quibus ad spectaculi tanti memoriam, animos aut subito metu, aut læticiâ pulsabant. Humanissimi Reges, memorésque qui eos sic colerent haud esse suos ciues, non deerant salutando, non oculos atque manus ferendo ad populum; donec in regiæ vestibulo Meleander apparuit. Hunc ad se pedibus prope- rantem vbi simul conspexere, de equis desilierunt. Excusantem deinde quòd non præstò ad portum fuisset; neque verò id se dedisse superbix, sed eorum legatis qui quò progredieretur præscripserant; ambo lenissimâ oratione vetant in iuuenes, & iam olim hospites, superfluo cultu esse. Gratulatus deinde Poliarcho victoriam, & Ar-

Eccc

chombroto Sardiniam, perplexè querebatur, quòd olim passus esset tantæ Galliæ Rex priuatæ se fortis in Siciliâ haberi.

Iam ad aulam peruenerant; inuitabátque hospites Melcander ad solia, quibus excepti colloquerentur. Sed illi tunc rati aduenisse gerendæ rei tempus, sustinuere ambo gradum; porrigénsque Melcandro Archombrotus literas matris, postulauit vt eas exemplo perlegeret. Priùs enim acquiescere se non posse. Idem & Poliarchus rogauit. Rex miratus quid hæ literæ haberent tam celeriter procurandum, gemmam soluit, & prolixas exorsus est. Neque mora, Poliarchi & Archombroti anxios vultus, haud paruæ perturbationis notæ percurrere cœperunt. Quippe illos codicillos vterque tanquam propria fata spectabat. Si seciùs quàm promiserat Hyanisbe res cessisset, si aut nulla fœdera, aut ingrata

offerrentur, iam comparabant se ad
 iurgium; iam arma, iam furorem ani-
 mis præcipiebant. Arculam quoque
 (ita mater iusserat) Archombrotus
 Meleandro simul cum literis obtule-
 rat, quam olim Poliarchus vindicaue-
 rat à peiratis. Neque multum ex epi-
 stolâ Meleander legerat, cùm attoniti
 instar nunc seipsum cœpit affari, nunc
 in Archombrotum mittere oculos, re-
 petere deinde epistolam, morarique in
 omnibus. Pusilla erat clavis inclusa li-
 teris: ea scilicet quâ referari arculam
 oportebat; Eam Rex auidè manu te-
 nens, perseverabat in lectione Episto-
 læ. Nihil ampliùs Poliarchus vel Ar-
 chombrotus dubitabant quin aliquid
 magni efficacissimæ literæ afferrent.
 Tandem ad mensam vicino parieti ap-
 plicitam Meleander accedit, solusque
 curiosè in apertâ cistulâ recognoscit
 quid lateret. Aliquot epistolæ inerant;
 quas ille perlectas cum suspiriis & fletu

chombroto Sardiniam, perplexè querebatur, quòd olim passus esset tantæ Galliæ Rex priuatæ se fortis in Siciliâ haberi.

Iam ad aulam peruenerant; inuitabátque hospites Melcander ad solia, quibus excepti colloquerentur. Sed illi tunc rati aduenisse gerendæ rei tempus, sustinere ambo gradum; porrigénsque Melcandro Archombrotus literas matris, postulauit vt eas exemplo perlegeret. Priùs enim acquiescere se non posse. Idem & Poliarchus rogauit. Rex miratus quid hæ literæ haberent tam celeriter procurandum, gemmam soluit, & prolixas exorsus est. Neque mora, Poliarchi & Archombroti anxios vultus, haud parvæ perturbationis notæ percurrere cœperunt. Quippe illos codicillos vterque tanquam propria fata spectabat. Si seciùs quàm promiserat Hyaniſbe res cessisset, si aut nulla fœdera, aut ingrata

offerrentur, iam comparabant se ad iurgium; iam arma, iam furorem animis præcipiebant. Arculam quoque (ita mater iusserat) Archombrotus Meleandro simul cum literis obtulerat, quam olim Poliarchus vindicauerat à peiratis. Neque multum ex epistolâ Meleander legerat, cùm attoniti instar nunc seipsum cœpit affari, nunc in Archombrotum mittere oculos, repetere deinde epistolam, morarique in omnibus. Pusilla erat clavis inclusa literis: ea scilicet quâ referari arculam oportebat; Eam Rex auidè manū tenens, perseverabat in lectione Epistolæ. Nihil ampliùs Poliarchus vel Archombrotus dubitabant quin aliquid magni efficacissimæ literæ afferrent. Tandem ad mensam vicino parieti applicitam Meleander accedit, solusque curiosè in apertâ cistulâ recognoscit quid lateret. Aliquot epistolæ inerant; quas ille perlectas cum suspiriis & fletu

osculabatur. Annulus quoque, & arcanæ rei pignora quædam ipsi notissima, fidem seni faciebant, vera scripsisse Hyaniſbem.

Ergo victus magnitudine improuisi affectûs; simul à Poliarcho petit, vt excuset necessaria quædam arcana breuiter exequentem, simul mirantem Archombrotum rapit familiaris ad eandem illam mensam, & oculis literas Hyaniſbes obiicit; quas ille dum legit, Meleander in eius collum effunditur; moxque iuuenis obiectus ad genua, confusione oris, alióque quàm solebat venerationis genere, omnium qui astabant mentes permouit. Præcipuè Poliarchum scena illa turbabat. Videretne æmulum suum, ad amplexus, & omnia intimæ charitatis indicia acciri? Staret ipse interim neglectus Meleandro, relictusque scilicet qui colloqueretur Eurymedi? Is enim officij causâ paulatim ad illius latus accesserat, dum

Archombroto Melcander loquitur; ne indecenter in mediâ aulâ solus ille Rex esset. Hæc tumidè agitati ingens ad sæuissimam indignationem pondus accessit. Nam admonita Argenis à patre se vocari, intrat cœnaculum, cùmque Rex aliqua venientem docuisset quæ percipi à remotis non poterant, spontè ipsa ceruicem Archombroti petentis osculum vtraque manu iunxit. Miscuere deinde lachrymas quas gaudio esse expressas ex reliquo vultu scires; dextramque tanquam in fidissimam amoris sacramentum, in cupientis Archombroti manum inseruit.

Iam vicerat furor Poliarchi patientiam, eratque impetus hæc inuisa sibi gaudia turbandi. Ignarus quos peius deuoueret, Hyanisbem, Meleandrum, Archombrotum; adhuc aliquid amplius irascebatur, eminente rabie in Argenidem, quam vlciisci saltem illatâ sibi morte decreuerat. Et vt omni ser-

mone celerior est cogitatio, præsertim irata, multa ille atque atrocita breuissimo tempore animo suo complexus est. Hanc igitur mihi gratiam retulit Hyannisbe, per mea meorumque vulnera incolumis? Patebam incautus venenis; Eius medicos adhibebam ægritudini meæ; Sed noluit me perire, nisi antè contemptus, & coram violatus, non abiudicatam modò, sed fascinatam Argenidem in sui filij collo aspicerem. Misisti me ad istius mortis atrocitatem, venefica? Hæ sunt literæ, hæc promissa, hæc concepta in penatum deorum auribus sacramenta? Stolidiorem me, qui fidem expectabam in Africâ. Sed non inulta fefelleris. Contraham tecum certamina, contraham herculè ad interneccionem tuæ gétis. Quid cogito amens; & longorum solationum spem, tanquam victurus, sollicito? Nonne vides quos perire illicò, sed tecum oporteat? Ibo; & carnifici illi adimam

spiritum, qui per meam victoriam Sardiniae regno potitus, etiam hymenæum occupare non dubitat; & inue-recundæ Argenidi saltem eius sanguine ruborem faciam. Tum malignum hunc senem, hanc laruam, hanc fabulam, obtruncabo, priusquam ad auxilium ulli procurrant. Simul ipsi Argenidi, Argenidi, inquam. Hæsit miser in cogitatione decreti crudelis. Sed quid attinet virgini amenti sanguinem mittere? Melius flagitij sui memoriâ, & meo vulnere morietur. Aperiam meum pectus, & vbi cruore exūdabit, iniiciam me totum in furiarum omen trepidanti. Nam nisi mori sic vellem, possem excire meos milites, possem hæc recta incolumis in hostium capita effundere. Sed vivere nolo, ne reconciliari possim Argenidi.

Hæc & similia furoris consilia agitando spatium fuit, dum primæ amoris blanditiæ, Meleandrum, Archombro-

mone celerior est cogitatio, præsertim irata, multa ille atque atrocita breuissimo tempore animo suo complexus est. Hanc igitur mihi gratiam retulit Hyannisbe, per mea meorumque vulnera incolumis? Patebam incautus venenis; Eius medicos adhibebam ægritudini meæ; Sed noluit me perire, nisi antè contemptus, & coram violatus, non abiudicatam modò, sed fascinatam Argenidem in sui filij collo aspicerem. Misisti me ad istius mortis atrocitatem, venefica? Hæ sunt literæ, hæc promissa, hæc concepta in penatum deorum auribus sacramenta? Stolidiorem me, qui fidem expectabam in Africâ. Sed non inulta fefelleris. Contraham tecum certamina, contraham herculè ad interneccionem tuæ gētis. Quid cogito amens; & longorum solatiorum spem, tanquam victurus, sollicito? Nonne vides quos perire illicò, sed tecum oporteat? Ibo; & carnifici illi adimam

spiritum, qui per meam victoriam Sardinia regno potitus, etiam hymenæum occupare non dubitat; & inuerecundæ Argenidi saltem eius sanguine ruborem faciam. Tum malignum hunc senem, hanc larvam, hanc fabulam, obtruncabo, priusquam ad auxilium vlli procurrant. Simul ipsi Argenidi, Argenidi, inquam. Hæsit miser in cogitatione decreti crudelis. Sed quid attinet virgini amenti sanguinem mittere? Melius flagitij sui memoriâ, & meo vulnere morietur. Aperiam meum pectus, & ubi cruore exūdabit, iniiciam me totum in furiarum omen trepidanti. Nam nisi mori sic vellem, possem excire meos milites, possem hæc recta incolumis in hostium capita effundere. Sed viuere nolo, ne reconciliari possim Argenidi.

Hæc & similia furoris consilia agitando spatium fuit, dum primæ amoris blanditiæ, Meleandrum, Archombro-

tum, atque Argenidem, per cæterarum rerum obliuia trahunt. Præceptaque, & obfirmatâ ad facinus mente, iam tangebatur capulum; cùm numina tam fœdè errare infontem non tulerunt. In ipso igitur articulo, ignarus harum furiarum Meleander, ad illum accedens, Ignosce, inquit, hospes, quòd nos ab officio tui colendi paulisper insperata auertit læticia, quam non minus fore gaudebis, quàm me modò & Argenidem vidisti. Veni mortalium charissime, fœlicitatis nostræ compar, & intellige quid hic dies de te meruerit. Mutatus hoc sermone Poliarchus, & in tantâ varietate affectuum nescius quid expectaret, sentirètve, non repugnauit ducenti Melandro. Vbi verò propter Archombrotum, & Argenidem constitere, tum Meleander iam non adeò pressâ voce, vt circumstantium proximi non audirent; O fœcundum, ait, hunc diem! ô meæ sene-

etuti propitium, quam antea in vnâ filiâ acquiescentem, duobus & talibus liberis auxit! Absit Cœlitum inuidia. Quis me mortalium fortunatior; aut cui preciosius debeat esse id pauxillum vitæ quod superest? Ergo per tot ambages, per tot minarum tormenta, crumpens industria factorum, hæc mihi præsidia, hæc decora familiæ parabat? Desine Archombroto irasci, ô hospes, ô maxime Regum, & quod utroque præstantius nomen est, Poliarche. Diu est quòd sensi odia vestra. Vterque amabatis Argenidem; vtriusque erit Argenis. Huic enim quam genui, in sororem affectus durabit. Tibi autem, nisi aliter sentis, eam vxorem despondeo. Nam quòd à Sicilia hereditate excidit, agnito fratre, nihil minùs, vt te noui, aut tu amabis, aut Regina hæc erit. Quippe Sardinia, & quicquid Radirobanis fuit (quod deinde & passus es Archombroto esse)

hanc in dotem sequetur. Ita mecum filius meus constituit. Tu Archombrote prior omnem inimicitiam eiura; & Regi Poliarcho sororem tuam trade.

Putasset hoc quisquam? Archombroto conciliatore, dextramque puellæ admouente, inuitabatur ad Argenidis nuptias Poliarchus, qui in tali fortunæ ludo cunctabatur credere se esse fœlicem. Erubescibat quoque Argenis; & modò dum obstabant votis bella, vel pater; tam viriliter audax, tam propè contumax in parentem, & sequutura Poliarchum quocunque iuberet; nunc facilibus rebus, se virginem esse meminerat. Poliarchus simul virgini manum dare, simul gratias agere Melcandro; etiàmque mirari quâ ratione Archombrotus tam subitò euassisset Argenidis frater. Tum, vt fit in magnis & repentinis rebus, omnes sine ordine, simulque loquebantur. Redibat iuuenibus mutua inter se gra-

tia, quam olim auspicati apud Timocleam fuerant. Senex cum virgine receperat spiritum; & Principum alacritas se in intuentes diffundebat. Stabant nunc Proceres silentio defixi, nunc confusis inter se vocibus aulam implebant. Plures quoque ad famam intraverunt. Nec ingrata Meleandro frequentia fuit. Nam tantas res, tamque publicas, ab omnibus sciri intererat. Itaque clarâ voce, quâmq; in sene impetus gaudij fortiùs pulsabat; Optimi ciues, inquit, & hospites, quos hic dies in multiplicis fœderis sanctitatem coëgit; Agite omnes, gratamini Regibus vestris, & quod superest lucis inter sacra impendite. Venire in crastinum vniuersos iubeo ad aulae vestibulum. Illic & populus præterea & milites implebunt concionem, ne quis deorum consilia ignoret, qui nescio an aliis vnquam veriùs quàm nobis indulserint. Vos tamen & censeo æquum

iam nunc cōpendio tanta gaudiā præcipere. Comperi Archombrotum ex me genitum esse. Hunc mihi vxor in scio peperit. Regi autem Poliarcho filia meā nubet. Ite læti, & omnium pulcherrimum diem, si lubet, peruigilio vocate. Ego interim cum genero & filio quæ in rem sunt constituam.

Sic dimissis Proceribus, Poliarchum in interiorem regiæ partem duxit, eā vespērā inter charissimorum consortia exultaturus. Quæ tum vota singulorum, qui sensus fuere? Castissimæ Argenidi aderat fructus constantiæ; per uiceratque tot malis, ne quā videretur optimā sorte dignior esse. Poliarcho iam æmulationis, iam ægritudinis oblito, iucundissimum erat traduci soceri risu, quòd osculis inuidisset quæ Argenis Archombroto sororiā charitate posuerat. Vtrumque præterea Meleander ridebat, nunc generum Archombrotum, nunc Poliarchum The-

ocrinem vocādo. Et ab Argenide quæ-
rebat Archombrotus, quid se agnito
lætata potissimùm esset; an quòd fra-
trem se haberet, an quòd sponsum non
esset habitura? Inter hos iocos, vix quic-
quam negociis permittebat hilaritas.
Ipse Aneroeſtus supercilium posuerat,
audebátque lætari; & quāquam in sub-
horridā veste, Regis in modum à Me-
leandro & Argenide colebatur. Pauci
erant ex secretiori cohorte amicorum
rātæ remissionis conscij. Tamen Ane-
roestus, Ibburranes, Dunalbius, cū Re-
gibus cœnauerunt. Gelanorus, Arsidas,
Gobryásque intererant, Maurúsque
Micipsa, & cum Cleobulo Eurymedes.
Nicomompus bis à Rege vocatus paulò
seriùs venit. Nam condendo epithala-
mio secesserat. Vna porrò ex Matronis
Timoclea Argenidē comitabatur. Hi
propemodum soli Regibus ad eam cœ-
nam ministri fuere. Et omnibus quidē
præcipuus de Poliarcho erat sermo, ut

amasset, ut tanquam suæ sortis oblitus
adiisset pericula, ignotus, prodigus sui,
nec à fortunâ nec ab hostibus tutus.
Vnde is ardor, quæve initia ad tantæ
constantiaæ amorem fuissent! Ille verò
avidissimè audientibus referebat, se de
Argenidis formâ atque virtutibus mul-
ta inaudisse in Galliâ; hinc subiectos
iuuenili animo stimulos, quos tantæ
indolis admiratio, aut veriùs ipsa fata
sensim auxerunt; Ac cùm sciret spem
connubij Siculis legibus interciscam,
quæ Gallicas damnabant nuptias, hoc
velut obice irritatam cupiditatem a-
criùs exarsisse; Et se quidem simulatâ
pietate in deos externos quasi eorum
templa peteret, solum cum Gelanoro
(qui quâquam ingenuus spontè liberti
personam induerat) nauigauisse in Si-
ciliam, eo consilio ut præsens agno-
sceret essetne par famæ Argenis, & eo
bello digna quod ipse in Siculas leges
meditabatur, si illâ, ut aliquando fore

sperabat, obsequiis suis demeritâ, cæ
 solæ morarentur felicitatem suam;
 Cùm verò Siciliam intrauit, ne vsur-
 pare quidem oculis virginem licuisse,
 quam scilicet munimentis arcis inclu-
 sam nefas erat à viris tunc conspici.
 Hinc fœlicissimæ temeritatis cōsiliū
 se sumpsisse, vt muliebri stolâ virgi-
 nem simularet, vt Selenissæ impone-
 ret, appellareturque Theocrine. Cæ-
 tera narraturum adiuuit Meleander,
 inter risum stuporémque repetens me-
 moriâ, quàm ille omnia similis puellæ
 venisset; quàm lachrimabili fabulâ e-
 licuisset misericordiam suam, aditum-
 que inuenisset ad Argenidem; quâ de-
 nique virtutē, quo robore, domuisset
 Sicarios qui in arcem intrauerant, &
 de Theocrine facta Pallas fuisset.

A Poliarcho deinde ad Archom-
 brotum sermone traducto, plurima
 quoque in eo mirabantur. Ergo ille
 debebatur Siciliæ Princeps, insciúsque

quem coleret Meleandrum amauerat! Ut diu Hyaniſbe habuiſſet rem ſecretam! ut tempori retexiſſet! quàm ſimilem repertis ad aurium voluptatem commentis diſſe hunc contextum rerum dediſſent! Eos interim docebat Meleander ſuum in Africâ coniugium; & quantum fas erat per præſentem læticiam, ingemiſcebat vxori defunctæ: Sæpiùſque, & per partes cuncta narrando, ea ipſa digerebat quæ poſtridie in concione diſſereret.

Multùm noctis proceſſerat, cùm à cœna reſeſſum eſt. Vbi prope ortum ſol fuit, quotquot Paſſormi erant, impediti frondibus caput, confluxerunt ad regiam. Anguſta multitudinì atria erant. Hi in muros euafere, aut ſubitaria theatra impleuerunt. Alij applicuerant ſcalas, quibus plùs iuſto oneratis, haud pauca defluerunt in ſubiectos. Ad ipſas palatij fores, exigua ſcenæ ſpecies penè ad altitudinem hominis

minis attollebatur. Illic Regum suggestus eminebant; duo quidem fronte æquali quibus Poliarachus & Meleander sederunt; Totidem paulò interiùs ad latus recesserant, Archombroto Argenidique ornati. Postquam Reges præbuere se populo, & præco plausum compescuit; nonnihil moratus Meleander; Si quid ominosum, inquit, afferrem, (optimi hospites, atque ciues) arte aliquâ esset opus, & veluti condimento, quo illud apud vestra mitigarem ingenia. Nunc quid opus est anxiam eloquentiam commendare decorum munera, quæ ipsi tantopere ornarunt? Afferro vobis læticiam, Regibus gentibusque pacem ac fœdera, hostibus nostri nominis pauorem, tumultus, exitium. Nec vos credo hæc ipsa ad quæ audienda conuenistis ignorare. Aliquis deus, & ipsa si quod numen habet fama, haud dubiè sparsit in vobis celebrari hunc diem filia meæ

nuptiis cum Rege Poliarcho, & veluti altero natali filij mei (flexâque ceruice in assurgentem Archombrotum respexit.) Quem cur tamdiu ignorarim, cur nunc demum agnouerim, operæ precium erit (ciues) & vos quoque cognoscere. Accipe Reginae Mauritaniae litteras, Præco, & quantum voce vales publicè recita.

Tum præco traditam epistolam in hunc modum exorsus est. Regina Hyanisce Regi Meleandro salutem. Tuâ virtute an vitio dicam factum, ut ante hunc diem non censerem gaudium tibi dandum, quo nunc miratam impertiar? Nam & vitio duco, quòd cum Annâ meâ sorore nuptias me celatam voluisti, nec deinde eâ extinctâ quæsiisti, an inde tibi aliquid superesset. Virtutem porrò tuam sic colui, ut tradere tibi stirpem noluerim, nisi experimento prius capto, an te digna adulesceret. Nunc cum omnia generi

consentiant, aperiendum est quod tot
annis apud me continui. Cùm soror-
em meam Annam tibi occultis nu-
ptam auspiciis, apud nos reliquisses in
tuam Siciliam iturus, effluxissentque
menses quibus ipsa crescentem vterum
variâ arte celavit, tandem cœpit acriter
ægotare. Nos alium morbum ratæ
inutilia ferebamus remedia. Sed illa
mortis omen concipiens, ita me solam
affata est. Ignosce, mea soror, non aliam
deprecanti quàm silentij culpam. Me-
leandri Siciliae Regis vxor sum. In par-
tu iam laboro; nec incolumis, nisi do-
lores fallunt, enitar. Si quid ex me na-
tum viuet, tuum arbitrium esto, soror,
vel alere, vel patri transmittere. Mal-
lem tamen secretum asseruari; ne me
populus matrem prius quàm nuptam
intelligat. Cæterum suppressendi fœ-
deris nostri causæ variæ fuerunt; tum
quòd Numidam Cyrthum, importu-
num mihi procum, & vi fortè vsurum,

metuebamus; tum quòd Meleander regiâ pompâ, quam ornatius discessit, sibi me iungi concupiit; denique miseram me pudor tenebat; quem heu timeo etiamnum & loquendo ne violem. En, soror, ad pulvinum coniugij leges ipsius Meleandri manu scriptæ, quibus & ego meo nomine appposito addidi fidem. (simulque tabellas tradidit) In istâ autem pyxide sunt arcanorum nostrorum conscia notæ, aliquot literæ, annulique, & ex vtriusque crine armilla. Cùm hæc ostendes, sciet me tibi omnem rem credidisse. In ipso sermone vocem amisit. Ego refectam solata, paucas fidissimarum matronarum aduocaui; & sedulò quæ necessaria erant curauimus. Sed vincebat artem dolor. Peperit tamen filium; quem oculis viuentis admouimus. Petij deinde, an cogere vires posset ad breuissimam scriptionem; nescio quo numine ad res quas hodie agimus iam

tum meam curam instituyente. Fecit illa, & in tabellis exaravit se mori, se filium tuum mihi relinquere. Agnosces manum illius (ô Rex) quamvis literas malè ductas morbi tremor confuderit. Nec multò post inter meos complexus extincta est. Quatuor omnino matronæ mecum erant. Ego cuidam Sophonemæ, cui apud me potissimum fides erat, infantem permitto; ageret eius curam; nutricem inueniret ignaram quem aleret. Verita quoque ne quid ex tot consciis vlla effunderet, per eandem deinde Sophonemem cæteras fallo, vt crederent infantem obiisse. Inter eosdem dies frater Iuba decedens reliquit mihi regnum; & vir Syphax, fatis quodam agmine in nos ruentibus, vitâ functus est. Ego tot luctibus plena, non tui Meleander, non sororis oblita sum. Prægnantem me fingo; deinde posthumum edere mentior, adiuuante eadem So-

phoneme. Supponi tunc mihi tuus non potuit. Nam non conuenisset tot mensium infans puerperæ. Sed commodum fœtum Sophoneme cunis inseruit; quem deinde meo iussu alédum abuexit; Ego simulans fascini metum, vetui ne quis vltra nutrices, vnámque Sophonemem, filium meum inspiceret. Ita biennio circumactō facile fuit Hyempsalem tuum (ita moriens mater appellauit de nomine aui) tanquam ex me natum ostendere. Huic me deinceps, huic & regnum seruauī. Nullæ me impulere ad nuptias vicinorum Regum preces. Postquam annorum viginti trium fuit, apud illum commendaui virtutes tuas: hortata sum, vt in rudimentum regnandi ad te profectus, animum suum formaret ex tuo. Et hæc facilius effecturum si omitteret suæ fortunæ insignia, nec pro matre me iactaret; Ne indulgentia tua, & cæterorum adulatio, crudam illam

veramque virtutem auferret, quæ sæpè Principibus viris negata, priuatorum discrimina & fortunam nobilitat. Obsequens dicto iuit; & mirum est adeò placuisse, vt magnus Rex filiam nouissimo coniugio susceptam & in quâ liberorum summam tibi credebatur, ei velles despondere. Cùm id mihi nunciasset, quamquam illius virtute & genio tuo læta, qui fecerat vt adhuc ignotum filium amares; tamen ad incestarum nuptiarum omen expaui, ne frater sorori iungeretur. Adhuc me alia pericula terrebant; Radirobane in Africæ pernitiem cum exercitu veniente. Igitur nostro Hiempsali, quem Archombrotum appellatis, ita scripsi, vt nuptias iam apud vos vt audio constitutas differrem; & ipse ad auxilium meum accitus cum classe veniret. Sera tamen fuissent auxilia, nec inuenisset quam iuaret, ni Regem Poliarchum cum Gallorum suorum

exercitu nobis tempestas dedisset. Huius virtute, opima Radirobanis in Martis nostri templo sunt. Sed penè tristiora fuere apud nos pace quàm bello discrimina: Poliarcho atque Hyempsale sæuissimâ æmulatione ardentibus. Causa odij tua Argenis; cuius nuptias vterque supra humanæ cupiditatis morem ambit. Intellecto filij tui errore, ab iis impetraui, ne priùs furiosa lis ad ferrum perueniret, quàm tibi tradidissent has literas. Illicò vtrumque voti compotem fore. Quod ita demum erit, si tuum filium agnosces, & Poliarcho Regi, quo propior factis deorum, & virtutibus, hodie nemo viuit, filiam tuam dabis vxorem. Dotem ex tuis vel meis rebus ei dicas permitto. Sicilia, Mauritania, recénsque incrementum Sardinia, satis erunt, vt & filius opulentissimè regnet; & gnata pro genere & sorte collocetur. Mitto in arculâ quicquid arcani mihi

foror moriens reliquit; inter cætera ultimas ad te literas, quibus se superstite filio extinguī significat. Quæ omnia ipso hoc anno tantum non perierunt. Arculam, proh nefas! rapuerant peiratæ. Sed Rex Poliarchus cæsis latronibus mihi inuiolatam restituit. Ita pro parte huic etiam filium tuum debes; debeo ego regnum, iamdiu tuo Hyempsali destinatum. Præter Argenidem nihil ad hæc opera mercedis est. Vale; & fœlicitate quam dii faciunt senium tuum oblecta.

Longissimas literas raucus præco vix absoluit. Lectionem confusæ in populo voces sequutæ sunt. Plerique audierant, alij quærendo rogandoque peritos turbabant. Multis quoque literæ erant obscuræ; quod futurum haud dubius Meleander, cœpit has ipsas aliâ oratione exponere. Historiam suæ iuuentutis repetiit; vt patre iubente vxorem olim duxisset Brutio-

rum Principis filiam , quæ sexennio
nupta ac sterilis, decesserat ex vulnere,
quod de equo intervenandum lapsa in
stipite accepit. Tunc se tricesimum
quintum ætatis annum egisse , patre
adhuc superstite. Eâdem tempestate
regnasse in Mauritaniâ Iubam Siciliæ
amicum, ad quem cum paucis comi-
tibus profectus est , auerendi luctûs
causâ, quem mors vxoris faciebat. De-
inde memorabat duas sorores Iubæ
fuisse. Seniore Hyanißem, Syphaci,
potenti illi viro collocatam ; Annam
iuniori nomen fuisse, eâque habuisse
ex Numidiâ procum, qui Cyrthus di-
cebatur, tantarum virium hominem,
vt hunc Iuba , quamuis sibi non pro-
batum timeret offendere. Se interim
Annæ amore correptum ; virginique
illum Numidam exoso placuisse. Se-
cretis ergo fœderibus cõsensisse vtrum-
que in nuptias; eâque admonente con-
trahendas ex Siciliâ vires priusquam

huic Numidæ palàm obstitaret, se nauigasse in patriam; Et illic, ne promisso tempore in Africam rediret, patris funere fuisse tardatum. Inter has moras de Annæ interitu audiuisse, & omisâ Mauritanîâ amauisse Siculam virginem, patruo suo genitam; ex quâ nata erat Argenis. Cætera ex Hyanisbes epistolâ habetis, Optimi ciues, vt ipsa fratri Iubæ in regnum successerit, vt hunc mihi filium Anna pepererit. Veri pignora in obsignatâ arculâ misit; mihi quidem maximo prætetitarum rerum sensu recognita.

Tum in Poliarchum intuitus; Te verò maxime Regum, inquit, quo nomine compellem; cuius munus est quòd viuimus, quòdque regnamus? Tu me vinculis, tu Argenidem ex-misti, cùm in Gynecæo Lycogenis mancipia furerent. Tu in acie meis militibus præiuvisti ad victoriam iter; denique vnus hostes fudisti. Inde meo

heu malo, & quicquid excuses dedecore, excessisti Siciliâ. Nec contumeliæ nostræ tuam bonitatem vicerunt. Læsus quoque amauisti Argenidem. Quid dicam te indicia per quæ ego ad filij notitiam, ille ad patrem perueniret, inuenisse diis ducentibus apud peiratas, & virtute seruauisse? In Africâ autem non triumphare Radirobānem quantæ molis res fuerit, nondum toto sanguine reparato, in tuo vultu pallor ostendit. Vtinam nomen amares quod me tibi submitteret. Socerum dici mauis. Fœlicem Argenidem in tanta fœdera ituram. Tu quidem tuâ virtute damnasti nimis formidolosam maiorum nostrorum solertiam, qui ad Gallicam magnitudinem adeò expauere, vt Siculis Principibus interdicerent coniugia vestra; quasi tanta affinitas seruitutis instar esset. Meruisti vt consensu publico antiquemus omnes hanc legem. Sed &

dij fecerunt, ne opus sit ab eiusmodi sanctione recedere. Filium enim ad quem Sicilia perueniat, mihi restituerunt. Meam autem Argenidem fortuna non inferior, Sardinia cum Liguribus manet; quæ regna, nihil ventantibus legibus nostris tuæ Galliæ adiunget. Hic Archombratus, vti conuenierat, pacem patris petiit ad dicendum. Mox ita Poliarcho. Sardinia possessio, quam habeo, inquit, quid est aliud quàm victoriæ tuæ fructus? Eam debellasti in Africâ. Veni ego ad triumphum. Tu ergo, charissima soror, tu quam à me fuisse amatam vel ipse Poliarchus ignoscit, sume regium insigne, & pro spe Sicilia, in quam me natalium iura inseruere, terrarum omnium quæ sub Radirobane fuerunt, esto Regina. Feres ad virum, quod ipse victoriæ iure ferre potuerat. Simul diadema Sorori imposuit; flente quidem præ læticiæ copiâ Meleandro; populo

autem tãtis acclamationibus rem probante, vt diutissimè auribus vsus abfuerit. Poliarchus vt eloquentiã pollebat, ita cœpit beneficiorum suorum memoriam eleuare, vt solerter augeret; reuerentissimus Meleandri; Archombroto, Argenidi, populo blandus; vt dubium esset arma an pacem magis deceret.

Iãmque omnibus ad templum processuris, filius Nicopompi vix decennium egressus, patre ducente se admouit Argenidi, blandèque epithalamium à patre conditum tradens, se illius authorem non ineptã aut timidã iocositate asseruit. Cùmque eum Meleander vocasset, sibi & Poliarcho iussit eiusdem carminis exemplaria donari, quæ puer præparata manu tenebat; rogandoque cuius opus hoc esset, sæpiùs ad egit ridentem mentiri. Pauci versus, vt ad Principes, & occupatos, erant; idèoque & plures à quibus lege-

rentur habuere.

*Lapsus ab astrifero festa ad connubia cælo
Phæbus adest. Vos, ô Superi, vos cernere
coram*

*Possumus Aonij Vates. En panditur æther,
Et longo in nostras descenditis ordine terras.
Dúmque faces accendit Hymen, dum Nu-
mine pompam*

*Exornat Regina deûm, parvûsque Cupido
Lene facit vulnus, nullóque exerrat in ictu;
Ecce coronatâ plectrum testudine ducens,
Sic pulcher roseo Latonius inchoat ore.*

*Iungite cōcordes māsura in fœdera dextras,
Quæ non ulla dies, quæ non fata impia rum-
pant,*

*Iungite iô Reges. Blandis lux aurea surgit
Auspiciis; Hymenæus adest; Date laurea
serta*

*Postibus, & quinos fax pronuba surgat in
ignes.*

Gallica Trinacrios iungūt sibi numina diuos.

O socer! ô sponsi! speratâque turba nepotû!

Aspice nunc fœlix promissa virginis ora.

Palladijs hæc forma genis; hæc alma nitentes
 Fert Cytherea comas; tali Saturnia regnat
 Lumine, vulnificos vel cùm Latonia cinctas
 Exuit, equis suis magnum petit æthera sylvis.
 Talis sponsa venit: Tu diuûm hæc munera,
 Princeps,
 Cuncta vide; mentisq; bonis tamen acrius
 omne

Fige animi lumen: mortalia corda puellæ
 Esse neges, sortisq; tuas æquabis Olympo.
 Illa etiam vultusq; tuos, auroq; nitentem
 Casariam, & castis vibrantia lumina flâmis,
 Cernere gaudet amans; & tunc te mente
 sub altâ
 Effingit, qualis sævis quaterere ardua bellis
 Arma soles; nunc quantus eris patria agmi-
 na quando

Occurrent reduci; pariliq; inuecta triumpho
 Ipsa per effusas tecum spectabitur vrbes.
 Iamq; timet, ne vana ferant hæc gaudia vñi
 Quæ cernit, redeatq; nouis insomnia curis.

Ah ne, Virgo, time: Non hæc efficta sopore
 Læticia est, cupida ve errant ludibria mentis.

Certa

*Certa vides. Adsunt genialia numina mecū.
Stat cūctis mens una deis, vox omnibus una;
Iungite cōcordes mansura in fœdera dextras,
Iungite iō dextras, tu formosissima virgo,
Tuq; viros inter qualis sub nocte serenā
Purpureus socios extinguit Lucifer ignes.
At tu sancta veni, tandemq; merētibus adsis,
Exorata Quies. Satis exhaustere pericli,
Sat pigras perpeffa moras insignia Regum
Pectora; nunc votis expectatoq; fruantur
Connubio. Sic & Tirynthius astra subire
Non nisi bissepi potuit mercede laboris.*

*Iungite cōcordes māsura in fœdera dextras,
Iungite iō dextras. Quò tandem nubila rerū,
Et fœdi cessere dies? En lenius aura
Ridet, & ingenti cumulant sua dona favore
Celicola. Onunquā tranquilla exordia fatis
Herouū eximiis, nec denique naufraga virtus!*

*Parata ad Iunonis Lucinae delubrum
victimæ erant; Augurēsque & Ponti-
ficum ordo, nuptiis omen facturi. Po-
pulus viam hymenæo, aut pæane ce-
lebrabat: Et quia Argenti mater non*

erat, quæ facem nubenti filiæ luceret, is Timocleæ honos, Poliarchi & Archombroti commendatione collatus est. Inuocatis genialibus diis, tutelisque præcipuè ignium qui velatæ Argenidi præferebatur, cum iam in victimas caderet ferrum, Poliarchus sacrorum ministros iubet subsistere, dieique laticia augustior. ita Archombroto loquutus est. Si fas est mihi apud te fidem esse, ô frater, doleo me marito adhuc matronam te quærere. Mihi soror est vultu & indole quæ vel ignobilem commendaret; annorum plûs minûs viginti. Si solida fœdera inter nos placent, hanc tibi iure fraterno despondebo. Et quoniam ritu gentili nulla pars regni in eam cadere potest, dos erit talenta sexcenta præsentia. Meleander sermonis erat arbiter qui Archombrotum non tam cunctantem assentiri (nam placebat affinitas) quàm ius patri facientem vt de nuru statue-

ret, interrogavit an eam sibi his legibus pactam vellet. Argenidem quoque, quamquam inter verecunda tunc sacra silentium tenentem, monuerat Poliarchus, ut fratrem in mutua fœdera sollicitaret. Ille se conditionem accipere apertissimo vultu respondit; amplexusque Poliarchum; Præcepisti mea vota, fortissime Regum. Quis te deus in mei animi secreta perduxit? Ergo hæc etiam sacra mihi absentem coniungant. Tu fidem, charissime, utrimque præstabis. Admoniti sacerdotes ut geminarent auspicia, sedulitate eximiâ circa templum omnia turbabant; Cùmque res emanasset in populum, nouo gratulantium clamore plenus aër præteruolantes aliquot aues intercepto alarum officio exanimavit. Omnes plaudebant. Omnes erant bacchantium læticiæ proximi; Cœtûque confuso, nulla discrimina ordinum tanta gaudia meminerant.

Diis interim profecta dabantur : & cum hostiæ, quarum vna vittati iecoris fuit, placuissent Haruspici; thure accenso Sponsi in fœdera nuptiarum ad aram subiere. Perpetratis denique sacris, iam pompa vertebatur ad regiam, cum in templi vestibulo Anæroestus occurrit discessuris, pallido vultu, & diuinandi stimulis pleno. Nam meritum pectus numina insederant. Igitur quassans emorum deorum furoribus caput, Saluete, inquit, ô Reges, ô numinum cura, exerciti hactenus fatis, nunc eorundem clementiâ experturi nihil virtute iucundius. Fœlicissime senum, ah ne diis exprobra, Meleander, istos annos inter bella scélusque tuorum ciuium consumptos. Viuida ætas, annis que adhuc plurimis suffectura, nihil publicè, nihil domi timebit. Nunc in Africâ videbis Hyannisbem, nunc in Siciliâ illam excipies. Procul mala factionum, procul insi-

diatorum atrocitas. Vestrum senium,
iuuentúsque Archombroti, reueren-
tiâ & errore subiget omnes; Hunc
triumphantem foelix pater de proxi-
mis Brutiis, Lucanísque, & Epeirei lit-
tore aspicias; huius pignora in vestris
adolefcent amplexibus, longam Prin-
cipum feriem datura Siciliæ; Nec cha-
rior tibi gnata nunc Galliæ destinata,
quàm quæ inde nurus adueniet. At vos
fæculi gemmæ, tu Poliarche, túque
Argenis, ne hîc fidei, hîc virtutum præ-
mia, quæ certa vos manent, expectetis
audire. Multa ignoro; multa filenda
sunt. Fata ipsa foelicitatis partem in
quam producti estis, deos celant, ne
illi vobis inuideant. Pauca tamen de
multis accipite. Qui vos amor hodie
iungit, ad senium inuiolatos deducet.
Non eum iurgia, non fastidia, non
ægrarum suspicionum cura libabit.
Proferetis imperij fines. Hinc vos
Rhenus, hinc Oceanus victores aspi-

ciet. Timandræ inter nepotum cuneos
 exultantis imagines, sæpe pro Cybele
 bonus posteritatis error accipiet. Glo-
 riam vestram, fortitudinem, nutus,
 suspicient vicinæ latè gentes; Non ab-
 nuent vinci, non regi. Si quò ibitis,
 ipsa vos salus feret. quicquid optabitis,
 dij vota præuenient. Ac ne fœlicitas
 mortem destituat; nox vna fessos senio
 exoluet, plura mox astra exhibitura
 mortalibus. Nec de famâ dubitate.
 Hanc præstabit æternam historiæ ge-
 nius, quam in gentibus olim sparsam,
 nulla vis, nulla ætas extinguet.

FINIS.



ANTONI QVÆRENGI


CARMEN.

AVDIIT *us* magni primùm Ciceronis ab ore
 Eloquij præstante Molon celeberrimus arte
 Illita Cecropio manantia nectare dicta,
 Obstupuisse diu tacitus, dein fertur acerbis
 Aspera Graiugenùm fata incussasse querelis;
 Quos decus oblitos prisce virtutis in armis,
 Oblitos doctæ studium immortalæ Minervæ,
 Ipsa etiam patria insignis facundia lingue
 Defereret, dominamque orbis migraret in Urbem.

Quàm mutat Fortuna vices! nunc maxima rerùm
 Roma dole; quibus en populis trans ardua claustra
 Italiæ, non laude magis fera bella gerendi,
 Quàm veteris purè cultum sermonis ob usum
 Gaudebas meritò quondam admiranda videri,
 Hos inter nunc mæsta vides, te verba sonante
 Barbara, & infecto Geticas ab sanguine voces,
 Antiqui dulces Latij florere lepores.

Aspice ad Oceani extremos quem Gallica fluctus
 Ora Caledoniæ genuit de stirpe parentis,
 Ut simul ingenio, & lingua vernantis honore
 Augusti referat felix BARCLAIVS ævum.
 Aspice quot fame iam commendata perenni
 Ediderit doctis pridem monumenta libellis.

Et nunc ille animi certissima signa latentis,
 Et docet ingenitos populis deprendere mores,
 Subiiciens oculis longè distantibus orbem.
 Nunc Regum innumeris exercita pectora curis
 Scissa inter procerum studia, insidiâsque clientum,
 Semper & infidas sperantibus exprimit aulas.
 Ille etiam aratas in praelia sua cohortes
 Ducit, & humana perfundit sanguine campos;
 Aut fessa incunda ciens certamina menti
 Dissidiis placidos pugnacibus armat amores.
 Flexamina ô Charites fandi, ô latè inclyta tanto
 Dedecus in nostrum miseri, terra ultima ciue.
 Parce tamen mea Roma queri, sese ille tuorum
 In numerum iam sponte refert, noménque Latinû
 Principis Ausonij donis ingentibus auctus
 Prouehit, & segnes post tempora longa Quirites
 Ad veteres scriptis insignibus excitat artes.



ERRATA.

- Pag. 43. lin. 5. *colles.* lege, *calles.*
 Pag. 57. lin. 8. *dominum.* lege, *domum.*
 Pag. 90. lin. 7. *imparat.* lege, *imperaui.*
 Pag. 94. lin. 13. *Cumque desisset.* lege, *Cumque ille desisset.*
 Pag. 95. lin. 6. *Matronæ, serui.* lege, *Matronæ serui.*
 Pag. 97. lin. 14. *Timocleæ.* lege *Timoclea.*
 Pag. 101. lin. 16. *latrantibus.* lege, *latratibus.*
 Pag. 115. lin. 18. *sit.* lege, *est.*
 Pag. 128. lin. 8. *dele.* *discedere.*
 Pag. 130. lin. 7. *ad se.* lege, *se ad.*
 Pag. 156. lin. 17. *unum.* lege, *illum.*
 Pag. 161. lin. 13. *quidem tecum.* lege, *tecum quidem.*
 Pag. 168. lin. 1. *luros?* lege, *luros qui.*
 Pag. 169. lin. 16. *que contemni.* lege, *que ut contemni.*
 lin. 17. *potest;* *sed.* lege, *potest, ita.*
 Pag. 180. lin. 17. *redit.* lege, *redijt.*
 Pag. 186. lin. 15. *denotæ.* lege, *denota.*
 Pag. 213. lin. 19. *Sicano.* lege, *Sicario.*
 Pag. 229. lin. 17. *aduexisse.* lege, *abuxisse.*
 Pag. 261. lin. 8. *inimicis Ephyræ.* lege, *inimicis Ephyræ.*
 lin. 10. *precipui.* *dum.* lege, *precipui, dum.*
 Pag. 268. lin. 18. *dimisso.* lege, *dimisso.*
 Pag. 282. lin. 11. *admonuit.* lege, *admonuit.*
 Pag. 286. lin. 20. *ueniens, dele.*
 lin. 21. *mutui.* lege, *muti.*
 Pag. 292. lin. 23. *perculsus.* lege, *perculsis.*
 Pag. 308. lin. 21. *capre.* lege, *caprea.*
 Pag. 312. lin. 11. *frontibus.* lege, *frondibus.*
 Pag. 329. lin. 10. *quem.* lege, *quam.*
 Pag. 331. lin. 18. *labent. m.* lege, *labantem.*
 Pag. 332. lin. 21. *crudelitatu.* lege, *credulicatis.*
 Pag. 336. lin. 14. *accipiant.* lege, *accipient.*
 Pag. 341. lin. 9. *ne parceret volenti precipere.* lege, *ne parceret qua*
uidebantur precipere.
 Pag. 347. lin. 6. *se se* lege, *se se.*
 Pag. 380. lin. 21. *naufrago.* lege, *naufragio.*

- Pag. 391. lin. 10. *insana emulatio referebat; & hunc quidem dissimulato. lege, per insanam emulationem oblatum, dissimulato.*
lin. 14. *Poliarchus. lege, ille.*
- Pag. 417. lin. 16. *viriumque suarum fiducia. lege, quibus maxima erat virium suarum fiducia.*
- Pag. 418. lin. 4. *acrior. lege, acrior.*
- Pag. 425. lin. 11. *Et quidem gratias dñs habeo. lege, Et dñs quidem gratias habeo.*
- Pag. 442. lin. 4. *ferendum. lege, ferendam.*
- Pag. 456. lin. 12. *montibus hasta. lege, montibus hasta.*
- Pag. 433. lin. 1. *moli. lege, mole.*
- Pag. 559. lin. 20. *inexpectaram. lege, inexpectatam.*
- Pag. 587. lin. 8. *palatim. lege, paulatim.*
- Pag. 617. lin. 20. *&. lege, e.*
- Pag. 887. lin. 16. *auditu. lege, audisti.*
- Pag. 1027. lin. 12. *absque quo esset in servitutem. lege, absque quo in servitutem.*

